


x

Al. 24/1

M



THE
ELEMENTS

OF
ARITHMETIC

BY
JOHN WALLIS

LONDON
PRINTED BY...

M

L

Prima Edizione di quest'ope-
ra molto stimata vedi
all'indice. Det.

QA

31

.E93


1574

v. 1

Jesuitana

CCC 53424796

9129/5005



EVCLIDIS
ELEMENTORVM
LIBRI XV.

ACCESSIT XVI. DE SOLIDORUM Regularium comparatione.

Lou. J. Josephi
OMNES PERSPICVVS DEMONSTRATIONIBUS, accuratisq; scholijis illustrati. *noy*

AVCTORE

CHRISTOPHORO CLAVIO
BAMBERGENSI.
SOCIETATIS IESV.

ROMAE,
Apud Vincentium Accoltum. 1574.



EUCLIDIS

ELEMENTORVM

LIBRI XV.

ACCESIT VBI DE SO-

libro XV. de so-
lido. Tabla. Polaris
OMNES TABULAE DE
PROPRIETATE, ACCURATE
IN LIBRO. *Donec*
de curia
de curia

AVCTORE

CHRISTOPHO CLAVIO

SOCTIETATE 1577.

R. O. M. A. E.
APUD ALBERTUM COELEN. 1774.

SERENISSIMO


PRINCIPIS

AC D. D. EMANVELI

PHILIBERTO

Sabaudia Ducis.

CHRISTOPHORVS CLAVIVS
SOCIETATIS IESV S. P. D.



EST profecto (quod te non fugit) Princeps Sereniss. præclara quædam res, ac plane diuina, rerum cognitio, quæ merito in optimo quoque; incredibile sui desiderium excitat, quo facilius hæc hominum breuis, & calamitosa uita,

a 2 igno-

ignorantia quasi tenebris disiectis, & ad exitum ipsa suum perueniat, & omnia quae accidere possunt, incommoda leuiora ducat. Ac si ea quae sunt a summis philosophiae principibus de liberalium artium dignitate vere ac sapienter scripta, falsa esse non credimus; nemini dubium esse potest, quin & rerum obscuritate, & incerta cognitione, mirum in modum minuatur illa siue uoluptas, siue animi iucunditas appellanda est, quae ex ipsa alioqui rerum contemplatione percipi solet. Equidem fateor (quod summo uir ingenio dixit Aristoteles) eximiam quandam esse in naturae peruestigatione positam delectationem, rerumque naturalium scientiam, multis philosophiae partibus nobilitate praecellere: Sed quis non uideat in tanta opinionum uarietate, quarum (cum sit unica ueritas) aut non plus una ueram, aut omnes falsas esse necesse est, multum uel inconstantiae, uel errori relictum esse loci, quo quidem nihil esse potest a scientia magis alienum? Quod si (ut est apud eundem peripateticae disciplinae principem) doctrinarum nobilitas tum ex rerum dignitate, tum ex elaborata probandi ratione pendet; quid de mathematicis disciplinis existiman-

EPISTOLA.

Stimandū est, quæ ut de rerū præstantia nihil
 dicam, tantam habent suis in rationibus fir-
 mitatem, ut non tam persuadere, quam
 uim quodammodo afferre uideantur. Quo-
 tus enim quisque est, qui Archimedis, &
 Apollonij, cæterorumque Mathematico-
 rum libros legens acutissimorum hominum
 non admiretur ingenia, & menti suæ firmis-
 simas quasdam quasi machinas admoueri
 non sentiat, ut ijs quæ illi tradunt, uel in-
 uitus assentiri cogatur? Quæ quidem ex re
 dici uix potest, quantam animus noster ca-
 piat voluptatem, dum ita in sententia per-
 stat, remque omnem plane percipit, ac tenet,
 ut neutram in partem dubius inclinet,
 nusquam fluctuet, nedum falsis opinionibus
 imbuatur. Cuius sane tam certæ tam-
 que accuratæ scientiæ, cum solum ac fun-
 damentum Euclidis, quæ dicuntur, ele-
 menta communi omnium Mathematico-
 rum consensu existimentur; Tantam pro-
 fecto summus ille vir apud posteros laudem
 meretur, quanta optimo in primis diligen-
 tissimoque magistro, atque ipsi etiam primo
 artis inuentori iure debetur. Quo magis
 eorum probanda uidetur industria, qui in
 his ipsis elementis aut explicandis, aut illu-

strandis studium, atque operam collocant, ut quanto hæc mathematicarum disciplinarum initia aut facilia, aut firmiora fuerint, tanto quæ consequuntur omnia planius cognoscantur. Quæ cum ego multos annos partim publice docendo, partim priuatim commentando, & cum alijs viris doctis communicando diligentius pertractassem, collegissemque (ut fere fit) in meum priuatum usum nonnulla, quæ ad eorum cognitionem facere uiderentur; faciendum mihi necessario existimaui, præsertim auditorum, amicorumque meorum precibus fatigatus, præterea Laurentij Castellani ciuis Romani liberalitate inuitatus, qui oēs ad id necessari os sumpt⁹ benigne admodū suppeditauit, ad publicā studiosorum utilitatē, in lucem manusque hominum exire permitterem. Tibi uero potissimū Princeps Sereniss. has meas lucubrationes dicaui, primum quod tibi Mathematicorum omnium eximio patrono hæc nostra maxime studia cordi esse intelligebam; deinde quod pro tua in nostrū ordinem uniuersum singulari beneuolentia, atque promeritis aliquod tibi grati animi indicium extare societas nostra uehementer optabat. Huc accedebat priuatum etiam
studium

EPISTOLA.


studium in te meum, quod ab humanitate tua singulari, oratorisque tui Vincentij Pappæ viri amplissimi benevolentia prouocatus, nihilo tibi minus ego sum priuatim obstrictus, quam publice Societas nostra vniuersa. Accipe igitur hoc tenuitatis nostræ munusculū, si rem spectes, exiguum illud quidem, & meritis tuis longe impar; sin animum intuearis, amoris & obseruantix plenissimum. Quod si tibi gratum iucundumq; accidisse cognouero, cum satis amplam laboris mei mercedem ac præmium me tulisse existimabo, tum vero ad alia eiusdem generis commentanda, & elucubranda, si otium & occasio se offeret, efficiar alacrior. Vale.

ROMÆ, KALENDIS FEBR.

M. D. LXXIIII.



LECTORI. S.



SI quis forte miratur, cur post tot præclarissimos in Euclidis elementa Geometrica commentarios ab egregijs, & in primis Mathematicarum rerum peritis scriptoribus editos, nouas adhuc ipsi commentationes conscripserimus, is facile sibi persuadebit, non temere id a nobis esse factum, si consilij nostri rationem cognouerit. Cum enim longa, diuturna que experientia nobis esset perspectum, atque exploratum, eam esse utilitatem, atque adeo necessitatẽ horum elementorum, ut frustra quisquam se speret ipsorum præsidio, acutissimas, subtilissimasque Archimedis, Apollonij, Theodosij, Menclai, Ptolomai, cæterorumque illustrium Mathematicorum demonstrationes posse percipere; uehementer dolebamus, tam insignem, & illustrem auctorem a plerisque omnino negligi, a perpaucis uero pro dignitate tractari, ita ut uix hoc nostro seculo reperiantur, qui sedulã operã, ac studiũ in perdiscendis his elementis ponant, ob eam potissimum, ut arbitror causam, quod difficultate rerum, quas tractant, atq; obscuritate deterreantur, nullũq; habeant hac in re ductẽ, quem sibi citra erroris periculum sequendum proponant. Extant quidem commentarij Campani, ac Theonis in singulos Euclidis libros sane eruditi, qui satis esse possint cuius ad facile consequen-

sequendam horum elementorum doctrinam : Sed alter secutus in omnibus est traditionem Arabum, qui magna ex parte Euclidis ordinem, ac methodum peruerterunt, uerbaque propositionum eiusdem locis non paucis immutarunt, ut uerus, germanusque auctoris sensus perdifficile possit intelligi; id quod maxime in decimo libro perspicitur : Alter (Theonem intelligo) pene innumeris mendis, uitijque incuria librorum ita est deprauatus, & propter notas græcas, quæ in eius demonstrationibus adhibentur, obscuras illas, ac male expressas adeo impeditus, ut magnam difficultatem inexercitatis ingenij, perplexitatemque gignat. Quo fit, ut Euclidem sine maximo labore, ac studio nemo percipiat. Iam si alij ad nostram usque memoriam maius aliquod studium, operamque in hoc munus interpretandi Euclidis elementa contulerunt, hi uel sex priores tantum libros exposuerunt, uel si qui in uniuersum Euclidem commentarios ediderunt, hi persæpe, relictis antiquorum demonstrationibus certissimis, (Federicum tamen Commandinum Urbinatam Geometram peritissimum excipio, cuius opera, atque diligentia Euclides latine redditus, & in pristinum nitorem, iuxta ueterum interpretum sensum, ac traditionem, restitutus, nunc denuo prodijt in lucem,) proprias alias, ac nouas confixerunt, quæ plerunque non tam firmæ sint, neque rem ipsam simpliciter, & absolute conficiunt; præsertim quod modo e propositionibus uoces quasdam perperam detrahunt, modo alias inepte apponunt, modo denique nonnullas temere immutant, ut merito de uero, proprioque Euclidis sensu dubitare quis possit. Quæ cum ita sint, resque

resque ac scientia tam præclara digna sit, quæ ope-
 studio, industria ab ijs adiuuetur, qui aliquid ad hoc
 momenti asserre possunt post diuturni temporis in re-
 bus mathematicis operam collocatam; faciendum pu-
 tauimus, ut lucubrationes nostras, ac uigilias studio
 sis harum rerum nonnihil (nisi fallimur,) subsidij al-
 laturas, in publicum ederemus. Accessit editionis cau-
 sa altera: Nam cum Euclides, propter singularem
 utilitatem, instar enchiridij, manibus semper debeat
 circumgestari, neque unquam deponi ab his, qui fru-
 ctum aliquem serium ex hoc suauis Matheseos studio
 capere uolunt, in eoque progredi; id uero in hunc diem,
 exemplaribus omnibus maiore forma impressis, nec-
 dum factum uideamus; hoc nostra editio certe, si ni-
 hil aliud, attulerit commodi, atque emolumenti. Sūt
 enim hi nostri commentarij in uniuersum Euclidem con-
 scripti commodiore nunc forma, quam uulgo ceteri,
 (id quod magnopere a nobis, qui nos audierunt, ef-
 flagitabant,) uolumineq; editi, ut facile iam queant,
 nulloque negotio, e loco in locum, cum res tulerit, fer-
 ri atque portari. Nunc quo modo, uia, ac ratione res
 tota a nobis pertractetur, quidque in hac interpreta-
 tione præstitum sit, paucis accipe. Demonstrationes
 aliorum, maxime Theonis; quas quidem ipsius esse
 Euclidis, non leuibus argumentis adducti quidam as-
 seuerant, & Proclus etiam testatur, breuiores, quan-
 tum per rei difficultatam licuit, uel certe planiores,
 quando illud non potuimus, delucidioresque reddere
 conati sumus. Non enim illas nude, ac totidem uer-
 bis, quot erant scriptæ, proposuimus. Etenim ea est
 interdum illarum breuitas, ut illud accidat, quod ab
 elegan-

 AD LECTOREM. 

elegantissimo poeta dictum est. Brevis esse laboro,
obscurus fio: Interdum etiam, cum breuius, atq; suc-
cinctius, efferi possint, magna, ob longiorem, quam
satis est, sermonem, affertur molestia legenti. Qua-
re utrunque nitantes, eas, uelut παραρραστίνιας, atq;
ad eum fere modum tradidimus, quem, cum publice
Euclidem interpretaremur, obseruauimus; hac etiam
re auditorum desiderio, & uoluntati, quantum est in
nobis, satisfacere cupientes. Ita enim, nostra senten-
tia, Euclides facilius a studiosis, ijs præsertim, qui cen-
tyrones, hæc Mathematica studia nunc primum au-
spicantur, ac maiore uoluptate, utilitateque cogno-
scetur. Præter hæc adiunximus multis in locis uaria
problemata, ac theoremata, scitu non iniuncunda,
neque a scopo Geometriæ aliena, quæ partim ex Pro-
clo, Campano, alijsque auctoribus decerpimus, par-
tim proprio (ut aiunt) Marte, assiduisque medita-
tionibus ipsi consecimus. Data insuper in hoc diligēs
opera, ut definitiones Euclidis, præsertim obscurio-
res, & quæ aliquid uise sunt habere difficultatis, (in
quas plurimi, tanquam in scopulos quosdam, inciden-
tes, a recto cursu deflexerunt, & in errores uarios,
atque absurdos, prorsumque ab instituto disciplinæ
abhorrentes, dilapsi sunt.) dilucide, atque perspicue,
quoad eius fieri potuit, explicarentur; id, quod hæ-
rum artium studiosi facile iudicabunt. Quæ res cum
in ampliorem magnitudinē excrescerent, quam ut unius
libri spatij, hac præsertim forma, commode includi
possent, in duas partes totam tractationem diuisimus.
Alteram nouem prioribus libris continetur: altera sex
reliquos, una cum decimosexto ad comparationes
quinque

quinq; corporũ regulariũ pertinente, quem ex Francisco Flussate Candalla adijcere uoluimus, cõplectitur. Nunc, quia hæc Euclidis elementa ostium, atque aditum ad omnes alias scientias Mathematicas reserant ac patefaciunt, operæ pretium fore duximus, antequam ad ipsa interpretanda aggrediamur, paucis commemorare, unde nam Mathematicæ disciplinæ hoc nomen acceperint; quæ sit earum diuifio; a quibus primum ortæ, & per quos dein de singulæ fuerint excultæ; quanta sit illarum præstantia, atque utilitas, & si qua sunt alia rei nostræ opportuna.



PROLEGOMENA.

MATHEMATICÆ DISCIPLINÆ

CVR SIC DICTAE SINT.



DISCIPLINÆ Mathematicæ, quæ quidē circa quantitatem uersantur omnes, nomen acceperunt a dictione græca μαθημα, siue μαθηματις, quæ significat disciplinam, seu doctrinam. Cur autem hæ artes de quantitate agentis nomen disciplinæ, uel doctrinæ inter reli-

quas, omnes sole sint adeptæ, duas potissimum causas apud probatos scriptores inuenio. Pythagorei enim, atque Platonici existimantes, animas rationales certo quodam, ac determinato numero contineri, easque de corpore in corpus migrare, (quod tamen christiana fides falsum esse perspicue docet) testantur, eas nomen doctrinæ, siue disciplinæ obtinere, quod maxime ex ipsis nanciscamur recordationem, reminiscenciamque illius scientiæ, qua anima nostra (ut eorum est error) antequam corpus informaret, erat prædita. Quod quidem facili, ac familiariter quodam exemplo comprobare nititur Plato in dialogo, qui Menon inscribitur, ubi Socratem introducit puerum quendam interrogantem Geometrica quædam de quadrati dimensione, ad quæ licet in principio responderit, ut puer, gradatim tamen ascendens eo deductus est, ut responderit id, quod tandem dicturus fuisset, si diuissime perdidicisset Geometriam. Alijs autem placet, ideo has artes præ cæteris nomen scientiæ, & doctrinæ sibi uendicare, quod sole modum, rationemque scientiæ retineant. Procedunt enim semper ex præcognitis quibusdam principijs ad conclusiones demonstrandas, quod proprium est minus, atque officium doctrinæ, siue disciplinæ, ut & Aristoteles testatur; neque unquam aliquid non probatum assumunt Mathematici, sed quancumque aliquid docere uolunt, si quid ad eam rem pertinet eorum, quæ ante docuerunt, id sumunt pro concesso, & probato: illud uero modo explicant, de quo ante nihil scriptum est. Quod quidem alias artes, disciplinæ sue nõ semper obseruare uidemus, cum plerumque in confirmationem eorum, quæ ostendere uolunt, ea, quæ nondum sunt explicata, demonstrant, adducant.

1. poster.

DISCI-

DISCIPLINARVM MATHEMATICARVM diuisio.

PYTHAGOREI, quos deinde secuti sunt omnes prope modum Mathematici, atq; Philosophi non pauci, Mathematicas disciplinas uniuersas in quatuor partes distribuerunt, Arithmetican, Musican, Geometriam, ac Astronomiam. Cum enim omnis quantitas, circa quam uersantur, sit uel discreta, sub qua omnes numeri, uel cōtinua, sub qua omnes magnitudines comprehenduntur, & utraque tam secundum se, quam comparatione alterius possit considerari; Visum fuit illis consentaneum, quatuor predictas facultates institere, que utranque quantitatem, pro duplici consideratione diligenter contemplerentur. Itaque Arithmetica agit de quantitate discreta secundum se, inquirendo & accurate explicando omnes numerorum proprietates, ac passiones. Musica tractat eandem quantitatem discretam, siue numerum comparatum cum alio, quatenus nimirum sonorum concentus respicit, atque harmoniā. Geometria de magnitudine siue quātitate cōtinua, secundū se quoq; ut immobilis existit, disputat. Astronomia de ueniq; eandē magnitudinē, ut est mobilis, considerat; qualia sunt caelestia corpora, prout continuo motu cidentur. Ad has autem quatuor scientias Mathematicas, quarū Arithmetica, & Geometria pura, Musica uero, atq; Astronomia mixta dicunt, oēs alia quouis modo de quantitate agentes, qualis est perspectiua, Geographia, & cetera huiusmodi, uel facile, ut ad capita, a quibus dependent, reduci possunt.

ALIA rōne a Gemino antiquo Geometra, & ab alijs, ut auctor est Proclus in cōmētarijs, quos in primū Euclidis librū edidit, Mathematica disciplina diuidunt. Quāquidē diuisionē, quoniā elegāter, copioseq; docet, ad quā se extēdāt Mathematica disciplina, ferme ad uerbū ex Proclo iuxta interpretationē Francisci Barocij Patricij Veneti excerptā hic subijcere statui. Volūt itaq; predicti auctores, sciētiarū Mathematicarū quasdam in intellectibus duntaxat ab omni materia separatis, quasdam uero in sensibus, ita ut attingant materiam sensibus obnoxiam, uersari. Prioris generis statuunt duas longe primas, præcipuasq; scientias, Arithmetican, & Geometriam: In posteriori uero genere constituunt sex, Astrologiam, Perspectiuam, Geodesiam, Canonicā siue Musican, Sapputarriçē, atq; Mecha-

PROLEGOMENA.

Mechanicam. Astrologiam dicunt esse eam facultatem, quæ de mundanis edisserit moribus, de corporum cælestium magnitudinibus, figuris, & illuminationibus, a terraque distantijs, ac de alijs huiusmodi rebus. Huius rursum tres constituuntur partes; Gnomonica, quæ in horarum dimensione, postquam gnomonis exercetur: Meteoroscopica, quæ eleuationum differentias, syderumque reperit distantias, nec non multa alia, & varia Astrologica perdocet theoremata: & Dioptrica, quæ planetarum, cæterarumque stellarum distantias huiusmodi dioptriciis dignoscit instrumentis. Perspectiuam aiunt a Geometria gigni, atque uti radijs visorij, tanquam lineis, et angulis, qui ex hisce constituuntur oculorum radijs. Diuiditur autem in eam, quæ proprio nomine dicitur Perspectiua, quæ quidem reddit causam earum apparentiarum, quæ aliter, quam sint, se se nobis offerre solent, ob eorum, quæ sub uisum cadunt, alios situs, & distantias, ut parallelarum coincidentie, uel quadratorum, tanquam circularum, aspectionit: Et in uniuersam speculariam, quæ circa uarias, multiplicesque versatur refractiones: Nec non in eam, quæ Sciographice, hoc est, umbrarum designatrix appellatur, quæ ostendit, qua ratione fieri possit, ut ea, quæ in imaginibus apparent, haud inconcinna, uel deformia ob designatorum distantias, altitudinesque videantur. Geodesiam appellant eam scientiam, quæ res quantas metitur, ut materiam rerum acruos, tanquam conos, & puicos, tanquam cylindros. Quod quidem non assequitur intellectibus rectis lineis, ut Geometria, sed sensibus tantum, interdum quidem certioribus quodam pacto, ut radijs Solaribus; interdum uero crassioribus, ut spatij, & perpendicularo. Diuiditur hæc, ut Geometria, in eam partem, quæ plana, & in eam, quæ solida dimetitur. Canonicam, siue Musicam, vocant eam scientiam, quæ apparentes concentuum considerat rationes, sensusque ubique uirtut adiniculo; & quæ (ut Plato inquit) talis existit, ut menti aures ipsas preposuisse uideatur. Supputariæ eadem apud ipsos est, quæ apud nos Arithmetica practica. Hæc enim numeros considerat, non ut in intellectibus, sed ut sunt in sensibus ipsis. Mechanica denique, quæ in cognitione rerum sensilium, materieque coniunctarum consistit, apud ipsos multiplex est: Quædam enim est instrumentorum effectrix, quæ ὀργανοποιτικὴν vocatur, eorum, inquam, quæ gerendis sunt bellis idonea,

nea, qualia sane Archimedes etiam fertur construxisse, Syracusae terra, marique obsidentibus resistens; Quaedam mirabilium prorsus rerum effectrix, quae $\theta\upsilon\upsilon\mu\alpha\tau\omicron\tau\omicron\iota\tau\iota\kappa\iota\eta$ dicitur, quippe quae alia quidem spiritibus maximo cum artificio construit, quemadmodum etiam Ctesibius, atque Heron operantur; alia autem ponderibus, quorum motus quidem inaequilibrium, status vero aequilibrium esse causam censendum est, ut Timaeus etiam determinavit; alia vero nervis, spartisque animatas convolutiones; ac motus imitantibus: Quaedam est aequilibrantium omnino, & eorum, quae centroponderantia vocantur, cognitio: Quaedam denique sphaerarum effectrix, quae $\theta\phi\alpha\upsilon\omicron\tau\omicron\iota\eta$ appellatur, ad caelestium circumvolutionum imitationem, qualem Archimedes etiam fabricatus est: Atque ut vno verbo dicam, omnis, quae materiam movendi vim habet. Haec igitur sunt disciplinae Mathematicae apud antiquos. Militarem autem artem, eam inquam, quae ad instruendas, coordinandasque pertinet acies, quam Graeci $\tau\alpha\kappa\tau\iota\kappa\iota\eta$ vocant, unam aliquam ex Mathematicis partibus dicendam esse non censent; ut quidam alij voluere, sed vti eam volunt modo quidem arte supputandi, vti in enumerandis legionibus; modo vero Geodesia, ut in dividendis, dimetiendisque castrametationi spatij in campo. Quem admodum neque Historicam, neque medendi artem Mathematicis partem ullam esse dicunt, licet saepenumero tum Historici, tum etiam Medici Mathematicis utantur theorematibus Rerum quidem gestarum scriptores, vel climatum situs referendo, vel urbium magnitudines, & diametros, vel ambitus, circumcivitate colligendo: Medici vero, quamplurimas res in arte sua huiusmodi uis dilucidando. Nam utilitatem, quae in Medicina ab Astrologia peruenit, ipse etiam Hippocrates ostendit, ac fere omnes, quicumque aliquid de opportunis temporibus, locisque dixerunt. Eadem sane ratione ille etiam, qui aciebus instruendis operam accommodat, Mathematicis quidem utitur theorematibus, nec tamen ob hoc erit Mathematicus, quamvis interdum quidem volens eam, quae numerosa est, paucissimam ostendere multitudinem, castra, suosque exercitus ad figuram circuli formet; interdum vero ad figuram quadranguli, uel quinquanguli, vel alterius cuiusdam multanguli, ubi plurimam apparere cupit. Haec igitur fere sunt, quae nobis antiqui Mathematici de harum scientiarum partitione reliquerunt.

INVENTORES MATHEMATICARUM DISCIPLINARUM.

OMNES disciplinas Mathematicas a varijs, & diuersis auctoribus ortum, originemque duxisse, perspicue historie testantur: Immo uero singulas nequaquam summam adeptas esse perfectionem statim ab initio, sed paulatim eas ab imperfectis ad perfectiora processisse, memoriæ quoque proditum est. Arithmetices enim inuentores primi creduntur Phænices, propter frequentes mercaturas, atque commertia, ut auctor est Proclus. Quam mirum in modum postea Pythagoras, eiusque successores, nec non Aegyptij, Græci denique ac Arabes amplificauerunt, varijsque problematis, atque theorematibus illustrauerunt. Musicam deinde a Mercurio primum esse inuentam, multi scriptores tradunt; quam ipse postea Orpheo insigni Musico commendauit, atque concredidit; Hic autem Thamyri, & Lino; Linus uero Herculi, & sic successionibus continuis per alios Musicos præclaros ad nostra usque tempora manauit. Geometria uero, auctore Proclo, ab Aegyptijs reperta est, ortumque habuit ab agrorum emensione. Cum enim anniuersaria Nili inundatio agrorum terminos, ac limites ita confunderet, uastaretque, ut nemo agrum dignoscere posset suum, ceperunt Aegyptij animos ad rationem mensurandorum agrorum applicare, ut hoc modo cuiuslibet, quod suum erat, redderetur. Quæ quidem ratio agros metiendi, quanquam tunc temporis adhuc rudis admodum fuerit, ac impolitata, ab ipso tamen officio Geometria est appellata. *γεωμετρία* enim, siue *γεωμετρειω* idem significat, quod, terram metior. Ceterum paulatim deinde Geometria capta est expoliri, & non contenta suis finibus, se se ad corpora etiam cælestia dimetienda conuertit, tradiditque principia uniuersæ Astronomiæ, Perspectiue, Cosmographiæ, & alijs disciplinis quam plurimis, quæ ex ipsa, ueluti radices dependent. Hanc Thales Milesius ex Aegypto in Græciam primus transfulisse fertur: Deinde eam insignes Philosophi, ac Mathematici plurimè, acutissimisque demonstrationibus locupletauerunt, atque exornauerunt: Inter quos hi sunt præcipui ex veteribus; Pythagoras, Anaxagoras Clazomenius, Hippocrates Chius, Plato, Oenopides, Zenodorus, Brito, Antipho, Theodorus,

PROLEGOMENA.

dorus, Theætetus, Aristarchus, Eratosthenes, Architas Tarentinus, Euclides, Serenus, Hypsicles Alexandrinus, Archimedes Syracusius, Apollonius Pergæus, Theodosius Tripolita, Miles Romanus, qui & Menelaus, Theon Alexandrinus, Prolemeus, Eucocius Ascalonita, Pappus, Proclus, & alij pene innumeri, quos omnes longum esset recensere. Astronomiam denique non pauci ab Atlante primum inuentam esse autumant: Vnde ob eximiam, qua primus inter mortales præditæ erat, Astronomia cognitionem, exortam esse uolunt fabulam, illum suis humeris cælum sustinere; Alij putant, Chaldeos diurna obseruatione (quod etiam Cicero affirmat in libro de Diuinatione) syderum scientiam adinuenisse. Alij Aegyptios primos huius scientiæ faciunt inuentores: Alij Assyrios: Alij deniq; gloriam hanc, & laudem Babylonijs esse deferendam, censent. Hac autem in scientia, ut est præstantissima, ita quoque maxime illustres auctores claruerunt, quod non est huius loci declarare. Ceterum, præcipuis hisce quatuor disciplinis Mathematicis inueniuntur, reliquæ omnes de quantitate quouis modo agentes, facile ex ipsis, tanquam riuuli ex fonte, deriuatae sunt, atque deductæ.

NOBILITAS, ATQVE PRAESTANTIA Scientiarum Mathematicarum.

QUONIAM disciplina Mathematica de rebus agit, quæ absque ulla materia sensibili considerantur, quamuis re ipsa materiae sint immerse; perspicuum est, eas medium inter Metaphysicam, & naturalem scientiam obtinere locum, si subiectum earum consideremus, ut recte a Proclo probatur. Metaphysices etenim subiectum ab omni est materia seiunctum & re, & ratione: Physices uero subiectum & re, & ratione materiae sensibili est coniunctum: Vnde cum subiectum Mathematicarum disciplinarum extra omnem materiam consideretur, quamuis re ipsa in ea reperiatur, liquido constat, hoc medium esse inter alia duo. Si uero nobilitas, atque præstantia scientiæ ex certitudine demonstrationum, quibus uitur, sit iudicanda, haud dubie Mathematica discipline inter ceteras omnes principem habebunt locum. Demonstrant enim omnia, de quibus suscipiunt disputationem, firmissimis rationibus, confirmantque

firmantque, ita ut vere scientiam in auditoris animo gignant, omnemque prorsus dubitationem tollant; Id quod alijs scientijs vix tribuere possumus, cum in eis saepenumero intellectus multitudinem opinionum, ac sententiarum varietate in veritate conclusionum iudicanda suspensus hereat, atque incertus. Huius rei fidem aperte faciunt tot Peripateticorū secta, (ut alios interim philosophos silentio inuoluam) quae ab Aristotele, veluti rami e trunco aliquo, exortae, adeo & inter se, & nonnunquam a fonte ipso Aristotele dissident, ut prorsus ignores, quid nam sibi velit Aristoteles, num de nominibus, an de rebus potius disputationem instituat. Hinc fit, ut pars interpretes Graecos, pars Latinos, alij Arabes, alij Nominales, alij denique Regales, quos vocant (qui omnes tamen Peripateticos se esse gloriantur) tanquam ductores sequantur. Quod quam longe a Mathematicis demonstrationibus abest, neminem latere existimo. Theoremata enim Euclidis, caeterorumque Mathematicorum, eandem hodie, quam ante tot annos, in scholis retinent veritatis puritatem, rerum certitudinem, demonstrationum robur, ac firmitatem. Huc accedit id, quod Plato ait in Philebo, seu dialogo, qui de summo bono inscribitur; Eam scientiā esse digniorem, praestantioremque, quae magis sinceritatis, veritatisque est amans. Cum igitur disciplinae Mathematicae veritatem adeo expectant, adament, excolantque, ut non solum nihil, quod sit falsum, verum etiam nihil, quod tantum probabile existat, nihil denique admittant, quod certissimis demonstrationibus non confirmet, corroborentque, dubium esse non potest, quin eis primus locus inter alias scientias omnes sit concedendus.

UTILITATES VARIAE MATHE-
 maticarum disciplinarum.

NON solum viles, verum etiam necessariae admodum cense-
 ri debent disciplinae Mathematicae cum ad alias artes
 perfecte perdiscendas, tum ad rem etiam publicam recte insti-
 tuendam, & administrandam. Neque enim ad Metaphysicā,
 ut eleganter offendit Proclus, ulli patet aditus, nisi per Ma-
 thematicas disciplinas. Nam si a rebus sensibilibus, quas
 Physicus considerat, ad res ab omni materia sensibili secretas,
 seu inaeatasque, quas contemplantur Metaphysicus, vires, aciemque

nostri intellectus atollere absque ullo medio tentemus, nosmet-
 ipsos excecabimus, non secus, ac ei contingit, qui e carcere ali-
 quo tenebricoso, in quo diu latuit, in lucem Solis clarissimam
 emittitur. Quam ob rem, antequam a rebus physicis, quae ma-
 terie sensibus obnoxia sunt coniunctae, ad res metaphysicas, quae
 sunt ab eadem maxime auulsa, intellectus ascendat, necesse est,
 ne harum claritate offundatur, prius eum assuescere rebus mi-
 nus abstractis, quales a Mathematicis considerantur, et facili-
 us illas possit comprehendere. Quocirca recte Diuinus Plato
 Mathematicas disciplinas erigere animum, et ad diuinarum
 rerum contemplationem exacuere mentis aciem affirmat. Quan-
 tum vero emolumentum haec disciplinae ad sacras literas recte per-
 cipiendas, interpretandasque conferant, multis uerbis pulcher-
 rime nobis exponit B. August. lib. 2. de Doctrina Christi. demon-
 strans, numerorum inscitia multa non intelligi a multis, quae
 translate, ac mystice posita sunt in scripturis: Cuius rei exem-
 pla non pauca in medium adducit; eandemque sententiam lon-
 ge post pluribus uerbis reperit eodem lib. Hoc idem docet D.
 Hieron. tomo 1. Epist. 1. asserens, magnam inesse numeris uim
 ad multa mysteria in scripturis intelligenda: Quo item loco,
 Geometriam magnam asserre Theologis utilitatem, perhibet.
 Rursum B. August. loco, quem paulo ante retuli, testatur,
 Musicam pernecessariam esse doctori Christiano, subiungens
 paulo post, Theologos debere etiam Geographia diligenter esse
 instructos. Quod non ignorans D. Gregorius Nazianzenus,
 summis laudibus D. Basilius preceptorem suum extollit, quod
 in Astrologia, Geometria, numerorum cognitione, ceterisque
 scientiis Mathematicis, fuerit non mediocriter versatus. Non
 parum etiam conducunt haec artes ad philosophiam naturalem,
 moralem, Dialecticam, et ad reliquas id genus doctrinas, ar-
 tesque perfecte acquirendas, ut perspicue docet Proclus. His
 adde, quod omnia volumina antiquorum philosophorum, maxi-
 me Aristotelis, et Platonis, quos merito duces nobis sequendos
 ad bene recteque philosophandum proponimus, eorumque fere
 omnium interpretum cum Graecorum, tum Latinorum, exemplis
 Mathematicis sunt repleta, ea potissimum de causa, ut ea, quae
 alioquin multis obstructa difficultatibus uidebantur esse, per
 exempla huiusmodi clariora, magisque perspicua fierent; qua
 proculdubio nulla ratione percipiet is, qui scientiarum Mathe-
 matica-

Cap. 16.

Cap. 37.

Cap. 16.

Cap. 19.



maticarum omnino est expertus. Quid? quod olim nemo ausus
 esset celeberrimum Divini Platonis gymnasium frequentare,
 qui prius optime Mathematicis disciplinis non fuisset exornatus?
 Unde pro foribus Academiae hoc symbolum dicitur pinxisse,
 αὐτὸ μὲν τῶν θεῶν εἶναι τὸ. Immo vero idem Plato in
 Philebo, omnes disciplinas sine Mathematicis viles esse non dubitavit
 asserere. Qua de causa in 7. de Rep. praecipit, Mathematicas
 disciplinas primo omnium esse addiscendas, propter varias,
 ac multiplices earum utilitates, (ut copiose scribit (non solum
 ad reliquas artes rectius percipiendas, verum etiam ad remp.
 bene administrandam: Cuius ego rei multa exempla cum
 praeteriti temporis, tum nostrae etatis, si id necesse foret, in
 medium possem adducere. Ibidem clarissimis verbis affirmat,
 praecipue Arithmeticos natura ad omnes doctrinas aptos esse,
 idoneosque, adeo, ut etiam si nullam aliam nobis haec scientia
 afferrent utilitatem, (cum tamen infinita propemodum alia
 commoda ex ipsis percipiamus) perdiscendas tamen omni studio
 eas esse statuatur, quod ingenium, mentemque ad reliquas artes
 omnes capessendas aptiorem reddant, & acutiorem: Quod
 quidem experientia ipsa magistra facile comprobatur. Videmus enim
 eos, quorum ingenium facile, & nullo negotio hisce disciplinis
 accommodatur, fructus non exiguos ex alijs scientijs percipere:
 Contra vero, eos qui ad hasce facultates idonei minime reperiuntur,
 prorsus ad ceteras esse ineptos. Quare iure optimo Plato
 tam frequenter in suis operibus iterum atque iterum harum
 disciplinarum utilitatem nobis inculcat, atque commendat; praesertim
 in 7. de Rep. in Epinomide, seu Philosopho, in Tymo, ubi
 Mathematicas disciplinas omnis eruditionis ingenuae viam
 appellat, & plerisque alijs in locis, quibus nunc enumerandis
 brevitatatis memor de industria superfedeo. Ad has omnes utilitates
 accedit maxima iucunditas, atque voluptas, qua cuiusque
 animus his artibus colendis, exercendisque perfunditur. Sunt
 enim haec praecipuae ex septem artibus liberalibus, in quibus non
 solum ingenui adolescentes, verum etiam nobiles viri, principes,
 reges, ac imperatores ad honestissimam, maximeque liberalem
 oblectationem animi, quam summa etiam cum utilitate
 coniunctam pariunt, diu multumque versari solebant: Quo
 rum exemplum multos adhuc nostra hac aetate imitari conspici-
 mus. Testatur, magnam animi voluptatem ex his artibus per-

cipi, Diuinus Plato in. 7. de Rep. ubi audacter dicit, & non temere confirmat, oculus anima, qui ab alijs studijs excacatur, defoditurque, a Mathematicis tantum disciplinis recreari, excitarique rursus ad eius, quod est, contemplationem. Omitto plurima alia testimonia Platonis, aliorumque grauissimorum philosophorum, quibus harum disciplinarum utilitas cum necessitate, & delectatione coniuncta, atque præstantia abunde potest comprobari.

EVCLIDIS, ATQVE GEOMETRIÆ COMMENDATIO.

QUISNAM fuerit Euclides horum elementorum institutor, (ut aliquid etiam de auctore, quem nobis interpretandum proposuimus, deq; Geometria uniuersa, in medium proferamus) & quo tempore floruerit, noui satis conuenit inter scriptores. Multi enim, ut testatur uulgata elementorum Euclidis secundum Campanum, & Theonem editio, atque eorundem inscriptio, existimant, eum fuisse philosophum illum Megaris natum, quod oppidum Istmo adiacet, Socratisque auditorem, qui sectam instituit a se dictam Megaricam, que alio nomine Dialectica appellabatur, eo quod sectatores illius interrogando, respondendoq; (quod proprium est munus Dialecticorum) libros conscriberent. De quo multa sunt in Diogene Laertio de uitis philosophorum: Scribit & de hoc Cicero Quest. Acad. lib. 2. ubi ait. Post Euclides Socratis discipulus Megareus, a quo ijdem illi Megarici dicti, qui id bonum solum esse dicebant, quod esset unum, & simile, & idem, & semper. Faueat his auctoribus non parum id, quod Valerius Maximus octauo lib. scribit, nimirum a Platone, qui Socratis etiam discipulus fuit, conductores aræ sacræ de modo, & forma eius secum sermonem conferre conatos, ad Euclidem Geometram ire in hos. Verum si Proclo nobili scriptori, & alijs auctoribus antiquis credendum est, Euclides hic noster iunior fuit illo Megareo; floruitq; tempore Ptolemæi primi, qui Aegypto, post Alexandri Magni mortem, Olympiade 115. & ante Christum natum anno 319. cepit imperare, ut Ioannes Lucidus refert. Quod quidem uerius esse crediderim, hoc maxime adductus argumento, quod Diogenes Laertius omnia opera Euclidis illius

Megarici


PROLEGOMENA.


Megarici diligentissime enumerans, nullam prorsus faciat mentionem huius celeberrimi uoluminis de Geometricis elementis conscripti, in quo perpetuam, & nunquam morituram famam sibi comparauit Euclides, & gloriam. Neque enim putandum est, Diogenem in monumentis philosophorum exercitacissimum, hoc tam insigne opus uel scientem uoluisse præterire, uel ab Euclide suo esse compositum, ignorasse. Itaque Euclides noster, Geometra acutissimus, ab illo Megareo philosopho longe alius est, cum in doctrina Academicorum esset summa cū laude uersatus, animum totum ad Mathematicas disciplinas transtulit, in quibus ita excelluit, ut concordiam omnium iudicio principem inter Mathematicos sibi locum iure optimo uendicaret. Scripsit autem uolumina ad rem Mathematicam spectantia non pauca, in quibus eximia eius diligentia, admirandaque doctrina facile elucet: qualia sunt eius Optica; Cataoptrica, Elementares institutiones ad Musicam capessendam pertinentes, Phænomena, atq; Datorum liber, opus de Diuisionibus, quod nonnulli suspicantur esse libellum illum acutissimum de superficierum diuisionibus, Machometo Bagdedino ascriptum, qui nuper Ioannis Dee Londinensis, & Federici Commandini Vrbinatis opera in lucem est editus. Conscripsit item conica elementa, auctore Proclo, quæ tamen ad nos nondum peruenerunt, & alia id genus opuscula. Maxime uero hoc uolumen elementorum Geometricorum nunquam omnium consensu satis laudatum tam mirabili ordine, tantæque eruditione contexit, ut nullus unquam eorum, qui similia conscripserunt elementa (conscripserunt autem, ut ait Proclus, non pauci) par illi extiterit, nedum ipsum superarit. In quo quidem, ut summum ingenij acumen demonstrauit, ita non omnia, quæ ad rem Geometricam pertinent, in uulgus edenda, sed ea duntaxat, quæ uisa sunt esse necessaria, atque utilia, ad communem omnium utilitatem, argumentis, & rationibus firmissimis censuit esse comprobanda. Caterum, quanta sit horum Euclidis elementorum Geometricorum, ac proinde uniuersæ Geometria, præstantia, ac utilitas, partim ex ijs, quæ ante scripsimus, partim ex ijs, quæ nunc dicemus, non obscure perspicere potest. Dicuntur enim Geometrica elementa, eam ob causam, quod sine ipsis nullum opus Mathematicum possimus aggredi, ne dicam fructum aliquem inde percipere: Omnes siquidem Mathematicarum re

rum scriptores, ut Archimedes, Apollonius, Theodosius, &c. in suis demonstrationibus usurpant hæc Euclidis elementa, tanquam principia omnibus iam diu perfecta, atque demonstrata. Quamobrem sicut is, qui legere uult: elementa literarum discit prius, & illis assidue repetitis utitur in uocibus omnibus exprimendis, sic qui alias disciplinas Mathematicas desiderat sibi reddere familiares, elementa hæc Geometrica plene, ac perfecte calleat prius, necesse est. Ex his etenim elementis, ueluti fonte uberrimo, omnis latitudinum, longitudinum, altitudinum, profunditatum, omnis agrorum, montium, insularum dimensio, atque diuisio, omnis in cælo per instrumenta syderum obseruatio, omnis horologiorum sciotericorum compositio, omnis machinarum uis, & ponderum ratio, omnis apparentiarum uariarum, qualis cernitur in speculis, in picturis, in aquis, & in aere uarie illuminato, diuersitas manat. Ex his, inquam, elementis machina totius huius mundana est inuentum medium, atque centrum, inuenti cardines, circa quos perpetuo conuertitur, orbis denique totius explorata figura, ac quantitas. Ostenditur, atque demonstratur unius huius scientiæ uel cæli uniuersi, syderumque perennis conuersio, ortus, occasus, abitus, reditus, ascensus, descensus, diei ac noctis, temporumque toto anno per omnem terrarum situm, & mundi inclinationem, uarietas. Coniunctiones item planetarum, oppositiones, aspectusque uarij tam expedite cognoscuntur, ut & loca illorum in cælo, & eclipses, seu Solis, ac Luna defectiones certissime, ante quem fiant, in omne posterum tempus a Mathematicis prædici queant. Hoc denique ingens Dei, & nature opus, mundum, inquam, totum, mentis nostra oculis munere, ac beneficio Geometria subiectum conspiciamus. Adde Geometriam hominibus plurimam, quæ penitus incredibilia esse uident, omniumque fidem superant, perspicua facere, credibiliaque esse ostendere: Quale est illud, quod de Archimede Syracusensi restantur historie. Cum enim Hieron Syracusarum rex nauem, quam Ptolemæo Aegyptiorum regi mittere statuerat, tanta esset molis fabricatus, ut eam omnes una Syracusensi a loco mouere minime ualere, Archimedes Geometria peritissimus ueniens Geometria uiribus fretus regi promisit, se effecturum, ut ipsam solus rex absque ullo labore subduceret: Quod cum præstitisset, in conspectu omnium rex stupefactus exclamasse perhibetur;

PROLEGOMENA.

hibetur; Ab hac die, quicquid dixerit Archimedes, illi credendum est. Non dissimile huic uidetur mihi esse pulcherrimum illud factum, quod idem Archimedes ope Geometriæ gessit Syracusis, quando corona ex auro, argentoque confecta, quam rex summo studio fabricari iusserat, non dissoluta, singula auri, & argenti pondera, que inter se aurificis fraude ac dolo commista erant, subtilissime offendit. Neque silentio præteriri debet, eundem Archimedes robori, ac efficacia demonstrationum Geometricarum innixum sæpenumero, iacturasse, si haberet terram aliam, in qua pedem figeret, hanc nostram, quam incolimus, e loco se commouere posse. Pari ratione, datis uiribus quibuscunque, pondus quodcunque se posse mouere: Et alia id genus non solum ab Archimede, uerum etiam ab alijs præclaris, & illustribus Geometris parata esse memoriæ proditiū est. Tantum denique nomen una hæc Geometria Archimedi peperit, ut Marcellus Romani exercitus imperator, contra quem diu Syracusanam urbem defenderat Archimedes machinis quibusdam per Geometricas demonstrationes adinuentis, & constructis, in expugnatae urbis direptione, ac cæde ciuium unius Archimedis saluti publico editto cauerit: quem ubi contra imperium suum, & uoluntatem a gregario quodam milite interfectum cognouit, uehementer doluit, eamque honorem mortuo habuit, quem uiuo habere non potuit. Cuius sepulchrum Cicero a se, cum in Sicilia Quæstoris officio fungeretur, reperit esse, mirandum in modum gloriatur. Vnde mirari nemo debet, cur in summo semper honore apud Græcos fuerit Geometria. Accedit quoque ad præstantiam, uilitatemque Geometriæ, quod cum demonstrationes Geometricæ sint maxime illustres, nemo sine ipsis satis perspiciet, quæ sit uis demonstrationum, nemoque eisdem destitutus perfectus erit artifex methodi. Quod quidem ingenue fatetur Galenus insignis philosophus, ac medicorum princeps, in libro, quem de libris proprijs inscripsit. Is enim instructissimus rebus Dialecticis, cum scholas Peripateticorum, ac Stoicorum sui temporis percurrisset omnium, & præcepta miro cum animi ardore, studioque arripuisset, nihil fere ab ipsis audisse se testatur, quod ad demonstrationis cognitionem pertineret, quinimmo pleraque eorum, quæ tradiderant, ab illis in controuersia posita, nonnulla etiã naturali rationi pugnantia reperisse. Ita ut ad Pyrrhonorum fere

fere (erant Pyrrhonij philosophi, qui nihil decernebant, sed de omnibus dubitabant) hesitantiā deuenturus fuerit, nisi Arithmetica, Geometria, Dialecticaq; (quibus artibus ab auis, & patre fuerat institutus) esset cognitione, scientiaque reuocatus. Vnde suadet, sequendos esse characteres illos Arithmeticos, & lineares demonstrationes. Placō etiam cum ob alias, tum ob eam etiam causam discendam esse Geometriam dixit, quod eius cognitio maxime sit utilis, ut alie artes facilius, & rectius percipiantur. Postremo est hec summa laus Geometria, omnibusque modis predicanda, quod non hestit in exiguis, & inferioribus hisce machinis, a quibus originem traxit, sed euolauit in calum usque, & humanas mentes hūni abiectas in illam rursus celestem sedem inuexit, & admirandam mundi huius fabricam, eiusque administrationem, & gubernationem nostro intellectui subiecit.

DIVISIO GEOMETRIAE,
& elementorum Euclidis.

GEOMETRIA diuiditur in Planorum contemplationem, que generali uocabulo Geometria dicitur, & in doctrinam Solidorum, quam proprie, ac peculiari nomine Stereometriam appellant Mathematici. Nam Geometria uniuersę sibi hunc scopum proponit, ut plana, aut solida uel constituat, uel constituta inter se comparet, aut diuidat. Neque uero mirum alicui uideri debet, quod cum tria sint genera magnitudinum, linea, superficies, & corpus, solum de duobus posterioribus extant proprie contemplationes, ut diximus, non autē de lineis, uel etiam punctis: Non, inquam, debet uideri mirū, quoniam, ut ait Proclus, Geometria potissimum circa figuras uersatur, que in planis duntaxat, uel etiam solidis constituent omnes. Non enim puncta, uel lineę figuram ullam constituent sine planis, aut solidis, ac proinde necesse non erat, propriam de punctis, & lineis scientiam instituere; Superficiebus uero, siue planis, & corporibus, solidisue maxime conueniebat, ut proprias nanciscerentur tractationes. Volens igitur summus harum rerum artifex Euclides in hisce elementis perfectam, & omnibus numeris absolutam tradere cognitionem rerum Geometricarum, in prioribus sex libris agit de planis, in posterioribus

PROLEGOMENA.

ribus uero quinque de solidis acutissime disputat, eorumque pro-
 prietates maxime illustres peruestigat. Quoniam uero cum res
 omnes Geometricæ, tum præsertim solida illa quinque regula-
 ria, quæ corpora Platonica dici solent, perfecte tractari non
 poterant; absque linearum commensurabilium; atque incom-
 mensurabilium notitiâ; Immo uero quam plurimæ magnitudi-
 nes sub mensuram cadere nulla ratione absque earundem linea-
 rum cognitione possunt, cum earum latera sepe numero sint ta-
 lia, ut ea communis, & nota mensura data metiri nequeat, ut
 liquido constat ijs, qui aliquando demonstrationes Geometricas
 in opus contulerunt, atque usum; idcirco ut hisce elementis
 Geometricis complecteretur omnia documenta ad magnitudi-
 num intelligentiam, dimensionemque requisita, Stereometrie
 sua præposuit decimum librum, in quo subtiliter & copiose de
 huiusmodi lineis differit. Intelligens rursum Euclides, neq;
 hanc tractationem linearum commensurabilium, & incom-
 mensurabilium sine numerorum cognitione posse consistere, an-
 te decimum librum agit de numerorum passionibus, easque co-
 piose, & diligenter tribus libris, qui hunc antecedunt, est per-
 secutus. Quamobrem totum hoc uolumen elementorum Ge-
 metricorum quindecim libris comprehensum, (quorum quidẽ
 priores tredecim sine ulla contouersia Euclidi ascribuntur ab
 omnibus, posteriores uero dud a nonnullis Hypsicles Alexandri-
 ni esse creduntur) secari recte poterit in quatuor partes, ita ut
 prima pars contenta sex prioribus libris agat de planis; Secun-
 da tres sequentes complectens, passionem numerorum perscrue-
 tur; Tertia, quam solus decimus constituit liber, de lineis cõ-
 mensurabilibus, incommensurabilibusque disputet; Quarta de
 niue reliquis quinque libris absoluta scientiam solidorum, si-
 ne corporum complectatur. Prima pars rursum triplex est;
 Nam in prioribus quatuor libris agitur de planis absolute, in-
 uestigando eorum æqualitatem, & inæqualitatem; In
 quinto uero libro de proportionibus magnitudinum
 in genere disputatur: In sexto denique pro-
 portiones figurarum planarum discutiun-
 tur. Quid uero Euclides in singu-
 lis alijs libris pertractet, pro-
 prijs in locis expo-
 nemus.

QVID

QVID PROBLEMA, QVID THEOREMA,
 quid Propositio, & quid Lemma apud
 Mathematicos.

DEMONSTRATIO omnis Mathematicorum dividitur ab antiquis scriptoribus in Problema, & Theorema. Problema uocant eam demonstrationem, quae iubet, ac docet aliquid constituere. Vt si quis conetur demonstrare, supra lineam rectam finitam posse triangulum aequilaterum constitui, appellabitur huiusmodi demonstratio problema, quoniam docet, qua ratione triangulum aequilaterum constitui debeat supra rectam lineam finitam. Dicitur est autem hoc genus demonstrationum Problema ad similitudinem problematis Dialectici. Sicut enim apud Dialecticos problema dicitur questio illa, cuius utraque pars contradictionis (ut ipsi loquuntur,) est probabilis, qualis haec est questio, An totum distinguatur realiter a suis partibus simul acceptis: Sic etiam questum illud apud Mathematicos, quo aliquid iubent construere, & cuius contrarium effici etiam potest, problema appellatur. Vt si quis proponat, se demonstraturum, supra lineam rectam finitam triangulum aequilaterum posse constitui, efficiet problema, quia & triangulum non aequilaterum, nempe Isosceles, uel scalenum, supra eandem lineam constitui potest. Pari ratione, qui insituit angulum rectilinum secare bisariam, problema nobis exhibet, propterea quod angulus idem diuidi potest in partes non aequales. Est tamen discrimen non paruum inter Dialecticorum, & Mathematicorum problema. Nam in problemate Dialectico utranque pars contradictionis suscepta confirmatur tantum probabiliter, ita ut intellectus cuiusque ambigat, utranam illius pars uera sit: In Mathematico uero, quamcumque quis partem elegerit, eam firma demonstratione, ita ut nihil omnino dubij sit reliquum, comprobabit. Si enim Geometra statuatur ex puncto quolibet lineae rectae propositae lineam perpendiculararem educere, efficiet utique hoc ipsum ratione constanti, & euidenti: Eodem modo dicendum est, si ex eodem puncto uelit educere lineam non perpendiculararem. Theorema autem appellatur ea demonstratio, quae solam passionem aliquam, proprietatem unius, uel plurium simul quantitatum perscrutatur. Vt si quis optet demonstrare, in omni triangulo tres angulos esse aequales.

PROLEGOMENA.

quales duobus rectis, uocabunt talē demōstrationē Theorema, quia nō iubet, aut docet triangulū, aut quippiā aliud cōstruere, sed contemplatur tantūmodo triāguli cuius libet cōstruēti passōnē hanc, quod anguli illius duobus sint rectis aequales. Vnde a contemplatione ipsa, hęc demōstratio theorema dicitur. In theoremate fieri nulla ratione potest, contradictionis utraque pars uera ut sit. Si enim quis demōstret, omnes angulos trianguli cuiuslibet duobus esse rectis angulis aequales, nullo poterit modo fieri, ut inaequales quoq; sint duobus rectis. Eadem ratio in alijs theorematibus est intelligenda. Itaque ut uno uerbo dicā, quæstū illud Mathematicum cōstruere aliquid docēs, cuius etiā oppositū potest effici, Problema: Illud uero, quod nihil docet cōstruere, & cuius pars opposita perpetuo falsa existit, Theorema appellatur. Vnde si quis proponeret in modum problematis, se in semicirculo uelle angulum rectis cōstituere, irridendus omnino esset, & Geometria prorsus ignarus iudicandus; quoniam omnes anguli in semicirculo constituti sunt recti, ut demōstrabitur in lib. 3. propositione 31. Quamobrem theorema hoc, & non problema dicendū erit. Ceterū tā problema, quā theorema dici consuevit apud Mathematicos Propositionio, propterea quod utrumque aliquid nobis proponat, ut in exemplis adductis constat. Hac ideo dixerim, ut studiosus lector non miretur, quando reperiet in Euclide, Apollonio, & ceteris Mathematicis, propositionum alias dici problema, alias theoremata. Elementa enim Euclidis Geometrica, & Apollonij Conica, (ut aliorum interim uolumina taceam,) constant partim problematibus, partim theorematibus. Demōstrationes problematum semper concluduntur, his fere uerbis: Quod faciendum erat: Theorematum uero hisce: Quod ostendendum uel demōstrandum erat; habita nimirum ratione finis utriusque. In quolibet autem problemate, ac theoremate plures demōstrationes continentur & non una tantum, quamuis ultimus syllogismus demōstratiuus solum concludat id, quod in initio demōstrandum proponitur, ut declarabimus in prima Euclidis propositione, nec non in ceteris omnibus manifestum erit.

QUONIAM uero ad demōstrationes problematum, atque theorematum sepe numero requiruntur alia quedam theoremata, uel problemata minus principalia, & quæ faci-

le ex

le ex ijs, quæ prius demonstrata sunt, intelligi possunt; inseruntur interdum a Geometris huiusmodi theoremata, & problemata problematibus, atque theorematibus, de quibus præcipue agitur, ut breuius demonstrari possint. Vocant autem illa Lemmata, propterea quod solum assumantur ad alias demonstrationes, non autem de illis præcipua disputatio instituat, quemadmodum de alijs. Itaque Lemma dici potest demonstratio, seu constructio illius, quod ad demonstrationem alicuius theoremat, vel problematis principalis assumitur, ut demonstratio expeditior fiat, ac breuior.

QVAENAM SINT PRINCIPIA
apud Mathematicos.

CVM omnis doctrina, omnisque disciplina ex præexistente cõgignatur cognitione, ut auctor est Aristoteles, atque ex assumptis, & concessis quibusdã principijs suas demonstrat conclusiones; Nulla autem scientia ex eiusdẽ Aristotelis, aliorumq; philosophorum sententia sua principia demonstrat; habebunt utique & Mathematica disciplina sua principia, ex quibus positis, & concessis sua problemata, ac theoremata confirmit. Horum autem tria tantummodo genera apud Mathematicos reperiuntur. In prima reponuntur omnes definitiones, quas nonnulli cum Aristotele suppositiones, ut vult Proclus, appellant. His autem vocabula artis explicantur, ne in tractatione ipsa, nominum ambiguitate, aut obscuritate circumuenti in paralogismos incidamus. Secundum genus complectitur petitiones, siue Postulata, quæ quidem adeo clara sunt, & perspicua in illa scientia, quæ in manibus habetur, ut nulla indigeant confirmatione, sed auditoris duntaxat assensum exposcant, ne vlla sit in demonstrando hæsitatio, aut difficultas. Ad tertium genus referuntur Axiomata, seu communes animi notiones, quæ non solum in scientia posita, sed etiam in omnibus alijs ita manifesta sunt, & evidentiæ, ut ab eis nulla ratione dissentire queat is, qui ipsa uocabula recte perceperit. Atque his principijs recte mihi uidetur accommodari posse id, quod in Metaphysicis scribit de primis principijs Aristoteles. A ianua quis aberrabit? Ut præclare a Cicerone, Pronunciata, siue Effata appellantur. Euclides igitur hoc in volumine, Geometricorum elementorum præmittit ante demonstra-

PROLEGOMENA.

monstrationes suarum conclusionum omnia hæc principia, ut ex ipsis, quæ quidem facile a quouis intelliguntur, deducat admittenda theoremata, quibus nemo unquam assensum præberet nisi certa, ac evidenti ratione confirmarentur. Unde hoc etiam nomine summis laudibus efferenda est Geometria, omnibusque sæculis prædicanda, quod ex tam exquisitis inveniis, cuilibet quantumvis rudi & ignaro notissimis, & quidem perfacilibus progrediatur ad theoremata primo aspectu ab omni sensu humano, & intellectu remota, quæ tamen omnia miro ordine, ac methodo facili, demonstrationibusque certissimis ita confirmantur, ut nihil omnino dubij in eis relinquatur. Porro in huiusmodi principijs tradendis hic ordo ab Euclide servatur, ut in ipso quidem introitu scientiæ proponat principia totius Geometriæ communia, in alijs autem deinde libris, ubi res postulat, ea exponat principia, quæ proprie, & peculiari quadam ratione, ad materiam illorum subiectam videntur spectare. Neque vero omnia principia Geometrica ab Euclide his elementis suis explicata, sed multa reliquit lectori disquirenda, quæ tamen ex his, quæ tradidit sine magno labore ac studio percipi possunt & intelligi. Verum ne in hac quoque parte defuisse videamur rerum Mathematicarum studiosis, adiunximus utriusque in locis ad principia ab Euclide posita, ex probatis auctoribus alia nonnulla, quorum ignorantia maxime cursuum demonstrationum arbitrari sumus retardari posse.




ERRATA PRIMI TOMI
SIC CORRIGITO.

<i>Folium.</i>	<i>Linea.</i>	<i>Errata.</i>	<i>Correcta.</i>
39. a.	11.	PROPOS. 18. 18.	PROPOS. 18. 19.
40. a.	30.	AEC.	ABC.
52. a.	33.	duo arcus duo arcus.	duo arcus
62. b.	9.	ACDF	BCDF
67. a.	37.	AD	BC
72. a.	37.	4. primi	14. primi
74. a.	9.	pronitur	proponitur
79. a.	23.	33. primi	30. primi
88. a.	24.	FGE	EFG
131. b.	8.	AF	DF
132. a.	15.	eadem	eadem
185. a.	22.	figuraa	figuras
229. b.	5.	eorum	earum

INDEX PROBLEMATVM, AC

THEOREMATVM, QUAE
præter ea, quæ continentur in Eucli-
dis propositionibus, in his ele-
mentorum libris de-
monstrantur.



IN PRIMO LIBRO.



IRCVLVS bisariam secatur a diametro. fol.	8. b	I
Omnes anguli recti sunt inter se æquales.	17. a	2
Due rectæ lineæ spaciũ non cõprehendunt.	18. a	3
Due lineæ rectæ non habent unum & idem seg- mentum commune.	18. b	4
Super data recta lineæ terminata triangulum Isoceles, & Scalenum constituere.	22. b	5
Omne triangulum æquilaterum est æquiangulum.	27. a	6
Omne triangulum æquiangulum est æquilaterum.	27. b	7
Si trianguli cuiuslibet productis duobus lateribus, anguli infra basim fiant æquales, & duo latera illa æqualia inter se erunt.	28. a	8
Si duo triangula duo latera habuerint duobus lateribus, utrunque utriusque æqualia, habuerint uero & basim basi æqua- lem; æquiangula inter se erunt, & æqualia.	30. b	9
Due lineæ rectæ se mutuo secantes efficiunt ad punctum se- ctionis quatuor angulos quatuor rectis æquales.	36. b	10
Quolibet anguli circa unum & idem punctum constituti, quatuor rectis sunt æquales.	56. b	11
Si ad aliquam rectam lineam, ad eiusque punctum, due re- ctæ lineæ non ad easdem partes sumptæ, angulos ad verticem æquales fecerint; ipsa rectæ lineæ in directum sibi inuicem erunt.	37. a	12

I N D E X.

- 13 Si quatuor rectæ lineæ ab vno puncto ex euntes binos angulos oppositos inter se æquales fecerint; erunt qualibet duæ lineæ aduersæ in rectum sibi, & continuuum coniunctæ. 37.a
- 14 Ab vno puncto ad eandem lineam rectam non possunt duci plures lineæ rectæ, quam duæ, inter se æquales. 38.a
- 15 Ab vno puncto ad eandem lineam rectam non possunt duci plures lineæ perpendiculares, quam una. 38.b
- 16 In omni triangulo, cuius unus angulus fuerit rectus, uel obtusus, reliqui sunt acuti. 39.a
- 17 Omnes tres anguli scaleni sunt inæquales. 39.a
- 18 Si trianguli angulus bifariam sectus fuerit, secansq; angulum recta lineæ ad basim ducta in partes inæquales ipsam diuidat; Latera illum angulum continentia inæqualia erunt, & maius quidem illud, quod cum maiori basis segmento conuenit, minus uero, quod cum minori. 39. b
- 19 Si trianguli duo latera inæqualia fuerint, lineæ recta bifariam diuidens angulum ipsi contentum, secabit basim in partes inæquales, maiusque segmentum erit prope maius latus. folio. 40. b
- 20 Si trianguli angulum recta lineæ bifariam diuidens, basim bifariam quoque secet; erunt duo latera angulum continentia inter se æqualia. Quod si latera æqualia fuerint, basim etiam bifariam secabit lineæ recta, quæ angulum bifariam diuidit. folio. 41. a
- 21 Si duarum parallelarum rectarum linearum alteram secet quedam recta lineæ, reliquam quoque productam secabit. folio. 49. b
- 22 Si in duas rectas lineas altera recta incidens internos, ad easdemque partes, angulos duobus rectis minores faciat; duæ illæ rectæ lineæ infinite productæ inter se conuenient ad eas partes, ubi sunt anguli duobus rectis minores. 49. b
- 23 Duæ rectæ lineæ, quæ eidem sunt parallele, inter se coeuntes, sunt in directum constitutæ. 51. b
- 24 Parallelogrammum constituere, cuius unus angulorum æqualis sit dato angulo rectilineo, lateraque angulum illum comprehendentiæ datis duabus rectis lineis æqualia. 52. a
- 25 Si ab vno angulo trianguli lineæ recta ducatur faciens externum angulum æqualem duobus internis & oppositis; illa lineæ erit in directum ipsi lateri constituta. 53. b

Omnes

I N D E X

Omnes anguli figure rectilinea cuiusvis sunt æquales bis tot rectis angulis, quora ipsa est inter figuras rectilineas.	53. b 26
Omnes anguli figure rectilinea cuiusvis æquales sunt bis tot rectis angulis, demptis quatuor, quot ipsa continet latera, seu angulos.	54. b 27
Si singula latera figura cuiusvis rectilinea producantur uersus eandem partem, omnes anguli externi æquales sunt qua tuor rectis.	54. b 28
Si pentagoni singula latera producuntur in utranque partem, ita ut quelibet duo extra coeant, efficiuntur quinque anguli ex lateribus coeuntibus æquales duobus rectis.	55. a 29
Angulum rectum in tres angulos æquales diuidere.	55. b 30
Omne quadrilaterum habens latera opposita æqualia, est pa rallelogrammum.	57. a 31
Omne quadrilaterum habens angulos oppositos æquales, est parallelogrammum.	57. a 32
Omne quadrilaterum habens omnes angulos rectos, est pa rallelogrammum.	57. b 33
In quadrato, & Rhombo anguli oppositi bifariam secantur a diametro.	58. a 34
In altera parte longiori, & Romboide anguli oppositi non bifariam secantur a diametro.	58. a 35
In quadrato, & altera parte longiori duæ diametri inter se sunt æquales.	58. a 36
In Rhombo, & Rhomboide duæ diametri sunt inter se æqua les.	58. b 37
In omni parallelogrammo diametri se mutuo bifariam di uidunt.	58. b 38
Recta linea secans diametrum palleogrammi bifariam quo modocunque, diuidit parallelogrammum bifariam quoque. Et recta linea diuidens parallelogrammum bifariam quouis mo do, secat quoque diametrum bifariam.	59. a 39
A quouis dato puncto lineam rectam ducere, quæ parallelo grammum datum secet bifariam.	59. b 40
Inter duas lineas rectas infinitas angulum facientes, lineam rectam datæ lineæ æqualem collocare, quæ cum altera illarum faciat angulum cuius angulo dato æqualem. Oportet autem hunc angulum datum cum illo, qui lineis datis continetur, mi norem esse duobus rectis.	59. b 41

- 42 In omni figura rectilinea latera habens numero paria, si quidem fuerit aequilatera & equiangula; erunt duo qualibet latera opposita, parallela inter sese. 60.a
- 43 Parallelogramma equalia super eandem basin, ad easdemque partes constituta, erunt inter easdem parallelas. 61.a
- 44 Parallelogramma equalia super bases aequales, & ad easdem partes constituta, inter easdem sunt parallelas. Et parallelogramma equalia inter easdem parallelas, si non habuerint eandem basin, super aequales bases, sunt constituta. 62.a
- 45 Triangula, quorum duo latera unius equalia sint duobus lateribus alterius, utrumque utriusque, & angulus unius illis lateribus contentus maior angulo alterius, si quidem ambo simul duobus sint rectis aequales, equalia sunt: Si uero duobus sint rectis maiore, minus illud est, quod maiorem habet angulum: Si denique sint minores duobus rectis, maius illud est, quod maiorem angulum habet. 62.b
- 46 Si a quouis angulo trianguli linea recta ducatur diuidens latus oppositum bifariam, triangulum quoque bifariam secatur. 64.a
- 47 A puncto quouis dato in uno latere trianguli propositi lineam rectam ducere, qua bifariam secet triangulum datum. 64.b
- 48 Linea recta secans duo trianguli latera bifariam, erit reliquo lateri parallela. 65.a
- 49 Omne quadrilaterum, quod ab utraque diametro bifariam diuiditur, parallelogrammum est. 65.b
- 50 Triangula equalia inter easdem parallelas, si non eandem habuerint basin, super aequales bases erunt constituta. 66.a
- 51 Si triangulum duplam habuerit basin, fueritque in eisdem parallelis cum parallelogrammo; triangulum parallelogrammo aequale est. 66.b
- 52 Si parallelogrammum & triangulum aequales habuerint bases, in eisdemque fuerint parallelis; duplum erit parallelogrammum trianguli. 66.b
- 53 Si trianguli parallelogrammum duplum fuerit, eandemque habuerint basin, vel aequales, & ad easdem partes constituta; Erunt ipsa in eisdem parallelis. Et si parallelogrammum duplum fuerit trianguli, in eisdemque parallelis; erunt bases aequales, si non sit eadem. 66.b
- 54 Si triangulum & trapezium super eadem basi, & in eisdem fuerint

❁ I N D E X. ❁

fuerint parallelis, maior autem linea parallela trapezj fit basis trianguli; erit trapezium minus duplo trianguli: Si uero minor linea parallela trapezj basis fit trianguli, erit trapezium maius duplo trianguli.	67. a
Trapezium habens duo latera opposita parallela, duplum est trianguli, quod basin habet unum latus trapezj coniungens duas parallelas, verticem uero in medio puncto lateris oppositi.	67. b
Dato parallelogrammo aequale triangulum constituere, in dato angulo rectilineo.	68. a
Si parallelogrammum diuisum fuerit in quatuor parallelogramma, ita ut ex illis duo aduersa sint equalia; consistet reliqua duo circa diametrum.	69. a
Ad datam rectam lineam, dato parallelogrammo constituere aequale triangulum, in dato angulo rectilineo.	70. a
Datis duobus rectilineis inaequalibus, excessum maioris supra minus inquirere.	71. a
Linearum equalium equalia sunt quadrata: Et quadratorum equalium aequales sunt lineae.	71. b
Si in quadrato quouis diameter ducatur, quadratum a diametro descriptum duplum erit praedicti quadrati.	73. b
Quadratum diametri figure altera parte longioris aequale est duobus quadratis laterum inaequalium.	73. b
Si fuerint duo triangula rectangula, quorum latera rectis angulis opposita sint equalia, erunt duo quadrata reliquorum duorum laterum unius trianguli equalia duobus quadratis reliquorum duorum laterum alterius.	73. b
Duobus quadratis inaequalibus propositis, inuenire alia duo quadrata, quae & equalia sint inter se, & simul sumpta equalia duobus inaequalibus propositis simul sumptis.	74. a
Propositis duabus lineis inaequalibus, inuenire id, quo plus potest maior, quam minor.	74. a
Propositis quocumque quadratis, siue equalibus, siue inaequalibus, inuenire quadratum omnibus illis aequale.	74. b
Propositis duobus quadratis quibuscunque, alteri illorum adiungere figuram, quae reliquo quadrato sit equalis, ita ut tota figura composita sit etiam quadrata.	75. a
Cognitis duobus lateribus quibuscunque trianguli rectanguli, in cognitionem reliqui lateris peruenire.	75. a

69 In omni triangulo, parallelogramma quacunque super duobus lateribus descripta, equalia sunt parallelogrammo super reliquo latere constituto, cuius alterum latus aequale sit, & parallelum rectæ ductæ ab angulo, quem duo illa latera comprehendunt, ad punctum, in quo conveniunt latera parallelogrammorum lateribus trianguli opposita, si ad partes anguli dicti producantur. 75.b

IN SECUNDO LIBRO.

- 1 **I**N omni parallelogrammo, cuius unus duntaxat angulus dicitur rectus; erunt & reliqui tres necessario recti. 77.a
- 2 Si fuerint duæ rectæ lineæ, secenturque ambæ in quocunque segmento: Rectangulum comprehensum sub illis duabus rectis lineis, aequale est eis, quæ sub singulis segmentis unius, & quolibet segmentorum alterius continentur, rectangulis. 79.b
- 3 Si sint duæ rectæ lineæ, secenturque ambæ utcumque: Rectangulum comprehensum sub illis duabus rectis lineis, una cum rectangulo sub una parte unius, & una parte alterius comprehenso, aequale est eis, quæ sub totis lineis, & dictis partibus mutuo continentur, rectangulis, una cum rectangulo sub reliquis partibus comprehenso. 80.a
- 4 Si lineæ rectæ secetur in quocunque segmento; quadratum, quod a tota fit, aequale est eis, quæ sub singulis segmentis, & quolibet segmento comprehenduntur, rectangulis. 81. a
- 5 Parallelogramma circa diametrum quadrati sunt quadrata. 83.a
- 6 Si lineæ rectæ fuerit duplæ lineæ rectæ, quadratum ex illa descriptum quadruplum est quadrati ex hac descripti. Et si quadratum quadruplum fuerit quadrati, latus illius duplum est lateris huius. 83.b 208. a
- 7 Si tres lineæ habeant proportionalitatem Arithmeticam; rectangulum sub extremis contentum, una cum quadrato excessus, aequale est quadrato lineæ mediæ. 85. b.
- 8 Si recta lineæ in partes inæquales secetur, earum partium quadrata equalia sunt rectangulo, quod bis dictis partibus continetur una cum quadrato eius lineæ, quæ maior pars superat minorem. 86.b
- 9 In omni triangulo obtusangulo, lineæ perpendicularis ductæ ex

INDEX.

ex quouis acutorum angulorum ad latus oppositum cadit in ipsum latus ad partes anguli obtusi protractum.	91.a	
Si quadratum, quod ab uno laterum trianguli describitur, maius sit eis, quæ a reliquis trianguli lateribus describuntur, quadratis: Angulus comprehensus sub reliquis duobus trianguli lateribus, obtusus est.	91.b	10
Linea perpendicularis ducta a quouis angulo triaguli acutã guli, vel ab angulo recto triaguli rectanguli, vel ab obtuso triã guli obtusanguli ad latus oppositũ, cadit inr a triangulũ.	92.b	11
Si quadratum, quod ab vno laterum trianguli describitur, minus sit eis, quæ a reliquis trianguli lateribus describuntur, quadratis: Angulus comprehensus sub reliquis duobus trianguli lateribus, acutus est.	93.a	12
Areã cuiusque triãguli latera habentis nota inuenire.	93.b	13
Dato excessu diametri alicuius quadrati supra latus eiusstẽ, inuenire latus ipsius quadrati.	95.a	14

IN TERTIO LIBRO.

S I in circulo recta aliqua lineam aliquam rectam lineam bifariam, & ad angulos rectos secet; in secante est centrũ circuli.	100.a	1
Linea recta, quæ circumulum tangit, ita ut eum non secet, in uno tantum puncto ipsum tangit.	100.b	2
Si intra circumulum punctum sumatur, ab eoque puncto in circumulum rectarum linearum cadentium una quidẽm maxima sit, vna vero minima; & reliquarum alie sint inæquales, alie æquales: Maxima quidem per centrum transibit, minima vero erit reliqua pars diametri; & aliarum maiores quidem erunt centro propinquiores, æquales autem ab eo æqualiter distabunt.	103.a	3
Recta linea a diametri circuli extremitate ad angulos rectos ducta ipsum circumulum tangit.	109.b	4
Quolibet anguli contactus æquales simul sumpti minores sunt quouis angulo acuto rectilineo.	114.b	5
Aliqua quantitas potest continue, & infinite augeri, altera vero infinite minui; & tamen augmentum illius, quantumcunque sit, minus semper erit decremento huius.	115.b	6
Transitur a minori ad maius, vel contra, & per omnia		7

- media; & tamen non per æquale. Item reperitur maius hoc, & minus eodem; & tamen non æquale. 115.b. & 126.b
- 8 A dato puncto in circumferentia circuli rectam lineam ducere, quæ circumulum tangat. 116.b
- 9 Lineæ rectæ, quæ circumulum secet, lineam parallelam ducere, quæ eundem circumulum tangat. 116.b
- 10 Propositis duobus circulis, quorum neuter alterum includat, rectam lineam ducere, quæ utrunque tangat circumulum. 116.b
- 11 In circulo spatium ad centrum duplex est anguli ad peripheriam, cum fuerit eadem peripheria basis spatii & anguli. 118.b
- 12 Si in quadrilatero anguli, qui ex aduerso, duobus rectis sint æquales; circulus, qui per tres quoscunque eius angulos describitur, transibit etiam per reliquum quartum angulum; atque adeo circa ipsum quadrilaterum circulus describi poterit. 120.a
- 13 Segmenta circulorum æqualia super æquales lineas, uel super eandem constituta, sunt similia. 121.a
- 14 In æqualibus circulis, inæquales anguli inæqualibus peripheriis insistant, maior maiori, & minor minori, siue ad centra, siue ad peripherias constituti insistant. 122.b
- 15 In æqualibus circulis anguli, qui inæqualibus peripheriis insistant, sunt inter se inæquales, maior, qui maiori, & minor, qui minori, siue ad centra, siue ad peripherias constituti insistant. 123.a
- 16 Duæ rectæ lineæ, quæ in eodem circulo æquales arcus interceptiunt, se mutuo non secantes, sunt parallele. 123.b
- 17 Linea recta, quæ ex medio puncto peripheriæ alicuius ducitur tangens circumulum, parallela est rectæ lineæ, quæ peripheriam illam subtendit. 123.b
- 18 In æqualibus circulis inæquales rectæ lineæ inæquales peripherias auferunt, maior quidem maiorem, & minor minorem, si loquamur de segmentis circuli minoribus semicirculo; At uero si de segmentis circuli maioribus sermo habeatur, maior minorem, & minor maiorem. 124.a
- 19 In æqualibus circulis, inæquales peripherias inæquales rectæ lineæ subtendunt, maiorem quidem maiorem, & minorem minor, si de segmentis semicirculo minoribus fiat sermo; At uero si de segmentis semicirculo maioribus loquamur, minorem maiorem, & maiorem minor. 124.b
- 20 Angulus trianguli, quæ reliquis duobus æqualis existit, rectus est. 126.b
- Segmentum

INDEX.

Segmentum circuli, in quo angulus constitutus est rectus, semicirculus est.	21
126.b.	
Si angulo recto recta subtrahens bifariam secetur, & ex puncto divisionis circulus describatur ad intervallum dimidia subtrahens; circulus transit per angulum rectum.	22
127.a.	
Si linea recta ducta ad extremitatem lineae circumulum secantis fecerit cum ipsa angulos aequales ijs, qui in alternis circuli segmentis consistunt, angulis; Linea ducta circumulum tanget.	23
127.b.	
Si dua recta ita se secent, ut rectangulum sub unius segmentis comprehensum aequale sit ei, quod sub segmentis alterius comprehenditur, rectangulo; describi poterit per quatuor illarum puncta extrema circulus.	24
129.b.	
Si a puncto quovis extra circumulum assumpto plurime lineae rectae circumulum secantes ducantur; rectangula comprehensa sub totis lineis, & partibus exterioribus, inter se sunt aequalia.	25
130.b.	
Duae rectae lineae ab eodem puncto ductae, quae circumulum tangant, inter se sunt aequales.	26
131.a.	
Ab eodem puncto extra circumulum assumpto, duci tantum possunt duae lineae, quae circumulum tangant.	27
131.a.	

IN QUARTO LIBRO.

I n dato circulo rectam lineam accommodare aequalem datae rectae lineae, quae circuli diametro non sit maior, & alteri datae parallelam.	1
133.b.	
Si circulo circa triangulum descripto, centrum intra triangulum cadat, triangulum est acutangulum: Si vero in unum latus trianguli, rectangulum: si denique extra triangulum, obtusangulum.	2
135.b.	
Centrum circuli circa triangulum acutangulum descripti intra triangulum cadit: circa rectangulum vero, in latus recto angulo oppositum: circa obtusangulum denique, extra triangulum.	3
135.b.	
Per data tria puncta non in una recta linea existentia circumulum describere.	4
135.b.	
Si circa datum circumulum describatur quadratum, & in eodem circulo quadratum inscribatur, erit quadratum circumscriptum	5
scriptum	

- 6 scriptum quadrati inscripti duplum. 137.a.
 Super data recta linea terminata pentagonum aequilaterū,
 & aequiangulum constituere. 138.b.
- 7 Latus hexagoni aequale est semidiametro circuli, in quo de-
 scribitur. 140.b.
- 8 Si in circulo ab eodē puncto inscribantur duo latera duarum
 figurarum aequilaterarum; continebit arcus inter dicta latera
 inclusus tot latera alterius figure inscribenda in eodem circulo,
 quot unitatibus inter se differunt denominatores dictorum
 laterum; continebit autem figura inscribenda tot latera, an-
 gulosque aequales, quot unitates sunt in numero, qui ex mul-
 tiplicatione denominatorum producitur. 141.b.
- 9 Omnis figura aequilatera circulo inscripta, aut circumscri-
 pta, est quoque aequiangula. 142.a.
- 10 In circulo una eadem opera facilius, quam ab Euclide irra-
 ditum est, pentagonum, & Decagonum aequilaterum, & a-
 quiangulum describere. 143.a.
- 11 Si bisarie sectiones laterum figura aequilatera & aequiangula
 rectis coniungantur lineis; inscripta erit figura aequilatera
 quoque & aequiangula in dicta figura, idē centrū habēs. 143.a.

IN QVINTO LIBRO.

- 1 **A**NGVLVS curvilineus rectilineo aequalis esse po-
 test. 154.a.
- 2 Si quatuor magnitudines fuerint proportionales, & conuer-
 tendo proportionales erunt. 166.a.
- 3 Si prima ad secundam eandem habuerit rationem, & tertia
 ad quartam; etiam aequemultiplices primæ & tertiæ ad secundam,
 & quartam magnitudines eandem habebunt rationem:
 Nec non aequemultiplices secundæ & quartæ ad primam & ter-
 tiam magnitudines. Et contra, eandem rationem habebunt se-
 cunda & quarta ad aequemultiplices primæ & tertiæ; Nec non
 prima & tertia ad aequemultiplices secundæ & quartæ. 166.b.
- 4 AEquales magnitudines ad aequales eandem habent ratio-
 nem. 169.a.
- 5 Si prima ad secundam eandem habuerit rationem, quam ter-
 tia ad quartam; tertia uero ad quartam minorem rationem ha-
 buerit, quam quinta ad sextam: Prima quoque ad secundam
 minorem

I N D E X.

minore[m] rationem habebit, quam quinta ad sextam. 172.a. Si prima ad secundam maiorem habuerit rationem, quam tertia ad quartam; tertia autem ad quartam maiorem habue- rit, quam quinta ad sextam; Prima quoque ad secundam ma- iorem rationem habebit, quam quinta ad sextam. Quod si pri- ma ad secundam minorem habuerit rationem, quam tertia ad quartam; tertia autem ad quartam minorem habuerit, quam quinta ad sextam: Prima quoque ad secundam minorem ra- tionem habebit, quam quinta ad sextam. 172.a.	6
Si prima ad secundam eandem habuerit rationem, quam ter- tia ad quartam; prima uero, quam secunda, maior fuerit: Erit & tertia maior, quam quarta; Et si equalis, equalis; & si mi- nor, minor. 174.a.	7
Si quatuor magnitudines fuerint proportionales, & per con- uersionem rationis proportionales erunt. 175.b.	8
Si duae magnitudines ad duas magnitudines eandem ha- beant proportionem, & detractae quaedam habeant ad eandem eandem proportionem; & reliquae ad eandem eandem propor- tionem habebunt. 178.b.	9
Si tres magnitudines fuerint proportionales: Maxima & minima maiores erunt, quam dupla reliquae. 179.b.	10
Si prima ad secundam habuerit maiorem proportionem, quam tertia ad quartam; habebit conuertendo secunda ad primam minorem proportionem, quam quarta ad tertiam. 179.b.	11
Si prima ad secundam habuerit minorem proportionem, quam tertia ad quartam; habebit conuertendo secunda ad pri- mam maiorem proportionem, quam quarta ad tertiam. 180.a.	12
Si prima ad secundam habuerit maiorem proportionem, quam tertia ad quartam; habebit quoque uicissim prima ad ter- tiam maiorem proportionem, quam secunda ad quartam. 180.a.	13
Si prima ad secundam habuerit minorem proportionem, quam tertia ad quartam; habebit quoque uicissim prima ad tertiam minorem proportionem, quam secunda ad quartam. 180.b.	14
Si prima ad secundam habuerit maiorem proportionem, quam tertia ad quartam; habebit quoque composita prima cum secunda ad secundam maiorem proportionem, quam composita tertia cum quarta ad quartam. 180.b.	15
Si prima ad secundam habuerit minorem proportionem, quam tertia ad quartam; habebit quoque composita prima cum secunda ad secunda[m]	16

- ad secundam minorem proportionem, quam composita tertia cum quarta ad quartam. 181.a.
- 17 Si composita prima cum secunda ad secundam maiorem habuerit proportionem, quam composita tertia cum quarta ad quartam; habebit quoque diuidendo prima ad secundam maiorem proportionem, quam tertia ad quartam. 181.a.
- 18 Si composita prima cum secunda ad secundam minorem habuerit proportionem, quam composita tertia cum quarta ad quartam; habebit quoque diuidendo prima ad secundam minorem proportionem, quam tertia ad quartam. 181.b.
- 19 Si composita prima cum secunda ad secundam habuerit maiorem proportionem, quam composita tertia cum quarta ad quartam; habebit per conuersionem rationis, prima cum secunda ad primam minorem proportionem, quam tertia cum quarta ad tertiam. 181.b.
- 20 Si composita prima cum secunda ad secundam habuerit minorem proportionem, quam composita tertia cum quarta ad quartam; habebit per conuersionem rationis, prima cum secunda ad primam maiorem proportionem, quam tertia cum quarta ad tertiam. 182.a.
- 21 Si sint tres magnitudines, & alia ipsis aequales numero, sitque maior proportio primae priorum ad secundam, quam primae posteriorum ad secundam; Item secundae priorum ad tertiam maior, quam secundae posteriorum ad tertiam: Erit quoque ex aequalitate, maior proportio primae priorum ad tertiam, quam primae posteriorum ad tertiam. 182.a.
- 22 Si sint tres magnitudines, & alia ipsis aequales numero, sitque minor proportio primae priorum ad secundam, quam primae posteriorum ad secundam; Item secundae priorum ad tertiam minor, quam secundae posteriorum ad tertiam: Erit quoque ex aequalitate, minor proportio primae priorum ad tertiam, quam primae posteriorum ad tertiam. 182.b.
- 23 Si sint tres magnitudines, & alia ipsis aequales numero, sitque maior proportio primae priorum ad secundam, quam secundae posteriorum ad tertiam; Item secundae priorum ad tertiam maior, quam primae posteriorum ad secundam: Erit quoque ex aequalitate, maior proportio primae priorum ad tertiam, quam primae posteriorum ad tertiam. 183.a.
- 24 Si sint tres magnitudines, & alia ipsis aequales numero, sitque

INDEX.

<p>fitque minor proportio primæ priorum ad secundam, quam secundæ posteriorum ad tertiam; Item secundæ priorum ad tertiam minor, quam prima posteriorum ad secundam: Erit quoque ex æqualitate, minor proportio primæ priorum ad tertiam, quam primæ posteriorum ad tertiam.</p> <p>183.a.</p>	25
<p>Si fuerit maior proportio totius ad totum, quam ablati ad ablatum; Erit & reliqui ad reliquum maior proportio, quam totius ad totum.</p> <p>183.b.</p>	26
<p>Si fuerit minor proportio totius ad totum, quã ablati ad ablatum, Erit & reliqui ad reliquum minor proportio, quam totius ad totum.</p> <p>183.b.</p>	27
<p>Si sint quotcunque magnitudines, & aliæ ipsæ æquales numero, fitque maior proportio primæ priorum ad primam posteriorum, quam secundæ ad secundam; & hæc maior, quam tercia ad tertiam, & sic deinceps: Habebunt omnes priores simul ad omnes posteriores simul, maiorem proportionem, quam ultima priorum ad ultimam posteriorum; Item maiorem, quam omnes priores, relicta prima, ad omnes posteriores, relicta quoque prima; minorem autem, quam prima priorum ad primam posteriorum.</p> <p>184.a.</p>	

IN SEXTO LIBRO.

<p>PROPOSITIS quotcunque quantitibus, proportio primæ ad ultimam componitur ex proportionibus omnibus intermedijs, ut ex proportionibus primæ ad secundam, secundæ ad tertiam, &c.</p> <p>188.a.</p>	1
<p>Triangula & parallelogramma, quæ ita se habent inter se, ut bases, eandem habent altitudinem, æquales sũt.</p> <p>190.b.</p>	2
<p>Triangula & parallelogramma, quorum æquales sũt bases, uel eadem, ita se habent inter se, ut altitudines.</p> <p>191.a.</p>	3
<p>Triangula & parallelogramma, quæ ita se habent inter se ut altitudines, æquales habent bases.</p> <p>191.a.</p>	4
<p>Linea recta, quæ parallela ducitur uni lateri in triangulo aufert triangulum toti triangulo simile.</p> <p>193.b.</p>	5
<p>Si ex duobus punctis cuiusvis rectæ, quorum alterum sit extremum, alterum uero intra lineam, dua parallele inter se ad easdem partes educantur, ita ut proportionem habeant eandem, quam recta inter ipsas, & alterum extremum inclusæ: Recta coniun-</p>	6

- 7 coniungens extremum unius earum cum extremo prioris lineae transibit per extremum alterius lineae. 193.b.
 Si in triangulo quouis uni lateri parallela recta agatur, & ex quocunq; puncto illius lateris ad angulū oppositum recta educatur linea; dividuntur linea parallela, & latus dictum in easdem rationes. 194.a.
- 8 Recta perpendicularis, quae in rectangulo triangulo ab angulo recto in basim demittitur, est media proportionalis inter duo basim segmenta: Item latus utrumlibet angulum ambiens, medium proportionale est inter totam basim, & illud segmentum basim, quod dicto lateri adiacet. 197.a.
- 9 Datam rectam lineam in partes quocunq; aequales dividere. 198.a.
- 10 Datam rectam lineam secare in duas partes, quae habeant proportionem quamcunq; datam. 199.a.
- 11 Si duae rectae lineae secentur in binis punctis proportionaliter: Erunt quoque intermediae sectiones in eadem proportione cum quibuslibet segmentis duobus. 199.b.
- 12 Datis duabus rectis lineis, duas alias in eadem cum illis proportione reperire. 200.b.
- 13 Tribus datis rectis lineis, quartam inuenire, quae sit ad tertiam, ut prima ad secundam. 201.a.
- 14 Recta linea, quae in circulo a quouis puncto diametri ipsi diametro perpendicularis ducitur ad circumferentiam usque, media est proportionalis inter duo diametri segmenta, quae a perpendiculari facta sunt. 201.a.
- 15 Data recta linea, aliam rectam, (quae minor non sit, quam dupla illius) ita secare, ut data recta sit media proportionalis inter segmenta huius. 201.b.
- 16 Recta linea media proportionalis est inter alias duas rectas lineas, quae comprehendunt rectangulū quadrato illius aequale. 204.a.
- 17 Si tres rectae lineae proportionales fuerint; ut est prima ad tertiam, ita est triangulum super primam descriptum ad triangulum super secundam simile, similiterque descriptum; Item triangulum super secundam ad triangulum super tertiam simile similiterque descriptum. 206.a.
- 18 Polygona similia, aequilatera & aequiangula dividuntur in similia triangula, & numero aequalia, ductis e centrīs circulo-rū ipsa circumscribentiū ad omnes angulos rectis lineis. 207.b.
 Si fue-

I N D E X.

Si fuerint tres recte lineæ proportionales; ut est prima ad tertiam, ita est polygonum super primam descriptum ad polygonum super secundam simile similiterque descriptum. 208.a.	19
Æqualia rectilinea similia, similiterque descripta, constituta sunt super aequales rectas lineas. 209.b.	20
Si fuerint tres recte lineæ proportionales; erunt & rectilinea similia similiterque descripta ab eis, proportionalia. Et si a tribus rectis lineis similia similiterque descripta rectilinea proportionalia fuerint; ipse etiã recte proportionales erũt. 210.a.	21
Triangula, quæ unum angulũ uni angulo æqualem habent, proportionem habent ex lateribus æqualem angulum comprehendentibus compositam. 211.a.	22
Proportionem ex duabus proportionibus, uel pluribus componere. 211.b.	23
Proportionem minorem ex maiori auferre. 211.b.	24
Triangula, quæ unum angulum uni angulo æqualem habent, eandem proportionem habent, quam rectangula, quæ sub lateribus æqualem angulum comprehendentibus continentur. 212.a.	25
Parallelogramma inter se æquiangula eandem habent proportionem, quam rectangula sub lateribus ipsorum æqualem angulum continentibus comprehensa. 212.a.	26
Triangula & parallelogramma inter se proportionem habent compositam ex proportione basium, & proportione altitudinum. 212.b.	27
Datis duobus parallelogrammis æquiangulis, sed non similibus; ex quouis illorum alteri simile refecare. Item quoduis ipsorum augere, ut fiat simile alteri. 214.b.	28
Dato parallelogrammo, describere aliud maius aut minus simile illi, similiterque descriptum. 215.a.	29
Si ad rectam lineam applicetur parallelogrammum deficientis quadrato; ipsum applicatũ æquale est rectangulo, quod sub segmentis lineæ per applicationem factis continetur. 219.b.	30
Si figura, quæ ab uno laterum trianguli describitur, æqualis sit eis, quæ a reliquis trianguli lateribus describuntur, figuris similibus, similiterque positis; Angulus comprehensus sub reliquis duobus trianguli lateribus, rectus est. 222.a.	31
Sector ad sectorem est, ut angulus ad angulum. 224.b.	32
Angulus ad centrum circuli ita est ad quatuor rectos, ut ar-	33

- ut arcus illi subiensus ad totam circumferentiam . Et contra , Ita se habent quatuor recti ad angulum in centro , ut tota circumferentia ad arcum illi angulo subensum . 224.b.
- 35 Similia segmenta circularum eandem proportionem habent ad integras circumferentias circularum , ac propterea qualis pars est una circumferentia totius suæ circumferentia , talis quoque est alia circumferentia similis totius suæ circumferentia . 225.a.
- 36 Anguli insistentes arcibus circularum similibus , siue ad centra , siue ad circumferentias insistant , æquales sunt inter se . Et arcus . quibus insistant siue ad centra , siue ad circumferentias , anguli æquales , similes sunt . 225.b.
- 37 A dato rectilineo imperatam partem auferre , ita tamen , ut & ablatum , & id , quod relinquitur , simile sit cuius rectilineo dato , similiterque positum . 226.a.
- 38 Duobus datis rectilineis , tertium proportionale inuenire . 227.a.
- 39 Tribus datis rectilineis , quartum proportionale inuenire . 227.a.
- 40 Duobus datis rectilineis , medium proportionale inuenire . 227.a.
- 41 Dato rectilineo , duo rectilinea æqualia constituere , que similia sint , similiterque descripta cuiusque rectilineo , habeantque inter se proportionem quamcunque . 227.b.
- 42 Dato rectilineo , duo rectilinea æqualia exhibere , que cuius rectilineo similia sint , similiterque descripta , lateraque eorum homologa habeant inter se proportionem datam . 228.a.
- 43 Duobus datis rectilineis , æquale rectilineum constituere , quod simile sit , similiterque positum cuius rectilineo dato . 228.b.
- 44 Si in circulo due rectæ lineæ sese mutuo secuerint ; Erunt segmenta unius segmentis alterius reciproca . 229.a.
- 45 Si extra circulum sumatur punctum aliquod , ab eoque in circulum cadant due rectæ lineæ circulum secantes ; Erunt totæ , & segmenta extra circulum reciproca . Quod si ab eodem puncto lineæ ducantur , que circulum tangant ; Erit hæc media proportionalis inter quamlibet rectam , que circulum secet , & eius segmentum exterius . 229.a.
- 46 Si due rectæ lineæ sese mutuo secuerint , & a duobus earum terminis perpendiculares sibi mutuo demittantur , Erunt due

due lineæ, quarum una inter terminum & sectionē, altera vero inter eundem terminum et suam perpendicularē inter iicitur, alijs duabus eodem modo inclusis reciproca.	229. b
In parallelogrammo due rectæ lateribus parallelæ se mutuo secantes, diuidunt parallelogrammum in quatuor parallelogramma proportionalia.	230. a
Omne quadrilaterum a duabus diametris se mutuo secantibus diuiditur in quatuor triangula proportionalia.	230. a
A dato puncto in latere trianguli lineam rectam ducere, que triangulum diuidat in duo segmenta secundum proportionem datam.	230. a
Imperatam partem ex triangulo auferre per lineam rectam, que a quouis dato puncto lateris ducitur.	230. b
Dato rectilineo, simile similiterque positum rectilineum describere maius, vel minus, secundum proportionem datam; Atque adeo quadratum quodcunque, vel aliud rectilineum duplicare, triplicare, quadruplicare, &c. Et aliud constituere, quod sit illius dimidium, vel tertia pars, vel quarta, &c. seruata nihilominus semper eadem rectilineorum similitudine.	231. a
In dato triangulo quocunque quadratum describere.	232. a

47
48
49
50
51
51
52

IN SEPTIMO LIBRO.

Si duobus numeris inter se primis propositis, detrahatur semper minor de maiore, alterna quadā detractiōe; nunquam reliquus metietur precedentē, quoad assumpta sit unitas.	246. a
Si propositis duobus numeris inter se compositis, detrahatur semper minor de maiore, alterna quadam detractiōe; detractio ad unitatem usque non perueniet, sed ad numerum, qui precedentem detractum metiatur.	246. b
An duo numeri propositi sint inter se primi, nec ne, considerare.	246. b.
Numerus metiens duos numeros, metitur & maximam eorū communem mensuram.	247. b
An quotlibet numeri propositi sint inter se primi, nec ne, considerare.	247. b
Numerus metiens tres numeros, vel etiam plures, metitur & maximam eorum communem mensuram.	248. b
Si unitas numeri pars fuerit, & altera unitas, vel numerus alterius	d

1
2
3
4
5
6
7

- alterius numeri eadem pars ; Et simul utraque unitas, uel unitas & numerus simul, utriusque numeri simul eadem pars erit que unitas numeri. 249.b
- 8 Si sint quotcunque numeri quotcunque numerorum equalium numero, singuli singulorum, eadem pars ; Et omnes omnium simul eadem pars erunt, qua unus unius. Idemque sequitur, si loco unius numerorum priorum sumatur unitas, vel loco plurium, vel etiam omnium, plures unitates. 250.a
- 9 Si sint quotcunque numeri quotcunque numerorum equalium numero, singuli singulorum, aequimultiplices ; quam multiplex est unius unus numerus, tam multiplices erunt & omnes omnium. Idemque sequitur, si loco unius numerorum posteriorum assumatur unitas, vel loco plurium, vel etiam omnium, plures unitates. 250.b
- 10 Si sint quotcunque numeri quotcunque numerorum, singuli singulorum, eadem partes ; Et omnes omnium simul eadem partes erunt, qua unus unius. 251.a
- 11 Si numerus numeri aequi fuerit multiplex, atque ablati ablati ; Etiam reliquis reliqui ita multiplex erit ut totus totius. 252.a
- 12 Si primus secundum aequaliter contineat, atque tertius quartum, eandemque insuper partem, uel partes ; Erit et contrario secundus primi eadem partes, qua quartus tertij. Et si fuerit primus secundi eadem partes, qua tertius quarti ; continebit et contrario secundus primum aequaliter, atque quartus tertium, eandemque insuper partem, uel partes. 254.b
- 13 Quae proportionales numerorum eidem proportioni eadem sunt, inter se quoque sunt eadem. 259.a
- 14 Si numerus quotcunque numeros multiplicet, uel quotcunque numeri numerum quempiam multiplicent ; habebunt producti numeri eadem rationes, quos numeri multiplicati, uel multiplicantes. 261.b
- 15 Si duo numeri duos numeros eandem, quam illi, habentes rationem multiplicent, antecedens nimirum illorum consequentem horum, & consequens antecedentem ; geniti ex ipsis aequales inter se erunt. 262.a
- 16 Quotlibet numeri minimi in continuatione suarum proportionum, siue eadem sint, siue diuersa proportionales, metiuntur aequales totidem alios numeros, qui eadem cum eis proportionales habent, primus primum, secundus secundum, &c. 263.b
- 17 Si quatuor numeri proportionales sint ; Et conuertendo proportionales

INDEX.

portionales erunt.	254.b	
Si compositi numeri proportionales sint; Hi quoque diuisi proportionales erunt.	265.a	18
Si diuisi numeri proportionales sint; Hi quoque compositi proportionales erunt.	265.a	19
Si compositi numeri proportionales sint; Hi quoque per con- uerſionem rationis proportionales erunt.	265.a	20
Si primus ad secundum eandem habuerit rationem, quã ter- tius ad quartum; habuerit autem & quintus ad secundum ean- dem rationem, quam sextus ad quartum: Etiam compositus pri- mus cum quinto ad secundum eandem habebit rationem, quam tertius cum sexto ad quartum.	265.b	21
Si duo numeri ad duos numeros eandem habeant rationem; & detracti quidam habeant ad eosdem eandem: Et reliqui ad eosdem eandem rationem habebunt.	266.a	22
Si primus ad secundum eandem habuerit rationem, quam tertius ad quartum; habuerit autem & primus ad quintum eandem, quam tertius ad sextum: Etiam primus ad compositum secundum cum quinto eandem rationem habebit, quam tertius ad quartum cum sexto.	266.a	23
Si quotcumque numeri ad eundem habuerint proportionem, quas alij illis multitudine æquales ad quendam alium eundem: Habebunt quoque illi omnes simul ad eundem proportionem, quam omnes hi simul ad eundem. Et si idem numerus ad quot cumque numeros proportionem habuerit, quas idem numerus ad alios multitudine illis æquales; Habebit quoque idem numerus ad omnes illos simul proportionem, quam idem numerus ad hos omnes simul.	266.b	24
Quotcumque numeri inter se primi, minimi sunt in cõtinua- tione suarum proportionum. Et quotcumque numeri in cõtinua- tione suarum proportionum minimi sunt inter se primi.	268.a	25
Numerus, qui ex duobus compositus ad unum illorum pri- mus est, ad reliquum quoque est primus.	270.b	26
Si duo numeri sese mutuo multiplicantes fecerint aliquem; genitum autem ex ipsis metiatur aliquis non primus numerus; vel certe ad ipsum sit compositus; Is ad unum eorum, qui in principio, compositus erit.	271.b	27
Maxima mensura quotlibet numerorum metitur ipsos p nume- ros, qui minimi sunt eandem proportionem cum ipsis habentium.	273.a	28
d 2 Duos		

- 29 Duos minimos numeros inuenire, qui eandem habeant proportionem, quam quocumque numeri dati continue proportionales. 273.a
- 30 Si duo numeri multiplicent minimos eandem rationem habentes, maior minorem, & minor maiorem, produciuntur numerus minimus, quem illi metiantur. 274.a
- 31 Si tres numeri numerum quempiam metiantur; metietur & eundem minimus numerus, quem illi metiantur. 275.a
- 32 Minimus numerus, quem quolibet numeri metiuntur, minimus est habens partes a numeris metientibus denominatas. 276.b
- 33 Numerum reperire, qui minimus cum sit, habeat datas partes, hac lege, ut qualibet pars subsequentem partem contineat. 277.b

IN OCTAVO LIBRO.

- 1 Si tres numeri minimi sint continue proportionales, erunt extremi eorum quadrati: Si autem fuerint quatuor, cubi. folio. 280.a
- 2 Extremi numeri proportionalium quocumque secundum doctrinam proposit. 2. inuentorum, in data ratione minimorum, inter se primi sunt. 280.a
- 3 Duo numeri minimi in data ratione metiuntur omnes medios quocumque minimorum in eadem ratione. 280.b
- 4 Si sint quocumque numeri deinceps proportionales, primus autem secundi non sit multiplex; neque alius quisquam nullius multiplex erit. 285.a
- 5 Si sint quocumque numeri deinceps proportionales, primus vero secundum metiatur; & quicumque alius quemlibet sequentium metietur. Si primus autem secundi sit multiplex; & quicumque alius cuiuslibet sequentium multiplex erit. folio. 285.a
- 6 Si sint quocumque numeri deinceps proportionales, primus autem, vel alius quisquam nullum a secundo metiatur; neque primus secundum metietur. Et si primus, vel alius quisquam nullius a secundo sit multiplex; neque primus secundi multiplex erit. 285.b
- 7 Si sint quocumque numeri deinceps proportionales, primus autem,

autem, vel alius quisquam quemlibet a secundo metiatur; metietur & primus secundum. Et si primus, vel alius quisquam cuiuslibet a secundo sit multiplex; primus quoque secundi multiplex erit. 286.b

Inter numeros dupla proportionis, vel superparticularis, vel superbipartientis, non potest cadere numerus medius proportionalis. 287.a

Si numerus seipsum multiplicans aliquem fecerit; & rursum multiplicet productum, & sic deinceps; erunt omnes producti continue proportionales ab unitate. 289.a

Si quotquot numeri fuerint ab unitate continue proportionales, secundus ab unitate in se multiplicatus producit tertium, & ex eodem in hunc fit quartus, & ex eodem in hunc quintus, & sic deinceps. 290.a

Si sint ab unitate duo ordines numerorum continue proportionalium, & multitudine equalium; habebunt tertij ab unitate proportionem duplicatam eius, quam habent secundi ab unitate; quarti vero eiusdem triplicatam; & quinti quadruplicatam; & semper deinceps uno amplius. 290.a

Si sint ab aliquo numero eodem duo ordines numerorum continue proportionalium, & multitudine equalium; habebunt tertij ab illo numero proportionem duplicatam eius, quam habent secundi ab eodem; quarti vero eiusdem triplicatam; & quinti quadruplicatam; & semper deinceps uno amplius. 290.b

Si inter duos numeros, & aliquem alium numerum assumptum, continue proportionales ceciderint numeri; quos inter utrunque ipsorum, & assumptum deinceps medij continua proportione cadunt numeri, totidem & inter ipsos medij continua proportione cadent. 291.b

Inter duos quadratos numeros cadit numerus medius proportionalis in continua proportione lateris ad latus. 292.b

Numerus medius proportionalis inter duos quadratos, & quilibet ipsorum quadratorum, compositi inter se sunt. 292.b

Inter duos cubos cadunt duo numeri medij proportionales in continua proportione lateris ad latus. 293.b

Duo numeri medij proportionales inter duos cubos, & quilibet ipsorum cuborum, inter se compositi sunt. 293.b

Si quadratus numerus quadrati numeri, & cubus cubi sit

8

9

10

11

12

13

14

15

16

17

18

- multiplex; & unius latus lateris alterius multiplex erit. Et si unius quadrati, & cubi latus lateris alterius sit multiplex; & quadratus quadrati, & cubus cubi multiplex erit. Si vero quadratus quadrati, & cubus cubi non sit multiplex; neque latus lateris erit multiplex. Et si latus lateris non sit multiplex; neque quadratus quadrati, neque cubus cubi erit multiplex.* 296.b
- 19** Inter duos similes planos cadit medius proportionalis in ratione laterum homologorum, quorum officio medius proportionalis inquiritur. 297.b
- 20** Numerus medius proportionalis inter duos planos similes, & quilibet ipsorum planorum, sunt inter se compositi. 297.b
- 21** Inter duos similes solidos cadunt duo medij proportionales in ratione laterum homologorum, quorum officio medij proportionales inuestigantur. 298.b
- 22** Duo numeri medij proportionales inter duos solidos similes, & quilibet ipsorum solidorum, inter se sunt compositi. folio. 298.b
- 23** Proportio cuiusvis numeri quadrati ad quemlibet numerum non quadratum exhiberi nullo modo potest in duobus numeris quadratis. 301.b
- 24** Numeri in dupla proportionem, proportionem non habent, quam quadratus ad quadratum. 302.b
- 25** Proportio cuiusvis numeri cubi ad quemlibet numerum non cubum, reperiri non potest in duobus numeris cubis. folio. 303.a
- 26** Numeri, qui proportionem habent, quam quadratus numerus ad quadratum numerum, similes plani sunt. 303.b
- 27** Plani numeri non similes proportionem non habent, quam quadratus ad quadratum. 303.b
- 28** Numeri, qui proportionem habent, quam cubus numerus ad cubum numerum, sunt solidi similes. 304.a
- 29** Nulli numeri habentes duplam proportionem, vel sesquialteram, vel superbipartientem, sunt similes plani, vel solidi. folio. 304.a
- 30** Nulli numeri primi sunt plani similes, vel solidi. folio. 304.a
- 31** Duos numeros planos, uel solidos non similes inuenire. folio. 304.b
- 1 X

SI duo numeri quadrati se mutuo multiplicantes faciant quempiam; Productus quadratus erit.	305.b	1
Si duo numeri se mutuo multiplicantes faciant quadratum, alter autem sit quadratus; Et reliquus quadratus erit.	305.b	2
Si duo numeri se mutuo multiplicantes faciant non quadratum, alter autem sit quadratus; Reliquus non quadratus erit.	306.a	3
Si duo numeri, quadratus & non quadratus, se mutuo multiplicantes faciant aliquem; productus non quadratus erit.	306.a	4
Si cubus numerus non cubum numerum multiplicans faciat aliquem; factus non cubus erit.	307.a	5
Si cubus numerus numerum quēdam multiplicans faciat nō cubum; & multiplicatus non cubus erit.	307.a	6
Si ab unitate quocunque numeri deinceps proportionales fuerint; tantum distabit quilibet maior numerus acceptus ab assumpto quouis minore, quantum ab unitate abest is numerus, per quem minor maiorem metitur.	311.b	7
Si ab unitate quocunque numeri deinceps proportionales fuerint; quilibet illorum seipsum multiplicans producit numerum, qui tantum ab eo distat in numeris proportionalibus, quantum ipse ab unitate. Minor uero quouis maiorem quempiam multiplicans producit numerum, qui tantum a maiore distat, quantum minor ab unitate.	311.b	8
Si ab unitate quocunque numeri deinceps proportionales fuerint; quicunque numerus primus vltimum metiens, metitur etiam omnes alios ante vltimum.	313.a	9
Si quocunque numeri deinceps proportionales, fuerint minimi omnium eandem rationem habentium cum ipsis: Numerus aliquem eorum metiens compositus erit ad alterum duorum numerorum, qui in eadem ratione sumuntur minimi.	314.b	10
Si fuerint duo numeri, seceturque ipsorum alter in quocunque partes: Numerus planus comprehensus sub illis duobus numeris æqualis est numeris, qui sub numero indiviso, & quilibet parte numeri diuisi continetur.	315.b	11
Si numerus in duas partes diuidatur: Numeri plani		12
d 4 sub		

- sub toto, & singulis partibus comprehensi æquales sunt numero quadrato, qui a toto efficiuntur. 316.a
- 13 Si numerus in duas partes diuidatur: Numerus planus sub toto, & una parte comprehensus æqualis est & illi, qui sub partibus continetur, & quadrato, qui a prædicta parte efficiuntur, 316.a
- 14 Si numerus in duas partes diuidatur: Quadratus ex toto factus æqualis est quadratis, qui a partibus efficiuntur, una cum numero plano, qui bis sub partibus continetur. 316.b
- 15 Si numerus secetur in duas partes æquales, & non æquales: Numerus planus sub partibus inæqualibus contentus, una cum numero quadrato numeri inter duas sectiones medij, æqualis est quadrato, qui ex dimidio numero gignitur. 316.b
- 16 Si numerus in duas partes æquales diuidatur, & illi alius numerus adijciatur: Numerus qui fit ex toto cum adiecto in adiectum, una cum quadrato dimidij numeri, æqualis est quadrato eius numeri, qui ex dimidio, & adiecto componitur. 317.a
- 17 Si numerus in duas partes diuidatur: Quadratus totius, una cum quadrato vnius partis, æqualis est numero, qui fit bis ex toto in dictam partem, una cum quadrato reliquæ partis. folio. 317.b
- 18 Si numerus in duas partes diuidatur: Qui fit quater ex toto in vnâ partem, una cum quadrato reliquæ partis, æqualis est quadrato numeri compositi ex toto & priori parte. folio. 317.b
- 19 Si numerus secetur in duas partes æquales, & non æquales: Quadrati qui a partibus inæqualibus fiunt, dupli sunt quadratorum, qui a dimidio numero, & ab intermedio efficiuntur. 318.a
- 20 Si numerus in duas partes æquales diuidatur, adijciatur autem illi alius quispiam numerus: Quadratus compositi numeri ex toto & adiecto, & quadratus numeri adiecti, simul dupli sunt eius quadrati, qui ex dimidio efficiuntur, & eius, qui fit a numero composito ex dimidio & adiecto. 318.b
- 21 Fieri non potest, vt numerus aliquis in duas partes diuidatur, ita vt numerus planus, qui ex toto in vnâ partem fit, æqualis sit quadrato reliquæ partis. 318.b
- 22 Si quocunque numeri deinceps proportionales, fuerint minimi

INDEX.

nimi omnium eandem cum ipsis rationem habentium? Ad quemlibet eorum reliqui omnes simul compositi, erunt primi.	
folio.	320.a
Propositis quocumque numeris cōtinue proportionalibus, an possit ipsis alius proportionalis adiungi, considerare.	23 322.b
Si sint quatuor numeri proportionales, sed non deinceps, quorū primus & tertius, primi inter se sint, fieri non potest, ut detur alius, ad quē ita se habeat quartus, sicut secundus ad tertium.	24 323.b
Primis numeris quocumque propositis, inuenire alium primum numerum ab illis diuersum.	25 324.a
Si par numerus parem multiplicans fecerit aliquem, factus par erit.	26 326.a
Numerus impar numerum parem metiens, per numerum parem eum metitur.	27 326.b
Numerus impar numerum imparem metiens, per numerum imparem eum metitur.	28 326.b
Omnes numeros pariter pares tantum inuenire.	29 327.b
Omnes numeros pariter impares tantum inuenire.	30 328.b
Omnes numeros, qui & pariter pares sint, & pariter impares, inuenire.	31 329.a
Quocumque numerorum continue proportionalium, quorum primus, secundus, & ultimus fuerint noti, summam inuenire.	32 329.b
Omnes numeros perfectos, & eorum partes aliquotas, inuenire.	33 331.a
folio.	

IN DECIMO LIBRO.

SI duabus magnitudinibus incommensurabilibus propositis, detrahatur semper minor de maiore, alterna quadam detractioe: Nunquam reliqua præcedentem metietur.	1 8.b
folio.	
Si duabus magnitudinibus commensurabilibus propositis, detrahatur semper minor de maiore, alterna quadam detractioe; Metietur quadam reliqua præcedentem.	2 9.a
Magnitudo metiens duas magnitudines, metitur & maximam earum mensuram communem.	3 9.b
An quolibet magnitudines propositæ sint commensurabiles, nec	4

- nec, considerare. 10.a.
- 5 Magnitudo metiens quotlibet magnitudines, metitur & maximam earum mensuram communem. 11.a.
- 6 Si sint quotcunq; magnitudines, & totidem etiam numeri, qui bini in eadem ratione sumantur, in qua bina magnitudines: Et ex æqualitate in eadem ratione erunt magnitudines & numeri. 11.a.
- 7 Commensurabiles magnitudines proportionem habent eandem, quam numeri, per quos earum communis mensura maxima ipsas metitur. 12.b.
- 8 Lineam rectam inuenire, ad quam ita se habeat quæuis alia data rectæ lineæ, ut numerus ad numerum. 13.b.
- 9 Lineam rectam inuenire, ad cuius quadratum ita se habeas quadratum alterius data rectæ, ut numerus ad numerum. 13.b.
- 10 Si sint quotuis quantitates continue proportionales, & alie totidem continue quoque proportionales; sitque ut prima illarum ad ultimam, ita prima harum ad ultimam: Eris & ut prima illarum ad secundam, ita prima harum ad secundam. 14.b.
- 11 Rectæ lineæ, que longitudine sunt commensurabiles, omnino & potentia commensurabiles sunt: Que uero potentia commensurabiles, non omnino & longitudine. Et qua longitudine incommensurabiles sunt, non omnino & potentia incommensurabiles: Que uero potentia incommensurabiles, omnia & longitudine incommensurabiles sunt. 16.b.
- 12 Duos numeros planos inuenire, qui proportionem non habeant, quam quadratus numerus ad quadratum numerum. 20.a.
- 13 Quotlibet numeros inuenire, quorum quilibet duo proportionem non habeant, quam quadratus numerus ad quadratum numerum. 20.a.
- 14 Rectæ mediæ proportionalis inter duas rectas potentia tantis commensurabiles, utriuslibet illarum incommensurabilis est longitudine & potentia. 21.b.
- 15 Si sint due magnitudines commensurabiles, altera uero sit uni cuiuspiam commensurabilis; erit & reliqua eidem commensurabilis. 22.b.
- 16 Que incommensurabilibus sunt commensurabiles; & inter se in-

se incommensurabiles erunt .	23. b.	17
Duabus datis rectis lineis inaequalibus , inuenire id , quo maior plus potest , quam minor .	24. a.	17
Duabus datis rectis lineis siue equalibus , siue inaequalibus , inuenire rectam , que illas potest .	24. b.	18
Si tota magnitudo ex duabus composita , commensurabilis fit alteri ipsarum ; eadem & reliqua commensurabilis est .	25. b.	19
Si tota magnitudo ex duabus composita , incommensurabilis fit alteri ipsarum ; eadem & reliqua incommensurabilis est .	26. a.	18
Si ad aliquam rectam lineam applicetur parallelogrammū deficiens figura quadrata ; Parallelogrammum applicatum aequale est ei rectangulo , quod sub segmentis rectae lineae ex applicatione factis continetur .	26. b.	21
Duabus datis rectis lineis inaequalibus , quartam partem quadrati ex minore descripti ad maiorem applicare , ita ut deficiat figura quadrata .	27. a.	22
Datam rectam lineam ita secare , ut rectangulum sub partibus contentum , aequale sit dato rectilineo , quod tamen maius non sit , quam quadratum a dimidia linea descriptum .	27. b.	23
Si sint duae rectae inaequales , & ad maiorem applicetur quarta pars quadrati ex minore descripti , deficiens figura quadrata ; non erunt segmenta , que ex applicatione fiunt , equalia .	28. a.	24
Quocumque lineas Rationales longitudine inter se commensurabiles inuenire .	32. a.	25
Rationales lineae non solum expositae Rationali , sed etiam inter se sunt commensurabiles .	32. a.	26
Si sint duae rectae lineae , erit ut prima ad secundam , ita quadratum , quod fit a prima , ad rectangulum ; quod sub duabus illis rectis lineis continetur : Et ut secunda ad primam , ita rectangulum sub ipsis , ad quadratum ex prima .	32. b.	27
Spacium Rationali spacio commensurabile , & ipsum Rationale est .	32. b.	28
Recta linea potens spacium Irrationale , Irrationalis est .	34. a.	29

INDEX.

- 30 Quotcunque lineas Rationales potentia tantum inter se com-
 menfurabiles inuenire. 34.b.
- 31 Propositis quorcunque Rationalibus lineis potentia solum
 commensurabilibus, inuenire adhuc aliam, qua omnibus illis
 commensurabilis sit potentia tantum. 35.a.
- 32 Linea media proportionalis inter duas Rationales potentia
 tantum commensurabiles, Media est. 36.a.
- 33 Omne spatium Medium aequale est cuidam alteri rectangu-
 lo contento sub duabus Rationalibus potentia tantum comm-
 furabilibus, si ipsum sub talibus iam non contineatur. 37.b.
- 34 Spatium Medio spatio commensurabile, Medium est. 38.b.
- 35 Duas rectas Medias longitudine commensurabiles; Item
 duas potentia tantum commensurabiles inuenire. 39.a.
- 36 Rectangulum sub duabus Medys longitudine & potentia
 incommensurabilibus contentum, neque Rationale est, neque
 Medium, sed aequale alteri cuiuspiam rectangulo, quod contine-
 tur sub linea Rationali, & Irrationali, quae Media appel-
 latur. 40.b.
- 37 Rationale superat Rationale Rationali. 42.a.
- 38 Duos numeros planos similes inuenire. 43.a.
- 39 Duos numeros quadratos inuenire, ita ut compositus ex ip-
 sis quadratus etiam sit. 43.a.
- 40 Duos numeros quadratos inuenire, quorum excessus sit etiam
 numerus quadratus. 43.b.
- 41 Duos numeros quadratos inuenire, quorum excessus non sit
 numerus quadratus. 44.a.
- 42 Duos numeros quadratos inuenire, ita ut compositus ex ip-
 sis non sit quadratus. 44.a.
- 43 Duos numeros inuenire, ita ut ex illis compositus ad neutrum
 ipsorum proportionem habeat, quam quadratus ad quadra-
 tum. 46.a.
- 44 Si sint duae rectae lineae inaequales, erit ut maior ad minorem,
 ita rectangulum sub ipsis contentum ad quadratum minoris. Et
 ut minor ad maiorem, ita rectangulum sub ipsis ad quadratum
 maioris. 47.b.
- 45 Si sint tres lineae rectae, erit ut prima ad tertiam, ita rectan-
 gulum sub prima & secunda contentum, ad id, quod sub se-
 cunda & tertia continetur. 48.b.
- 46 Si recta linea secetur in duas partes inaequales, erit ut ma-
 ior pars

ior pars ad minorem; ita rectangulum sub tota & maiore parte, ad rectangulum sub tota & minore parte contentum. 50.a.	
Si sint duae rectae lineae inaequales, minor autem secetur bifariam; erit rectangulum sub ipsis contentum duplum rectanguli, quod sub maiori linea & dimidia parte minoris continetur. Et si maior bifariam secetur; erit rectangulum sub ipsis contentum duplum rectanguli, quod sub minori linea, & dimidia parte maioris continetur. 50.b.	47
Fieri potest, ut duo spatia Irrationalia componant spatium Rationale. 51.b.	48
Duo spatia Rationalia Rationale spatium componunt. 52.a.	49
Invenire duas Medias longitudine & potentia incommensurabiles. 53.a.	50
Quod sub linea Rationali, & Irrationali continetur rectangulum, Irrationale est. 54.b.	51
Si recta linea non bifariam secetur, erit compositum ex quadratis partium maius, quam rectangulum sub partibus bis comprehensum, quadrato eius lineae, qua maior pars minorem superat: Ac propterea quadrata partium inaequalium simpliciter sunt maiora rectangulo, quod bis sub partibus inaequalibus continetur. 56.a.	52
Si recta linea in partes inaequales secetur, & rursus in alias partes inaequales; erunt quadrata partium magis inaequalium simul maiora quadratis partium minus inaequalium simul. 57.b.	53
Si recta linea secta sit utcumque; erit rectangulum sub partibus contentum, medium proportionale inter earum quadrata: Item rectangulum contentum sub tota, & una parte, medium proportionale inter quadratum totius lineae, & quadratum distae partis. 67.a.	54
Ei, quae est ex binis nominibus, potentia tantum commensurabilis, & ipsa ex binis nominibus est, sed non semper ordine eadem. 77.a.	55
Ei, quae est ex binis Medijs, potentia tantum commensurabilis, & ipsa ex binis Medijs est, atque ordine eadem. 78.b.	56
Recta linea, quae ex binis nominibus, & reliquis Irrationales ipsam subsequentes, neque ipsi Mediae, neque inter se eadem sunt. 81.b.	57
Recta linea media proportionalis secundum Analogiam Arithme-	

- 59 *Arithmetica*, inter duo nomina cuiusvis lineae Irrationalis, quae per compositionem fit, est quoque Irrationalis eadem illi, inter cuius nomina media existit. 82. b.
- 60 *Si a maiori nomine eius, quae ex binis nominibus, minus nomen auferatur; Reliqua Irrationalis est. Vocetur autem Apotome.* 83. b.
- 61 *Si a maiori nomine eius, quae ex binis Medijs prima, minus nomen auferatur; Reliqua Irrationalis est. Vocetur autem Media Apotome prima.* 84. a.
- 62 *Si a maiori nomine eius, quae ex binis Medijs secunda, minus nomen auferatur; Reliqua Irrationalis est. Vocetur autem Media Apotome secunda.* 85. a.
- 63 *Si a maiori nomine lineae Maioris minus nomen auferatur; Reliqua Irrationalis est. Vocetur autem Minor.* 85. b.
- 64 *Si a maiori nomine eius, quae Rationale ac Medium potest, minus nomen auferatur; Reliqua Irrationalis est. Vocetur autem cum Rationali Medium totum efficiens.* 86. b.
- 65 *Si a maiori nomine eius, quae bina Media potest, minus nomen auferatur; Reliqua Irrationalis est. Vocetur autem cum Medio Medium totum efficiens.* 87. a.
- 66 *Si idem excessus sit inter primam magnitudinem, & secundam, qui inter tertiam magnitudinem, & quartam; erit & vicissim idem excessus inter primam magnitudinem, & tertiam, qui inter secundam magnitudinem & quartam.* 87. b.
- 67 *Quatuor magnitudines Arithmetica Analogiam habentes, habent quoque vicissim Arithmetica Analogiam.* 87. b.
- 68 *Recta linea Apotome potentia tantum commensurabilis, & ipsa Apotome est, sed non semper ordine eadem.* 105. a.
- 69 *Apotome, & caeterae ipsam consequens Irrationales lineae, neque ipsi Media, neque inter se sunt eadem.* 110. a.
- 70 *Fieri potest, ut spatium Rationale contineatur sub duabus, rectis Irrationalibus.* 114. a.
- 71 *Non solum lineas, sed magnitudines etiam planas, atque solidas incommensurabiles esse.* 116. a.

IN VNDECIMO LIBRO.

APUNCTO in sublimi ad subiectum planum duae rectae lineae ad angulos rectos non demittentur. 136. a.
Si fuerint

I N D E X.

Si fuerint duo plana parallela, recta linea, quæ ad unum eorum recta fuerit, ad reliquum quoque recta erit.	136.b.	2
Dato plano, per datum punctum, quod in eo non est, parallelum planum ducere.	137.b.	3
Quæ eidem plano parallela, & inter se sunt parallela.	138.a.	4
Duo plana alteri plano parallela, quæ inter se conveniunt, unum planum efficiunt.	138.b.	5
Si prisma quodcumque plano secetur aduersis planis parallelis, erit quemadmodum basis ad basim, ita solidum ad solidum.	146.b.	6
Si prisma quodcumque secetur plano oppositis planis parallelis; sectio est figura æqualis, & similis planis oppositis.	148.a.	7
Solida parallelepipedæ æqualia super eandem basim, siue infestente linea in eisdem collocentur rectis, siue non; in eadem sunt altitudine.	151.b.	8
Solida parallelepipedæ æqualia super æquales bases, in eadem sunt altitudine. Et parallelepipedæ æqualia in eadem altitudine, super æquales sunt bases, si non habuerint eandem basim.	153.b.	9
Si solida parallelepipedæ inter se sint, ut bases, ipsæ erunt sub eadem altitudine.	154.b.	10
Si fuerint quatuor lineæ rectæ continue proportionales, ut est prima ad quartam, ita est parallelepipedum super primam descriptum ad parallelepipedum simile, similiterq; descriptum super secundam.	155.a.	11
Prismata, quorum bases sunt triangula super eandem basim, uel æquales, & in eadem altitudine, sunt inter se æqualia.	157.a.	12
Prismata, quorum bases sunt triangula, sub eadem altitudine, inter se sunt, ut bases.	157.a.	13
Similia prismata, quorum bases sunt triangula, inter se sunt in triplicata ratione homologorum laterum.	157.a.	14
Æqualium prismatum, quorū bases sunt triangula, bases & altitudines reciprocantur. Et quorum prismatum triangulares bases habentium bases & altitudines reciprocantur, illa sunt æqualia.	157.a.	15
Si fuerint duo anguli plani æquales, quorum uerticibus sublimes rectæ lineæ æquales insistant, quæ cum lineis		16

- lineis primo positis angulos contineant aequales, utrinque viri
que 3 erunt a punctis extremis linearum sublimiam ad plana
angulorum primo-positorum demissa perpendiculares inter se
aequales. 158.b
- 17 Si parallelepipedum ex tribus lineis rectis, descriptum aequa
le fuerit parallelepipedo sibi aequiangulo a media linea de
scripto; erunt tres rectae lineae continue proportionales.
folio. 159.a
- 18 Si fuerint tres rectae proportionales, erunt & parallelepipeda
similia, simiterque descripta ex eis, proportionalia. Et si tria so
lida parallelepipeda, quae & similia, & similitur describuntur,
fuerint proportionalia; & ipsae tres rectae lineae proportionales
erunt. 160.b
- 19 Si quatuor rectae lineae proportionales fuerint; & prisma
triangulares bases habentia, quae ab ipsis & similia & si
militer describuntur, proportionalia erunt. Et si prismata
triangulares bases habentia, quae & similia similiturque descri
buntur, fuerint proportionalia; & ipsae rectae lineae proportio
nales erunt. 160.b
- 20 Si fuerint tres rectae proportionales, erunt & prismata trian
gulares bases habentia, quae ab ipsis & similia, & similitur
describuntur, proportionalia. Et si tria prismata triangula
res bases habentia, quae & similia & similitur describuntur,
fuerint proportionalia; & ipsae tres rectae lineae proportionales
erunt. 160.b
- 21 In omni parallelepipedo diametri se mutuo bifariam secant
in vno puncto. 162.a
- 22 Si solidum parallelepipedum plano secetur per centrum;
bifariam secabitur solidum ab ipso plano. Et si solidum pa
rallelepipedum plano secetur bifariam; per centrum transibit
ipsum planum. 162.a

IN DVODECIMO LIBRO.

- 1 CIRCVLVS ad circulum est, ut polygonum in illo de
scriptum ad polygonum simile in hoc descripto. 166.b
- 2 Si pyramides triangulares inter se sint ut bases; ipsae erunt
sub eadem altitudine. 170.a
- 3 Pyramides eiusdem altitudinis super eandem, uel aequales
bases.

bases triangulares constituta, sunt inter se aequales.	170.b	
Pyramides triangulares aequales super eandem, uel aequales bases, eandem habent altitudinem. Et pyramides triangulares aequales, eandemque habentes altitudinem, bases habent aequales, si non eandem.	170.b	4
Pyramides quarumlibet basium, quae inter se sunt, ut bases, eandem habent altitudinem.	172.a	5
Pyramides eiusdem altitudinis super aequales bases multangulas, uel eandem constituta, sunt inter se aequales.	172.a	6
Pyramides multangulae aequales, & super aequales bases, uel super eandem constructae, eandem habent altitudinem. Et pyramides multangulae aequales, eandemque habentes altitudinem, aequales habent bases, si non habuerint eandem.	172.a	7
Pyramis quaecunque tertia pars est prismatis, quod eandem cum illa habet & basim, & altitudinem: Sive prisma quodcumque triplum est pyramidis, quae eandem cum ipso habet & basim, & altitudinem.	172.b	8
Sub eadem altitudine existentia prismata, quascunque habeant bases, inter se sunt, ut bases.	173.b	9
Si prismata quarumcunque basium inter se sint, ut bases, ipsa erunt sub eadem altitudine.	174.a	10
Prismata eiusdem altitudinis super eandem, uel aequales bases quascunque, inter se sunt equalia.	174.a	11
Prismata equalia super aequales bases, uel eandem, in eadem sunt altitudine. Et prismata equalia eiusdem altitudinis, bases habent aequales, si non habuerint eandem.	174.a	12
Similes pyramides, quarum bases plura latera, quam tria, continent, habent proportionem homologorum laterum triplicatam.	175.a	13
Prismata similia habent triplicatam proportionem homologorum laterum.	175.b	14
Pyramides multangulae similes diuiduntur in pyramides triangulares similes, & numero aequales, & homologas totis folio.	176.a	15
Prismata multangula similia diuiduntur in prismata similia triangulares bases habentia, & numero equalia, & homologa totis.	176.a	16
Aequalium pyramidum, quarum bases non sint triangulares, recipiuntur bases, atque altitudines. Et quarum pyramidum		17

- dam triangulares bases non habentium recipiuntur bases, & altitudines, illæ sunt æquales. 177.a
- 18 Aequalium prismatum quorumlibet recipiuntur bases, & altitudines. Et quorum prismatum bases, atque altitudines recipiuntur, illæ sunt æqualia. 177. b
- 19 Omnis conus, siue rektus, siue scalenus, tertia pars est cuiuslibet cylindri, siue rekti, siue scaleni, eandem cum ipso & basem & altitudinem habentis, licet non sit idem axis conus, & cylindri. 180.a
- 20 Sub eadem altitudine existentes coni & cylindri, siue ambo rekti sint, siue scaleni, siue vnus rektus, & alter scalenus, inter se proportionem habent, quam bases. 181.a
- 21 Si coni & cylindri inter se sint, vt bases, ipsi sub eadem altitudine erunt. 181.b
- 22 Coni & cylindri eiusdem altitudinis super eandem, vel æquales bases constituti, siue ambo sint rekti, vel scaleni, siue vnus rektus, & alter scalenus, sunt inter se æquales. 181.b
- 23 Coni et cylindri æquales super eandem, vel æquales bases, in eadem sunt altitudine. Et coni & cylindri æquales in eadem altitudine, super æquales bases sunt, si non habuerint eandem. 181.b
- 24 Similes coni & cylindri scaleni, in triplicata ratione sunt diametrorum, quæ in basibus. 183.a
- 25 Super æqualibus basibus existentes coni, & cylindri scaleni, vel etiam si vnus conorum, vel cylindrorum sit rektus, & alter scalenus, inter se sunt, vt altitudines. 185.a
- 26 Super æqualibus basibus existentiâ prismata, parallelepipeda, & pyramides, inter se sunt, vt altitudines. 185.b
- 27 Coni & cylindri tam rekti, quam scaleni; Item prismata, parallelepipeda, & pyramides proportionem habentes eandem, quam altitudines, bases habent æquales. 186.b
- 28 Aequalium conorum, & cylindrorum, siue ambo tam coni, quam cylindri scaleni sint, siue vnus rektus, & alter scalenus, bases & altitudines recipiuntur. Et quorum conorum, & cylindrorum, siue ambo tam coni, quam cylindri sint scaleni, siue vnus rektus, & alter scalenus, bases & altitudines recipiuntur, illi sunt æquales. 187.b
- 29 Si, duobus circulis circa idem centrum existentibus, in maiori circulo polygonum æquilaterum, & parium laterum inscribatur minorem circulum non tangens, & ab extremitate vnus lateris

❁ I N D E X. ❁

lateris polygoni inscripti, quod cum diametro convenit, ad dia-
metrum perpendicularis ducatur; hæc nullo modo circum
minorem tangit, sed extra ipsum cadit. 188.b

Duo polyedra similia in duabus sphaeris descripta proportio-
nem habent triplicatam eius, quam habent sphaerarum diame-
tri. 191.a

Sphæra ad sphaeram est, ut polyedrum in illa descriptum ad
polyedrum simile in hac descriptum. 193.b

I N T E R T I O D E C I M O L I B R O .

Si recta inæqualiter secetur, & minus segmentum assumens
dimidium maioris segmenti quintuplum possit eius, quod a
dimidia maioris segmenti describitur, quadrati; Recta illa li-
nea secunda erit extrema & media ratione. 197.a

Si recta linea inæqualiter secetur, sitque quadratum totius,
una cum quadrato minoris segmenti, triplum quadrati ex ma-
iore segmento descripti; Recta illa linea extrema ac media ra-
tione secabitur. 198.a

Si recta linea secetur extrema ac media ratione, detraha-
turque ex maiori segmento segmentum minus; erit maius seg-
mentum sectum extrema ac media ratione, & maius segmen-
tum erit illa linea, quæ prioris lineæ minus segmentum erat.
folio. 199.a

Si linea recta secetur extrema ac media ratione, atque ex
dimidio illius auferatur dimidium maioris segmenti; Erit
quoque dimidia totius diuisa extrema ac media ratione, ma-
iusque segmentum erit dimidium maioris segmenti totius li-
neæ. 199.b

Si recta linea secundum extremam & mediam rationem sece-
tur, sitque maius segmentum linea Rationalis; erit minus seg-
mentum Apotome. 200.a

Si latus hexagoni in quopiam circulo descripti secetur extre-
ma & media ratione, maius illius segmentum est latus decago-
ni in eodem circulo descripti. 202.b

Si linea diuise extrema ac media ratione maius segmen-
tum fuerit latus hexagoni alicuius circuli; erit minus seg-
mentum latus decagoni eiusdem circuli. Quod si minus
segmentum fuerit latus decagoni alicuius circuli; erit maius
e 2 segmen-

30

31

32

33

34

35

36

37

38

39

40

41

42

43

44

- 8 Segmentum latus hexagoni eiusdem circuli. 202.b
 Linea recta, quæ ex centro circuli ducta dividit arcum quæpiam bifariam, dividit quoque rectam illi arcui subtensam bifariam, & ad angulos rectos. 204.b
- 9 Diameter circuli ex angulo quovis pentagoni in eo descripti ducta dividit & arcum, quem latus pentagoni illi angulo oppositum subtendit, & latus ipsum oppositum, bifariam, & ad angulos rectos. 204.b
- 10 In dato circulo pentagonum, & decagonum una eademque opera describere. 204.b
- 11 Si in circulo triangulum æquilaterum describatur; Diameter ex uno angulo ducta dividet & angulum bifariam, & latus oppositum, ac insuper ad angulos rectos; Semidiameter quoque vicissim bifariam, & ad angulos rectos secabitur a latere opposito. 207.a
- 12 Si ad lineam rectam perpendicularis ducatur, quæ sit media proportionalis inter segmenta lineæ; semicirculus circa illam lineam rectam descriptus transibit per extremum punctum lineæ perpendicularis. 208.b
- 13 Diameter spheræ potentia est quadrupla sesquialtera semidiameteri circuli circa basim pyramidis descripti. 209.a
- 14 Linea perpendicularis ex centro spheræ ad planum basis pyramidis demissa, sexta pars est diameteri spheræ, & tertia pars semidiameteri. 209.a
- 15 In octaedro tres diameteri se mutuo ad angulos rectos secant in centro spheræ; nec non & tria quadrata ex lateribus octaedri composita se mutuo ad angulos rectos secant. 210.b
- 16 Octaedrum dividitur in duas pyramides similes, & æquales, quarum basis communis est quadratum ex octaedri lateribus compositum. 210.b
- 17 Si tetraedrum, & octaedrum in eadem spheræ describantur, erit tetraedri latus potentia sesquitercium lateris octaedri folio. 210.b
- 18 Bases octaedri oppositæ sunt parallele. 211.a
- 19 Omnes diameteri cubi inter se sunt æquales, seseque mutuo bifariam in centro spheræ secant; nec non & rectæ lineæ, quæ centra basium cubi oppositarum coniungunt, bifariam dividuntur in eodem centro. 212.a
- 20 Potentia diameteri spheræ, seu cubi, æqualis est potentia laterum 212.a

INDEX.

terum tetraedri, & cubi simul sumptis.	212. b	
Sphaerae diameter potentia est quintupla semidiametri circuli quinque latera Icofaedri pentagonum constituenta ambientis.	215. b	21
Sphaerae diameter composita est ex latere hexagoni, hoc est, ex semidiametro, & duobus lateribus decagoni eiusdem circuli, qui circa quinque Icofaedri latera describitur.	215. b	22
Latera Icofaedri opposita sunt parallela.	215. b	23
Si latus cubi secetur extrema ac media ratione, maius segmentum est latus Dodecaedri in eadem sphaera cum cubo descripti.	219. a	24
Latus cubi aequale est linea recta subtendenti angulum pentagoni Dodecaedri eadem sphaera comprehensi.	219. a	25
Si recta linea secetur extrema ac media ratione, cuius minus segmentum est latus dodecaedri, maius segmentum est latus cubi eiusdem sphaera.	219. a	26
In Dodecaedro sunt sex latera, quorum bina opposita sunt parallela, bifariamque secantur, & ad angulos rectos a tribus lineis rectis aequalibus se se in centro dodecaedri bifariam quoque, & ad angulos rectos secantibus.	219. a	27
Si recta diuidens opposita latera Dodecaedri bifariam, & ad angulos rectos, secetur extrema ac media ratione, maius segmentum est latus cubi, minus vero, latus Dodecaedri eadem sphaera comprehensi.	219. a	28
Præter quinque corpora regularia, quae Euclides hoc lib. construxit, nullum aliud dari potest.	222. b	29

IN QUARTODECIMO LIBRO.

L INEA perpendicularis ducta ex centro circuli ad lineam rectam in eodem circulo aptatam, secat arcum, quem distat hac linea subtendit, bifariam.	226. a	1
Perpendicularis linea ex centro ad latus pentagoni ducta aequalis est utriusque lineae simul, & ei, quae ex centro ad latus trianguli aequilateri eidem circulo inscripti ducitur, perpendiculari, & dimidia lateris decagoni.	226. b	2
Si linea perpendicularis ex centro circuli ad latus pentagoni in eodem circulo descripti ducta secetur extrema ac media ratione, maius segmentum aequale est perpendiculari ex eodem	e 3 dem	3

- dē cētro ad latus trianguli æquilateri ducta, minus vero æquale est dimidio lateris decagoni eidem circulo inscriptorum. 227. a
- 4 Si in sphaera eadem cubus, et dodecaedrum inscribantur, quadratum lateris cubi, & quadratum lateris dodecaedri, utraque simul, quinquupla sunt quadrati semidiametri circuli pentagonum dodecaedri circumscribentis. 228. a
- 5 Si latus hexagoni alicuius circuli secetur extrema ac media ratione; maius illius segmentum erit latus decagoni eiusdem circuli. 228. a
- 6 Superficies cuiuslibet dodecaedri ad superficiem cuiuscunque Icosaedri, etiamsi non describantur amba figura in eadem sphaera, est sicut rectangulum contentum sub latere dodecaedri, & perpendiculari ducta ex centro pentagoni dodecaedri in latus dictum, ad rectangulum contentum sub latere Icosaedri, et perpendiculari ducta ex centro trianguli Icosaedri in dictum latus. 231. a
- 7 Si ex centro circuli triangulum tetraedri circumscribentis perpendicularis ducatur ad unum latus trianguli; erit quod sub dicto latere & perpendiculari continetur rectangulum sexies sumptum, superficiei tetraedri æquale. 231. a
- 8 Si ex centro circuli triangulum octaedri circumscribentis perpendicularis ducatur ad unum latus trianguli; erit quod sub dicto latere & perpendiculari continetur rectangulum duodecies sumptum, superficiei Octaedri æquale. 231. a
- 9 Si ex centro circuli quadratum cubi circumscribentis perpendicularis ducatur ad unum latus quadrati; erit quod sub dicto latere & perpendiculari continetur rectangulum duodecies sumptum, superficiei cubi æquale. 231. a
- 10 Rectangulum comprehensum sub perpendiculari ab angulo trianguli Icosaedri ad unum eius latus ducta, & sub quinque sextis partibus lateris cubi eidem sphaerae, in qua Icosaedrum, inscripti, æquale pentagono dodecaedri in eadem sphaera constituti. 232. b
- 11 Quam proportionem habent latera cubi, & Icosaedri eiusdem sphaerae, eandem habent latera cubi, & Icosaedri in quavis alia sphaera descriptorum. 234. b
- 12 Superficies dodecaedri ad superficiem Icosaedri non solum habet eandem proportionem, quam latus cubi ad latus Icosaedri

dri in eadem sphaera cum ipsis, ut uult propof. 9. huius lib. sed etiam, quam obtinet latus cubi ad latus Icofaedri in quacunque alia sphaera.	235.a	13
Si sphaera plano quopiam secetur, communis sectio circulus erit.	235.a	14
Si planum secans tranſierit per centrum sphaera, efficietur circulus idem centrum habens, quod sphaera. Si uero planum secans per sphaera centrum non tranſierit, efficietur circulus habens aliud centrum, quam sphaera; illud uidelicet punctum, in quod cadit perpendicularis ex centro sphaera ad planum secans ducta.	235.b	15
Circuli in sphaera aequales, aequaliter distant a centro sphaera: & circuli aequaliter distantes a centro sphaera, aequales sunt.	236.a	16
Eadem proportio est lateris cubi ad latus Icofaedri; & superficies dodecaedri ad superficiem Icofaedri; & linea potentis totam quamcunque sectam extrema ac media ratione, et eius segmentum maius, ad potentem totam eandem, & minus segmentum illius; & Dodecaedri ad Icofaedrum eiusdem sphaera.	237.b	17
Latus trianguli aequilateri potentia sesquiterium est linea perpendicularis ab uno angulo ad latus oppositum deducta.	237.b	18
Linea perpendicularis ex uno angulo trianguli aequilateri ad latus oppositum demissa secat & angulum, & latus biseriam.	238.a	19
Si sphaera diameter fuerit Rationalis, erit tam superficies tetraedri, quam octaedri in ea sphaera, Media.	238.a	20
Omne triangulum aequilaterum, cuius latus sit Rationale, est superficies Media.	239.a	21
Si tetraedrum, atque octaedrum eidem sphaera inscribantur, erit basis tetraedri sesquiteria basis octaedri: Superficies autem octaedri sesquialtera superficiei tetraedri.	239.a	22
Recta linea ex angulo quouis tetraedri in sphaera descripti per centrum sphaera ducta, cadit in centrum basis oppositae, estque perpendicularis ad dictam basim.	239.b	23
Octaedrum in sphaera descriptum diuiditur in duas pyramides aequales, & similes aequalium altitudinum, basis uero utriusque est quadratum subduplum quadrati diametri sphaera.	239.b	24
Tetraedrum sphaerae inscriptum ad octaedrum in eadem sphaera descriptum	e 4 ptum	

prum se habet, ut rectangulum sub linea potentie niginiseprem sexagesimasquartas partes quadrati lateris tetraedri, & sub linea continente octo nonas partes eiusdem lateris comprehensum, ad quadratum diametri sphaerae.

Vel ut Campanus ait.

Tetraedrum sphaerae impositum ad octaedrum in eadem sphaera descriptum se habet, ut rectangulum sub linea, qua potentia est sub sesquitercia trium quaratarum partium lateris tetraedri, & sub linea super quintupartiente vigesimaseptimas partes earundem trium quaratarum partium lateris tetraedri contentum, ad quadratum diametri sphaerae.

25 Linea perpendicularis ex quolibet angulo trianguli aequilateri ad basin oppositam demissa, tripla est eius perpendicularis, quae ex centro trianguli ad eandem basin deducitur. 241. a

26 Linea perpendicularis ex quolibet angulo trianguli aequilateri ad basin oppositam ducta, sesquialtera est eius, quae inter centrum trianguli, & dictum angulum interducitur: Hac autem inter centrum trianguli, et dictum angulum interiecta, dupla est eius perpendicularis, quae ex centro trianguli ad basin eiusdem ducitur. 243. a

27 Si octaedrum sphaerae inscribatur; erit semidiameter sphaerae potentia tripla eius perpendicularis, quae ex centro sphaerae in basin quamcunque octaedri deducitur. 243. b

28 Duplum quadrati ex diametro cuiuslibet sphaerae descripti, aequale est superficiei cubi in illa sphaera collocati; perpendicularis autem a centro sphaerae in aliquam basin cubi demissa, aequalis est dimidio lateris cubi. 244. a

29 Solidum, quod fit ex dimidio lateris cubi in duas tertias partes quadrati diametri sphaerae dictum cubum comprehendens, aequale est cubo. Vel solidum, quod fit ex latere cubi in tertiam partem quadrati diametri sphaerae, aequale est cubo. 244. b

30 Solidum, quod fit ex perpendiculari a centro cuiuscunque corporis regularis ad aliquam eius basin ducta, in tertiam partem superficiei ipsius corporis, aequale est proposito corpori regulari. 244. b

31 Idem circulus comprehendit & cubi quadratum, et octaedri triangulum eiusdem sphaerae. 245. a

Lineae perpendiculares coniungentes centra circulorum, qui bases oppositas tam cubi, quam octaedri in eadem sphaera circumscribunt, aequales sunt. 245. b

32 Si octaedrum, atque tetraedrum eidem sphaerae inscribantur

erit octaedrum ad triplum tetraedri, ut latus octaedri ad latus tetraedri.	246.a.	
Altitudo octaedri ad altitudinem tetraedri eiusdem sphaerae est, ut latus octaedri ad latus tetraedri.	246.b.	34
Diameter sphaerae ad latus tetraedri est, ut latus octaedri ad latus cubi eiusdem sphaerae.	246.b.	35
Si recta linea proposita potuerit totam aliquam lineam sectam extrema ac media ratione, & maius eius segmentum; Item totam aliam similiter sectam, & minus eius segmentum: Erit maius segmentum prioris linea latus Icosaedri; minus autem segmentum posterioris linea, latus Dodecaedri eius sphaerae, cuius recta linea proposita diameter exiit.	247.a.	36
Si latus octaedri potuerit maius & minus segmentum rectae lineae extrema ac media ratione sectae; poterit latus Icosaedri in eadem sphaera descripi duplum minoris segmenti.	248.a.	37
Si recta linea diuisa extrema ac media ratione cum minore segmento angulum rectum constituat, cui recta subiendatur: Erit recta linea, quae potentia sit subdupla ipsius rectae subtense, latus octaedri eius sphaerae, in qua dictum minus segmentum latus existit dodecaedri.	248.b.	38
Si linea quaevis recta secetur extrema ac media ratione, & alia linea potentia huius sesquialtera sit latus octaedri, maius segmentum est latus Dodecaedri eiusdem sphaerae, in qua octaedrum describitur.	249.a.	39
Si latus tetraedri possit maius & minus segmentum lineae rectae extrema ac media ratione sectae; latus Icosaedri eidem sphaerae inscripi sesquialterum est minoris segmenti.	249.a.	40
Cubus ad octaedrum in eadem cum ipso sphaera descriptum, est ut superficies cubi ad octaedri superficiem. Item ut latus cubi ad semidiametrum sphaerae.	249.b.	41
Si sint quatuor lineae rectae continue proportionales, nec non & aliae quatuor, ita ut sit eadem antecedens omnium; erit proportio tertia ad tertiam proportionis secunda ad secundam duplicata; & proportio quarta ad quartam eiusdem proportionis secunda ad secundam triplicata.	251.b.	42
Quadratum lateris trianguli aequilateri ad ipsum triangulum habet proportionem duplicatam proportionis lateris trianguli ad lineam medio loco proportionalem inter perpendicularem ab uno angulo ad latus oppositum ductam, & dimidium ipsius		43

- ipſus lateris. 252.b.
- 44 Si in triangulo aequilatero perpendicularis ducatur ex uno angulo ad latus oppoſitum; quadratum rectæ, quæ medio loco proportionalis eſt inter diſtam perpendicularem, & dimidium lateris, æquale eſt ipſi triangulo. 253.a.
- 45 Si cubus & tetraedrum in eadem ſphæra deſcribantur; erit quadratum cubi ad triangulum tetraedri, ut latus tetraedri ad lineam perpendicularem, quæ ex uno angulo trianguli tetraedri ad latus oppoſitum deducitur. 253.a.
- 46 Latus tetraedri potentia ſeſquialterum eſt axis, ſeu altitudinis ipſius: Axis uero, ſiue altitudo tetraedri potentia ſeſquiter tia eſt lateris cubi in eadem ſphæra deſcripti. 253.b.
- 47 Diameter ſphære potentia eſt dupla ſeſquiquarta axis tetraedri; atque adeo diameter longitudine eſt ſeſquialtera axis tetraedri. 254.a.
- 48 Axis, ſeu altitudo tetraedri ad latus cubi eidem ſphæra inſcripti eſt, ut latus tetraedri ad perpendicularem ex uno angulo baſis ad latus oppoſitum ductam. 254.a.
- 49 Cubus triplus eſt tetraedri eidem ſphære inſcripti. 254.a.
- 50 Priſma eandem habens & baſim, & altitudinem cum Tetraedro, æquale eſt cubo in eadem ſphæra, in qua Tetraedrum, deſcripto. 254.b.

IN QVINTODECIMO LIBRO.

- 1 Si in Tetraedro octaedrum inſcribatur, diuidetur Tetraedrum biſariam tribus quadratis æqualibus, quæ octaedrum biſariam quoque, & ſeſe ad angulos rectos interſecant. 256.a.
- 2 Rectæ lineæ centra baſium cubi oppoſitarum connectentes ſe mutuo & biſariam, & ad angulos rectos ſecant. 256.b.
- 3 Idem eſt centrum Icoſaedri, atque ſibi inſcripti Dodecaedri. 258.b.
- 4 In dato octaedro pyramidem deſcribere. 258.b.
- 5 Si tetraedrum octaedro inſcribatur, erunt quatuor baſes tetraedri octo baſibus octaedri parallela, ſingula videlicet binis oppoſitis. 259.b.
- 6 Si in octaedro tetraedrum inſcribatur; recta, quæ centra baſium octaedri oppoſitarum coniungit, ſeſquialtera eſt axis tetraedri,

I N D E X.

trædri, hoc est, perpendicularis ab angulo terrædri ad basim oppositam deductæ.	259.b.	
In dato Dodecaedro Icosaedrum describere.	259.b.	7
In dato Dodecaedro cubum describere.	260.b.	8
Recta, quæ subtenit unum angulum pentagoni æquilate- ri, & æquianguli, parallela est opposito lateri.	261.a.	9
In dato Dodecaedro octaedrum describere.	261.a.	10
In dato Dodecaedro Pyramidem describere.	261.b.	11
In dato Icosaedro cubum describere.	262.a.	12
In dato Icosaedro pyramidem describere.	262.a.	13
In dato cubo Dodecaedrum describere.	262.b.	14
Diameter Dodecaedri duo latera potest, ipsius scilicet Dode- caedri, & cubi, in quo dodecaedrum describitur.	263.b.	15
Si latus cubi secetur extrema ac mediâ ratione, minus seg- mentum latus est dodecaedri in cubo descripti: Maius uero seg- mentum latus cubi in hoc dodecaedro descripti.	263.b.	16
Latus cubi æquale est duobus lateris, dodecaedri uidelicet in ipso descripti, & dodecaedri circa eundem cubum descri- pti.	266.a.	17
Recta duos angulos pentagonorum dodecaedri communi la- teri oppositos connectens est æqualis lateri cubi, cui dodecae- dram inscribitur.	266.a.	18
In dato cubo Icosaedrum describere.	266.a.	19
Diameter Icosaedri potest & latus Icosaedri, & cubi Ico- saedrum ambientis.	267.a.	20
Bisariae sectiones sex oppositorum laterum Icosaedri coniun- guntur tribus rectis æqualibus, sese in centro Icosaedri bise- ctam, & ad angulos rectos secantibus.	267.a.	21
Si latus cubi extrema ac mediâ ratione secetur, maius seg- mentum latus est Icosaedri in dicto cubo descripti.	267.b.	22
Icosaedri tam latera, quam triangula opposita, inter se sunt parallela.	267.b.	23
In dato Icosaedro octaedrum describere.	267.b.	24
Idem est centrum Icosaedri, & octaedri in eo descripti.	268.a.	25
In dato octaedro Icosaedrum describere.	268.a.	26
Si duo latera trianguli æquilateri secentur extrema a mediâ ratione, ita ut unus maius segmentum, alterius uero minus sit prope angulum ab ipsis comprehensum: Recta connectens di- ctas sectiones duplum potest minoris segmenti.	270.a.	27
Si in		

28	Si in octaedro Icofaedrum describatur, collocabuntur octo bases Icofaedri in octo basibus octaedri, idemque erit centrum basium octaedri, & Icofaedri.	270.a.
29	Idem centrum est octaedri, atque sibi inscripti Icofaedri.	270.a.
30	In dato octaedro dodecaedrum describere.	270.b.
31	In data pyramide cubum describere.	270.b.
32	Idem est centrum pyramidis, & cubi in eâ descripti.	272.a.
33	Recta, quæ coniungit bifariam sectiones oppositorum laterum pyramidis, transit per centrum pyramidis, triplaque est lateris cubi in pyramide descripti.	272.a.
34	Idem est centrum pyramidis, & octaedri in ea descripti.	272.b.
35	In data pyramide Icofaedrum describere.	273.a.
36	In data pyramide Dodecaedrum describere.	273.b.
37	In dato solido regulari spheram describere.	273.b.

IN SEXTODECIMO LIBRO.

1	Si in dodecaedro cubus describatur, & in hoc cubo aliud dodecaedrum; erit proportio Dodecaedri exterioris ad dodecaedrum interius proportionis, quam habet maius segmentum ad minus rectæ linæ diuisæ extrema ac media ratione, triplicata.	275.a.
2	Linea perpendicularis ex quouis angulo pentagoni æquilateri, & æquianguli in latus oppositum demissa, secatur a recta illum angulum subtendente, extrema ac media ratione.	276.a.
3	Si ab angulis trianguli Pyramidis ducantur rectæ opposita latera secantes extrema ac media ratione, ita ut prope quemvis angulum sit maius segmentum unius lateris, & minus alterius; Hæ sectionibus suis in medio producent basim Icofaedri in dicta pyramide descripti, inscriptam quidem alij triangulo æquilatero, cuius anguli latera trianguli pyramidis secantur extrema ac media ratione, & latera ipsa bifariam secantur ab angulis basis Icofaedri.	276.a.
4	Latus Icofaedri octaedro inscripti, maius est segmentum re- ctæ diuisæ extrema ac media ratione, quæ ab uno angulo basis octaedri ducta secat latus oppositum extrema quoque ac media ratione.	277.a.

INDEX.

Minus segmentum lateris pyramidis extrema ac media ratione secti, duplum est potentia lateris Icosaedri in ea pyramide descripti.	5
Latus Icosaedri in pyramide descripti est Apotome. 278.a.	6
Latus cubi potentia dimidium est lateris pyramidis in eo descriptae: Latus uero pyramidis duplum est longitudine lateris octaedri sibi inscripti: Latus denique cubi duplum est potentia lateris sibi inscripti octaedri.	7
Latus dodecaedri maius segmentum est recta, qua potentia est dimidia lateris pyramidis sibi inscriptae.	8
Si in cubo describatur & Icosaedrum, & dodecaedrum; Latus Icosaedri medium proportionale erit inter latus cubi, & dodecaedri.	9
Latus pyramidis potentia octodecuplum est lateris cubi in ea descripti.	10
Latus pyramidis potentia octodecuplum est recta extrema ac media ratione sectae, cuius maius segmentum latus est dodecaedri in pyramide descripti.	11
Si in octaedro Icosaedrum describatur; erit latus Icosaedri potentia duplum minoris segmenti lateris octaedri extrema ac media ratione diuisi.	12
Latus octaedri potentia quadruplum sesquialterum est lateris cubi in ipso descripti.	13
Octaedri latus est potentia quadruplum sesquialterum eius rectae extrema ac media ratione diuise, cuius maius segmentum latus est dodecaedri octaedro inscripti.	14
Latus Icosaedri maius segmentum est eius rectae extrema ac media ratione sectae, qua potentia dupla est lateris octaedri in Icosaedro descripti.	15
Latus cubi ad latus dodecaedri in ipso descripti proportionem habet duplicatam eius, quam habet maius segmentum ad minus rectae lineae diuise extrema ac media ratione. Latus uero dodecaedri ad latus cubi in ipso descripti proportionem habet, quam minus segmentum ad maius eiusdem rectae lineae. 280.b.	16
Latus octaedri sesquialterum est lateris sibi inscriptae pyramidis.	17
Si ex quadrato diametri Icosaedri auferatur triplum quadrati lateris cubi in eo descripti; relinquitur quadratum sesquitercium quadrati lateris Icosaedri.	18

Diameter

- 19 Diameter Icoſaedri binas rectas poteſt, diametrum ſcilicet cubi in ipſo deſcripti, & diametrum circuli triangulum Icoſaedri ambientis. 281.a.
- 20 Latus dodecaedri minus ſegmentum eſt recta linea extrema ac media ratione diuiſa, quae duplum poteſt lateris octaedri in eo deſcripti. 282.b.
- 21 Diameter Icoſaedri poteſt & ſuſcipere lateris ſeſquialteriũ, & lateris pyramidis in eo deſcriptae ſeſquialterum. 282.b.
- 22 Latus dodecaedri ad ſibi inſcripti Icoſaedri latus ſe habet, ut minus ſegmentum linea perpendicularis ab uno angulo pentagoni ad latus oppoſitum ducta, atque extrema ac media ratione diuiſa, ad partem eiufdem lineae inter centrum pentagoni, & latus eiufdem poſita. 283.a.
- 33 Si dimidium lateris Icoſaedri extrema ac media ratione ſectum fuerit, minusque eius ſegmentum a toto latere Icoſaedri ſublatur; A reliqua quoque recta pars ruruſum tertia detracta: Relinquetur latus dodecaedri in Icoſaedro deſcripti. 283.b.
- 24 Cubus ſibi inſcriptae pyramidis triplus eſt. 285.a.
- 25 Pyramis ſibi inſcripti octaedri dupla eſt. 285.b.
- 26 Cubus ſibi inſcripti octaedri ſextuplus eſt. 285.b.
- 27 Octaedrum ſibi inſcripti cubi quadruplum ſeſquialterum eſt. 286.a.
- 28 Idem centrum eſt octaedri, atque cubi ſibi inſcripti. 287.a.
- 29 Octaedrum ad ſibi inſcriptum cubum eandem habet rationem, quam eorum laterum quadrata habent. 287.a.
- 30 Octaedrum ſibi inſcriptae pyramidis tredecuplum ſeſquialterum eſt. 287.a.
- 31 Pyramis ſibi inſcripti cubi noncupla eſt. 287.b.
- 32 Octaedrum ad ſibi inſcriptum Icoſaedrum proportionem habet, quam duae baſes octaedri ad quinque baſes Icoſaedri. 288.a.
- 33 Icoſaedrum ad ſibi inſcriptum dodecaedrum proportionem habet compoſitam ex proportione lateris Icoſaedri ad latus cubi in eadem cum Icoſaedro ſphaera deſcripti, & ex proportione triplicata eius, quam habet diameter Icoſaedri ad rectam centra baſium Icoſaedri oppoſitarum coniungentem. 289.b.
- 34 Dodecaedrum excedit cubum ſibi inſcriptum parallelepipedo, cuius quidem baſis a quadrato cubi deſicit rectangulo contento ſub latere cubi, tertiaque parte minoris ſegmenti eiufdem lateris cubi: At nero altitudo ab altitudine ſeu latere cubi,

I N D E X.

<p>cubi, minore segmento eius linee, quæ dimidiati lateris cubi segmentum minus existit. 290.a</p> <p>Dodecaedrum a duplo cubi sibi inscripti deficit duobus parallellepipedis, quorum unius longitudo lateri cubi est equalis, latitudo autem tertia parti minoris segmenti eiusdem lateris cubi, altitudo denique a latere cubi deficit minore segmento eius linee, quæ dimidiati lateris cubi minus segmentum existit; Alterius uero & longitudo & latitudo lateri cubi equalis est, altitudo autem minus segmentum eius linee, quæ dimidiati lateris cubi segmentum minus existit, ita ut amborum altitudines simul altitudini, siue lateri cubi sint æquales. 292.a.</p> <p>Dodecaedrum ad sibi inscriptum Icosaedrum proportionem habet compositam ex proportionem triplicata eius, quam habet diameter dodecaedri ad rectam centra basium dodecaedri oppositarum copulantem, & proportionem lateris cubi ad latus Icosaedri in eadem sphaera cum cubo descripti. 292.b.</p> <p>Dodecaedrum Pyramidis, in qua inscribitur, duas nonas partes continet, minus duobus parallelepipedis, quorum unius longitudo lateri cubi in eadem pyramide descripti equalis est, latitudo uero tertia parti minoris segmenti lateris eiusdem cubi, altitudo denique a latere eiusdem cubi deficit minore segmento eius linee, quæ dimidiati lateris cubi eiusdem minus segmentum existit; Alterius autem & longitudo, & latitudo lateri cubi prædicti est equalis, altitudo uero minus segmentum eius linee, quæ dimidiati lateris cubi eiusdem segmentum minus existit, ita ut amborum altitudines simul altitudini, siue lateri eiusdem cubi sint æquales. 293.b.</p> <p>Octaedrum excedit sibi inscriptum Icosaedrum parallelepipedo, cuius basis est quadratum lateris Icosaedri, altitudo uero maius segmentum semidiametri octaedri extrema ac media ratione secta. 294.a.</p> <p>Pyramis excedit duplum Icosaedri sibi inscripti parallelepipedo, cuius basis quadratum lateris Icosaedri, altitudo uero recta linea bifariis sectiones oppositorum laterum Icosaedri coniungens. 295.a.</p> <p>Angulum inclinationis duarum basium pyramidis, unius ad alteram, inuenire. 295.a.</p> <p>Omnes inclinationes basium pyramidis æquales inter se sunt. 295.a.</p> <p style="text-align: right;">Angulum</p>	<p>35</p> <p>36</p> <p>37</p> <p>38</p> <p>39</p> <p>40</p> <p>41</p>
---	---

I N D E X.

- | | | |
|----|--|--------|
| 42 | <p><i>Angulum inclinationis duarum octaedri basum, unius ad alteram, reperire.</i></p> | 296.a. |
| 43 | <p><i>Oēs inclinationes basū octaedri aequales inter se sunt.</i></p> | 296.b. |
| 44 | <p><i>Angulum inclinationis duarum cubi basum, unius ad alteram, inuenire.</i></p> | 296.b. |
| 45 | <p><i>Omnes inclinationes basū cubi aequales inter se sunt.</i></p> | 297.a. |
| 46 | <p><i>Angulum inclinationis duarum basum Icofaedri, unius ad alteram, inuenire.</i></p> | 298.a. |
| 47 | <p><i>Omnes basum Icofaedri inclinationes inter se aequales sunt.</i></p> | 298.a. |
| 48 | <p><i>Angulum inclinationis duarum basum dodecaedri, unius ad alteram, reperire.</i></p> | 298.a. |
| 49 | <p><i>Omnes inclinationes basum dodecaedri aequales sunt inter se.</i></p> | 299.b. |

F I N I S.



E V C L I D I S

E L E M E N T V M P R I M V M .



D E F I N I T I O N E S .

I.

P V N C T V M est, cuius pars nulla est.



P R I M U S hic primus liber in eo positus est, ut nobis tradat ortus, proprietatesq; triangulorum tum iuxta angulos, tum iuxta latera, quæ quidem inter se comparat interdum, interdum vero unumquodq; per se inspicit, & contemplatur. Nam aliquando ex lateribus trianguli angulos considerat, aliquando vero ex

angulis latera secundum æqualitatem, atq; inæqualitatem, rimatur. Idemq; varijs rationibus inquirat in duobus quãdoq; triangulis inter se collatis. Deinde aperit nobis parallelarum proprietates, parallelogrammorumq; contemplationem aggreditur, tum inter se, tum etiam, ut cum triangulis inter easdem parallelas constitutis conferuntur. Ut autem hæc omnia rectius, & commodius exequatur Euclides, docet divisionem anguli rectilinei, & lineæ rectæ in partes æquales, constitutionem lineæ perpendicularis, quo pacto angulus angulo fiat æqualis, & alia huiusmodi. Itaq; ut vno verbo rem totam complectar, in primo libro traduntur, ex Procli sententia, rectilinearum figurarum maxime prima, ac præcipua, triangula inquam, atq; parallelogramma. Ante omnia vero Euclides more Mathematicorũ rem propositam exorditur a principijs, iniuro facto a definitionibus, quarum prima punctum explicat, docens illud dici punctum in quantitate continua, quod nullas habet partes. Quæ quidem definitio planius ac

A

faciliss


facilius percipietur, si prius intelligamus, quantitatem continuam triplices habere partes, vnas secundum longitudinem, alteras secundum latitudinem, & secundum profunditatem, alitudinemue alteras; quanquam non omnis quantitas omnes has partes habet, sed quaedam vnicas tantum secundum longitudinem; quaedam duplices, ita vt illis adijciat partes etiam latitudinis; quaedam deniq; præter duplices has partes, tertias quoq; alitudinis, siue profunditatis continet. Quantitas .n. ois cõtinua aut longa solũ est, aut longa simul & lata, aut longa, lata, atque profunda. Neq; aliam dimensionem habere potest res vlla quanta, vt recte demonstrauit Ptolemæus in libello de Analemmae, opera Federici Commandini Vrbinatis nuper in pristinam dignitatem restituito, necnon, vt ait Simplicius, in libello de Dimensione, qui quidem, quod sciam, hætenus nondũ est excusos. Itaq; quod in quãtitate cõtinua, siue magnitudine existit, intelligiturq; sine omni parte, ita vt neq; longum, neq; latum, neq; profundum esse cogitur, id appellatur ab Euclide, & a Geometris punctum. Huius exẽplũ in rebus materialibus reperiri nullum potest, nisi velis, extremitatem alicuius acus acutissime, similitudinem puncti exprimere; quod quidem omni ex parte verum non est, quoniam ea extremitas diuidi potest, & secari insinise, punctum vero indiuiduum prorsus debet existimari. Deniq; in magnitudine id concipi debet esse punctum, quod in numero vnitatis, quodq; in tempore instans. Sunt enim & hæc concipienda indiuidua.

II.

LINEA vero, longitudo latitudinis
expers.

DEFINIT hic lineam, primam speciem magnitudinis, quam dicit esse quantitatem longam duntaxat, non autem latam, intellige neq; profundam. A qua enim quantitate excluditur latitudo, ab eadem etiam necessario profunditas remouetur, non autem contra. Lineam autem hanc, siue longitudinem absq; latitudine, non absurde concipere, intelligereq; poterimus ex termino loci alicuius partim illuminati, & partim obumbrati.

obumbrati. Finis enim, seu terminus communis lucidi, & obumbrati, longitudo quaedam est, ad longitudinem ipsiusmet luminis, & umbræ extensa, carens omni latitudine, cum sit lines unusq; . Mathematici quoq;, ut nobis inculcent veram lineæ intelligentiam, imaginantur punctum iam descriptum superiore definitione, e loco in locum moveri . Cuius enim punctum sit prorsus indiuiduum, relinquetur ex isto motu imaginario vestigium quoddam longum omnis expert latitudinis. Vt si punctum A, fluere intelligamus ex A. in B, vestigium effectum A B, lineæ appellabitur, cum vere interuallum inter duo puncta A, & B, comprehensum sit longitudo quaedam carens omni latitudine, propterea quod punctum A, omni priuatum dimensione eam efficere nulla ratione potuerit . Hinc factum est, ut alij dixerint, lineam nil esse aliud, quam puncti fluxum : Alij vero, magnitudinem vno contentam interuallo. Potest enim lineæ vnico tantum modo, ut pote secundum longitudinem, secari, atq; diuidi.



III.


LINEÆ AE autem termini, sunt puncta.

DOCET, quænam sint extrema lineæ cuiusuis, seu termini, dicens lineam terminari, siue claudi vtrinq; punctis ; Non quod omnis lineæ terminos habeat ; quomodo enim lineæ infinitæ terminos assignare poterimus ? quæ etiam ratione in lineæ circulari extremum aliquod deprehendemus ? Sed quod lineæ qualibet habens extrema, in suis extremitatibus puncta recipiat . Vt superior lineæ A B, extrema habet puncta A, & B. Idemq; in omnibus lineis terminatis, ac finitis intelligendum est, ita ut earum extremitates sola esse puncta cogitemus.

IIII.

RECTA lineæ est, quæ ex æquo sua interiacet puncta .

TRIPLEX omnino est linea apud Mathematicos, recta, circularis, quam & curvam dicunt, & mixta, sive composita ex utraq; . Ex his describit hoc loco Euclides lineam rectam, quam dicit esse eam . quæ equaliter inter sua puncta extenditur, hoc est . in qua nullum punctum intermedium ab extremis sursum, aut deorsum, vel huc, atq; illuc deflectendo subsultat; in qua deniq; nihil flexuosum reperitur . Hanc nobis ad riuum exprimit filum aliquod tenue summa vi extentum : In eo enim omnes partes mediæ cum extremis æqualem obtinent situm, neque ulla est alia sublimior, aut humilior, sed omnes æquabiliter inter extremos fines posita progrediuntur . Proclus hanc definitionē exponens ait, tunc demū lineā aliquā



ex æquo sua interiacere puncta, quando æquale occupat spacium ei, quod inter sua situm est puncta extrema . Vt linea $A C B$, dicitur recta, quoniam tantum occupat præcise spacium, quanta est distantia puncti A , a puncto B : Lineæ vero $A D B$,

$A E B$, $A F B$, non dicentur rectæ, cum maiora obtineant spacium, quam sit distantia extremorum punctorum A , & B . Sic etiam vides omnia puncta lineæ $A C B$, inter quæ est punctum C , æqualiter inter extrema A & B , iacere, iuxta Euclidis definitionem; quod non cernitur in alijs lineis, quoniam puncta D, E, F , subsultant ab extremis A , & B . Plato rectam lineam perpulchre sic definiit . Linea recta est, cuius media obumbrant extrema . Vt in linea $A C B$, si punctum C , aut quoduis aliud medium, vim haberet occultandi, & A , extremum virtutem illuminandi, impedimento utique esset C , punctum interiectum, ne B , extremum alterum ab A illuminaretur : Rursus oculus in A , existens extremo, non videret aliud extremum B , ob interiectum punctum C . quod quidem non contingit in lineis non rectis, vt perspicuum est in lineis $A D B$, $A E B$, $A F B$. Archimedes inquit, lineam rectam esse minimam earum, quæ terminos habent eosdem; qualis est $A C B$, comparata cum $A D B$, $A E B$, $A F B$. Si enim $A C B$, non esset minima earum, quæ eosdem terminos A , & B , possident, non ex æquo interiaceret sua puncta, sed ea potius linea, quæ mi-


nor diceretur, quam ACB . Campanus describens rectam lineam, vocat eam breuissimam ex vno puncto in aliud extensio- nem. Lineas non rectas, quæ omnes oblique dici possunt, non definit hoc loco Euclides, sed circularem exponit definitione decimaquinta, mistam prorsus omittens, quod ea in hisce ele- mentis Geometricis nullum habeat usum. Sunt autem pluri- ma genera linearum mistarum: quedam enim sunt vniformes, quedam difformes. Vniformium rursus alie sunt in pla- no, alie in solido. In plano sunt Hyperbole, Parabolæ, Elli- psis, de quibus egit copiosissime Apollonius in conicis elemen- tis, linea Conchoideos, de qua Nicomedes, linea Helica, de qua Archimedes in libro de lineis spiritalibus tractationem in- sistit, & alie huiusmodi. In solido, seu superficie curva sunt alterius generis lineæ helicæ, quam ea ab Archimede descri- pta qualis est illa, quæ circa cylindrum aliquem conuoluitur; nec non ea, quæ circa conum existit, vel etiam quæ circa spha- ram, cuiusmodi sunt spiræ illa, quas sol describit ab ortu in oc- casum, vt in sphaera docuimus. Difformium autem infinitus est numerus, quas non est opus hic recensere. Ex his constat, duas tantum esse lineas simplices, rectam, & circularem, omnes autem alias, quæcumq; sunt mistas appellari, quod ex illis componantur. Vnde ingeniose concludit Aristoteles in libris de celo iuxta triplicem lineam, tres tantum esse motus, duos quidem simplices, rectum, & circularem, tertium vero mi- stum, siue ex illis duobus compositum.

lib. I. tex. 5.


V.

SVPERFICIES est, quæ longitu- dinem, latitudinemq; tantum habet.

POST lineam, quæ est prima quantitatis continua spe- cies, vnicamq; habet dimensionem, definit superficiem, quæ secundam magnitudinis speciem constituit, additq; prima di- mensionis secundum longitudinem, alte- ram secundum latitudinem. Nam in su- perficie reperitur non solum longitu- do, vt in linea, verum etiam latitudo, sine tamen omni profunditate. Vt quantitas $ABCD$, inter lineas AB ,



A 3 B C.



*BC, CD, DA, comprehensa, considera-
taq; secundum longitudinem AB,
vel DC, & secundum latitudinem AD,
vel BC, omnis exers profunditatis,
appellatur superficies. Hanc nobis re-
fert latitudo extrema cuiusq; corporis,*

*si ab ea omnis soliditas intellectu auferatur. Non incongrue
etiam, ut ait Proclus, imaginem quasi expressam superficiem
nobis exhibent umbra corporum. Hæ enim, cum interiorem ter-
re partem penetrare non possint, longæ tantum erunt, & la-
tæ. Mathematici vero, ut nobis eam ob oculos ponant, movent,
ut intelligamus lineam aliquam in transversum moveri: Ve-
stigium enim relictum ex isto motu erit quidem longum, propter
longitudinem lineæ, latum quoq; propter motum, qui in trans-
versum est factus; nulla vero ratione profundum esse poterit,
cum lineæ ipsum describens omni careat profunditate; quare
superficies dicitur. Ut si lineæ AB, fluat versus DC, efficietur
superficies ABCD. Alij describentes superficiem dicunt,
eam esse corporis terminum: Alij vero, magnitudinum duo-
bus constantem intervallis. Potest enim superficies dividi,
& secari duobus modis, vno quidem secundum longitudinem,
altero vero secundum latitudinem.*


V I.

SVPERFICIEI autem extrema,
sunt lineæ.

*NON dissimilis est hac definitio superiori, qua termini
lineæ suere explicati. Vult enim extremitates superficiem esse
lineas quemadmodum lineæ fines extirere puncta. Ut superio-
ris superficiem ABCD, extrema sunt lineæ AB, BC, CD,
DA; Eodemq; modo in quacumq; altera superficie, quæ extre-
ma habet, lineas cogitare oportet in extremitatibus: Non au-
tem in superficie infinita, vel etiam spherica, quæ corpus sphæ-
ricum circumdat. Potest etiam superficies aliqua claudî, &
terminari vnica tantum lineæ, qualis est circularis superfi-
cies, ut dicemus in definitione circuli.*

PLANA superficies est, quæ ex æquo suas interiacet lineas.

HÆC quoq; definitio similitudinem quãdam descriptionis lineæ rectæ gerit. Superficies enim, quæ ex æquo lineas suas interiacet, ita ut mediæ partes ab extremis sursum, deorsumve subsultando, non recedant, appellabitur plana. qualis est superficies per politum alicuius marmoris, in qua partes omnes in rectum sunt collocatæ, ita ut nihil habeat incisum angulis, nihil anfractibus, nihil eminens, nihil lacunosum: In hac enim partes intermediæ cum extremis æqualem adeptæ sunt stitum, nec ulla est alia sublimior, humiliorve, sed omnes æqualiter protenduntur. Alij superficiem planam definiunt, dicentes eam esse, cuius partes mediæ obumbrant extrema: Vel esse minimam, siue brevissimam omnium, quæ eadem habent extrema: Vel cuius omnibus partibus recta linea accommodari potest, ut placet Heroni antiquo Geometra. Ut superficies



puncta superficiæ a linea recta tanguntur, & quodammodo raduntur. Quod si minima superficiæ particula alijs humilior a linea recta non tangeretur, vel ipsa linea recta libere non posset circumduci, propter aliquem tumorem, seu eminentiam in superficie occurrentem, iam non posset nuncupari plana. Itaq; ut sit plana, requiritur ut omnibus modis possit recta linea commensurari, hoc est, ut ei applicari possit recta linea secundum AB, & AF, & deniq; secundum omnes partes. Hac autem superficies sola erit ea, quam imaginari, & intelligere possumus describi ex motu lineæ rectæ in transversum, quæ super duas alias lineas rectas conficitur. Ut si linea recta AB, per duas rectas AD, BC, seratur, efficitur super-

facies perfecte plana, iuxta omnes definitiones; Non enim difficile erit huic superficiem traditas descriptiones accommodare. Solent Mathematici superficiem planam frequenter appellare planum, ita ut quando loquuntur de plano, intelligenda semper sit superficies plana. Cetera omnes superficies, quibus non omni ex parte accommodari potest linea recta, qualis est super-




ficies interior alicuius fornicis, vel exterior al. cuius globi, columnae rotundae, vel etiam con. &c. appellantur curvae, & non plana. Quamvis enim superficiem columnae rotundae, seu cylindri, secundum longitudinem adaptari possit linea recta, tamen secundum latitudinem minime potest: Idemq; dicendum est de alijs. Superficies autem curva duplex est, conuexa videlicet, ut exterior superficies sphaerae, vel cylindri; & concava, ut interior fornicis, siue arcus alicuius.

Quoniam vero omnium harum contemplatio pertinet ad Stereometriam, idcirco Euclides hoc primo libro solum planam nobis explicauit, de qua est disputaturus prioribus sex libris.

VIII.

PLANVS vero angulus, est duarum linearum in plano se mutuo tangentium, & non in directum iacentium, alterius ad alteram inclinatio.


DECLARAT, quid nam sit angulus planus, dicens: Quandocumq; duae lineae in plana aliqua superficie inuicem concurrunt, & non in directum constituuntur, efficitur ex huiusmodi concursu, seu inclinatione vnus ad alteram, angulus, qui dicitur planus, propterea quod in plana constituatur



superficie. Verbi gratia, quia duae lineae AB, AC, concurrunt in A & non iacent in directum, ideo efficiunt angulum A, planum in eadem existentem superficie, in

qua duae illae lineae constituuntur. Dicentur autem duae lineae non

non in directum iacere, quando altera earum versus concurrunt protensa non coincidunt cum altera, sed vel eam secant, vel certe statim post punctum concursus ab ea recedit. Quod dixerim propter angulum contactus, qui fit, quando duo circuli se contingunt, vel etiam, quando linea recta circumulum tangit. Protracta enim recta linea post punctum contactus, quamquam non secet circumulum, tamen statim post illud ab eo se iungitur: Eodem pacto circularis illa linea secundum propriam dispositionem, ac formam extensa recedit a recta tangente, quamvis eam non secet. Unde vere est angulus constitutus in illo contactu: qua de re plura scribemus in propositione 16. tertij lib. contra Iacobum Peletarium, qui contendit, eum non esse angulum. Quod si due linee se mutuo tangant iacentes in directum, ita ut alterutra producta congruat toti alteri, non fiet nullus angulus ex illo concursu, cum nulla sit inclinatio, sed amba vniam integram lineam constituent. Ut quia recta AB , producta conuenit cum recta BC , non efficietur




angulus in B . Sic etiam, non fiet angulus in B , ex lineis curuis AB , BC , quia alterutra secundum suam inflexionem, & obliquum ductum extensa, cum altera coincidit. Quare in directum dicentur iacere. Itaque ut linea recta efficiant angulum, necesse est, ut post concursum producte se mutuo secant: Curvæ autem lineæ, vel quarum altera curua, altera vero recta existit, angulum constituere vere possunt, etiamsi non se mutuo intersecant; sufficit enim, quod se se contingant, ita ut statim post contactum altera ab altera separetur, quemadmodum & ante eundem semota cernuntur. Consistit autem anguli cuiusvis quantitas in sola inclinatione, non in longitudine linearum; lineæ etenim longius excurrentes non augent suam inclinationem, igitur neque anguli magnitudinem. Sunt & alia duo genera angulorum, quorum prius solidos comprehendit, de quibus Euclides disserit in Stereometria, quique in corporibus existunt; Posterius vero sphericales, qui in superficie spheræ constituntur ex circumulorum maximorum circumferentijs, & de quibus copiose agitur in sphericis elementis Menelai. Horum autem omnium explicatio in alium locum a nobis reijcitur, cum hic de solis planis angulis sit futurus sermo.

I X.

CVM autem, quæ angulum continent
lineæ, rectæ fuerint; rectilineus ille angu-
lus appellatur.

ANGVLVS omnis planus conficitur aut ex lineis du-
bus rectis, qui quidem rectilineus dicitur, & de quo solum
hic agi Euclides; aut ex duabus curuis, quem curvilineum
vocare licet; aut ex vna curua; & altera recta qui non ine-
pte mixtus appellatur. Ex hisce porro lineis possunt curvili-
nei anguli tribus va-
riari modis, & mix-
ti duobus, pro varia
inclinacione, seu habi-



tudine linearum curuarum, utpote secundum conuexum, &
concauū, ceu in propositis angulis plane, & aperte perspicitur:
Rectilineus vero variari non potest ratione inclinacionis, habi-
tudinisque linearum, nisi maiorem, vel minorem inclinacionem
variā velimus dicere habitudinem, quod est absurdum; cum
hoc modo augeatur tantum angulus rectilineus, aut diminua-
tur, quod & alijs commune est, non autem ita varietur, ut
aliud constituat genus.

X.

CVM vero recta linea super rectam
consistens lineam eos, qui sunt deinceps,
angulos æquales inter se fecerit, rectus est
vterq; æqualium angulorum: Et quæ insi-
stet recta linea, perpendicularis vocatur eius,
cui insistit.


VSVS frequentissimus reperitur in Geometria anguli
recti, & lineæ perpendicularis, nec non anguli obtusi, & acuti,
ii, pro-

si, propterea docet hoc loco Euclides, quis nam angulus rectilineus apud Geometras appelletur rectus, & qua nam linea perpendicularis: In sequentibus autem duabus definitionibus explicabit angulum obtusum, & acutum. Non enim alius dari potest angulus rectilineus, prater rectum, obtusum, & acutum. Igitur si recta linea AB , recta CD , insistens efficiat duos angulos prope punctum B , (qui quidem ideo dicuntur a Mathematicis esse deinceps, quod eos eadē linea CD , protracta, prope idem punctum B , efficiat) inter se aequales, quod cum demum fiet, quando recta AB , non magis in C , quam in D , inclinabit, sed aequaliter recta CD , insister, vocabitur uterque angulus B , rectus, & recta AB , perpendicularis rectae CD , cui insister. Eadem ratione nominabitur recta CB , perpendicularis rectae AB : quamvis enim CB , tantum faciat cum AB , unum angulum, tamen si AB , extenderetur in rectum & continuum versus punctum B , efficeretur alter angulus aequalis priori: Qua vero arte linea duci debeat efficiens cum altera duos angulos aequales, docebit Euclides propositione 11. & 12. huius primi libri. Itaque si in Geometria concludamus angulum aliquem esse rectum, aut lineam, qua ipsum efficit, ad aliam esse perpendicularem, requiritur, & sufficit, ut probemus angulum, qui est ei deinceps, aequalem illi esse. Pari ratione, si dicatur aliquis angulus rectus, aut linea, qua ipsum constituit, perpendicularis ad aliam, colligere licebit, angulum illi deinceps aequalem quoque esse. Quando enim anguli, qui sunt deinceps, fuerint inter se aequales, nuncupatur uterque illorum rectus, & linea ipsos efficiens, perpendicularis, iuxta hanc 10. definitionem: quando autem non fuerint aequales, non dicitur quisquam illorum rectus, ut constabit ex sequentibus duabus definitionibus, & propterea neque linea eos constituens perpendicularis appellatur. Haec dixerim, ut videas, quid nam liceat ex hac definitione colligere in rebus Geometricis, & quem nam usum habeant apud Geometras descriptiones vocabulorum. Non enim magno labore, haec quae diximus, ad alias definitiones poterunt transferri.



X I.

OBTVSVS angulus est , qui recto maior est .


 QVANDO recta AB , recta CD , insiciens non fecerit angulos ad punctum B , *aequales*, & ob eam causam neutrum rectum, sed vnum quidem recto maiorem, alterum vero minorem, dicitur maior angulus obtusus, qualis est angulus B , ad punctum C , vergens, qui continetur rectis lineis AB, BC .

X II.

ACVTVS vero, qui minor est recto.

VT in precedenti figura, minor angulus B , ad punctum D , vergens, qui continetur rectis lineis AB, BD , vocatur acutus. Itaq; angulus rectus, vt ex dictis colligitur, nullam patitur varietatem, vt vnus altero maior, minorue detur, cum linea perpendicularis eum efficiens non debeat magis in vnam partem inclinare, quam in altera: Obtusus vero, & Acutus augeri possunt, & minui infinitis modis, cum ab illa inflexibilitate lineae perpendicularis infinitis etiam modis recta linea possit recedere, vt perspicuum est. Quonia vero ad quemuis angulum planum consistuendum concurrunt dua lineae, & aliquando in vno puncto plures existunt anguli, solent Mathematici, vt tollatur confusio, angulum quemlibet exprime re tribus literis, quarum media ostendit punctum, in quo lineae consociunt angulum, extreme vero significant initia linearum, quae angulum continent. Exempli gratia in superiore figura angulum obtusum intelligunt per angulum ABC , acutum vero, per angulum ABD ; quod diligenter est notandum, vt facile dignoscamus angulos, quorum mentio fit in demonstrationibus.

XIII.

TERMINVS est, quod alicuius extremum est.

TRES sunt termini iuxta hanc definitionem. Punctum enim terminus est, seu extremum linea: Linea superficiei: & superficies corporis. Corpus autem terminare amplius nihil potest, quod non reperiatur alia quantitas plures habens dimensiones, quam tres. Omne siquidem terminatum superas terminum suum una dimensione, ut perspicuum est ex adductis exemplis.

XIII.

FIGURA est, quæ sub aliquo, vel aliquibus terminis comprehenditur.


NON omnis quantitas terminos possidens Figura dici potest, ne lineam finitam Figuram appellare cogamur: Sed ea solum magnitudines, quæ latitudinem habent, nempe superficies terminata; & quæ profunditatem adeptæ quoque sunt, ut solida finita, Figura nomine appellabuntur. Superficies quoque infinita, vel etiam corpus, cum nullis terminis comprehendatur, Figura vocari nulla ratione potest. Figure unice comprehensæ termino sunt. Circulus, Ellipsis, sphaera, sphaeroides & aliæ huiusmodi: Pluribus vero terminis inclusæ figurae sunt, Triangulum, Quadratum, Cubus, Pyramis, &c. Superficies terminata nuncupantur figure plana: solida autem circumscripita, figura solida, siue corporea. Porro quia formas, seu typos variarum figurarum inspicies quam plurimas in sequentibus. planarum quidem in prioribus 10. libris, solidarum vero in posterioribus quinque, propterea nulla hoc loco figura depingenda esse videtur.

XV.

CIRCVLVS, est figura plana sub

vna linea comprehensa, quæ peripheria appellatur, ad quam ab vno puncto eorum, quæ intra figuram sunt posita, cadentes omnes rectæ lineæ inter se sunt æquales.

DEFINIT hic circulum, figuram inter planas perfectissimam, docens figuram illam planam, quæ vnica linea circumscribitur, ad quam lineam omnes rectæ lineæ ductæ ab vno puncto, quod intra figuram existit, sint æquales, vocari circulum. Vt si superficies, seu spaciūm concludatur vnica



linea ABC , habueritq; hanc conditionem, vt ab aliquo puncto inius suscepto, vt pote a D , omnes rectæ lineæ cadentes ad terminum ABC , quales sunt DA , DB , DC , inter se sint æquales, appellabitur talis figura plana circulus, alias non. Qua vero ratione in

circulo punctum illud medium reperiri debeat, docebit Euclides propositione 1. tertii lib. Adiungit quoq; Euclides, lineam extremam circuli, qualis est ABC , appellari Peripheriam, seu, vt Latini exponunt, circumferentiam. Potest circulus etiã hac ratione describi. Circulus est figura plana, quæ describitur a linea recta finita circa alterum punctum extremum quiescens circumducta, cum in eundem rursus locum restituta fuerit, vnde moueri cæperat. Quæ quidem descriptio persimilis est ei, quæ ab Euclide sphaera describitur lib. xi. Vt si intelligatur recta AD , circa punctum D , quiescens moueri, donec ad eundem redeat locum, a quo dimoueri cæpit, describet ipsa recta totum spaciūm circulare, punctum vero alterum extremum A , delineabit peripheriam ABC : Erit quoq; punctum quiescens D , illud, a quo omnes lineæ cadentes in peripheriam sunt inter se æquales, propterea quod recta AD , circumducta, omnes lineas, quæ ex D , possunt educi ad peripheriam, a que metiatur. Igitur Ellipsis, quamuis si-
gura sit plana vna linea circumscripra, tamen quia in ea non datur punctum, a quo ad ipsam lineam terminantem omnes rectæ lineæ sint æquales, circulus dici nequit.

XVI.


HOC vero punctum, centrum circuli appellatur.

DOCET, punctum illud intra circulum, a quo omnes linea recte ad circumferentiam ducte, sunt aequales, appellari centrum circuli; quale est praecedentis figura punctum D. Unde perspicuum est, polum alicuius circuli in sphaera, a quo omnes recte ad peripheriam circuli cadentes sunt aequales, ut ait Theodosius in sphaericis elementis, non dici debere centrum circuli, cum punctum illud, quod polus dicitur, existat in superficie sphaera, non autem in superficie circuli; qua tamen est necessario requisita conditio, ut punctum aliquod centrum vocetur. Ceterum, ut punctum aliquod circuli dicatur centrum, satis est, ut ab eo tres duntaxat linea cadentes in peripheriam sint aequales inter se, ut demonstrat Euclides propositione 9. lib. 3. Hac enim ratione fiet, ut omnes alia ab eodem puncto emissa inter se sint aequales.

XVII.

DIAMETER autem circuli, est recta quaedam linea per centrum ducta, & ex utraq; parte in circuli peripheriam terminata, quae circulum bifariam secat.

SI in circulo ducatur recta linea AB, per centrum C, ita ut extrema eius A, & B, terminentur in peripheria, appellabitur ea circuli diameter. Non igitur ois in circulo recta linea ducta diameter dicetur, sed ea solummodo, quae per centrum usq; ad peripheriam utrinq; extenditur. Unde plures assignari poterunt in circulo diametri, unum vero centrum duntaxat. Quod autem Euclides addit, circulum



bifariam

bisariam secari a diametro, perspicuum ex eo esse potest, quod diameter per medium circulum, ut pote per centrum, ducitur. Hinc enim fit, ut propter directum diametri per centrum tran-



sum, utriusque aequales circumferentiae abscindantur. Quod tamen Thaletem Milesium hac ratione demonstrasse testatur Proclus. Concipiamus animo, portionem ADB , accommodari & coaptari portioni reliquae AEB , ita ut diameter AB , communis sit utriusque portioni. Si igitur circumferentia ADB , congruat penitus circumferentiae AEB , manifestum est, duas illas portiones a diametro factas, esse inter se aequales, quandoquidem neutra alteram excedit: Si vero circumferentia ADB non omni ex parte cadere dicatur super circumferentiam AEB , sed vel extra eam, vel intra, vel partim extra, partim intra; tunc ducta recta a centro C , secans circumferentiam ADB , in D , & circumferentiam AEB , in E , erunt duae rectae CD , CE , ductae ex centro ad circumferentiam eiusdem circuli aequales, per circuli definitionem, cum tamen una sit pars alterius, quod est absurdum. Non ergo cadet una circumferentia extra aliam, vel intra, vel partim extra, partim intra, sed ambae inter se aptabuntur, ideoque aequales erunt, quod demonstrandum proponebatur.

XVIII.

SEMICIRCULVS vero est figura, quae continetur sub diametro, & sub ea linea, quae de circuli peripheria aufertur.

EXEMPLI gratia, in superiori circulo figura ADB , contenta sub diametro AB , & peripheria ADB , dicitur semicirculus, quia, ut in praecedenti definitione ostendimus, ea est dimidiata pars circuli. Eadem ratione erit figura AEB , semicirculus. Idem autem punctum C , diametrum secans bisariam, centrum est in circulo, & in semicirculo.

HABENT nonnulla exemplaria hoc in loco definitionem eamenti circuli: Verum, quia ea repetitur in 3. lib. ubi prius

prins est locus, & Proclus illā non invenit in antiquis exemplaribus, malimus hic illam subtrahere, eiusq; explanationem in 3. librum, ante quem nulla sit mentio segmentorum circuli, differre.

LIBER XIX. A IIII

RECTILINEAE figurae sunt, quae sub rectis lineis continentur.

Post definitionem circuli, traditurus iam Euclides descriptiones variarum figurarum, explicat prius, quae nam figurae dicantur rectilineae. De his enim potissimum sermo futurus est in hisce libris. Omnes igitur figurae planae, quae undique rectis clauduntur lineis, rectilineae nuncupantur. Ex quo perspicuum est, figuras planas curvis lineis comprehensas, dici curvilineas: Eas vero, quae partim curvis, partim rectis circumscribuntur, appellari mixtas. Varia autem nunc genera figurarum rectilinearum ab Euclide describentur.

XX.

TRILATERAE quidem, quae sub tribus.

Affirmans Euclides, eas rectilineas figuras dici trilateras, quae tribus rectis lineis circumscribuntur, aperte nobis innuit, quo nam modo Triangulum definiri debeat. Cum enim in rectilineis figuris tot sint anguli, quot latera, seu rectae lineae, ex quibus constant, dicitur triangulum, figura tribus rectis lineis contenta, cuius omnes species iam iam adducentur.

XXI.

QUADRILATERAE vero, quae sub quatuor.

B EADEM

EADEM ratione erit Quadrangulum, figura quatuor
 rectis lineis contenta, cuius variae species mox subsequuntur.

XXII.

MULTILATERAE autem, quae
 sub pluribus, quam quatuor, rectis lineis
 comprehenduntur.

QUONIAM species rectilinearum figurarum sunt in-
 numerabiles, propter infinitum numerorum progressum. Nam
 tres rectae lineae claudentes figuram efficiunt primam specie,
 sub qua omnia triangula continentur; quatuor constituunt
 secundam, quae omnia quadrangula complectitur; quinque
 tertiam componunt speciem; sex quartam, atque ita deinceps
 infinite. Ideo Euclides, ne infinitatem hanc figurarum cogatur
 persequi, vocat omnes alias figuras rectilineas, quae plu-
 ribus, quam quatuor, rectis lineis circumscribuntur, genera-
 li vocabulo Multilateras; contentus denominatione trilatera-
 rum figurarum, & quadrilaterarum, forte eam ob causam,
 quod praecipue in prioribus his libris de Triangulis, atque
 Quadrangulis sermo habeatur, & quod facile ad similitudi-
 nem harum duarum specierum caeterae omnes a quolibet defi-
 niri possint. Quis enim ex dictis non colligat, figuram quin-
 que lineis rectis contentam appellari quinquilateram, & sex
 lineis comprehensam sexilateram, atque reliquas eodem modo?
 Sic etiam dici poterunt huiusmodi figurae quinquangulae, se-
 xangulae, septangulae, &c.

XXIII.

TRILATERARVM autem figu-
 rarum, Aequilaterum est triangulum, quod
 tria latera habet aequalia.

DESCENDIT iam ad singulas species triangulorum.
 Quia vero triangula diuidi possunt vel habita ratione late-
 rum,


rum, vel angulorum, declarat prius species prioris divisionis, quæ tres sunt duntaxat, quod tria latera tribus tantum modis se se possint habere. Aut enim omnia equalia sunt; aut duo tantum, tertio existente vel maiore, vel minore; aut omnia inæqualia. Quando igitur omnia tria latera inter se equalia sunt, dicitur triangulum *Æquilaterum*. Porro ex equalitate omnium trium laterum trianguli æquilateri inferitur, omnes tres eius angulos æquales quoque esse, cœu ad quintam propositionem huius libri demonstrabimus.



XX III.

ISOSCELES autem est, quod duo tantum equalia habet latera.

Ex hac rursus equalitate duorum laterum trianguli *Isoscelis* efficitur, duos angulos super reliquum latus etiam esse æquales, ut demonstrabit *Euclides* propos. 7. huius libri. Apposuimus autem duo triangula *Isoscelia*, quorum prius habet tertium latus utriusque equalium maius, posterius autem idem minus obrinet.



XX V.

SCALENUM vero est, quod tria inæqualia habet latera.

Hic denique ex inæqualitate omnium laterum trianguli *Scaleni* colligitur omnium angulorum inæqualitas, ut ostendetur propos. 18. huius. 1. lib. Porro ex his constat, eodem modo potuisse dividi triangulum in tres species, si equalitatis angulorum ratio haberetur. Cum enim aut omnes tres anguli sint inter se æquales; aut duo tantum, tertio maiore,



B 2 vel mi-

vel minore existentes; aut omnes tres inæquales; erit omne tri-
 gulum vel æquiangulum, habens tres omnes angulos æquales;
 vel duorum iam unum angulorum æqualium; vel omnium angu-
 lorum inæqualium; quorum primum quidem *A* Equilatero,
 secundum vero *I*soceles, tertium deniq; *S*calæno respondet tri-
 gulo. Cæterum quam arte construenda sint triangula huius
 partitionis super quavis data recta linea finita, trademus
 propos. 1. huius lib.

XXVI.

AD hæc etiam, trilaterarum figura-
 rum, Rectangulum quidem triangulum est,
 quod rectum angulum habet.

NUNC exponit triangulorum species iuxta posteriorem
 divisionem, habita ratione varietatis angulorum. Quia vero
 tria tantummodo sunt angulorum rectilineorum genera diver-
 sa; (Omnis enim angulus rectilineus vel est rectus, vel obtu-
 sus, vel acutus, ut supra diximus,) fit ut tres quoq; species
 triangulorum sub hac consideratione reperiantur. Nam aut
 unus angulus trianguli est rectus, & ob eam rem reliqui acu-
 ti, ut ex 17. propos. 1. lib. constabit; aut obtusus, & ob ean-
 dem causam reliqui acuti; aut deniq; nullus rectus, nullusq;
 obtusus, sed omnes acuti. Quando igitur triangulum aliquod
 habet angulum unum rectum, vocatur ab Euclide, & alijs



Geometris Rectangulum. Potest au-
 tem triangulum huiusmodi esse vel
*I*soceles, vel scalenum, ut hæc figu-
 re indicant; *A*Equilaterum autem

nulla ratione. Propter equalitatem enim laterum essent per
 ea, que propos. 5. dicemus, omnes etiam anguli æquales; ideòq;
 cum unus concedatur rectus, omnes tres recti, quod pugnat
 cum propos. 17. & 32. huius libri.

XXVII.

AMBLYGONIUM autem, quod
 obtusum

obtusum angulum habet.

TRIANGVLVM amblygonium, siue obtusangulum esse quoq; potest vel Isoceles, vel scalenum, vt in his figuris cernitur,



non autem aequilaterum, alias eadem ratione essent omnes tres anguli per ea, quae propos. 5. ostendemus, aequales, ideo q; cum vnus ponatur obtusus, omnes tres obtusi, quod multo magis pugnat cum propos. 17. & 32. huius libri.

XXVIII.

OXYGONIUM vero, quod tres habet acutos angulos.

OMNE triangulum Oxygenium, siue acutangulum, potest esse vel aequilaterum, vel Isoceles, vel scalenum, vt cerneret licet in triangulis, quae in speciebus prioris diuisionis spectanda exhibuimus, ne eadem hic frustra repetantur. Ex dictis igitur palam fit, triangulum quodcumq; aequilaterum, esse necessario Oxygenium: At omne triangulum tam Isoceles, quam Scalenum, esse vel reftangulum, vel amblygonium, vel Oxygenium; Vt vnica sit species trianguli aequilateri tres vero tam Isoceles, quam Scalenus: atq; in vniuersum septem triangulorum genera, aequilaterum, quod perpetuo Oxygenium esse diximus, Isoceles reftangulum, Isoceles amblygonium Isoceles oxygenium, scalenum reftangulum, scalenum amblygonium, & scalenum oxygenium. Quae etiam hisce licebit nominibus immutatis appellare, Reftangulum Isoceles, Reftangulum Scalenum, Amblygonium Isoceles, Amblygonium Scalenum, Oxygenium aequilaterum, Oxygenium Isoceles, & Oxygenium Scalenum. Quare perspicuum est, quamnam connexionem, siue affinitatem habeant inter se triangula vtriusq; partitionis. In omni porro triangulo, cuius duo quaecumq; latera expresse nominantur, solet reliquum latus tertium a Mathematicis appellari Basis, siue illud in situ infimum occupet locum, siue supremum &c. Hoc te breuiter

monere volui, ne putares aliqd latere mysterij in b. se tria quili, intelligeresq; quodlibet laus, omni discrimine remoto, b. s. s. nomine posse nuncupari.

XXIX.

QUADRILATERARVM autē figurarum, Quadratum quidem est, quod & æquilaterum, & rectangulum est.

POST figurarum trilaterarum species, exponit iam singulativim quadrilateras figuras, recensendo quinque tantummodo earum genera, quorum quatuor priora regularia sunt, posterius autem, & quintum irregulare. Prima figura quadrilatera dicitur Quadratum, cuius quidem omnia quatuor latera inter se equalia existunt, omnesq; anguli recti. Itaq; quadrangulum æquilaterum, & non rectangulum; vel contra, rectangulum, & non æquilaterum, nequaquam Quadratum appellabitur. Docebit autem Euclides propo. 46. huius lib. quonam modo construendum sit quadratum super recta linea proposita finita.



XXX.


ALTERA vero parte longior figura est, quæ rectangula quidem, at æquilatera non est.

SECUNDA figura quadrilatera appellatur Altera parte longior, in qua quidem anguli sunt recti, at latera non sunt inter se equalia, quamvis bina opposita inter se equalia existant. Vt in altera parte longiori $ABCD$, latera AB, DC , inter se, & AD, BC , inter se quoq; equalia sunt, cū $ABCD$, propter angulorū rectitudinē, parallelogrammū sit, ut in hoc lib. ad propo. 34. ostendemus.

XXXI.

RHOMBVS autem, quæ æquilatera,
sed rectangula non est.


HÆC figura tertia inter quadrilate-
ras, quæ Rhombus dicitur, oppositas pro-
fus habet conditiones, & diuersas a conditio-
nibus figuræ altera parte longioris. Habet D
enim omnia latera æqualia, angulos vero
non rectos, & inæquales, quamuis bini oppositi inter se æquales
existant. Vt in Rhombo $ABCD$, anguli A , & C , inter se,
& B , & D , quoq; inter se æquales sunt, cum $ABCD$, pro-
pter æqualitatem laterum, parallelogrammū sit, ceu ad eandem
propof. 34. huius libri demonstrabitur.



XXXII.

RHOMBOIDES vero, quæ aduer-
sa & latera, & angulos habens inter se æqua-
les, neque æquilatera est, neq; rectangula.

EST hæc figura, quæ Rhomboi-
des vocatur, quadrato omni ex parte
opposita. Nam neq; eius latera omnia
æqualia sunt, neq; ullus angulus re- D
ctus, sed tamen latera bina opposita, qualia sunt AB, DC ,
& AD, BC , in Rhomboide $ABCD$, æqualia inter se, item
anguli bini oppositi, quales sunt A, C , & B, D , inter se existunt
æquales. Hæc igitur quatuor figuræ quadrilateræ dici possunt
regulares; cætera vero omnes, quæcumq; sunt, irregulares.



XXXIII.

PRÆTER has autem, reliquæ qua-
drilateræ figuræ, trapezia appellentur.

RELIQVAS Omnes figuras quadrilateras, quæ a prædictis quatuor differunt, ita vt neq; latera omnia equalia, neq; omnes angulos æquales, seu rectos, neq; latera binæ oppositâ, neq; angulos binos oppositos habeant inter se se æquales, generali vocabulo Trapezia nominantur: quæ quidem cum infinitis modis variari queant, recte irregulares nuncupabuntur. Possunt enim duo anguli esse recti, vel vnus tantum, vel etiam nullus, sed vel vnus obtusus, & alij acuti, vel duo obtusi, & alij acuti, &c. Eademq; fieri potest quasi diuisio peres latera; Nam vel aliqua equalia inter se sunt, vel nullum alteri est æquale, &c. Determinatas porro trapeziorum species nonnullas afferemus post definitionem linearum parallelarum, seu æquidistantium, & parallelogrammi.




XXXIII.

PARALLELÆ rectæ lineæ sunt, quæ cum in eodem sint plano, & ex vtraq; parte in infinitum producantur, in neutram sibi mutuo incidunt.

Vt duæ, vel plures rectæ lineæ dicantur parallele, siue æquidistantes, non satis est, vt in quamcunq; partem, etiam spatio infinito, productæ nunquam ad vnum punctum coeant; sed necesse quoq; est, vt in vna plana superficie existant. Multæ siquidem lineæ rectæ non existentes in eadem superficie plana productæ ad spatium infinitum, nunquam in vnum conueniunt, & tamen non sunt parallele dicendæ: quales sunt, exempli gratia, duæ rectæ lineæ in transuersum positæ in medio aere, & non se tangentes; Hæ etenim nunquam coire possunt. Dicuntur autem duæ rectæ lineæ in eadem existere plana superficie, quando superficies aliqua plana vni earum accommodata, ita vt omnia puncta illius tangat, alteri quoq; accommodari potest secundum omnia eius puncta, quamuis re ipsa in duabus superficiebus diuersis reperiantur; Vt præpositis duabus rectis lineis A B, C D, si superficies aliqua plana rectæ A B, applicetur,

ceur, omnia eius tangens puncta, ita ut circa illam circumducta tangat quoq; omnia puncta alterius recte CD;



dicentur huiusmodi recte. Duae linee in eadem superficie plana existere, alias non. Si igitur hae duae recte linee eadem non coeant, etiamsi infinite producantur tam ad partes A, C, quam ad B, D, appellabuntur parallele, siue equidistantes. Ceterum planius, perfectiusq; intelliges in xi. lib. quo modo duae recte linee, vel etiam plures in eodem dicantur superficie existere. : Satis sit hoc loco breuiter admonuisse, recte ab Euclide utramq; conditionem esse positam in definitione linearum parallelarum. Debent enim in eodem existere plano, & productae in utramuis partem nunquam in vnum conuenire, quanquam hac productio continetur ad spatium infinitum. Quod si duae recte linee per immensum aliquod spatium extensa non cernantur coire, constet tamen, eas tandem ex vna parte longius protractas in vnu punctum conuenturas, quamuis ex altera semper magis ac magis inter se distent, ac disiungantur, nequaquam appellande erunt parallele. Quotiescunq; ergo duae linee rectae dicuntur a quopiam esse parallele, is necesse est concedat, illas in vna, eademq; superficie iacere, & nunquam posse coire. Similiter, si quis concludere velit, duas rectas lineas esse parallelas, hic demonstrari prius oportet, eas in eodem existere plano. & in neutram partem productas coniungi posse. Quae in re non pauci videntur hallucinari, qui ex eo duntaxat conatur ostendere, aliquas rectas lineas esse parallelas, quod in neutram partem coeant, etiamsi infinite producantur, nulla facta prorsus mentione alterius conditionis, quae easdem lineas in eodem requirit existere plano.

HIC finem imponit Euclides definitionibus primi libri. Quoniam vero hoc eodem in libro mentio fiet figure, quae Parallelogrammum, nec non earum quae complementa parallelogrammi dicuntur, necessarium esse diximus, duabus definitionibus adiunctis explicare, quid sit Parallelogrammum, & quae sint parallelogrammi complementa, ut facilius demonstrationes percipiantur.

XXXV.

PARALLELOGRAMMVM est figura quadrilatera, cuius bina opposita latera sunt parallela, seu æquidistantia.



¶ *¶* figura quadrilatera *ABCD*, siquidem latus *AB*, æquidistet lateri *DC*, & latus *AD*, lateri *BC*, nuncupatur Parallelogrammum. Sunt autem quatuor solum parallelogramma; Quadratum, figura altera parte longior, Rhombus, & Rhomboides, quorum priora duo rectangula, quod omnes angulos habeant rectos, posteriora vero duo non rectangula vocantur, quod nullus in eis angulus existat rectus. Ceterum, quatuor has figuras esse parallelogramma, ostendemus ad propos. 34. huius lib. Itaq; possumus quadrilateras figuras, (ut & antiqui Geometre) dividere in Parallelogrammum, & Trapezium. Parallelogrammum rursus in rectangulum, & æquilaterum, quale est Quadratum; in nec rectangulum, nec æquilaterum, quale est Rhomboides; in rectangulum, sed non æquilaterum, qualis est figura altera parte longior; & in æquilaterum, sed non rectangulum, cuiusmodi est Rhombus. Trapeziorum quoq; aliud quidem habes duo latera opposita parallela, alia vero minime; aliud autem nulla opposita latera habet parallela. Præterea illud prius vel habet duo illa latera, quæ nõ sunt parallela, inter se equalia, diciturq; Trapezium Isosceles; vel inæqualia, Trapeziumq; Scalenum appellatur. Itaq; ex his omnibus septem generum figurarum quadrilaterarum constitui possunt; Quadratum, figura altera parte longior, Rhombus, Rhomboides, Trapezium Isosceles, Trapezium Scalenum, & Trapezium illud irregulare, in quo nulla latera sunt parallela.


XXXVI.

CVM vero in parallelogrammo diameter ducta fuerit, duæq; lineæ lateribus

parallela

parallelae secantes diametrum in vno eodemq; puncto, ita vt parallelogrammum ab hisce parallelis in quatuor distribuatur parallelogramma; appellantur duo illa, per quae diameter non transit, complementa; duo vero reliqua, per quae diameter incedit, circa diametrum consistere dicuntur.

Si t parallelogrammum $ABCD$, in quo diameter AC ; & linea EF , secans diametrum in G , & parallela existens lateribus AD, BC ; Item linea HI , secans



diametrum in eodem puncto G , parallelaq; lateribus AB, DC , existens. Quae cum ita sint, perspicuum est, parallelogrammum totum diuisum esse in quatuor parallelogramma, quorum quidem duo $EBIG, GFDH$, per quae diameter AC , non transit; vocantur a Geometris complementa, siue supplementa reliquorum duorum $AEGH, GICF$, quae dicuntur circa diametrum consistere, quippe cum per ea diameter transeat, vt videre est in praesenti figura.

PETITIONES, SIVE POSTVLATA.


I.

POSTVLETVR, vt a quouis puncto in quoduis punctum, rectam lineam ducere concedatur.

PRIMUM hoc postulatum planum admodum est, si recte consideretur ea, quae paulo ante de linea scripsimus. Nam cum linea sit fluxus quidam puncti imaginarius, atq; adeo linea recta fluxus directo omnino itinere progrediens, sic vt se

punctum quodpiam ad aliud directo moueri intellexerimus, ducta sane sit a puncto ad punctum recta linea: Id quod pri-

B ma hac petitione ex postulat Euclides, quæ
 C admodum hic vides a puncto A, ductam
 D esse rectam lineam ad punctum B; ab eodemq; aliam ad punctum C; Item aliam ad punctum D; & sic innumere alie ab eodem puncto educi possunt ad alia atq; alia puncta.



II.

ET rectam lineam terminatam in continuuum recta producere.


QVOD si punctum illud ferri adhuc cogitauerimus motu directo, & qui omnis inclinationis sit expertus, producta erit ipsa recta linea terminata, & nunquam erit finis huius productionis, cum punctum illud intelligere possimus moueri ad infinitam distantiam. Sic



linea recta A B, producta est primo in continuum ad punctum C, Deinde ad punctum D, &c.

III.

ITEM quouis centro, & interuallo circumulum describere.



PAM vero, si terminatam rectam lineam cuiuscunq; quantitatis mente conceperimus applicatam esse secundum alterum extremum ad quodcumque punctum, ipsamq; circa hoc punctum fixum circumuolui, donec ad eum reuertatur locum, a quo dimoueri cœpit, descriptus erit circulus, effectumq; quod tertia petitio iubet.

Exemplum habes in his quinque lineis A B, A C, A D, A E, A F, que singule circa centrum A, circum-

circumvoluta singulos circulos descriperunt iuxta quantitatem; seu intervallum ipsarum.

PRÆTER hæc tria postulata quibus Euclides cōtensus fuit, sunt multa alia æque facilia, e quibus duntaxat in medium proferre decrevi illud, quod frequentius repetendum erit in p̄gressu totius Geometriæ. Reliqua enim prudens lector ex se vel facile intelliget.

III.

ITEM quacunq; magnitudine data, sumi posse aliam magnitudinem vel maiorem, vel minorem.

OMNIS enim quantitas continua per additionem auge-ri, per divisionem, vero diminui potest infinite: Vnde nunquã dabitur quantitas continua adeo magna, quin ea maior dari possit: neque tam parva, quin minor ea possit exhiberi. Hoc idem in numeris verum est, quod ad additionem pertinet. Nam quilibet numerus per continuam additionem unitatis au-geri potest infinite: quamvis in eius diminutione ad unitatem individuum deveniatur.

COMMUNES NOTIONES,
sive Axiomata, quæ & Pronunciata di-
ci solent, vel Dignitates.

I.

QVÆ eidem æqualia, & inter se sunt æqualia.

FIERI nulla ratione potest, ut duæ quantitates inæqua-les æquales sint alteri quantitati. Si enim minor illarum pro-positæ quantitati æqualis extiterit, excedet eandem necessario maior illarum; Et si maior æqualis fuerit propositæ quantita-
ti: su-

si, superabitur minor ab eadem. Quare recte colligitur, quantitates, quæ eidem quantitati æquales fuerint, inter se æquales quoque esse.

II.

ET si æqualibus æqualia adiecta sint, tota sunt æqualia.

S I enim quantitates conflatae, sine composita, inæquales forent, proculdubio maiori plus esset adiectum, quam minori, cum antea æquales extiterint. Quare ex additione æqualium quantitarum ad quantitates æquales, consociemur quantitates quoque æquales.

III.

ET si ab æqualibus æqualia ablata sint, quæ relinquuntur, sunt æqualia.

N A M si reliqua quantitates forent inæquales, a minore plus fuisset detractum, quam a maiore.

IIII.

ET si inæqualibus æqualia adiecta sint, tota sunt inæqualia.

Q U I N & si æqualibus inæqualia adiecta sint, tota erunt inæqualia: quoniam maior quantitas addita vni æqualium, maiorem constituit quantitatem, quam minor alteri æqualium adiecta: quemadmodum & si inæqualibus æqualia adijciantur, composita quantitas ex maiore, maior est, quam composita ex minore.

V.

ET si ab inæqualibus æqualia ablata sint, reliqua sunt inæqualia.

SIC etiam, Si ab equalibus inaequalia ablata sint, reliqua erunt inaequalia: quia maior quantitas ablata relinquet minorem quantitatem, quam minor; quemadmodum residuum maioris maius est residuo minoris, si equalia auferantur ab inaequalibus. Caterum Euclides non docet, quidnam gignatur ex additione quantitatum inaequalium ad quantitates inaequales; vel quid relinquatur post subtractionem inaequalium quantitatum ab inaequalibus quantitibus; propterea quod nihil certo colligi inde potest. Possunt enim compositae quantitates, vel residuae, esse & inaequales, & aequales. Si enim ad 7. & 5. addantur 4. & 3. efficiuntur 11. & 8. quae sunt inaequalia. Sic etiam si ex 7. & 5. detrahantur 2. & 1. relinquentur 5. & 4. quae sunt inaequalia. At vero, si ad 7. & 5. addantur 4. & 6. conficiuntur 11. & 11. quae equalia sunt. Item si detrahantur 3. & 1. ex 7. & 5. remanebunt 4. & 4. quae equalia quoque existunt.

PORRO in his omnibus pronuntiatis, primo excepto, nomine equalium quantitatum intelligenda est eadem una & eadem multis communis. Si enim equalibus idem commune adijciatur, tota fient equalia: Et si ab equalibus idem commune detrahatur, residua equalia erunt: Et si inaequalibus idem commune adijciatur, vel eidem communi addantur inaequalia, tota fient inaequalia: & si ab inaequalibus idem commune detrahatur; vel ab eodem communi inaequalia auferantur, residua existunt inaequalia.

VI.

ET quae eiusdem duplicia sunt, inter se sunt aequalia.

SIMILITER, quae eiusdem sunt triplicia, vel quadruplicia, vel quincuplicia &c. inter se sunt equalia. Si enim inaequalia forent, & maius eorum esset duplex, vel triplex &c. alicuius quantitatis, deficeret triq; minus a duplici, vel triplici, &c. Quod si contra, minus esset duplex, vel triplex &c. quantitatis cuiuspiam, excederet sane maius duplex ipsum, vel triplex, &c. Hoc autem & ex secundo axiomate comprobatur.

2. pron.

2. pron.

bari potest, ad hunc modum. Si enim due quantitates aequales fuerint alicui tertiae, & utriusque tertia illa addatur, erunt compositae duplices illius tertiae; sed & inter se aequales, ob idem additamentum. Quod si rursus compositis eadem tertia addiatur, erunt conflatae triplices eiusdem tertiae; Cum igitur & aequales inter se, propter idem additamentum, existant; eademque sit ratio in ceteris multiplicibus, perspicuum erit Axioma propositum.

VII.

ET quae eiusdem sunt dimidia, inter se aequalia sunt.

PARI ratione, quae eiusdem sunt partes tertiae, vel quarta, vel quinta, & c. inter se aequalia sunt.

IN his duobus pronuntiatis per eandem quantitatem, intelligi debent quantitates etiam aequales. Nam quae aequalium duplicia sunt, vel triplicia, & c. inter se aequalia quoque sunt: Item, quae aequalium sunt dimidia, vel tertia, vel quarta, & c. & inter se aequalia necessario existunt.

VIII.

ET quae sibi mutuo congruunt, ea inter se sunt aequalia.

HOC est, duae quantitates, quarum una superposita alteri, neutra alteram excedit, sed ambae inter se congruunt, aequales erunt. Vt duae lineae rectae dicuntur esse aequales, quando una alteri superposita, ea quae superponitur, alteri tota congruit, ita ut eam nec excedat, nec ab ea excedatur. Sic etiam duo anguli rectilinei aequales erunt, quando uno alteri superposito, is qui superponitur, alterum nec excedit, nec ab eo exceditur, sed lineae illius cum lineis huius prorsus coincidunt: Itaque enim erunt inclinationes linearum aequales, quamvis lineae interdum inter se inaequales existant.

ECONTRARIO, Quæ inter se sunt æqualia, sibi mutuo congruent. si alterum alteri superponatur. Intelligendum est autem, quantitates sibi mutuo congruentes, esse æquales secundum id duntaxat, in quo sibi congruunt; Congruit autem longitudo longitudini tantum, superficies superficiæ, solidum solido, linearum inclinatio inclinationi linearum &c.

IX.


ET totum sua parte maius est.

CUM pars a toto ablata relinquat adhuc aliquid, ne totum ipsum auferatur; perspicuum est, omne totum sua esse parte maius.

X.

ITEM, omnes anguli recti sunt inter se æquales.

HOC axioma apertissimum esse cuilibet potest ex 10. definitione, quæ angulus rectus describitur; propterea quod inclinatio linearum angulum rectum constituentium augeri, minui nequeat, sed prorsus sit immutabilis: Efficitur enim rectus angulus a linea perpendiculari, quæ quidem alteri lineæ rectæ ita superstat, ut faciat utrobique angulos æquales, neque magis in unam partem, quam in alteram inclinet: Ex quo fit, omnes angulos rectos æquales inter se esse, cum semper sit eadem inclinatio, quamvis lineæ sint inæquales interdum. Conatur tamē Proclus ex 10. definitione id demonstrare hac ratione. Sint duo anguli recti ABC , DEF , quos dico esse inter se æquales. Si enim fieri potest, sint inæquales, sitq; ABC , maior. Si igitur mente concipiamus punctum E , applicari puncto B , & rectæ DE , rectæ AB , cadet recta EF , inter rectas AB , BC , qualis est BG , propterea quod angulus DEF , minor ponatur angulo ABC . Producaturs CB , in rectum & continuum usque



2. petit.

C ad H;

10. def.
1. petit.
10. def.

ad H; Cū igitur angulus ABC sit rectus, erit angulus AEB , illi deinceps æqualis, & rectus quoq; , quare maior etiam angulo ABG . Producta autem GB , in rectum & continuū vsq; ad I , cum angulus ABG , ponatur rectus, fiet angulus ABI , illi deinceps, æqualis. Quapropter angulus ABH , maior quoq; erit angulo ABI , pars toto, quod est absurdum. Non ergo inæquales sunt duo anguli recti propositi, sed æquales. Quod est propositum: eademq; est ratio in cæteris.

RECTE autem hoc loco monet Pappus, axioma istud nō posse conuerti; non enim omnis angulus recto angulo æqualis, rectus est, cum & curuilineus recto æqualis esse queat, vt in 5. lib. dicemus, qui tamen non dicitur rectus, cum non sit rectilineus. Solus igitur angulus rectilineus æqualis angulo recto, rectus nuncupabitur: Et omnes anguli recti inter se æquales erunt, sine vlla exceptione.

X I.

ET si in duas rectas lineas altera recta incidens, internos ad easdemq; partes angulos duobus rectis minores faciat, duæ illæ rectæ lineæ in infinitum productæ sibi mutuo incident ad eas partes, vbi sunt anguli duobus rectis minores.



VT si in duas lineas rectas AB , CD , incidens alia recta EF , faciat duos angulos internos, & ex eadē parte BEF , DFE , minores duobus rectis, vult Euclides,

illas tandē conuenturas esse ad aliquod punctū vnū, verius eam partem, in qua duo anguli minores existūt duobus rectis, vt appositum exemplum commonstrat. Ratio huius perspicua est, quoniā quādo duo anguli interni, & ex eadē parte æquales sunt duobus rectis, duæ rectæ lineæ in neutram partē coire possunt, sed æquali semper spatio protenduntur, vt propos. 28 huius lib. demonstrabitur: Quare si duo anguli interni, & ex eadē parte efficiuntur minores duobus rectis, necesse est ex ea parte di-

te dictarum linearum spatium coarctari, ex altera vero magis ac magis dilataris ideoq; eas conuenturas tandem esse aliquādo in vñū punctum. Verum quia hoc axioma a numero principiorū omnino reuocatur secundū Geninū Geometrā, Proclum, & alios, diciq; debet potius Theorema, quam principii, cū nō facile quibus ei assensum prabeat, propterea quod reperiantur & alie lineæ, quarū spatii licet semper magis, ac magis coangustetur, nunquam tamen in vñū punctum coeunt, etiamsi infinite pro lucantur, vt constat ex elementis conicis Apollonii: Idcirco illud post 28. p̄pos. & ante 29. huius libri, vbi primum eius vsus incipit apparere. Geometricè demonstrabimus ex sententia Procli, vt sine vlla dubitationē ad theorema tum, atq; problematum demonstrationes possit assumi.

XII.

DVAE rectæ lineæ spatium non comprehendunt.

NVLAM prorsus habet difficultatem hoc principium; Si enim due rectæ lineæ ex vna parte coeant ad efficiendum angulū, necessario ex altera parte semper magis ac magis disungētur si producātur, vt in exemplo proposito perspicuū est. Quare vt superficies, spatiumū quodpiam rectilineū ex omni parte concludatur, duabus rectis lineis tertia quedam adiungenda est. Ita enim conficietur spatium triangulare, seu figurarū rectilinearū prima. Proclus tamen demonstrat hoc principii, hoc modo. Si fieri pōt vt due lineæ rectæ claudāt superficiē, cōprehendāt due rectæ ABC, ADC, superficiem ABCD, ita vt due ille re-



ctæ coeant in duobus punctis A, & C. Facto deinde centro C, describatur circulus intervallo CA, & producatur recta ABC, ADC, in rectū, & cōtinuū vsq; ad circunferentiā, nempe ad puncta E, & F. Itaq; quia rectæ ACE, ACF, vñ seunt per centrū C, erūt semicirculi AE, AEF, inter se æuales, & idcirco circunferentiā quoq; AE, circunferentiā AEF, a qua-



3. per.
2. per.

17. def.

C 2 li

lis erit, pars tori, quod fieri non potest. Non ergo recta due lineæ spacium comprehendunt. Quod est propositum.

H V I C duodenario numero Axiomatum ab Euclide positorum adiungemus nos nonnulla alia ex alijs Geometris decerpta, non minus necessaria ad futuras demonstrationes Problematum atq; Theorematum cum Euclidis, tum ceterorum Mathematicorum, quam ea, quæ nobis tradidit Euclides.

XIII.

D V A E lineæ rectæ non habent vnum & idem segmentum commune.

N O N est difficile istud Axioma, si perfecte intelligatur natura rectæ lineæ. Cum enim lineæ rectæ directo semper itinere, nullam in partem deflectendo, producatur, fieri nulla ratione potest, ut due lineæ rectæ habeant vnam partem, quamvis minimam, communem, præter vnicum punctum, in quo se mutuo interfecant. Quod tamen breuiter Proclus ita demonstrat.

Habeant, si fieri potest, due rectæ $A B$, $A C$, partem communem $A D$. Ex centro autem D , & intervallo $D A$, describatur circulus secans duas rectas propositas in punctis B , & C ; Erunt igitur due circumferentiæ $A B$, $A C$, inter se æquales, (Sunt enim circumferentiæ semicircularum æqualium, cum $A D B$, $A D C$, ponantur esse diametri) pars & torum, quod est absurdum. Non ergo due rectæ habent vnum & idem segmentum commune. Quod est propositum.

P O S S Y N T tamen due lineæ rectæ commune habere segmentum, quando vnam & eandem rectam lineam constituent. Vt in subsequenti figura, rectæ $A G$, $E B$, commune habent segmentum $B G$; quia amba vnam rectam constituent lineam $A E$. At vero quando due rectæ sunt diuersæ, quales fuere $A B$, $A C$, in superiori exemplo, non possunt possidere segmentum aliquod commune,

vnde rectæ a Proclo fuit demonstratum.




3. pct.

17. def.

XIII.

SI æqualibus inæqualia adijciantur, erit totorum excessus, adiunctorum excessui æqualis.

Hoc, & sequens pronuntiatur desumpsit Proclus ex Pappo. A Equalibus itaq; quantitatibus AB, CD, addantur inæquales BE, DF, sitq; BE, maior quam DF. Et ex BE, auferatur BG, æqualis ipsi DF, ut sit GE, excessus, quo quantitas addita BE, superat quantitatem additam DF. Quoniam igitur æqualibus AB, CD, addita sunt æqualia BG, DF, erunt tota AG, CF, æqualia. Quare constat, totam quantitatem AE, superare totam CF, eodem excessu GE, quo magnitudo DF, adiuncta a magnitudine adiuncta BE, superatur. Quod est propositum.



2. pron.

XV.

SI inæqualibus æqualia adiungantur, erit totorum excessus, excessui eorum, quæ a principio erant, æqualis.

IN eadem figura, inæqualibus quantitatibus BE, DF, addantur æquales AB, CD. Et ex maiore BE, auferatur BG, æqualis ipsi DF, ut sit GE, sit excessus, quo quantitas BE, quantitatem DF, superat. Quoniam igitur æqualibus BG, DF, addita sunt æqualia AB, CD, erunt tota AG, CF, æqualia. Quamobrem tota quantitas AF, superabit totam CF, eodem excessu GE, quo maior quantitas proposita BE, minorem DF, superat. Quod est propositum.

2. pron.

XVI.

SI ab æqualibus inæqualia demantur,

C 3 erit

erit residuorum excessus, excessui ablatorum æqualis.

3. pron.

AB aequalibus *AB, CD*, auferantur inæqualia *BE, DF*. Sitq; *EG*, excessus, quo quantitas *BE*, superat quantitatem *DF*. ita ut *BG*, æqualis sit ipsi *DF*. Quia igitur ab æqualibus *AB, CD*, ablata sunt æqualia *BG, DF*, remanebunt *AG, CF*, æqualia. Perspicuum ergo est, residuum *AE*, superari a residuo *CF*, eodem excessu *EG*, quo magnitudo ablata *BE*, ablata magnitudine *DF*, superat. Quod est propositum.

XVII.

SI ab inæqualibus æqualia demantur, erit residuorum excessus, excessui totorum æqualis.

3. pron.

AB inæqualibus *AB, CD*, auferantur æqualia *AE, CF*. Sitq; *BG*, excessus, quo tota quantitas *AB*, superat totam quantitatem *CD*, ita ut *AG, C* æqualis sit ipsi *CD*. Quoniam igitur ab æqualibus *AG, CD*, ablata sunt æqualia *AE, CF*, remanebunt *EB, FD*, æqualia. Quare residuum *EB*, superabit residuum *FD*, eodem excessu *BG*, quo tota quantitas *AB*, superat totam quantitatem *CD*. Quod est propositum.

IN his quoq; quatuor proxime positis pronunciatis, nomine quantitatum æqualium intelligenda est una etiam sola quantitas multis communis. Si enim eidem communi inæqualia adiiciantur, erit totorum excessus, adiunctorum excessui æqualis. Et si inæqualibus idem commune adiungatur, erit totorum excessus, excessui eorum, que a principio erant, æqualis. Et si ab eodem communi inæqualia demantur, erit residuorum excessus, excessui ablatorum æqualis. Et si ab inæqualibus idem commune dematur, erit residuorum excessus, excessui totorum æqualis. Nam in numeris, si ad 6 addas 5. & 3 sunt 11. & 9 quorum excessus

excessus est 2. idem qui ipsorum 5. & 3. Rursus, si ad 5. & 3. addas 6. sunt 11. & 9. quorum excessus 2. idem est, qui ipsorum 5. & 3. Item si ex 8. demas 5. & 2. relinquuntur 3. & 6. quorum excessus 3. idem est, qui ipsorum 5. & 2. Denique si ex 10. & 7. demas 3. relinquuntur 7. & 4. quorum excessus 3. idem est, qui ipsorum 10. & 7.

XVIII.

OMNE totum æquale est omnibus suis partibus simul sumptis.

QUONIAM omnes partes simul sumptæ constituunt totum, cuius sunt partes, manifesta est veritas huius axiomatis.

XIX.

SI totum totius est duplum, & ablatum ablati; erit & reliquum reliqui duplum.

UT quia totus numerus 20. duplus est totius numeri 10. Et ablatum ex illo 6. ablati ex hoc 3. propterea reliquum illius 14. duplus etiam est reliqui huius 7. In universum autem hoc demonstrabitur proposit. 5. lib. 5. nimirum. Si magnitudo magnitudinis æque multiplex sit, atque ablata ablata, ut decupla, vel centupla, &c. & reliqua reliquæ æque multiplex erit, atque tota totius.

COLLIGI potest ex dictis cum Proclo, & Gemino hoc discrimen inter postulata, & Axiomata, quod cum utraq; sint per se nota, & indemonstrabilia, illa naturam sapiunt Problematum, propterea quod aliquid fieri exposcant; hæc vero, Theoremata imitantur, cum nihil fieri petant, sed solum sententiam aliquam notissimam proponant. Differt autem Postulatum a problemate, quod constructio postulati non indigeat ulla demonstratione, problematis autem constructionem concedat nemo sine demonstratione, eo quod difficile aliquid nobis exhibeat construendum. Idem discrimen inter Axioma, & Theorema reperitur; Illud enim demonstrari non debet, hoc vero concedendum nulla est ratio, nisi demonstretur. Nam nemo huius propositionis demonstrationem, vel etiam probationem requirit.

Qua eidem equalia , inter se quoq; equalia sunt . Huius autem statim demonstrationem desiderabit quis . Omnis trianguli tres anguli interni aequales sunt duobus rectis . Idem iudicium habeto de reliquis axiomatis , atq; Theorematis , nec non de postulatis , problematisq; .

CONSTAT quoq; Posiulatorum alia propria esse Geometriae , qualia sunt illa tria , quae Euclides nobis proposuit ; quadam vero communia & Geometriae , & Arithmeticae , cuiusmodi est hoc , Quantitatem posse infinite augeri . Tam enim numerus , quam magnitudo , per additionem augeri potest , ita ut nunquam huius incrementi finis reperiatur . Idem dices de Axiomatis , siue pronunciatis . Nam octauum , decimum , undecimum , duodecimum , & tertiumdecimū , soli Geometriae conueniunt ; Reliqua vero omnia adhibentur & ad demonstrationes Geometricas , & ad Arithmeticas . Quemadmodum enim magnitudines aequales ablatæ a magnitudinibus equalibus , relinquunt magnitudines aequales , siue hæ magnitudines lineæ sint , siue superficies , siue corpora ; Ita quoq; numeri aequales detracti e numeris equalibus relinquunt numeros aequales , &c .

HÆC dicta a nobis sint de triplici hoc genere principiorum , nunc ad demonstrationes accedamus , ex quibus plenius , perfectiusq; principiorum omnium natura percipietur . Sunt enim plurima principia Mathematicorum eiusmodi , ut plane non intelligantur , nisi prius eorum usus appareat in demonstrationibus ; id quod satis te experientia docebit .

ANTEQUAM porro ad propositiones Euclidis interpretandas veniamus , paucis explicandum est , quemnam ordinem , ac modum in ipsis demonstrationibus simus secuti . Primum cuiuslibet propositioni duos numeros affiximus , quorum alter in margine depictus significat ordinem , quem Campanus ex traditione Arabum est secutus in Euclidis propositionibus , alter vero in ipsa propositionum serie descriptus refert dispositionem propositionum ex traditione Theonis . & quam adhuc obseruari cernimus in codicibus graecis . Id vero eo consilio a nobis est factum : quoniam cum a quibusdam Geometris propositiones Euclidis iuxta ordinem Campani , ab alijs vero iuxta Theonis seriem citentur , maximeq; interdum duo hi interpretes inter se discrepent , quoad ordinem propositionum , id quod maxime in 6. 7. & 10. libris perspicitur ; necessarium esse duximus , ut

utriusq;

variusq; interpretis numerus apponeretur. Ita enim fiet, ut si aliquando numerus propositionum a Geometra quopiam citatus non respondet alteri interpreti, alteri saltem conveniat. Deinde ne cursus demonstrationum interrumpatur, citavimus principia, & propositiones Euclidis in margine, quae quidem citationes intelligenda sunt modo infrascripto.

1. def.	Prima definitio. & sic de alijs numeris, ut 4. def. 23. def. &c.
1. per.	Prima petitio.
1. pron.	Primum pronunciatum, seu axioma, & ita de reliquis numeris, ut prius.
1. primi.	Prima propositio primi libri.
23. Vndec.	Vigesimatercia propositio undecimi libri.
6. tertid.	Sexta tertidecimi libri.
9. sextid.	Nona sextidecimi libri. &c.
13. duod.	Decimatercia libri duodecimi.
7. quind.	Septima libri quindecimi.
5. quartid.	Quinta libri quarte decimi.

Ex his alia citationes a quolibet facile poterunt intelligi. Eadem enim in omnibus est ratio.



PROBLEMA I.


PROPOSITIO. I.

I.

SUPER data recta linea terminata triangulum AEquilaterum constituere.

IN omni problemate duo potissimum sunt consideranda, constructio illius, quod proponitur, & demonstratio, qua ostenditur, constructionem recte esse institutam. Ut quoniam primum hoc problema iubet constituere triangulum æquilaterum; super data recta linea terminata quacunq; , ita ut linea recta proposita sit vnum latus trianguli, (Tunc enim figura dicitur constitui super recta linea, quando ipsa linea efficitur vnum figuræ latus) idcirco primum oportet construere ex principijs concessis triangulum aliquod, deinde demonstrare, ipsum ea ratione constructum, esse æquilaterum, hoc est, habere omnia tria latera inter se æqualia. Quod idem in alijs problematis perspicui potest. Hæc etiam duo repèriuntur fere in omni Theoremate. Sæpenumero enim ut demonstrar id, quod proponitur, construendum est, ac efficiendum prius aliquid, ceu manifestum erit in sequentibus. Pauca verò admodum sunt theoremata, quæ nullam requirant demonstrationem.

Si t igitur proposita recta linea terminata A B, super quam constituere iubemur triangulum æquilaterum. Centro A, & interuallo rectæ A B, describatur circulus C B D: Itè centro B, & interuallo eiusdè rectæ B A, alius circulus describatur C A D, secans priorem in punctis C, & D. Ex quorum vtrius, nempe ex C, ducantur duæ rectæ lineæ C A, C B, ad puncta A, & B; Eritq; super rectam A B, constitutū triangulum A B C, hoc est, figura rectilinea contenta tribus rectis lineis. Dico, hoc triangulum ita constructum necessa-
rio esse



3. per.

1. per.
20. def.

rio esse æquilaterum. Quoniam rectæ AB, AC , ducuntur ex centro A , ad circumferentiam circuli BCD , erit recta AC , rectæ AB , æqualis: Rursus quia rectæ BC, BA , ducuntur ex centro B , ad circumferentiam circuli CAD , erit recta BC , rectæ BA , æqualis. Tam igitur AC , quam BC , æqualis est rectæ AB . Quare & AC, BC , inter se æquales erunt, atq; idcirco triangulum ABC , erit æquilaterum. Super data ergo recta linea terminata, &c. Quod faciendum erat.

15. def.

1. prop.

SCHOLIUM.

VT autē videas, plures demonstraciones in vna propositione contineri, placuit primā hanc propositionē resolvere in prima sua principia, initio factō ab ultimo syllogismo demonstratio. Si quis igitur probare velit, triangulū ABC , constructū methode prædicta, esse æquilaterum, uterur hoc syllogismo demonstrante.

Omne triangulum habens tria latera equalia, est æquilaterum.

23. def.

Triangulum ABC , tria habet equalia latera.

Triangulum igitur ABC , est æquilaterum.

Minorem confirmabit hoc alio syllogismo.

Quæ eidem equalia sunt, inter se quoq; sunt equalia.

1. prop.

Duo latera AC, BC , equalia sunt eidem lateri AB .

Igitur & duo latera AC, BC , inter se equalia sunt. Ac propterea omnia tria latera AB, BC, AC , equalia existunt.

Minorem verò huius syllogismi hac ratione colliger.

Lineæ rectæ a centro ductæ ad circumferentiam circuli, inter se sunt equalis.

15. def.

Lineæ AB, AC , sunt ductæ a centro A , ad circumferentiam BCD .

Sunt igitur lineæ AB, AC , equalis inter se.


Eademq; ratione erunt lineæ AB, BC , equalis, cum ducantur a centro B , ad circumferentiam CAD . Quamobrem minor præcedentis syllogismi tota confirmata erit.

Non aliter resolui poterunt omnes aliæ propositiones non solum Euclidis, verum etiam cæterorum Mathematicorum.

Negligunt

Negligunt tamen Mathematici resolutionem istam in suis demonstrationibus, eo quod brevius ac facilius sine ea demonstrent id, quod proponitur, ut perspicuum esse potest ex superiori demonstratione.

SI QVIS autem super data recta desideret construere triangulum quoque Isosceles, & scalenum, id cum Proclo in hunc modum efficiet. Sit recta



linea AB , circa quam ex centrīs A , & B , describantur duo circuli, uti prius. Deinde producat̄ur AB , in utramq; partem ad circumferentias usq; ad puncta C , & D . Atq; centro A , intervallo vero AD , describatur circulus EDF . Item

centro B , intervallo vero BC , circulus ECF , secans priorem in punctis E , & F . Ex quorum utrolibet, nempe ex F , ducantur ad puncta A , & B , duæ rectæ EA , EB . Factumq; erit super recta AB , triangulum ABE ; quod dico esse Isosceles, nimirum duo latera AE , BE , esse & equalia inter se, & maiora latere AB . Cum enim recta AE , AD , ducantur e centro A , ad circumferentiam EDF , erit AE , equalis rectæ AD . Item cum recta BE , BC , ducantur e centro B , ad circumferentiam ECF , erit BE , equalis rectæ BC : Sunt autem rectæ AD , BC æquales inter se, (utraq; enim AC , & BD , equalis est rectæ AB ; cum AB , AC , ex eodem centro A , ad circumferentiam ducantur; Item BA , BD , ex eodem centro B , ad circumferentiam quoq; egrediantur: Quare AC , BD , æquales inter se erunt. Addito igitur cõi rectæ AB , erit tota AD , toti BC , equalis.) Igitur AE , BE æquales quoq; inter se erũt. Quod vero utraq; AE , BE , maior sit quã AB , perspicuum est, cũ AD , equalis ostẽsã ipsi AE , maior sit, quã AE ; Itẽ BC , equalis demonstrata ipsi BE , maior quoq; sit, quã AB . Constitutũ igitur est super recta AB , Isosceles ABE , habens duo latera AE , BE equalia inter se, & maiora latere AB qd faciendum erat. Atq; hæc est demonstratio Procli, aliorumq; interpretum Euclidis.

BREVIVS tamẽ videtur mihi posse demonstrari, trianguli ABE , esse Isosceles, hac ratione. Quoniã AE , equalis est rectæ

- 3. per.
- 3. per.
- 1. per.
- 20. def.
- 15. def.
- 15. def.
- 1. pron.
- 2. pron.
- 1. pron.
- 9. pron.
- 9. pron.
- 15. def.

rectæ

recta $A D$, & recta $A D$, est dupla recta $A B$ propterea quod $B A, B D$ aequales inter se sunt; erit & $A E$, dupla recta $A B$. Rursus quia $B E$, aequalis est recta $B C$, & $B C$, dupla est ipsius $A B$, propterea quod $A B, A C$, aequales sunt inter se, erit & $B E$, dupla ipsi $A B$. Cum igitur utraq; $A E, B E$, dupla sit eiusde $A B$, erunt $A E, B E$, inter se aequales, maioreſq; propterea recta $A B$. Isosceles ergo est triangulum $A B E$.

I A M vero, si ex puncto A , ducatur linea recta $A G$, ad circumferentiã $E G F$, quæ nõ sit eadẽ qua $A E$, vel $A D$, secans circumferentiã $E H D$, in puncto H . & ex G , ad B , ducatur alia recta $G B$; consititũ erit triangulũ $A B G$, super recta $A B$, quod dico esse scalenũ. Quoniam $A G$, maior est quam $A H$: Sunt autem $A H A E$, ex centro A , ducta, inter se aequales; erit & $A G$, maior quam $A E$, hoc est, quam $B E$, quæ ostensa est aequalis ipsi $A E$; igitur & maior erit $A G$, quam $B G$, cũ $B G$, sit aequalis ipsi $B E$. Est autem & $B G$, maior quam $A B$, propterea quod tota $B C$, aequalis ipsi $B G$. maior sit quã $A B$; pars. Omnia ergo tria latera triãguli $A B G$, inæqualia sunt, ideoq; scalenum est ex definitione; quod erat faciendum.

15. def.
15. def.

6. pron.

1. pet.

1. pet.
20. def.
9. pron.
15. def.

15. def.
9. pron.


P R A X I S.

CONABIMUR in singulis fere problematibus Euclidis tradere praxin quãdã facile, & breuẽ, qua effici possit id, quod Euclides pluribus verbis, atq; lineis curandũ construeret; Idq; in ijs præsertim observabimus, quæ frequentiorẽ usum habent apud Mathematicos, & in quibus praxis compendium ali quod secum videtur asferre.

I T A QVE triangulũ æquilaterũ ita facile construetur sup data recta $A B$. Ex centris A , & B , intervallo vero data recte $A B$, describantur duo arcus circulorũ se interfecantes in puncto C , siue hoc infra lineã cõtingat siue supra. Post hæc ductur due recta $A C, B C$, ex puncto C , ad puncta A , & B ; factũq; erit, quod proponitur. Cuius rei eadẽ est demonstratio cũ superiori si modo circuli essent integri, ac perfecti. Transirent enim necessario per puncta A , & B .




I S O S C E L E S ita conficietur. Ex centris A , & B , intervallo vero maiore quam $A B$, si datam rectam esse relinamus minui latus; vel minore, si eandẽ in latus maius eligamus.



mus, describantur duo arcus secantes se in C. Postea ducantur rectæ AC, & BC; constitu- Etumq; erit Isosceles: quoniam AC, BC, æquales erunt propter æquale intervallum as-

sumptum, maius scilicet, aut minus, quam recta AB.

SCALENUM deniq; hoc modo fabricabitur super data recta AB. Ex centro B. intervallo vero maiore, quam BA, describatur arcus aliquis: Item ex centro A, intervallo vero adhuc maiore, quam prius assumptum, describatur alter arcus priorem secans in C. Deinde ducantur rectæ AC, BC; constitutumq; erit Scalenum, ut




constat ex inequalitate intervallorum, quæ assumpta fuerunt in constructione.

CATERVM quo pacto triangulum constitui debeat habens tria latera æqualia tribus datis lineis quibuscumq; , singula singulis, latius explicabimus propof. 2.2. huius libri.

2. PROBL. 2. PROPOS. 2.

AD datum punctum, datæ rectæ lineæ æqualem rectam lineam ponere.



Si r punctū datum A, & data recta linea BC; cui aliam rectam æqualem ponere oportet ad punctum A. Facto al terutro extremo lineæ BC, nem-

pe C, centro, describatur circulus BE, intervallo rectæ BC. Et ex A, ad centrum C, recta ducatur AC; (nisi punctum A, intra rectam BC, fuerit: Tunc enim pro linea ducta sumetur AC, ut secūda figura indicat.) Super recta vero AC; cōstruatur triangulum æquilaterum ACD, sursum, aut deorsum

3. per.
1. per.
1. primi.

deorsum versus, ut libuerit; cuius duo latera modo constituta DA, DC , versus rectam AC , extendantur; DC , quidem opposita puncto dato A , usque ad circumferentiā in E ; DA , vero opposita centro C , quantumlibet in F . Deinde e centro D , interuallo vero rectæ DE , per C , centrū trāseuntis, alter circulus describatur EG , secās rectā DF , in G . Dico rectam AG , quæ posita est ad punctū datū A , æquale esse datæ rectæ BC . Quoniam DE, DG , ductæ sunt ex centro D , ad circumferentiā EG , ipsæ inter se æquales erunt: Ablatis igitur DA, DC , æqualibus lateribus trianguli æquilateri ACD , remanebit AG , æqualis rectæ CE . Sed eidē CE , æqualis est recta BC . (cum ambæ rectæ CB, CE , cadāt e centro C , ad circumferentiā BE .) Igitur rectæ $AG, & BC$, quandoquidē vtræq; æqualis est ostēsa rectæ CE , inter se æquales erunt. Ad datum igitur punctū, &c. quod erat faciendū.

Quod, si punctū datū fuerit in extremo datæ lineæ, quale est C , facile absoluetur problema. Si enim centro C , & interuallo CB , describatur circulus, ad cuius circumferentiā recta ducatur vtrumq; C, E , erit hæc posita ad punctū datū C , æqualis datæ rectæ BC , cum vtræq; & $BC, & CE$, eodem centro egrediatur ad circumferentiā BE .

SCHOLIION.

Huius problematis varij esse possunt casus, ut ait Proclus. Aut. n. datū punctū in ipsa data recta est positū, aut extra ipsū: Si in ipsa, erit vel alterū extremorū eius, vel inter vtrūq; iacebit extremū. Si vero extra ipsam, erit vel e directo datæ lineæ, ita ut pducta in rectū & cōtinuū p ipsum punctū trāseat; vel nō e directo, ita ut ab ipso ad datæ lineæ extremorū quoduis recta linea ducta cū data recta angulū efficiat; Quo modo vel supra datā lineā erit cōstitutū, vel infra, ut manifestū est. In omnibus aut̄ illis casibus semper eadē est cōstructio, & demonstratio. Quod si in cōstructione fiat triāgulū ACD , sup̄ recta AC , isosceles, eodem modo ostendemus, rectam AG , rectam BC , æqualem esse.

2. per.
3. per.
15. def.
3. pron.
15. def.
1. pron.
3. per.
1. per.
15. def.


PROBL. 3. PROPOS. 3.

3.

DVABVS datis rectis lineis inæqualibus,

libus, de maiore æqualem minori rectam lineam detrahere.

SINT duæ rectæ inæquales A, minor, & B C, maior,



oporteatq; ex maiore B C, detrahere lineã æqualem minori A. Ad alterutrum extre-

morũ lineæ maioris B C, nempe ad punctũ B, ponatur aliqua linea, quæ sit B D, æqualis minori A. Deinde centro B, interuallo

autem B D, circulus describatur secans B C, in E. Dico B E, detractam esse æquale ipsi A. Quoniã B E, æqualis est rectæ B D, & eidẽ B D, æqualis est recta A, per constructionem; erunt A, & B E, inter se æquales. Duabus igitur datis rectis &c. quod erat faciendum.

QVOD si duæ rectæ datæ cõiungãtur in vno extremo, quales sunt B D, & B C, cõiunctæ in extremo vtriusq; B; describẽdus erit circulus ex B, ad interuallũ minoris B D. Hic. n. auferet B E, æquale ipsi B D, vt cõstat ex definitione circuli.

SCHOLION.

VARIOS etiam posse casus esse in hoc problemate, nemo ignorat, cum duæ lineæ inæquales datæ vel inter se distent, ita vt neutra alterã cõtingat; vel nõ. sed vel coniungãtur ad vñũ extremũ, vel se mutuo secent, vel certe altera alterã suo extremo tangat duntaxat, &c. de qua re lege Proclum hoc in loco.

THEOREMA I. PROPOS. 4.

SI duo triângula duo latera duobus lateribus æqualia habeãt, vtrũq; vtriq; ; habeãt vero & angulũ angulo æquale sub æqualib⁹ rectis lineis cõtentũ : Et basim basi æquale habebũt; eritq; triangulũ triangulo æquale; ac reliqui anguli reliquis angulis æquales erunt, vterq; vtriq; , sub quibus æqualia latera subtenduntur.

SINT

2. primi.

3. per.


15. def.

1. pron.

4.

SINT duo triangula ABC, DEF,
 & unius utrumque latus AB, AC,
 æquale sit alterius utroque lateri DE,
 DF, hoc est, AB, ipsi DE, & AC, B
 ipsi DF; angulusque A, contentus la-
 teribus AB, AC, æqualis angulo D, contento lateribus
 DE, DF. Dico basim BC, æqualem quoque esse basi EF;
 & triangulum ABC, triangulo DEF; & utrumque an-
 gulum B, & C, utriusque angulo E, & F, id est, angulos B,
 & E, qui opponuntur lateribus æqualibus AC, DF, inter
 se; & angulos C, & F, qui opponuntur æqualibus lateribus
 AB, DE, inter se quoque esse æquales. Quoniam angu-
 lus A, æqualis ponitur angulo D, fit, ut si alter alteri intelli-
 gatur superponi, neuter alterum excedat, sed linea AB, con-
 gruatur lineæ DE, & linea AC, lineæ DF. Cum igitur AB,
 & DE, ponantur esse æquales, neutra etiam alteram exced-
 det, sed punctum B, cadet in punctum E; Eademque ratio-
 ne punctum C, in punctum F, propter æqualitatem linea-
 rum AC, & DF, ex hypothesi. Itaque cum punctum B,
 congruat puncto E, & punctum C, puncto F, necessario &
 basi BC, congruet basi EF, (ut mox demonstrabitur) ac
 propterea illa huic æqualis erit, cum neutra alteram excedat;
 & triangulum ABC, triangulo DEF, & angulus B, angulo E,
 & angulus C, angulo F, æqualis ob eandem causam existet.

Quod autem basis BC, congruat basi EF, si punctum B, pun-
 ctum E, & punctum C, punctum F, congruat; facile demonstrabitur. Si
 non congruere dicat basis BC, basi EF, cadet vel supra, ut effi-
 ciat rectam EGF, vel infra, ut constituat rectam EHF. Vtrum-
 que horum concedatur, clauderent duæ lineæ rectæ EF, EGF,
 vel EF, EHF, superficiem, (negare enim nemo poterit, tam
 EGF, quam EHF, rectam esse, cum utraque ponatur ead-
 em esse, quæ recta BC) Quod est absurdum. Duæ enim
 rectæ superficiem claudere non possunt. Non ergo basis BC,
 cadit supra, vel infra basim EF, sed illi congruet. Quare ip-
 sæ inter se æquales sunt, &c. Quocirca, si duo trian-
 gula duo latera duobus lateribus æqua-
 lia habeant, &c. quod demon-
 strandum erat.



8. pron.


8. pron.

8. pron.

12. pron.


SCHOLION.

RECTE Euclides duas condiciones posuit in antecedente huius theorematibus, quarum prima est, ut duo latera unius trianguli equalia sint duobus lateribus alterius trianguli, utrumque utrique; Secunda, ut angulus etiam unius contentus illis lateribus equalis sit angulo alterius contento lateribus, quæ istis sunt equalia; Deficiente enim alterutra harum conditionum, neque bases, neque reliqui anguli poterunt unquam esse equalia, triângula uero admodum raro equalia existunt, ut probe hoc loco a Proclo demonstratur. Sint enim triangulorum ABC, DEF, anguli A, & D, aequales, nempe recti, & latera AB, AC, equalia lateribus DE, DF, non quidem utrumque utri-



que sed illa simul sumpta hisce simul sumptis, sitque AB, 3. AC, 4. ut ambo simul efficiant 7. At uero DE, 2. DF, 5. ut ambo quoque simul 7. constituant. Quibus positis, erit basis BC, 5; & basis EF, radix quadrata a huius numeri 29, quæ maior quidem est quam 5, minor autem, quam 6. Item area trianguli ABC, erit 6. area uero trianguli DEF, 5. Anguli denique super basim BC, inæquales erunt angulis super basim EF. Quæ quidem omnia ita esse, hic ostenderemus, nisi ad eorum demonstrationem requirerentur multa, quæ nondum sunt confirmata. Vides igitur omnia inæqualia esse, propterea quod non utrumque lateri æquale existat in dictis triangulis ABC, DEF.

RURSUS triangulorum ABC, DEF, latera AB, AC,



equalia sint lateribus DE, DF, utrumque utrique, sitque unumquodque 5; anguli uero A, & D, contenti dictis lateribus inæquales, sitque A, maior, quàm D. Quibus

concessis, erit basis BC, maior base EF ut propof. 24. huius libri ostēderit. Quod si basim BC, ponamus esse 8. basim autē EF, 4. erit area trianguli ABC, 12. area uero trianguli DEF, radix quadrata huius numeri 84. quæ maior quidem est quam 9. minor uero, quam 10. id quod notissimum est Geometris. V

igitur


igitur duorum triangulorum & bases, & anguli, nec non tri-
gula ipsa equalia inter se sunt; necesse est, ut utrumque laterus
unius aequale sit utriusque lateri alterius, & anguli quoque dictis
lateribus contenti aequales existant, ut optime dixit Euclides.

THEOR. 2. PROPOS. 5.

5.

ISOSCELIVM triangulorum, qui
ad basim sunt, anguli inter se sunt æquales:
Et productis æqualibus rectis lineis, qui sub
basi sunt, anguli inter se æquales erunt.

SIT triangulum Isosceles ABC, in
quo duo latera AB AC, inter se sunt æqua-
lia: Dico angulos ABC, ACB; super ba-
sim BC, æquales inter se esse: Item si la-
tera æqualia AB, AC, producantur quā-
tum libuerit, usque ad puncta D, & E,
angulos quoque DBC, ECB, infra ba-
sim eandem BC, esse æquales. Ex linea



enim AE, producta infinite abscindatur AF, æqualis ipsi
AD, & ducantur rectæ BF, CD. Considerentur deinde
duo triangula ABF, ACD. Quia ergo duo latera AB
AF, trianguli ABF, æqualia sunt duobus lateribus AC,
AD, trianguli ACD, utrumque utrique, nempe AB ipsi
AC, ex hypothesi, & AF ipsi AD, ex constructione; an-
gulusque A, contentus lateribus AB, AF æqualis est an-
gulo A, contento lateribus AC, AD, immo angulus A,
communis est utrique triangulo: Erit basis BF æqualis basi
CD; & angulus F, angulo D; & angulus ABF, angulo
ACD; cum & priores duo, & posteriores, opponantur
æqualibus lateribus in dictis triangulis ut patet. Rursus cō-
siderentur duo triangula BDC, CFB. Quoniam uero re-
ctæ AD, AF, æquales sunt per constructionem, fit ut, si
auferantur ex ipsis æquales AB AC, & reliquæ BD, &
CF, sint æquales. Quare duo latera BD, DC, trianguli
BDC, æqualia sunt duobus lateribus CF, FB, trianguli
CFB, utrumque utrique, uidelicet BD, ipsi CF, & DC,
ipsi FB, ut probatum est: Sunt autem & anguli D, & F, cō-

3. primi.

1. per.

4. primi.

3. proæ.

4. primi

renti dictis lateribus æqualibus æquales, ut ostensum etiam fuit. Igitur erit angulus DBC , angulo FCB , æqualis; & angulus BCD angulo CBF . Tam enim priores duo quã posteriores, æqualibus opponuntur lateribus. existuntq; supra communem basim BC , utriusque trianguli BDC , CFB . Quod si ex totis angulis æqualibus ABF , ACD , (quos æquales esse iam demonstrauimus in prioribus triangulis) detrahatur anguli æquales CBF , BCD (quos iudem in posterioribus triangulis modo probauimus esse æquales) remanebunt anguli ABC , ACB ,



3. pron.

supra basim BC , æquales: Ostensum est autem in posterioribus triangulis, & angulos DBC , FCB , qui quidem sunt infra eandem basim BC , esse æquales. Igitur & anguli supra basim inter se & infra eandem inter se quoque sunt æquales, Ac propterea Isoscelium triangulorum, qui ad basim sunt anguli, &c. Quod erat demonstrandum.


SCHOLION.

HAEC propositio uera etiam est in triangulis æquilateris, cum in quolibet reperiantur duo latera inter se æqualia, licet eam Euclides solis Isoscelibus triangulis uideatur accommodasse. Existentibus enim duobus lateribus AB , AC , trianguli ABC , æqualibus, siue reliquum latus BC , ipse quoque sit æquale, ut contingit in triangulo æquilatere, siue inæquale, ut in Isoscele accidit, necessario consequitur, & angulos supra basim inter se, & angulos infra eandem inter se quoque esse æquales, ut constat ex demonstratione prædicta. Solet autem theorema hoc ryonibus subdifficile, & obscuriusculum uideri, propter multitudine linearum, & angulorum, quibus nondum sunt assueti. Veruntamen, si diligenter theoremati præcedentis uis ac demonstratio ponderetur, non multo labore hoc, quod præ manibus habemus, a quolibet percipietur, si modo memor sit, illos angulos triangulorum probari æquales esse, in antecedenti theoremate, qui æqualibus lateribus opponuntur. Quod quidem quoniam Campanus non apposuit, cause fuit, ut confusa esse uideatur, & subobscura eius demonstratio.

CORO-

COROLLARIUM.

Ex hac propositione quinta liquet, omne triangulum æquilaterum esse æquiangulum quoque: Hoc est, tres anguli osculusliber trianguli æquilateri esse inter se æquales. Sit enim triangulum æquilaterum ABC . Quoniam igitur duo latera AB, AC , sunt æqualia, erunt duo anguli $B, \& C$, æquales. Item quia duo latera AB, BC , sunt æqualia, erunt $\&$ anguli $C, \& A$, æquales. Quare omnes tres $A, B, \& C$, æquales erunt. Quod ostendendum erat.



5. prim.

THEOR. 3. PROPOS. 6.

SI trianguli duo anguli æquales inter se fuerint: $\&$ sub æqualibus angulis subtensa latera æqualia inter se erunt.

IN triangulo ABC , sint duo anguli ABC, ACB , super latus BC , æquales. Dico duo latera illis opposita AB, AC , esse quoque æqualia. Si enim non credantur æqualia, existentibus nihilominus angulis dictis æqualibus, erit alterum maius altero; sit igitur AB , maius quam AC , si fieri potest: Et ex AB , abscindatur in D , recta BD , æqualis rectæ AC , (quæ minor dicitur esse quam AB ,) ducaturque recta CD . Considerentur iam duo triangula ACB, DCB . In quibus cum duo latera AC, CB , trianguli ACB , æqualia sint duobus lateribus DB, BC , trianguli DCB , utrumque; utrique, nempe AC , ipsi DB , (abscidimus enim ex AB , ipsi AC , concessu adversarij, æqualem DB ,) $\&$ CB , ipsi BC , cum sit unum $\&$ idem; Sint autem $\&$ anguli ACB, DCB , contenti dictis lateribus æquales, per hypothesin: Erunt triagula ACB, DCB , æqualia, totum, $\&$ pars, quod fieri nõ potest. Non igitur erunt latera AB, AC , inæqualia, si anguli $B, \& C$, super latus BC , æquales sunt, ne totum parti æquale esse concedamus:



3. primi

sed æqualia existent. Quare si trianguli duo anguli, $\&c.$ quod demonstrandum erat.

4. primi

CONVERTIT hoc theorema primam partem precedentis. Nam ibi demonstratum est, si duo latera trianguli inter se equalia fuerint, angulos, qui ad basim sunt, esse quoque equalis: Hic vero si anguli ad basim sint equalis, latera quoque angulis illis opposita esse equalia. Non autem mirum alicui debet uideri, si Mathematici aliquando conuertunt propositiones, ita ut nunc ex antecedente quopiam concessio colligat per demonstrationem consequens aliquod, nunc uero rursus ex consequente hoc concessio inferant per aliam demonstrationem antecedens illud, ut ab Euclide in hisce duabus proximis propositionibus factum esse conspicimus: Non debet, inquam, uideri mirum, quoniam non semper in rebus Mathematicis reciprocantur antecedens & consequens; Cuius ego rei unum dimittaxat nunc exemplum tale in medium proferam. Demonstrat Euclides propof. 16. huius lib. Si trianguli cuiusuis unum latius producat, angulum externum maiorem esse duobus internis sibi oppositis; In qua quidem propositione nullo modo antecedens, & consequens reciprocantur. Non enim sequitur, si figura cuiusuis rectilinea uno latere producta, angulus externus maior sit singulis internis oppositis, figuram illam esse triangulum, cum possit etiam esse quadrilatera figura, ut ad propof. 16. huius lib. ostendemus. Eodemque modo multe alie propositiones conuerti nequeunt. Quam ob rem necesse est, ut prius demonstret Geometra, propositionem aliquam conuerti, hoc est, antecedens & consequens illius reciprocari, antequam ex consequente concessio colligat antecedens. Non conuertit autem Euclides omnes propositiones, quae conuerti possunt, sed eas dumtaxat, quarum conuersione maxime indiget: Nos tamen dabimus operam, ut fere omnes illas conuertamus, quae aliquam uidebuntur asserre utilitatem.

COROLLARIUM.

SI QUITUR ex hac propositione, omne triangulum aequiangulum, id est, cuius omnes anguli sunt equalis, esse aequilaterum. Quod quidem conuersum est corollarij quintae propositionis, ut liquet. Sint enim trianguli ABC, tres anguli equalis. Dico ipsum esse aequilaterum. cum enim duo anguli B, & C, sint equalis, erunt latera



A B, AC, æqualia. Rursus cum duo anguli A, & B, sint æquales, erunt quoque latera A C, B C, æqualia; & idcirco omnia tria latera A B, B C, A C, æqualia. Quod ostendendum erat.

EX PROCLO.

LITERA nobis etiam conuertere, secundam partem quintæ propositionis, hoc modo:

Si trianguli cuiuslibet productis duobus lateribus, anguli infra basim fiant æquales; & duo latera illa æqualia inter se erunt.

Trianguli enim A B C, productis lateribus AB, AC, ad D, & E, fiant anguli D B C, E C B, infra basim B C, æquales. Dico latera A B, A C, esse quoque inter se æqualia. Ex C E, quantumlibet producta absceindatur C F, æqualis ipsi B D, & ducantur rectæ B F, F D, D C. Considerentur deinde triangula D B C, F C B. In quibus cum latera D B, B C, æqualia sint lateribus F C, C B, utrumque utriusque, nempe D B, ipsi F C, per constructionem, & B C, ipsi C B, quod sit unum & idem: sint autem & anguli D B C, F C B, dictis lateribus contenti æquales, per hypothesein: erunt & bases C D, B F, æquales, & anguli B C D, C B F, super has bases, cum opponantur æqualibus lateribus B D, C F, æquales. Ablatis igitur hisce angulis æqualibus B C D, C B F, ex angulis F C B, D B C, per hypothesein æqualibus, remanebunt anguli F C D, D B F, æquales. Considerentur rursus triangula D B F, F C D. In quibus quoniam latera D B, B F, æqualia sunt lateribus F C, C D, utrumque utriusque, nempe D B, ipsi F C, per constructionem, & B F, ipsi C D, ut modo ostensum est; Sunt autem & anguli contenti dictis lateribus, D B F, F C D, æquales, ut etiam fuit nuper demonstratum: Erit angulus B D E, super basim D E, trianguli D B F, æqualis angulo C F D, super eandem basim F D, trianguli F C D. Hi enim æqualibus lateribus opponuntur. Cum igitur in triangulo A D E, duo anguli A D E, A E D, sint æquales, ut nunc ostendimus, erunt latera A D, A E, æqualia. A quibus si rectæ B D, C E, æquales, per constructionem, demantur, remanebunt A B, A C, latera trianguli A B C, æqualia. Quod erat ostendendum.



6. primi.

3. primi.

4. primi.

3. prou.

4. primi

6. primi

3. prou.

THEOR. 4. PROPOS. 7.

SVPER eadem recta linea, duabus eisdem rectis lineis alia duæ rectæ lineæ æquales, utraq; utriusque, non constituentur, ad

D 4 aliud

7.

aliud atque aliud punctum, ad easdem partes, eisdemq; terminos cum duabus initio ductis rectis lineis habentes .

Super recta AB, constituentur ad punctum quoduis C, duæ rectæ lineæ AC, BC. Dico super eandem rectam AB, uersus partem eandem C, nõ posse ad aliud punctum, ut ad D, constitui duas alias rectas lineas, quæ sint æquales lineis AC, BC, utraque utrique, nempe AC, ipsi AD, quæ eundem habent finem A; & BC, ipsi BD, quæ eundem etiã terminum possidēt B. Sint enim,



si fieri potest, rectæ AC, AD, inter se, & rectæ BC, BD, inter se etiã æquales. Aut igitur punctum D, erit in alterutra rectarum AC, BC, ita ut recta AD, in ipsam rectam AC, uel BD in ipsam BC, cadat; aut intra triangulum

ABC; aut extra. Sit primo punctum D, in altera rectaru AC, BC, nempe in AC, ut AD, sit pars ipsius AC. Quoniã igitur rectæ AC, AD, eundem terminum A, habentes dicuntur æquales; Erit pars AD, toti AC, æqualis. Quod fieri non potest. Sit secundo punctum D, intra triangulum

ABC, & ducta recta CD, producantur rectæ BC, BD, usque ad E, & F. Quoniam igitur in triangulo ACD, ponuntur latera AC, AD, æqualia, erunt anguli ACD, ADC, super basim CD, æquales; Est autem angulus ACD, minor angulo DCE; nempe pars toto: Igitur & angulus ADC, minor erit eodẽ angulo DCE: Quare angulus CDF, pars ipsius ADC, multo minor erit eodem angulo DCE. Rursus, quia in triangulo BCD, latera BC, BD, ponuntur æqualia, erunt anguli CDF, DCE, sub basi CD, æquales. Ostemum autem fuit, quod idem angulus CDF, multo sit minor angulo DCE. Idẽ ergo angulus CDF, & minor est angulo DCE, & eidem equalis, quod est absurdum. Sit postremo punctum D, extra triangulum ABC. Aut igitur in tali erit loco, ut una linea super alteram cadat, ut in priori figura, dum modo loco D, intelligas C, & loco C, ipsum D; ex quo rursus



5. primi
9. pron.

5. primi

sus colligetur pars æqualis toti, quæ d est ab-
 surdum: Aut in tali erit loco, ut posteriores
 duæ lineæ ambiant priores duas, ceu in po-
 steriiori figura, si modo loco D, iterum in-
 telligas C, & D, loco C; Quo posito, in idem
 absurdū incidemus, nempe angulū DCF,
 & minorem esse angulo CDE, & eidem
 æqualem, ut perspicuum est: Aut denique
 punctum D, ita erit extra triangulū ABC,
 ut altera linearū posteriorum, nempe AD,
 fecet alteram priorum, ut ipsam BC. Du-
 cta igitur recta CD, cū in triângulo ACD,
 latera AC, AD, ponantur æqualia, erunt
 anguli ACD, ADC, supra basim CD, æqua-
 les: Ac proinde cum angulus ADC, minor
 sit angulo BDC, pars toto, erit & angulus
 ACD, minor eodem angulo BDC. Quare
 multo minor erit angulus BCD, pars anguli
 ACD, angulo eodem BDC. Rursum, cum in
 triangulo BDC, latera BC, BD, ponantur æqualia, erunt
 anguli BCD, BDC, super basim CD, æquales: Est
 autem iam ostensum, angulum BCD, multo esse mino-
 rem angulo BDC: Idem igitur angulus BCD, & minor
 est angulo BDC, & eidem æqualis, quod est absurdum.
 Non ergo æquales sunt inter se AC, AD, & inter se quo-
 que BC, BD. Quare super eadem recta linea, duabus cis-
 dem rectis lineis &c. Quod erat demonstrandum.



5. primi
 9. pron.


5. primi

SCHOLIŌN.

FIERI potest, ut duæ lineæ AD, BD, æquales sint dua-
 bus AC, BC, utraque utriusque, ut AD, ipsi BC, & BD, ipsi
 AC, ut ultima figura indicat; Verum hoc modo non egredimur
 tur ab eodem puncto linea illa, quæ sunt æquales inter se, ut con-
 stat. Sole enim AC, AD, eundem limitem possident A; Itē
 BC, BD, eundem B; optimeq; demonstratum fuit ab Eucli-
 de, fieri non posse, ut AC, AD, inter se sint æquales, ita ut
 BC, BD, quoque inter se æquales existant. Recte igitur in
 propositione apposta sunt hæc verba: eosdemq; terminos cum
 duabus

duabus initio ductis rectis lineis habentes. Rursus possunt esse duæ lineæ simul sumptæ $A D, B D$, æquales duabus lineis $A C, B C$, simul sumptis ut in eadem figura perspicitur potest: Sed hoc non ostendit Euclides fieri non posse. Dixit enim non posse utramque utrique esse æqualem. &c.

Eadem ratione possunt ex A, B , infra $A B$, basim trianguli $A B C$, hoc est ad contrarias partes, duci duæ lineæ rectæ $A D, B D$, convenientes ad aliquod punctum, ita ut $A D$, exiens a puncto A , æqualis sit ipsi $A C$; & $B D$, egrediens ex B , æqualis ipsi $B C$, ut perspicuum est in apposita figura. Non igitur sine



causa adiecit Euclides: ad easdem partes. Denique esse poterunt duæ lineæ $A C, A D$, æquales inter se, eundem terminum A , possidentes; Sed hoc posito, fieri nulla ratione poterit, ut reli-



quæ duæ $B C, B D$, terminum habentes eundem B , inter se quoque sint æquales, ut in hac figura apparet, & ab Euclide est demonstratum. Apposita igitur dictum est in propositione: duabus eisdem rectis lineis aliæ duæ rectæ lineæ æquales, utraq; utrique, &c. Quare ut plane scopus Euclidi in hac propositione proposuitur intelligatur, diligenter singula verba propositionis sunt ponderanda.

8.

THEOR. 5. PROPOS. 8.

SI duo triangula duo latera habuerint duobus lateribus, utrumque utrique, æqualia, habuerint vero & basim basi æqualem: Angulum quoque sub æqualibus rectis lineis contentum angulo æqualem habebunt.

SINT duo latera $A B, A C$, trianguli $A B C$, duobus lateribus $D E, D F$, trianguli $D E F$, æqualia, utrumque utraque, nempe $A B$, ipsi $D E$, & $A C$, ipsi $D F$; sit autem & basis $B C$, basi $E F$, æqualis. Dico angulum A , æqualem esse angulo D , quorum videlicet uterque dictis lateribus continetur.

tinetur. Nam si mente intelligatur basis B C, superponi basi E F, neutra excedet alteram, sed punctum B, congruet puncto E, & punctum C, puncto F, cum hæ bases ponantur æquales inter se. Deinde si triangulum A B C, cogitur

8. *prop.*



cadere super triangulum, D E F, cadet punctum A, aut in ipsum punctum D,

aut alio. Si punctum A, in ipsum punctum D, cadat, congruent sibi mutuo triangulorum latera, cū ponantur æqualia; Ac propterea angulus A, æqualis erit angulo D, cum neuter alterū excedat. Quod si punctū A, alio dicatur cadere, ut ad G, quomocumq; id cōtingat, hoc est, siue in latus E D, siue intra triangulum E D F, siue extra, vt in figuris apparet; erit perpetuo E G, (quæ eadem est, quæ B A) æqualis ipsi E D; & F G, (quæ eadem est, quæ C A) æqualis ipsi F D, propterea quod latera vnus; trianguli æqualia ponantur lateribus alterius: Hoc autem fieri non posse, iam dudum demonstratum est, cum tam rectæ E G, E D, terminent eundem E; quam rectæ F G, F D, eundem litem F, possideant. Non igitur punctum A, cadet alio, quam in punctū D: ac propterea angulus A. angulo D, æqualis erit. Quare si duo triagula duo latera habuerint duobus lateribus, &c. Quod erat demonstrandum.

8. *prop.*

8. *primi.*

SCHOLIUM.

Præterea, hæc propositio conuertit primam partem propositionis quarta. Sicut enim ibi ex æqualitate angulorum, qui lateribus æqualibus continentur, collecta fuit basium æqualitas; ita hic ex æqualitate basium concludit Euclides æqualitatem angulorum, qui lateribus æqualibus comprehenduntur. Possimus eodem modo ex prima, & tertia parte conclusionis quartæ propositionis inferre totum antecedens eiusdem, ita ut theorema proponatur in hanc formam.

Si duo triangula bases habuerint æquales, & angulos

angulos super bases constitutos æquales, utrunque utrique: Habebunt quoque reliqua latera æqualia, utrunque utrique, quæ uidelicet æqualibus lateribus subtenduntur, angulosq; reliquos hisce lateribus inclusos æquales.

SIT enim basis BC æqualis basi EF, & angulus B, angulo E, angulusq; C, angulo DFE; Dico latus quoque AB, lateri DE, &



latus AC, lateri DF, æquale esse, angulumq; A, angulo D. Nã

S. *prop.*

si basis basi superponatur, congruent sibi mutuo extrema earum, nec non & lineæ angulorum æqualium. Quare omnia sibi congruent, propterea q; omnia inter sese æqualia erunt. Verum hoc idem theorema a nobis propositum, quod quidem magis proprie convertere uidetur quartam propositionem, quam illud Euclidis, aliter demonstrabis Euclidis in prima parte propositionis 26, ut eo loco monebimus.

COROLLARIUM.

PORRO ex antecedente huius oGauz propositionis non solum colligi potest, angulos lateribus æqualibus contentos æquales esse, uerum etiam reliquos angulos, qui ad bases cõstituuntur, utrumq; utrique, ut angulum B, angulo E, & angulum C, angulo F; immo totũ triangulum toti triangulo, ut constat ex eadem superpositione unius trianguli super alterum; Nam sibi mutuo congruent & dicti anguli, & tota triangula, ut perspicuũ est. Quod etiã ex quarta proposit. colligi poterit, postquam demonstratum fuerit, angulos æqualibus comprehensos lateribus æquales esse. Inde enim fiet, cũ latera quoque sint æqualia, & reliquos angulos, & tota triangula esse æqualia, ut in proposit. 4. demonstratum est.

EX PROCLO.


PHILOŃIS familiares conãtur hoc idẽ theorema offẽdere de mõstratione affirmatiua: hac ratione. Posito. n. eodẽ antecedẽte, supponi intelligatur basis BC, basi EF ita ut triangulum ABC, cadat in diuersas partes, & non super triangulum DEF, quale est triangulũ AEF. Aut igitur duo latera, nẽpe DF, FA, construunt unã lineã rectam

rectam, quod quidem continget, si duo anguli C, & F, recti extiterint; aut non. Si cōstituant unam lineam rectam, ueluti D A, ita propositum cōcludetur. Quoniam in triangulo A E D, duo latera A E, D E, ponuntur æqualia (est enim nunc A E, recta eadem quæ A B, quæ per hypothesin recta D E, æqualis est) erunt anguli A, & D, super basin A D, æquales, quod erat ostendendum. Si uero neque D F, F A, neque D E, E A, lineam rectam cōficiant, ducatur ex D, ad A, linea recta D A, quæ uel cadet intra triangula, uel extra. Cadat primo intra, quod quidem accidet, quando anguli ad E, & F, sunt acuti. Quoniam igitur in triangulo A E D, duo latera A E, D E, æqualia ponuntur, erunt duo anguli E A D, E D A, æquales ad basin D A. Eadem ratione, cum duo latera A F, D F, æqualia sint per hypothesin, erunt duo anguli F A D, F D A, super basin D A, æquales. Si igitur hi æquales illis æqualibus addantur, fient toti anguli E A F, E D F, æquales. Quod erat ostendendum. Cadat secundo recta D A, extra triangula, quod demum fiet, quando anguli ad F, fuerint obtusi. Quoniam igitur in triangulo A E D, duo latera A E, D E, ponuntur æqualia, erunt anguli E A D, E D A, æquales super basin D A. Eadem ratione, cum duo latera A F, D F, in triangulo A F D, sint per hypothesin æqualia, erunt anguli F A D, F D A, super basin D A, æquales. His ergo a prioribus ablatis, remanebunt anguli E A F, E D F, æquales; Quod demonstrandum proponebatur.



5. primi.

Quod erat ostendendum. Cadat secundo recta D A, extra triangula, quod demum fiet, quando anguli ad F, fuerint obtusi. Quoniam igitur in triangulo A E D, duo latera A E, D E, ponuntur æqualia, erunt anguli E A D, E D A, æquales super basin D A. Eadem ratione, cum duo latera A F, D F, in triangulo A F D, sint per hypothesin æqualia, erunt anguli F A D, F D A, super basin D A, æquales. His ergo a prioribus ablatis, remanebunt anguli E A F, E D F, æquales; Quod demonstrandum proponebatur.



5. primi

Quod erat ostendendum. Cadat secundo recta D A, extra triangula, quod demum fiet, quando anguli ad F, fuerint obtusi. Quoniam igitur in triangulo A E D, duo latera A E, D E, ponuntur æqualia, erunt anguli E A D, E D A, æquales super basin D A. Eadem ratione, cum duo latera A F, D F, in triangulo A F D, sint per hypothesin æqualia, erunt anguli F A D, F D A, super basin D A, æquales. His ergo a prioribus ablatis, remanebunt anguli E A F, E D F, æquales; Quod demonstrandum proponebatur.



2. pron.

5. primi

3. pron.

PROBL. 4. PROPOS. 9.

DATVM angulum rectilineum bifariam secare.

SIT diuidendus rectilineus angulus B A C, bifariam, hoc est, in duos angulos æquales. In recta A B, sumatur quodcumque punctum D, & rectæ A C, secetur ex A C, recta A E, æqualis, ducaturque recta D E. Deinde super D E, constituatur triangulum æquilaterum D F E, & ducatur recta A F, diuidens angulum B A C, in angulos B A F, C A F. Dico hos



3. primi

1. primi

angulos

8. primi


angulos inter se esse æquales. Cum enim latera DA , AF , trianguli DAF , æqualia sint lateribus EA , AF , trianguli EAF , utrumque utrique, quod DA , ipsi EA , per constructionem, sit æquale, & AF , commune; Sit autè & basis DF , basi EF , æqualis, propterea quod triangulum DFE , constructum sit æquilaterum. Erit angulus DAF , angulo EAF , æqualis, deoque angulus BAC , diuisus bifariam, quod erat faciendum.

SCHOLION.

QVOD si loco trianguli æquilateri construamus triangulum Isosceles, nihilo minus idem demonstrabimus. Id quod etiam in proximis tribus propositionibus, que sequuntur, fieri potest.

P R A X I S.

DICTO citius angulus quilibet retilineus, ut BAC , bifariam secabitur, hoc modo. Ex centro A , circino aliquo abscondantur recte æquales AD , AE , cuiuscunque magnitudinis. Et circino non uariato (posses tamèn ipsum uariare, si uelles) ex centris D , & E , describantur duo arcus secantes se in F . Recta igitur ducta AF , secabit angulum BAC , bifariam.



Si enim ducerentur recte DF , EF , essent he æquales, nempe semidiametri circulorum æqualium. Vnde ut prius demonstrabitur, angulum DAF , æqualem esse angulo EAF . Non descripsimus autem dictas lineas, ut nuda praxis haberetur: Id quod in alijs quoque praxibus, quoad eius fieri poterit, obseruabimus ne linearum multitudo tenebras nobis offundat, pariatq; confusionem.

SCHOLION.

HINC aperte colligitur, angulũ retilineũ quemuis diuidi posse etiam in 4. angulos æquales, in 8. in 16. in 32. in 64. & ita deinceps, semper procedendo per augmentum duplex. Nam postquam angulus quilibet retilineus in duos æquales angulos fuerit diuisus, si horum uterque iterum bifariam secetur, habebi-

habebimus 4. angulos aequales; Quod si singuli rursus diuidantur bifariam, obtinebimus 8. angulos aequales, & sic deinceps. Non docuit autem Euclides usquam, neque ab ullo habentis fuit demonstratum, quam ratione angulus rectilineus in quotuis partes aequales possit diuidi. Si quis tamen id desideret, uti eum necesse erit circino, ut quasi attentando, & sepius repetendo praxin ipsam ad finem desideratum perueniat; hac nimirum ratione. Sit angulus rectilineus BAC , diuidendus in 5. angulos aequales. Ex A , centro describatur arcus circuli BC , ad quodcunque intervallum, secans rectas AB , AC , in B & C . Deinde hic arcus officio circini (eius crura modo dilatando magis, modo restringendo, donec debitam habeant distantiam; quoniam huius rei demonstratio adhuc desideratur) diuidatur in tot partes aequales in quot angulus propositus est diuidendus, ut iuxta exemplum propositum in quinque, in punctis scilicet D, E, F, G . Si namque ad haec puncta ex A rectae ducantur lineae, diuisus erit angulus BAC , in quinque aequales angulos. Cū enim circino sumpta sint equalia intervalla BD , DE , &c. si ducantur rectae BD , DE , &c. erunt haec omnes inter se aequales. Quare erunt duo latera BA , AD , trianguli BAD , aequalia duobus lateribus EA , AD trianguli EAD , utrumque utriusque, cū omnia ex centro egrediantur ad circumferentiā usque; Basis autē BD basi quoque DE , ut dictū fuit, aequalis est: Angulus igitur BAD angulo EAD aequalis erit; Eademq; ratione demonstrabitur, angulum EAD angulo EAF , aequalem esse, & sic de ceteris. Breuius autem colligetur, omnes angulos ad A , esse inter se aequales, ex 27. propositione lib. propterea quod circumferentiā BD , DE , &c. accepta sint omnes aequales inter se. Nemo uero miretur, quod praxēs exhibeamus interdum, quarum demonstrationes ex sequentibus propositionibus dependent. Hoc enim eo consilio facimus, ut singula proprijs in locis tractentur, diuisio nimirum anguli rectilinei cuiusuis in quotlibet partes aequales eo in loco, in quo Euclides docet diuisionem eiusdem anguli in duas partes aequales; Et diuisio lineae rectae in quotuis partes aequales, ubi eandē diuidit Euclides bifariam, & ita de singulis. Neq; enim ad praxēs huiusmodi requiruntur semper sequentes demonstrationes



15. def.

8. primi

tionēs

iones, sed solum, ut probetur recte esse per ipsas effectum, quod imperabatur. Quamobrem is, qui non contentus nuda praxi demonstratione requirit, poterit regredi ad praxim quamlibet, postquam demonstrationes ad eam necessarias diligenter perceperit. Nam semper propositiones illas, quae ad hanc rem debent adhiberi, citabimus in demonstrationibus nostrarum praxium; quemadmodum et in proxima praxi citabimus propositionem 27. terti j libri.


10.

PROBL. 5. PROPOS. 10.

DATAM rectam lineam finitam bifariam secare.

1. primi
9. primi


SIT recta finita AB, diuidenda bifariam, idest, in duas partes aequales. Describatur super AB, triangulum aequilaterum ABC, cuius angulus C, per rectam CD, diuidatur bifariam in D. Dico rectam AB, bifariam esse diuisam in D. Quoniam duo latera AC, CD, trianguli ACD, aequalia sunt duobus lateribus BC, CD, trianguli BCD, utrumque utrique, nempe AC, ipsi BC, cum sint ambo latera trianguli aequilateri, & CD, est commune; Est autem & angulus ACD, angulo BCD, aequalis, per constructionem: Erit basis AD, basi BD, aequalis. Datam ergo rectam AB, bifariam secuimus in D, quod facere oportebat.



4. primi

P R A X I S.

Ex centro A, ad quoduis interuallū, quod tamen dimidiū lineae AB, excedat, describatur duo arcus, unus superne, alter inferne; Et ex centro B, ad idē interuallū omnino alij duo arcus delineentur, q̄ priores secēt in C, & D. Recta igitur ducta CD, secabit rectā AB in E, bifariā. Si. n. ex A, & B, ad C, & D, ducantur quatuor rectae, erūt hae oēs inter se aequales, cū ex cētris ad circūferentias aequaliū circulariū cadāt; Nā arcus circulariū descripti sūt eodē interuallo. Quoniā igitur latera AC, CD, aequalia sunt lateribus



teribus B C, C D, utrumq; utriq; , & basi A D, basi B D, erit
 angulus A C D, angulo B C D, equalis. Rursus quia latera
 A C, C E, equalia sunt lateribus B C, C E, utrumq; utriq; , &
 angulus A C E, angulo B C E, ut ostensum fuit ; erit basis A E,
 basi B E, equalis.

3. primi.

4. primi.

SCHOLIUM.


PERSPICVVM est, eodem modo diuidi posse eandem
 lineã rectã A B, in 4. partes aequales, & in 8. in 16. in 32. &c.
 sicuti in propositione precedenti diximus de diuisione anguli
 rectilinei. Qua vero ratione quavis recta linea proposita di-
 uidenda sit in quotcumque partes aequales, uberrime trade-
 mus ad propos. 10. lib. 6. ubi varias, et nõ iniucundas praxes in
 medium adducemus. Ibi enim videtur esse proprius huic rei lo-
 cus, cum huiusmodi praxes fere omnes linearum proportionales
 exposcant. Neq; vero indigebimus vnquam diuisione lineã in
 quolibet partes aequales, ad eum locum vsq; .

PROBL. 6. PROPOS. II.

II.

DAT A recta linea, a puncto in ea da-
 to, rectã lineam ad angulos rectos excitare.

RECTA linea data sit A B, & in ea
 punctũ C, a quo iubemur erigere super
 A B, lineam ad angulos rectos, seu per-
 pendicularem. A puncto C, sumatur re-
 cta C D, cui æqualis auferatur C E. De-



inde super D E, constituatur triangulum æquilaterum
 D E F, atq; ex F, ad C, ducatur recta F C, quam dico esse
 perpendicularem ad A B. Quoniam latera D C, C F,
 trianguli D C F, æqualia sunt lateribus E C, C F, trianguli
 E C F, utrumq; utriq; , nempe D C, ipsi E C, per confir-
 mationem, & C F, commune ; Est vero & basis D F, basi E F,
 æquali ; ob triangulum æquilaterum : Erunt anguli ad C,
 contenti dictis lateribus, æquales. Quare dicitur vterq; re-
 ctus, atq; adeo F C, recta, ad A B, perpendicularis. Data

3. primi.

1. primi.

8. primi.

10. de f.

E
 igitur

igitur recta linea a puncto in ea dato &c. quod faciendum erat.

P R A X I S.



Ex puncto C, abscindantur utriusque lineae aequales CD, CE. Et ex D, & E, describantur duo arcus secantes se in F. Recta namque ducta FC, erit perpendicularis: Demonstratio eadem est, quae

Euclidis, si modo ducantur rectae DF, EF, quae aequales erunt, propter aequales circulos ex D, & E, descriptos, qui se intersecant in puncto F. Quod si punctum datum in linea recta fuerit extremum, producenda erit linea in rectum & continuum, ad partes puncti dati, ut ex illo erigatur secundum praxim data tam linea perpendicularis. Vt si linea data fuerit AC, & punctum datum C, extremum, protrahenda erit AC, in B, & sumenda aequales CD, CE, &c. Si vero ad aliquam lineam consistenda sit linea perpendicularis, non quidem in puncto assignato, sed utcumque, id efficitur hac methodo. Ex duobus punctis



A, & B, quibuscumque linea proposita describantur tam superne, quam inferne duo arcus se se intersecantes in C, & D. Nam recta ducta CD, erit perpendicularis ad AB, hoc est, faciet duos angulos ad E, rectos, seu aequales.

Quod non aliter probabis, quam supra praxim, qua lineam in duas aequales diuisimus partes, demonstrauimus. Nam per 4. propos. erunt anguli ad E, aequales, quippe qui super aequales bases AE, BE, consistunt, opponunturque aequalibus lateribus AC, BC.

E X P R O C L O.

Si punctum in linea datum, fuerit extremum, & linea commode produci nequiverit, poterimus ex puncto dato educere lineam perpendicularem; linea non producta, hac ratione. Sit recta AB, & punctum A. Ex C, puncto quolibet intra lineam educatur perpendicularis CD, ut docuit Euclides; & abscindatur CE, aequalis ipsi AC: Deinde diuidatur angulus C, bisariam, ducta recta CF; Et ex E, rursus, ut docuit Euclides, educatur BG, perpendicularis



3. primi.
9. primi.


dicularis ad CD, secans rectā CF, in G. Ducta igitur recta GA, perpendicularis erit ad AB. Quoniam cum latera AC, CG, trianguli ACG, æqualia sint lateribus EC, CG, trianguli ECG, utrumque utriusque, & anguli hisce lateribus contenti æquales quoque, per constructionem: Erunt anguli A, & E, oppositi communi lateri CG, æquales; Sed B, est rectus per constructionem; igitur & A, rectus erit, ideoque; AG, ad AB, perpendicularis.

4. primi.

10. def.

SCHOLIUM.

BREVIUS lineam perpendicularem erigemus ex puncto dato, siue extremum illud sit, siue non, hoc modo. Sit data linea AB, punctumque in ea A. Ex centro C, extra lineam assumpto, ubi libuerit, (demodo recta AB, producta cum ipso non conveniat) intervallo vero accepto usque ad A, describatur arcus circuli secans AB, in D.



Ex e D, per C, recta ducatur secans arcum in E. Recta igitur ducta EA, erit perpendicularis ad AB. Nam angulus A, est rectus, cum sit in semicirculo DAE, ut ostendimus propositione 3. 1. lib. 3.

PROBL. 7. PROPOS. 12.

12.

SVPER datam rectam lineam infinitam, a dato puncto, quod in ea non est, perpendicularem rectam deducere.

SIT recta AB, interminatae quantitatis, & extra ipsam punctum C, a quo oporteat lineam perpendicularem deducere ad rectam AB. Centro C, intervallo vero quolibet circulus describatur secans AB, in D, & E. (quoniam in intervallo assumptum tantum esse debet, ut transcendat rectam AB; alias eam non secaret.) Divisa autem recta DE, bisariam in F, ducatur recta CF, quam dico perpendicularem esse ad AB. Si enim ducantur CD, CE, erunt duo latera DF, FC, trianguli DFC, æqualia duobus lateribus EF, FC,



1. primi.

E 2 FC,

8. primi.


F C, trianguli, E F C, vtrumq; vtriq;, per constructionem; est autem & basis C D, basi C E, æqualis, cum hæc sint ex centro C, ad circumferentiam: Quare erit angulus D F C, angulo E F C, æqualis, & propterea vterq; rectus. Ducta est igitur C F, perpendicularis, quod faciendum erat.

SCHOLIION.

PROBE apposuit Euclides hæc particulam: infinitam. Si enim linea esset finita, non posset semper a puncto dato extra ipsam perpendicularis ad eam deduci. Vt si linea finita esset B E, & punctum C, non posset ex C, describi circulus secans B E, in duobus punctis, quare neq; ex C, perpendicularis duci ad B E. Hac igitur de causa vult Euclides, rectam datam esse infinitam, hoc est, non habere magnitudinem determinatam, vt saltem ad ipsam productam perpendicularis possit deduci. Ita enim fiet hic, si B E, producat, donec circulus ex C, descriptus secet totam B A, productam in D, & E, & c.



P R A X I S.



CENTRO C, & intervallo quouis eodem, describantur duo arcus secantes rectam datam in A, & B. Deinde ex A, & B, eodẽq; intervallo, vel alio si placuerit, alij duo arcus describantur secantes se in D. Nam ducta recta C D, secans A B, in E, erit perpendicularis ad A B. Demonstratio huius operationis non differat a demonstratione tradita in praxi propositionis 10. Nam anguli ad E, erũt recti, nempe inter se æquales.

4. primi.



IDEM efficiemus hoc modo. Ex quouis puncto A, in linea data & intervallo vsq; ad C, assumpto, arcus circuli describatur: Deinde ex quolibet alio puncto B, intervalloq; vsq; ad idem C, alius arcus describatur priorem secans in C, & D; Erũq; ducta recta C D, secans A B, in E, perpendicularis ad A B.

Demon

Demonstratio eadem est qua prior. Non est autem necesse, ut intervallum B C, æquale sit intervallum A C, ut in hac figura apparet: Facilius tamen erit, & brevior operatio si idem semper intervallum accipiatur.



THEOR. 6. PROPOS. 13.

13.

CUM recta linea super rectam consistens lineam angulos facit; Aut duos rectos, aut duobus rectis æquales efficit.

RECTA AB, consistens super rectam CD, faciat duos angulos ABC, ABD. Si igitur AB fuerit perpendicularis ad CD, erunt dicti anguli duo recti. Si vero AB, non fuerit perpendicularis, faciet unum quidem angulum obtusum, alterum vero acutum. Dico igitur ipsos duobus esse rectos æquales. Educatur enim BE, ex B, perpendicularis ad CD, ut sint duo anguli EBC, EBD, recti. Quoniam vero duo anguli DBA, ABE, æquales sunt angulo recto EBD; appposito communi angulo recto EBC, erunt tribus angulis DBA, ABE, EBC, æquales duo recti EBD, EBC: Rursum quia duo anguli ABE, EBC, æquales sunt angulo ABC; appposito communi angulo ABD, erunt tribus angulis DBA, ABE, EBC, æquales duo anguli ABC, ABD: sed illis tribus ostensum fuit esse etiam æquales duos rectos EBD, EBC; quæ autem eidem æqualia, inter se sunt æqualia: Duo igitur anguli ABC, ABD, æquales sunt duobus rectis EBD, EBC. Cum ergo recta linea super rectam consistens lineam, &c. Quod ostendere oportebat.



10. def.

11. primi.

18. pron.

2. pron.

18. pron.

2. pron.

1. pron.

SCHOLIUM.

VIDEATUR hæc propositio pendere ex communi quadam animi notione. Quo enim angulus ABC, superat rectum an-

E 3 gulum


gulum $EB C$, eo reliquus angulus $AB D$, superatur ab angulo recto $EB D$. Nam sicut ibi excessus est angulus $AB E$, ita hic defectus est idem angulus $AB E$. Quocirca anguli ABC , $AB D$, duobus rectis æquales esse conuincuntur. si quidem tantum vnus eorum supra rectum acquirit, quantum alter perdit.

14.

THEOR. 7. PROPOS. 14.

SI ad aliquam rectam lineam, atq; ad eius punctum, duæ rectæ lineæ non ad eandem partem ductæ eos, qui sunt deinceps, angulos duobus rectis æquales fecerint; in directum erunt inter se ipsæ rectæ lineæ.

A D punctum C , lineæ rectæ AB , in diuersas partes eductæ sint duæ rectæ CD , CE , facientes cum AC , duos angulos $AC D$, $AC E$, vel rectos, vel duobus rectis æquales. Dico ipsas CD , CE , inter se esse constitutas in directum, ita ut DCE , sit vna linea recta. Si enim nõ est



recta DCE ; producta DC , ad partes C , in directum, & continuum cadet aut supra CE , ut sit recta DCF , aut infra CE , ut sit recta DCG . Si cadit supra, cū AC , consistat super rectam DCF , fient duo anguli $AC D$, $AC F$, duobus rectis æquales; Ponuntur autem & duo angulo $AC D$, $AC E$, æquales duobus rectis; & omnes recti sunt inter se æquales: Quare duo anguli $AC D$, $AC F$, duobus angulis $AC D$, $AC E$, erunt æquales. Ablato igitur communi angulo $AC D$, remanebunt anguli $AC F$, $AC E$, inter se æquales, pars & totum, quod est absurdum. Non igitur recta DC , producta cadet supra CE ; Sed neq; infra cadet; Eadem enim ratione probarentur anguli $AC E$, $AC G$, æquales. Igitur DC , producta eadem efficietur, quæ CE ; proptereaq; si ad aliquam rectam lineam, atq; ad eius punctum, &c.

Quod demonstrandum erat.

SCHO.

3. primi.

3. pron.

SCHOLIION.

EST hac propositio precedentis conuersa. In ea enim probatum fuit, si DCE sit recta, angulos ACD, ACE, duobus esse rectis aequales; In hac vero demonstratum est, si dicti anguli sint duobus rectis aequales, rectas DC, EC, esse vnam lineam rectam.

EX PROCLO.

RECTE Euclides addidit in propositione hac: & non ad eandem partes. Quoniam vt ait Porphyrius, fieri potest, vt ad punctum aliquod lineæ datæ ad eandem partes duæ lineæ ducantur, facientes cum data duos angulos duobus rectis æquales, quæ tamen non constituent vnam lineam, eo quod non ad diuersas sint duæ partes. Sic enim punctum C, in linea AB, datum. Ducatur CD, perpendicularis ad AB, diuidaturq; rectus angulus ACD, bifariam per rectam CE. Deinde ex D, quolibet puncto rectæ CD, ducatur DE, perpendicularis ad CD, secans rectam CE, in E. Producta autem ED, ad partes D, sumatur DF, æqualis rectæ DE, & ducatur recta FC. Quoniam igitur latera ED, DC, trianguli EDC, æqualia sunt lateribus FD, DC, trianguli FDC, vtrumq; vtriq; & anguli D, ipsis contenti æquales, nempe recti; erit basis BC, basi CF, æqualis, & angulus ECD, angulo FCD. Sed angulus ECD, dimidium est recti: (Est enim rectus ACD, diuisus bifariam.) Igitur & FCD, dimidium erit recti. Quare CF, cum AC, facit angulum ACE, constantem ex recto, & dimidio recti; Facit autem CE, cum eadem AC, angulum ACE, dimidium etiam recti: Duo igitur anguli ACE, ACE, quos ad eandem partes faciunt rectæ CF, CE, cum AB; æquales sunt duobus rectis: Et tamen CF, CE, non sunt vna linea recta, propterea quod non sunt ductæ ad diuersas partes, sed ad eandem.



11. primi.
9. primi.
11. primi.
3. primi.
4. primi.

THEOR. 8. PROPOS. 15.

15.

SI duæ rectæ lineæ se mutuo secuerint, angulos ad verticē æquales inter se efficiēt.


SECEANT se duæ rectæ AB, CD, in puncto E, vtrūq; . Dico angulos, quos faciunt ad verticem E, inter se esse æquales, angulum videlicet AED, angulo BEC,

E 4 & an-

13. *primi*

& angulum AEC , angulo BED . Quoniam recta DE , consistit super rectam AB , erunt duo anguli AED , DEB , æquales duobus rectis. Rursus quia recta BE , super rectam

10. *pron.*



CD , consistit, erunt eadem ratione duo anguli CEB , BED , duobus rectis æquales. Cum igitur omnes recti anguli inter se sint æquales; erunt duo anguli

3. *pron.*

AED , DEB , duobus angulis DEB , BEC , æquales. Dempito igitur cõmuni angulo DEB , remanebit angulus AED , angulo BEC , æqualis. Eadem ratione confirmabitur; angulos AEC , BED , inter se æquales esse. Nam duo anguli AEC , CEB , (qui duobus sunt rectis æquales per præcedentem) æquales erunt duobus angulis DEB , BEC , (qui per eandem præcedentem duobus rectis sunt æquales.)

3. *pron.*

Ab lato igitur angulo communi BEC , remanebunt anguli AEC , BED æquales inter se. Si igitur duę rectę lineę se mutuo secuerint, &c. Quod ostendere oportebat.

COROLLARIUM. I.

EUCCLIDIS colligit ex demonstratione huius theorematidis, (ex sententia Procli, quoniam alia exemplaria hoc corollarium non habent): duas lineas rectas se mutuo secantes elicere ad punctum sectionis quatuor angulos quatuor rectis angulis æquales. Nam in demonstratione ostensum fuit, tam duos angulos AED , DEB quàm duos AEC , CEB , duobus esse rectis æquales, per 13. propos. Omnes igitur quatuor anguli ad B , constituti æquipollent bis duobus rectis angulis. Quare quatuor rectis æquales existunt.

COROLLARIUM. II.

EADEM ratione colligemus, omnes angulos circa vnum & idem punctum constitutos, quocumque fuerint, quatuor duntaxat rectis angulis æquales esse. Si enim ex B , alia lineę quotlibet educantur, auidentur solummodo illi quatuor ad B , constituti in plurimas partes, quę omnes simul sumptę totis suis adæquantur. Cum ergo illi quatuor anguli æquales sint quatuor rectis, ex 1. corollario, erunt quoque omnes alij simul sumpti quatuor tantum rectis æquales. Ex quo perspicuum est, omne spatium punctum aliquod in plano circumstant, æquivalere quatuor rectis angulis, ut multi auctores asserunt, quia omnes anguli, qui circa illud punctum constitui possunt, quatuor sunt rectis angulis æquales. Simili modo constat, quolibet lineas rectas se inuicem secantes, facere ad punctum sectionis angulos æquales quatuor rectis.

13. *pron.*

EX PRO-

EX PROCLO.

SI ad aliquam rectam lineam, ad eiusq; si-
gnum, duæ rectæ lineæ non ad easdem partes
sumptæ, angulos ad verticem æquales fecerint;
ipsæ rectæ lineæ in directum sibi inuicem erūt.




Ex puncto C, rectæ AB, in diuersas partes e-
gredientur duæ rectæ CD, CB, facientes angulos
ACE, ECB, inter se æquales. Vel etiam duos
ACD, BCE. Dico duas CD, CE, efficere vnâ
lineam rectam. Quoniam cum angulus ACE,
æqualis sit angulo BCD, addito comuni angu-
lo ECB, erunt duo anguli ACE, ECB, duobus
angulis DCB, ECB, æquales: Sed anguli ACE, ECB, sunt
æquales duobus rectis; Igitur & duo DCB, ECB, duobus erunt
rectis æquales. Quamobrem CD, CE, erunt linea vna recta.
Hec autem, vt vides, conuersum est propositionis decimæ
quintæ.

2. pron.
13. primi.
14. primi.

EX PELETARIO.

SI quatuor rectæ lineæ ab vno puncto exe-
untes binos angulos oppositos inter se æquales
fecerint, erunt quælibet duæ lineæ aduersæ in
directum sibi, & continuum coniunctæ.



EX puncto A, quatuor lineæ eductæ AB, AC,
AD, AE, faciant duos angulos oppositos BAE,
CAD, inter se æquales: Item duos BAC,
DAE, inter se æquales. Dico tam BA, AD,
facere vnâ lineam rectam, quam CA, AE. Quo-
niam æquales sunt anguli BAE, CAD, si æquales illis addantur
anguli BAC, DAE, erunt duo anguli BAE, BAC, æquales
duobus angulis CAD, DAE. Tam ergo illi, quam hi, dimi-
dium sunt quatuor angulorum circa punctum A, consentium:
At hi quatuor æquales sunt quatuor rectis per 2. coroll. præceden-
tis propof. Igitur duo anguli BAE, BAC, æquales sunt duobus
rectis; atque adeo CA, AE, vnâ efficient lineam rectam. Eo-
dem pacto ostendetur, duas BA, AD, vnâ rectam efficere li-
neam. Nam eadem ratione erunt duo anguli BAE, EAD, æqua-
les duo

2. pron.
4. primi.

les duobus angulis DAC, CAB; Quare vt prius, concludetur propositum. Peletarius autem demonstrat hoc idem ratione ducente ad id, quod fieri nequit. Nos tamen demonstrationem nostram ostensiuam eius demonstrationi iure optimo præposuimus.

16.

THEOR. 9. PROPOS. 16.

CVIVSCVNQVE trianguli vno latere producto, externus angulus vtrolibet interno, & opposito, maior est.

TRIANGULI ABC, latus B'A, producat ad D; Dico angulum externum DAC, maiorem esse interno, & opposito ACB, itemq; maiorem interno, & opposito ABC. Diuidatur enim AC, bifariam in E; & ex B, per E,

10. primi.

3. primi.



extendatur recta BEF, ita vt EF, abscissa sit æqualis rectæ EB; ducaturq; recta FA. Quoniam igitur latera CE, EB, trianguli CEB, æqualia sunt lateribus AE, EF, trianguli AEF, vtrumq; vtriq;

15. primi.

4. primi.

per constructionem; Sunt autem & anguli ad E, dictis lateribus comprehensi, inter se æquales, cum sint circa verticem E, & oppositi: Erit basis CB, æqualis basi AF, & angulus ECB, angulo EAF; Est autem angulus DAC, externus maior angulo EAF, totum videlicet parte. Igitur & externus angulus DAC, maior erit interno, & opposito angulo ACB. Quod si latus CA, producat ad G; & AB, diuidatur bifariam in H; extendaturq; recta CH I, vt HI, æqualis sit rectæ HC, & ducatur recta IA: demonstrabitur eadem prorsus ratione, angulum externum GAB, maiorem esse interno angulo, & opposito ABC: Est autem angulus DAC, angulo GAB, æqualis, cū lineæ BD, CG, se mutuo secent in A. Igitur & angulus DAC, maior erit interno & opposito angulo ABC. Est autem idem angulus DAC, maior quoq; ostensus angulo interno, & opposito ACB. Cuiuscunque ergo trianguli vno latere producto, &c.

15. primi.

Quod demonstrandum erat.

SCHO.

SCHOLIŌN.

NON dixit Euclides angulum externum DAC , maiore esse angulo BAC , interno, qui sibi est deinceps; sed solum magnitudine superare utrumlibet ACB , ABC , interiorum, sibiq; oppositorum; quoniam externus angulus equalis potest esse angulo interno sibi deinceps, quando scilicet externus reſtus est; Tunc enim necessario is, qui sibi est deinceps, reſtus quoq; erit: Potest & esse minor, quando nimirum est acutus; Hoc enim posito, angulus illi deinceps obtusus erit: Solum ergo, quando obtusus erit externus, superabit internum sibi deinceps; Hic enim necessario acutus existet. Quæ omnia facile colliguntur ex propof. 13. Nam angulus externus, & internus illi deinceps, æquales sunt duobus reſtis.

ID vero, quod in scholio propof. 6. huius libri nos demonstratos recepimus, nimirum hanc propof. non posse conueniri: & uno latere figure quadrilateræ producto, externus angulus quo libet interno, & opposito possit esse maior; hac rone absoluemus.

SIT figura quadrilatera $ABCD$, cuius angulus BAD , obtusus, & ABC , reſtus constituatur, hac tamen lege, ut rectæ AB , DC , productæ ad partes B , & C , in puncto E , nec non & rectæ DA , CB , ad partes A , & B , in puncto F , coeant. Diſco, si AD , producatæ ad G , angulum externum CDG , maiorem esse tribus internis BAD , ABC , BCD , sibi oppositis. Cui enim ADE , triangulum fit, erit angulus externus EDG , maior interno opposito DAE . Rursus cum DAE , obtusus maior sit reſto ABC , maior quoq; multo erit EDG , ipso ABC . Postremo, quia & in triangulo CDF , angulus externus CDG , maior est interno, & opposito BCD ; manifestum est, in quadrilatero $ABCD$, externum angulum CDG , maiorem esse internis, & oppositis BAD , ABC , BCD . Quæ ob rem propofitio hac 16. conueniri nequit, & quippe tum eius antecedens, & consequens non recipiuntur, ut demonstratum est.

EX PROCLŌ.

Si quivis ex hac propofitione, ab eodem puncto ad unam eandemq; lineam rectam non posse duci plures lineas rectas, quæ duæ
inter

inter se æquales. Si enim fieri potest, ducantur ex A, ad lineam B C, tres lineæ rectæ æquales AB, AC, AD.



- 6. primi.
- 5. primi.
- 1. pron.

Quoniam igitur latera AB, AC, sunt æqualia, erunt anguli ACB, & ABC, æquales super basim BC: Rursus quia latera AB, AD, sunt æqualia, erunt anguli ADB, & ABC, super basim BD, æquales. Quare cum uterq; angulus ACD, & ADB, æqualis sit angulo ABC, erit angulus ADB, æqualis angulo ACD, externus interno opposito, quod est absurdum, cum per hanc 16. propos. externus interno maior sit. Non ergo plures lineæ rectæ, quam duæ, inter se æquales, ex A, ad B C, possunt duci. Quod est propositum.

17. THEOR. 10. PROPOS. 17.

CVIVSCVNQVE trianguli duo anguli duobus rectis sunt minores, omnifariam sumpti.



- 16. primi.
- 4. pron.
- 13. primi.

SIT triangulum ABC; Dico duos angulos ABC, & ACB, minores esse duobus rectis; Item duos CBA, & CAE; Itemq; duos BAC, & BCA. Producantur enim duo quævis latera, nempe CB, CA, ad D, & E. Quoniam igitur angulus ABD, externus maior est interno & opposito angulo ACB, si addatur communis angulus ABC, erunt duo anguli ABD, ABC, maiores duobus angulis ACB, ACB; sed ABD, ABC, æquales sunt duobus rectis; igitur ABC, ACB, minores sunt duobus rectis. Eadem ratione erunt anguli CBA, & C A B, minores duobus rectis: Item duo BAC, & BCA. Cuiuscunq; igitur trianguli, &c. Quod erat demonstrandum.

EX PROCLO.

HINC perspicuum est, ab eodem puncto ad eandem rectam lineam non posse deduci plures lineas perpendiculares, quã vnã



- 17. primi.

Si enim fieri potest, ducantur ex A, ad rectam BC, duæ perpendiculares AB, AC. Erunt igitur in triangulo ABC, duo anguli interni B, & C, duobus rectis æquales, cum sint duo recti, quod est absurdum. Sunt enim qui habet duo anguli in triangulo quocunq; ostensi minores duobus rectis. Non ergo plures perpendicu-

pendiculares, quam vna, ex A, ad B C, deduci possunt. Quod est propositum.

COROLLARIUM.

CONSTAT etiam ex his. In omni triangulo, cuius vnus angulus fuerit rectus, vel obtusus, reliquos esse acutos, ceu monuimus dein. 16. huius lib. Cum enim per hanc propos. duo quilibet anguli sint duobus rectis minores, necesse est, si vnus fuerit rectus, vel obtusus, quemcumq; reliquorum esse acutum, ne duos angulos in triangulo rectos, aut duobus rectis maiores esse fateamur.

THEOR. II. PROPOS. 18. 18.

OMNIS trianguli maius latius maiorem angulum subtendit.

IN triangulo A B C, sit latus A C, maius latere A B. Dico angulum A B C, subtensum a maiori latere A C, maiorem esse angulo A C B, qui a minori latere A B, subtenditur. Nā ex A C, auferatur A D, æqualis ipsi A B, & ducatur recta B D. Quoniam igitur duo latera A B, A D, æqualia sunt per constructionē, erunt anguli A B D, A D B, æquales: Est autem angulus A D B, maior angulo A C B; Igitur & angulus A B D, maior erit angulo A C B. Quamobrem cum angulus totus A B C, maior adhuc sit angulo A B D; Erit angulus A B C, multo maior angulo A C B. Eadem ratione, si latus A C, maius ponatur latere B C, ostendes angulum A B C, maiorem esse angulo B A C; si nimirum ex C A, abscindatur linea æqualis ipsi C B, &c. Quare omnis trianguli maius latus maiorem angulum subtendit; Quod demonstrandum erat.



3. primi.


5. primi.

16. primi.

9. pron.

COROLLARIUM.

EX hoc sequitur, omnes tres angulos trianguli Scaleni esse inæquales, vt monuimus dein. 15. huius lib. Sit enim triangulum Scalenum A B C, cuius maximum quidē latus A C, minimum autem B C; & medium locum habens A B. Dico eiusdem omnes angulos inæquales esse. Cum enim latus A C, ponatur maius latere A B, erit, per hanc propos. angulus B, angulo C, maior. Eadem ratio erit an-




erit an-

erit angulus C, angulo A, quandoquidem & latus A B, latere B C; maius ponitur. Sunt igitur omnes tres anguli inæquales, maximus quidem B, minimus uero A; & C, mediū locū inter utruq; tenēs.

18.

THEOR. 12. PROPOS. 19.

OMNIS trianguli maior angulus maiori lateri subtenditur.



IN triangulo A B C, angulus B, maior sit angulo C. Dico latus A C, subtendens maiorem angulū B, maius esse latere A B, quod angulum minorem C, subtendit. Si enim latus A C, maius non est latere A B; erit vel æquale illi, vel minus. Si dicatur A C, æquale esse ipsi A B, erit angulus B, æqualis angulo C; Est autem & maior per hypothesin, quod est absurdum. Si uero A C, minus esse dicatur latere A B, erit angulus B, subtensus a minori latere A C, minor angulo C, subtenso a maiore latere A B; Ponitur autem maior, quod magis est absurdū. Cū igitur A C, latus neq; æquale sit lateri A B, neq; minus eo, erit maius. Eadē ratione probabitur, latus A C, maius esse latere B C, si angulus B, maior esse concedatur angulo A. Omnis ergo trianguli maior angulus maiori lateri subtenditur; Quod demonstrandum proponebatur.

5. primi.

8. primi.

EX PROCLO.

POSSV, MVS hoc idē theorema ostēdere affirmatiua demonstratione, sine adminiculo precedentis, si tamen prius demonstretur hoc subsequens theorema.

SI trianguli angulus bifariam sectus fuerit, secansq; angulum recta linea ad basin ducta in partes inæquales ipsam diuidat; Latera illum angulum continentia inæqualia erunt, & maius quidem illud, quod cum maiori basis segmento coincidit, minus uero, quod cū minori.

TRIANGVLI A B C, angulus BAC, diuidatur bifariam per rectā A D, quæ secet basin B C, in partes inæquales, maiusq; segmen-
tum

tū sit D C. Dico latus A C, maius esse latere A B. Producatur enim

A D, ad E, ut sit D E, æqualis ipsi A D; Deinde ex maiori segmento D C, auferatur recta D F, æqualis minori segmento D B, & p F, ex E, extendatur recta E F G. Quoniam igitur latera A D, D B, trianguli A D B, æqualia sūt lateribus E D, D F, trianguli E D F, utriusq; utriusq; per constructionē; sunt autē & anguli A D B, E D F, dictis lateribus cōtenti æquales; Erunt bases A B, & E F, æquales, & angulo B A D, angulus F E D, æqualis: Est vero & angulus C A D, angulo B A D, æqualis, p hypothesin; Igitur anguli G A D, G E A, trianguli A G E, æquales erūt, ideoq; latera A G, E G, æqualia erūt. Est autē recta A C, maior quā A G; quare & A C, maior erit, quā E G; Et quia E G, maior est, quam E F, erit & A C, multo maior, quam E F. Cum igitur demonstratum sit rectam B F, æqualem esse, rectæ A B, erit A C, latus maius latere A B, quod erat ostendendum.



3. primi


15. primi.

4. primi.

1. pron.

6. primi.

Hoc ostenso theoremate, ita propositio 19. demonstrabitur. In triangulo A B C, angulus A B C, maior sit angulo C. Dico latus A C, maius esse latere A B. Diuisa enim recta B C, (super quam constituti sunt dicti anguli inæquales,) bifariam in D; ex A, per D, extendatur recta A D E, ut sit D E, æqualis ipsi A D; ducaturq; recta B E. Quoniam igitur latera A D, D C, trianguli A D C, æqualia sunt lateribus E D; D B, trianguli E D B, utriusq; utriusq; per constructionem; sunt autē & anguli A D C, E D B, dictis comprehensī lateribus æquales: Erūt bases A C, & B E, æquales, angulusq; A C D, angulo E B D, æqualis: Et quia angulus A C D, ponitur esse minor angulo A E C, erit & angulus E B D, minor eodem angulo A B C; Ideoq; angulus A B E, per rectam B D, diuidetur in partes inæquales. Si igitur bifariam secetur per rectam B F, cadet B F, supra B D, eo quod angulus A B D, maior sit angulo E B D. Quia vero E F, maior est, quam E D, & E D, posita est æqualis ipsi A D, erit E F, maior, quā A D; sed a huc A D, maior est, quā A F; Multo igitur maior erit E F, quam A F. Itaq; quia recta B F, diuidens angulum A B E, bifariam, secat basin A E, inæqualiter in F, estq; maius segmentum E F, minus autē A F, erit per theorema a Proclo proxime demonstratum, latus B E, maius latere A B. Ostensum est autē B E, æquale esse lateri A C; Igitur & A C, latus latere A B, maius erit, quod erat demonstrandum.



3. primi.

15. primi.

4. primi.

9. pron.

9. pron.


SCHOLI O N.

Hæc propositio 19 cōuersa est propositiōnis 18, ut perspicuū est. Campanus autem duarū istarū propositiōnū ordinē prorsus inuertit, ita ut ea, quæ apud nos est 18, apud ipsum sit 19. & contra. Quarum utramque ostendit ducendo ad id, quo.

quod fieri nequit, cum tamen Euclides propositionem 18. di-
recte, & ostensivè confirmaverit, ut ex dictis liquido constat.

POTERIMVS quoque Theorema a Proclo demon-
stratum convertere, hoc modo.

SI trianguli duo latera inæqualia fuerint, li-
nea recta bifariam diuidens angulum ipsius con-
tentum, secabit basin in partes inæquales, ma-
iusq; segmentum erit prope maius latus.



D V O latera AB, AC trianguli ABC ,
sint inæqualia; AC maius, & AB min^{or}
Recta autem AD , diuidens angulum BAC ,
bifariam, secet basin BC , in D . Dico segmen-
tum DC maius esse segmento DB . Si enim
nō est maius, erit vel æquale vel minus. Si
dicat̄ esse æquale; producat̄ur AD , ad E ,

3. primi.

ut DE , æqualis sit ipsi DA , ducaturq; recta EC . Quoniam
igitur latera AD, DB , æqualia sunt lateribus ED, DC ,
utrumq; utriq; AD , videlicet ipsi ED . per constructionem,
& DB ipsi DC , per hypotesin aduersarij; Sunt autem & an-
guli AD, DC dictis lateribus contenti æquales: Erit basis AB ,

15. primi.

basis EC , æqualis, & angulo BAD , angulus CED . Posticus

4. primi.

autē est & angulo BAD , angulus CAD , æqualis; Igitur &
anguli CED, CAD æquales erunt; Ideoq; latus AC lateri

6. primi.

EC , æquale. Cū igitur ostensum sit, lateri EC , æquale esse quoq;
latus AB , erunt latera AC, AB , æqualia; quod est absurdū,

1. pron.


quia AC , maius ponebatur, quā AB . Non igitur erit segmen-
tum DC , segmento DB , æquale. Quod si DC , dicatur esse mi-
nus, & DB , maius; erit, per theorema Procli, latus AB , ma-
ius latere AC ; Ponebatur autem minus, quod multo magis est
absurdum. Non igitur minus erit DC , quam DB . Quare
erit necessario maius.

EODEM modo demonstrari poterit hoc theorema.

SI trianguli angulum recta linea bifariam
diuidens, basin bifariam quoq; secet, erunt duo
latera

latera angulum continentia inter se æqualia: Quod si latera æqualia fuerint, basin etiam bifariam secabit linea recta, quæ angulum bifariam dividit.

PRIMO recta AD , secans angulum BAC , bifariam, dividat quoque basin BC , in D , bifariam; Dico latera AB , AC , inter se æqualia esse. Hoc autem demonstrabis eadem ratione, qua in præcedenti theoremate ostensum fuit, latus AC , æquale esse lateri AB , si DC , segmentum segmento DB æquale ponatur, dummodo figuram eodem modo construas. Cum enim latera AD , DB , æqualia sint lateribus ED , DC ; & anguli ad D , dictis lateribus contenti æquales; erunt bases AB , EC , æquales, & angulus CED , angulo BAD , hoc est, angulo CAD , æqualis: Quare AC , æquale erit ipsi EC , hoc est, ipsi AB .



15. primi.
4. primi
6. primi

SECUNDO sint latera AB , AC , æqualia, & recta AD , secans basin BC , in D , dividat angulum BAC , bifariam; Dico segmentum DC , æquale esse segmento DB . Cum enim latera AD , AB , æqualia sint lateribus AD , AC , utrumque utriusque, & anguli quoque ad A , contenti dictis lateribus æquales per hypothesein; erunt bases BD , DC , æquales.


4. primi

THEOR. 13. PROPOS. 20.

20.

OMNIS trianguli duo latera reliqua sunt maiora, quomodocunque assumpta.

Si $\triangle ABC$. Dico quælibet eius duo latera, nempe AB , AC , simul maiora esse reliquo latere BC . Introducatur vnum ex illis, ut CA , usque ad D , sitque recta AD , æqualis alteri lateri AB , & ducatur recta DB . Quoniam igitur duo latera AB , AD , æqualia inter se sunt, per hypothesein,




3. primi

5. primi
9. pron.

thesin, erunt anguli $\angle A B D$, $\angle A D B$, æquales inter se: Est autem angulo $\angle A B D$, maior angulus $\angle C B D$; Igitur & angulus $\angle C B D$, maior erit angulo $\angle A D B$. In

19. primi



triangulo ergo $\angle C B D$, latus $C D$, oppositum maiori angulo $\angle C B D$, maius erit latere $B C$, quod minori angulo $\angle C D B$, opponitur. Cum igitur duo latera $A B$, $A C$, simul æqualia sint ipsi $C D$, (sicut enim


2. pron.

æqualibus $A B$, $A D$, commune addatur $A C$, fiet tota æqualia; nimirum linea composita ex $A B$, $A C$, & linea composita ex $A D$, $A C$,) erunt quoque latera $A B$, $A C$, simul maiora latere $B C$. Eodem modo demonstrabitur, quælibet alia duo latera maiora esse reliquo. Quare omnis trianguli duo latera reliquo sunt maiora &c. Quod demonstrandum erat.

EX P R O C L O .

ALITER hoc theorema, a familiaribus Heronis, & Porphyrij demonstratur, nullo latere productio, hac ratione. Sit probandum duo latera $A B$, $A C$ trianguli $A B C$, maiora esse latere $B C$. Diuidatur angulus $\angle B A C$, illis lateribus contentus bisariam per rectam $A D$. Quoniam igitur trianguli $C D A$, latus $C D$, protractum est ad B , erit angulus externus

9. primi



$\angle B D A$, maior interno & opposito $\angle C A D$; igitur & maior angulo $\angle B A D$. Quare in triangulo $A B D$, latus $A B$, maiori angulo $\angle A D B$, oppositum maius erit latere $B D$, quod minori angulo $\angle B A D$, opponitur. Eadem ratione ostendetur, latus $A C$, maius esse, quam $C D$, quia angulus $\angle C D A$, maior est angulo $\angle B A D$, hoc est, angulo $\angle C A D$, &c. Quamobrem duo latera $A B$, $A C$, maiora erunt latere $B C$. Eademque est ratio quorumcumque duorum laterum, si angulus ipsi comprehensus bisariam secetur.

16. primi

19. primi

16. primi

$B D A$, maior interno & opposito $\angle C A D$; igitur & maior angulo $\angle B A D$. Quare in triangulo $A B D$, latus $A B$, maiori angulo $\angle A D B$, oppositum maius erit latere $B D$, quod minori angulo $\angle B A D$, opponitur. Eadem ratione ostendetur, latus $A C$, maius esse, quam $C D$, quia angulus $\angle C D A$, maior est angulo $\angle B A D$, hoc est, angulo $\angle C A D$, &c. Quamobrem duo latera $A B$, $A C$, maiora erunt latere $B C$. Eademque est ratio quorumcumque duorum laterum, si angulus ipsi comprehensus bisariam secetur.

21.

THEOR. 14. PROPOS. 21.

SI super trianguli uno latere, ab extremitatibus duæ rectæ lineæ interius constitutæ fuerint; hæ constitutæ reliquis trianguli duobus lateribus minores quidem erunt,

maio-

maiolem uero angulum continebunt .

IN triangulo A B C, super extremitates B, & C, lateris B C, intra triangulū cōstitutātur duæ rectæ līnæ B D, C D, in puncto D, concurrentes : Dico B D, C D, simul minores esse duobus lateribus B A, C A, simul ; At uero angulū B D C, maiolem angulo B A C. Producat̄ur enim altera linearum interiorum, nempe B D, ad punctum E, lateris C A. Quoniam igitur in triangulo B A E, duo latera B A, A E, maiora sunt latere B E. si addatur commune E C, erunt B A, A C, maiora, quam B E, E C. Rursum quia in triangulo C E D, duo latera C E, E D, maiora sunt latere C D ; si commune apponatur D B, erunt C E, E B, maiora, quam C D, D B. Ostensum uero iam fuit B A, C A, maiora esse, quam B E, E C ; Multo igitur maiora erunt B A, C A, quā B D, C D. quod primo proponebatur. Præterea, quoniam angulus B D C, maior est angulo D E C, externus interno ; & angulus D E C, angulo B A C, maior quoque est eandem ob causam ; Erit angulus B D C, multo maior angulo B A C ; quod secundo proponebatur . Si igitur super trianguli uno latere, ab extremitatibus, &c. Quod erat ostendendum .



20. primi.

4. pron.
20. primi.

4. pron.

16. primi.



SCHOLIUM.

QVAM recte Euclides dixerit, duas illas lineas intra triangulum constitutas, duci debere ab extremitatibus unius lateris, aperte intelligi potest ex eo, quod mox ex Proclo demonstrabimus ; in triangulis uidelicet reſtāngulis, uel etiam amblygoniis, intra triangulum constitui posse duas lineas sive per unum latus circa angulum reſtū, uel obtusum, quarum quidem una ab extremitate dicti lateris, altera uero a quocumque puncto prope aliud extremum lateris eiusdem educitur, ita ut hæc constituta maiores sint reliquis duobus trianguli lateribus. Item in triangulis scalenis eodem modo super maximum latus duas rectas intra triangulum constitui posse, quæ minorem comprehendant angulum, &c.

EX PROCLO.

Si r triangulum habens exempli gratia angulum ABC, obtusum. Dico ab extremo C, & a quouis puncto, nempe a D, prope aliud extremum B, lateris BC, duci posse duas lineas intra triangulum ad aliquod punctum, quæ maiores sint duobus lateribus BA, AC. Ducatur enim recta DA: Et quoniã in triangulo ABD, duo anguli ABD, ADB, minores sunt duobus rectis; Ponitur autem ABD, maior recto, nempe obtusus; erit ADB, minor recto, ideoque minor angulo ABD. Quare latus AD, maius erit latere AB. Ex DA, abscindatur recta DE, æqualis rectæ AB; Et reliqua linea AE, bifariam dividatur in F. Si igitur ab extremo C, ad F, recta ducatur CF, erunt duæ lineæ rectæ constitutæ CF, DF, intra triangulum maiores duobus lateribus BA, AC. Quoniam in triangulo AFC, duo latera AF, FC, maiora sunt latere AC; Est autem recta AF, ipsi FB, equalis, per constructionem; erunt CF, FB, maiores quoque latere CA. Si igitur equalia addantur ED, & AB, sient rectæ CF, FD, maiores lateribus CA, AB. Quod est propositum. Quod si ad F, ex B, extrema recta duceretur, essent duæ rectæ constitutæ CF, BF, minores duobus lateribus CA, AB, ut Euclides demonstravit.

R v r s v s sit triangulum scalenum ABC, cuius latus maximû BC, minimum AB. Ex BC, auferatur BD, æqualis rectæ AB, & ducatur AD, recta, ad cuius punctum quodlibet, ut ad E, ab extremo C, recta ducatur CB. Constitutæ igitur erunt intra triangulum duæ lineæ CE, DE, quæ minorem angulum comprehendunt eo, quæ efficiunt duo latera AB, AC. Cum enim duo latera BA, BD, equalia sint, erunt duo anguli BAD, BDA, equalis: Sed BDA, angulus maior est angulo CED; Maior igitur erit & angulus BAD, angulo CED. Quare multo maior erit totus angulus BAC, angulo CED; Quod est propositum. Recte igitur Euclides monuit, duas lineas intra triangulum constitutas educi debere ab extremis punctis unius lateris, ut minores quidẽ sint duobus reliquis trianguli lateribus, maiorem uero complectantur angulum. Alias enim propositio uera non esset, ut iam est demonstratum.



17. primi.

19. primi

3. primi

16. primi

20. primi

4. pron.

3. primi

5. primi

16. primi


22.

PROBL. 8. PROPOS. 22.

EX tribus rectis lineis, quæ sunt tribus datis rectis lineis æquales, triangulum constituere

stitueret. Oportet autem duas reliqua esse maiores omnifariam sumptas: quoniam uniuscuiusque trianguli duo latera omnifariam sumpta reliquo sunt maiora.

TRES lineæ rectæ datæ sint A, B, & C, quarum quælibet duæ reliqua sint maiores, (Alias ex ipsis non posset constitui triangulum, ut constat ex propos. 20, in qua ostensum fuit, duo quævis latera trianguli reliquo esse maiora.) oportetque construere triangulum habens tria latera tribus datis lineis æqualia. Ex assum. A ————— B ————— C
 pra recta quavis DE, infinitæ magnitudinis ascendatur recta DF, æqualis rectæ A, Et ex reliqua FE, recta FG, æqualis rectæ B; & ex reli-



3. primi


quæ GE, recta GH, æqualis rectæ C. Deinde centro F, interuallo uero FD, circulus describatur DIK: Item centro G, interuallo autem GH, alius circulus describatur HIK, qui necessario priorem secabit in punctis I, & K; (cum enim duæ FD, GH, maiores ponantur rectæ FG; hæ ex FE, sumatur recta FL, æqualis ipsi FD; & ex GD, recta GM, æqualis ipsi GH, cader punctum M, inter L, & D. Si namq; M, caderet in L, punctum, essent GL, FL, hoc est, GH, & FD, æquales rectæ FG: Si uero M, caderet inter G, & L, essent eadem duæ minores recta FG; quorum utrumq; est contra hypothésin.) ex quorum quolibet, nimirum ex K, ducatur ad puncta F, G, rectæ KF, KG, factumque erit triangulum FGK, cuius latera dico æqualia esse datis rectis A, B, & C. Cum enim recta FK, æqualis sit rectæ FD, & recta A, per constructionem eidem FD, æqualis; erit latus FK, rectæ A, æquale: Rursus quia GK, æqualis est ipsi GH, & recta C, eidem GH, erit quoq; latus GK, rectæ C, æquale: Positum autem fuit per constructionem, reliquum latus FG, reliquæ rectæ B, æquale. Omnia igitur tria latera FK, FG, GK, tribus datis rectis A, B, C, æqualia sunt. Constituimus ergo ex tribus rectis lineis, quæ sunt tribus datis rectis lineis æquales, triangulum: Quod faciendum erat.

15. def.

1. pron.

P R A X I S.

SUMATUR recta DE, equalis cuicunque rectarum datarum, nempe ipsi B, quam nunc volumus esse basin: Deinde ex D. ad intervallū recta A, arcus describatur: Item ex E, ad intervallum recta C, alter arcus secans priorem in F. Si igitur ducantur recta DF, EF, factum erit triangulum habens tria latera aequalia tribus datis lineis. Erit enim latus DF, aequale recte A, propter intervallum ipsius A, assumptum: & latus EF, ipsi C, propter assumptum intervallum C; DE, vero latus, acceptum est recte B, aequale, ab initio.



HAC arte cuicunque triangulo proposito alterum prorsus aequale & quoad latera, angulosq; & quoad aream ipsius, constituemus. Sit namque triangulum quodcunque ABC, cui aequale omni ex parte est construendum. Intelligo eius latera, tanquam tres lineas rectas datas A B, BC, CA, quarum qualibet duae maiores sunt reliqua. Deinde sumo rectam DE, aequalem uni lateri, nempe BC; & ex D. intervallo lateris AB, arcum describo, item alium ex E, intervallo reliqui lateris CA, qui priorē secet in F, &c.

S C H O L I O N.

HAC arte cuicunque triangulo proposito alterum prorsus aequale & quoad latera, angulosq; & quoad aream ipsius, constituemus. Sit namque triangulum quodcunque ABC, cui aequale omni ex parte est construendum. Intelligo eius latera, tanquam tres lineas rectas datas A B, BC, CA, quarum qualibet duae maiores sunt reliqua. Deinde sumo rectam DE, aequalem uni lateri, nempe BC; & ex D. intervallo lateris AB, arcum describo, item alium ex E, intervallo reliqui lateris CA, qui priorē secet in F, &c.



20. primi


23. PROBL. 9. PROPOS. 23.

AD datam rectam lineam, datumq; in ea punctum, dato angulo rectilineo aequalem angulum rectilineum constituere.

DATA recta sit AB, datumque in ea punctum C, & datus angulus DEF. Oportet igitur ad rectam AB, in puncto C, angulum constituere aequalem angulo E. Sumantur in rectis ED, EF, duo puncta utcumque G, H, quae recta GH, connectantur: Deinde constituatur triangulum CIK, habens

22. primi.


habens tria latera æqualia tribus rectis EG, GH, HE , ita ut CI , æquale sit ipsi EG ; & CK , ipsi EH ; & IK , ipsi GH . (Quod facile fiet, si CI , sumatur æqualis ipsi EG ; & CL , ipsi EH ; & IM , ipsi GH ; Deinde ex centrīs C , & L , intervallis utro CL ; & IM , circuli describantur secantes se se in K , &c.) Dico angulum C , æqualem esse angulo E . Quoniam duo latera CI, CK , æqualia sunt duobus lateribus EG, EH , utrumq; utriusque, & basis IK , basi GH , per constructionem; erit angulus C , angulo E , æqualis. Effecimus igitur angulum ad C , æqualem angulo E , &c. Quod facere oportebat.



8. primi.

P R A X I S.

NON differt huius problematis praxis ab illa, quam in precedente problemate tradidimus; propterea quod triangulum constituere oporteat æquale alteri triangulo, ut angulus dato angulo equalis exhibeatur, ut perspicuum est. Facilius tamen hac arte problema efficiet. Sit linea data AB , punctumq; in ea C , & angulus datus E . Centro igitur E , & intervallo quonvis arcus describatur GH ; Eodemq; intervallo ex centro C , arcus describatur IK , sumaturq; officio circini arcus IK , arcui GH , equalis. Recta enim ducta CK , faciet angulum ad C , æqualem angulo E . Nam si ducerentur recte IK, GH , essent ipsa æquales, propterea quod circino non variato utramque distantiam IK, GH , accepimus. Cum ergo & duo latera IC, CK , æqualia sint duobus GE, EH , ob æqualia intervalla, quibus arcus sunt descripti; erunt anguli ICK, GEH , æquales.



8. primi.

THEOR. 15. PROPOS. 24.


24.

SI duo triangula duo latera duobus lateribus æqualia habuerint, utrumq; utriq;

F 4 angu.

angulum vero angulo maiorem sub æqualibus rectis lineis contentum: Et basi basi maiorem habebunt.

Duo o. latera AB, AC, trianguli ABC, æqualia sint duobus lateribus DE, DF, utrumque utriusque, nempe AB, ipsi DE; & AC, ipsi DF; Angulus uero A, maior sit angulo EDF. Dico basin BC, maiorem esse basi EF. Ad lineam enim DE, ad eiusque punctum D, constituatur angulus EDG, æqualis angulo A; (cadetque recta DG, extra triangulum DEF, cum angulus EDF, minor ponatur angulo A) ponaturque DG, æqualis ipsi DF, hoc est, ipsi AC. Ducta deinde recta EG, cadet ea aut supra rectam EF; aut in ipsam, aut infra ipsam: Cadat primo supra EF, ducaturque recta FG. Quia ergo latera AB, AC, æqualia sunt lateribus DE, DG utrumque, & angulus A, æqualis angulo EDG, per constructionem; Erit basis BC, basi EG, æqualis. Rursus quia duo latera DF, DG, inter se sunt æqualia; erunt anguli DFG, DGF, æquales: Est autem angulus DGF, maior angulo EGF: Igitur & angulus DFG, eodem angulo EGF, maior erit. Quare multo maior erit totus angulus EFG, eodem angulo EGF. In triangulo igitur EFG, maior erit latus EG, latere EF. Est autem ostensum EG, æquale esse ipsi BC. Maior igitur erit quoque BC, quam EF. Quod est propositum.



23. primi


3. primi

4. primi

5. primi

9. pron.

19. primi



4. primi.


9. pron.

4. primi.

EG, maior quam EF: erit & BC, maior, quam EF, quod est propositum.

CADAT tertio EG, infra EF; producanturque rectæ DF, DG, usque ad H, & I, & ducatur recta FG. Erit autem rursus, ut prius, basis EG, basi BC, equalis. Deinde quia duo latera DF, DG, æqualia sunt inter se, per constructionem

tionem; erūt anguli $G F H$, $F G I$, infra basin $F G$, æquales: Est autem angulus $F G I$, maior angulo $F G E$; Igitur & angulus $G F H$, eodem angulo $F G E$, maior erit. Quare multo maior erit totus angulus $E F G$, eodem angulo $F G E$. In triangulo ergo $E F G$, maior erit latus $E G$, latere $E F$. Est autem ostensum $E G$, æquale esse ipsi $B C$. Maior igitur erit quoque $B C$, basi, basi $E F$. Si igitur duo triangula duo latera duobus lateribus, &c. Quod erat ostendendum.




5. primi
9. pron.

9. primi.

S. C H O L I O N.


SI quis forte roget, cur in 4. propositione Euclides ex eo, quod duo latera unius trianguli æqualia sint duobus lateribus alterius trianguli, utrumque utriusque, & anguli contenti dictis lateribus æquales, concluderit non solum æqualitatem basium, verum etiam triangulorum & reliquorum angulorum; hic autem ex eo, quod duo latera unius trianguli æqualia sint duobus lateribus alterius trianguli, utrumque utriusque, anguli vero lateribus illis comprehensi inæquales, colligat tantum inæqualitatem basium, non autem triangulorum, & reliquorum angulorum: Huic respondendum est, necessario id ab Euclide peritissimo Geometra esse factum. Nam ex antecedente huius theorematis semper consequitur basium inæqualitas, ita ut basis illius trianguli, cuius angulus contentus lateribus assumptis est maior, superet basin alterius trianguli, cuius angulus minor existit, ut demonstratum est; Non autem necesse est, triangulum illud maius hoc esse. Ut enim clarissime ex Propos. demonstrabimus ad propos. 37 huius primi libri, Triangulum maiorem habens angulum aliquando æquale est triangulo minorem habenti angulum, aliquando vero minus eodem, & aliquando maius. Non igitur potuit in uniuersum inferri, ex eo, quod angulus unius trianguli maior est angulo alterius, triangulum etiam maius esse, cum modo æquale sit, modo minus & modo maius. Idem dici potest de angulis reliquis. Nam in prima figura huius theorematis angulus $A B C$, mi-

nor




9. prop.

nor est semper angulo $D^{\circ}EF$; cum angulus DEG , (qui equalis est, per 4. propos. angulo ABC ,) minor sit eodem angulo DEF , pari toto. In secunda autem figura, existit quidem angulus ABC , angulo




16. primi.

DEF , equalis. per 4. propos. At vero angulus ACB , minor est angulo $D^{\circ}FE$, cum angulus $D^{\circ}FE$ maior sit angulo DGF , externus interno, & opposito; & angulus DGF , equalis sit angulo ACB .



9. prop.

In tertia denique figura angulus ABC , maior quidem est angulo DEF propterea quod angulus DEG , (equalis existens per 4. propos. angulo ABC ,) maior sit eodem angulo DEF , totum parte: Sed angulus ACB , minor est angulo $D^{\circ}FE$. Nam si recta EF , producatetur secans rectam DG , in K , fiet angulus $D^{\circ}FE$, maior angulo DKE , externus interno; Est autem & angulus DKE , maior adhuc angulo DGE , externus quoque interno, & opposito. Multo igitur maior erit angulus $D^{\circ}FE$, angulo DGE , qui per 4. propos. equalis est angulo ACB . Quare neque certi quicquam colligi poterit de inaequalitate reliquorum angulorum, cum modo unus altero sit maior, modo minor, & modo equalis.



16. primi


gulo DGE , externus quoque interno, & opposito. Multo igitur maior erit angulus $D^{\circ}FE$, angulo DGE , qui per 4. propos. equalis est angulo ACB . Quare neque certi quicquam colligi poterit de inaequalitate reliquorum angulorum, cum modo unus altero sit maior, modo minor, & modo equalis.

25. THEOR. 16. PROPOS. 25.

SI duo triangula duo latera duobus lateribus æqualia habuerint, vtrunque vtrique, basin vero basi maiorem: Et angulum sub æqualibus rectis lineis contentum angulo maiorem habebunt.

Duo latera AB, AC , trianguli ABC , æqualia sint duobus

duobus lateribus DE, DF, trianguli DEF, utrumque
 utriusque, hoc est, AB, ipsi DE, & AC, ipsi DF; Basis au-
 tem BC, maior sit base EF. Dico angulum A, maiorem
 esse angulo D. Si enim non est an-
 gulus A maior angulo D, erit vel
 æqualis, vel minor. Si dicatur esse
 æqualis, cum etiam duo latera cir-
 ca A, æqualia sint duobus lateribus
 circa D, utrumque utriusque, per hy-
 pothesin; erit & basis BC, æqualis basi EF; quod est abur-
 dum; Ponitur enim basis BC, base EF, maior: Si uero
 angulus A, dicatur esse minor angulo D; erit, propter æqua-
 litatem laterum circa istos angulos, basis EF, maior basi
 BC; quod magis est absurdum, cum EF, ponatur esse mi-
 nor quam BC. Quare cum angulus A neque possit æqua-
 lis esse angulo D, neque minor, erit maior. Si igitur duo
 triângula duo latera duobus lateribus æqualia habuerint &c.
 Quod erat ostendendum.




4. primi.

24. primi

SCHOLIUM.

THEOREMA hoc conuersum est precedentis. In eo enim
 ex maiori angulo demonstratum est basin illi respondentem, esse
 maiorem: In hoc autem ex maiori basi ostensum fuit angulū
 illi respondentem, maiorem esse. Differunt autem plurimum
 hæc duo theoremata, nempe 24. & 25. ab illis, quæ explicata
 sunt in propos. 18. & 19. Nam in 19 demonstratum est, in
 uno eodemq; triangulo maiori angulo maior latus respondere:
 At in 24. idem ostensum fuit in duobus diuersis triangulis,
 quorum duo latera unius æqualia sunt duobus lateribus alte-
 rius &c. Idemq; discrimen reperies inter propos. 18. & 25.

MENELAUS Alexandrinus, ut ait Proclus, demon-
 strat hoc idē theorema ostensiuè, hac
 ratione. Pofitis eisdem triangulis,
 ex base maiore BC, abscindatur re-
 cta BG, æqualis basi minori EF.
 fiat quoque angulus GBH æqua-
 lis angulo DEF, & sit BH, æqua-
 lis ipsi BA, atque adeo ipsi DE,



3. primi.


3. primi.

3. primi.

duca-

5. primi

ducaturq; recta per G, ex H, secans AC, in I. Quonia igitur duo latera BA, BH, equalia sunt, erunt anguli BAH, BH A, equalis. Rursus, quia latera BG, BH, equalia sunt lateribus EF, ED, utrumque utrumque, & angulus GBH, equalis angulo DEF, per constructionem; erit basis HG, basi DF, atque adeo ipsi AC, equalis, angulusque GHB, angulo EDF. Et quoniam recta HI, maior est quam HG, qua est equalis ipsi AC, erit quoque maior HI, quam AC; Sed AC, maior est adhuc, quam AI; Multo ergo maior erit HI, quam AI. Quare angulus IAH, maior erit angulo IHA. Additis igitur duobus angulis BAH, BHA, qui ostensi sunt equalis, fiet totus angulus BAC, toto angulo BHG, maior: Sed angulus BHG, demonstratus fuit equalis angulo D. Maior igitur etiam erit angulus BAC, angulo D, quod est propositum.



4. primi

9. pron.

18. primi


4. pron.

3. primi

15. def.

2. pron.

20. prim.



HERON autem idem ex eodem Proclo hoc modo demonstrat. Postis eisdem triangulis, producaturs basis minor EF, ad G, ut sit EG, equalis basi maiori BC. Deinde centro D, intervallo autem DF, describatur circulus, producatursque ED, ad H, in circumferentiam. Quoniam igitur DH, est equalis ipsi DF, erit quoque DH, equalis ipsi AC. Additis igitur equalibus DE, AB, sicut AC, AB, simul equalis toti HE: Sed AC, AB, simul maiores sunt quam BC, atque adeo quam EG; Igitur & HE, maior erit, quam EG. Quare circulus descriptus ex centro E, & intervallo EG, intersecabit rectam EH atque adeo circumferentiam prioris circuli in I, & K, punctis; ad K, autem ducantur recte DK, EK. Et quoniam duo latera AB, AC, equalia sunt duobus lateribus DE, DK, utrumque utrumque, (est enim DK equalis ipsi DF, per definitionem circuli; DF, autem positum est equalis lateri AC.) & basis BC, est EK, equalis; (cum EK equalis sit ipsi EG, per definitionem circuli; EG, vero recta per constructionem facta sit equalis

æqualis basi B C.) Erit angulus B A C; angulo E D K, æqualis: Sed angulus E D K, maior est angulo E D F. Quare & angulus A, angulo E D F, maior existet. Quod est propositum.

8. primi
9. prop.

THEOR. 17. PROPOS. 26.

26.

SI duo triangula duos angulos duobus angulis æquales habuerint, vtrumque vtrique, vnumq; latus vni lateri æquale, siue quod æqualibus adiacet angulis, seu quod uni æqualium angulorum subtenditur: & reliqua latera reliquis lateribus æqualia; utrumque utrique, & reliquum angulum reliquo angulo æqualem habebunt.

SINT duo anguli B, & C, trianguli A B C, æquales duobus angulis E, & E F D, trianguli D E F, uterque vtrique, hoc est B, ipsi E, & C, ipsi E F D; Sitque primo latus B C, quod angulis B & C, adiacet, lateri E F quod angulis E, & E F D, adiacet, æquale. Dico. reliqua quoque latera A B, A C, reliquis lateribus D E, D F, æqualia esse, vtrumque vtrique, hoc est A B, ipsi D E & A C, ipsi D F, ea nimirum, quæ æqualibus angulis subtenduntur; reliquumque angulum A, reliquo angulo D. Si enim latus A B, non est æquale lateri D E, sit D E, maius; a quo abscindatur recta linea E G, æqualis rectæ lineæ A B, ducaturque recta G F. Quoniam igitur latera A B, B C, æqualia sunt lateribus G E, E F. utrumque utrique, & anguli B, & E, æquales per hypothesin; Erit angulus, C, æqualis angulo E F G. Ponitur autem angulus C, æqualis angulo E F D; Quare & angulus E F G, eidem angulo E F D, æqualis erit, pars totis; Quod est absurdum. Non est igitur latus A B, inæquale lateri D E, sed æquale. Quamobrem,



3. primi


4. primi

cum

4. primi

cū latera A B, B C, æqualia sint lateribus D E, E F, utrumq; utrique, & anguli contenti B, & E, æquales; erunt & bases A C, D F, & anguli reliqui A, & D, æquales. Quod est propositum.

3. primi



SINT secundo latera A B, D E, subrendentia æquales angulos C, & E F D, inter se æqualia. Dico rursus reliqua latera B C, C A, reliquis lateribus E F, F D, esse æqualia, utrumque utrique, hoc est, B C, ipsi E F, & C A, ipsi F D; reliquumque angulum A, reliquo angulo D. Si enim latus B C, non est æquale lateri E F, sit E F, maius; ex quo sumatur recta E G, æqualis ipsi B C, ducaturque recta D G. Quoniam igitur latera A B, B C, æqualia sunt lateribus D E, E G, utrumq; utrique, & anguli contenti B, & E,

4. primi

æquales, per hypothefin; Erit angulus C, angulo E G D, æqualis; Ig tur & angulus E G D, angulo eidem E F D, æqualis erit, externus interno, & opposito, quod est absurdum.

16. primi

Est enim maior. Non ergo est latus B C, lateri E F, inæquale. Quocirca, ut prius, colligeur institutum ex 4. propos. huius libri. Si duo igitur triangula duos angulos duobus angulis æquales habuerint, &c. Quod demonstrandum erat.

SCHOLION.

PRIOR huius theorematis pars conversa est 4. propositionis, quoad eam partem, in qua ex æqualitate laterum, & angulorum ipsis contentorum, collecta fuit æqualitas basium, & angulorum super bases. Nam in priori parte huius theorematis ex æqualitate basium B C, E F, & angulorum super has bases, demonstratū est, reliqua latera unius trianguli reliquis lateribus alterius, æqualia esse, reliquumque angulum reliquo angulo &c. Quod quidem alia nos ratione iam demonstravimus ad propositionem octavam huius lib. quemadmodum eo loco monuimus



Quod quidem alia nos ratione iam demonstravimus ad propositionem octavam huius lib. quemadmodum eo loco monuimus


THEOR.

THEOR. 18. PROPOS. 27.

27.

SI in duas rectas lineas recta incidens
linea alternatim angulos æquales inter se fe
cerit : parallelæ erūt inter se illæ rectæ lineæ.

IN duas rectas AB, CD, incidens recta EF, faciat an
gulos alternatim AGH, DHG, inter se æquales. Dico li
neas AB, CD, esse parallelas. Si enim non sunt parallelæ,
coibunt tandem, si producantur infinite. Conueniant er
go ad partes B, & D, in puncto I. Quoniam igitur trian
gulum est GIH, (cum AB, recta
continuata sit, item recta CD,
usque ad punctum I,) & angulus
AGH, positus est æqualis angulo
DHG; erit externus angulus AGH,
æqualis interno; & opposito DHG;



quod est absurdum ; quoniam externus interno maior est
Quod si AB, CD, coire dicantur ad partes A, & C, in pun
cto K, erit rursus eadem ratione angulus externus DHG,
æqualis interno, & opposito AGH. quod est absurdum.
Non igitur coibunt lineæ AB, CD; Quare parallelæ erūt.
Eodem modo, si ponantur anguli alterni BGH, CHG,
æquales, demonstrabitur, lineas AB, CD, esse parallelas.
Si igitur in duas rectas lineas recta incidens &c. Quod erat
ostendendum.

6. primi


SCHOLIION.

NECESSÉ est, ut lineæ, qua dicuntur parallelæ, in eo
dem existant plano, ut ex definitione constat : Quare non sa
tis est duos angulos alternos æquales inter se esse, ut dua lineæ
probentur esse parallelæ, nisi ponatur, eas in uno, eodemque
existere plano. Fieri enim potest, ut lineæ
recta incidēs in duas rectas nō in eodē plā
no existentes, faciat alternos angulos aqua
les. Sit enim CD, perpendicularis ad AB,
rectam, qua in subiecto plano existit ; &



cx

ex C, in alio plano, ad CD, ducatur alia perpendicularis CE, ita ut punctum E, intelligatur in sublimi. Quo posito perspicuum est, rectam CD, incidentem in re-



ctas CE, AB facere duos angulos ECD, ADC, alternos aequales, cum sint recti; & tamen CE, AB, non sunt parallelæ, quod non in eodem existant plano. Non


apposuit autem Euclides in propositione hanc conditionem; in eodem plano existentes: sicut neque in subsequentibus; quoniam cum in prioribus sex libris agatur de planis duntaxat, ut supra diximus, omnia intelligenda sunt necessario in eodem plano existere. In undecimo vero libro & alijs, qui ipsum sequuntur, monebit semper, lineas aliquas in eodem, esse plano, vel in diversis planis; quia in illis libris differitur de solidis, in quibus diversa plana considerari possunt. Quod idem dicendum est de punctis extra lineas, & superficies, &c.

28.

THEOR. 19. PROPOS. 28.

SI in duas rectas lineas recta incidens linea externum angulum interno, & opposito, & ad easdem partes, æqualem fecerit; Aut internos, & ad easdem partes duobus rectis æquales: Parallelæ erunt inter se ipsæ rectæ lineæ.

IN duas rectas AB, CD, recta incidens EF, faciat primo externum angulum EGA, æqualem angulo interno, & opposito ad easdem partes GHC. Dico rectas AB, CD, esse parallelas. Quoniam angulo EGA,



15. primi
1. pron.
27. primi

æqualis ponitur angulus GHC, & eidem angulo EGA, æqualis est angulus HGB; erunt anguli alterni GHC, HGB, æquales: Quare lineæ AB CD, parallelæ erunt. Idem ostendetur, si angulus externus EGB, æqualis ponatur interno GHD.


SECUNDO faciat recta EF, angulos internos ex eadem parte, nempe AGH, CHG, duobus rectis æquales. Dico rursus, rectas AB, CD, esse parallelas. Quoniam anguli AGH, CHG, duobus rectis æquales ponuntur; Sunt autem & anguli AGE, AGH, duobus rectis æquales; Erunt duo anguli AGH, CHG, duobus angulis AGE, AGH, æquales. Ablato igitur communi angulo AGH, remanebit angulus AGE, externus angulo CHG, interno, & opposito ad easdem partes, æqualis. Quare ut iam ostensum est, erunt rectæ AB, CD, parallele. Idem ostendetur, si duo anguli BGH, DHG, duobus rectis ponantur æquales. Si igitur in duas rectas lineas recta incidens linea externum angulum &c. Quod erat demonstrandum.

SCHOLIUM.

IAMDUDUM pronuntiatum undecimum a principiorum numero reiecimus. Cum igitur sequens propositio 29. illi innitatur, ita ut absq; eo demonstrari non possit, necesse est, ut illud ex hæcenus demonstratis theorematibus, quæ ex eo nulla ratione dependent, cum Proclo confirmemus, ut antea polliciti sumus. Hoc autem facile prestabimus, si prius duo explicemus, quorum primum hoc sit.

SI ab vno puncto duæ rectæ lineæ angulum facientes infinite producantur, ipsarum distantia omnem finitam magnitudinem excedet.

EXEANT a puncto A, duæ rectæ AB, AC, facientes angulum A. Quoniam igitur puncta D, & E, plus inter se distant, quam F, & G; Item puncta B, & C, plus quàm D, & E, & ita deinceps, si producantur ultra rectæ lineæ AB, AC, perspicuum est, extremæ earum puncta infinito spatio inter se distare, si infinite ipsæ producantur. Si enim non infinito spatio distarent, augeri posset eorum distantia; igitur & lineæ ipsæ ultra



tex. 35.

ultra produci, quod est absurdum cum possantur infinite iam esse productæ. Quare si dictæ lineæ AB, AC producantur infinite, ipsarum distantia excedet omnem finitam distantiam. Hoc pronuntiatio vsus est & Aristoteles lib. 1. de celo, ubi demonstravit, mundum non esse infinitum. Secundum, quod debet explicari, ita se habet.

SI duarum parallelarum rectarum linearum alteram secet quædam recta linea, reliquam quoque productam secabit.

SINT due parallele AB, CD , & recta EF , secet ipsam AB , in G . Dico rectam EF si producatur, secaturam esse quoque ipsam CD . Quoniam due rectæ AB, CD , in puncto G angulum faciunt, si producantur infinite, excedunt omnem finitam distantiam, quæ parallela AB a parallela CD , distat, cum hæc distantia sit finita, alias enim non essent lineæ parallele. Quare quando distantia GB , a GF , maior iam fuerit ea, quæ inter parallelas est, necesse est rectam GF , productam secuisse rectam CD . Nam quandiu GF , continebitur inter duas parallelas, minori distantia a GB , remouebitur, quam CD , ab eadem GB , ut constat. His igitur ita expositis, facile demonstrabitur hoc theorema, quod est apud Euclidem, undecimum pronuntiarum.

SI in duas rectas lineas altera recta incidens internos, ad easdemque partes, angulos duobus rectis minores faciat; Duæ illæ rectæ lineæ infinite productæ sibi mutuo incident ad eas partes, ubi sunt anguli duobus rectis minores.

IN rectas AB, CD , incidens recta EF , faciat internos angulos ad partes B , & D , ut BGH, DHG , duobus rectis minores. Di-

co rectas AB, CD ; coire ad easdem partes $B, \& D$. Quoniam duo anguli BGH, DHG , minores ponuntur esse duobus rectis; Sunt autem duo anguli DHG, DHF , duobus rectis aequales; Erunt duo anguli DHG, DHF , maiores duobus angulis DHG, BGH . Ablato ergo communi angulo DHG remanebit angulus DHF , maior angulo BGH . Si igitur ad rectam FG , & ad punctum G , constituatur angulus KGH , equalis angulo DHF , cadet GK , supra GB , secabitq; producta rectam AB . Quoniam igitur in duas rectas IK, CD , recta incidens EF facit angulum externum DHF , equalem interno, & oppositio KGH ; Erunt rectae IK, CD , parallelae. Secat autem recta AB , ipsam IK , in G ; Producta igitur secabit quoque ipsam CD , ut demonstratum est. Quare AB , cum CD , conueniet ad partes $B, \& D$, nimirum in puncto L , quod est propositum.

13. primi.

5. pron.
23. primi.

28. primi.

Quamvis autem optime a Proclo demonstratum sit vnde cum hoc pronuntiatur; ut iure inter theorematum possit referri; tamen ne ordinem Euclidis in quoquam immutemus, utemur eo in omnibus propositionibus, quarum demonstrationes ex ipso pendent, tanquam pronuntiatum; praesertim cum facile ei assensus praeberi queat, intellecta prius recte propositione 28. Si enim lineae rectae propositae parallelae sunt, ita ut nusquam coeant, sed semper aequali inter se distantia progrediantur, etiamsi infinite producantur, quando recta in eas incidens facit duos angulos internos, ad easdem partes duobus rectis aequales, ut demonstratum fuit; quis non videt, si eadem recta incidens in duas rectas faciat angulos internos, ad easdem partes duobus rectis minores, alteram alteri appropinquare, ad eas partes, ad quas sunt interni anguli duobus rectis minores; quandoquidem aequali distantia procederent, si iidem anguli paulo maiores essent, iduobus videlicet rectis aequales, ut haec propositio 28. demonstrauit?

28. primi.

THEOR. 20. PROPOS. 29. 29.

IN parallelas rectas lineas recta incidens linea; Et alternatim angulos inter se aequales

les efficit; & externum interno, & opposi-
fito, & ad easdem partes æqualem; & in-
ternos, & ad easdem partes, duobus re-
ctis æquales facit.

IN parallelas A B, C D, recta incidat E F. Dico primū,
angulos alternos A G H, D H G, inter se esse æquales. Si enim
non sunt æquales, sit alter, nempe A G H, maior. Quoniam

igitur angulus A G H, maior est an-
gulo D H G, si addatur communis
angulus B G H, erunt duo A G H,
E G H, maiores duobus D H G, E G H:
At duo A G H, B G H, æquales sunt
duobus rectis; Igitur duo D H G,

B G H, minores sunt duobus rectis. Quare cum sint interi-
ni, & ad easdem partes B, & D, coibunt lineæ A B, C D, ad
eas partes. quod est absurdum, cum ponantur esse paral-
lelæ. Non est igitur angulus A G H, maior angulo D H G:
Sed neq; minor; Eadem enim ratione ostenderetur rectas
coire ad partes A, & C: Igitur æquales erunt anguli alterni
A G H, D H G. Eadēq; est ratio de angulis alternis B G H,
C H G.

D I C O secundo, angulum externum A G E, æqualem
esse interno, & ad easdem partes opposito C H G. Quoniam
angulo B G H, æqualis est alternus C H G, ut ostensum
est; & eidem B G H, æqualis est angulus A G E; Erunt an-
guli A G E, C H G, inter se quoq; æquales. Eodem modo
demonstrabitur, angulum B G E, æqualem esse angulo
D H G.


D I C O tertio, angulos internos ad easdem partes,
A G H, C H G, æquales esse duobus rectis. Quoniā osten-
sum fuit, angulum externum A G E, æqualem esse angu-
lo C H G, interno; si addatur communis A G H, erunt duo
A G E, A G H, duobus C H G, A G H, æquales: sed duo
A G E, A G H, æquales sunt duobus rectis; Igitur & duo
anguli C H G, A G H, æquales duobus rectis erunt. Eo-
dem modo anguli B G H, D H G, duobus erunt rectis æ-
quales. In parallelas ergo rectas lineas recta incidens linea,
& alter-

4. pron.
13. primi.

11. pron.

15. primi.
1. pron.

2. pron.
13. primi.



& alternatim angulos &c. Quod erat demonstrandum.

SCHOLIUM.


CONVERTIT autem hoc præsens theorema duo præcedentia theoremata, ut perspicuum est.

THEOR. 21. PROPOS. 30. 30.

QUAE eidem rectæ lineæ parallelæ, & inter se sunt parallelæ.

SINT rectæ AB, CD, eidem rectæ EF, parallelæ; Dico & ipsas AB, CD, esse inter se parallelas. Quoniam omnes hæc lineæ in eodem ponuntur esse plano, (Nam propos. 9. undecimi libri agitur de lineis in diversis planis) ducatur recta GH, secans AB, in I; CD, in K; & EF, in L. Quia igitur AB, ponitur parallelæ ipsi EF, erit angulus

A I L, alterno F L I, æqualis. Rursus quia CD, ponitur etiam parallelæ ipsi EF, erit angulus D K I, eidem angulo F L I, nempe internus externo, vel externus interno, æqualis. Quare anguli A I L, D K I, æquales inter se quoque erunt. Cum igitur sint alterni, erunt rectæ AB, CD, parallelæ inter se. Quæ igitur eidem rectæ lineæ parallelæ, & inter se sunt parallelæ. Quod demonstrandum erat.



29. primi.

29. prim.
1. pron.


27. primi.

SCHOLIUM.

QUOD si quis dicat, duas rectas AI, BI, parallelas esse rectæ CD, & tamen ipsas non esse parallelas; Occurrendum est, duas AI, BI, non esse duas lineas, sed partes tantum unius lineæ. Concipiendum enim est animo, quaslibet parallelas infinite esse productas; Cõstat autem AI, productam coincidere cum BI. Quamobrem, quæ eidem rectæ lineæ parallelæ, &

G 3 inter

inter se sunt parallele; Vel certe unam, & eandem lineam constitunt, quando inter se coeunt. Quod ita demonstrabitur. Sint duae rectae A B, A C, coeuntes in A, parallelae ipsi D E. Dico illas in rectum esse constitutas. Ex puncto enim A, ducatur recta A F, secans D E, in F, utcumq;.



29. primi.

2. pron.
29. primi.

14. primi.

31.

sum parallele, erunt anguli alterni B A F, A F E, aequales; Addito ergo communi angulo C A F, erunt duo anguli ad A, aequales duobus angulis C A F, A F E. Sed hi duo aequales sunt duobus rectis cum sint interni inter duas parallelas; Igitur & duo anguli ad A, duobus erunt rectis aequales; propterea in rectum erunt constitutae ipsae A B, A C. Q. E. D. est propositum.

PROBL. 10. PROPOS. 31.

ADATO puncto, datae rectae lineae parallelam rectam lineam ducere.

EX puncto A, ducenda sit linea parallela lineae B C. Ducatur ex A, ad B C, linea A D, utcumq; faciens angulum quemcumq; A D B; Cui ad A, aequalis constituatur E A D.

23. primi.

Dico igitur rectam E A, extensam ad F, quantumlibet, parallelam esse ipsi B C. Cum enim anguli alterni A D B, D A E, aequales sint, per constructionem; Et iunctae B C, E F, parallelae. A dato, igitur puncto, datae rectae lineae, &c. Quod erat faciendum.

rectae B C, E F, parallelae. A dato, igitur puncto, datae rectae lineae, &c. Quod erat faciendum.

27. primi.

SCHOLION.

DEBIT autem punctum datum in tali esse loco situm extra lineam datam, ut haec producta cum illo non conueniat. Quod quidem aperie colligitur ex ipsa constructione problematis. Nam ex puncto dato ducenda est linea faciens angulum aliquem cum linea data, qui fieri non posset, si punctum in directum iaceret cum ipsa linea data. Quemadmodum autem ab uno, eodemq; puncto ad eandem rectam non plures perpendiculares, quam una, ducuntur, ut ostendimus propos. 17. ex Proclo; ita etiam per idem punctum, data recte plures parallelae, quam una, duci nequeunt. Si. n. duae ducerent, conueniret ipse

ipse

ipse in puncto eodem . quod est absurdum , cum sint parallele .

Ex hoc porro problemate , & illo , quod propos. 23. continetur , facili negotio constituemus parallelogrammum , cuius vnus angulorum equalis sit dato angulo rectilineo . lateraq; angulū illū cōprehendenti a datis duabus rectis lineis equalia .

SINT enim data recte A, B, oporteatq; constituere parallelogrammum habens angulum equalem dato angulo rectilineo C. lateraq; circa illum angulum rectis A, B, equalia .


Sumpta recta DE, que recta A, sit equalis, fiat angulus EDF, angulo C, & recta DF, recta B, equalis. Deinde per E, agatur recta EG, ipsi DF, parallela, & per F, recta FG, ipsi DE, parallela secans EG, in G. Quoniam ergo & latera DF, FG, & DE, FG, parallela sunt, ex constructione; parallelogrammū erit DEGF. Quod cū ex cōstructione, habeat angulū D, angulo dato C, equalē, & latera DE, DF, circa dictū angulū D, datis rectis A, B, equaliaz; factū erit, qđ proponitur .




P R A X I S .

SIT ducenda parallela ipsi BC, per punctum A. Duceatur recta AD, vtrumq; ad BC & ex D.

& A ad idē interuallū quodlibet describātur duo arcus ad diuersas partes; vnus ad partes B, alter ad partes C; Deinde ofscio circini arcui EF, abscindatur ex arcu altero arcus GH, equalis. Si igitur ex A, p H, recta ducat, erit hac parallela ipsi BC. Nā anguli EDF, HAG sum equalis, vt constat ex praxi propos. 23. &c.




ALIO modo ducei per idē punctū A, datū linea parallela linea data BC hac arte. Ex cētro A, ad quoduis interuallū describātur arcus secās BC, in pūcto D; & eodē interuallō ex D, sumatur punctū F, in eadē recta BC: Deinde eodē interuallō ex A, & E, describātur duo arcus duo arcus secātes se in F. Nā ducta recta AF, erit parallela recte BC. Quoniā propter idē interuallum assumptū recte AF equalis est recta DE; & recta AD, recta EF, si ducerentur he linee; erit AF, oppositā DE, parallela .



27. primi.

ut postea demonstrabimus propos. 34. Quod si punctum *A* vicinum fuerit recte *BC*, commodius hac lege parallela opitata ducetur. Ex *A*, sumatur punctum *D*, in *BC*, ad quoduis intervallum; Et ex quovis puncto eiusdem recte *BC*, nempe *E*, quod tamen aliquantulum distet a puncto *D*. (Quo enim maior fuerit distantia inter *D*, & *E*, eo rectius parallela ducetur) Eodem intervallo arcus describatur ad partes *A*: Deinde ex *A*, intervallo *DE* alter arcus descriptus secet priorem arcum in *F*. Recta igitur ducta *AF*, erit parallela recte *BC*, ut prius; quia recta *AF*, æqualis est recte *DE*, ob idem intervallum; & recta *AD*, recte *EF*, si hæ recte ducte essent, &c.




32.

THEOR. 22. PROPOS. 32.

CVIVSCVNQVE trianguli vno latere producto: Externus angulus duobus internis, & oppositis est æqualis. Et trianguli tres interni anguli duobus sunt rectis æquales.

PRODVCATVR in triangulo *ABC*, latus *BC*, ad *D*. Dico primo, angulum externum *ACD*, æqualem esse duobus internis, & oppositis simul *A*, & *B*. Ducatur enim ex *C*, linea *CE*, parallela recte *AB*. Quoniam igitur recta *AC*, incidit in parallelas *AB*, *CE*, erunt anguli alterni *A*, & *ACE*, æquales. Rursus, quia recta *BC*, in easdem parallelas incidit, erit angulus externus *DCE*, æqualis interno *B*; Additis igitur æqualibus *ACE*, & *A*, fiet totus *ACD*, (qui ex duobus *DCE*, *ACE*, componitur) duobus *A*, & *B*, æqualis. Quod est propositum.



31. primi.

29. primi.

29. primi.

2. proni.

DICO secundo, tres angulos internos eiusdem trianguli *A*, *B*, & *ACB*, duobus esse rectis æquales. Cū enim exter-

externus angulus $A C D$, ut ostensum fuit, æqualis sit duobus internis A , & B ; si addatur communis $A C B$; erunt duo anguli $A C D$, $A C B$, æquales tribus A , B , & $A C B$: Sed duo $A C D$, $A C B$, æquales sunt duobus rectis; Igitur & tres interni A , B , $A C B$, duobus sunt rectis æquales. Quare cuiuscunque trianguli uno latere producto, &c. Quod erat demonstrandum.


2. pron.
13. primi.

S C H O L I O N.

C V M demonstratum sit propos. 16. angulum externum cuiusvis trianguli maiorem esse utrolibet interno, & opposito; Hic autem, eundem externum eisdem internis esse æqualem; perspicuum est, alterutrum interiorum, & oppositorum superari ab externo, reliquo interno angulo. Ut in triangulo proposito angulus A , superatur ab angulo $A C D$, angulo B ; fit angulus B , superatur ab eodem angulo $A C D$, angulo A , quandoquidem angulus $A C D$, duobus angulis A , & B , est æqualis. Rursum, quia demonstratum est propos. 17. duos angulos cuiuslibet trianguli, quomocumque sumptos, duobus esse rectis minores; Hic vero omnes tres duobus rectis æquales esse; manifestum est, duos a duobus rectis deficere, reliquo angulo trianguli. Ut in eodem triangulo, duo anguli A , & B , a duobus rectis deficiunt, angulo $A C B$, &c.

O M N E porro triangulum habere tres angulos duobus rectis æquales, primi omnium, ut refert Eudemus, Pythagorei demonstrarunt hac ratione. Sit triangulum $A B C$, & per punctum A , ducatur recta $B C$ parallela $D E$. Quoniam igitur anguli alterni $D A B$, & $A B C$, æquales sunt; si addantur æquales $E A C$, & $A C B$, (sunt enim & hi alterni) erunt duo anguli $D A B$, $E A C$, duobus $A B C$, $A C B$ æquales. Addito ergo communi angulo $B A C$, erunt tres anguli $D A B$, $B A C$, $C A E$, æquales tribus angulis $A B C$, $B A C$, $A C B$. Sed anguli $D A B$, $B A C$, $C A E$, æquales sunt duobus rectis, ut constat ex propos. 13. Igitur & in triangulo $A B C$, anguli $A B C$, $B A C$, $A C B$, duobus sunt rectis æquales. quod est propositum. Ex hoc autem facile concludemus, angulum externum $A C F$, si latus $B C$, sit protrahatur

31. primi.
29. primi.
2. pron.



13. primi. *tri, aequalē esse duobus internis, & oppositis ABC, BAC. Quoniam anguli ABC, BAC, ACB, aequales sunt duobus rectis, ut ostensum fuit; Sunt autem, & anguli ACF, ACB, duobus rectis aequales; Erunt anguli ABC, BAC, ACB, angulis ACF, ACB, aequales. Dempto igitur communi angulo ACB, remanebit angulus ACF, duobus angulis ABC, BAC, equalis.*

3. pron. *FACILE etiam conuerti poterit prima pars propositionis Euclidis: Hoc est, si ab vno angulo trianguli linea recta ducatur, ut angulus externus aequalis sit duobus internis, & oppositis, illam lineam esse in directum ipsi lateri constitutam. Ex C, enim ducatur CF, recta sitq; angulus ACF, aequalis duobus angulis ABC, BAC: Dico, rectas BC, CF, in directum iacere. Cum angulus ACF, aequalis sit angulis ABC, BAC; si addatur communis angulus ACB, erunt anguli ACF, ACB, aequales angulis ABC, BAC, ACB: Sed ABC, BAC, ACB, aequales sunt duobus rectis. Igitur & anguli ACF, ACB; duobus erunt rectis aequales. Quare BC, CF, vnā lineam rectam constituent.*

2. pron. *Quot angulis rectis æquiualeant anguli omnes interni cuiuscung; figuræ rectilineæ.*

32. primi. *Dvobus modis ex hac propos. 32. colligemus, quot nam rectis angulis æquiualeant interni anguli figuræ cuiuslibet rectilineæ, quorum primus hic est.*

14. primi. *Omnes anguli figuræ rectilineæ cuiusuis sunt æquales bis tot rectis angulis, quota ipsa est inter figuras rectilineas.*

Hoc est, omnes anguli primæ figuræ rectilineæ aequales sunt bis vni recto, id est, duobus rectis; Anguli vero secundæ figuræ rectilineæ aequales sunt bis duobus rectis, nempe quatuor rectis; Anguli autē tertiæ figuræ rectilineæ aequales sunt bis tri-

QVOT ANGVLVIS RECTIS
 æquiualeant anguli omnes interni
 cuiuscung; figuræ rectilineæ.

DVOBVS modis ex hac propos. 32. colligemus, quot nam rectis angulis æquiualeant interni anguli figuræ cuiuslibet rectilineæ, quorum primus hic est.

OMNES anguli figuræ rectilineæ cuiusuis sunt æquales bis tot rectis angulis, quota ipsa est inter figuras rectilineas.

Hoc est, omnes anguli primæ figuræ rectilineæ aequales sunt bis vni recto, id est, duobus rectis; Anguli vero secundæ figuræ rectilineæ aequales sunt bis duobus rectis, nempe quatuor rectis; Anguli autē tertiæ figuræ rectilineæ aequales sunt bis tri-

bis tribus rectis, sex videlicet rectis; Et sic de reliquis. Eum autem locum qualibet figura rectilinea obtinet inter figuras rectilineas, quem indicat numerus laterum, seu angulorum, dempto binario; quoniam duæ lineæ rectæ superficiem non concludunt, unde neque figuram constituunt, sed cum minimum tres rectæ lineæ ad figuræ constitutionem requiruntur; Atque ita triangulum, quia habet tria latera, totidemque angulos, erit prima inter rectilineas figuras. Nam binario dempto ex tribus relictur unum; sic erit figura habens 20. latera seu angulos, inter figuras rectilineas decima octava, cum binarius subtractus a 20. relinquat 18. Idem iudicium de alijs figuris est habendum. Itaque figura contenta 20. lateribus, cum sit decima octava, habebit 20. angulos æquivalentes 36. rectis angulis, nempe bis 18. angulis rectis, ut dictum est. Ita quoque omnes 10. anguli figuræ 10. lateribus contentæ, æquivalent 16. angulis rectis, cum talis figura sit octava inter rectilineas figuras. Hoc autem hac ratione demonstrabitur. Omnis figura rectilinea in tot triangula dividitur, quot ipsa est inter figuras, seu quot ipsa habet angulos laterum, binario dempto. Nam a quolibet angulo ipsius ad omnes angulos oppositos duci possunt lineæ rectæ, & solum ad duos propinquos angulos non possunt duci: Quare in tot triangula distribuetur, quot ipsa habet angulos, demptis duobus illis angulis. Sic vides, triangulum non posse dividi in alia



triangula; quadrangulum vero in duo secari; quinqueangulum in tria; sexangulum in quatuor, &c. Cum igitur anguli horum triangulorum constituunt omnes angulos rectilineæ figuræ propositæ, & omnes anguli cuiuslibet trianguli æquales sint duobus rectis; perspicuum est omnes angulos figuræ cuiusvis rectilineæ æquales esse bis tot rectis, in quot triangula dividitur; hoc est, quot ipsa est inter rectilineas figuras; Quod quidem manifeste perspicitur in propositis figuris.

Secundus modus, quo scitur valor angulorum cuiuslibet figuræ rectilineæ, hic est.

OMNES anguli figuræ rectilineæ cuiusvis, æquales sunt bis tot, rectis angulis, dem-

32. primis.

piis

ptis quatuor, quot ipsa continet latera, seu angulos.

Hoc est, anguli cuiuslibet trianguli, aequales sunt bis tribus rectis, demptis quatuor, nempe duobus rectis: Ita etiā anguli figurae continentis 20. latera aequivalentur bis 20. angulis rectis, minus quatuor, nimirum 36. rectis angulis, &c.



Demonstratio autē huius rei talis est. Si ab aliquo puncto intra figurā assumpto ad om-

32. primi.

nes angulos recte linea ducantur, efficiuntur tot triangula, quot latera, angulosue, figura ipsa continet: Cum igitur anguli cuiuscunq; trianguli aequales sint duobus rectis, erunt omnes anguli illorum triangulorum aequales bis tot rectis, quot latera figuram ambiunt: At anguli circa punctum intra figuram assumptum non pertinent ad angulos figurae rectilineae propositae, ut constat. Quare si hi auferantur, erunt reliqui anguli constituentes angulos figurae propositae, bis quoq; tot rectis aequales, demptis illis circa punctum assumptum, quot latera, vel angulos continet figura: Sunt autem illi anguli circa dictū punctū aequales 4. rectis, ut collegimus ex propof. 15. Quamobrem anguli cuiusc; figurae bis tot rectis sunt aequales, ablatis quatuor, quot ipsa figura continet angulos, seu latera. quod est propositum.

33. primi.

Ex hoc porro secundo modo liquet, si singula latera figurae cuiusvis rectilineae producantur versus eandem partem, omnes angulos externos aequales esse quatuor rectis. Nam quilibet externus, & illi deinceps internus, aequantur cum duobus rectis, atq; adeo omnes externi una cum omnibus internis aequales erunt bis tot rectis, quot latera, angulosue figura continet. Sunt autem & soli interni bis tot rectis aequales, minus quatuor, ut demonstrauimus: Si igitur interni auferantur, remanebunt externi quatuor rectis aequales, qui nimirum desunt internis angulis, ut interni, & externi simul bis tot rectos conficiant, quot latera figuram propositam ambiunt.



Exemplum In triangulo quouis, anguli interni & externi simul aequales sunt sex rectis; Cum igitur interni du-

bus sint

bus sint rectis æquales, erunt soli externi æquales quatuor rectis. In quadrilatero, anguli externi, & interni simul æquales sunt octo rectis: Cum igitur interni soli æquales sint quatuor rectis, erunt & soli externi quatuor rectis æquales. In pentagono, seu quinquangulo, anguli interni, & externi sunt æquales 10. rectis; quoniam vero interni adequantur sex rectis, remanebunt externi æquales quatuor rectis. Quæ omnia in appostitis figuris conspiciuntur; Eademq; est ratio in alijs omnibus figuris.

EX CAMPANO.

Si pentagoni singula latera producantur in partem vtramq; ita vt quælibet duo extra coeant; efficiuntur quinq; anguli ex lateribus coeuntibus æquales duobus rectis.

IN pentagono ABCDE, latera in vtrâq; partem producta coeant in punctis F, G, H, I, K. Dico quinq; angulos F, G, H, I, K. æquales esse duobus rectis. In triangulo enim BHK, cum latus HB, sit protractum ad F, erit externus angulus FBK, duobus internis, & oppositis H, K, æqualis: Eadem ratione in triangulo AIG, erit externus angulus FAG, æqualis duobus internis, & oppositis I, G. Quare duo anguli FBA, FAE, æquales sunt quatuor angulis G, H, I, K. Addito igitur communi angulo F, erunt tres anguli A, B, F, trianguli ABF, æquales quinq; angulis F, G, H, I, K. Sed anguli A, B, F, trianguli ABF, æquales sunt duobus rectis. Igitur quinq; anguli F, G, H, I, K, duobus sunt rectis æquales. Quod est propositum.



32. primi.

2. pron.

32. primi.

COROLLARIUM. I.

EX hac propof. 32. colligitur, tres angulos cuiuslibet trianguli simul sumptos æquales esse tribus angulis cuiusq; alterius trianguli simul sumptis: Quoniam tam illi tres, quam hi, æquales sunt duobus angulis rectis. Unde si duo anguli vnius trianguli fuerint æquales duobus angulis alterius trianguli, erit & reliquus illius reliquo huius æqualis, & quælibet; erunt ipsa triangula.

3. pron.

COR.

COROLLARIUM. II.

CONSTAT etiam in omni triangulo Ifofele, cuius angulus lateribus æqualibus comprehensus reëtus fuerit, quemlibet reliquorum esse femirectum; Nam reliqui duo simul conficiunt unum reëtum. Quod si angulus æqualibus lateribus contentus fuerit obtulus, quemlibet aliorum esse femirecto minorem; Reliqui enim duo simul minores erunt vno reëtto. Si deniq; dictus angulus extiterit acutus, vtrumq; reliquorum maiorem esse femirecto; Quoniam reliqui duo simul maiores, erunt vno reëtto.

COROLLARIUM. III.

PERSPICVVM quoq; est, quemvis angulum trianguli æquilateri esse duas tertias partes vnus reëtii; Vel tertiam partem duorum reëtiorum. Duo enim anguli reëtii, quibus æquales sunt tres anguli trianguli æquilateri, diuisi in tres angulos, faciunt duas tertias partes vnus reëtii.


COROLLARIUM. IIII.

LIQVET etiam, si ab vno angulo trianguli æquilateri perpendicularis ad latus oppositum ducatur, constitui duo triangula scalena, quorum vnumquodq; habet vnum angulum reëtum, prope perpendicularem; alium duas tertias partes vnus reëtii, illum scilicet, qui est & angulus trianguli æquilateri; reliquum deniq; tertiam partem vnus reëtii.

SCHOLIUM.

PORRO ex tertio corollario depromi potest methodus, qua angulus reëtus in tres angulos æquales diuidatur. Sit enim angulus reëtus ABC . Super reëtiam AB , constituatur triangulum æquilaterum ABD . Et quia per corollarium 3. angulus ABD , facit duas tertias partes anguli reëtii ABC ; erit angulus CBD , pars tertia eiusdem reëtii. Diuiso igitur angulo ABD , bifariam, per reëtiam BE , erit vterque angulus ABE , EED , tertia quoque pars reëtii. Quare reëtus angulus ABC , diuisus est in tres angulos æquales. Quod est propositum.

1. primi.




9. primi.

THEOR. 23. PROPOS. 33. 33.

RECTAE lineæ, quæ æquales, & parallelas lineas ad partes easdem coniungūt; Et ipsæ æquales, & parallelæ sunt.

SINT rectæ lineæ A B, C D, æquales, & parallelæ; Ipsas autem coniungant ad easdem partes rectæ A C, B D. Dico A C, B D, æquales quoque esse, & parallelas. Ducatur enim recta A D. Quoniam igitur A D, incidit in parallelas A B, C D, erunt anguli alterni B A D, C D A, æquales; Quare cum duo latera B A, A D, trianguli B A D, æqualia sint duobus lateribus C D, D A, trianguli C D A, utrumque utriusque, & anguli quoque dictis lateribus inclusi æquales; erunt bases B D, A C, æquales, & angulus A D B, angulo D A C, æqualis. Cum igitur hi anguli sint alterni inter rectas A C, B D, erunt A C, B D, parallelæ: Probatur autem iam fuit, easdem esse æquales. Rectæ ergo lineæ, quæ æquales, & parallelas lineas, &c. Quod erat demonstrandum.



29. primi.

4 primi.

27. primi.

SCHOLIUM.

DIXIT Euclides, lineas æquales, & parallelas ad easdem partes debere coniungi, ut coniuergentes sint & æquales & parallelæ. Nam si ad partes diuersas coniungerentur, ut ad A, & D; Item ad B & C, neque coniuergentes essent parallelæ unquam, sed perpetuò se mutuo secarent; neque essent æquales, nisi raro admodum, ut ex sequenti propositione constabit.


THEOR. 24. PROPOS. 34. 34.

PARALLELOGRAMMORVM spatiorum æqualia sunt inter se, quæ ex
aduerso

aduerso & latera, & anguli; atq; illa bifaria
secat diamteer.

SI T parallelogrammum $ABCD$, quale definiuimus
definitione 35. Dico latera opposita AB, DC , inter se esse
æqualia, nec non latera opposita AD, BC : Item angulos
oppositos B, D , & D, B , æquales inter se esse, nec non angulos op
positos $DAB, & DCB$: Deniq; ducta diametro AC , pa
rallelogrammum ipsum bifariam secant. Cum enim $AB,$
 DC , sint parallele, erunt anguli alterni

29. primi.
29. primi.



BAC, DCA , æquales. Rurs^o quia AD, BC ,
sunt parallele, erunt & anguli alterni $BCA,$
 DAC , æquales. Itaq; cum duo anguli

BAC, BCA , trianguli ABC , æquales sint duobus angu
lis DCA, DAC , trianguli ADC , uterq; utriq; & latus
 AC , dictis angulis adiacens commune utriq; triangulo; erit

26. primi.

recta AB , æqualis oppositæ rectæ DC , & recta BC , oppo
sitæ rectæ AD . quod est primum. Erit rursus eadem de
causa angulus B , angulo D , equalis. Et quia si equalibus

2. pron.

angulis BAC, DCA , addantur æquales anguli $BCA,$
 DAC , toti quoq; anguli BAD, BCD , sunt æquales;
constat secundum, angulos nimirum oppositos esse æqua
les. Quoniam vero duo latera AB, BC , trianguli ABC

4. primi.

æqualia sint duobus lateribus CD, DA , trianguli CDA ,
videlicet utriq; & angulus B , angulo D , equalis, ut iam
ostendimus; erunt triangula ABC, CDA , æqualia, ideoq;
parallelogrammum $ABCD$, diuisum bifariam a diametro
 AC , quod tertio proponebatur. Parallelogrammorum
igitur spatorum æqualia sunt inter se, quæ ex aduerso &c.
Quod ostendendum erat.


SCHOLION.

APPOSITE dixit Euclides, solummodo parallelogram
mum a diametro diuidi bifariam, non autem & angulos. In
Quadrato enim, & Rhombo diatayat, anguli etiam bifariam
diuiduntur a diametro: At in figura Altera a parte longiori, &
in Rhomboide in partes inæquales. Quæ omnia perspicua erunt,
si prius ostenderimus, quatuor hæcæ figuras, Quadratum,
Altera

Altera parte longias, Rhombum, & Rhomboidem, esse parallelogramma. Hoc autem demonstrabimus tribus sequentibus theorematibus, quorum primum est.

OMNE quadrilaterum habens latera opposita æqualia, est parallelogrammum.

SINT in quadrilatero $ABCD$, latera opposita AB , DC , æqualia; Item opposita latera AD , BC . Dico $ABCD$, esse parallelogrammum; hoc est, lineas AB , DC , esse parallelas; Itemq; lineas AD , BC . Ducta enim diametro AC , erunt duo latera AB , BC trianguli ABC , æqualia duobus lateribus CD , DA trianguli CDA , utrumque utrique, & basis AC , communis; igitur erit angulus B , angulo D , æqualis. Rursus quia latera AB , BC , æqualia sunt lateribus CD , DA , utrumque utrique, & anguli B , D , ostensi æquales; erit angulus BAC , angulo DCA , alterno æqualis, & angulus BCA alterno angulo DAC . Quare erunt AB & DC , parallela; Item AD ,



& BC , quod est propositum.

8. primi

4. primi


27. primi

HINC constat, Rhombum, & Rhomboidem esse parallelogramma; quoniam opposita eorum latera sunt inter se æqualia, ut manifestum est ex eorum definitionibus. Pari ratione quadratum, parallelogrammum erit, quod latera opposita habeat æqualia. Sunt enim omnia quatuor eius latera inter se æqualia, per eius definitionem. Converterit autem hoc theorema primam partem propositionis 34 ut patet.

Secundum theorema tale est.

OMNE quadrilaterum habens angulos oppositos æquales, est parallelogrammum.

SINT in quadrilatero $ABCD$, anguli oppositi A , & C , æquales; Item oppositi anguli B , & D . Dico $ABCD$, esse parallelogrammum; hoc est, lineas AB , DC esse parallelas; Itemq; lineas AD , BC . Nam si æqualibus angulis A , & C , addantur æquales anguli B , & D , erunt duo anguli A , & B , duobus angulis D , & C , æquales, & idcirco anguli A , & B , dimidium facient quatuor angulorum A , B , C , & D . Cum igitur hi quatuor æquales sint quatuor rectis, ut ad propos. 32. demon-




2. pron.

H. firavimus,

28. primi

frauimus, erunt duo $A, \& B$, duobus rectis aequales. Quare $A D, B C$, parallelae sunt. Eadē ratione erunt $A B, D C$, parallelae. Erunt. n. duo quoq; anguli $A, \& D$, duobus angulis $B, \& C$, aequales, &c. Quod est propositum. Ex hoc etiā manifestum est, Rhomboidem esse parallelogrammum, cum eius anguli oppositi aequales sint, per definitionem. Similiter quadratum, & altera parte longius. Sunt enim & eorum anguli oppositi aequales, cum sint recti, ex eorum definitionibus.

Hoc theorema conuertit secundam partem propositionis 34. ut constat. Tertia autem pars non potest conuerti. Nam & trapezium aliquod bisariam secari potest a diametro, & tamen non est parallelogrammum. Sit enim altera parte longius, uel Rhomboides $A B C D$, quod parallelogrammum esse ostensum est; in quo ducta diametro $A C$, constituatur super $A C$, triangulum $A B C$, aequale triangulo $A E C$, inuerso ordine, ita ut latus $C E$, sit aequale lateri $A B$, & $A E$, ipsi $C B$, fiatq; trapezium $A E C D$. Quoniā uero



34. primi

quod diameter $A C$, bisariam secet parallelogrammū $D B$. Erit et triangulū $A E C$, triangulo $A D C$, aequale: Ac proinde trapezium $A E C D$, bisariam diuidetur a diametro $A C$.

Q U O D si quadrilaterum aliquod diuidatur bisariam ab utraque diametro, illud parallelogrammum erit, ut ostendemus ad propos. 39. Quod quidem in nullo trapezio fieri potest.

Tertium Theorema huiusmodi est.

O M N E quadrilaterum habens omnes angulos rectos, est parallelogrammum.

28. primi

S I N T in quadrilatero $A B C D$, omnes quatuor anguli recti; Dico ipsum esse parallelogrammum; hoc est, lineas $A B, D C$, esse parallelas; Itemque $A D, B C$. Quoniam duo anguli $A, \& B$, aequales sunt duobus rectis, cum sint duo recti; erunt $A D, B C$, parallelae. Eodem modo erunt $A B, D C$, parallelae; atque adeo $A B C D$, parallelogrammum, quod est propositum.



H I N C rursus constat, Quadratum, & Altera parte longius

gius, esse parallelogramma, cum eorum anguli omnes existant recti, ut liquet ex eorum definitionibus.

Hic in hunc modum demonstratis, Quadratum scilicet, Altera parte longius, Rhombum, & Rhomboidem esse parallelogramma, facile ostendemus angulos Quadrati, & Rhombi, bifariam secari a diametro; Angulos uero figure Altera parte longioris, & Rhomboidis, non bifariam, ut paulo ante monuimus. Sit enim Quadratum, uel Rhombus $ABCD$, in quo diameter AC . Quonia igitur duo latera BA, AC , trianguli BAC , equalia sunt duobus lateribus DA, AC , trianguli DAC , utrumque utriusque, & basi BC , basi DC ; (sunt enim he figure equilatera) erunt anguli BAC, DAC , aequales; Quare angulus BAD , diuiditur bifariam. Eodem modo demonstrabimus, reliquos angulos bifariam secari a diametro.

Sit rursus, Altera parte longius, uel Rhomboides; $ABCD$, in quo diameter AC , sitq; A maius latus AB . Quoniam igitur in triangulo ABC , latus AB , maius est latere BC , erit angulus BCA , maior angulo BAC : Est autem angulus BCA , equalis angulo DAC , alternos; quod BC, AD paralela sint. (Est enim $ABCD$, ostensum esse parallelogrammum.) Igitur & angulus DAC , maior erit angulo BAC . Atque propterea angulus BAD , inequaliter diuiditur a diametro AC . Eadem est ratio aliorum angulorum. Quamobrem apposite Euclides in tertia parte huius propositionis dixit, solum parallelogramma bifariam a diametro secari, non autem & angulos.

Eodem fere pacto ostendemus, duas diametros in Quadrato, & Altera parte longiore aequales esse; At uero in Rhombo, & Rhomboidem inaequales, maiore quidem eam qua angulos acutos, minore uero eam, qua obtusos angulos disperit. Sit. n. quadratum, uel altera parte longius $ABCD$, in quo diametri AC, BD , quas dico esse aequales. Cu n. duo latera AB, BC , trianguli ABC , equalia sint duobus lateribus AB, AD , trianguli BAD ,



8. primi

18. primi

29. primi

4. primi

BAD, utrumque utrique, & angulus ABC, angulo BAD, quia uterque rectus; Erit basis AC, basi BD, equalis: Ac proinde diametri in quadrato, & figura altera parte longiore aequales sunt.

29. primi

SIT rursus Rhombus, vel Rhomboides, ABCD. in quo diametri AC, BD, sitq; angulus BAD, maior; ABC, minor. Non enim aequales sunt, quia alias uterque esset rectus, cum ambo aequales sint duobus rectis; quod est absurdum, & contra de-



24. primi

fnitiones Rhombi, & Rhomboidis. Dico diametrum BD, maiorem esse diametro AC. Quoniam duo latera AB, AD, trianguli BAD, equalia sunt duobus lateribus AB, BC, trianguli ABC, utrumque utrique, & angulus BAD, angulo ABC, maior existit; erit basis BD, maior base AC. quod est propositum. Ex quo manifestum est, cur in propositione 37. Euclidis asseruerit, eas tantum lineas que coniungunt parallelas aequales ad easdem partes, aequales esse, ut ibidem annotavimus. Nam in Rhombo, & Rhomboides recta AC, BD, inaequales sunt, licet coniungant parallelas AB, DC, quia non ad easdem partes ipsas coniungunt, ut perspicuum est.

29. primi

IN omni tamen parallelogrammo diametri se mutuo bifariam diuidunt. Cum enim duo anguli EAD, EDA, trianguli AED, aequales sint alternis angulis ECB, EBC, trianguli BEC, uterque utrique; & latus AD, aequale lateri BC, opposito; Erit, & AE recta recta CE, & recta DE, recta BF, equalis. Quare utraque diameter bifariam diuiditur in puncto E.

34. primi

26. primi


HVIS autem, quod modo diximus, conuersum etiam demonstrabimus, nimirum.

OMNE quadrilaterum, in quo diametri se mutuo bifariam diuidunt, parallelogrammum est.

IN quadrilatero enim ABCD, diametri AC, BD, se mutuo bifariam diuidant in E. Dico ABCD, parallelogrammum esse. Cum enim latera AE, EB trianguli AEB, equalia sint lateribus CE, ED, trianguli CED; & anguli con-

ueni

centi ad verticem E, æquales quoque:
 Erunt & bases ABCD æquales, &
 angulus ABE, angulo alterno CDE,
 æqualis. Quare rectæ AB, CD, pa-
 rallelæ sunt. Eadem ratione paralle-
 læ ostendentur AD, CB. Parallelogrammum ergo est ABCD.
 HVC quoque referri potest hoc theorema.



RECTA linea secans diametrum parallelo-
 grammum bifariam quomodocunque, dividit
 parallelogrammum bifariam quoque: & recta
 linea diuidens parallelogrammum bifariâ quo-
 uis modo, secat quoque diametrum bifariam.

IN parallelogrammo ABCD, diametrum AC, bifariâ
 secet recta EF, in puncto G; Dico parallelogrammum diuidi
 bifariam. Quoniam angulus EAG, æqualis est angulo al-
 terno FCG, & angulus EGA, angulo FGC, Est autem &
 latus AG, lateri CG, æquale per hypothesin; Erunt & late-
 ra EG, FG, æqualia. Quare cum late-
 ra AG, GE, æqualia sint lateribus CG,
 GF, & anguli quoque contenti æquales;
 erunt triangula AGE, CGF, æqualia.
 Addita igitur communi quantitate BC
 GE, erit triangulum ABC, trapezio BCFE, æquale; Sed
 triangulum ABC, dimidium est parallelogrammi ABCD,
 Igitur & trapezium BCFE, dimidium erit eiusdem paral-
 lelogrammi, ideoque recta EF, parallelogrammum bifariâ secat.

SECRET iam EF, parallelogrammum bifariam; Dico,
 & diametrum AC, bifariâ secari in G. Si enim non bifa-
 riam diuiditur in G, diuidatur bifariam in alio puncto, ut in
 H, per quod ducatur recta EHI; Eratque, ut iam demon-
 strauimus, EICB, trapezium dimidium parallelogrammi
 ABCD. atque adeo æquale trapezio EFCB quod etiam
 dimidium ponitur eiusdem parallelogrammi, pars terti, quod
 est absurdum. Diuiditur igitur AC, bifariam in G, & non
 in alio puncto. quod erat propositum.

HINC facile colligitur, si in latere aliquo parallelogra-
 mi cuiusque punctum signetur, vel etiam intra parallelogra-

15. primi

4. primi

27. primi

25. primi

15. primi

26. primi

4. primi

2. pron.

34. primi

10. primi

mū, vel extra, quod tamē non sit in diametro, nisi ipsum secet dia-
metrū bifariā; qua ratione ab illo puncto li-
nea duci debeat, q̄ parallelogrāmū bifariā
secet. Si enim diameter ducatur, & a pun-
cto dato per medium punctum diametri re-
cta ducatur, factum erit, quod proponitur.

Vt si punctum sit E, in latere AB, ducenda est recta EF, per
G punctum, in quo diameter AC, bifariam dividitur; & sic
de alijs punctis.

DEMONSTRAT quoque hic Peletarius problema non
iniucundum. videlicet.


INTER duas lineas rectas infinitas angulum
facientes, lineam rectam datæ lineæ æqualem
collocare, quæ cum altera illarū faciat angulum
cuius angulo dato æqualem. Oportet autem
hunc angulum datum cum illo, qui lineis datis
continetur, minorem esse duobus rectis.

DV AB recte infinite AB, AC, contineant angulū BAC,
sitq; data recta finita quæcunque D, & angulus datus E, hac
lege, in duo anguli E, & BAC, minores sint duobus rectis:

Oportet igitur inter rectas AB, AC, collo-
care rectam æqualem quidem: est D, cū
alterutra uero illarum, nimirū cum AC,
facientem angulum æqualem angulo dato
E. Fiat angulus CAF, æqualis angulo E,

& producta FA, ad G, sit AG, æqualis rectæ D; & per G,
ducatur GB, parallela ipsi AC, secans AB, in B: Deinde
per B, ducatur BC, parallela ipsi AG, secans AC, in C. Di-
co rectam BC, collocatam inter rectas AB, AC, æqualem
esse rectæ D, angulumq; BCA, angulo E. Cum enim paralle-
logrammum sit, per constructionem, ACBG, erit recta BC,
rectæ GA, æqualis; At GA, æqualis est, per constructionē,
rectæ D; Igitur & BC, rectæ D, æqualis erit. Rursus quia
angulus BCA, angulo alterno CAF, æqualis est; & eidem
angulo CAF, æqualis est, per constructionem, angulus E;
erunt anguli E, & BCA, æquales. Quod est propositum.

Ceterum



23. primi.

3. primi

31. primi

34. primi.

32. primi


29. primi.

Ceterum ex constructione manifestum esse cuilibet potest, cur duo anguli dati minores esse debeant duobus rectis. Nam alias non fieret triangulū ABC , si anguli BAC , & BCA , æquales essent duobus rectis, vel maiores, ut constat ex propos. 17. nel 32.

EX PROCLO.

IN omni figura rectilinea latera habens numero paria, si quidem fuerit æquilatera, & æqui angula; erunt duo quælibet latera opposita, parallela inter sese.

LATERA opposita dicuntur illa duo, quæ ex utraque parte latera habent æqualia numero; ut in hexagono $ABCDEF$, latera opposita erunt AB , & DE ; quoniam tam ad partes A , & E , duo sunt latera, quam ad partes F , & D . In octogono uero $ABCDEFGH$, latera opposita erunt AB , & FE , quia tam ad partes A , & F , tria sunt latera, quam ad partes H , & E . Et sic in alijs figuris æquilateralis parium laterum, ex utraque parte oppositorum laterum, erunt tot latera, quot sunt in dimidio




numero laterum, minus uno. Ut in quadrangulo erit unus, in hexagono erunt duo, in octogono tria, in decagono quatuor, in figura 12. laterum quinque, &c. Dico igitur duo quælibet latera opposita esse parallela; AB , nimirum ipsi ED , in hexagono; & AB , ipsi FE , in octogono, & sic de cæteris. Connectantur enim duo extrema oppositorum laterum ad easdem partes linea recta, qualis est in hexagono BD , & in octogono HE . Et quoniam, ut in 22. propos. demonstrauius, sex anguli hexagoni æquales sunt octo rectis, erunt tres anguli B , C , D , eisdem hexagoni æquales quatuor rectis, propterea quod omnes anguli ponuntur æquales: Sunt autem anguli BCD , $CB D$, $CD B$, trianguli BCD , duobus rectis æquales; Reliqui igitur anguli AED , $ED B$, duobus rectis æquales erunt; Quare parallela erunt AB , & ED . Rursum quia octo anguli octogoni æquales sunt duodecim rectis, erunt quatuor eius anguli B , C , D , E , sex rectis æquales, sunt autem quatuor anguli quadrilateri $BCDE$, æquales quatuor rectis; igitur duo reliqui anguli $A B E$, $F E B$, duobus erunt rectis æquales, adeo AB , FE , parallela erunt. Eodẽ modo demonstrabitur in omnibus si in

32. primi
38. primi
48. primi

H 4 figuris

figuris huiusmodi angulos duos ad lineam rectam extremam oppositorum laterum coniungentem existentes, duobus esse rectis aequales. Nam



in decagono autem ea linea aequales sunt sex rectis; At quinq; anguli decagoni aequales sunt octo rectis: Ab his igitur sex, relinquuntur duo recti. In figura aequilatera, & aequiangula duode-


cim laterum, eadem linea abscindet hexagonum, cuius anguli sunt octo rectis aequales; At sex anguli totius figure aequales sunt decem rectis; demptis igitur octo, remanent duo recti, &c.

Quamvis autem omnis figura aequiangula parium laterum habeat latera opposita parallela, ut ostendimus; tan- en sola quadrilatera figura latera opposita habens parallela, ab Euclide, & alij Geometris parallelogrammum dici consuevit, propter eaque in definitionibus. Parallelogrammum diximus esse figuram quadrilateram, &c.

35. THEOR. 25. PROPOS. 35.

PARALLELOGRAMMA super eadem basi, & in eisdem parallelis constituta, inter se sunt aequalia.

INTER duas parallelas AB, CD, super basi CD, existant duo parallelogramma CDEA, CDBF; (Ducuntur autem parallelogramma in eisdem esse parallelis quando duo latera opposita partes sunt parallelarum, ut in exemplo proposito cernitur.) Dico ipsa inter se esse aequalia, non quoad angulos & latera, sed quoad aream, seu capacitatem. Cadat enim primo punctum F, inter A, & E. Quoniam



34. primi

- 1. pron.
- 3. pron.
- 37. primi
- 29. primi
- 4. primi

igitur in parallelogrammo CDEA, recta AE aequalis est rectae CD oppositae; & eidem CD aequalis est FB, in parallelogrammo CDBF; Erunt A E, F B, inter se aequales: Dempta igitur communi FE, remanebit AF, ipsi EB, aequalis: Est autem & AC, ipsi ED, aequalis in parallelogrammo CDEA, & angulus BED, angulo FAC, externus interno. Quare triangulum FAC, triangulo BED, aequale erit: Addito igitur communi tra-

pezio

per o $CDEF$, fiet totum parallelogrammum $CDEA$, toti parallelogrammo $CDBF$ æquale. Quod est propositum.

CADAT secundo punctum F , in punctum E ; Dico rursus, parallelogramma $CDEA$, $CDBE$, æqualia esse. Erunt enim ut prius, rectæ AE , EB , æquales, atque adeo triangula EAC , BED , æqualia. Addito igitur cõmuni triangulo CDE , fiet parallelogramma $CDEA$, $CDBE$, æqualia.

CADAT tertio punctum F ultra E , ita ut recta CF , fecerit rectam DE , in G . Quoniam igitur, ut prius, rectæ AE , FB , sunt æquales; si communis addatur EF , erit tota AF , toti EB , æqualis, atque adeo triangulũ FAC , triangulo BED , æquale.


Ablato ergo cõmuni triangulo EGF , remanebit trapezium $AEGC$, trapezio $FGDB$ æquale. Quocirca addito cõmuni triangulo CDG , fiet totum parallelogrammum $CDEA$ toti parallelogrammo $CDBF$, æquale. Parallelogramma igitur super eadem basi, & in eisdem parallelis constituta, inter se sunt æqualia. Quod erat demonstrandum.

SCHOLIUM.

CONVERTEMVS facile hanc propositionem, hoc modo.

PARALLELOGRAMMA æqualia super eandem basin, ad easdemque partes constituta, erunt inter easdem parallelas.

SINT duo parallelogramma æqualia $ABCD$, $CDEF$, super eandem basin CD , & ad easdem partes. Dico rectam AB productam, in directũ iacere ipsi EF , & propterea ipsa parallelogramma inter easdem esse parallelas. Aliis enim AB , producta vel calet infra EF , vel supra; Cadat primo infra, qualis est AH . Erunt igitur parallelogrammum $CDGH$, æquale parallelogrammo $ABCD$; Ponitur



2. pron.

4. primi

2. pron.

2. pron.

4. primi


3. pron.

2. pron.

35. primi
autem

1. pron. autem eidem parallelogrammo $ABCD$, æquale parallelogrammum $CDEF$; Quare parallelogramma $CDEF$, $CDHG$, æqualia erunt, totum, & pars, quod est absurdum. Non ergo cadet AB , infra EF .

$CADAT$ secundo AB , producta supra EF . Cadet igitur FE , protracta infra AB : Quare, ut prius erunt parallelogramma $ABCD$, $CDHG$ æqualia, totum et pars, quod est absurdum. Idem absurdum consequeretur, si CF , DE , producerentur usque ad AB , protractam. Eademque demonstratio conveniet omnibus casibus, qui occurrere possunt. hec est, siue punctum E , sit ultra B siue non, ut perspicuum est. Non ergo cadet AB , supra EF ; sed nec infra, ut demonstratum est, ergo producta, in directum iacet ipsa EF . ac proinde parallelogramma $ABCD$, $CDEF$, in eisdem sunt parallelis.



36.

THEOR. 26. PROPOS. 36.

PARALLELOGRAMMA super æqualibus basibus, & in eisdem parallelis constituta, inter se sunt æqualia.

SINT duo parallelogramma $ACEF$, $GHDB$, super æquales bases CE , HD , inter easdem parallelas AB , CD , Dico ea esse æqualia. Connectantur enim extrema rectarum CE , GB , ad easdem partes lineis rectis CG , EB . Quoniam igitur recta CE , æqualis ponitur rectæ HD , & eidem HD , æqualis est GB . Erunt CE , GB , æquales inter se; sunt autem & parallelæ, per hypothesein: Quare & CG , EB , ipsas coniungentes parallelæ erunt, & æquales, ideoque CEB , parallelogrammum erit. Itaque cum parallelogramma $ACEF$, $GCEB$, sint inter easdem parallelas, & super eandem basin CE , erit parallelogrammum $ACEF$, parallelogrammo $GCEB$, æquale. Rursus quia parallelogramma $GCEB$, $GHDB$, sunt inter easdem parallelas, & super eandem basin GB , erit quoque parallelogrammum $GHDB$.



34. primi

1. pron.

33. primi.

35. primi.

G H D B, eidem parallelogrammo G C E B, æquale . Quare & parallelogramma A C E F , G H D B, inter se æqualia erũt . Parallelogramma igitur super æqualibus basibus, &c. Quod ostendendum erat.

35. primi.
1. pron.

S C H O L I O N .


CONVERSVM huius theorematís duplex est, ad hũc modum.

PARALLELOGRAMMA æqualia sup ba ses æquales, & ad eadem partes constituta, inter easdem sunt parallelas : Et parallelogramma æqualia inter easdem parallelas, si non eandem habuerint basin, super æquales bases sunt constituta .

S I N T primo duo parallelogramma æqualia A B C D, E F G H, super bases æquales B C, F G, & ad easdem partes constituta; Dico ea esse inter easdem parallelas, hoc est, A D, protractam coire in directum cum E H. Nam alias caderet aut infra E H, aut supra. Quo posito sequitur, totum et partem esse æqualia, quæ admodum in conuersa precedentis propositionis est dictum, & figura facile commonstrat. Intelligenda sunt autem bases æquales datæ in eadem linea recta B G.



S I N T secundo eadem parallelogramma æqualia inter easdem parallelas A H, B G. Dico bases B C, F G, esse æquales. Si enim altera, nempe B C, dicatur maior, abscindatur B I, æqualis rectæ F G, & ducatur I K, parallela ipsi C D: Erũtq; parallelogrammum A B I K, æquale parallelogrammo E F G H; & ideo parallelogrammo A B C D, pars toti. quod est absurdum. Non ergo B C, maior est, quam F G. Eadem ratione neque minor erit. Quare bases B C, F G, æquales sunt.



3. primi
31. primi.
36. primi

THEOR. 27. PROPOS. 37.
TRIANGVLA super eadẽ basicõsti-

37.

tuta, & in eisdem parallelis, inter se sunt æqualia.


INTER parallelas AB, CD, & super basin CD, sint constituta duo triangula ACD, BCD. (Dicitur autē triangulum inter duas esse parallelas constitutum, quando basis est pars unius, & angulus oppositus alteram tangit.) Dico ea esse æqualia. Per D, enim ducatur DE, parallela rectæ AC, & DF parallela rectæ BC. Erunt igitur parallelogrāma ACDE, ACDF æqualia; Sunt enim super eandem basim CD, & inter easdem parallelas: Sed horum disoidia sunt triangula ACD BCD; quod AD BE diametri bisariam fecerit parallelogramma ACDE, BCDF igitur & triangula ACD, BCD, æqualia erunt. Triangula igitur super eadem basi, &c. Quod erat demonstrandum.

31. primi.

35. primi


34. primi

7. pron.



SCHOLION.

CONVERSA huius propositionis demonstrabitur ad Euclide propos 39. Porro ex hac propositione facile cum Propo demonstrabimus, Triangula quorū duo latera unius æqualia sint duobus lateribus alterius, utrumque utriusque, & angulus unius illis lateribus contentus maior angulo alterius, ali quando esse æqualia, & aliquando inæqualia; Id, quod in propos, 24. polliciti sumus. Sint enim duo triangula ABC, DEF, & latera AB, AC æqualia lateribus DE, DF, & angulus A, maior angulo EDE, sintque primo hi duo anguli duobus rectis æquales: Dico triangula esse æqualia. Producatur enim ED, ad H, & FD, ad I. sicut angulus EDG, æqualis angulo A, & rectæ DG, rectæ DF, seu AC; ducanturque rectæ EG, GF. Quoniam igitur duo anguli A, & EDF, ponuntur æquales duobus rectis, & angulus EDG, æqualis est angulo A; erunt & anguli EDG, EDF, duobus rectis æquales: Sunt autem & anguli




23. primi

guli EDG, EDF, duobus rectis æquales: Sunt autem & anguli

anguli EDG GDH, duobus rectis aequales; Igitur anguli EDG, EDF, aequalis EDG, GDH, aequales erunt: Quare ablato communi angulo EDG, remanebit angulo EDF, aequalis angulus GDH: Est autem eidem angulo EDF, aequalis angulus HDI; Igitur & anguli GDH, HDI, aequales erunt, atque adeo angulus GDH, dimidium erit totius anguli GDI. Rursus quia latera DF DG, sunt aequalia in triangulo DFG; erunt anguli DFG, DGF, aequales; qui cum aequales sint externo angulo GDI, erit uterlibet eorum, nempe DGF, dimidium anguli GDI: Ostensum est autem, angulum GDH, dimidium quoque esse eiusdem anguli GDI: Quare anguli GDH, DGF, aequales erunt. Et quia sunt alterni inter EH, FG; erunt EH, FG, parallelae. Quamobrem triangula DEG, DEF, aequalia erunt, cum habeant eandem basim DE, sinique inter easdem parallelas DE, FG. Quoniam vero triangulum DEG, aequale est triangulo ABC, propterea quod latera DE, DG, aequalia sunt lateribus AB, AC, & angulo A, angulus EDG; erit & triangulum ABC, triangulo DEF, aequale, quod est propositum.

SINT secundo anguli A, & EDF, duobus rectis maiores; Dico triangulum ABC, quod maiorem habet angulum, minus esse triangulo DEF.

Producatur enim ED, ad H, & FD, ad I, fiatque angulus EDG, aequalis angulo A, & recta DG, recte DF, seu




AC, aequalis, ducanturque recte EG, GF. Quoniam igitur anguli A, & EDF, ponuntur maiores duobus rectis, erunt & anguli EDG, EDF, duobus rectis maiores; Sunt autem anguli EDG, GDH, aequales duobus rectis; Igitur anguli EDG, EDF, maiores sunt angulis EDG, GDH; Quare ablato communi EDG, remanebit angulus EDF, maior angulo GDH. Quoniam uero angulus EDF, angulo HDI, aequalis est, erit quoque HDI, maior quam GDH; atque adeo GDH minor quam dimidium anguli GDI. Rursus quia latera DG, DF, aequalia sunt, erunt anguli DFG, DGF, aequales; qui cum sint aequales externo GDI, erit uterlibet eorum,

13. primi
3. pron.
15. pri m:
5. primi
32. primi
27. primi
7 primi
4 primi
23 primi
3. primi
13. primi
15. primi
5 primi
32. primi

eorum,

eorum, nempe DGF, dimidium anguli GDI: Ostensum est autem, angulum GDH, minorem esse dimidio eiusdē GDI;

Quare DGF, maior erit, quam GDH. Abscindatur ex angulo DGF, angulus DGK, equalis angulo alterno GDH: Erit ergo GK, parallela ipsi



23. primi.

27. primi.

DE, secabitq; GK, rectā EF. Ducatur ex D, ad K, ubi GK, secat rectam EF, recta DK. Erit igitur triangulum DEG, equale triangulo DEK. Quoniam autem triangulum DEG, equale est triangulo ABC, propterea quod latera DE, DG equalia sunt lateribus AB, AC, & angulo A, angulus EDG, erit & triangulum ABC, triangulo DEK, equale. Cum igitur DFK, minus sit triangulo DEF, erit quoque ABC, triangulum triangulo DEF, minus: Quod est propositum.


37. primi

4. primi

9. pron.

SINT rectio anguli A, & EDF, duobus rectis minorer: Dico triangulum ABC, quod maiorem habet angulum, maius esse triangulo DEF. Producatur ED, ad H & FD, ad I, fiatq; angulus EDG, equalis

23. primi



angulo A, & recta DG, recta DF, seu AC; ducanturq; recte EG, GF. Quoniam igitur anguli A, & EDF, ponuntur minores duobus rectis, erunt quoque anguli EDG, EDF,

13. primi

15. primi

duobus rectis minores. Sunt autem anguli EDG, GDH, duobus rectis aequales; Igitur EDG, EDF, minores sunt, quam EDG, GDH; demptoq; communi EDG, remanebit EDF, minor, quam GDH; Est vero EDF, equalis ipsi HDI. Quare & HDI, minor erit quam GDH, atque adeo GDH, maior est dimidio anguli GDI. Quoniam autem DGF, dimidium est eiusdē anguli GDI, ut iam supra ostensum fuit, erit GDH, maior, quam DGF: Fiat igitur angulus DGK, equalis angulo GDH, ducta recta GK, q̄ secabit rectam EF, protractā in K, & ducatur recta DK: Eritque, ut prius, GK, parallela ipsi DE, triangulumq; DEG, triangulo DEK, equale: Est autem iterum DEG, aequale ipsi ABC. Igitur & ABC, aequale est ipsi DEK; Quocirca cum DEK, ma-

27. primi

37. primi

4. primi

9. pron.

ius

ius sit quam DEF; erit & ABC, maius, quam DEF;
 Quod demonstrandum erat.

Ex his perspicuum est, cur Euclides in propos. 24. solum
 collegerit inaequalitatem basium, non autem triangulorum, ut
 ibidem admonuimus.

THEOR. 28. PROPOS. 38.

38.

TRIANGULA super aequalibus ba-
 sibus constituta, & in eisdem parallelis, in-
 ter se sunt aequalia.


INTER parallelas AB, CD, & super aequales bases
 CE, FD, sint constituta triangula ACE, BFD. Di-
 co ipsa esse aequalia. Ducatur. n. EG, pa-
 rallela ipsi AC, & DH, ipsi BF; Eruntq;
 parallelogramma ACEG, BFDH, a-
 equalia. Cum igitur horum dimidia sint
 triangula ACE, BFD; erunt haec inter
 intr se aequalia. Triangula ergo puer aequalibus basi-
 bus, &c. Quod erat ostendendum.



31. primi
 36. primi
 34. primi
 7. prop.

SCHOLION.

CONVERSA huius ostendetur ab Euclide propos. 40.
 COLLIGITUR autem ex hac propositione, si a quouis
 angulo trianguli dati linea recta ducatur di-
 videns latus oppositum bifariam, triangulum
 quoque bifariam secari, Ducatur enim in
 triangulo ABC, ex angulo A, recta AD,
 dividens bifariam latus BC, in D; Dico
 triangulum ABC, bifariam quoque secari. Si enim per
 A, ducatur parallela ipsi BC, erunt duo triangula
 ABD, ADC, inter easdem paralle-
 las, et super aequales bases;
 Quare aequalia
 erunt.




38. primi.

EX

EX PELETARIO.

A puncto quouis dato in uno latere trianguli propositi lineam rectam ducere, quę bifariam fecerit triangulum datum.

Si $\triangle ABC$, & punctum datum D , in latere BC . Oportet igitur ex D , rectam lineam ducere, quę bifariam dividat triangulum. Quod si punctum D , dividat latus BC , bifariam, recta DA , ducta a A , dividet triangulum bifariam, ut est ostensum: Si vero D , non dividat BC , bifariam, secetur BC , bifariam in E . Deinde ex D , ad angulum oppositum A , ducatur recta DA , & per E , parallela EF , ipsi




10. primi

31. primi

37. primi

2. pron.

CD , secans AC , in F . Singitur ducatur recta DF , erit triangulum divisum bifariam a linea DF . Nam ducta recta EA , erunt triangula BEA , EFD , æqualia, cum sint super eandem basin EF , & inter easdem parallelas EF , AD . Addito igitur communi CFE , erunt tota triangula AEC , CDF , æqualia. Est autem AEC , dimidium totius ABC , ut iam fuit ostensum; Igitur & CDF , dimidium est eiusdem trianguli ABC . quod erat probandum.



Quod si punctum D , fuerit in altera medietate EC , eodem modo problema conficiemus: sed tunc triangulum absindetur a partibus, trapezium uero ad partes C , ut figura præfens satis indicat. Demonstratio autem eadem est, si in ea mutetur litera B , in C , & C , in B . Hoc tamen problema multo nos uniuersalius proponemus ad finem sexti libri.

39.

THEOR. 29. PROPOS. 39.

TRIANGULA æqualia super eadem basi, & ad easdem partes constituta; & in eisdem sunt parallelis.

Sint duo triangula æqualia ABC , DBC , super eadem basi BC , & ad easdem partes; Dico ipsa esse inter easdem parallelas constituta hoc est, rectam ductam AD , parallelam esse ipsi BC . Si enim non est, ducatur ex A , parallela ipsi BC , quę



31. primi

quę

qua vel cadet supra A D, vel infra. C idat primo supra, qualis est A E, vocatq; cum B D, protracta, in E, & ducatur recta E C. Quoniam igitur parallelæ sunt A E, B C, erit triangulo A B C, triangulum E B C, æquale: Est autem per hypothesein triagulum quoq; O B C, æquale eidem triangulo A B C; Igitur erunt triangula D B C, E B C, æqualia, pars & totum, quod est absurdum. Quod si parallela ducta per A, cadat infra A D, qualis est A F; ducta recta F C, erūt eadem ratione triangula B F C, B D C, æqualia, pars & totum; quod est absurdum. Erit igitur A D, parallela ipsi B C. Quare triangula æqualia super eadem basi, &c. Quod ostendendum erat.


37. primi.
1. pron.

SCHOLI O N.

Ex his infert Campanus sequens hoc theorema.

LINEA recta secans duo trianguli latera bifariam, erit reliquo lateri parallela.

SECT linea D F, latera A B, A C, trianguli A B C. bifariam in D, & E. Dico D E, parallelam esse lateri B C. Cū enim triangula A D E, B D E, sint super equales bases A D, D E, & inter easdem parallelas; (si per E, duceretur parallela ipsi A B,) erit triangulum B D E, triangulo A D E, æquale: Eadem ratione erit triangulum C E D, eidem triangulo A D E, æquale; Igitur triangula D B E, C E D, æqualia erunt: Habent autem eandem basin D E, & sunt ad easdem partes constituta: Quare inter easdem erunt parallelas, & idcirco D E, B C, parallela erunt; Quod est propositum.



38. primi.
1. pron.
39. primi.

ID autem, quod ad finem secundi theorematism in scholio propos. 34. polliciti sumus, facile ex hac propos. demonstrabimus. Videlicet.

OMNE quadrilaterum quod ab vtraq; diametro bifaria diuiditur, parallelogrammū est.

I N A M

NAM quadrilaterum $ABCD$, diuidatur bifariam ab utraq; diametro AC , BD . Dico ipsum esse parallelogrammū. Cum enim triangula ADC , BDC , dimidia sint eiusdem quadrilateri $ABCD$, ipsa inter se equalia erunt. Quare cum eandem habeant basim DC , ad easdemq; partes sint, ipsa in eisdem parallelis erunt: Atq; idcirco AB , DC , parallelæ sunt. Non aliter ostendemus, parallelas esse AD , BC . Parallelogrammum igitur est $ABCD$. Quod est propositum.




39. primi.

40.

THEOR. 30. PROPOS. 40.

TRIANGULA æqualia super æqualibus basibus, & ad easdem partes constituta; & in eisdem sunt parallelis.



38. primi.

1. prou.

SINT duo triangula æqualia ABC , DEF , super bases æquales BC , EF , (quæ in eadem recta linea collocentur,) & ad easdem partes constituta. Dico ea esse in eisdem parallelis, hoc est, rectam ex A , ad D , ductam parallelam esse rectæ BF . Si enim non est, cadet parallela ipsi BF , per A , ducta vel supra AD , vel infra. Cadat primo supra, coeatq; cum ED , producta in G , & ducatur recta GF . Quomâ igitur parallelæ sunt AG , BF , erit triangulum EGF , triangulo ABC , æquale; Ponitur autem, & triangulum DEF , eidem triangulo ABC , æquale: Igitur triangula DEF , GEF , æqualia erunt, pars & totum; Quod est absurdum. Quod si parallela ducta per A , cadat infra AD , qualis est AH ; ducta recta HF , erit eadem argumētatione triagula HEF , DEH , equalia, pars & totū; quod est absurdū. Est igitur AD , parallela ipsi BF . Quare triagula æqualia super æqualib; basibus, &c. Quod erat demonstrandū.

SCHOLION.

EODEM modo demonstrari poteris hoc theorema.

TRI-

TRIANGULA æqualia inter easdem parallelas, si non eandem habuerint basim, super æquales bases erunt constituta.

SINT triangula æqualia, ABC , DEF , inter parallelas AD , BF , & super bases BC , EF , quas dico esse æquales. Si enim non sunt æquales, sit BC , maior.




Abscissa ergo recta CG , æquali ipsi EF , & ducta recta GA , erit triangulum AGC , triangulo DEF , æquale. Ponitur autem & triangulum ABC , eidem triangulo DEF , æquale: Igitur triangula AGC , ABC , æqualia erunt, pars & totum; quod est absurdum. Non ergo inæquales sunt bases BC , EF , sed æquales. Quod est propositum.

38. primi.
1. pron.

THEOR. 31. PROPOS. 41. 41.

SI parallelogrammum cum triangulo eandem basim habuerit, in eisdemq; fuerit parallelis, duplum erit parallelogrammum ipsius trianguli.

INTER parallelas AB , CD , & super basim CD , constituentur parallelogrammum $ACDE$, & triangulum BCD . Dico parallelogrammum esse duplum trianguli BCD . Ducta enim diametro AD , in parallelogrammo, erunt triangula ACD , BCD , æqualia; At parallelogrammum $ACDE$, duplum est trianguli ACD ; Igitur & trianguli BCD , duplum erit idẽ parallelogrammũ $ACDE$. Quamobrem, si parallelogrammum cũ triangulo, &c. Quod erat demonstradũ.




37. primi.
34. primi.

SCHOLION.

HINC sequitur, si triangulũ duplã habuerit basim, fueritq; in eisdem

in eisdem parallelis cum parallelogrammo, triangulum pa-



38. primi.

41. primi.

6. pron.

rallelogrammo aequale fore. Nam si basis CD, producatur ad F, ut sit DF, aequalis ipsi CD, ducaturq; recta FB, erit triangulum BCF, duplum trianguli BCD, quod triangula BCD, BDF, aequalia sint: Est autem & parallelogrammum ACDE, duplum eiusdem trianguli BCD: Igitur aequalia erunt triangulum BCF, & parallelogrammum ACDE.

IDEM hoc theorema Euclidis demonstrari potest eodem modo, si parallelogrammum, & triangulum aequales habuerint bases, & non eandem, fuerintq; in eisdem parallelis, ut cernis in parallelogrammo ACDE, & triangulo BFG, quorum bases CD, FG, aequales sunt. Ducta enim diametro AD, in parallelogrammo, erunt triangula ACD, BFG, aequalia. Cum igitur parallelogrammum ACDE, duplum sit trianguli ACD:



38. primi.


34. primi.

erit quoque idem trianguli BFG, duplum. Eadem ratione si basis FG, duplicaretur, & recta ad B, duceretur, fieret triangulum parallelogrammo aequale, quoniam triangulum hoc esset duplum etiam trianguli BFG, &c.

38. primi.

CONVERSVM huius theorematu duplex est, hoc modo.

SI trianguli parallelogrammum duplum fuerit, eandemq; habuerint basin, vel aequales, & ad easdem partes constituta; Erunt ipsa in eisdem parallelis. Et si parallelogrammum duplum fuerit trianguli, in eisdemq; parallelis; erunt bases aequales, si non sit eadem.



SIT parallelogrammum ACDE, duplum trianguli BCF siue eandem habeant basin, siue aequales; Dico rectam ductam AE, parallelam esse rectae BC. Nam alias ducta parallela ex A, caderet aut supra

Supra AE , aut infra. Unde ut in 39. vel 40. propos. ostenditur pars aequalis toti, ut & figura indicat. Quod est absurdum.


SIT deinde parallelogrammum $ABCD$, duplum trianguli EFG , in eisdemq; parallelis: Dico bases BC , FG , esse aequales. Nam si altera, nempe BC , sit maior, abscissa aquali CH , & ducta HI , parallela ipsi AB , demonstrabimus parallelogramma $ABCD$, $IHC D$, esse aequalia, totum & partem; (quia utrumque duplum est trianguli EFG ; illud quidem per hypothesein, hoc vero per 41. propos.) Quod est absurdum. Idem ostendemus, si basis FG , maior dicatur. Si enim abscindatur ipsi BC , aequalis FH ducaturq; recta HE , erunt triangula EFH , EFG , aequalia, pars & totum; (nam utruq; dimidium est parallelogrammi $ABCD$; illud quidem per proposit. 41. hoc vero per hypothesein.) Quod est absurdum.



EX PROCLO.


SI triangulum, & trapezium super eadem basi, & in eisdem fuerint parallelis, maior autem linea parallela trapeziji sit basis trianguli; erit trapezium minus duplo trianguli: Si vero minor linea parallela trapeziji basis sit trianguli, erit trapezium maius duplo trianguli.

INTER lineas parallelas AE , BC , sint constituta trapezium $ABCD$, & triangulum EBC , super basim BC , eandem, quae sit tamen maior quam altera linea AD , parallela in trapezio dato. Dico trapezium $ABCD$, minus esse duplo trianguli EBC . Cum enim AD , minor ponatur quam BC , sumatur AF , aequalis ipsi BC , & ducatur recta CF , quae erit parallela ipsi AB ; Atq; adeo parallelogrammum erit $ABCF$, quod duplum est trianguli EBC . Quare trapezium $ABCD$, cum sit pars parallelogrammi, minus erit duplo eiusdem trianguli EBC , quod est propositum.



33. primi.
41. primi.

SIT rursus trapezium, & triangulum, ut prius, sed basis $I 3 AD$,




33. primi.
41. primi.

B C, sit minor quā reliqua linea parallela AD, in trapezio dato. Dico trapezium ABCD, maius esse duplo trianguli EBC. Cum enim AD, maior sit, quam B C, abscindatur D E, æqualis ipsi B C, & ducatur recta B F, quæ erit parallela ipsi C D, atq; adeo parallelogrammum erit BCDF, quod duplū est trianguli EBC. Quare totum trapezium ABCE, quod superat parallelogrammum B C D F, maius erit duplo eiusdem trianguli E B C, quod est propositum.

Idem concludetur, si trapezium, & triangulum constituta fuerint super æquales bases, ita tamen ut nunc quidem trapezium sit maior latere opposito parallelo, nunc vero minor.

TRAPEZIVM habens duo latera opposita parallela, duplum est trianguli, quod basin habet vnum latus trapezium coniungens duas parallelas, verticem vero in medio puncto lateris oppositi.



29. primi.
5. primi.
26. primi.
4. primi.
2. pron.
38. primi.

SIT trapezium ABCD, cuius duo latera opposita A B, D C, sint parallela, & super basin B C, constituatur triangulum E B C, verticem E, habens in medio puncto E, lateris AD: Dico trapezium ABCE, duplum esse trianguli E B C. Producat enim vnum latus trianguli ad verticem, nempe B E, donec coeat cum C D, producto in F. Et quia parallelae sunt A B, C F, erunt anguli alterni, B A E, F D E, æquales: Sunt autem & anguli A E B, D E F, æquales, quippe qui ad verticem E; & latus A B, trianguli A B E, lateri D E, trianguli D F E, æquale, per hypotesin: Igitur & reliqua latera A B, B E, reliquis lateribus, D F, F E, æqualia erunt, vtrumque vtrique, & reliqui anguli A B E, D F E, æquales. atq; ideo triangula A B E, D F E, æqualia erunt. Quare addito communi triangulo C D E, erunt triangulo C E F, æqualia triangula A B E, C D E: Est autem & triangulum B C E, eidem triangulo C E F, æquale, quod bases B E, E F, offensa sint æquales, & ipsa triangula inter easdem sint parallelas, si p C, duceretur parallela ipsi B E. Igitur triangulum C B E, æquale erit triangulis A B E, C D E; & propterea C B E, triangulum dimidiū erit trapezii A B C D, quod est propositum.

42.


PROBL. II. PROPOS. 42.

DATO triangulo æquale parallelogram-

gram-

grammum constituere in dato angulo re-
ctilineo .

DATUM triangulum sit ABC,
& datus angulus rectilineus D. oportet
igitur construere parallelogram-
mum æquale triangulo ABC, habes
angulum æqualem angulo D. Diui-
datur latus vnum trianguli, nempe BC,
bisariam in E, & fiat angulus CEF,
æqualis angulo D: Ducatur ite per A,
recta AF, parallela ipsi BC; quæ fecit
EF, in F. Rursus per C, ducatur ipsi
EF, parallela CG, occurrens rectæ AF,
productæ in G. Eritq; constitutum
parallelogrammum CEFG, quod dico
esse æquale triangulo ABC. Ducta enim
recta EA; quoniam parallelogrammum
CEFG, duplum est trianguli AEC; &
triangulum ABC, duplum eiusdem
trianguli AEC, quod triangula AEC,
ABE, super æquales bases BE, EC, &
in eisdem parallelis, sint equalia: Erunt
parallelogrammum CEFG, & triangulum
ABC, æqualia inter se. Cum igitur
angulus CEF, factus sit æqualis angulo
D, constat propositum. Quocirca dato
triangulo, æquale parallelogrammum
constituimus in dato angulo rectilineo;
Quod erat faciendum.




10. primi.
23. primi.
31. primi.
41. primi.
38. primi.
6. pron.

SCHOLIION.

SVBIVNGIT hoc loco Peletarius subsequens problema.

DATO parallelogrammo æquale triangulū
constituere, in dato angulo rectilineo .

SIT datum parallelogrammum
ABCD, & datus angulus G. Fiat
angulus CBE, angulo G equalis, se-
cetq; recta BE, recta AD, producta
in L: Extendat quoq; BC, ad F, sitq;
CF, equalis rectæ BC. Dico triangulū BEF,
habes angulū EBF,
I 4 angulo



23. primi.


41. primi.
38. primi.
6. pron.

angulo dato G aequalem, aequale esse parallelogrammo $ABCD$.
Ducta enim recta CE , erit parallelogrammum $ABCD$, dup-
lum trianguli BCE ; Item triangulum BAF , eiusdem trian-
guli BCF , duplum; quod aequalia sint triangula EEC , EBF .
Quare aequalia inter se erunt parallelogrammum $ABCD$, &
triangulum BEF .

43.

THEOR. 32. PROPOS. 43.

IN omni parallelogrammo, comple-
menta eorum, quæ circa diametrum sunt,
parallelogrammorum, inter se sunt æ-
qualia.




IN parallelogrammo $ABCD$,
sunt circa diametrum AC , pa-
rallelograma $AEGH$, $CFGI$,
& complementa $DFGH$,
 $EBIG$, ut in 36. defin. dixi-
mus.

34. primi
3. pron.
34. primi.
3. pron.

Dico complementa hæc inter se esse æqualia. Cum
enim triangula ABC , CDA , æqualia sint; Itemq; trian-
gula AEG , GHA ; si hæc ab illis demantur, remanebunt
trapezia $CBEG$, $CDHG$, æqualia: Sunt autem & trian-
gula CGI , CGF , æqualia. Quare si detrahantur ex tra-
pezijis, remanebunt æqualia complementa $DFGH$, $EBIG$.
In omni igitur parallelogrammo, complementa, &c. Quod
ostendendum erat.

SCHOLION.




EODEM modo hoc theorema de-
monstratur a Proclo, etiam si duo pa-
rallelogramma circa diametrum nõ con-
iungantur in puncto G, sed vel unum
ab altero sit semorum, vel ambo se mu-
tuo interfecent. Sit enim prius unum
ab altero distans, ita ut complementa sint figure quinqueangula.
Ut in parallelogrammo $ABCD$, circa diametrum AC ,
considat

consistant parallelogramma $A E F G$, $C H I K$: Dico complementa $D E F I H$, $B K I F G$, esse equalia. Cum enim triangula $A B C$, $C D A$, equalia inter se sint; Item triangula $A E F$, $C H I$, equalia triangulis $A G F$, $C K I$; erunt reliqua complementa $D E F I H$, $B K I F G$, equalia. Quod est propositum.

34. primi.

3. pron.

SECEM se iam mutuo parallelogramma $A E F G$, $C H I K$, circa diametrum, ita ut communem partem habeant $I L F M$; Dico adhuc complementa $D E L H$, $B G M K$, esse equalia. Cum enim



equalia sint triangula $A B C$, $C D A$; Item triangula $A F G$, $A F E$; erunt reliqua quadrilatera $B C F G$, $D C F E$, equalia; Sunt autem rursus equalia triangula $I F M$, $I F L$; igitur si hoc addatur dictis quadrilateris, erit figura $B C I M G$, $D C I L E$, equalis: Cum igitur & equalia sint triangula $C I K$, $C I H$, erunt reliqua complementa $B G M K$, $D E L H$, etiam equalia. Quod est propositum.

34 primi.

3. pron.

34. primi.

2. pron.

34. primi.

3. pron.

CONVERSVM quoque huius theorematum cum Peletario demonstrabimus, hoc modo.

Si parallelogrammum diuisum fuerit in quatuor parallelogramma, ita ut ex illis duo aduersa sint equalia; consistent reliqua duo circa diametrum.

Ductis duabus rectis $E F$, $G H$, que sint parallela rectis $B C$, $C D$, seq; secem in I , diuidatur parallelogrammum $A B C D$, in quatuor parallelogramma, quorum aduersa duo $B E I H$, $D F I G$ sint equalia: Dico reliqua duo $A E I G$, $C F I H$, circa diametrum consistere, hoc est, diametrum a puncto C , ad punctum A , ductam transire per punctum I . Si enim non transit, secet diameter $C K A$, rectam $G H$, in K , si fieri potest, & per K , ducatur $L M$, parallela ipsi $B C$. Erunt igitur complementa $B K I L$, $D G K M$,



equalia. Dico reliqua duo $A E I G$, $C F I H$, circa diametrum consistere, hoc est, diametrum a puncto C , ad punctum A , ductam transire per punctum I . Si enim non transit, secet diameter $C K A$, rectam $G H$, in K , si fieri potest, & per K , ducatur $L M$, parallela ipsi $B C$. Erunt igitur complementa $B K I L$, $D G K M$, equalia.

31. primi.

43. primi.

equalia.

9. *pron.* aequalia: Est autem DGKM, maius quā DGIF; Quare & maius erit BHKL, quā DGIF. Cum ergo DGIF, æquale ponatur ipsi BEIH, erit etiam BHKI, maius, quam BEIH, pars quā totius; Quod est absurdum. Non ergo diameter AC, rectam GH, in K, secat, sed per punctum I, transit. Quod est propositum.


44.

PROBL. 12. PROPOS. 44.

AD datam rectam lineam, dato triangulo æquale parallelogrammum applicare, in dato angulo rectilineo.

DATA recta linea sit A, datum triangulum B, & datus angulus rectilineus C. oportet igitur constituere parallelogrammum æquale triangulo B, angulum habens æqualem angulo C, & vnum latus æquale rectæ A. Cōstituatur trian-

42. *primi.*



gulo B, æquale parallelogrammū DEFG, habens angulū EFG, angulo C, æqualem, producatuq; GF, ad H, vt

31. *primi.*

FH, sit æqualis rectæ A; & per H, ducatur HI, parallela ipsi FE, occurrens DE, productæ in I. Extendatur deinde ex I, per F, diameter IF, occurrens rectæ DG, productæ in K; & per K, ducatur KL, parallela ipsi GH, secans IH, protractam in L, producatuq; EF, ad M. Dico parallelogrammum LMFH, esse id, quod quaeritur; Habet enim latus FH, æquale datæ rectæ A. & angulum HFM, angulo dato C, æquale,

15. *primi.*

cum angulus HFM, æqualis sit angulo EFG, qui factus est æqualis angulo C: Deniq; parallelogrammum LMFH, æquale est triangulo B, cū æquale sit cōplemento DEFG, quod factū est æquale triangulo B. Ad datā igitur rectā lineam dato triangulo, &c. Quod erat faciendum.

43. *primi.*

SCHOLION.

QVOD se quis optet, lineam ipsam A, esse vnum latus parallelogrammi, non difficile erit transferre parallelogrammū FMLH,

F M I H, ad rectam A, ex ijs. quæ in scholio propof. 31. huius lib. docuimus. Si enim in N, extremitate rectæ A, fiat angulus equalis angulo M F H, & sumatur recta N O, equalis rectæ F M, compleaturq; parallelogrammum, ceu in dicto scholio traditū fuit, effectum erit, quod queritur.



ADDITION hic aliud problema Peletarius, hoc modo.

AD datam rectam lineam, dato parallelogrammo constitutare æquale triangulum, in dato angulo rectilineo.

SIT data recta AB; ita ut parallelogrammū CDEF, & datus angulus L. Producat CD, ad G, ut DG,



equalis sit ipsi CD, & iungatur GE, recta: Eritq; triangulum CEG, parallelogrammo CDEF, æquale, ut demonstrauimus scholio propof. 41. Fiat ita super data recta AB, parallelogrammum ABHI, æquale triangulo CEG, hoc est, parallelogrammo CDEF, habens angulum A, angulo L, æqualem; & producatur AI, ad K, ut sit IK, æqualis ipsi AI, iungaturq; recta BK. Dico triangulum ABK, constitutum super datam rectam AB, habensq; angulum A, æqualem dato angulo L, æquale esse dato parallelogrammo CDEF. Cum enim triangulum ABK, æquale sit parallelogrammo ABHI, ex scholio propof. 41. quod æquale est constitutum parallelogrammo CDEF, constat propositum.

44. primi.

PROBL. 13. PROPOS. 45.


o.

DATO rectilineo æquale parallelogrammum constitutare, in dato angulo rectilineo.

DATUM rectilineum sit ABC, & datus angulus D: oportet igitur constitutare parallelogrammū æquale rectilineo ABC, quod habeat angulū æquale angulo D. Resoluae rectilineū in triagula A, B, & C. Deinde triangulo A, æquale parallelogram-

42. primi.

logram-



logrammum cōstituat^r E F G H, habens angulum F, angulo D, æqualem.

44. primi.

Item super rectam GH, parallelogrammum GHIK, æquale triangulo B, habens angulum G, æqualem angulo D. Item super rectam IK, parallelogrammum IKLM, æquale triangulo C, habens angulum K, æqualem angulo D; Et sic deinceps procedatur, si plura fuerint triangula in dato rectilineo, factumq; erit, quod iubetur. Nam tria parallelogramma constructa, quæ quidem æqualia sunt rectilineo dato ABC, conficiunt totum unum parallelogrammum, quod sic demonstratur. Duo anguli EFG, HGH, inter se sunt æquales, cum uterq; æqualis sit angulo D. Addito igitur cōmuni angulo FGH, erunt duo anguli EFG, FGH, qui duobus rectis æquivalent, æquales duobus angulis HGH, FGH, ideoq; hi anguli duobus

29. primi.

etiam rectis æquales erunt. Quare FG, GK, vnam rectam lineam efficiunt. Eadem ratione ostendemus, EH, HI, vnam rectam lineam efficere, propterea quod duo anguli EHG, HIK, æquales inter se sint, (cum sint æquales oppositis angulis æqualibus EFG, HGH.) & duo anguli HIK, IHG, duobus sint rectis æquales, &c. Cum igitur EI, FK, sint parallele; Itemq; EF, IK, quod utraq; parallela sit rectæ HG; Parallelogrammum erit EFKI. Eodem modo demonstrabitur, parallelogrammum IKLM, adiunctum parallelogrammo EFKI, constituere totum unum parallelogrammum EFLM. Dato ergo rectilineo ABC, constituimus æquale parallelogrammum EFLM, habens angulum F, æqualem angulo D, dato. Quod erat efficiendū.

14. primi.

34. primi.

29. primi.

30. primi.

SCHOLIION.

QVAMVIS in hoc problemate Euclides absolute, & simpliciter docuerit, quænam arte parallelogrammum constituitur æquale rectilineæ figuræ datæ, non asringendo nos ad certam aliquam lineam rectam datam, vt in propos. 44. fecerat: Tamen eodem modo, quod iubetur, efficiemus, si recta aliqua linea nobis fuerit assignata. Nam si detur recta linea

EF,


EF. super ipsam construimus parallelogrammum EFGH, 44. primi.
 aequale triangulo A. Et eodem modo super GH, constituemus
 aliud GHIK, aequale triangulo B, &c. Quibus peractis, con-
 stitutum erit super datam rectam EF, parallelogrammum
 EFLM, aequale rectilineo dato, in dato angulo F, qui aequa-
 lis est angulo D, proposito.

PARI ratione, propositis quocumq; rectilineis, consti-
 tuemus illis parallelogrammum aequale, si omnia resoluantur
 in triangula, quibus equalia parallelogramma exhibeantur,
 singulis singula, per propof. 42. & 44. ceus factum est ab Eu-
 clide in hoc problemate. Nam cum omnia haec parallelogramma
 efficiant unum parallelogrammum, veluti hic demonstratum
 fuit, constitutum erit parallelogrammum aequale rectilineis
 propositis. Ut si quis intelligat duo rectilinea proposita AB,
 & C; Atq; AB, resoluantur in triangula A, & B, singulisq;
 triangulis A, B, C, singula parallelogramma EG, GI, IL,
 iuxta artem huius problematis, equalia constituantur, ex pro-
 pof. 42. & 44. erit constructum parallelogrammum totum EFLM,
 aequale duobus rectilineis AB & C. Et sic de pluribus.

HVC referri poterit problema utilissimum ex Peletario,
 quod nos tamen alio modo, et breviori demonstrabim, in huc modum.

DATIS duobus rectilineis inaequalibus,
 excessum maioris supra minus inquirere.

SINT data
 rectilinea A,
 & B, sitq; A,
 maior. Opor-



tet igitur indagare, qua magnitudine rectilineum A, super et
 rectilineum B. Fiat parallelogrammum CDEF in quocumq; 45. primi.
 angulo D, aequale maiori rectilineo A. Et super rectam CD
 parallelogrammum CDGH, in eodem angulo D, aequale re-
 ctilineo minori B. Quoniam igitur parallelogrammum
 CDEF, superat parallelogrammum CDGH,
 parallelogrammo EFHG; superabit quoq;
 figura A, figuram B, eodem parallelogram-
 mo EFHG. Quod est propositum.


PRO-

45.

PROBL. 14. PROPOS. 46.

A DATA recta linea quadratum describere.

11. *primi.*



28. *primi.*

33. *primi.*

34. *primi.*

SIT data recta AB, sup quā oporteat quadratū describere. Ex A, & B, educantur AD, BC, perpendiculares ad AB, sintq; ipsi AB, æquales, & cōnectatur recta CD. Dico AB, CD, esse quadratū. Cum, n. anguli A, & B, sint recti, erunt AD, BC, parallelæ: Sunt autē & æquales, quod utraq; æqualis sit ipsi AB; Igitur & AB, DC parallelæ sunt & æquales: & ideo parallelogrammū est ABCD; in quo, cū AD, DC, CB, æquales sint ipsi AB, omnes quatuor lineæ æquales existūt; Sunt autē & oēs quatuor anguli recti, cū C, & D, æquales sint oppositis rectis A, & B. Quadratū igitur est ABCD, ex definitione; Ac, p̄inde a data recta linea quadratū descripsimus; Quod faciendū erat.

EX PROCLO.

LINEARVM æqualium æqualia sunt quadrata: & quadratorū æqualiū æquales sūt lineæ.

4. *primi.*

34. *primi.*



SINT primo rectæ AB, CD, æquales; Dico earū quadrata ABFE, CDGH, æqualia quoq; esse. Ductis enim diametris BF, DH, erūt duo latera BA, AF, trianguli BAF, duobus laterib; DC, CH, trianguli DCH, æqualia, utrumq; utriq; , cū ex definitione quadratū rectæ AF, CH, æquales sint rectis AB, CD: Sunt autem, & anguli A, & C, æquales, nempe recti: Igitur triangula BAF, DCH, æqualia erunt. Quæ cum sint dimidia quadratorum, erunt & quadrata tota æqualia. Quod est propositum.

14. *primi.*



SINT secundo quadrata ABDE, BCFG, æqualia; Dico lineas quoq; ipsorū AB, BC, æquales esse. Cōiungantur, n. quadrata ad angulum B, ut rectæ AB, BC, in directū cōstituantur. Et quoniā anguli ABG, ABD, sunt recti, erūt & rectæ GB, BD, in directū cōstitutæ. Ducātur diametri AD, CG, iunganturq; rectæ AG, CD. Quoniā igitur quadrata ABDE, BCFG, æqualia sunt, erūt & triāgula AEB, BCG, eorū dimidia, æqualia. Addito ergo cōi triāgulo BCD, fiet totū triāgulū ACD, toti triāgulo GDC, æquale. Quare triangula ACD, GDC, cū eandem

dem habeat basin CD, ad eandem; sint partes, in eisdem sunt parallelis, ideoque parallele sunt AG, CD. Et quoniam, ut in scholio propof. 34. ostendimus, diameter in quadrato fecit: angulos quadrati bifariam, erunt anguli DAC, GCA, alterni semirecti, ideoque æquales. Quoniam & parallele sunt AD, CG; igitur parallelogrammum est ADCG, ac propterea recte AD, CG, æquales: Quoniam ergo in triangulis ABD, BCG, latera AD, CG, æqualia sunt, & anguli, quibus ea latera adiacent, inter se et æquales, cum sint semirecti. ut in scholio propof. 34. ostensum fuit; erunt reliqua latera æqualia, nempe AB, ipsi BC, &c. Quod est, propositum.

39. primi.
27. primi.
34. primi.
36. primi.

SCHOLIUM.


POSSENT hæc omnia multo brevius probari per superpositionem quadrati unius super aliud. Nam si lineæ sunt æquales, si una alteri superponatur, congruent ipsæ inter se; Cum ergo & anguli sint æquales, nempe recti, conveniunt quoque ipsi inter se, ideoque totum quadratum toti quadrato congruet. Quod si quadrata sunt æqualia, congruent ipsa inter se, propter æqualitatem angulorum; igitur & lineæ, alias unum quadratum alio maius esset.

THEOR. 33. PROPOS. 47.

46.

IN rectangulis triangulis, quadratum, quod a latere rectum angulum subtendente describitur, æquale est eis, quæ a lateribus rectum angulum continentibus.

IN triangulo ABC, angulus BAC, sit rectus, describaturque super AB, AC, BC, quadrata ABFG, ACHI BCDE. Dico quadratum BCDE, descriptum super latus BC, quod



46. primi.

angulo recto opponit, æquale esse duobus quadratis ABFG, ACHI, quæ super alia duo latera sunt descripta, siue hæc duo latera æqualia sint, siue inæqualia. Ducatur enim recta AK, parallela ipsi BE, vel ipsi CD, secans BC, in L & iungantur rectæ AD, AE, CF, BH. Et quia duo anguli BAC, & BAG, sunt recti, erunt recte GA AC, una linea recta; eodemque modo IA, AB, una linea erunt.

1. primi.

4. primi.

erunt.


erunt. Rursus quia anguli ABF, CBE, sunt æquales, cū sint recti, si addatur communis angulus ABC, fiet totus angulus CBF, toti angulo ABE, æqualis; similiterq; totus angulus BCH, toti angulo ACD. Quoniam igitur latera AB, BE, trianguli ABE, æqualia sunt lateribus FB, BC, trianguli FBC, utrumq; utriq; , ut constat ex definitione quadrati; sunt autem & anguli ABE, FBC, contenti hisce lateribus æ-

2. pron.

4. primi.

41. primi.

6. pron.



quales, ut ostendimus; Et sunt triāgula ABE, FBC, æqualia. Est autē quadratum, seu parallelogrammū ABFG, duplū trianguli FBC, cum sint inter parallelas BF, CG, & super

eandem basin BF; Et parallelogrammum BEKL, duplum trianguli ABE, quod sint inter parallelas BE, AK, & super eandē basin BE. Quare æqualia erunt quadratū ABFG, & parallelogrammum BEKL; Eadem ratione ostendetur, æqualia esse quadratum ACHI, & parallelogrammum CDKL. Erunt enim rursus triangula ACD, HCB, æqualia, ideoq; eorūm dupla, parallelogrammū videlicet CDKL, & quadratum ACHI. Quamobrem totum quadratum BCDE, quod componitur ex duobus parallelogrammis BEKL, CDKL, æquale est duobus quadratis ABFG, ACHI. In rectangulis ergo triangulis, quadratum &c. Quod demonstrandum erat.

SCHOLI ON.

cap. 2. INVENTIO huius theorematis ad Pythagoram referatur, qui, ut scribit Vitruvius lib. 9. hostias Musis immolavit, quod se in tam præclaro inuento adiuverint. Sunt qui putent, cum immolasse centum boues; si tamen Proclo credendum est, unum tantum modo obtulit. Fortasse autem Pythagoras, ut nonnulli volunt, ex numeris occasionem sumpsit, ut theoremata hęc investigaret. Cum enim hos tres numeros 3. 4. 5. diligenter esset contempletus, vidissetq; quadratum numerum maioris æqualem esse quadratis numeris reliquorum, composuit

positum triangulum scalenum, cuius maximum latus diuisum erat in 5. partes equales, minimum in 3. eiusdem magnitudinis, & reliquum in 4. Quo facto, considerauit angulum sub his duobus lateribus contentum, inuenitq; eum esse rectum; Idque in quamplurimis alijs numeris, ut in 6, 8, 10. & in 9. 12. 15. &c. obseruauit. Quare inquirendum esse iudicauit, num in omni triangulo rectangulo quadratum lateris, quod recto angulo opponitur, reliquorum laterum quadratis aequale esset, quandoquidem omnia triangula, quorum latera habebant magnitudinem secundum dictos numeros, continebant unum angulum rectum: Atque ita tandem mirabile hoc theorema maxima animi uoluptate adinuenit, firmatq; ratione demonstrauit. Quod tamen Euclides mirandum in modum amplificauit lib. 6. propos. 31. Vbi demonstrauit, non solum quadratum lateris, quod recto angulo opponitur, aequale esse quadratis reliquorum duorum laterum; Verum etiam figuram quauilibet rectilineam super latus recto angulo oppositum constructam siue ea sit triangulum, siue quadrangulum, siue quinqueangulum, &c. aequalem esse duabus figuris, que super reliqua latera describuntur, dummodo priori sint similes similiterq; descripta, ut ibidem ostendemus.

C A B T E R V M quoniam mentionem fecimus trium numerorum, quorum maximi quadratum aequale est quadratis reliquorum, non abs re fuerit, paucis explicare, quoniam pacto huiusmodi numeri inueniantur. Habitis igitur his tribus numeris 3. 4. 5. si duplicentur, habebuntur alij tres, 6. 8. 10. si ydem triplicentur, exurgent alij tres 9. 12. 15. & si quadruplicentur, inuenientur hi tres 12. 16. 20. Atque ita reperientur quocumque alij, si primi illi tres per quemcunque multiplicentur numerum. Traduntur tamen a Proclo due regulae, quibus inueniuntur praedicti numeri, nulla habita ratione illorum trium Prima ascribitur Pythagorae, & est huiusmodi. Sumatur pro minimo quicumque numerus impar, ut 5. ex quo uia alios reperies Ex quadrato numeri accepti, ut hic ex 25. rejice unitatem; Nam reliqui numeri dimidium, uidelicet 12. erit alter numerus, cui si addatur vnus, exurget tertius numerus 13. Huius igitur quadratum aequale est quadratis aliorum. Quod si numerus impar acceptus fuisset 3. essent reliqui duo inuenti per hanc regulam 4. & 5. Secunda regula

K

tribuitur


tribuitur Platoni, quæ talis est. Accipiatnr numerus quicunq; par, nempe 6; Ex huius dimidi quadrato, nimirum 9, detrabe vnum, eidemq; adde vnum, habebisq; reliquos duos numeros, 8. & 10. primus .n. est 6. nimirum numerus par acceptus. Hac regula si accipiat par 10. reperient alij duo 24. et 26.

COLLIGUNTUR ex celeberrimo hoc Pythagoræ inuenio plurima scitu non iniucunda tam theoremata, quæ probabilitate, e quibus visum est ea duntaxat in medium proferre, quæ utilitatem magnam rebus Geometricis allatura creduntur, inuicem hinc sumentes.

I. Si in quadrato quouis diameter ducatur, quadratum a diametro descriptum duplū erit prædicti quadrati.

IN quadrato $ABCD$, ducatur diameter AC ; Dico quadratum AC , duplum esse quadrati $ABCD$. Cum enim in triangulo ABC , angulus B rectus sit, erit quadratum lateris AC , equale duobus quadratis laterum AB , BC . Cum igitur quadrata linearum AB , BC , equalia sint, quod lineæ AB , BC , sint æquales; erit quadratum lineæ AC , duplum cuiuslibet illorum, vt quadrati lineæ AB , hoc est, quadrati $ABCD$. Quod est propositum.


47. primi



II. **QVADRATVM** diametri figuræ altera parte longioris æquale est duobus quadratis laterum inæqualium.

IN altera parte longiori $ABCD$, ducatur diameter AC ; & quia in triangulo ABC , angulus B , est rectus, erit quadratum lateris AC , equale duobus quadratis laterum inæqualium AB , BC . Quod est propositum.

47. primi



III. Si fuerint duo triangula rectangula, quorū latera rectis angulis opposita sint æqualia, erunt duo quadrata reliquorum duorum laterū vnius trianguli æqualia duobus quadratis reliquorū duorum laterum alterius.

TRIANGVLORVM ABC , DEF , anguli, A , & D , sint


sint

sunt recti, lateraq; opposita BC, EF, equalia: Dico duo quadrata laterum AB, AC, simul sumpta equalia esse duobus quadratis laterum DE, DF, simul sumptis. Nam quadrata linearum BC, EF, equalia inter se sunt, cum & ipse inter se ponantur equalis; Quadrato autem lineæ BC, equalia sunt quadrata linearum AB, AC; Et quadrato lineæ EF, equalia sunt quadrata linearum DE, DF: Perspicuum ergo est, quod proponitur.




DVOBUS quadratis inæqualibus propositis, inuenire alia duo quadrata, quæ & equalia sint inter te, & simul sumpta equalia duobus inæqualibus propositis simul sumptis.

SINT A, & B latera duorum quadratorum inæqualium; Fiat angulus rectus DCE, sitq; DC, recta equalis rectæ B, & recta CE, recta A. Ducta deinde recta DE, coniungente puncta D, E, super ipsam constituentur duo anguli semirecti DEF, EDF, cœquantq; recta DF, EF, in F. Quoniam igitur in triangulo FDE anguli FDE, FED, equalis sunt, erunt & latera DF, EF, equalia, ideòq; et quadrata eorundem laterum equalia. Dico iam, eadem quadrata linearum DF, EF, equalia esse quadratis linearum A, & B, hoc est linearum CE, & CD. Nam cum in triangulo DEF, anguli FDE, FED, faciant unum rectum, erit reliquus angulus F, rectus. Quamobrè erunt quadrata linearum DF, EF, equalia quadrato lineæ DE; sed eidem quadrato lineæ DE, equalia sunt quoque quadrata CD, CE; igitur quadrata linearum DF, EF, equalia sunt quadratis linearum DC, EC. Quod est propositum.



PROPOSITIS duabus lineis inæqualibus, inuenire id, quo plus potest maior, quam minor.

POTENTIA lineæ rectæ dicitur eius quadratum. Tantum enim quævis recta linea posse dicitur, quantum est eius quadratum. Sint ergo duæ lineæ inæquales A, & B, oporteatq; cognoscere, quæ maius sit quadratum maioris lineæ A, quàm minoris B. Ex quavis linea recta CD, sumat CE, equalis rectæ A, & EF,



47. primi

47. primi.

IIII.

11. pron.

6. primi

32. primi


47. primi

1. pron.

V.

et EF, aequalis recta B. Deinde cetero E, & intervallo EC, semi-
 circulus describatur CGD; & ex F, ducatur FG perpendicularis
 ad CD. Dico quadratum rectae A, hoc est, rectae CE, sibi aqua-

47. primi




lis, maius esse, quam quadratum rectae B, hoc
 est, rectae EF, sibi aequalis, quadrato rectae
 FG. Ducta enim recta EG, erit eius qua-
 dratum aequale quadratis rectorum EF
 FG. Quocirca quadratum rectae EG, hoc
 est, quadratum rectae EC, illi aequale, super-
 bis quadratum rectae EF, quadrato rectae

FG. Quod est propositum.

VI.

PROPOSITIO quocumque quadratis, si-
 ue aequalibus, siue inaequalibus, inuenire qua-
 dratum omnibus illis aequale.

SINT latera quinque quadratorum A, B, C, D, E, opor-
 tet igitur inuenire quadratum aequale omnibus illis quinque.



Fiat angulus rectus FGH, sitq;
 recta FG, aequalis rectae A, & re-
 cta GH, rectae B; Ducta deinde
 recta HF, fiat angulus rectus
 FHI, sitq; HI, aequalis rectae
 C; Ducta rursus recta IF, fiat
 angulus rectus FIK, sitq; IK,
 aequalis rectae D; Ducta denique

recta KF, fiat angulus rectus FKL, sitq; KL, aequalis re-
 ctae E. Si igitur ducatur recta FL; Dico quadratum rectae
 FL, aequale esse quinque quadratis propositis. Quadratum
 enim rectae FH, aequale est quadratis rectorum FG, GH, hoc
 est, quadratis rectorum A, & B. Rursus quadratum rectae
 FI, aequale est quadratis rectorum FH, HI, & idcirco qua-
 dratis rectorum A, B, & C. Item quadratum rectae FK, aequa-
 le est quadratis rectorum FI, IK, ideoque quadratis rectorum
 A, B, C, & D. Denique quadratum rectae FL, aequale est
 quadratis rectorum FK, KL, ac propterea quadratis rectorum
 A, B, C, D, & E, Quod est propositum.

47. primi.

VII.

PROPOSITIO duobus quadratis qui-
 buscunque, alteri illorum adiungere figuram,

quod

quæ reliquo quadrato sit æqualis, ita ut tota figura composita sit etiam quadrata.

SINT duo quadrata ABCD, EFGH, propositumque sit quadrato ABCD, apponere figuram, quæ sit æqualis quadrato EFGH, &c. Sumatur recta

BI, æqualis rectæ FG, lateri quadrati EFGH. Ducta autem recta AI, & producta recta BA, ad partes A, accipiatur BK, æqualis rectæ AI, perficiaturque quadratum BKLM. Dico figuram ADCMLK,




quadrato ABCD aliuntam, equalē esse quadrato EFGH. Quoniam quadratum rectæ AI, hoc est, quadratum BKL M, æquale est quadratis rectarum AB, BI, hoc est, quadratis ABCD, EFGH; si auferatur commune quadratum ABCD, remanebit figura ADCMLK, æqualis quadrato EFGH. Quod est propositum.

47. primi

COGNITIS duobus lateribus quibuscunque trianguli rectanguli, in cognitionem reliqui lateris peruenire.

VIII.

SIT angulus A, rectus in triangulo ABC. sintque primo cognita latera AB, AC, circa angulum rectum, quorum AB, ponatur 6 palmorum, & AC, 8. Quoniam igitur quadrata rectarum AB, AC, nempe palmi



36. & 54 æqualia sunt quadrato rectæ BC; si illa coniungantur simul, efficietur hoc palmorum 100. Latus ergo BC, continebit 10. palmos. Tantum enim est latus, seu radix quadrata 100. palmorum, ut perspicuum est apud Arithmeticos.

47. primi

Sint secundo cognita latera AB, BC, sitque AB, 6. palmorum, & BC, 10. Quoniam igitur quadrata rectarum AB, AC, æqualia sunt quadrato rectæ BC; si quadratum rectæ AB, quod continet palmos 36. detrahatur ex quadrato rectæ BC, quod est palmorum 100, remanebit quadratum rectæ AC, 64. palmorum. Latus ergo AC, continebit 8. palmos. Tanta enim est radix quadrata, seu latus 64. palmorum. Quod

47. primi.

K 3 est


est propositum. Caterum non semper hac arte inueniuntur numeri rationales, quia non omnes numeri habent latus, radicemve quadratam, ut notum est apud Arithmeticos; Vnde latus inuentum sepe numero exprimi nequit, nisi per radicem surdam, quam vocant: Sed de his aliis.

T H E O R E M A T E vero hoc Pythagoreo multo vniuersalius est illud, quod a Pappo demonstratur in omni triangulo, siue illud rectangulum sit, siue non, & de quibuscunq; parallelogrammis super latera trianguli constructis, tam rectangulis, quam non rectangulis, etiamsi non sint inter equiangula. Quod nos in formam theorematis redigentes, clarius hoc modo proposuimus, & meo iudicio generalius.

I N omni triangulo, parallelogramma quaecunque super duobus lateribus descripta, a qua lia sunt parallelogrammo super reliquo latere constituto, cuius alterum latus æquale sit, & parallelum rectæ ductæ ab angulo, quæ duo illa latera comprehendunt, ad punctum, in quo conueniunt latera parallelogrammorum lateribus trianguli opposita, si ad partes anguli dicti producantur.

S I T triangulum quodcunque ABC, constituenturq; super latera AB, AC, parallelogramma quæcunque ABDE, ACFG, quorum latera DE, FC, quæ lateribus AB, AC, assumpsis in triangulo opponuntur, produ-

cta ad partes anguli A, distis lateribus AB, AC, comprehensi, conueniant in H, ductaturq; recta AH. Dico parallelogramma AD, AF, æqualia esse parallelogrammo super latus BC, descripto, cuius alterum latus æquale sit, & parallelum rectæ AH. Produca enim HA, secet BC, in I; & per B, C, agantur BI, CK, parallele ipsi AH; inueniaturq; recta IK. Quonia igitur parallelogramma sunt BI, H A, CKHA, erit utraq; BI, CK, ipsi AH, æqualis; adeo & inter se æquales erunt BI CK, quæ cum sint etiã parallele, quod eidem AH, parallele sint; erunt quoque PC, IK, parallele, & æquales. Quare parallelogrammum est BCKI super




34. primi
30. primi
33 primi

latus BC, habes alterū latus BI, recte AH, æquale, & paral-
 leli: Cui quidē equalia offendēda sunt parallelogrāma AD,
 AF. Quia equalia sunt parallelogrāma AD, ABIH, quod eā-
 dē habeant basin AB, in eisdemq; sint parallelis AB, HD; Est
 autē ABIH, parallelogrāmo IL, æquale, quod illud cum hoc
 eitiā eandē habeat basin BI, in eisdemq; sit parallelis BI, LH:
 Erit quoque AD, eidem IL, æquale. Non aliter ostendemus,
 AF, ipsi KL, esse æquale. Quare parallelogramma AD, AF,
 parallelogramo BK, equalia sunt. Quod est propositum.

35. primi

35. primi.

PROPVS cōstruit fi-
 gurā aliter. Nam sumit re-
 ctas AC, AE; et AB, AG,
 in directū positas, ita ut pa-
 rallelogrāma AD, AF, sint
 equiancula, habētia angu-
 los AED, AGF, angulo
 BAC, uernos externo, æqua-
 les ceu hac eius figurā indi-
 cat. Sed nos universalius rē
 pposuim⁹, ut manifestū est.




THEOR. 34. PROPOS. 48.

47.

SI quadratū, quod ab uno laterū trian-
 guli describitur, æquale sit eis, quæ a reliqs
 trianguli lateribus describuntur, quadratis:
 Angulus comprehensus sub reliquis duo-
 bus trianguli lateribus, rectus est.

DETVR triangulum ABC, sitq; quadratū latetis AC,
 æquale quadratis reliquorū laterū BA, BC.
 Dico angulū ABC, esse rectū. Ducat namq;
 BD, perpendicularis ad BA, & æqualis re-
 ctæ BC, connectaturq; recta AD. Quoniā
 igitur in triāgulo ABD, angulus ABD, re-
 ctus est, erit quadratum rectæ AD, æquale
 quadratis rectarū BA, BD: Est autē quadra-
 tū rectæ BD, quadrato rectæ BC, æquale, ob linearū æquali-
 tatem:



47. primi

4 tatem:

8. primi

tae: Quare quadratū rectę AD quadratis rectarū BA, BC, æquale erit. Cū ergo quadratū rectę AC, eisdē quadratis rectarū BA, BC, æquale ponatur, erūt quadrata rectarū AD, AC, inter se æqualia, ac propterea & rectę ipsę AD, AC, æquales. Quoniā igitur latera BA, BD, trianguli ABD, æqualia sunt lateribus BA, BC, trianguli ABC; & basis AD, ostensa est æqualis basi AC; erunt anguli ABD, ABC, æquales: Est autē angulus ABD, ex constructione rectus: Quare & angulus ABC, rectus erit. Si igitur quadratum, quod ab vno laterum trianguli describitur, &c. Quod demonstrandum erat.

SCHOLION.

CONVERSVM est autem theorema hoc præcedentis theorematis Pythagorici, ut perspicuum est.

FINIS ELEMENTI PRIMI.



E V C L I D I S

ELEMENTVM II.



DEFINITIONES.

I.

OMNE parallelogrammum rectangulum contineri dicitur sub rectis duabus lineis, quæ rectum comprehendunt angulū.




GIT Euclides in secundo hoc libro de potentis linearum rectarum, inquirendo, quanta sint & quadrata partium cuiusvis lineæ rectæ diuise, & parallelogramma rectangula sub partibus eiusdem lineæ diuise comprehensa, tam inter se, quam comparata cum quadrato totius lineæ, &c. Quod ut commode

exequatur, explicat prius duabus definitionibus duo ad ea, quæ de monstranda sunt, recte intelligenda maxime necessaria.

PRIORE definitione exponit, sub quibus rectis lineis contineri dicatur parallelogrammum quodcumque rectangulum; Et quid sit, parallelogrammum contineri sub duabus lineis rectis. Quod ut intelligatur, explicandum primum est, Parallelogrammum illud dici rectangulum, cuius omnes anguli sunt recti; Cuius quidem duo tantum sunt genera, Quadratum, & Altera parte longius. In his enim omnes anguli sunt recti, ut perspicuum est ex eorum definitionibus. In omni porro parallelogrammo, si vnus angulus duntaxat detur rectus, erunt & reliqui tres necessario recti. Sit enim in parallelogrammo

29. primi

lelogrammo ABCD, angulus A, rektus: Dico reliquos tres angulos B, C, D, rektos quoque esse. Nam cum parallela sint



34. primi

AD, BC, erunt anguli A, & B, interni duobus rektis aequales: Si angulus A, rektus est, ex hypothesi. Igitur et B, rektus erit. Quoniam vero quilibet suo opposito est aequalis, ut angulus A, angulo C, & angulus B, angulo D; erunt & anguli C, & D, rekti.

DICIT itaque Euclides, quodlibet parallelogrammum rectangulum contineri sub duobus rektis lineis, quae unum eius angulum rektum continent. Ut parallelogrammum rectangulum ABCD, contineri dicitur sub duabus lineis rektis AB, AD; vel sub AD, DC; vel sub DC, CB; vel denique sub AB, BC; quoniam qualibet huiusmodi duae lineae exprimunt totam parallelogrammi magnitudinem, una quidem, ut AB, vel DC, eius longitudinem; altera vero, ut AD, vel BC, eius latitudinem. Unde expressis duabus lineis, quae angulum rektum continent in parallelogrammo rectangulo, statim tota eius quantitas concipitur, intelligiturque, longitudo nimirum, atque latitudo. Accedit etiam, quod ex motu imaginario unius lineae in alteram huiusmodi parallelogrammum conficitur. Si namque animo concipiatur recta AB, deorsum secundum rektam AD, moveri in transversum, ita ut semper angulum rektum cum AD, constituat, donec punctum A, ad punctum D, & punctum B, ad punctum C, perueniat, descriptum erit totum parallelogrammum ABCD. Idem fiet, si AD, ponatur moveri in transversum secundum rektam AB, &c. Quamobrem iure optimo sub talibus duabus lineis rektis contineri dicitur parallelogrammum rektangulum.

ITAQUE parallelogrammum rektangulum, quod sub duabus rektis lineis contineri dicitur, erit illud cuius duo latera circa unum angulum rektum aequalia sunt duabus illis rektis lineis, utrumque utriusque. Ut parallelogrammum rektangulum sub rektis E, & F, contentum, erit idem, quod parallelogrammum ABCD; quoniam latus AB, aequale est rektae E, & latus AD, rektae F.


PERSPICUUM est ex dictis, parallelogrammum rektangulum contentum sub duabus lineis aequalibus esse quadratum; Cum enim qualibet illarum linearum aequalium aequalis sit

sit

si linea opposita, erit oia quatuor parallelogrammi rectanguli latera aequalia: Quare ex definitione quadrati quadratum erit.


34. primi

ITEM manifestum est, si dua recta linea alijs duabus rectis lineis aequales fuerint, utraque utriusque, rectangulum parallelogrammum sub prioribus duabus comprehensum, aequale esse ei, quod sub duabus posterioribus comprehenditur, parallelogrammo rectangulo: quoniam & anguli, & latera unius aequalia sunt & angulis, & lateribus alterius. Quod tamen facile hac etiam ratione demonstrari potest. Sini rectae AB BC, aequales rectis DE, EF utraque utriusque; Dico parallelogrammum rectangulum ABCG, contentum sub AB, BC aequale esse parallelogrammo rectangulo DEFH, contento sub DE, EF. Ductis etenim diametris AC, DF, cum latera AB, BC, trianguli ABC, aequalia sint lateribus DE, EF, trianguli DEF; & anguli B, & E, aequales, nempe recti, erunt triangula ABC, DEF, aequalia; Eadem ratione aequalia erunt triangula AGC, DHF: Quare tota parallelogramma ABCG, DEFH, aequalia erunt.



HABET autem comprehensio haec parallelogrammi rectanguli sub duabus rectis lineis angulum rectum continentibus, magnam affinitatem cum multiplicatione unius numeri in alterum. Sicut enim ex multiplicatione 3. in 4. producitur numerus 12. qui in formam parallelogrammi constituitur, unde et contineri dicitur sub 3. & 4.: Ita quoque parallelogrammum rectangulum ABCD, comprehensum sub duabus rectis AB, BC. quarum illa sit 3. palmorum, haec autem 4. consistat 12. palmis quadratis, quae quidem ex ductu lineae AB, 3. palmorum in lineam BC, 4. palmorum producuntur, ut figura indicat notumque sit Arithmetice, atque Geometrice. Demonstratur autem a Ioan. Regio mont. lib. 1. de triangulis propos. 16. Hinc fit, ut nonnulli dicant, parallelogrammum rectangulum gigni ex ductu duarum linearum circa angulum rectum unius in alteram. Ut proxime antecedens parallelogrammum ex ductu lineae AB, in lineam BC, vel (quod idem est) ex ductu lineae BC, in lineam AB. Idem enim parallelogrammum procreatur, siue minor linea in maiorem, siue maior in minorem ducatur; quemadmodum etiam idem


4. primi



producitur

produciitur numerus, siue minor numerus in maiorem, siue maior in minorem ducatur. Tam enim ex multiplicatione 3. in 4. quam ex 4. in 3. produciitur hic numerus 12.


OBITER quoque monendus mihi lector uidetur, Euclidem in hoc secundo libro, & in alijs, qui sequuntur, parallelogrammum rectangulum appellare simpliciter rectangulum; quod etiam ceteri Geometre obseruant, ita ut nomine rectanguli perpetuo intelligendum sit parallelogrammum rectangulum. Rursus, ne toties eadem littere repetantur, solent Geometre exprimere parallelogrammum tam rectangulum, quam non rectangulum duabus distinctis litteris, quae per diametrum opponuntur; Vt superius parallelogrammum appellant A C, vel B D.



II.

IN omni parallelogrammo spatio, unūquodlibet eorum, quæ circa diametrum illius sunt, parallelogrammorum, cum duobus complementis, Gnomon uocetur.

IN Parallelogrammo A B C D, siue rectangulum illud sit, siue non, ducatur diameter A C, ex cuius puncto quolibet G, ducantur rectæ E F, H I, parallele lateribus parallelogrammi, ita ut parallelogrammum diuisum sit in quatuor parallelogramma, quorum



duo E H, I F, dicuntur esse circa diametrum, alia uero duo B G, G D, complementa, ut manifestum est ex ultima definitione primi lib. Itaque figura composita ex parallelogrammo utrolibet circa diametrum, ut ex I F, una cum duobus complementis B G, G D, qualis est figura E B C D H G E, quam complectitur circumferentia K L M, dicitur Gnomon. Eadem ratione figura F D A B I G F, composita ex parallelogrammo E H, circa diametrum, & duobus

bus

bus complementis BG, GD, Gnomon appellabitur.

THEOR. I. PROPOS. I.

I.

SI fuerint duæ rectæ lineæ, seceturque ipsarum altera in quocunque segmenta: Rectangulum comprehensum sub illis duabus rectis lineis, æquale est eis, quæ sub infecta, & quolibet segmentorum comprehenduntur, rectangulis.

SINT duæ rectæ A, & BC, quarum BC, secetur quomodocunque in quolibet segmenta BD, DE, EC: Dico rectangulum sub A, & BC, comprehensum æquale esse omnibus rectangulis simul sumptis, quæ sub linea indivisa A, & quolibet segmento comprehenduntur, nempe rectangulo sub A, & BD; Item sub A, & DE; Item sub A, & EC, comprehenso.

Rectangulum enim BF, comprehendatur sub A, & BC, hoc est, recta GB, æqualis sit rectæ A; Quod quidem fiet, si erigantur ad BC, duæ perpendiculares BG, CF, æquales rectæ A, ducaturque recta FG. Deinde ex D, & E, ducantur rectæ DH, EL, parallelæ ipsi BG, uel CF. Itaque DH, EL, cum parallelæ sint ipsi BG, inter se quoque parallelæ erunt: Rursus eadem, cum ex constructione parallelogramma sint BH, BI, æquales erunt rectæ BG, ac propterea rectæ A. Quoniam igitur recta BG, æqualis est rectæ A, erit rectangulum BH, comprehensum sub infecta linea A, & segmento BD; Eadem ratione erit rectangulum DI, comprehensum sub A, & segmento DE; Item rectangulum EF sub A, & segmento EC. Quare cum rectangula BH, DI, EF, æqualia sint toti rectangulo BF; perspicuum est rectangulum comprehensum sub A, & BC, æquale esse rectangulis omnibus, quæ sub A, et segmentis BD, DE, EC, compre-



33. primi

34. primi

comprehéduntur. Si ergo fuerint duæ rectæ lineæ, seceturque ipsarum altera, &c. Quod erat ostendendum.

SCHOLION.

QUONIAM lib. 9. propos. 14. decem priora theorematâ secundi huius libri, quæ Euclides lineis accommodat, in numeris etiam demonstrabimus, si dividantur, ut lineæ; non abs re fuerit, breuiter numeris applicare ea, quæ pluribus uerbis de lineis hic demonstrantur, præsertim cum multiplicatio numeri unius in alterum respondeat ducti unius lineæ in alteram, ut supra diximus. Itaque propositis duobus numeris quibuscunq; ut 5. & 10. diuidatur posterior in tres partes 5. 3. & 2. Dico 60. numerum productum ex 6. in 10. æqualem esse tribus numeris 30. 18. & 12. qui ex multiplicatione 6. in 5. & 3. & 2. gignuntur, id quod perspicuum est.

DEMONSTRAT hoc loco Federicus Cõmandinus duo alia theorematâ, quæ iam sequuntur.

SI fuerint duæ rectæ lineæ, secenturque ambæ in quotcunque segmenta: Rectangulum cõprehensum sub illis duabus rectis lineis, æquale est eis, quæ sub singulis segmentis unius, & quolibet segmentorum alterius continentur, rectangulis.

SINT duæ rectæ AB, AC, rectum angulum A. continentes, quæ secentur in partes AD, DE, EF, FB; AG, GH, HC. Dico rectangulum sub rectis AB, AC, cõprehensum æquale esse rectangulis, quæ sub AD, AG; AD, GH; AD, HC; DE, AG; DE, GH; DE, HC; EF, AG; EF, GH; EF, HC; FB, AG; FB, GH; FB, HC, continentur. Cõpleatur rectangulũ AI, ductanturq; DK, EL, FM. parallela ipsi AC, vel BI: Item HN, GO, parallelae ipsi AB, vel CI; quæ secent priores in P, Q, R, S, T, V. Quoniã igitur rectangulum AD, cõtinetur sub AD, AG; & GP sub AD, GH; & HK, sub AD, HC; (quod recta GS, HP, ipsi AD, sint æquales:)



liem rectangula DT, SQ, PL , continentur sub DE, AG ; DE, GH ; DE, HC ; (quod DS, SP, PK , ipsi AG, GH, HC , 34. primi
 aequales sint, & ST, PQ , ipsi DE) Et eadem ratione rectan-
 gula EF, TR, QM , continentur sub EF, AG ; EF, GH, EF ,
 HC ; Nec non rectangula FO, VN, RI , sub FB, AG ; $FB,$
 GH ; FB, HC ; perspicuum est, rectangulum sub AB, AC ,
 æquale esse rectangulis sub singulis partibus AD, DE, EF ,
 FB , & quolibet segmentorum AG, GH, HC , comprehensis.
 Quod est propositum.

Si sint duę rectę lineę, secenturque ambę
 utcunque: Rectangulum comprehensum sub
 illis duabus rectis lineis, una cum rectangulo
 sub una parte unius, & una parte alterius com-
 prehenso, æquale est eis, quę sub totis lineis, &
 dictis partibus mutuo continentur, rectangu-
 lis, una cum rectangulo sub reliquis partibus
 comprehenso.

SINT dua rectę AB, AC , angulum continentēs re-
 ctum A , quę secantur utcunque in D , & E ; Dico rectangu-
 lum comprehensum sub AB, AC , una cum rectangulo com-
 prehenso sub partibus AD, EC , æquale esse rectangulis con-
 tentis sub AB, EC ; AC, AD ; una cum
 rectangulo sub DB, AE , comprehenso.

Compleatur rectangulum AF , agaturque
 per D , recta DG , ipsi AC , vel BF , paral-
 lela; nec non & per E , recta EH , secans
 DG , in I , parallela ipsi AB , vel CF .



Quoniam igitur rectangulum AF , æqua-
 le est rectangulis EF, DH, AI ; si addatur commune EG ,
 erunt rectangula AF, EG , nempe sub totis AB, AC , &
 partibus AD, EC , comprehensa, æqualia rectangulis EF ,
 AG, DH , sub AB, EC ; AC, AD ; DB, AE , compre-
 hensis æqualia. Quod est propositum.

IN numeris etiam hæc eadem perspicua sunt. Proposi-
 tis enim duobus hisce numeris 10. & 8. quorum prior in tres
 partes

partes. 2. 3. 5. posterior vero in duas 3. 5. diuidatur; perspicuum est, 80. numerum productum ex 10. in 8. & qualem esse sex numeris 6. 10. 9. 15. 25. qui producuntur ex singulis partibus 2. 3. 5. in quamlibet partium 3. 5. efficiuntq; simul ad diui 80. ut volebat theorema 1. Federici.


R V R S V S, si h̄dem numeri secuntur utcumque, prior quidem in 7. 7. posterior autem in 2. 6. manifestum quoq; est 80. numerum productum ex 10 in 8. una cum 18. numero producto ex 3. in 6. æqualem esse tribus numeris 60. 24. 14. qui producuntur ex 10. in 6. & ex 8. in 3. & ex reliqua parte 7. in reliquam partem 2. cum tribus que efficiantur 98. ut theorema 2. Federici optabat.

2.

THEOR. 2. PROPOS. 2.

SI recta linea secta sit utcumque, Rectangula, quæ sub tota, & quolibet segmentorum comprehenduntur, æqualia sunt ei, quod a tota fit, quadrato.

RECTA linea AB, diuidatur utcumque in C, duas in partes; Dico duo rectangula comprehensa sub tota AB, & segmentis AC, CB, simul sumpta, æqualia esse quadrato totius lineæ AB. Describatur enim AD,




34. primi

quadratum lineæ AB, & ex C, ducatur CF parallela rectæ AE, vel BD, quæ æqualis erit rectæ AE, hoc est, rectæ AB. Quoniam igitur recta AE, æqualis est rectæ AB, ex definitione quadrati, erit rectangulum AF, comprehensum sub tota AB, & segmento AC; similiter erit rectangulum CD, comprehensum sub AB, & segmento CB. Quare cum rectangula AF, CD, æqualia sint quadrato AD, perspicuum est rectangula comprehensa sub AB, & segmentis AC, CB, æqualia esse quadrato lineæ AB. Si igitur recta linea secta sit utcumque, &c. Quod demonstrandum erat.

A L I T E R. Sumatur recta D, æqualis rectæ AB, Quoniam

Quoniam igitur AB , diuisa est in C , erit rectangulum comprehensum sub infecta D , & recta AB , nempe quadratum rectæ AB , æquale duobus rectangulis, quæ comprehenduntur sub D , infecta, hoc est, sub AB , & singulis segmentis AC , CB , quod est propositum.




1. secundi.

SCHOLIION.

QUANQVAM Euclides secundum hoc theoremata proponat de linea recta diuisa in duas tantummodo partes vicinas, idem tamen eisdem medijs demonstrabitur, si linea diuidatur in quocumq; partes, vt ex his figuris manifestum est. In numeris vero idem perspicitur hoc modo. Numerus 10. diuisus sit in duas partes 7. & 3. Dico numeros 70.




& 30. qui producuntur ex multiplicatione 10. in 7. & 3. æqualis esse 100. quæ drato ipsius numeri 10. vt manifestum est. Simili modo, si numerus 10. diuidatur in plures partes 3. 2. 1. & 1. erunt numeri 30. 20. 40. & 10. geniti ex 10. in 3. 2. 4 & 1. æquales 100. quadrato ipsius numeri 10.




SIMILI modo demonstrat hoc loco Federicus Commandinus hoc theoremata.

SI linea recta secetur in quocumq; segmenta: quadratum, quod a tota fit, æquale est eis, quæ sub singulis segmentis, & quolibet segmento comprehenduntur, rectangulis.

SIT recta AB diuisa in partes quocumq; AC , CD , DB . Dico quadratū ex AB , descriptum, æquale esse rectangulis, quæ sub singulis partibus AC , CD , DB , & quolibet segmentorū AC , CD , DB , comprehenduntur; hoc est, rectangulis sub AC , AC ; AC , CD ; AC , DB ; CD , AC ; CD , CD ; CD ,



L DB:



DB: DB, AC; DB, CD; DB, DB, comprehensis. Sumpta enim recta EF, que equalis sit ipsi AB, diuisaq; in partes EG, GH, HF, partibus AC, CD, DB, equales; Erit ex ijs, que ad prop. i. huius libri demonstrauiamus, rectangulum sub AB, EF, hoc est, quadratum ipsius AB equale rectangulis sub AC, EG; AC, GH; AC, HF: CD, EG; CD, GH; CD, HF: DB, EG; DB, GH; DB, HF. Cum igitur partes AC, CD, DB, partibus EG, GH, HF, sint equales; Erit quoque quadratum ex AB, equale rectangulis sub AC, EG; AC, GH; AC, HF: CD, EG; CD, GH; CD, HF: DB, EG; DB, GH; DB, HF. Quod, est propositum.


IN numeris idem est manifestum. Si enim numerus 10. diuidatur in 2. 3. 5. erit 100. quadratus totius equalis huiusmodi numeris 4. 6. 10. 6. 9. 15. 10. 15. 25. qui ex singulis partibus 2. 3. 5. in quamlibet partium 2. 3. 5. procreantur, ut perspicuum est.

3. THEOR. 3. PROPOS. 3.

SI recta linea secta sit utcumq; rectangulum sub tota, & vno segmentorum comprehensum æquale est & illi, quod sub segmentis comprehenditur, rectangulo, & illi, quod a prædicto segmento describitur, quadrato.


LINEA recta AB, diuisa sit utcumq; in puncto C. Describitur rectangulum comprehensum sub tota AB, & vtriusque segmenti, ut AC, (sive hoc segmentum maius sit, sive minus) æquale esse rectangulo sub segmentis AC, CB, comprehenso, & quadrato prioris segmenti assumpti AC. Constituitur enim quadratum dicti segmenti AC, quod sit AD, & ex

& ex B, educatur BF, parallela ipsi AE, donec coeat cum ED, protracta in F. Quoniam igitur AE, recta recte AC, æqualis est ex quadrati definitione, erit rectangulum AF, comprehensum sub tota AB, & segmento AC. Rursum, quia recta CD, eadem ratione æqualis est recte AC, erit rectangulum CF, comprehensum sub segmentis AC, & CB.



Cum igitur rectangulum AF, æquale sit quadrato AD, & rectangulo CF; liquido constat, rectangulum sub AB, tota, & segmento AC, comprehensum, esse æquale rectangulo comprehenso sub segmentis AC, CB, & quadrato prædicti segmenti AC. Itaque si recta linea secta sit utcumque, &c. Quod erat ostendendum.

ALITER. Accipiaturs recta D, æqualis segmento AC. Quoniam recta AB, diuisa est in C, erit rectangulum comprehensum sub D, & AB, hoc est, sub AB, & AC, hoc est, sub AC, CB, & quadrato prædicti segmenti AC; quod est propositum.



1. secundi.

SCHOLION.

Ut hoc theorema numeris accommodetur, sit numerus 10. diuisus in 7. & 3. Dico numerum 70. productum ex 10. in 7. æqualem esse numero 21. qui ex 7. in 3. producitur, una cum 49, quadrato prioris partis 7. Id quod res ipsa indicat. Pariter erit numerus 30. procreatus ex 10. in 3. æqualis numero 21. producto ex 3. in 7. simul cum 9. quadrato prædicti numeri 3.


THEOR. 4. PROPOS. 4. 4.

SI recta linea secta sit utcumque; Quadratum, quod a tota describitur, æquale est

L 2 & illis,

& illis, quæ a segmentis describuntur, quadratis, & ei, quod bis sub segmentis comprehenditur, rectangulo.

RECTA AB, diuisa sit utcumq; in C. Dico quadratum totius rectæ AB, equalè esse quadratis segmentorum AC, CB, & rectangulo comprehenso bis sub segmentis AC, CB. Describatur super AB, quadratum AD, ducaturq; diameter BE. Deinde ex C, agatur, CF, parallela rectæ BD, secans diametrum in G, puncto, per quod rursus ducatur HI, parallela rectæ AB; Eritq; quadratum AD, diuisum in quatuor parallelogramma.



Quoniam igitur trianguli ABE, duolatera AB, AE, æqualia sunt; erunt duo anguli ABE, AEB, æquales: Atqui tres anguli ABE, AEB, BAE, trianguli ABE, duobus rectis sunt æquales; & BAE, rectus est: reliqui ergo anguli ABE, AEB, semirecti erunt. Eadē ratione ostendens, angulos DBE, DEB, semirectos esse. Quod etiam constat ex his, quæ ad 4. propos. lib. I. demonstrauius. Nam, ut ibi ostensum est, diameter BE, diuidit angulos rectos ABD, AED, bisariam. Quia ergo anguli tres trianguli EFG, æquales sunt duobus rectis; & angulus EFG, rectus est, cum sit equalis recto D, externus interno; nec nō FEG, semirectus; erit & reliquus EGF, semirectus, ideoq; equalis angulo F: G. Quare æqualia erunt latera EF, & FG; quæ cum sint æqualia oppositis lateribus GH, HE, erit parallelogrammū FH, quadratum, cum omnia eius latera sint æqualia, & omnes anguli recti. Eadem ratione quadratum erit CI. Quamobrem CI, FH, quadrata sunt segmentorum AC, CB, quod HG, recta æqualis sit rectæ AC; & rectangula AG, DG, comprehensa erunt sub segmentis AC, CB, propterea quod CG, GI, æquales sint rectæ CB; & FG, æqualis rectæ GH, hoc est rectæ AC. Quæcirca cum quadratum AD, equalè sit quadratis CI, FH, & rectangulis AG, DG; constat quadratum AD, totius lineæ AB, equalè esse quadratis segmentorum AC, CB, & rectangulo comprehenso sub eisdē segmentis AC, CB, bis sumpto. Igitur si recta linea secta sit utcumq; quadratum, quod a tota describitur, &c. Quod demonstrandum erat.

5. primi.
32. primi.

32. primi.

29. primi.

6. primi.

34. primi.

34. primi.


ALITER. Quoniam recta AB, diuisa est in C, erit quadratum totius AB, æquale rectangulis, quæ sub tota AB, & segmentis AC, CB, comprehēduntur: Rectangulum autem sub A — C — B
 A B, & AC, comprehensum, æquale est rectangulo comprehēso sub AC, CB, & quadrato segmenti AC; Item rectangulum sub AB, CB, comprehensum, æquale est rectangulo sub CB, AC, comprehēso, & quadrato segmenti CB. Igitur quadratum rectæ AB, æquale est quadratis segmentorum AC, CB, & rectangulis sub AC, CB, & sub CB, AC. quod est propositum.

2. secundi.
 3. secundi.

COROLLARIUM.

HINC manifestum est, parallelogramma circa diametrum quadrati esse quadrata.

CONSTAT hoc ex priori huius theoremati demonstratione, in qua ostensum est, rectangula CI, FH, quæ sunt circa diametrum BE, esse quadrata. In omnibus enim alijs quadratis eadem erit demonstratio. Est tamen corollarium istud intelligendum de illis parallelogrammis circa diametrum quadrati, quæ communem aliquem angulum habent cum toto quadrato, cuiusmodi sunt dicta parallelogramma CI, FH; Illud enim angulum habet ABD, communem cum quadrato, hoc vero angulum AED. Idem nihilominus verum est de quibuscunq; parallelogrammis circa diametrum quadrati, etiam protractam, quamuis non habeant cum quadrato angulum aliquem communem, dummodo eorum latera parallela sint quadrati lateribus. Circa enim diametrum AC, quadrati BD, consistat parallelogrammum FH, siue intra quadratum, siue extra, quod tamē habeat latera lateribus quadrati BD, parallela; Dico FH, esse quadratum. Cum enim parallela sint AB, EF, erunt anguli BAC, FEG, æquales, internus & externus; atq; eadem ratione anguli BCA, FGB, æquales erunt. Sunt autem anguli BAC, BCA, semirecti, vt ostensum iam fuit; Igitur & anguli FEG, FGB, semirecti erunt, proptereaq; latera EF, FG, illis opposita æqualia, & angulus F, rectus.



Quare cum EF, FG latera æqualia sint oppositis lateribus GH, HB; erit FH, quadratum. Quod est propositum.


29. primi.
 32. primi.
 6. primi.
 34. primi

THEOR. 5. PROPOS. 5.

5.

SI recta linea secetur in æqualia, & non æqualia: Rectangulum sub inæqualibus segmentis totius comprehensum, vna cū quadrato, quod ab intermedia sectionum, æquale est ei, quod a dimidia describitur, quadrato.

DIVIDATUR recta AB, bifariam in C, & per inæqualia in D, vt sectionum intermedia recta sit CD, qua dimidia CB, minus segmentum DB, superat, vel qua maius segmentum AD, dimidium AC, excedit: Dico rectangulum sub segmentis inæqualibus AD, DB, comprehensum, vna cum quadrato rectæ CD, quæ inter duas est sectiones, æquale esse quadrato dimidiæ CB. Describatur enim C F, quadratum super dimidia CB; & ducta diametro BE, ducatur ex D, re-



cta DG, parallela rectæ BF, secans diametrum BE, in H, puncto, per quod ducatur rectæ BC, parallela IK; Item ex A, rectæ CE, parallela AL, secans IK, productam in L. Erunt igitur per corollarium præcedentis propof. DI, KG, quadrata. id est; DH, recta rectæ DB, æqualis: Est autem & KH, ipsi CD, æqualis. Quare rectangulum AH, comprehenditur sub AD, DB; & KG, erit quadratum rectæ CD. Probandum itaq; est rectangulum AH, vna cum quadrato KG, æquale esse quadrato CF. Quoniam ergo complementa CH, FH, æqualia sunt; si addatur commune quadratum DI, erit parallelogrammum DF, parallelogrammo CI, æquale; Est autem & AK, eidem CI, æquale, quod & bases AC, CB, æquales sint: Igitur DF, AK, æqualia inter se erunt; quibus si commune apponatur CH, erit gnomon MNO, rectangulo AH, æqualis. Quocirca cum gnomon MNO, & quadratum KG, æqualia sint quadrato CF, erit & rectangulum

34. primi.

43. primi.

36. primi.

L 4 AH,

A H, vna cum quadrato A G, æquale eidem quadrato C F. Si recta ergo linea secetur in æqualia, & non æqualia, &c. Quod ostendendum erat.

SCHOLIION.



ALITER hoc theorema ex Euclido Maurolyco demonstrabimus, modo: Quia quadratum ex C B, æquale est quadratis ex C D, D B, vna cum rectangulo bis sub C D, D B: Et rectangulo sub C D, D B, vna cum quadrato ex D B, æquale est rectangulum sub C B, B D; Erit quadratum ex C B, æquale reliquo quadrato ex C D, vna cum reliquo rectangulo sub C D, D B, & rectangulo sub C B, B D, vel sub A C, B D.

4. secundi.

3. secundi.

1. secundi.

Atqui rectangulis sub A C, B D, & sub C D, D B, æquale est rectangulum sub tota A D, D B. Igitur quadratum ex C B, æquale erit quadrato ex C D, vna cum rectangulo sub A D, D B; hoc est, rectangulum sub A D, D B, vna cum quadrato ex C D, æquale erit quadrato ex C B. Quod erat demonstrandū.

IDEM in numeris est manifestum. Diuidatur enim numerus 10 æqualiter in 5. & 5. Item inæqualiter in 7. & 3. ita vt medius numerus inter sectiones sit 2. quo videlicet dimidijs numerus 5. superat minorem partem 3. &c. Vides igitur, numerum 21. ex 7. in 3. productum, vna cum 4. quadrato intermedij numeri 2. æqualem esse 25. quadrato dimidijs numeri 5.

6.

THEOR. 6. PROPOS. 6.

SI Recta linea bifariam secetur, & illi recta quædam linea in rectum adijciatur, rectangulum comprehensum sub tota cum adiecta, & adiecta, vna cum quadrato a dimidia, æquale est quadrato a linea, quæ cum ex dimidia, tum ex adiecta componitur, tanquam ab vna, descripto.

SECRETUR recta AB, bifariam in C, & ei in rectu ad-
 datur BD: Dico rectangulum comprehensum sub tota co-
 posita AD, & DB, adiecta, vna cum quadrato dimidia
 CB, æquale esse quadrato lineæ CD, quæ ex dimidia CB,
 & adiecta BD, componitur. Descri-
 batur namq; CE, quadratum super
 CD, & ducta diametro DF, ducatur
 ex B, recta BG, parallela rectæ
 DE, secans diametrum DF, in H,
 puncto, per quod agatur IK, paral-
 lela rectæ CD; Item ex A, ducatur
 recta CF, parallela AL, secans I K, productam in L. Eunt
 igitur per corollarium 4. propos. huius lib. BI, KG, qua-
 drata, ideoq; recta DI, rectæ DB, equalis; Est autem &
 KH, rectæ CB, æqualis. Quare rectangulum AI, com-
 prehendetur sub rectis AD, DB; & KG, erit quadratum
 rectæ CB. Probandum itaq; est, rectangulum AI, vna cum
 quadrato KG, æquale esse quadrato CE. Quoniam ergo
 parallelogrammum AK, æquale est parallelogrammo CH,
 quod bases AC, CB, æquales sint; Est autem C, & paral-
 lelogrammum HE, eidem CH, æquale, complementum
 complemento; erunt AK, HE, æqualia inter se. Addito
 ergo communi CI, erit rectangulum AI, gnomoni MNO,
 æquale. Quocirca cum gnomon MNO, & quadratum
 KG, quadrato CE, sint æqualia; erit & rectangulum AI,
 vna cum eodem quadrato KG, eidem quadrato CE, æ-
 quale. Itaq; si recta linea bifariam secetur, & illi recta quæ-
 dā linea in rectu adijciatur, &c. Quod erat demonstrandū.




34. primi.

36. primi.

43. primi.

SCHOLI O N.

ALITER idem ostendemus ex Francisco Maurolyco.
 Quia quadratum ex CD, æquale est
 quadratis ex CB, BD, vna cum re-
 ctangulo bis sub CB, BD; hoc est,
 vna cum rectangulis sub CB, BD, & sub AC, BD. Est autem
 rectangulis sub AC, BD; CB, BD; & sub DB, DB, hoc est,
 quadrato ex DB, æquale rectangulum sub AD, DB. Igitur
 quadratum ex CD, æquale est reliquo quadrato ex CB
 vna cum
 rectan-




4. secundi.

1. secundi.

rectangulo sub AD, DB : Hoc est, rectangulum sub AD, DB , una cum quadrato ex CB , aequale est quadrato ex CD . Quod demonstrandum erat.

SECRETUR iam numerus 10. bifariam, (ut & hoc theorema numeris accommodemus.) in 5. & 5. addaturq; ei numerus 2. Vides igitur numerum 24. qui producitur ex toto numero composito 12. in adiectum 2. una cum 25. quadrato dimidij numeri, aequalem esse 49. quadrato huius numeri 7. qui ex dimidio 5. & adiecto 2. componitur.

Ex hoc porro theoremate colligitur proprietas insignis Arithmetica proportionalitatis, quae consistit in eodem semper excessu quantitatum proportionalium. Cum enim AD , superet CD , magnitudine AC , hoc est, CB ; & CD ; superet BD , eadem magnitudine CB : habebunt lineae AD, CD, BD , proportionalitatem Arithmeticam. Quare cum




ostensum sit, rectangulum sub extremis AD, BD , una cum quadrato excessus CB , aequale esse quadrato lineae mediae CD ; perspicue colligitur, in omni proportionalitate Arithmetica trium linearum, rectangulum sub extremis contentum, una cum quadrato excessus, aequale esse quadrato lineae mediae. Quod idem in numeris cernitur, qui eundem habent excessum. In numeris enim 4. 7. 10. eundem excessum 3. habentibus, numerus 40. productus ab extremis 4. 10. una cum 9. quadrato excessus 3. aequalis est quadrato numero 49. qui ex medio numero 7. procreatur.

THEOR. 7. PROPOS. 7.

7.

SI recta linea secetur utcumq; Quod a tota, quodq; ab vno segmentorum, utraque simul quadrata, aequalia sunt & illi, quod bis sub tota, & dicto segmento comprehenditur, rectangulo, & illi, quod a reliquo segmento fit, quadrato.

RECTA AB, secetur utcumq; in C. Dico quadratum totius AB, & quadratum segmenti siue maioris, siue minoris AC, æqualia esse rectangulo bis comprehenso sub tota AB, & dicto segmento AC, vna cū quadrato reliqui segmenti CB. Describatur. n. super AB, quadratū AD, & ducta diametro BE, ducatur ex C. recta CF, parallela rectæ AE, secās diametrū in puncto G, per q̄p agat̄ HI, parallela rectæ AB. Erunt igitur per corollariū 4. propos. huius lib. CI, HF, quadrata, & quia recta GH, æqualis est rectæ AC, erit HF, quadratum segmenti AC. Rursus quia AB, æqualis est ipsi AB, erit rectangulū AF, cōprehensum sub tota AB, & segmento AC. Eadem ratione rectangulum HD, comprehensum erit sub eisdē rectis AB, AC, quod rectæ DE, EH, æquales sint rectis AB, AC. Quoniam igitur rectangulis AF, FI, hoc est, gnomoni KLM, vna cum quadrato CI, æquale est quadratū AD; si apponatur cōmune quadratū HF, erūt quadrata AD, HF, æqualia rectangulis AF, DH, (quæ comprehenduntur sub tota AB, & segmento AC,) vna cum CI, quadrato reliqui segmenti CB. Si igitur recta linea secetur utcumq;, &c. Quod erat demonstrandum.




34. primi.

SCHOLIUM.

ALITER ex Francisco Maurolyco idem demonstrabimus. Quia quadratum ex AB, æquale est quadratis ex AC, CB, vna cum rectangulo bis sub AC, CB; si addatur commune quadratum ex AC, erunt quadrata ex AB, AC, æqualia quadratis ex AC, CB, AC, vna cum rectangulo bis sub AC, CB. Sed rectangulo sub AC, CB, vna cum quadrato ex AC, æquale est rectangulum sub AB, AC; Et proinde rectangulo bis sub AC, CB, vna cum quadrato ex AC, bis, æquale est rectangulum sub AB, AC, bis. Igitur quadrata ex AB, AC, æqualia sunt reliquo quadrato ex CB, vna cum rectangulo bis sub AB, AC. Quod demonstrandum erat.

4. secundi.




3. secundi.

IN numeris autem, dividatur numerus 10. utriusque in 6. & 4. Igitur 100. quadratus numerus totius numeri 10. & 36. quadratus numerus partis 6. æquales sunt numero 120. qui fit bis ex toto 10. in partem 6. vna cum 16. quadrato numero alterius partis 4. ut constet. Sic etiam 100. quadratus numerus totius numeri 10. & 16. quadratus numerus partis 4. æquales sunt numero 80. qui bis fit ex toto 10. in partem 4. vna cum 36. quadrato numero alterius partis 6.

EX FEDERICO COMMANDINO.

SI recta linea in partes inæquales secetur: earum partium quadrata æqualia sunt rectangulo, quod bis dictis partibus continetur, vna cum quadrato eius lineæ, quæ maior pars superat minorem.

SECUTUR recta AB, in partes inæquales AC, CB, sitque maior pars AC; ponatur autem minori parti CB, æqualis linea AD, ut DC, sit excessus, quo pars AC, superat partem CB. Dico quadrata partium AC, CB, æqualia esse rectangulo, quod bis continetur sub AC, CB, vna cum quadrato lineæ DC. Constituantur quadrata AB, CB, & agatur DI, ipsi CB, parallela, producatque HG, ad K. Itaque quoniam AD, ipsi CB, est æqualis, addita communi DC, erit tota AC, hoc est CE, toti DB, æqualis; Est autem & CG, ipsi CB, æqualis, quod quadratum sit CH: Igitur & reliqua GE, reliquæ DC, æqualis erit: Ac proinde, cum & IE,



34. primi.

ipsi DC, sit æqualis; erunt GE, IE, æquales: ideoque IG, quadratum erit ab excessu DC, descriptum. Quoniam vero rectangula AI, DH, continentur sub partibus AC, CB, (est. n. AC, utriusque lineæ AF, DB, & CB, utriusque AD, BH, æqualis:) manifestum est, quadrata AE, CB, partium AC, CB, æqualia esse rectangulis AI, DH, quæ continentur sub partibus AC, CB, vna cum quadrato IG, excessus DC. Quod est propositum.

SCHOLION.

IN numeris. Secetur numerus 10. inæqualiter in 4. & 6.

ita ut maior pars superet minorem numero 2. Vides igitur numeros 16. 3 6. quadratos partium, qui efficiunt 52. æquales esse numero 24. qui fit ex 4. in 6. bis sumpto, vna cum 4. quadrato excessus 2. ut volebat theorema.

THEOR. 8. PROPOS. 8. 8.

SI recta linea secetur vtcunq; Rectangulum quater comprehensum sub tota, & vno segmentorū, cum eo, quod a reliquo segmento fit, quadrato, æquale est ei, quod a tota, & dicto segmento, tanquam ab vna linea describitur, quadrato.

SIT recta AB, in C, diuisa vtcunq; Dico rectangulum quater comprehensum sub AB, & segmento siue maiore, siue minore CB, vna cum quadrato reliqui segmenti AC, æquale esse quadrato lineæ, quæ ex recta AB, & dicto segmento CB, componitur. Producatur AB, versus dictum segmentum CB, ad D, sitq; BD, recta æqualis segmento CB; & super tota AD, quadratum describatur AE; Ducta autem diametro



DF, ducantur BG, CI, parallelæ ipsi DE, secantes diametrum in H, K, punctis, per quæ ducantur LM, OP, parallelæ ipsi AD, quæ secent priores parallelas in N, Q. Erunt igitur per corollarium propof. 4. huius lib. OI, NQ, BM, quadrata. Et quia OK, equalis est rectæ AC, erit OI, quadratum segmenti AC: Rursus quia NH, æqualis est rectæ CB, erit NQ, quadratū segmenti CB, ideoq; quadrato LM, æquale, tū rectæ CB, BD, æquales sint. Quare rectæ BH, HQ, æquales sunt segmento CB; Atq; adeo duo rectangula AH, LQ, comprehensa erunt sub AB, & segmento CB, cum LH, sit æqualis rectæ AB. Eadē rōne erūt duo

34. primi.
34. primi.
34. primi

rectan-

34. primi.

rectangula NG, HE, comprehensa sub AB, & CB, cū NH, HM, rectæ æquales sint rectis CB, BD; & rectæ GH, EM, rectæ LH, hoc est, rectæ AB: Et quia quadratum NQ, BM, æqualia sunt; si addatur commune KG, erūt BM, KG, simul æqualia rectangulo NG. Quapropter quinque rectangula AH, LQ, HE, BM, & KG, gnomonem RST, composita, æqualia sunt rectangulo quater comprehenso sub recta AB, & segmento CP. Cum igitur gnomon RST, & quadratum OI, æqualia sint quadrato A E; erit rectangulum quater comprehensum sub data recta AB, & segmento CB, vna cum quadrato reliqui segmenti AC, æquale quadrato lineæ AD, compositæ ex AB, & dicto segmento CB. Quobrem, si recta linea secetur vtcunq; &c. Quod demonstrandum erat.

SCHOLIION.

4. secundi.

ALITER idem ex Francisco Maurolyco demonstrabitur. Quia quadratum ex AD æquale est quadratis ex AB, BD, vna cū rectangulo sub AB, BD, bis; hoc est, quadratis ex AB,

7. secundi.

BC, vna cum rectangulo bis sub AB, BC: Et quadrata ex AB, BC, æqualia sunt rectangulo bis sub AB, BC, vna cum quadrato ex AC; Erūt quadratum ex AD, æquale rectangulo quater sub AB, BC, vna cum quadrato ex AC. Quod demonstrandum erat.

SECTVR iam numerus 10. vtcunq; in 6. & 4. Numerus igitur 240. qui quater fit ex toto 10. in partem 6. vna cum 16. quadrato numero alterius partis 4. hoc est, numerus 256. æqualis est numero quadrato huius numeri 16. qui componitur ex dato numero 10. & dicta parte 6. vt constat. Eodem modo, numerus 160. qui fit quater ex 10. toto, in partem 4. vna cum 36. quadrato numero alterius partis 6. hoc est, numerus 196. æqualis est quadrato numero huius numeri 14. qui componitur ex 10. & 4. vt perspicuum est.


9.

THEOR. 9. PROPOS. 9.

SI recta linea secetur in æqualia, & nō æqua-

æqualia; Quadrata, quæ ab inæqualibus totius segmentis fiunt, duplicia sunt & eius, quod a dimidia, & eius, quod ab intermedia sectionum fit, quadrati.

SECTVR recta AB, bifariam in C, & non bifariam in D. Dico, quadrata segmentorum inæqualium AD, DB, dupla esse quadratorum, quæ fiunt ex dimidia AC, & ex intermedia sectionum CD. Educatur enim ex C, ad AB, perpendicularis CE, quæ sit æqualis dimidiæ AC, vel CB; Ducanturq; rectæ EA, EB. Deinde ex D, ducatur quoq; ad AB, perpendicularis DF, secans EB, in puncto F, per quod ducatur FG, parallela ipsi AB, secans CE, in G, ducaturq;



AF. Quoniam igitur in triangulo ACE, latera CA, CE, æqualia sunt; erunt anguli CAE, CEA, æquales. Est autem angulus ACE, rectus; reliqui igitur anguli alium rectum conficiunt, ideoq; AEC, semirectus erit. Eadem ratione angulus BEC, semirectus erit; ac propterea totus AEB, rectus. Rursus, quia trianguli FGE, angulus EGF, æqualis est recto ECB, externus intus; erunt reliqui duo anguli vni recto æquales: ostensum autem est, angulum FEG, esse semirectum; igitur & EFG, semirectus erit, proptereaque cum anguli FE'G, FGE, æquales sint, erunt & latera EG, GF, æqualia inter se. Eodem modo ostendetur, in triangulo BDF, latera BD, DF, esse æqualia; nam angulus FDB, est rectus, & B, semirectus, &c. Itaque cum in triangulo ACE, angulus C, rectus sit, erit quadratum lateris AE, æquale duobus quadratis laterum AC, CE; Atqui hæc duo quadrata inter se sunt æqualia; quod & lineæ AC, CE, æquales sint; Igitur quadratum lateris AE, duplum erit quadrati lateris AC. Rursus, quia in triangulo EGF, angulus G, rectus est, erit quadratum lateris EF, æquale duobus quadratis laterum EG, GF; At duo hæc quadrata inter se æqualia sunt, ob æqualitatem linearum EG, GF; Igitur

5.primi.
32.primi.
19.primi.
32.primi.
6.primi.
47.primi.
47.primi.

34. primi.




47. primi.

47. primi.

Igitur quadratum lateris E F, duplum erit quadrati lateris F G, hoc est, quadrati lineæ C D; Est enim C D, recta rectæ F G, æqualis, cum C F, sit parallelogrammum. Quare duo quadrata rectarum A E, E F, dupla sunt duorum quadratorum linearum rectarum A C, C D. Sunt autem duo quadrata rectarum A E, E F, æqualia quadrato rectæ A F; & quadratum rectæ A F, æquale duobus quadratis rectarum A D, D F. Igitur & duo quadrata rectarum A D, D F, dupla sunt duorum quadratorum rectarum A C, C D. Atqui quadratum rectæ D F, æquale est quadrato rectæ D B; ostensum enim est, rectas D F, D B, esse æquales. Quare duo quoque quadrata rectarum A D, D B, segmentorum inæqualium, dupla sunt quadratorum rectarum A C, C D, dimidiæ lineæ, & inter mediæ sectionum. Si ergo recta linea secetur in æqualia, & non æqualia &c. Quod erat demonstrandum.

SCHOLIION.

ALITER ex Federico Commandino. Quoniam A C, ipsa C B, æqualis est, & superat C B, ipsam C D, recta D B; superabit quoque A C, ipsam C D, eadem recta D B. Quare, ut ad 7. propos. huius lib. demonstravimus, quadrata rectarum A C, C D, æqualia sunt rectangulo sub A C, C D, bis, vna cum quadrato rectæ D B; A C propterea



quadrata rectarum A C, C D, & rectangulum sub A C, C D, bis, vna cum quadrato rectæ D B, dupla sunt quadratorum ex A C, C D: Sed quadratis rectarum A C, C D, vna cum rectangulo sub A C, C D, bis, est æquale quadratum rectæ A D. Igitur & quadrata rectarum A D, D B, dupla sunt quadratorum ex A C, C D.

4. secundi.

4. secundi.

ALITER ex Francisco Maurolyco. Quia quadratum ex lineâ recta A D, descriptum æquale est quadratis descriptis ex A C, C D, vna cum parallelogrammo rectangulo bis sub rectis A C, C D, comprehensi; si commune ponatur quadratum ex D B, erunt quadrata ex A D, D B, æqualia quadratis ex A C, C D, D B, vna cum rectangulo bis sub A C, C D, vel

vel sub BC, CD , At qui quadrato ex DB , vna cum rectangu-
lo, bis sub BC, CD , equali sunt quadrata ex BC , seu AC ,
& ex CD . Quadrata igitur ex AD, DB , equalia sunt bis
quadratis ex AC, CD ; Ac propterea quadrata ex AD, DB ,
dupla sunt quadratorum ex AC, CD ; Quod ostendendum
erat.

7. secundi.

I AM. vero rursus numerus, 10. diuidatur equaliter in 5.
& 5. Item inequaliter in 7. & 3. vt sit intermedia sectio nu-
merus 2. ceu in propos. 5. est dictum. Quadrati numeri igitur
49. & 9. partium inequalium 7. & 3. dupli sunt quadrato-
rum 25. & 4. dimidij numeri 5. & numeri 2. inter duas sectio-
nes, vt manifestum est.

THEOR. 10. PROPOS. 10.

10.

SI recta linea secetur bifariam, adijcia-
tur autem ei in rectū quæpiam recta linea:
Quod a tota cum adiuncta, & quod ab ad-
iuncta, utraque simul quadrata, duplicia
sunt & eius, quod a dimidia, & eius, quod
a composita ex dimidia & adiuncta, tanquā
ab vna, descriptum sit, quadrati.

SECTUR recta AB , bifariam in C , & ei in rectum
addatur BD : Dico duo quadrata rectarum AD, BD , du-
pla esse quadratorum, quæ ex rectis AC, CD , describuntur.
Super AB , enim ex C , erigatur perpendicularis CE ,
quæ sit æqualis dimidiæ AC , uel CB , & iungantur rectæ
 AE, EB . Per D , deinde educatur DF ,
ipsi CE , parallela, occurrens rectæ EB ,
protractæ in G ; & per E , ducatur rectæ
 CD , parallela EF , secans DF , in F ,
iungaturque recta AG . Ostendetur iā,
angulum AEB , esse rectum, ut in præcedenti propos. &
 CEB , semirectum; ideoque eius alternum EGF , semirectum
quoque: Est autem angulus F , rectus, cum in paral-
lelogramo




29. primi
34. primi

32. primi
6. primi

leogrammo CF, recto angulo C, opponatur, Igitur & reliquus FEG, semirectus erit, & propterea ipsi EGF æqualis. Quare rectæ BF, FG, & angulis FEG, EGF, oppositæ, æquales erunt. Eadem arte ostendes, rectas BD, DG esse æquales, propterea quod angulus BDG sit rectus, & BGD, semirectus, &c. Quoniam igitur quadratum rectæ AE, æquale est quadratis æqualibus rectarum æqualium AC, CE, erit quadratum rectæ AE, duplum quadrati rectæ AC.

47. primi



47. primi

Rursus quia quadratum rectæ EG, quadratis æqualibus rectarum æqualium EF, FG, æquale est; erit quoque quadratum rectæ EG, dupli quadrati rectæ EF, hoc est, rectæ CD, cum CD,

34. primi


recta æqualis sit rectæ EF. Duo igitur quadrata rectarum AE, EG, dupla sunt quadratorum ex rectis AC, CD, descriptorum: Atqui duobus quadratis rectarum AE, EG, æquale est quadratum rectæ AG; & quadrato rectæ AG, æqualia sunt duo quadrata, quæ ex duabus lineis rectis æqualibus AD, DG, describuntur. Quadrata ergo rectarum AD, DG, dupla sunt quadratorum ex rectis AC, CD, descriptorum.

47. primi

Cum igitur quadratum rectæ DG, æquale sit quadrato rectæ BD; erunt quoque quadrata rectarum AD, BD, dupla quadratorum, quæ ex rectis AC, CD, describuntur. Itaque si recta linea secetur bifariam, &c. Quod ostendendum erat.

S C H O L I O N .

ALITER ex Federico Commandino. Quoniam AC, ipsa CB, est æqualis, & superat CD, ipsam CB, recta BD; superabit quoque CD, ipsam AC, eadem recta BD. Quare, ut ad 7. ipsos huius lib. ostēdimus, quadrata ex AC, CD, æqualia sunt



rectangulo sub AC, CD, bis, una cum quadrato rectæ BD; Ac propterea quadrata rectarum AC, CD,

4. secundi

& rectangulum sub AC, CD, bis, una cum quadrato rectæ BD, dupla sunt quadratorum ex AC, CD; Atqui quadratis rectarum AC, CD, una cum rectangulo sub AC, CD, bis, æquale est quadratum rectæ AD. Igitur & quadrata rectarum AD, BD, dupla sunt quadratorum ex AC, CD.

ALITER

A L I T E R ex Francisco Maurolyco. Quia quadratū ex AD, æquale est quadratis ex AC, CD, vna cū rectangulo bis sub AC, CD, vel sub BC, CD; s; commune addatur quadratū ex BD, erunt quadrata ex AD, BD, æqualia quadratis ex AC, CD, BD, vna cū rectangulo bis sub BC, CD. Sed quadrato ex BD, vna cū rectangulo bis sub BC, CD, æqualia sunt quadratis ex CD, BC, hoc est, quadrata ex AC, CD. Igitur quadrata ex AD, BD, æqualia sunt quadratis ex AC, CD, bis; Ac proinde quadrata ex AD, BD, dupla sunt quadratorum ex AC, CD; Quod erat demonstrandum.

4. secundi

7. secundi

N U M E R V S 10 bifariam secetur in 5. & 5. cui addatur numerus quivis 3. vt totus numerus cōpositus sit 13. Quadrati igitur numeri 169. & 9 horum numerorū 13. & 3. dupli sunt numerorum quadratorum 25. & 64. qui ex his numeris 5. & 8. gignuntur, ut perspicuum est.

PROBL. I. PROPOS. II.

II.

D A T A M rectam lineam secare, ut cōprehensum sub tota, & altero segmentorū rectangulum, æquale sit ei, quod a reliquo segmento fit, quadrato.

D A T A sit recta AB, quam secare oportet in duas partes, ita ut rectangulum cōprehensum sub tota AB, & minori eius segmento, æquale sit quadrato reliqui segmenti maioris. Describatur ex AB, quadratū AC, & diuiso latere AD, quod cū linea data AB, angulū rectū efficit, bifariam in E, iungatur recta EB, cui ex E A, producta æqualis sumatur EF; & ipsi AF, abscindatur ex recta AB, data æqualis AG. Dico rectam AB, sectā esse in G, ita ut rectangulum comprehensum sub AB, & BG, æquale sit quadrato rectæ AG. Ducatur enim per G, recta HI, parallela rectæ DF, secans CD, in I; Ac per F, ducatur ipsi AG, parallela FH, secans HI, in H. Erit igitur parallelogrammum AH, quadrum segmenti AG, cum omnia eius quatuor latera sint



34. primi

M 2 æqua-

6. secundi



47. primi

æqualia ; & rectangulum CG, comprehensum sub AB, & segmento BG, quod AB, æqualis sit ipsi BC. Itaque probandum est, rectangulum CG, & quadratum AH, æqualia esse. Quoniam igitur recta DA, diuisa est bifariam in E, & ei addita in rectum AF, erit rectangulum sub DF, FA, hoc est, rectangulum DH, (cum FH, sit æqualis ipsi FA;) una cum quadrato dimidiatæ AE, æquale quadrato rectæ EF, hoc est, quadrato rectæ EB; quæ rectæ EF, æqualis est: Est autem quadratum rectæ EB, æquale quadratis rectarum AE, AB: Quare rectangulum DH, vna cū quadrato rectæ AE, æquale est quadratis rectarum AE, AB: Dempto ergo communi quadrato rectæ AE, remanebit rectangulum DH, æquale quadrato rectæ AB, hoc est, quadrato AC. Ablato igitur rursus communi rectangulo AI, remanebunt rectangulum CG, & quadratum AH, inter se æqualia. Quod est propositum. Datam igitur rectam AB, secuimus, &c. Quod erat faciendum.

SCHOLION.

Hoc theoremam nulla ratione accommodari potest numeris. Non enim numerus nullus in duos numeros diuiditur, et numerus productus ex toto in alteram partem æqualis sit quadrato alterius partis, ut demonstrabimus ad propos. 14. lib. 9. Vbi etiam decem theoremata antecedentia huius lib. in numeris demonstrabimus.

12.

THEOR. II. PROPOS. 12.

IN amblygonijs triangulis, quadratum, quod fit a latere angulum obtusum subtendente, maius est quadratis, quæ fiunt a lateribus obtusum angulum comprehendentibus, rectangulo bis comprehenso & ab uno laterum, quæ sunt circa obtusum angulum,

lum, in quod, cum protractum fuerit, cadit perpendicularis, & ab assumpta exterius linea sub perpendiculari prope angulum obtusum.

TRIANGVLVM ABC, habeat angulum ABC, obtusum, & ex A, in latus CB, ad partes anguli obtusi protractum cadat perpendicularis AD. Dico quadratum lateris AC, quod obtuso angulo opponitur, maius esse quadratis laterum AB, BC, rectangulo bis comprehenso sub CB, BD, hoc est, quadratum lateris AC, æquale esse duobus quadratis laterum AB, BC, una cū rectangulo sub CB, BD, bis comprehenso. Cum enim recta CD, diuisa sit in B, vtriusque, erit quadratum rectæ CD, æquale duobus quadratis rectarū CB, BD, & rectangulo cōprehensō bis sub CB, BD. Addito igitur cōmuni quadrato rectæ AD, erunt duo quadrata rectarum CD, DA, æqualia tribus quadratis rectarū CB, BD, DA, & rectangulo comprehenso bis sub CB, BD: Est aut quadratis rectarū CD, DA, æquale quadratū rectæ AC; Quare & quadratū rectæ AC, æquale erit tribus quadratis rectarū CB, BD, DA, & rectangulo comprehenso bis sub CB, BD. Cum igitur quadratis rectarum BD, DA, æquale sit quadratum rectæ AB; erit quadratum rectæ AC, æquale quadratis rectarum CB, BA, & rectangulo comprehenso bis sub CB, BD. Quod est propositum. In amblygonijs ergo triangulis, quadratum, quod fit, &c. Quod erat ostendendum.



4. secundi.

47. primi

47. primi

SCHOLIION.

QVONIAM assumpsit Euclides, perpendicularem ductam ex A, cadere in latus CB, ad partes anguli obtusi, protractum, ideo paucis id demonstrabimus. Sit in triangulo ABC, angulus A BC, obtusus, & latus CB, ad partes B, protractus; Dico perpendicularem ex A, deductam cadere extra triangulū in latus CB, protractum, cuiusmodi est recta AD. Si enim
M 3 caderet

caderet intra triangulum, qualis est recta AE , essent duo anguli ABE, AEB , duobus rectis maiores cum ille sit obtusus, hic vero rectus: Quod est contra propos. 17. lib. 1. Si vero caderet extra triangulum in latus BC , productum ad partes C , qualis est recta AF , essent rursus in triangulo ABF , duo anguli ABF, AFB , maiores duobus rectis, cum ille sit obtusus, hic vero rectus. Quod est absurdum.



CONVERSVM quoque huius theoremat^{is} ita ostendimus. In triangulo ABC , quadratum lateris AC , maius sit quadratis laterum AB, BC ; Dico angulum B , quem dicitur latus subtendit, esse obtusum. Ducatur enim ex B , ad AB perpendicularis BD , linea BC , equalis, iungaturq; recta AD .

47. primi



Quoniam igitur, quadratū ex AD , equale est quadratis ex AB, BD , hoc est ex AB, BC ; Ponitur autē quadratū ex AC , maius quadratis ex AB, BC : Erit quadratū ex AD , minus quadrato ex AC , & idcirco recta AD , minor quā recta AC . Itaque quia latera AB, BC , triāguli ABC , equalia sunt lateribus AB, BD , triāguli ABD , utrumq; utriq; & basis AC , maior est base AD ; Erit angulus ABC , maior angulo ABD : sed ABD , rectus est. Igitur ABC , recto maior, & obtusus erit.

25. primi

13.

THEOR. 12. PROPOS. 13.

IN oxygonijs triāgulis, quadratū a latere angulū acutū subtendente minus est quadratis, quæ sunt a lateribus acutum angulū comprehendentibus, rectangulo bis comprehenso, & ab uno laterum, quæ sunt circa acutū angulum, in quod perpendicularis cadit, & ab assumpta interiori linea sub perpendiculari prope acutum angulum.

SINT

SINT omnes anguli trianguli ABC , acuti, & ex A , perpendicularis AD , demissa cadat in latus BC . Dico quadratum lateris AB , quod acuto angulo ACB , opponitur, minus esse quadratis laterum AC , CB , circa angulum acutum dictum, rectangulo bis comprehenso sub BC , CD , hoc est, quadratum lateris AB , una cum rectangulo bis comprehenso sub BC , CD , æquale esse duobus quadratis laterum AC , CB . Cum enim recta BC , diuisa sit in D , utcunque, erunt quadrata rectorum BC , CD , æqualia rectangulo comprehenso bis sub BC , CD , & quadrato rectæ BD .



7. secundi

Addito ergo communi quadrato rectæ DA , erunt tria quadrata rectorum BC , CD , DA , æqualia rectangulo bis comprehenso sub BC , CD , & duobus quadratis rectorum BD , DA . Duobus autem quadratis rectorum CD , DA , æquale est quadratum rectæ CA ; Duo igitur quadrata rectorum BC , CA , æqualia sunt rectangulo bis comprehenso sub BC , CD , & duobus quadratis rectorum BD , DA . Cū ergo duobus quadratis rectorum BD , DA , æquale sit quadratum rectæ AB ; erunt duo quadrata rectorum BC , CA , æqualia rectangulo bis comprehenso sub BC , CD , & quadrato rectæ AB quod est propositum. Eodem modo ostenderetur, quadrata rectorum AB , BC , æqualia esse rectangulo bis comprehenso sub CB , BD , & quadrato rectæ AC , hoc est, quadratum lateris AC , minus esse quadratis laterum AB , BC , rectangulo comprehenso bis sub CB , BD . In oxygonijs ergo triangulis, quadratum a latere, &c. Quod demonstrandum erat.

47. primi

47. primi

SCHOLIUM.

QUAMVIS Euclides theorema hoc proponat de triangulis dicitur axat oxygonijs, quæ scilicet omnes angulos habet acutos; Idem tamen verum est in triangulis rectangulis, & amblygonijs, ut constat ex posterioribus duobus triangulis in schemate propositis. Sunt enim in hisce triangulis necessario duo reliqui anguli acuti, ut perspicue colligi potest ex propos. 17. vel 32. primi lib. Hoc solum obseruandum est in triangulis

lis rectangulis, & amblygonijs perpendicularem duci debere ab angulo recto, vel obtuso; in oxygonijs vero a quolibet.




16. primi

Ira enim semper cadet perpendicularis intra triangulum, ut Euclides in demonstratione assumpsit. Quod quidem facile demonstrabitur hac ratione. Sint enim in triangulo ABC , duo anguli A, B, C, ACB acuti, angulus vero BAC , rectus, vel obtusus acutus vel. Dico perpendicularem ex A , demissam cadere intra triangulum. Si enim caderet extra in CB , protractam ad partes B , cuiusmodi est recta AE , esset in triangulo ABE ; angulus exterior ABC , acutus, maior interno & opposito recto AEB , quod est absurdum. Si vero caderet extra in BC , protractam ad partes C , qualis est recta AF , in idem incidemus absurdum, ut manifestum est.

Idem hoc theorema in triangulis rectangulis, & obtusangulis demonstrat Federicus Commandinus, etiam si perpendicularis AD , non cadat in latus BC , sed vel eadem sit, quae latus AC , ut in rectangulis, vel extra triangulum cadat, ut in obtusangulis accidit: cum in scholio propos. precedentis demonstravimus: quod tum demum accidit, cum perpendicularis non ab angulo recto, vel obtuso, sed ab altero acutorum demittitur.

SIT triangulum rectangulum ABC , cuius angulus B , sit rectus; & ex angulo A , acuto ad BC , perpendicularis ducatur AD , quae eadem erit, quae latus AB , propter angulum rectum B . Dico quadratum lateris AB , acutum angulum C , subtendentis, minus esse, quam quadrata laterum AC, CB , rectangulo bis comprehenso sub latere CB , in quod perpendicularis cadit, & sub linea CD , quae interjicitur inter perpendicularem




17. primi

AD , & acutum angulum C . Cum enim quadrata ex AB, CB , aequalia sint quadrato ex AC ; addito communi quadrato ex CB , erunt tria quadrata, nempe quod ex AB , & duplum eius, quod ex CB , aequalia duobus quadratis ex AC, CB . At quadratum ex CB , idem est, quod rectangulum sub CB, CD . Igitur & quadratum ex AB , una cum rectangulo bis sub CB, CD , aequale est quadratis ex AC, CB ; AC proinde quadratum ex AB , minus est, quam quadrata ex AC ,

AC ,

AC, CB, in rectangulo bis sub CB, CD, Quod est propositum.

REVERSUS sit triangulum obtusangulum ABC, cuius angulus B, obtusus; & ex angulo acuto A, ad BC, perpendicularis ducatur AD, extra triangulum cadens. Dico quadratum lateris AB, acutum angulum C, subtendentis, minus esse, quam quadrata laterum AC, CB, rectangulo comprehensibis sub CB, & CD. Quoniam quadrata ex AD, CD, & equalia sunt quadrato ex AC; addito quadrato ex CB, communi, erunt tria quadrata ex AD, CD, CB, equalia duobus quadratis ex AC, CB. At quadratum ex CD, & rectangulo bis sub CB, BD, Igitur & duo quadrata ex AD, CB, una cum quadratis ex CB, BD, & rectangulo bis sub CB, BD, equalia sunt quadratis ex AC, CB: Sunt autem quadrata ex AD, BD, equalia quadrato ex AB. Quare quadratum quoque ex AB, & duplum quadrati ex CB, una cum rectangulo bis sub CB, BD, equalia sunt quadratis ex AC, CB. Atqui quadrato ex CB, una cum rectangulo bis sub CB, BD, equalia sunt rectangulum sub CD, CB; Ad propterea duplo quadrati ex CB, una cum rectangulo bis sub CB, BD, equalia sunt rectangulum bis sub CD, CB. Igitur & quadratum ex AB, una cum rectangulo bis sub CB, CD, equalia sunt quadratis ex AC, CB; Ac proinde quadratum ex AB, minus est, quam quadrata ex AC, CB, rectangulo bis sub CB, CD. Quod est propositum.



47. primi


secundi

CONVERSVM quoque huius theorematiss in quodam antiquo scholio demonstratur in hunc fere modum. IN triangulo quocunque ABC, quadratum lateris AB, minus sit, quam quadrata laterum AC, CB. Dico angulum C, quem dicitur latus subtendit, esse acutum. Ducatur enim ex C, ad AC perpendicularis CD, linea CB, equalis, iungaturque recta AD. Quoniam igitur quadratum ex AD, equalia sunt quadratis ex AC, CD, minus est, ex AC, CB; Ponitur autem quadratum ex AB, minus

47. primi

3. secundi

AD. Quoniam igitur quadratum ex AD, equalia sunt quadratis ex AC, CD, minus est, ex AC, CB; Ponitur autem quadratum ex AB, minus



47. primi

minus

nus quadratis ex AC, CB ; Erit quadratum ex AD , maius quadrato ex AB , & ideo recta AD , maior quam recta AB .




Itaque quia duo latera AC, CD , trianguli ACD , aequalia sunt duobus lateribus AC, CB , trianguli ACB , utriusque utriusque

25. primi

& base AD , maior base AB : Erit, angulus ACD , maior angulo ACB : Sed ACB , rectus est, ex constructione: ergo ACB , recto minor, & acutus erit.

Ex his autem, que in proximis duobus theorematibus, & in 1. lib. demonstrata sunt, aream cuiusque trianguli latera habentis nota inueniemus. Sit primo triangulum rectangulum



ABC , cuius latera nota sunt, nempe AB , 10. palmorum; AC , 8. BC , 6: Diviso latere BC , bisariam in D , ut sit CD , 3. palmorum, perficiatur rectangulum $ACDE$, quod aequale est triangulo ABC , ut in scholio propos. 41. lib. 1. ostendimus. Quia vero ex ductu CD , trium palmorum in CA , 8. palmorum producitur area rectanguli CE , 24. palmorum quadratorum, ut ad

initium huius lib. docuimus; Totidem palmos quadratos continebit triangulum ABC , rectangulo CE , aequale. Quod est propositum.

12. secundi


Sit secundo triangulum obtusangulum ABC , cuius latera sunt cognita; AB , 20. palmorum; AC , 13. BC , 11. Primum igitur inuenienda est quantitas perpendicularis lineae AD , hoc modo. Quoniam quadratum lateris AB , maius est quam quadrata laterum AC, BC , rectangulo bis comprehenso sub BC, CD ; si quadrata laterum AC, BC , nempe 169. 121. qua efficiunt 290. detrahantur ex 400. quadrato lateris AB , remanebunt 110. pro rectangulo bis comprehenso sub BC, CD , cuius numeri dimidium 55. dabit rectangulum sub BC, CD . Si igitur 55. rectangulum sub BC, CD , diuidatur per 11. latus notum BC , exibit reliquum latus CD , 5. palmorum, ut Ioan. Regiom. demon-

strat

erat propositus. 17. lib. 1. de triangulis. Quia vero quadrata laterum AD, CD, equalia sunt quadrato lateris AC; si

47. primi

quadratum 25. palmorum, nempe lateris CD, 5. palmorum nuper inuenti, auferatur ex 169. quadrato lateris AC, remanebunt 144. palmi pro quadrato lateris AD. Quare latus AD, erit 12. palmorum, cum radix quadrata huius numeri 144 sit 12. Itaque diuiso latere BC, bisariam in E, educantur ex C, E, ad BD, perpendiculares CF, EG, occurrentes recte AG, que per A, ipsi BD, parallela ducitur, in punctis F, G. Quibus peractis, si EC, palmorum quinque cum dimidio, ducatur in CF, 12. palmorum. (Est enim CF, ipsi AD, equalis,) exurget area rectanguli



CG, 66. palmorum, quod cum equale sit triangulo ABC, ex scholio propositus. 41. lib. 1. (sunt enim rectangulum CG, & triangulum ABC, in eisdem parallelis) Erit quoque area trianguli ABC, palmorum quadratorum 66. quod est propositum.

34. primi

SIT postremo triangulum acutangulum ABC, latera habens nota; AB, 13. palmorum; AC, 15. BC, 14. Primum igitur hic quoque reperienda est quantitas perpendicularis AD, hac ratione: Quoniam quadratum lateris AB, minus est, quam quadrata laterum AC, BC, rectangulo comprehenso bis sub BC, CD;

13. secunda

si quadratum lateris AB, nimirum 169. detrahatur ex quadratis laterum AC, BC hoc est, ex 225. 196. que efficiunt 421. remanebunt 252. pro rectangulo comprehenso bis sub BC, CD, cuius numeri dimidium 126. dabit rectangulum sub BC, CD Si igitur 126. rectangulum sub BC, CD, diuidatur per BC, latus



notum, ut per 14; exhibit reliquum eius latus CD, palmorum 9. ut constat ex Ioan. Regiom. lib. 1. de triangulis propositus 17. Quoniam autem quadrata ex AD, CD, equalia sunt quadrato

47. primi

9. pal-

9. palmorum nuper inuenti, auferatur ex 225. quadratolateris $A C$; remanebunt 144. palmi pro quadrato, lateris $A D$.

Quare cum radix quadrati huius numeri 144. sit 12; erit lateris $A D$, 12. palmorum. Itaque diuiso latere $B C$, bisariam in E , educantur ex C, E , ad $B C$, perpendicularares $C F, E G$, occurrentes recte $A F$, que per A , ipsi $B C$; parallela ducitur, in punctis G, E .



Quibus peractis, scilicet $C E, 7$; palmorum ducatur in $E G, 12$. palmorum; (est enim $E G$, recta ipsi $A D$, equalis) exurget area rectanguli $E F$, palmorum 84. Quod cum

triangulo $A B C$, sit equalis, ex scholio propos. 41. lib. 1 (sunt enim rectangulum $E F$, & triangulum $A B C$ in eisdem parallelis) erit quoque area trianguli $A B C, 84$. palmorum. Quod est propositum.

ITAQUE in uniuersum, area cuiuscunque trianguli pro ducitur ex dimidio basis in perpendiculararem, que a vertice ad basim demittitur, cuius in exemplis datus est manifestum.


14.

PROBL. 2. PROPOS. 14.

DATO rectilineo, æquale quadratum constituere.

SI T datum rectilineum A , cui quadratum æquale constituendum est. Constituatur parallelogrammum $B C D E$, æquale rectilineo A , habens angulum rectum, cuius unum

45. primi



latus, ut $D C$, producat ad F , sitque $C F$, recta æqualis recte $B C$. Diuidaturque $D F$, bisaria in puncto G , quod

caeder aut in punctu C , aut nõ. Si cadit in punctum C , erit recta $B C$, (cum æqualis ponatur recta $C F$) recta $C D$; æqualis. Quare rectangulum $B D$, erit quadratum, cum latera $D E, E B$; æqualia sint

34. primi

sint oppositis lateribus B C, C D; atque adeo constitutum
 erit quadratum æquale rectilineo A. Si uero punctum G, nō
 cadit in C; facto G, centro, describatur intervallo G D, uel
 G F, semicirculus F H D, producaturq; B C, donec circun-
 ferentiam fecerit in H. Dico igitur, quadratum rectæ C H,
 esse æquale rectilineo A. Ductatur enim recta G H. Itaq; quia
 recta D F, diuiditur bifariam in G, & non bifariam in C; erit
 rectangulum comprehensum sub D C, C F, hoc est, rectan-
 gulum B D, una cum quadrato rectæ G C; æquale quadra-
 to rectæ G F, hoc est, quadrato rectæ G H; cum rectæ G F,
 G H, sint æquales: At quadratum rectæ G H, æquale est
 quadrato rectarum G C, C H. Dico igitur rectangulum B D, una
 cum quadrato rectæ G C, æquale quoque erit quadratis re-
 ctarum G C, C H. Quam ob rem dempto communi qua-
 drato rectæ G C, remanebit rectangulum B D, hoc est, re-
 ctilineum A, quadrato rectæ C H, æquale. Dato ergo re-
 ctilineo æquale quadratum constituumus: Quod facere
 oportebat.


5. secundi
 47. primi

SCHOLIION.

QVONIAM in secundo hoc libro Euclides de rectangulis
 parallelogrammis, atque quadratis disputauit; recte inferi hic
 poteris sequens problema de quadrato nō iniucundum, ad hunc
 modum.

D A T O excessu diametri alicuius quadrati
 supra latus eiusdem; Inuenire latus ipsius qua-
 drati.

EXCEDAT diameter ali-
 cuius quadrati latus eiusdem re-
 cta A B. inueniendumque sit la-
 tus illius quadrati. Ex recta
 A B, describatur quadratum
 A C, cuius diameter ducta B D,
 producatur ad E, ut sit D E, re-
 cta rectæ A D, equalis. Dico
 rectam B E, esse latus illius qua-
 drati, cuius diameter excedit ipsum latus B E, excessu dato A B.
 Ducatur




32. primi

6. primi

5. primi

6. primi

Ducatur enim EF, perpendicularis ad BE, qua rectam BA, productam secet in F. Quoniam igitur in triangulo BEF, angulus FEB, rectus est, & EBF, semirectus; erit & BFE, semirectus. Quare recta BE, FE, aequales sunt. Si igitur ex F, ducatur FG, parallela ipsi BE; & ex B, recta BG, parallela ipsi EF, occurrens priorum FG; constitutum erit quadratum rectae BE. Quod si dematur recta AE, erunt anguli AED, EAD, aequalibus lineis DE,



DA, oppositi aequales. Quare si demantur ex rectis angulis DEF, DAF, remanebunt anguli AEF, EAF, aequales, ideoque rectae EF, AF, aequales erunt. Quoniam vero diameter BF, rectam AF, superat data recta AB; superabit eadem diameter BF, latus quadrati EF, eadem recta AB; quod est propositum.

FINIS ELEMENTI SECUNDI.



E V C L I D I S

E L E M E N T V M III.



D E F I N I T I O N E S.


I.

AEQVALES circuli sunt, quorū diametri sunt æquales; uel quorū, quæ ex centris, rectæ lineæ sunt æquales.



QONIAM Euclides in hoc 3. lib. uarias circuli proprietates demonstrat, idcirco explicat prius terminos quosdam, quorum frequens futurus est usus in hoc lib. Primo uaque docet eos circulos esse æquales, quorum diametri, uel semidiametri æquales sunt. Cum enim circulus describatur ex circumuolutione semidia-

metri circa alterū extremū fixū, & immobile, ceu in 1. lib. diximus, perspicuū est eos circulos esse æquales, quorū semidiametri, seu rectæ ex centris ductæ, sūt æquales; uel etiā quorū tota diametri æquales sunt. Ut si diametri AB, BC, uel rectæ DF, EG, e centris D, & E, ductæ sint æquales, æquales erunt circuli AFB, & BGC. Sic etiam si circuli sint æquales, erunt diametri, uel rectæ e centris ductæ, æquales. Ex his liquet circulos, quorum diametri, uel rectæ ductæ ex centris sunt inæ-




quales,

quales, inaequales esse; atque adeo illum, cuius diameter, vel semidiameter maior, maiorem, &c.

II.

RECTA linea circulum tangere dicitur, quæ cum circulum tangat, si producat, circulum non fecat.




Ut recta AB, quia ita circulum BFD, tangit in B, ut producta ad C, nulla ratione circulum fecer, sed tota iaceat extra ipsum, dicitur tangere circulum. At vero recta EF, quia ita eundem circulum tangit in F, ut producta ad G, fecer circulum, cadatque intra ipsum, non dicitur circulum tangere, sed secare.

III.

CIRCULI se se mutuo tangere dicuntur, qui se se mutuo tangentes, se se mutuo non secant.

EODEM modo duo circuli AC, BC, se mutuo dicuntur tangere in C, quia ita se se contingunt in C, ut neuter alterum fecer. Est autem hic contactus circulorum duplex. Aut enim exterius se se circuli tangunt, ut quædo vnus extra alterum est positus, aut interius, quando vnus intra alterum constituitur. Quod si duo circuli ita se mutuo tangant, ut vnus alterum quoque fecer, dicuntur circuli illi se mutuo secare, & non tangere.



III.

IN circulo æqualiter distare a centro rectæ lineæ dicuntur, cum perpendiculares, quæ a centro in ipsas ducuntur, sunt æquales. Longius autem abesse illa dicitur, inquam maior perpendicularis cadit.

QUONIAM inter omnes lineas rectas, quæ ab aliquo puncto ad quamlibet lineam rectam ducuntur, brevissima est perpendicularis, & semper eadem; alia vero infinitis modis variari possunt; recte distantia illius puncti a linea accipitur penes lineam perpendicularem. Ut distantia puncti A, a recta BC, dicitur esse perpendicularis AD, non autem AE, vel AF, vel alia quavis, quæ non perpendicu-



laris est; quia AD, omnibus est brevior, quod angulus AED, vel AFD, minor sit angulo recto ADE. Immo non solum AE, AF, maiores sunt quam AD, sed etiam ipsæ inter se inæquales sunt. Est enim AF, maior, quam AE, cum angulus AEF, sit obtusus, Et AFE, acutus, & sic de alijs lineis non perpendicularibus. Hinc factum est, ut Euclides æqualem distantiam rectarum in circulo ab ipsius centro definierit per æquales perpendiculares, & inæqualem distantiam per inæquales. Ut duæ rectæ AB, CD, in circulo ABCD, æqualiter dicuntur distare a centro E, si perpendiculares EF, EG, æquales fuerint. At linea CD, longius abesse dicitur a centro E, quam linea HI, si perpendicularis EG, maior fuerit perpendiculari EK.

19. primi.

19. primi.



per æquales perpendiculares, & inæqualem distantiam per inæquales. Ut duæ rectæ AB, CD, in circulo ABCD, æqualiter dicuntur distare a centro E, si perpendiculares EF, EG, æquales fuerint. At linea CD, longius abesse dicitur a centro E, quam linea HI, si perpendicularis EG, maior fuerit perpendiculari EK.

V.


SEGMENTVM circuli est figura, quæ sub recta linea, & circuli peripheria comprehenditur.



VT si ducatur in circulo $A B C D$,
 recta $B D$, utcumq; , dicitur tam figura
 $A B D$, contenta circumferentia $B A D$,
 & recta $B D$; quam $B C D$, comprehensa
 recta $B D$, & circumferentia $B C D$, cir-
 culi segmentum . Ex his colligitur triplex
 circuli segmentum , Semicirculus, quando recta $B D$, per cen-
 trum E , incidit ; Segmentum semicirculo maius, quando re-
 cta $B D$, non transit per centrum, in ipso tamen centrum exi-
 stit, quale est segmentum $B A D$; Et Segmentum semicirculo
 minus, extra quod centrum circuli constituitur, cuiusmodi
 est segmentum $B C D$. Vocatur a plerisq; Geometris recta $B D$,
 chorda, & circumferentia $B A D$, vel $B C D$, arcus .

VI.

SEGMENTI autē angulus est, qui
 sub recta linea, & circuli peripheria com-
 prenditur .



DEFINIT iam Euclides tria
 genera angulorum, qui in circulis
 considerantur ; Primo angulum seg-
 menti, dicens, angulum mixtū $B A C$,
 vel $B C A$, contentum sub recta linea
 $A C$, & circumferentiā $A B C$, appellari angulum segmenti.
 Quod si segmentum circuli fuerit semicirculus, dicitur an-
 gulus semicirculi : Si vero segmentum maius semicirculo exi-
 tuerit, vocabitur angulus segmenti maioris : Si deniq; seg-
 mentum minus fuerit semicirculo, angulus segmenti minoris
 nuncupabitur .

VII.

IN segmento autem angulus est, cum
 in segmenti peripheria sumptum fuerit
 quod.

quodpiam punctum, & ab illo in terminos rectæ eius lineæ, quæ segmenti basis est, adiunctæ fuerint rectæ lineæ: Is inquam, angulus ab adiunctis illis lineis comprehensus.

Si T segmentum circuli quodcumq; ABC , cuius basis recta AC : Ex suscepto quolibet puncto B , in circumferentia, ducantur ad puncta A , & C , extrema basis, recta lineæ BA, BC . Angulus igitur rectilineus ABC , dicitur existere in segmento ABC .





VIII.

CVM vero comprehendentes angulū rectæ lineæ aliquam assumūt peripheriam, illi angulus insistere dicitur.

Ex puncto A , quolibet suscepto in circumferentia circuli $ABCD$, ducantur rectæ due lineæ AB, AD , ad duo extrema B , & D , circumferentiæ BCD , cuiusque, quam quidem due rectæ AB, AD , assumunt. Angulus itaq; rectilineus BAD , insistere dicitur circumferentiæ BCD .

Per spicuum autem est, hunc angulum a præcedenti non differre, nisi voce tenus. Idem enim angulus rectilineus BAD , iuxta præcedentem quidem definitionem dicitur esse in segmento BAD , si recta BD , basis duceretur; ex hac vero insistere circumferentiæ BCD . Non tamen confundendus est angulus in segmento aliquo, cum angulo, qui circumferentiæ insistit, quamvis vnus & idem sit; ad diuersa siquidem referuntur. Angulus enim in segmento, segmentum, in quo existit, angulus autem insistens circumferentiæ, circumferentiam, quæ basis est ipsius anguli, respicit. Vnde si sumatur





segmentum aliquod circuli BCD, in circulo ABCD, non erit idem angulus in hoc segmento existens, & eius circumferentia insistsens. Angulus enim in eo existens, erit BCD; at eius circumferentia CBD, insistsens, erit BAD, qui multum ab eo

differt. Qua in re mirum in modum hallucinati sunt Orontius, Peletavius, & alij interpretes nonnulli. Quod autem angulus in segmento, & angulus circumferentia cuiusdam insistsens, ad diversos arcus referantur, luce clarius patebit ex ultima propos. lib. 5. quae solum convenire potest circumferentijs circulorum, quibus anguli insistsunt, non autem, in quibus existunt, ut eo in loco ostendemus. Idem quoque facile constat ex verbo graeco βεβηκέναι, quod ascendisse significat. Ascendit enim angulus DAB, supra circumferentiam CBD.

PRAETER tres dictos angulos consideratur etiam a Geometris angulus contingentiae, qui continetur linea recta tangente circumferentiam, & circumferentia circuli; vel certe duabus circumferentijs se mutuo tangentibus, sine hoc exterius fiat, sine interius.



Exemplum. Si recta AB, tangat circumferentiam CDE, in C; angulus mixtus ACD, vel CBE, dicetur angulus contingentiae, sine contactus: Rursus, si circulus CED, tangat circumferentiam EFG, exterius in E: Item circulus HFI, circumferentiam EFG, interius in F; appellabitur tam angulus curvilineus CEF, quam EFH, vel GFH, angulus contactus, seu contingentiae. Sunt itaque, ut vides, tres anguli contingentiae, unus quidem mixtus, reliqui vero duo, curvilinei.

I X.

SECTOR autem circuli est, cum ad ipsius circuli centrum constitutus fuerit angulus, comprehensa nimirum figura & a rectis lineis angulum continentibus, & a peripheria

pheria ab illis assumpta.


SI in circulo $ABCD$, cuius centrum E , rectæ AE, CE , constituent angulum AEC , ad centrum E ; nominabitur figura $AECD$, contenta rectis AE, EC , & circumferentia ADC , quam prædicta lineæ assumunt, Sector circuli. Ex hoc autem perspicue etiam colligitur, angulum, qui definitione 8. explicatur, referri ad circumferentiam, quæ ipsius basis est, non autem ad eam, in qua existit, ut multi interpretes existimarunt. Nam sicut in hac definitione Euclides intelligit circumferentiam ADC , quæ basis est anguli ad centrum constituti, quando mentionem facit peripheriæ a rectis AE, CE , assumpta: Ita quoque in illa intellexisse eum necesse est nomine peripheriæ, quam rectæ lineæ assumunt, eam, quæ basis est anguli ad circumferentiam constituti; quandoquidem in utraq; definitione usus est eodem verbo græco ἀπολαμψάνω.




X.

SIMILIA circuli segmenta sunt, quæ angulos capiunt æquales: Aut in quibus anguli inter se sunt æquales.

SEGMENTA, seu circumferentiæ $ABDF, DCAF$, quæ capiunt hos duos angulos ABF, DCE , æquales: vel, quod idem est, in quibus idem anguli æquales existunt, iuxta 7. definitionem, similes dicuntur.



EODEM modo segmenta diuersorum circulorum tam æqualium, quam inæqualium a Geometris dicitur similia, quæ vel suscipiunt æquales angulos; vel in quibus æquales anguli existunt. Ut si anguli ABC, DEF, GHI , fuerint æquales, dicuntur segmenta, seu circumferentiæ ABC, DEF, GHI , quæ dictos angulos suscipiunt, vel in quibus prædicti anguli existunt, similes. Constitit autem hac



segmentorū, circunferentiarūne similitudo in eo, quod qualis pars est vna circunferentia totius suae circunferentiae,

talis quodque sit altera circunferentia, quae dicitur huic similis, totius suae circunferentiae; ita ut qualis, & quanta pars est circunferentia ABC , totius circunferentiae ABC , talis & tanta quoque pars sit circunferentia DEF , totius circunferentiae DEF ; Item talis, & tanta circunferentia GHI , totius circunferentiae GHI . Vel potius segmentorum similitudo in hoc consistit, quod segmenta, seu circunferentiae similes, ad totas circunferentias suas eandem habeant proportionem. Quod autem segmenta, quae vel aequales suscipiunt angulos, vel in quibus existunt aequales anguli, sint huiusmodi, demonstrabimus propositione vltima lib. 6. Nunc satis sit, talia segmenta circuloꝝ, vel etiam arcus, circunferentiasue, appellari similes.

I.

PROBL. I. PROPOS. I.

DATI circuli centrum reperire.

SIT circulus datus $ABCD$, cuius centrum oportet inuenire. Ducatur in eo linea vnicunque AC , quae bisariam diuidatur in E , & per E , ad A , C , perpendicularis agatur BD . Hac igitur bisariam secta in F ; dico F , esse centrum circuli propositi. In ipsa enim recta BD , aliud punctum, praeter F , non



erit centrum, cum omne aliud punctum ipsam diuidat inaequaliter, quandoquidem in F , diuisa fuit aequaliter. Si igitur F , non est centrum, sit punctum G , extra rectam BD , centrum, a quo ducentur lineae GA , GE , GC . Quoniam ergo latera AE , EG , trianguli AEG , aequalia sunt lateribus CE , EG , trianguli CEG ; & basis AG , basi CG ; (a centro

centro enim ducuntur) erunt anguli AEG , CEG , æquales, ideoq; recti: Erat autem & angulus AEF , rectus ex constructione; Igitur recti AEF , AEG , æquales sunt, pars & totum. quod est absurdum. Non est ergo punctum G , centrum; eademq; est ratio de omni alio. Quare F , centrum erit. Itaque dati circuli centrum reperimus. Quod erat faciendum.

8. primi.

COROLLARIUM.

Hinc manifestum est, si in circulo recta aliqua linea aliquam rectam lineam bitariam, & ad angulos rectos fecerit, in secantem esse centrum circuli. Nam ex eo, quod BD , recta rectam AC , bitariam secat in E , & ad angulos rectos, ostensum fuit, punctum eius medium F , necessario esse circuli centrum.

THEOR. I. PROPOS. 2.

2.

SI in circuli peripheria duo qualibet puncta accepta fuerint; Recta linea, quæ ad ipsa puncta adiungitur, intra circulum cadet.

IN circulo ABC , sumantur qualibet duo puncta A , & C , in eius circumferentia: Dico rectam ex A , in C , ductam cadere intra circulum, ita ut ipsum secet. Si enim non cadit intra, cadat extra, qualis est linea ADC , recta. Inuenito igitur centro E , ducantur ab eo ad puncta assumpta A , & C , nec non ad quoduis punctum D , in recta ADC , lineæ rectæ EA , EC , ED , fecerq; ED , circumferentiam in B . Quoniam ergo duo latera EA , EC , trianguli, cuius basis ponitur recta ADC , equalia sunt, (e centro enim ducuntur) erunt anguli EAD , ECD ; æquales: Est autem angulus EDA , angulo ECD , maior, externus interno opposito, cum latus CD , in triangulo ECD , sit productum ad A . Igitur

1. tertij.



5. primi.
16. primi.

N 4 & an-

19. primi.

& angulo EAD, maior erit idem angulus EDA. Quare recta EA, maiori angulo opposita, hoc est, recta EB, sibi equalis, maior erit, quam recta ED. pars quam totum, Quod est absurdum. Non igitur recta ex A, in C, ducta extra circulum cadet, sed intra. Eodem enim modo demonstrabitur, rectam ductam ex A, in C non posse cadere super arcum ABC, ita ut eadem sit, que circumferentia ABC. Esset enim recta EA, maior, quam recta EB. Quod etiam ex definitione recte lineae patet, cum ABC, arcus sit linea curva. non autem recta. Itaque si in circuli peripheria duo quolibet puncta, &c. Quod erat ostendendum.



SCHOLIUM.

IDEM hoc theorema demonstrari poterit affirmatiue, hoc modo. Recta AB, coniungat dus puncta A, & B, in circumferentia circuli AB, cuius centrū C Dico rectā AB, intra circulū cadere, ita ut omnia eius pūcta media intra circulū existāt. Assumatur. n. quodcunq; eius punctū intermediū D, & ex centro educatur recta CA, CB, CD.



5. primi.
16. primi.
19. primi.

Quoniam igitur duo latera CA, CB, trianguli CAB, equalia sunt, erunt anguli CAB, CBA, equalis: Est autem angulus CDA, angulo CBA, maior, externus interno; Igitur idem angulus CDA, angulo CAD, maior erit, & ob id latus CA, latere CD, maius erit. Quare cum CA, sit ducta a centro ad circumferentiam usque, non perueniet recta CD, ad circumferentiam, ideoque punctum D, intra circulum cadet: Idem ostenderetur de quolibet alio puncto assumpto. Tota igitur recta AB, intra circulū cadit; quod est propositū.

COROLLARIUM.

HINC est manifestum, lineam rectam, que circulum tangit, ita ut eum non fecerit, in vno tantum puncto ipsum tangere. Si enim in duobus punctis eum tangeret, caderet pars recte inter ea duo puncta posita, intra circulum; Quare circulum secaret, quod est cōtra hypothēsin.

THEOR.

THEOR. 2. PROPOS. 3.

3.

SI in circulo recta quædam linea per centrum extensa, quandam non per centrum extensam bifariam secet; & ad angulos rectos ipsam secabit. Et si ad angulos rectos eam secet, bifariam quoq; eam secabit.

PER A, centrum circuli BCD, recta CE, extensa diuidat rectam BD, non per centrum extensam, bifariam in F. Dico rectam AF, esse ad angulos rectos ipsi BD. Ductis enim rectis AB, AD, erunt duo latera AF, FB, trianguli AFB, duobus lateribus AF, FD, trianguli AFD, æqualia; & bases AB, AD, æquales; Igitur anguli AFB, AFD, æquales erunt, hoc est recti. Quod erat primo propositum.



hoc est recti. Quod erat primo propositum.

8. primi.

SIT iam AF, ad angulos rectos ipsi BD; dico rectam BD, bifariam secari in F. a recta CE. Ductis. n. iterum rectis AB, AD; cum latera AB, AD, trianguli ABD, sint æqualia, erunt anguli ABB, ADB, æquales. Quoniam igitur duo anguli AFB, ABF, trianguli ABF, æquales sunt duobus angulis AFD, ADF, trianguli ADF, & latera AB, AD, quæ rectis angulis æqualibus opponuntur. æqualia quoq; erunt latera FB, FD, æqualia. Quod secundo proponebatur. Si igitur in circulo recta quædam linea per centrum extensa, &c. Quod demonstrandum erat.

5. primi.

26. primi.

FACILE quoque demonstrari poterat secunda hæc pars, quæ quidem conuersa est primæ partis, hac ratione. Si enim AF, perpendicularis est ad BD, erit tam quadratum rectæ AB, æquale quadratis rectarum AF, FB, quam quadratum rectæ AD, quadratis rectarum AF, FD. Cum igitur quadratum rectæ AB, æquale sit quadrato rectæ AD; erunt & quadrata rectarum AF, FB, æqualia quadratis rectarum AF, FD. Quare dempto communi quadrato rectæ AF, remanebunt quadrata rectarum FB, FD, æqualia; atq; idcirco rectæ FB, FD, æquales erunt.

47. primi.

THEOR.

†

THEOR. 3. PROPOS. 4.

SI in circulo duæ rectæ lineæ sese mutuo secent non per centrum extensæ; sese mutuo bifariam non secabunt.

D V A E rectæ A B, C D, se mutuo in E, secent in circulo A C B D, non per centrum extensæ. Dico fieri non posse, vt mutuo sese bifariam secent. Si enim vna earum per centrum transire, certum est, eam bifariam non secari: solum enim in centro, per quod altera ponitur non transire, bifariam diuiditur: Si vero neutra per centrum extenditur, quamuis vna earum aliquando bifariam ab altera diuidatur, tamen altera minime secabitur bifariam. Diuisa enim sit & A B, & C D, si fieri potest, bifariam in E. Inuenio

1. terçij,

3. terçij.



igitur centro circuli F, ducatur ab eo ad E, recta FE. Quoniam ergo FE, ponitur secare rectam A B, bifariam in E, secabit ipsam ad angulos rectos. Eadem ratione secabitur C D, ad angulos rectos, cum ponatur bifariam diuidi in E. Quare rectus angulus FE D, recto angulo FE B, æqualis est, pars toti, quod est absurdum. Itaque si in circulo duæ rectæ lineæ sese mutuo secent, &c. Quod erat demonstrandum.

5.

THEOR. 4. PROPOS. 5.

SI duo circuli sese mutuo secent; non erit illorum idem centrum.



CIRCULI ABD, EBD, se mutuo secant in B, & D. Dico ipsos non habere idẽ centrum. Sit enim, si fieri potest, idem centrum vtriusque C, a quo duæ rectæ ducantur; C B, quidem ad sectionem B; C A, vero secans vtramque circumferentiam in A, & E. Quoniam igitur C, centrum ponitur cir- culi

culi E B D, erit recta E C, recta B C, æqualis. Rursus quia C, eentrum quoque ponitur circuli A B D, erit & recta A C, eidem recta B C, æqualis. Quare recta E C, A C, æquales inter se erunt, pars, & totum, quod est absurdum. Si igitur duo circuli sese mutuo secant, &c. Quod ostendendum erat.

THEOR. 5. PROPOS. 6.

6.

SI duo circuli sese mutuo interius tangant; eorum non erit idem centrum.

Duo circuli A B, B C, se interius tangant in B; Dico eos non habere idem centrum. Habeant enim, si fieri potest, idem centrum D, a quo duæ rectæ ducantur; DB, quidem ad tactum B; At D C, secans utramque circumferentiam in A, & C. Quoniam igitur D, ponitur centrum circuli A B, erit recta A D, recta B D, æqualis. Rursus quia D, ponitur centrum circuli B C, erit recta C D, eidem recta B D, æqualis. Quare recta A D, & C D, inter se erunt æquales, pars & totum, quod est absurdum. Si igitur duo circuli sese mutuo interius tangant, &c. Quod demonstrandum erat.



SCHOLIUM.

EVCLIDES proposuit theorema hoc de circulis sese interius tangentibus duntaxat, quoniam circulorum exterius sese tangentium, cum vnus sit extra alium, non posse esse idem centrum, manifestum est.

THEOR. 6. PROPOS. 7.

.7

SI in diametro circuli quodpiam sumatur punctum, quod circuli centrum non sit, ab eoq; puncto in circulum quædam recta lineæ cadant; Maxima quidem erit ea, in qua

in qua centrum, minima vero reliqua; aliarum vero propinquior illi, quæ per centrū ducitur, remotiore semper maior est: Duæ autem solum rectæ lineæ æquales ab eodē puncto in circulum cadunt, ad utrasque partes minimæ.

IN diametro A B, circuli A C D E B, cuius centrum F, punctum assumatur quodcunque G, præter centrum, & ex G cadant in circulum quocunque lineæ F C, F D, F E, Dico omnium, quæ ex G, ad circumferentiam ducuntur, maximam esse G A, in qua est centrum, minimam vero reliquam G B, quæ diametrum perficit; Deinde rectam G C, quæ centro propinquior est, maiorem recta G D, quæ a centro plus distat, & eadem ratione G D, maiorem recta G E; Denique ex G, ad utrasque partes minimæ lineæ G B,

duci posse tantummodo duas lineas inter se æquales. Ducantur e centro F, ad C, D, & E, rectæ lineæ F C, F D, F E. Quoniam igitur duo latera G F, F C, trianguli G F C, maiora sunt latere G C; Sunt autem rectæ G F, F C, æquales rectis G F, F A, hoc est, rectæ G A; erit & G A, maior quam G C; Eadem ratione maior erit recta G A, quam G D, & quam G E. Quare G A, maxima est omnium, quæ ex G, in circulum cadunt.

DEINDE, quoniam in triangulo E F G, latus E F, minus est duobus lateribus F G, G E; Est autem F E, ipsi F B, æqualis; erit & F B, minor duabus rectis F G, G E, Dempta ergo communi recta F G, remanebit adhuc G B, minor, quam G E; Eadem ratione minor erit G B, quam G D, & quam G C. Quare G B, minima est omnium, quæ ex G, in circuli circumferentiam cadunt.

RURSUS, quia duo latera G F, F C, trianguli G F C, æqualia sunt duobus lateribus G F, F D, trianguli G F D; & angulus totus G F C, maior est angulo G F D; erit basis G C, maior base G D; Eadem ratione maior erit G C, quam G E; Item maior erit G D, quam G E. Quare linea propin-



20. primi.

20. primi.

24. primi.

propinquior centro maior est ea, quæ remotior.
 FIAT iam angulo BFE , ex altera parte æqualis angulus BFH , & ducatur recta GH , ita ut GE , GH , æqualiter distent a centro. Quoniam igitur latera EF , FG , trianguli EFG , æquilia sunt lateribus HF , FG , trianguli HFG , & anguli his lateribus contenti EFG , HFG , æquales; erunt rectæ GE , GH , ex utraque parte ipsius lineæ minimæ GB , æquales inter se. Quod autem nulla alia his duabus possit esse æqualis, constat. Nam si ex G , ducatur alia, quæ cadat supra punctum H , erit ea, cum sit centro propinquior, maior quam GH ; si vero cadat infra H , erit ea, cum sit remotior a centro, minor quam GH , ut ostensum fuit. Dux igitur solum rectæ lineæ æquales ad utrasque partes minimæ GB , cadunt. Itaque si in diametro circuli quodpiam sumatur punctum, &c. Quod erat demonstrandum.

4 primi.

SCHOLION.

HANC propositionem nonnulli convertunt, hoc modo.

SI intra circulum punctum sumatur, ab eoque puncto in circulum rectarum linearum cadentium, una quidem maxima sit, una vero minima; & reliquarum aliæ sunt inæquales, aliæ æquales: Maxima quidem per centrum transibit, minima vero erit reliqua pars diametri; & aliarum maiores quidem erunt centro propinquiores, æquales autem ab eo æqualiter distabunt.

IN circulo ABC , punctum sumatur D , a quo rectæ quotcunque DA , DC , DE , DF , DB , cadant in circumferentiam, quarum omnium maxima sit DA , minima vero DC ; ipsarum vero DE , DF , maior sit DE , denique DE , DB , sint æquales. Dico DA , per centrum transire, & DC , reliquam partem esse diametri, hoc est, DC ,



DC, ipsi DA, esse in directum. Item DE, propinquiorem esse centro, quam DF. Denique DE, DB, equaliter a centro abesse. Primum enim si DA, non transit per centrum; ducta ex D, per centrum recta quapiam linea, erit ea omnium ex D, cadentium maxima. Quod est absurdum; cum DA, maxima ponatur. Transit ergo DA, per centrum.

7. tertij.

DEINDE, si DC, non est in directum ipsi DA; protrahata AD, in directum, erit alia recta quam DC, ex D, cadens, nempe pars ipsius AD, protrahata, omnium minima; Quod est absurdum; cum DC, minima ponatur. Est ergo DC, reliqua pars diametri.

RVRSVS, si DE, non est vicinior centro, quam DF; aut equaliter distant ab eo, aut DE, longius ab eo abest: Si equaliter distant, ipse erunt equales; quod est absurdum; ponitur enim DE, maior. Quod si DF, dicatur esse propinquior centro, ipsa erit maior, quam DE. Quod magis est absurdum.

7. tertij.

7. tertij.

POSTREMO, si DE, DB, non equaliter distant a centro, erit ea, que magis distat, reliqua minor. Quod est absurdum. Ponuntur enim equales DE, DB.

7. tertij.

8.

THEOR. 7. PROPOS. 8.

SI extra circulum sumatur punctum quodpiam, ab eoq; puncto ad circulum deducantur recte quaedam linee, quarum una quidem per centrum protendatur, relique vero vt libet: In cauam peripheriam cadentium rectarum linearum maxima quidem est illa, que per centrum ducitur; aliarum autem propinquior ei, que per centrum transit, remotiore semper maior est: In conuexam vero peripheriam cadentium rectarum linearum minima quidem est illa, que inter punctum, & diametrum

metrum

metrum interponitur; aliarum autem ea, quæ propinquior est minimæ, remotiore semper minor est. Duæ autem tantum rectæ lineæ æquales ab eo puncto in ipsum circumulum cadunt, ad utraq; partes minimæ.

EX puncto A, extra circumulum B C D E, cuius centrum K, lineæ secantes circumulum ducantur, quarum A I, per centrum transeat, aliæ vero A H, A G, A F, utcuq;. Dico omnium esse maximam A I, quæ per centrum incedit: Deinde rectam A H, quæ centro propinquior existit, maiorem recta A G, quæ remotior est a centro; Et eadem ratione A G, maiorem quam A F. E contrario autem, rectam AB, omnium, quæ extra circumulum sunt, minimam esse. Deinde rectam A C, quæ vicinior est minimæ AB, minorem esse recta A D, remotiore; Et eadem ratione, ipsam A D, maiorem, quam A E. Denique ex A, ad utraq; partes minimæ lineæ A B, duci posse tantummodo duas lineas rectas inter se æquales. Ducantur ex centro K, ad puncta C, D, E, F, G, H, rectæ K C, K D, K E, K F, K G, K H. Quoniam igitur duo latera A K, K H, trianguli A K H, maiora sunt recta A H; Sunt autem rectæ A K, K H æquales rectis A K, K I, hoc est, rectæ A I erit & A I, maior, quam A H: Eadem ratione erit A I, maior, quam A G, & quæ A F. Quare A I, est omnium, quæ ex A, in circumulum cadunt, maxima.



20. primi.

DEINDE, quoniam latera A K, K H, trianguli A K H, æqualia sunt lateribus A K, K G, trianguli A K G; Et angulus totus A K H, maior est angulo A K G; erit basis A H, base A G, maior. Eadem ratione maior erit A H, quam A F; Item A G, maior, quam A F. Quare linea centro propinquior maior est linea remotiore.

24. primi.

RURSUS, quia in triangulo A C K, recta A K, minor est duabus A C, C K; si auferantur æquales B K, C K, remanebit adhuc

20. primi.

adhuc $A B$, minor, quam $A C$. Simili ratione erit $A B$, minor, quam $A D$, & quam $A E$. Quare $A B$, omnium linearum extra circulum, quæ ex A , ducuntur, minima est.

21. primi.

REVERSUS, cum intra triangulum ADK , cadant duæ rectæ AC , CK , ab extremitatibus lateris AK , erunt AC , CK , minores, quam AD , DK ; Subtrahatis igitur æqualibus CK , DK , remanebit adhuc AC , minor, quam AD . Pari ratione erit AC , minor, quam AE ; Item AD , minor, quam AE . Quare linea propinquior minimæ lineæ AB , minor est, quam remotior ab eadem.

4. primi.

POSTREMO fiat angulo AKC , angulus AKL , æqualis, & ducatur recta AL . Quoniam igitur latera AK , KC , trianguli AKC , æqualia sunt lateribus AK , KL , trianguli AKL ; Sunt autem & anguli AKC , AKL , dictis lateribus contenti æquales; erunt rectæ AC , AL , ex utraq; parte minimæ AB , inter se æquales. Quod autem nulla alia his possit esse æqualis, constat. Nam si ex A , ducatur recta cadens ultra L , erit ipsa, cum sit remotior a minima, maior quam AL ; Quod si cadat inter B , & L , erit ea, cum sit minimæ propinquior, minor quam AL , ut ostensum est. Duæ igitur solum rectæ lineæ æquales ad utraq; partes minimæ cadunt. Si igitur extra circulum sumatur punctum quodpiam, &c. Quod erat demonstrandum.

SCHOLI O N.

EAD E M ratione ab A , in peripheriam concavam duæ tantum lineæ æquales cadent, ad utraq; partes maxime AI .

4. primi.



FIAT enim angulo AKH , æqualis angulus AKM , iungeturq; recta AM . Quia igitur latera AK , KH , æqualia sunt lateribus AK , KM ; sunt autem & anguli AKH , AKM , æquales: erunt bases AH , AM , æquales. Neque vero ulla alia his duabus æqualis exhiberi potest. Nam quæcumque ex A , ducatur ad partes H , ea vel maior erit, vel minor, quam AH , prout citra vel ultra rectam AH , du-

cta fuerit, ut manifestum est ex demonstratione theorematum.


THEOR.

THEOR. 8. PROPOS. 9.

9.

SI in circulo acceptum fuerit punctum aliquod, & ab eo puncto ad circulum cadant plures, quam duæ rectæ lineæ æquales; acceptum punctum centrum est ipsius circuli.

A puncto assumpto A, in circulo B C D, cadant plures rectæ, quam duæ, A B, A C, A D, inter se æquales: Dico A, punctum esse centrum circuli. Connectantur enim puncta B, C, D, rectis B C, C D; quibus diuisis bisariam in E, & F, ducantur ex A, rectæ A E, A F. Quoniam igitur latera A E, E B, trianguli A E B, æqualia sunt lateribus A E, E C, trianguli A E C, & bases A B, A C, ponantur etiam æquales; erunt anguli A E B, A E C, æquales, ideoque recti. Eodem modo ostendimus, angulos ad F, esse rectos. Quare cum rectæ A E, A F, diuidant rectas B C, C D, bisariam, & ad angulos rectos, transibit utraque producta per centrum circuli, per corollarium propos. 1. huius lib. Punctum igitur A, in quo semetipso secant, centrum erit circuli. Si enim esset aliud punctum centrum, non transiret utraque per centrum. Si itaque in circulo acceptum fuerit punctum, &c. Quod demonstrandum erat.



8. primi

ALITER. Si punctum A, non est centrum circuli, sit centrum inuentum E, ex quo per A, agatur diameter F G. Quoniam igitur in diametro F G præter centrum acceptum est punctum A, a quo in circumferentiam cadunt rectæ A D, A C; erit recta A D, quæ propinquior est centro E, maior, quam recta A C, remotior a centro, quod est absurdum. Positæ sunt enim æquales rectæ A D, A C. Idem absurdum sequetur, si aliud punctum præter A, centrum ponatur.



7. terci

O THEOR.

10.

THEOR. 9. PROPOS. 10.

CIRCVLVS circulum in pluribus, quam duobus punctis non fecat.

S E C E T enim, si fieri potest, circulus **ABCDEF**, circuli **AGBDHE**, in pluribus, quam duobus, punctis **A, B, & D**, quæ iungantur rectis **AB, BD**: quibus bifariam diuisis in **I, & K**, educantur ex **I, & K**, ad **A B, & B D**, perpendiculares **IL, KL**. Quoniam igitur rectæ **IL, KL**, secant rectas **AB, BD**, in circulo **AGBDHE**, bifariam, & ad angulos rectos; transibit utraq; ex corollario propos. 1. huius lib. per centrū ipsius. Quare punctum **L**, in quo se diuidunt, erit centrū dicti circuli. Eodem modo demonstrabimus, punctum **M**, esse centrū circuli **ABCDEF**. Duo igitur circuli se mutuo secantes idem possident centrū, quod est absurdum. Circulus ergo circulum in pluribus, quam duobus punctis non fecat. Quod erat demonstrandum.

A L I T E R. Secent se idem duo circuli, si fieri potest, in tribus punctis **A, & B, & D**. Inuentum autem sit **I**, centrū circuli **AGBDHE**, a quo ad dicta tria puncta ducantur **IA, IB, ID**. quæ per defin. circuli æquales erunt inter se. Quoniam igitur intra circuli **ABCDEF**; assumptū est punctū **I**, a quo cadunt in circumferentiā plures, quam duæ rectæ æquales; erit **I**, centrū circuli **ABCDEF**. Erat autem idem punctum **I**, centrū circuli **AGBDHE**; Duo ergo circuli se mutuo secantes habent idem centrū; quod est absurdum.

5. tersij.

1. tersij.

9. tersij.

3. tersij.

11.

THEOR. 10. PROPOS. 11.

SI duo circuli se se intus contingant, atque accepta fuerint eorum centra; ad eorum centra adiuncta recta linea, & produ-

1.1. In contactum circularum cadet.

TANGAT circulus ABC, circulum ADE, intus in A, & sit F, centrū circuli ABC, & G, centrū circuli ADE. Dico rectam extensam per G, & F, cadere in contactum A. Si enim non cadit, secet utrumq; circulum in punctis D, B, C, E, & ex contactu A, ad centra F, G, rectæ du-
cantur AF, AG. Quoniam igitur in tri-
gulo AFG duo latera GF, FA, maiora
sunt latere GA. Est autem GA, recta re-
ctæ GD, æqualis; (quod G, positum sit
centrū circuli ADE) Erunt & GF, FA,
rectæ maiores recta GD. Dempta igitur communi GF, re-
manebit FA, maior, quam FD: Quare cum FA, æqualis
sit ipsi FB; (quod F, positū fuerit centrū circuli ABC) erit &
FB, maior, quā FD, pars toto, quod est absurdū. Quod si
quis velit cōtendere, F, esse centrū circuli ADE; & G, centrū
circuli ABC, instituetur argumētatio hac ratione. In triangu-
lo AFG, duo latera FG, GA, maiora sunt latere FA; Est
autē recta FA, rectæ FE, æqualis: (cum F, ponatur centrū
circuli ADE.) Igitur rectæ FG, GA, maiores sunt recta FE;
dempta ergo cōmuni FG, remanebit GA, maior, quā GE:
Quia igitur GA, æqualis est ipsi GC; (propterea quod G,
ponatur esse centrū circuli ABC,) erit quoque GC maior,
quā GE, pars toto, quod est absurdum. Idem absurdum se-
quetur, si centrū maioris circuli extra minorem ponatur. Nō
ergo recta FG, extensa vtrumq; circulum secabit sed in con-
tactum A, cadet. Quare si duo circuli se se intus contin-
gant, &c. Quod erat demonstrandum.



20. primi

.c1

20. primi

THEOR. II. PROPOS. 12.


II.

SI duo circuli sese exterius contingant, linea recta, quæ ad centra eorum adiungitur, per contactum transibit.

CIRCULI ABC, DBE tangant se exterius in B, & centrū circuli ABC, sit F; circuli uero DBE, centrū sit G; Dico re-
ctā extensam p F, & G, trāsire per contactū B. Si enim non
transit,

20. primi

transit, secet circunferentias in C, & E; ducanturque a centrīs F, G, ad B, contactum rectae FB, GB. Quoniam igitur in triangulo FBG, latera duo BF, BG, maiora sunt latere FG: Est autē recta BF, rectae FC, æqualis, (quod F, sit centrū circuli ABC,) & recta GB, rectae GE, æqualis; (quod G, sit centrum circuli DBE) erunt & rectae FC, GE; maiores quam recta FG, pars quā totū, (cum FG, contineat præter FC, GE, rectam adhuc CE;) quod est absurdum. Si igitur duo circuli sese exterius contingant, &c. Quod erat demonstrandum.




12.

THEOR. 12. PROPOS. 13.

CIRCULVS circulum non tangit in pluribus punctis, quam uno; siue intus, siue extra tangat.

11. tercij

CIRCULI ABCD, AECF, tangent se intus, si fieri potest, in pluribus punctis, quam uno, A, & C. Assumantur igitur centra horum circulorum G, H, per quae recta GH, in utramque partem extendatur, quam necesse est cadere in contactus A, & C. Itaque cum G, sit centrum, & recta AC, diameter, diuidetur AC, bifariam in G. Similiter ratione diuidetur eadem AC, bifariam in H quod est absurdum. Vna enim recta in uno duntaxat puncto diuiditur bifariam. Si enim GC, est dimidium totius AC, erit necessarium HC, dimidio minor, cum sit pars dimidij GC.



Quod si quis dicat recta GH, extensam ad partes quidem G, cadere in contactum A; At uero ad parte H, minime pertinere ad contactum C, sed se care utrumque circulum in I, & K, ut in secunda figura perspicuum est: ducendae erunt ex centrīs G, H, ad contactum C, rectae GC, HC. Ponatur igitur primo G, centrū circuli


circuli

circuli $A B C D$; & H , centrum circuli $A E C F$. Et quia in triangulo $G H C$, duo latera $G H$, $H C$, maiora sunt latere $G C$; Sunt autem rectæ $G H$, $H C$. æquales ipsi $G K$; (quod $H C$, $H K$, sint ex centro) & rectæ $G C$, rectæ $G I$; (quod & hæc sint ex centro) erit quoque recta $G K$, maior, quam $G I$, pars toto: quod est absurdum. Ponatur secundo S , centrum circuli $A E C F$; & H , centrum circuli $A B C D$. Quoniam igitur rectæ $H G$, $G C$, maiores sunt recta $H C$; Est autem $H C$, æqualis rectæ $H A$; (cum utraque ducta sit ex centro H ;) erunt quoque $H G$, & $G C$, maiores recta $H A$; Quare dempta communi $H G$ erit $G C$, maior, quam $G A$, quod est absurdum, cum utraque ex centro G , ducatur: Non igitur circuli intus se tangent in pluribus punctis, quam uno.

20. primi

20. primi

TANGANT se iam circuli $A B$, $C B$, exterius in pluribus punctis, quam uno, prope F . Ducatur ex D , centro circuli $A B$, ad E , centrum circuli $C B$, recta $D E$, quæ per contactum F , necessario transibit. Si igitur etiam in alio puncto præter F , se tangent, tangent sese in B ; Ductis igitur rectis $D B$, $E B$, erunt rectæ $D B$, $E B$. æquales rectis $D F$, $E F$, hoc est ipsi $D E$: Sunt autem & maiores; quod est absurdum. Non ergo se tangent circuli exterius in pluribus punctis, quam uno.



12. tertij

20. primi

ALITER. Si circuli $A B$, $C B$, exterius se tangent in duobus punctis B , & F ; ducta recta $B F$, cader ipsa intra unum circulorum, per 2. propos. huius tertij lib. & ideo extra aliud, quod est contra eandem propos. Quare circulus circulum non tangit, &c. Quod erat demonstrandum.

SCHOLIUM

SI recte consideretur Euclidis demonstratio, qua probavit, circulum a circulo intus non posse tangi in pluribus punctis, quam uno videtur ea potissimum concludere, circulum non posse tangi a circulo in duobus, vel pluribus punctis, qua longo intervallo a se disteant; non autem eundem contactum pluribus puncta habere non posse; quamvis facile hoc ipsum eodem

0 ; argumen-

argumento fere demonstrari possit. Quare ut omni ex parte confirmatum relinquatur, circulum non posse tangere circulum in pluribus punctis, quam uno, ostendemus breuiter, in uno eodemque contractu non posse esse plura puncta, quam



1. tertij

20. primi

unum. Tangat enim circulus $A'B'C$, circulum ABD , prope A ; & per eorum curuam E , & F , recta ducatur EF , quæ ad contactum perueniet necessario; ut ad punctum A . Dico igitur, hos circulos sese duntaxat tangere in puncto A . Si enim se tangant in alio puncto, ut in B ; ductis ex B ad centrâ E , & F , rectis BE , BF , erunt recta EF , FB , maiores rectis EB ; Est autem recta EB , equalis rectæ EA , cum utraq; sit centro E : Igitur & rectæ EF , FB , maiores erunt recta EA . Quare dempta communi EF , remanebit FB , maior, quâ FA , quod est absurdum, cum FB , FA , cadant e centro F , ad circumferentiam, ideoque ex circuli desin. æquales existant.

13.

THEOR. 13. PROPOS. 14.

IN circulo æquales rectæ lineæ æqualiter distant a centro: Et quæ æqualiter distant a centro, æquales sunt inter se.

SINT in circulo $ABCD$, cuius centrum E , duæ rectæ æquales AB , CD ; Dico ipsas æqualiter distare a centro E .

Ducantur enim ex E , centro ad rectas AB , CD , duæ perpendiculares EF , EG , & coniugantur rectæ EA , ED ; Secabuntque rectæ EF , EG , rectas AB , CD , bifariam. Quare cum totæ AB , CD , æquales ponantur, erunt & dimidia earum, rectæ videlicet AF , DG , æqualia. Quoniam igitur quadrata rectarum EA , ED , æqualium, inter se sunt æqualia: Quadratum autem rectæ EA æquale est quadrato rectarum AF , FE ; & quadratum rectæ ED , quadrato rectarum DG , GE : Erunt quoque quadrata rectarum AF , FE , æqualia quadrato rectarum DG , GE . Ablati ergo quadrati æquali-



3. tertij.

47. primi

æqualibus æqualiū rectarū A F, D G, remanebunt quadrata
 rectarū F E, G E, æqualia, ideoque & rectæ E F, E G, æquali-
 les erunt. Distant igitur per 4. defin. huius lib. rectæ A B,
 C D, æqualiter a centro E.

RURSUS distant rectæ A B, C D, æqualiter a centro E;
 Dico eas inter se esse æquales. Ducantur enim iterū ex cetro
 E, ad A B, C D, perpendiculares E F, E G, quæ per 4. defin. hu-
 ius lib. æquales erunt; diuidentq; rectas A B, C D, bifariā. Du-
 ctis igitur rectis E A, E D, erunt earū quadrata æqualia: Est
 autem quadratū rectæ E A, æquale quadratis rectarū A F,
 F E; & quadratū rectæ E D, æquale quadratis rectarū D G,
 G E. Quare & quadrata rectarum A F, F E, æqualia sunt
 quadratis rectarum D G, G E; ideoq; ablatis æqualibus qua-
 dratis æqualium rectarum E F, E G, remanebunt quadrata
 rectarum A F, D G, æqualia; atque adeo rectæ A F, D G,
 ac propterea earum duplæ A B, C D, æquales quoque erūt.
 Itaque in circulo æquales rectæ lineæ æqualiter distant a cen-
 tro, &c: Quod erat demonstrandum.


3. tertij.
 47. primi

THEOR. 14. PROPOS. 15.

14.

IN circulo maxima quidē linea est dia-
 meter; aliarum autem propinquior centro,
 remotiore semper maior.

IN circulo ABCDEF, cuius centrū G, diameter sit A F;
 & recta ei propinquior H I, remotior autem C D. Dico
 omnium esse maximam A F; & H I, maiorem, quam C D.
 Ducantur enim ex G, centro rectæ G K, G L, perpendicu-
 les ad C D, H I. Et quia remotior est
 C D, a cetro, quā H I, erit G K, maior
 quā G L, per 4. defin. huius lib. Abscin-
 dať ex G K, recta G M, ipsi G L, æqua-
 lis, atq; per M, educatur B M E, perpen-
 dicularis ad G K, & cōnectantur rectæ
 G B, G C, G D, G E. Quia igitur rectæ
 perpendiculares G M, G L, æquales sunt, æqualiter distabūt re-
 ctæ B E, H I, a centro, per 4. defin. huius lib. & ideo inter se
 æquales erunt. Rursus quia rectæ G B, G E, maiores
 quidē



14. tertij
 20. primi

O 4

quidem sunt recta BE ; æquales autem diametro AF ; erit & diameter AF , maior, quam BE ; Eadem, ratione ostendetur AF , maior, omnibus alijs lineis Deinde quia latera GB , GE , trianguli BGE , æqualia sunt lateribus GC , GD , trianguli CGD ; & angulus BGE , maior est angulo CGD ; erit recta BE , maior, quam CD ; atque adco HI , quæ æqualis ostensa fuit ipsi BE , maior quoque erit quam CD . In circulo igitur maxima quidem linea est diameter, &c. Quod erat demonstrandi.

24. primi



SCHOLIUM.

EODEM fere modo demonstrabitur theorema, si ab uno eodemque puncto circumferentiæ plurimæ lineæ cadant.

CADANT enim a puncto A , plures lineæ AB , AC , AD , quarum AD , per centrum E , transeat. Dico AD , esse omnium maximam, & AC , maiorem remotiori

20. primi



AB . Ductis enim rectis BE , CE , cum in triangulo AEC , latera AE , EC , majora sint latere AC , sintque rectæ AE , EC , æquales rectis AE , ED , hoc est, rectæ AD ; maior erit AD , quam AC ; Eademque ratione maior erit, quam AB ; & sic de cæteris. Maximam ergo omnium est AD .

DEINDE, quia duo latera AE , EC , trianguli AEC , æqualia sunt duobus lateribus AE , EB trianguli AEB ; & angulus AEC , totus, maior est angulo AEB ; erit basi AC , maior basi AB ; Eodemque argumento erit AC , maior quacunque alia lineæ, quæ a centro remotior est.

24. primi

CAETERVM & hic duæ tantum æquales lineæ duci possunt a puncto A , ad utrasque partes maxima AD . Si namque angulo AEC , æqualis fiat angulus AEF , iungaturque recta AF ; cum latera AE , EC , æqualia sint lateribus AF , EF , & anguli contenti quoque AEC , AEF , æquales erunt bases AC , AF , æquales; Neque vero ulla alia basi duabus æqualis potest exhiberi; Quacunque enim ducatur ex A , supra AC , ea minor erit quam AC ; si vero infra AC ,

4. primi

ea minor erit quam AC ; si vero infra AC ,

ea maior erit, ut iam demonstratum est.

THEOR. 15. PROPOS. 16.

15.


QUAE ab extremitate diametri cuiusque circuli ad angulos rectos ducitur, extra ipsum circulum cadet; & in locum inter ipsam rectam lineam, & peripheriam comprehensum, altera recta linea non cadet: & semicirculi quidem angulus, quovis angulo acuto rectilineo maior est; reliquus autem minor.

IN circulo ABC, cuius centrum D, diameter sit AC, ad quam ex A, puncto extremo perpendicularis ducatur. Dico hanc lineam perpendicularē necessario extra circulum cadere. Si enim cadit intra ipsum, qualis est AB; ducta DB, erunt duo anguli DAB, DBA, æquales; sed DAB, rectus est, per constructionem: igitur & DBA, rectus erit, quod est absurdum; Duo enim anguli in triangulo minores sunt duobus rectis.

5. primi

Non igitur cadet perpendicularis intra circulum; nec eandē ob causam in ipsam circumferentiā, sed extra, qualis est EF. Dico iam inter AE, rectam, & circumferentiā AB, non posse cadere alteram rectā. Cadat enim, si fieri potest, recta AG, ad quam ex D, ducatur perpendicularis DH, secans circumferentiā in I. Quoniam igitur in triangulo DAH, duo anguli DHA, DAH, minores sunt duobus rectis; & DHA, rectus est, per constructionem, erit angulus DAH, recto minor, ideoque recta DA, hoc est, recta illi æqualis DI, maior erit quam DH, pars quam totum, quod est absurdum. Non igitur intercipietur recta inter AE, & circumferentiā AB: sed quæcunque ex

17. primi




17. primi

A, du-

19. primi

A, ducatur infra A P, ea secabit circulū. Dico deniq; angulū semicirculi, contentū diametro AC, & circumferētia AB, maiorē esse omni acuto angulo rectilineo; reliquū uero angulū cōtingentīæ, qui cōtinetur recta A E, & circumferētia A B, minorē esse omni acuto angulo rectilineo. Quoniā ostensū



est, omnē rectā ex A, ductā infra perpendicularē AE, cadere intra circulū, faciet necessario ea cum AC, minorē angulū angulo semicirculi, at uero cū A E, maiorē angulo cōtingentīæ, cū ille sit pars anguli semicirculi, hic uero totum quidpiam ad angulū cōtingentīæ. Angulus igitur semicirculi maior est omni acuto angulo rectilineo, reliquus autem minor. Itaque


quæ ab extremitate diametri cuiusque circuli ad angulos rectos ducitur, &c. Quod erat ostendendum.

COROLLARIUM.

Hinc manifestum est, quod recta a diametri circuli extremitate ad angulos rectos ducta, ipsum circulum tangit. Ostensum enim fuit, ipsam cadere extra circulum; Quare solum in puncto illo diametri extremo ipsum attingit.

EX ORONTIO.

Potes t hoc idem theorema demonstrari ostensue hac ratione. Sit diameter A C, in circulo ABC, cuius centrū D. Ducatur ex



17. primi

19. primi

A, ad A C, perpendicularis A E, quā dico extra circulū cadere. Sumatur enim in ea quoduis punctū G, & coniungatur recta G D. Quoniā igitur in triāgulo ADG, duo anguli DAG, DGA, minores sunt duobus rectis, & DAG, factus est rectus; erit DGA, recto minor. Quare maior erit recta DG, quā DA; ideoq; punctū G, extra circulū erit. Eademq; est ratio de omnibus alijs punctis rectæ A E. Cadet ergo tota A E, extra circulum. Ducatur iam ex A, infra A E,

recta AH, quā dico necessario secare circulū. Fiat. n. angulus ADI, æqualis angulo EAH. Addito igitur cōmuni angulo DAH, erūt duo anguli ADI, DAH, æquales toti angulo recto DAE, ideoq; minores duobus rectis; quare coibunt rectæ AH, DI, in aliquo puncto, ut in I. Dico igitur punctū I, esse intra circulū. Quoniā tres anguli in triā

11. prin.

gulo

gulo DAI , æquales sunt duobus rectis, & duo anguli DAI , AD , $olēsi$ sunt æquales recto DAE ; erit reliquus AID , rectus, atq; adeo maior, quam DAI , acutus. Quare recta DA , maior est quam DI . Non igitur DI , ad circumferentiā perueniet; proptereaq; punctum I , intra circulum exiit; atque adeo recta AH , circulum secabit. Reliquæ partes theorematis ostenduntur, ut prius.

32. primi
19. primi

S C H O L I O N.

EXISTIMAT Peletarius, angulū contingentie, quem Euclides hic probauit minorem esse omni acuto angulo rectilineo, nihil esse, atque adeo ex illo contactu lineæ rectæ, & circūferentiæ, non effici angulum ullum. Vt autem sententiā illius planior fiat, afferemus in medium digressionem illam, quā ipse hoc in loco adducit. Sic igitur inquit:


CVM huius theorematis caput postremū attentius considerarem, mihi sane in mentem subijt prima specie, Geometriā nō satis sibi constare; immo adeo, repugnantia in se admittere.

PRIMUM enim extra intelligentiā est, ut inter quātitates minima dari possit; qualē hoc loco angulū, quē dicunt contingentie, seu rectius, contactus, minorē omni acuto posuimus. Nihilō magis conuenit, ut maxima quantitas detur, qualis hic angulus semicirculi omni acuto rectilineo maior ponitur. Quantitas enim eo nomine quantitas est, quod paribus constet, & secundū eam æquale, & inæquale dicatur. Quantitatis etiam cōtinuæ in infinitum sectio est. Atque adeo cum in primam propositionem decimi incidissem, tum magis anxie expendere cepi, quoniam pacto conciliari posset tam aperta, ut apparebat, repugnantia. Sic enim habet prima decimi.

SI a maiori duarum quantitatum auferatur maius, quam dimidium; ac rursus ex reliquo maius, quā dimidiū, idq; continuo fiat; relinquetur tandem magnitudo minor magnitudine minore posita.

VERBI causa, sint duo anguli A , quidem rectilineus, & BCD , angul^o (si modo sit angul^o) cōtactus. Vult prima decim^{is} se auferat ab angulo A , maius, q̄ dimidium, ac rursus a reliqua parte

parte maior, quam dimidium; sicque continuo ex residuis partibus maior, quam dimidium; tandem relinqui minorem angulum, quam B C D. Cuius demonstrationem hic non appono, cum ex sequentibus pendeat. Nulla tamen in tota Geometria



propositio est, quae (ut sic dicam) magis naturaliter uera sit. Quod ex numeris (in quibus rerum omnium imagines) luce clarius euadit. Quis enim non uidet propositis duobus numeris 8. & 2; cum ab octona

rio maior quam dimidium abstruleris, ut quinarium; cum a ternario residuo, maior quam dimidium, ut binarium; relinquit unitatem postro binario minorem? Neque uero ad rem facit, quod Campanus illic excipit, propositionis sententiam de quantitatibus eiusdem generis esse intelligendam. Hec quippe conciliatio nullae est; quin etiam menti Euclidis contraria, ut nos, cum illuc uentum erit, manifestum faciemus. Immo & ipse Campanus secum pugnat, cum in secunda duodecimi demonstranda, aliisque propositionibus nonnullis solidorum, a curuo rectum auferat.

Ne igitur hanc dubitationem sic expediemus; ut dicamus lineam rectam, quae circulum tangit, cum peripheria angulum non efficere; scilicet B C D, nullo modo angulum dici debere. Omnis enim angulus in sectione consistit, non in contactu. Et ubi cessat sectio, cessat quoque anguli forma. Atque ut uerbo dicam, in decussatione (Decussationem hoc loco, & sectionem sine discrimine accipio) omnes



angulorum species perficiuntur. Duobus enim lineis A B, & C D, se secidentibus in puncto E ad angulos rectos, intelligatur C D, sic moueri in orbem, scilicet super puncto E, fixo, ut ex C D, fiat F G; hinc sane ex recto angulo A E C, fiet obtusus A E F: Inde ex recto B E C, fiet acutus B E F. Cuius facta fuerit H K, hinc quidem angulus obtusus fiet H E A, inde uero acutior B E H; sicque continuo, donec peruenierit ad A B, & intra eosdem terminos concludatur cum ea. Tum enim immersa, ut sic dicam linea C D, in lineam A B, euanescet angulus. Neque diuersa ratio est in curuo. Sit enim in cir-


culo $ABCA$, cuius centrum D , linea DE , prateriens peripheriam, & secans ipsam in A , puncto fixo, super quod circunducatur ipsa DE , per puncta F, G, H . Tum fient anguli continuo varij, cum peripheria, in ipso puncto A ; donec cessante decussatione, linea ED , facta sit EK , & tangat circulum Acutum linea DE , non iam inclinata intelligitur, sed immersa in lineam BAC , quantum ad angulum attinget: non aliter quam si BAH , esset linea recta; neque contrafacit, quod deducantur lineae, faciantque spatium CAK . Nam ipsa sola AC , linea efficit, que rectam refugit; sed eam tamen in puncto A , amplectitur. Cum igitur omnis angulus in pluribus punctis non consistat, quam uno; fit, ut punctum A , tam sit ineptum angulo constituendo; quam modo erat punctum sectionis E , linea rectarum: Fortasse dices, punctum A , linea recta manere in suo recto, punctumque A , peripheria in suo rotundo; neque utrumque esse idem punctum; sed lineas se tantum inter se veluti lambere, quia altera alteram penitus omnique puncto refugit; ut contraria contraposta, fiant manifestiora: Id vero sensus non recipit. Duo enim circuli sese exterius tangentes, rectam lineam intermediam illibatam relinquere: Scilicet, si intelligeremus circulum, qui in puncto A , tangeret ipsum ABC , circulum exterius: quod non patitur linearum natura. Sed demus id fieri posse; ut nihil in cogitationem cadat, quod semel respectam Geometria non representet: Illud tamen minime urgebit; Immo tanto minus contactus linearum erit angulus; Hiabunt enim utrinque ipsarum concursus. Sed nos hac Geometricis rationibus confirmemus, per theorematam.



CONTACTVS duorum circulorum interior, quantitas non est.

SIT enim circulus $AFBA$, cuius centrum C , diameter vero AB ; per cuius extremitatem A , ducatur linea DE , ad angulos rectos. Et constat, ex consecutario huius decimae sextae, lineam DE , contingere ipsum $AFBA$; circulum: ac propterea

rea DAF , esse minorem omni angulo acuto, ex ipsa Euclidis sententia: scilicet per ultimam partem huiusce decime sexte. Tam vero inter puncta C , & B , suscipiatur in diametro AB , centrum G , & spatio GA , describatur alter maior circulus $AHKA$.



Dico FAH , non esse quantitatem. Constat quippe circulum $AHKA$, transire inter rectam DA , & curvam AF , cum sit semidiameter GA , maior semidiametro CA . Manifestum quoque est, lineam DE , tangere ipsum $AHKA$, circulum ex eodem huiusce decime sexte consecutario: ac propterea DAH esse omni acuto minorem. Describatur tertio, secundum maius spatium LA , circulus $AMNA$; Et erit ex eodem consecutario, DAM , omni acuto minor. Sicque in in-

finium, erunt omnes contactus, quos efficit linea DE ; cum circulis ductis per A , punctum, quorum centra in A, B , linea, minores omni acuto rectilineo: ac sic, omnes aequales; si modo aequalitas inter non quanta dici possit. Quapropter contactus DAM , erit aequalis contactui DAF : Pictque ut MAF , contactus interior circulorum, neque augeat, neque minuat contactum DAM . Igitur MAF , quantitas non est. Quod erat demonstrandum.

S E D & probabimus contactum interiorum circulorum quantitatem non esse, in hunc modum. Nempe cum omnes circuli sint similes, erunt & semicirculi similes: Quapropter anguli, qui sunt a diametro & peripheria, in omnibus circulis sunt aequales, per conuersum definitionis similium secundum. (Nam ab hac aequalitate angulorum non excluduntur anguli mixti.) Erit igitur angulus BAF , aequalis utriusque angulorum KAH , & NAM : Ac propterea contactus FAM , nihil addit ad angulum BAF . Quare FAM , quantitas non est. Quod fuit demonstrandum. Hinc sequitur alterum.

C O N T A C T V S lineæ rectæ cum circulo, quantitas non est.

MANENTE enim eadem constructione, si DAF , sit quantitas

quantitas; ipsa trique diuidetur per lineam rectam, aut per obliquam. Non per lineam rectam, repugnante vltima parte huius decimæ sextæ: neque per obliquam, vt per lineam AM : Effer enim FAM , pars ipsius DAF : Atqui FAM , quantitas non est, vt modo probauimus. Non est igitur FAM , pars ipsius DAF . Igitur DAF , neque per lineam rectam, neque per obliquam diuidi potest. Quare DAF , quantitas non est: quod erat probandum. Hinc exurgit tertium.

CONTACTVS duorum circularum exterior, quantitas non est.

IN eadem constructione, protrahatur BA , diameter ad punctum P . Tum centro P , intervallo autem PA , describatur circulus AQR , tangens circumulum $ABFA$, exterius in puncto A . Dico contactum FAQ , non esse quantitatem. Id vero manifestum est ex posteriori demonstratione. Nam neque per lineam obliquam diuiditur, cum FAM , non sit quætitas, per primam harum; neque per rectam, cum neque DAF , sit quantitas, per secundam earundem; neque DAQ quantitas per eandem. Quare cum FAQ , partes nullas habeat, quantitas non erit: quod erat probandum.

Ex his emerget hoc pronunciatum, quod in Geometria nemò hactenus admittendum esse cogitauit.


ANGULI, qui fiunt a diametro, & peripheria, siue intra, siue extra circumulum, recti sunt, & rectis rectilineis æquales.

VT in posteriori figura, angulus BAF , æqualis est angulo BAD ; cum ipsi nihil accrescat ob contactum DAF , qui quætitas nõ est: & ob id QAP , rectus est, & æqualis ipsi DAP , cum DAQ , nihil addat: quod erat probandum.

HÆC Peletarius hoc in loco. In epistola autem, quæ ad Cardanum scribit, assertit aliam demonstrationem, quam ipse ait pleniorẽ esse. Hanc igitur hic subijcere statui. In primis autem præmittit hoc theorema.

IN circulis anguli, qui fiunt a diametro & peripheria, sunt æquales.

SINT enim super centro A, duo circuli BCDB, & EFGE, quorum diametri BD, & EG. & secet EG, ambos circulos in punctis E, B, D, & G Aio duos angulos CBD, & FED, esse aequales. Nam si sit FED, maior ipso CBD; (neque enim contra, CBD, maior ullo pacto erit ipso FED) ac describantur plures circuli super eodem centro A, quorum vnus hoc loco satis fuerit H K L H; fiet tandem ex continuo augmento, angulus a diametro & peripheria, verbi gratia, angulus KHL, maior recto: quod est contra ipsius Euclidis sententiam, qui eos omnes angulos puncti recto minores. Sunt igitur anguli interiores, qui ad B, & E, inter se aequales: quod fuit ostendendum. Idem de exterioribus iudicium. Neque in hac demonstrandi ratione vllus est paralogismus. Licet enim nulla sit comparatio angulorum, quae vocant, contactus, ad angulos rectilineos: attamen erit angulorum,



qui sunt ex sectione recta linea, & peripheria, aliqua collatio ad ipsos rectilineos. Eiusmodi enim anguli, qui mixti dicuntur, manifeste maiores, & minores sunt.

HIS ad hunc modum demonstratis, aio contactum circulorum interiorē, non esse quantitatem. Super centro M, in eadem linea H L, posito, describatur circulus BFN B, tanto intervallo, quanto est circulus EFGE; posita scilicet M B, semidiametro aequali ipsi A E; qui circulus tangat FCDB, circulum in puncto B. Et manifestum est, angulum FBD, aequalem esse angulo FED, propter aequalitatem peripheriarum & diametrorum: Quapropter & idem ipse FBD, erit angulo CBD aequalis. Igitur CBF, contactus, nihil addit ad ipsam CBD, angulum. Quare CBF, quantitatis non est: quod fuit probandum. Atque hinc procedit demonstratio eorum, quae in tertio libro adduximus, theorematum.

HAE C igitur est Peletarij sententia de angulo contactus, qua omnino Euclidi est contraria. Si enim Euclides sensisset, angulum contactus nihil prorsus esse, & angulum semicirculi aequalem recto rectilineo: Quid, obsecro, tantopere dedisset,

differ, ut demonstraret, angulum contactus esse minorem omnium acuto rectilineo, angulum vero semicirculi maiorem? Quid nimis clarius, quam nihil, cuiusmodi est angulus contactus; ex Peletarij sententia, minus esse quocunque angulo? Quid quoque magis perspicuum, quam angulum rectum, qualem ponit Peletarius angulum semicirculi, maiorem esse quolibet acuto? Quapropter angulum contactus vere esse angulum, ac quantitatem, affirmamus; atque acuto angulum semicirculi recto rectilineo minorem. Unde dissolvenda sunt a nobis omnia Peletarij sophismata, quae in hac digressionem adduxit, ad confirmandum; angulum contactus nihil esse.

PRIMUM igitur extra intelligentiam esse faremur, ut inter quantitates minima dari possit: sed insciamur, nos asserere, angulum contactus esse minimam quantitatem; Immo vero asseveramus, quemvis angulum contactus. Et si ab Euclide minor ostensus est omni acuto rectilineo, diuidi posse in partes infinitas, non quidem per lineam rectam, ut Euclides demonstravit, & optime; sed per lineam circularem. Ut propositio

angulo contactus CAB , si per A , describatur circulus $A FH$, maior circulo ABG , tangens rectam CD , in A ; fiet angulus contactus CAE , minor angulo contactus CAB . Quod si adhuc maior circulus AFI , describatur, erit multo minor angulus contactus CAF , eodem angulo contactus CAB . Atque ita sine fine semper minorem angulum contactus efficiemus. Reperitur igitur inaequalitas inter angulos contactuum, quamuis quilibet eorum minor sit acuto rectilineo quocunque. Quemadmodum quivis angulus acutus minor est recto, & tamen quolibet acuto dato, minor dari poteris, cum diuidi possit infinite. Ut angulus acutus BAC , minor est recto BAF ; & tamen si ducatur recta AD , inter AC , AB , fiet acutus minor BAD : Quod si alia recta AE , inter AB , AD , ducatur, erit multo minor acutus BAE , nec unquam finis erit huius decrementi.



PARITER ratione asserimus, angulum contactus auferi posse in

se infinite, ita ut quouis angulo contactus propositio, dentur alij maiores sine numero. Ut in superiori figura circulari, angulo contactus $C A F$, maior est angulus contactus $C A E$, & multo maior angulus contactus $C A B$; Atque ita deinceps, si minores semper circuli, quam $A B G$, describantur, tangentes rectam $C D$, in A , augebitur perpetuo angulus contactus; semper tamen minor existet quouis retilineo acuro. Quemadmodum quouis angulo acuro dato, dantur alij acuti innumeri maiores. Ut in proxima figura, angulo acuro $B A E$, maior est acutus $B A D$, & multo adhuc maior acutus $B A C$. Quod si alia recta ducatur inter perpendiculararem $A F$, & rectam $A C$, sit adhuc maior angulus acutus, nec unquam finis erit huius incrementi. Sicut igitur in huiusmodi incremento nunquam pervenimus ad aliquem angulum acutum, qui sit equalis angulo recto, vel maior recto, nisi acutus angulus mutetur in rectum, vel obtusum, sed semper recto, vel obtuso minor est angulus acutus: Ita quoque in accretione anguli contactus nunquam devenimus ad aliquem angulum contactus, qui equalis sit acuro angulo retilineo propositio, vel maior acuro nisi angulus contactus mutetur in alium angulum mixtum, (qui quidem efficitur a duabus lineis se secantibus; cuiusmodi est angulus segmenti.) sed angulus contactus acuro semper minor est.

EODEM modo negamus, nos ponere angulum semicirculi maximam quantitatem, Immo asserimus, quolibet angulo semicirculi propositio, quamvis ostensus sit ab Euclide maior omni acuro angulo retilineo, infinitos dari posse maiores. Ut in eadem figura superiori circulari, angulo semicirculi $B A G$, maior est angulus semicirculi $E A H$, & multo adhuc maior angulus semicirculi $F A I$: Atque ita deinceps, si maiores semper circuli describantur, quam $A F I$, tangentes rectam $C D$, in A , augebitur perpetuo angulus semicirculi, semper tamen minor existet angulo recto $C A I$. E contrario vero, angulo semicirculi $F A I$, minor est angulus semicirculi $E A H$, & multo adhuc minor angulus semicirculi $B A G$, nec unquam finis erit huius decrementi, & tamen quilibet maior est, quouis angulo acuro retilineo, licet infinite diminuat, ut Euclides demonstravit: quemadmodum quouis acuro angulo dato, inveniuntur alij quidem maiores, alij vero minores innumerabiles.

QVOD autem anguli contactus sint inaequales inter se, & non omnes aequales, ut vult Ptolemaeus, similiter & anguli semicirculorum, ex eo manifestum est, quod angulus quilibet consistit in unico puncto, & linearum inclinatione, quae non in directum iacent, ut constat ex anguli plani definitione. Hinc enim fit, ut aequalitas angularum eiusdem generis requiratur eandem inclinationem linearum, ita ut lineae vnus conueniant omnino lineis alterius, si vnus alteri superponatur; Ea enim aequalia sunt, quae sibi mutuo congruunt, iuxta 8. pronunciatum. Cum igitur in angulis contactus, nec non in angulis semicirculorum, nequaquam reperitur semper eadem inclinatio, quod (vno superposito alteri) lineae eorum non sibi respondeant, sed prorsus inter se dissideant, ceu ex figuris superioribus perspicuum est; Non erunt omnes anguli huiusmodi inter se aequales; Immo quilibet angulus contactus augeri, & diuidi poterit infinite per lineam curuam, licet per rectam secari nequeat, ut recte ostendit Euclides. Cuius etiam rei haec afferri potest causa; Si enim linea contingens circulum concipiatur moueri circa punctum contactus immobile, continuo circulum secabit, donec iterum ipsum contingat; Tunc enim primum secare desinet circulum; Quare si uel minime inclinari intelligatur super puncto illo contactus fixo, secabit circulum, cum in vno tantum puncto linea recta circulum possit tangere; ut ex 2. propositione huius lib. collegimus.

SOLVM igitur illi anguli contactus, pariterq; illi duntaxat anguli semicirculorum aequales inter se erunt, qui efficiuntur a peripherijs aequalibus; In his enim tantummodo lineae sibi congruunt mutuo. Anguli vero contactus, qui efficiuntur a peripherijs minoribus, maiores erunt; Et qui a peripherijs maioribus, minores. Anguli denique semicirculorum maiorum maiores, minorum autem minores erunt, ut non obscure intelligi potest ex superioribus figuris; Neque enim lineae talium angularum sibi mutuo conueniunt.

CONSTAT ergo, quemuis angulum contactus habere partes, & vnum alteri posse aequalem exhiberi, ac rursus inaequalem, nempe maiorem, vel minorem; quemadmodum & in reliquis angulis omnibus fieri cernimus. Quod etiam

etiam de quocunque angulo semicirculi dici potest. Non igitur recte intellexit Peletarius, angulum contractus minimam esse quantitatem, angulum vero semicirculi, maximam.

DEINDE non est, quod anxium reddat Peletarium prima propositio decimi libri. Ea enim intelligenda est tam de quantitibus eiusdem generis, quam diversi, dummodo utrius multiplicata alteram excedere possit; cuiusmodi non sunt angulus contractus, & angulus acutus rectilineus. Nam angulus quilibet contractus siue bis sumatur, siue ter, quater, siue deniq; quoties libuerit, semper minor est angulo acuto rectilineo. Si namque quotcumq; anguli contractus, ut centum, inter se aequales angulum acutum rectilineum excederent, vel se illis aequarent; esset quoque vnus illorum maior, vel aequalis illi angulo acuto rectilineo, qui est centesima pars propositi anguli acuti rectilinei; quod est absurdum, cum quilibet angulus contractus minor sit quocunque angulo acuto rectilineo, velut ab Euclide fuit demonstratum. Quare nullo modo ex illa propositione colligere licebit, si ab angulo acuto maius, quam dimidium auferatur, ac rursus ex reliquo maius, quam dimidium, idq; continuo fiat, relinqui tandem angulum acutum minorem angulo contractus proposito; quoniam angulus contractus, ut dictum est, per quencunque etiam numerum multiplicatus, siue quantumuis auctus, semper minor existit angulo acuto; nec vnquam ipsum superare potest: quod tamen necessario requiritur ad demonstrationem dictae propositionis. Ut enim demonstraretur, multiplicanda est minor quantitas proposita toties, donec excedat maiorem, ceu videre licet apud omnes interpretes Euclidis. Vnde Campanus, vel potius ipse Euclides per Campanum, quando in Stereometria a curuo rectum auferit, vel contra, ut vult prima propos. lib. 10. assumit semper tales magnitudines, quarum alterutra multiplicata alteram excedere potest.

IA M vero nulla ratione concedemus Peletario, angulum tantummodo effici a duabus lineis se secantibus. Sufficit enim, ut angulus efficiatur, duas lineas in plano adinuicem inclinari, ita tamen, ut non in directum iaceant, ut constat ex anguli plani descriptione tradita ab Euclide, quanquam se mutuo non secant, si producantur; cuiusmodi sunt peripheria,

& linea recta illam tangens, vel etiam duae peripherie se tangentes. Quare vere angulum efficiunt, ut antea diximus.

Porro demonstratio Peletarij, qua conatur ostendere, contactum interiorem non esse quantitatem, nullius est momenti. Quamvis enim omnes anguli contactus, qui efficiuntur a linea tangente, & peripheria, minores sint quolibet angulo acuto; non tamen propterea inter se omnes aequales esse necesse est, sed potest alio alius maior esse, & minor; ut diximus: quemadmodum etiam omnes anguli acuti minores sunt angulo recto, & tamen ipsi inter se non sunt omnes aequales. Sic etiam omnes formicae (ut ex rebus quoque naturalibus exemplum afferamus,) minores sunt homine, vel monte, cum tamen ipse inter se valde sint inaequales. Quare non recte concludit Peletarius, contactum interiorem nihil esse.

Negamus deinde, angulos segmentorum similium aequales esse, sicut ipse assumit in sequenti demonstratione: Neque enim hoc Euclides significavit in ultima definitione huius tertij libri; Sed docuit ea segmenta esse similia, in quibus anguli rectilinei sunt aequales, vel quae angulos rectilineos capiunt aequales; non autem quorum anguli aequales existunt. Immo magnum discrimen est inter angulos in segmentis, & angulos segmentorum, ut aperte constabit ex propositione. 31. huius libri.

Ex his facile rejicientur reliquae Peletarij demonstrationes. Angulus enim contactus, qui efficitur a linea tangente, & peripheria, dividitur per lineam circularem, ita ut contactus interior sit vera pars eius, cum contrarium nullo modo ostenderit. Eodem pacto angulus contactus, quem constituunt duo circuli se exterius tangentes, dividitur & per lineam circularem, & per rectam, quae utrunque tangit. Pari ratione theorema illud refellitur, quo asseruit, angulum semicirculi aequalem esse angulo recto rectilineo. Excedit namque rectus angulus angulum semicirculi, angulo illo contactus, quem efficit linea tangens, & peripheria. Postremo hallucinatus est quoque Peletarius in illa demonstratione, quam ad Cardanum misit. Est enim angulus semicirculi in maiori circulo maior est angulo semicirculi in circulo minori; non tamen propterea efficitur, ut aliquis angulus semicirculi, maior sit angulo re-

cto. Semper enim rectus angulus superabit quoniam angulum semicirculi, angulo illo contactus, qui efficitur a peripheria, & linea tangente. Quemadmodum etiam quovis angulo acuto proposito, dari possunt alij maiores, nunquam tamen aliquis acutus rectum excedet, ut in precedenti figura cernere licet.

EX CARDANO.

ALIQUA quantitas potest continue, & infinite augeri, altera vero infinite minui; & tamen augmentum illius, quantumcunque sit, minus semper erit decremento huius.



Proponantur enim angulus contactus B A E, & acutus H G I. Si igitur describantur alij circuli minores A C, A D, tangentes rectam E F, in A, augetur continue angulus contactus, ut dictum est. Si rursus inter rectas G H, G I, alie recte cadant G K, G L, diminuetur continue angulus acutus: Et tamen

semper angulus contactus, quantumlibet augetur, minor est angulo acuto, quantumvis diminuetur.


EX CAMPANO.

CETERUM ex hac propositione 16. perspicuum est, vitiolum esse argumentationem hanc, qua vsus est Brisson in quadrando circulo, ut auctor est Aristoteles. Vide licet.

TRANSITVR a minori ad maius, vel contra, & per omnia media; ergo per æquale. Vel, contingit reperire maius hoc, & minus eodem; ergo contingit reperire æquale.

DESCRIBATUR enim circulus A B C, cuius diameter A C, moveri intelligatur circa extremum punctum A, fixum, per punctum C.


ita D, E, F, donec circulum contingat in A; Hoc concesso, manifestum est, quamdiu recta A C, secat circulum, fieri angulum acutum minore angulo semicirculi; quamprimum vero secare cessat, effici angulum rectum maiorem eodem angulo semicirculi. Cum igitur factus sit transitus per omnes angulos rectilineos intermedios, patet vitium prioris argumentationis. Similiter quia nullus angulus rectilineus æqualis reperitur angulo semicirculi; (Rectus enim, vel obtusus, maior est; & acutus, minor;) constat quoque; vitiosam esse posteriorem consequentiam.



PROBL. 2. PROPOS. 17. 16.

A DATO puncto rectam lineam ducere, quæ datum tangat circulum.

Ex puncto A, ducenda sit linea, quæ tangat circulum B C, cuius centrum D. Ducatur recta A D, secans circulum B C, in B; Deinde centro D, intervallo autem D A, describatur circulus A E, & ex B, educatur B E, perpendicularis ad A D, secans circulum A E, in E. Ducta igitur recta E D, secans circulum B C, in C, connectatur recta A C, quam dico tangere circulum B C, in C. Cum enim duo latera D E, D B, trianguli B D E, equalia sint duobus lateribus D A, D C, trianguli C D A, utrunque utriusque, ut constat ex circuli definitione; angulusque D, contentus dictis lateribus, sit communis: Erunt & bases B E, C A, & anguli D B E, D C A, super ipsas, æquales: Est autem D B E, rectus ex constructione; igitur & D C A, rectus erit. Itaque C A, cum sit perpendicularis ducta ad C, extremum semidiametri C D, tanget circulum, per corollarium præcedentis propositionis. A dato ergo puncto A, ducta est A C, recta tangens circulum B C, in C. quod faciendū erat.



4. primi.

SCHOLIUM. I.

QVOD si punctum A, datum fuerit in circumferentia circuli AB, cuius centrum C, facilius ex eo ducatur recta tangens circumulum, hoc modo. Ducta semidiametro AC, educatur per A, ad A C, perpendicularis DE. Hæc enim per corollarium præcedens propositioni, circumulum tanget: quod est propositum.



EXPELETARIO.

LINEAE rectæ, quæ circumulum secet, lineam parallelam ducere, quæ eundem circumulum tangat.




28. primi.

CIRCULVM ABC, cuius centrum D, secet recta BC, cui ducenda est parallela tangens circumulum ABC. Ducatur ex centro D, recta DE, perpendicularis ad BC, extendaturq; ad punctum A, in circumferentiam; & ex A, ducatur FG, perpendicularis ad AD. Erig igitur FG, parallela ipsi BC, tangetq; circumulum in A, per corollarium propof. 16. quod erat faciendum.

SCHOLIUM. II.

SED & sequens problema cum Cardano absolvemus.

PROPOSITIS duobus circulis, quorum neuter alterum includat; rectam lineam ducere, quæ vtrumq; tangat circumulum.




SINT primi duo propositi circuli æquales AB, CD, quorum centra E, & F, rectæ insurgantur EF, ad quæ ducantur perpendicularæ EA, FC, secantibus circum-

circū inferentias in punctis *A*, & *C*. Dico rectam per *A*, & *C*,
eductam utrunq; circulum tangere. Cum enim *EA*, *FC*, se
mediametri circulorum equalium sint equalis, & parallela,
quod anguli *E*, & *F*, recti sint; Erunt quoq; *EF*, *AC*, equalis
& parallela; Ideoq; & anguli *A*, & *C*, recti. Quare,
per coroll. propos. 16. huius lib. recta *AC*, utrunq; circulum
tanger, cum rectos angulos constituat in extremitatibus semi-
diametrorum.

SINT secundo duo circuli propofiti inaequales *AB*, *CD*,
quorū rursus cētra *E*, & *F*, iungātur recta *EF*, ad cuius inter

28. primi.
33. primi.
29. primi.



uallū ex *E*, centro maioris circuli circulus describatur *FH*, si
maior non transeat per centri minoris. Deinde ducta ad *EF*,
perpendiculari *EA*, abscindatur ex ea recta *AG*, semidiametro
minoris circuli *CD*, equalis; & ex *G*, ipsi *EA*, perpendicu-
laris ducatur *GH*, usq; ad circumferentiā circuli ultimo de-
scripti. Ducta autē recta *HE*, fiat angulo *HEA*, angulus *FEI*,
equalis; atq; ex *F*, agatur ipsi *EI*, parallela recta *FC*. Dico re-
ctā p̄p̄icta *I*, & *C*, ductā utruq; circulum cōtingere. Abscinda-
tur. n. ex *I*, *E*, recta *IK*, ipsi *AG*, vel semidiametro *FC*, minoris
circuli equalis, ut sint reliquae *EG*, *EK*, equalis quoq; ducā-
turq; recta *KF*. Quoniā igit̄ latera *HE*, *EG* trianguli *HEG*,
equalia sunt lateribus *FE*, *EK*, trianguli *FEK*, & anguli ipsi
cōtenti equalis, ex cōstructione: Erunt anguli *HGE*, *FKE*, e-
qualis; Ac proinde, cū *HGE*, reclus sit, ex cōstructione, erit &
FKE, reclus. Rursus quia *CF*, *IK*, equalis sunt, & parallela,
ex cōstructione, erit quoq; *IC*, *KF*, equalis & parallela; Atq;
propterea angulus *EIC*, cū equalis sit externo *FKE*, reclus erit;


4. primi.
33. primi.
29. primi.

Ideoq;

Ideoq; & ICF, rectus existet. Quocirca. per coroll. propos. 16. huius lib. recta IC, utruq; circulū cōtinget, cū rectos angulos efficiat in extremitatibus semi-diametrorū. Quid erat ppositū.

Satis autē constat, si circuli ppositi aequales fuerint, id quinq; modis posse fieri. Aut. n. alius extra aliū cadit, aut semituo cōtingit, aut se innicē p cētra secant, aut nō, ita tamē, ut vel cētra consistant in cōmuni eorū segmento, vel certe extra illud.

ITEM si circuli ppositi fuerint inaequales, id cōtingere p se septē modis. Aut. n. minor totus extra maiore cadit, aut ipsū tangit, aut ipsū secat, ita ut vel cētrū eius sit in circūferētia maioris, vel intra, hac tamē lege, ut circūferētia minoris citra cētrū maioris trāseat, vel cētrū minoris sit extra circūferētia maioris, vel intra, ita tamē, ut circūferētia minoris p maioris centrum incedat, vel deniq; intra, ita tamen, ut circūferētia minoris includat centrum maioris.



QUONIAM vero, circulis inaequalibus existētib; in iūctū cōstructionis sumpsimus semp a maiori, si quis maluerit a minori incipere, id efficiet eadē cōstructione. demonstratiōne q; nisi qd recte AE, IE, protrahēde sum ad G, & K, ut AG, IK, aequales

sint semi-diametro FC, maioris circuli; Adiro insuper, angulos HEG, FEK, cōtētos lateribus HE EG; FE, EK, idcirco aequales esse, qd HEA, FEL, reliqui duorū rectorū, aequales sint ex cōstructione. Deniq; angulū EIC, esse rectū, ex 29. propos. lib. 1. quod & EKF, inter parallelas IC, KF, rectus sit ostensus.

17.

THEOR. 16. PROPOS. 18.

SI circulū tangat recta quāpiam linea, a centro autē ad contactum adiungatur recta quaedā linea: quae adiūcta fuerit, ad ipsam contingentem perpendicularis erit.

RECTA AB, tangat in C, circulū CD, cuius cētrū E, & ex E, ad C, recta ducatur EC. Dico EC, perpendicularē esse ad AB.

A B.

AB. Si. n. nō est, ducatur EF, perpendicularis ad AB, secās circūferentiā in D. Quoniā igitur in triangulo CEF, duo anguli ECF, EFC, minores sunt duobus rectis; Et est EFC, rectus, ex cōstructione: erit ECF, minor. Quare maior erit recta EC, hoc est, ED, quā EF, pars quā totū. qđ est absurdū. Est igitur EC, perpendicularis ad AB. Quare si circulū tāgat recta quāpiā linea, &c. Qđ demonstrādū erat.



17. primi.

19. primi.

ALITER. Si EC, nōn est perpendicularis ad AB, erit alter angulorū Ad C, obtusus, & alter acutus: Sit ergo ECB, acutus, qđ cū maior sit angulo semicirculi ECD, erit angulus semicirculi minor angulo aliquo acuto: qđ est absurdū. Oīs siquidem angulus semicirculi maior est omni acuto.

16. certij.

THEOR. 17. PROPOS. 19.

18.

SI circulum tetigerit recta quāpiam linea, a cōtractu autem recta linea ad angulos rectos ipsi tangenti excitetur: In excitata erit centrum circuli.

TANGAT recta AB, circulum CDE, in C; & ex C, ducatur CE, perpendicularis ad AB. Dico in CE, esse centrum circuli. Si enim est extra CE, sit F, centrum, a quo ad C, ducatur recta FC, quæ perpendicularis erit ad AB: Quare rectus angulus FCB, recto angulo ECB, æqualis erit, pars toti: quod est absurdū. Nō igitur extra CE, cētrū circuli existet. Itaq; si circulū tetigerit recta quāpiam linea, &c. Quod erat demonstrādū.



18. certij.

THEOR. 18. PROPOS. 20.

19.

IN circulo, angulus ad centrum duplex est anguli ad peripheriam, cum fuerit eadem peripheria basis angulorum.

IN

IN circulo ABC, cuius centrum D, super basin BC, constituat^r angulus BDC, ad centrum; & super eandem basin angulus BAC, ad peripheriam. Dico angulum BDC, duplū esse anguli BAC. Includant enim primo duæ AB, AC, duas DB, DC; & per centrum D, recta extendatur AE. Quoniam

5. primi.
32. primi.



igitur rectæ DA, DB, æquales sunt, erunt anguli DAB, DBA, æquales: Est autem externus angul^o BDE, æqualis duob^o angulis internis DAB, DBA. Quare BDE, duplus erit alterius eorū, ut anguli DAB Eodē mō duplus ostēdetur angulus CDE, anguli DAC. Quapropter totus BDC, duplus erit totius BAC: qđ est ppositū.

SECUNDO non includat rectæ AB, AC, rectas DB, DC, sed AB, per centrum extendatur. Quoniam igitur externus angulus BDC, æqualis est duob^o internis DAC, DCA: Hi autē duo inter se sunt æquales, quod latera DA, DC, sint æqualia; erit angulus BDC, duplus alterius eorum, nempe anguli BAC. Quod est ppositum.

32. primi.
5. primi.




TERTIO recta AB, secet rectam DC, & per centrū D, extendatur recta AE. Quoniam igitur angulus EDC, ad centrū, & angulus EAC, ad peripheriam, habent eandē basin EC, & recta AE, extēditur per centrū; erit angulus EDC, duplus anguli EAC, ut ostēsum

fuit: Simili modo erit angulus EDB, duplus anguli EAB; habent. n. hi anguli eandē basin EB. Reliquus igitur angulus BDC, duplus erit reliqui anguli BAC. Si. n. totum totius est duplū, & ablatū ablati; erit & reliquū reliqui duplū. In circulo igit^r angul^o ad cētrū duplex est, &c. Qđ erat demonstrādū.

19. pron.

SCHOLIION.



QVOD si recta BD, CD, in cētro angulū nō cōstituat ad partes basis BC; qđ in demū fit, quādo segmentū BAC, est vel semicirculus, vel segmentū minus; nihilo minus spatii illud ad centrū duplū erit anguli ad circumferētiā, qui eandē habeat basin, quā spatii illud. Ducta. n. recta AE, per centrū

trū, erit tā angulus BDE, ad cētrū duplus anguli BAE, ad cir-
 cunferentiā, quā angulus CDE, ad cētrū anguli CAE, ad cir-
 cunferentiā, ut ostēsum est. Spatiū igit ad cētrū D, basin habēs
 BEC, cōstanq; ex duobus angulis BDE, CDE, duplū est totius
 anguli BAC. Quod est propositum.

THEOR. 19. PROPOS. 21.

20.

IN circulo, qui in eodem segmento
 sunt, anguli, sunt inter se æquales.


IN circulo ABCD, cuius centrum E, existāt anguli A,
 & B, in segmento DABC; Dico eos esse æquales. Sit enim
 primo segmentum DABC, semicirculo ma-
 ius; & ducantur rectæ DE, CE, ad centū
 E. Quoniam igitur angulus DEC, ad cen-
 trum, duplus est tam anguli DAC, quam
 DBC, ad peripheriā, cū omnes habeant ean-
 dē basin D C; erunt anguli A, & B, dimidiatæ partes anguli
 E. Quare inter se æquales erunt. Eadēq; ratione oēs alij an-
 guli existentes in segmento DABC, ostendent esse æquales.



20. scrij.

7. pron.

SI r secūdo segmentū DABC, vel semicirculus, vel semi-
 circulo minus. Ducatur p cētrū E, rectæ AF, BG, & in seg-
 mēto minōri connectantur rectæ
 DE, CE. Quā igit angul^o DEF,
 ad cētrū, dupl^o est anguli DAF,
 ad peripheriā: Similiter angulus
 CEF, anguli CAF; & sunt angu-
 li DEG, GEF, æquales angulo



20. scrij.

DBF: erunt tres anguli DEG, GEF, FEC, simul dupli angu-
 li DAC. Eadem ratione erunt ijdem tres anguli dupli angu-
 li DBC. Quare æquales erunt anguli DAC, DBC.

ALITER. Quoniam, ut in scholio propos. præcedētis de-
 monstrauimus, spatiū ad cētrū E, cuius basis DGFC, du-
 plum est vtriusq; anguli DAC, DBC, ad circunferentiā:
 Erunt ipsi anguli DAC, DBC, inter se æquales.

7. pron.

ALITER. Secēt sese rectæ AC, BD, in F, & connectat recta
 AB; Quoniam igitur tres anguli trianguli AFD, æqua-
 les sunt tribus angulis trianguli BFC; quoniam tam illi,
 quam


quam

15. primi.



quā h̄ æquales sunt duobus rectis : Si auterantur anguli AFD, BFC, qui æquales sunt, erūt reliqui ADF, DAF, reliquis BCF, CBF, æquales . Atqui & anguli

ADF BCF, æquales sunt ostēsi in segmēto maiori ADCB. Ergo & anguli reliqui DAC, DBC, æquales sunt .



ALITER. Ductis rectis DF, CF, ad p̄ctū extrinsecū F, includētibus cētrū E, ita ut sit segmētū maius, iungitur quoq; rectæ AF, BF.

Quia igitur anguli DAF, DBF, in eodem segmēto maiori DABCF, æquales sunt; nec nō & anguli FAC, FBC, in segmēto etiā maiori FDABC, existētes : Si hi illis addārur, fiet totus angulus DAC, toti angulo DBC, æqualis. Itaq; in circulo, qui in eodē segmēto sunt, &c. Quod erat ostēdendū.

21.

THEOR. 20. PROPOS. 22.

QUADRILATERORVM in circulis descriptorum anguli, qui ex aduerso duobus rectis sunt æquales .

IN circulo, cuius cētrū E, inscriptū sit quadrilaterū ABCD. Dico duos angulos oppositos ABC, CDA : Irē BCD, DAB, æquales esse duobus rectis . Ductis. n. diametris AC, BD, erunt duo anguli ABD, ACD, ī eodē segmēto ABCD, æquales. Similiter erūt duo anguli CBD, CAD, in eodē segmēto CBAD, æquales. Quare duo anguli ABD, CBD, hoc est, totus angulus ABC, æqualis est duobus angulis ACD, CAD. Addito igit̄ cōi angulo CDA, erūt duo anguli ABC, CDA, æquales tribus angulis ACD, CAD, CDA : Sed hi tres æquales sunt duobus rectis; igitur & duo

21. tertii.



32. primi.


& duo ABC, CDA, duobus erūt rectis æquales. Eodem modo ostendemus, angulos BC, D, DAB, duobus esse rectis æquales. Quadrilaterorum igitur in circulis descriptorū, &c. Quod demonstrandum erat.

SCHOLIUM.

CONVERSVM quoq; huius theorematīs demonstrari potest, hoc modo.

Si in quadrilatero anguli, q̄ ex aduerso, duobus rectis sint æquales; circulus, qui p̄ tres quoscūq; eius angulos describitur, trānsibit etiam per reliquū quartū angulū; Atq; adeo circa ipsum quadrilaterum circulus describi potest.

IN quadrilatero enim ABCD, sint anguli oppositi A, & C; Item B, & D, duobus rectis æquales, & per angulos A, B, C, circulus describatur; (Quo modo autē hoc fieri possit, in 25. propos. huius lib. & in 5. quart. lib. ostendetur.) quem dico transire etiā per D. Si .n. nō, transibit vel ultra D, vel citra. Ducantur ergo rectæ CE, AE, ad circumferentiā, ita ut nō secent rectas CD, AD. Quo factō, erūt anguli B. & E, æquales duobus rectis; Erāt autē & anguli B, & D, duobus rectis æquales: Igitur duo anguli B, E, æquales sunt duobus angulis B, D. Quocirca ablato cōi B, remanebunt anguli D, & E, æquales: quod est absurdū. Ducta .n. recta AC, erit angulus D, maior angulo E, vel contra, angulus E, maior angulo D. Transit igitur circulus p̄ p̄ctū D. q̄ est propositū.



22. tertij.

21. primi.

THEOR. 21. PROPOS. 23.

22.

SVPER eadem recta linea, duo segmenta circulorum similia, & inæqualia, nō constituentur ad easdem partes.

SI

10. tertij.



Si .n. fieri pōt, sup recta AB, cōstituantur ad eadē partes duo segmēta similia, & inēqualia A CB, A DB. Perspicuū ē aut, qđ se solū inter se cēt in pūctis A, & B; circulus in. circulū nō secat in pluribus punctis, quam duobus. Vnde peripheria vnus segmētī tōta erit extra peripheriā alterius. Ducatur igitur recta AD, secās circūferētiās in C, & D, & cōnectantur recte CB, DB. Quoniā igit segmēta ponūtur similia, erit p 10. defn. huius lib. angulus A CB, æqualis angulo A DB, externus interno: qđ est absurdū. Nō igitur segmēta similia. Quare sup eadē recta linea, &c. qđ erat demonstrādū.

16. primi.

SCHOLION.



EADĒM ratione, neq; ad diuersas partes super eadē recta linea duo segmēta circulorū similia, & inēqualia cōstituentur. Nā si alterū eorū intelligat moueri circa lineā AB vt iā ambo sint ad eadē partes, in idē absurdū incidemus, vt figura indicat, quoniam alterum alteri non congruet, propter inēqualitatem.

23.

THEOR. 22. PROPOS. 24.

SUPER æqualibus rectis lineis; similia circulorum segmenta sunt inter se æqualia.

SUPER rectis lineis æqualibus AB, CD, cōstituta sint segmēta similia AEB, CFD. Dico ea inter se esse æqualia. Lineæ enim AB, CD, cum sint æquales, congruent inter se, si altera alteri superponatur. Dico igitur & segmētū AEB, segmento CFD, cōgruere. Si .n. nō cōgruit, cadet aut extra, aut intra, aut partim extra, partim intra



Quod si extra cadat, aut intra, cōstituentur super eadē recta CD, duo segmēta AEB, AFB, similia, & inēqualia; qđ est absurdū. Demonstratū n est cōtrariū. Qđ si partim extra cadat, partim intra, secabūt sese in plurib; pūctis, q̄ duob; nō in A, P, G. Qđ est absurdū. Circuli .n. nō se secāt in plurib; pūctis, q̄ duobus. Cōgruet igit segmētū AEB, segmento CFD,

23. tertij.

10. tertij.

CFD, atq; adeo ipsa inter se æqualia erūt. Quocirca super æqualibus rectis lineis, &c. Quod erat demonstrandum.

SCHOLIION.

NON solum in hac propositione ostēditur segmenta similia AEB, CFD, esse æqualia, super æquales bases AB, CD; verū etiam ipsas peripherias, eo quod, ut demonstratum est, sibi mutuo congruant.

CONVERSVM quoque huius propos. & præcedentis, facile demonstrabitur. Nimirum, segmenta circulorum æqualia super æquales lineas, vel super eandem confituta, esse similia. Nam propter æqualitatem alterum alteri congruet; quare similia erunt, cum hac ratione omnes anguli in ipsis confituti æquales sint.

PROBL. 3. PROPOS. 25.

24.

CIRCULI segmento dato, describere circum, cuius est segmentum.

SIT segmentum circuli ABC, quod perficere oporteat. Subtendatur recta AC, quæ bifariam secetur in D, puncto, per quod perpendicularis ducatur DB, connectaturque AB. Angulus igitur DBA, uel maior est angulo DAB, uel æqualis, uel minor. Sit primo maior, (quod quidē continget, quando segmentum ABC, minus fuerit semicirculo: Tunc enim, quia BD, transit per centrum ex corollario propos. 1. huius lib., quod est extra segmentum; cum ponatur esse minus, erit DA, maior, quam DB,



cum DB, perficiens diametrum, sit omnium minima, quæ ex puncto D, in circumferentiam cadunt; Quare angulus DBA, maior erit angulo DAB.) fiatque angulus BAE, æqualis angulo DBA, & secet recta AE, rectam BD, productam in E. Dico E, esse centrum circuli, cuius segmentum ABC. Ducta enim recta EC, erunt latera AD, DE, trianguli ADE, æqualia lateribus CD, DE, trianguli CDE, & anguli contenti, recti: Quare bases EA, EC, æquales erunt; Est

7. tertij.

18. primi

4. primi

ferentia duo puncta vicinque A, & B; e quibus describuntur
 duo arcus ad idē intervallum quodcunque, qui se interfecent
 in E, & F. Postea ex alijs duobus pun-
 ctis C, & D, alij arcus se secantes in G,
 & H; describuntur ad quodvis interval-
 lum, siue idē quod prius, siue diversum.
 Si igitur agantur rectę EF, GH, transi-
 bunt ambae per centrū: quare punctum



I, in quo coeunt, erit centrū. Quod autē lineę EF, GH, per cē-
 trum transiant, itā demonstrabitur. Ducantur rectę AE, AF,
 BE, BF quę inter se æquales erunt, ob æqualitatem circulorū.
 Quoniā igitur latera AE, AF, trianguli AEF; æqualia sunt
 lateribus BE, BF, trianguli BEF; & bases quoque AF, BF,
 æquales: Erunt anguli AEF, BEF, æquales. Rursus ducta re-
 ctā AB, quę secet EF, in K; quoniā latera AF, FK, trianguli
 AEF, æqualia sunt lateribus BE, EK, trianguli BEK; & an-
 guli AEF, BEK, ostēsi quoque æquales; erunt & bases AK,
 BK, & anguli AKE, BKE, æquales, idēque recti. Quare
 cum EF, dividat rectam AB, in circulo bisariam, & ad an-
 gulos rectos; transibit per centrū ex corollario propos. 1. huius
 lib. Eadem ratione ostendetur GH, transire per centrū.

8. primi

4. primi

THEOR. 23. PROPOS. 26.

25.

IN æqualibus circulis, æquales anguli
 æqualibus peripherijs insistant, siue ad cētra,
 siue ad peripherias constituti insistant.

IN circulis æqualibus ABC, DEF, quorū cētra G, H, cō-
 stituti sint primo ad cētra anguli æquales AGC, DHF. Dico
 peripherias AC, DF, q̄b^o insistant,
 siue sup̄ quas ascēderūt, esse q̄qua-
 les. Sumantur enim in peripherijs
 ABC, DEF, duo p̄cta B, E, ad q̄
 rectę ducant AB, CB, DE, FE, cō-
 nectanturq; rectę AC, DF. Quo-
 niā igitur anguli B, & E, dimi-
 dij sunt equaliū angulorum G, & H; erunt ipsi æquales inter
 se: Quare ex definitione segmenta ABC, DEF, similia erunt.



20. tertij.

Q 2 Et

Et quia latera A G, G C, trianguli A G C, æqualia sunt lateribus D H, H F, trianguli D H F, propter circularū æqualitatem, & anguli, quos continēt

4. primi



G, H, æquales, ex hypothesi: erūt bases A C, D F, æquales: Cum igitur segmenta similia A B C, D E F, sint super lineas æquales A C, D F, erunt ipsa inter se æqua

24. tertij.

lia; Quare si a circulis æqualibus demantur, remanebunt & segmenta A C, D F, inter se æqualia; atque adeo peripheriæ A C, D F: Quod est propositum.

20. tertij.

24. tertij.


S I N T secundo ad peripherias constituti duo anguli æquales B, & E; dico rursus, peripherias A C, D F, super quas ascenderunt, esse æquales. Erunt enim, ut prius, segmenta A B C, D E F, similia. Cum igitur sint super æquales lineas A C, D F: (cum enim anguli G, H, æquales sint, quod sint dupli angulorum æqualium B, & E; erunt, ut prius, rectæ A C, D F, æquales) erunt ipsa inter se æqualia. Si igitur a circulis æqualibus detrahantur, remanebunt & segmenta A C, D F, æqualia. In æqualibus itaque circulis, æquales anguli, &c. Quod erat demonstrandum.

SCHOLION.

20. tertij.

H AEC secunda pars breuius ita demonstrabitur. Quoniam anguli G, H, dupli sunt angulorum æqualium B, E, erunt ipsi inter se æquales. Quare ut ostensum est prius, peripheriæ A C, D F, super quas ascenderunt, æquales erunt.

Q U O D si dicti anguli fuerint inæquales, maior insistet maiori peripheriæ, quam minor. In circulis enim æqualibus



A B C, D E F, sit angulus A G C, ad centrum maior angulo D H F, ad centrum: tunc angulus A B C, ad circumferentiam maior angulo D E F, ad circumferentiam.

Dico peripheriam A C, maiorem esse peripheriæ D F. Si enim fiat angulus C G I, angulo D H E, & angulus C B I, angulo D E F, æqualis; erunt, ut ostensum est, peripheriæ C I, D F, æquales;

les;


lu; Ac propterea A C, maior, quam D F.

THEOR. 24. PROPOS. 27.

26.

IN æqualibus circulis, anguli, qui æqualibus peripherijs insiftût, sunt inter se æquales, siue ad centra, siue ad peripherias constituti insistant.

IN circulis æqualibus A B C, D E F, quorum centra G, H, insistant primo anguli ad centra A G C, & D H F, æqualibus peripherijs A C, D F; Dico angulos A G C, & D H F, æquales esse. Si enim non sunt æquales, sit angulus G, maior, fiatque angulus A G I, æqualis angulo D H F. Erunt igitur peripheriæ A I, D F, æquales. Cum igitur peripheria A C, æqualis ponatur peripheriæ D F, erunt peripheriæ A I, A C, inter se æquales, pars, & totum; quod est absurdum. Sunt ergo anguli A G C, D H F, æquales.



26. tertij.

INSISTANT secundo eisdem peripherijs æqualibus A C, D F, anguli B, & E, ad peripherias; quos rursum dico æquales esse. Nam si alter, vt A B C, maior est; fiat angulo E. æqualis angulus A B I; eruntque peripheriæ A I, D F, æquales. Quare, ut prius, erunt peripheriæ A I, A C, æquales, pars & totum; quod est absurdum.

26. tertij.


SCHOLION.

HAEC secunda pars ita quoque demonstrabitur. Quoniã anguli A B C, & E, dimidii sunt angulorum A G C, & H, quos iã ostendimus esse æquales; erunt & ipsi inter se æquales.

20. tertij.

SI vero peripheriæ fuerint inæquales, insisset maiori maior angulus, siue ad centrum, siue ad circumferentiam, quam minori. In figura enim scholii præcedentis sit peripheria A C, maior, quam peripheria D F. Dico angulum A G C, maio-


rem esse angulo DHF; & angulum ABC, maiorem angulo



DEF. Si enim fiat peripheria CI, aequalis peripheriae DF, ducanturq; rectae IG, IB, erunt, ut ostensum est, et anguli ad centrū CGI, DHF, quae anguli ad circumferentiam

CBI, DEF, aequales. Quare & angulus AGC, angulo DHF, & angulus ABC, angulo DEF, erit maior.

Ex hac porro propositione colligemus, duas rectas lineas, quae in eodem circulo aequales arcus intercipiunt, se mutuo non



secantes, esse parallelas. Et si sint parallelae, ab ipsis arcus aequales intercipi. In circulo enim ABCD, rectae AD, BC, intercipient arcus aequales AB, DC. Dico AD, BC, esse parallelas. Ducta namque recta

AC, cum arcus AB, DC, ponantur aequales, erunt anguli ACB, CAD, ipsis insistentes, aequales; qui cum sint alterni, erunt AD, BC, parallelae.

27. tertij

27. primi

SINT iam AD, BC, parallelae. Dico arcus interceptos AB, DC, esse aequales. Cum enim sint parallelae AD, BC, ducta recta AC; erunt anguli alterni ACB, CAD, aequales; Ac proinde arcus AB, DC, quibus insistent, aequales erunt.

29. primi

26. tertij.

VISVM est quoque hoc loco apponere sequens theorema ad ea, quae sequuntur, non inutile: videlicet.

LINEA recta quae ex medio puncto peripheriae alicuius ducitur tangens circumulum, parallela est rectae lineae; quae peripheriam illam subtendit.

IN circulo ABC, cuius centrū D, ducatur ex A, puncto medio peripheriae BAC, linea EF tangens circumulum. Dico EF,



parallelam esse rectae BC, arcū BAC, subtendenti. Ducta enim ex centro D, ad punctū contactus A, recta DA, connexisq; rectis DB, DC, erunt anguli ADB, ADC, circumferentijs aequalibus AB, AC, insistentes, aequales: Sunt autem & latera BD, DG, trianguli BDG lateribus CD, DG, trianguli

27. tertij.

4. primi

CDG, aequalia, utrumq; utriq;. Igitur & anguli ad G, aequales

les sunt super bases GB, GC, ac propterea recti. Igitur & AGB AGC, illis deinceps recti sunt. Sunt autem & anguli GAE, GAF, recti, quod DA, perpendicularis sit ad EF; Ergo EF, BC, parallele sunt. Quod est propositum.

18. tercij.
28. primi

THEOR. 25. PROPOS. 28.

27.

IN æqualibus circulis, æquales rectæ lineæ, æquales peripherias auferunt, maiorẽ quidem maiori, minorem autem minori.


IN circulis æqualibus ABC, DEF, quorum centra G, & H, sint rectæ æquales AC, DF. Dico maiorẽ peripheriam ABC, æqualẽ esse maiori DEF; & minorẽ AC, minori DF. Ductis. n. rectis AG, GC, DH, HF, erunt latera AG, GC, trianguli A GC, æqualia lateribus DH, HF, trianguli DHF; Sunt autẽ & bases AC, DF, æquales: Igitur anguli G, & H, æquales erunt: Ac propterea peripheriæ AC, DF, quibus insistant, æquales erunt; quæ ablatæ ex totis æqualibus, relinquent æquales ABC, DEF. In æqualibus ergo circulis, æquales rectæ lineæ, &c. Quod erat demonstrandum.

8. primi
26. tercij.



SCHOLIION.


QVOD si fuerint lineæ inæquales in circulis æqualibus, auferet maior lineæ, maiorẽ peripheriã, quam minor. si loquamur de segmentis circuli minoribus semicirculo. Nã si de segmentis circuli maioribus sermo habeat, maior lineæ auferet minorem peripheriã, q̃ minor. In circulis. n. æqualibus



ABC, DEF, quorum centra G, & H, sit recta AC, maior, quam DF. Dico peripheriam AC, semicirculo minorem, maiorem esse peripheriã DF; At peripheriam ABC, mi-

Q 4 norem

25. primi
 norem peripheria DEF. Ductis enim rectis AG, GC, DH, HF, erunt latera AG, GC, trianguli AGC, æqualia lateribus DH, HF, trianguli DHF; Ponitur autem basis AC, maior basè DF: Igitur angulus AGC, maior erit angulo DHF. Fiat angulus CGI, angulo DHF, æqualis, utique propterea peripheria CI, peripheriæ DF, æqualis; Ac proinde peripheria AIC, maior, quam peripheria DEF.




Ideoque reliqua ABC, minor, quam reliqua DEF.

28.

THEOR. 26. PROPOS. 29.

IN æqualibus circulis, æquales peripherias, æquales rectæ lineæ subtendunt.

IN circulis eisdem æqualibus, ponantur æquales peripheriæ ABC, DEF; Item AC, & DF. Dico rectas AC, DF, quæ eas subtendunt, esse, æquales. Ductis enim lineis, ut prius, erunt latera AG, GC, trianguli AGC, æqualia lateribus DH, HF, trianguli DHF;




27. tertij.
 4. primi

Sunt autè & anguli G, H, æquales, quod æqualibus peripherijs AC, DF, insistant: Igitur bases AC, DF, æquales erunt. In æqualibus ergo circulis, æquales peripherias, &c. Quod erat ostendendum.

SCHOLIUM.

SI autem fuerint peripheriæ inæquales, subtendet maiorè maior lineæ, quam minorem, si de segmentis semicirculorum minoribus fiat sermo. Nam si de segmentis maioribus semicirculo loquamur, subtendet maiorem minor lineæ, quam minorem.



rem.

rem. In circulis enim equalibus ABC, DEF , quorum centra G, H . sunt peripheria semicirculo minores AC, DF , sitque AC , maior, quam DF ; Ac proinde ABC , minor quam DEF . Dico lineam AC , maiorem esse, quam DF . Ductis enim rectis AG, GC, DH, HF , erit angulus AGC , maior angulo DHF , ex scholio propos. 27. huius lib. Cum igitur latera AG, GC trianguli AGC . equalia sint lateribus DH, HF , trianguli DHF , erit basis AC , maior base DF , &c.

SUNT autem proxime antecedentes quatuor propositiones 25. 27. 28. & 29. intelligenda etiam in eodem circulo. Hoc est. In eodem circulo aequales anguli equalibus peripheriis insistent, &c. ut constat ex demonstrationibus adductis. Eadem enim locum habent in uno eodemque circulo.

PROBL. 4. PROPOS. 30.

29.

DATAM peripheriam bifariam secare.

SIT peripheria ABC , secunda bifariam. Ducatur recta subtendens AC , qua diuisa bifariam in D , erigatur perpendicularis DB , quae peripheriam ABC , bifariam secabit in B . Ductis enim rectis AB, CB , erunt latera AD, DB , trianguli ADB , aequalia lateribus CD, DB , trianguli CDB ; Sunt autem & anguli ad D , aequales, nempe recti: Igitur & bases AB, CB , aequales erunt; Ac propterea peripheriae AB, CB , erunt aequales. Daram ergo peripheriam bifariam secuimus: Quod erat faciendum.



4. primi
28. tertij.

THEOR. 27. PROPOS. 31.


30.

IN circulo angulus, qui in semicirculo, rectus est: qui autem in maiore segmento, minor recto: qui uero in minore segmento, maior est recto. Et insuper angulus maioris

ioris

ioris segmenti, recto quidē maior est: minoris autē segmenti angulus, minor est recto.

CIRCULI ABC, cuius centrū D, diameter sit A C, cōstituatque in semicirculo angulus ABC, existetq; angulus BAC, in maiori segmentō CAB, constituatur quoq; in CEB, minori segmentō angulus BEC. Dico angulum ABC, in semicirculo rectum esse; angulum vero



BAC, in maiore segmentō, minorem recto; & angulū BEC, in minori segmentō, maiorem recto. Item angulū maioris segmenti cōprehensum rectā BC, & peripheria BAC, esse recto maiorem: At angulum minoris segmenti cōprehensum rectā BC, & peripheria BEC, recto minorem. Ducantur enim rectæ BC, BD, & extendatur AB, in F. Quoniā igitur rectæ DA, DB, æquales sunt, erit angulus DBA, angulo DAB, æqualis. Eadem ratione erit angulus DBC, angulo DCB, æqualis, ideoque totus angulus ABC, duobus angulis BAC, BCA, æqualis erit: Est autem & angulus FBC, externus eisdem duobus internis angulis BAC, BCA, in triangulo ABC, æqualis. Quare æquales erunt inter se anguli ABC, FBC; ac propterea uterque rectus. Rectus igitur est angulus ABC; quod est primum.

5. primi

32. primi

17. primi

22. tertij.

QUONIAM vero in triângulo ABC, duo anguli ABC, & BAC, sunt duobus rectis minores: Et est angulus ABC, ostensus rectus: Erit angulus BAC, in segmento maiori, recto minor; quod est secundum.

RURSUS quia in quadrilatero ABEC, intra circulū descripto, duo anguli oppositi BAC, & BEC, sunt duobus rectis æquales; Et angulus BAC, ostensus est recto minor: Erit BEC, angulus in segmento minore, recto maior; quod est tertium.


AMPLIUS cum angulus rectus ABC, pars sit anguli segmenti maioris BAC, qui comprehenditur rectā BC, & peripheria BAC; erit angulus segmenti maioris, recto maior; quod est quartum.

POSTREMO, cū angulus segmenti minoris, comprehensus

hensus


hensus recta BC, & peripheria BEC, pars sit quoq; anguli recti FBC; Erit angulus segmenti minoris, recto minor; quod est quintum. In circulo igitur angulus, qui in semicirculo, rectus est &c. Quod erat demonstrandum.

ALIA demonstratio huius propositionis. In semicirculo, cuius diameter AC, & centrū D, sit angulus ABC, quem dico esse rectū. Ducta. n. recta BD, erunt anguli DBA, DAB, æquales, quod rectæ DA, DB, æquales sint. Cū igitur angulus BDC, externus æqualis sit duobus angulis internis DBA, DAB, in triângulo ABD: Erit angulus BDC, duplus anguli DBA; Eodem modo erit angulus ADB, duplus anguli DBC; atq; adeo duo anguli ad D, dupli erūt totius anguli ABC. Cū igitur anguli ad D, sint duobus rectis æquales; erit angulus ABC, eorū dimidius, rectus: quod est primū.




5. primi
32. primi
13. primi


SIT rursus in segmento maiori, cuius centrum D, angulus ABC, quem dico esse recto minorem. Ducta enim diametro AE, & coniuncta recta BE; erit angulus ABE, in semicirculo rectus. Quare angulus ABC, pars recti, recto minor erit: quod est secundum.



SIT iterum in segmento minori, cuius centrum D, angulus ABC, quem dico esse recto maiorem. Ducta enim diametro AE, occurrens peripheriæ productæ in E, & coniuncta recta BE; erit angulus ABE, in semicirculo rectus; qui cum sit pars anguli ABC, erit angulus ABC, recto maior: quod est tertium.



IAM vero proponatur segmentum maius ABC, & segmentum minus ADC, quorum centrum B. Dico unum C A B, segmenti maioris, esse recto maiorem; At angulum CAD, segmenti minoris, recto minorem. Ducta enim diametro CB & recta B A F; erit angulus B A C, in semicirculo rectus, atque adeo ei deinceps F A C. Cum igitur angulus rectus B A C, sit pars anguli C A B, segmenti maioris: & angulus G A D, segmenti minoris, pars quoque



quoque anguli recti FAC ; constat utrumque.

COROLLARIUM.

Hinc manifestum est, quod angulus trianguli, qui reliquis duobus æqualis existit, rectus est: eo quod illi contiguus (qui producto latere extra triangulum fit) eisdem sit æqualis. Quod quidem constat ex priori demonstratione.

EX CAMPANO.

Ex hac propositione perspicuum quoque est, non ualere duas illas argumentationes, quas impugnaimus in propos. 16. huius lib. quarum una est.

TRANSITUR a maiore ad minus, & per omnia media; ergo per æquale.

ALTERA uero est eiusmodi.

CONTINGIT reperire maius, & minus eodem; igitur continget reperire æquale.

In circulo enim ABC , cuius centrum D , & diameter AE , ducatur recta AB . Erit igitur angulus ABE , segmenti maioris, rectus maior. Quare si AB , moueatur uersus A , circa A , punctum fixum, faciet semper cum peripheria angulum recto maiorem, donec ad diametrum AE , peruenerit, ubi faciet angulum semicirculi, recto minorem. Quod si ulterius moueatur ad AC , faciet a fortiori angulum ACF , segmenti minoris, recto minorem. Transitur ergo ab angulo segmenti maioris, qui recto maior est, ad angulum semicirculi, uel etiam segmenti minoris, quorum uterque recto minor est; non tamen per angulum recto æqualem. Cum igitur per omnes medios angulos fiat transitus, perspicuum est, utiwas esse prædictas consequentias.




SCHOLIUM.

MANIFESTUM quoque est conuersum huius theoremat. Hoc est, segmentum circuli, in quo angulus constitutus est rectus, semicirculus est. Nam si esset maior, angulus in eo foret acutus; si minus, obtusus; & sic de reliquis partibus theoremat.

Hinc etiã perspicuum est, si angulo recto recta subtensa bifariam secetur, & ex puncto diuisionis circulus describatur ad

ad intervallum dimidia subtensa; circulum transire per angulum rectum. Angulo enim recto ABC , subtensa AC , bisariam secetur in D , puncto, ex quo ad intervallum DA , vel DC , circulus describatur AEC , quem dico transire per B , si enim transeat citra B , vel ultra, ductis rectis AE , CE , erit angulus AEC , rectus quoque. Quare anguli recti B , & E , æquales erunt; quod est absurdum, cum angulus E , sit necessario, vel maior, vel minor angulo B . Transit igitur circulus per punctum B , quod est propositum.



31. tertij.

21. primi

THEOR. 28. PROPOS. 32.

31.

SI circulum tetigerit aliqua recta linea, a contactu autem producatu quædam recta linea circulum secans: Anguli, quos ad contingentem facit, æquales sunt ijs, qui in alternis circuli segmentis consistunt, angulis.

TANGAT recta AB , circulum CDE , in C , puncto, a quo ducatur recta CE , dividens circulum in duo segmenta, in quibus fiant anguli CGE , CDE . Dico angulum ACE , æqualem esse angulo CGE , in alterno segmento; & angulum BCE , angulo CDE , in alterno quoque segmento. Transeat enim primo recta CE , per centrum. Erit igitur uterque angulus ACE , BCE , rectus: sunt autem & anguli CGE , CDE , in semicirculis recti; Igitur angulus ACE , angulo CGE ; & angulus BCE , angulo CDE , æqualis est.



18. tertij

31. tertij

NON transeat iam CE , recta per centrum. Ducta igitur recta CF , per centrum, connectatur recta EF , eritque CF , perpendicularis ad

18. tertij

ad

21. tertii

ad AB , & angulus CEF , rectus; ac propterea reliqui anguli ECF , EFC , æquales erunt uni: recto, ut angulo recto ACF . Dempto ergo communi angulo ECF , erit re-

21. tertii



liquus ACE , reliquo CFE , æqualis: Est autem angulo CFE , æqualis quoque angulus CGE , cum uterque sit in segmento CGE . Quare angulus ACE , angulo CGE , æqualis erit. Quoniam uero in quadrilatero $CDEG$, duo anguli CDE , CGE , duobus sunt rectis æquales: Sunt autem & duo anguli ACE , BCE , duobus rectis æquales; si auferantur æquales anguli ACE , CGE , remanebit angulus BCE , angulo CDE , æqualis. Sic utrumque igitur tetigerit aliqua recta linea, a contactu autem, &c: Quod erat ostendendum.

22. tertii



13. primi

SCHOLIUM.

POTEST theorema hoc conuertij hoc modo.

SI linea recta ducta ad extremitatem lineæ circuli secantis fecerit cum ipsa angulos æquales ijs, qui in alternis circuli segmentis consistunt, angulis; Linea ducta circulum tanget.

31. tertii

21. tertii

IN eadem constructione transeat prius recta CE , per centrum, secans circulum CDE , & ducatur recta AB , per C faciens angulum ACE , æqualem angulo CGE . Dico AB , tangere circulum. Quoniam angulus CGE , rectus est; erit & angulus ACE , illi æqualis, rectus. Quare per coroll. propos. 16. huius lib. AB , circulum tanget. Iam uero CE , non transeat per centrum, construaturque figura, ut supra. Quoniam igitur angulus ACE , æqualis ponitur angulo CGE ; in alterno segmento maiori, & hic est æqualis angulo CFE ; erit & angulus ACE , æqualis angulo CFE . Aditto ergo communi angulo ECF , erit angulus ACF , æqualis duobus

bus angulis EFC, ECF; Atqui anguli EFC, ECF,
 æquales sunt uni recto, quod angulus CEF, rectus sit in se-
 micirculo, & tres anguli in triangulo CEF, æquales sint
 duobus rectis. Angulus igitur ACF, rectus quoque erit,
 ideoque per coroll. propos. 16. huius lib. AB, circumulum
 tanger.

31. tertii
 32. primi

EODEM modo, si angulus BCE, æqualis fuerit angulo
 CDE, in alterno segmento minori, ostendetur recta AB,
 tangere circumulum, Cum enim anguli BCE, ACE; duo-
 bus sint rectis æquales: Item duo anguli CDE, CGE, duo-
 bus rectis æquales; si demantur æquales BCE, CDE rema-
 nebunt anguli ACE, CGE, æquales. Quare, ut demon-
 stratum iam est, recta AB, circumulum tanger.


13. primi
 22. tertii

PROBL. 5. PROPOS. 33.

32.


SVPER data recta linea describere
 segmentum circuli, quod capiat angulum
 æqualem dato angulo rectilineo.

RECTA data sit AB, & datus angulus primo rectus
 C. oportet igitur super AB, segmentum describere, in quo an-
 gulus existens sit æqualis angulo recto dato C. Divisa AB,
 bisariam in D, describatur centro D; in-
 tervallo autem DA, uel DB, semicircu-
 lus AEB; factumque erit, quod propo-
 nitur. Nam angulus AEB, in descripto
 semicirculo rectus est, ideoque æqualis
 angulo C, recto.



31. tertii.

SI T secundo angulus datus
 acutus C. Ad punctum A, fiat
 angulus DAB, æqualis angulo
 C, acuto; & agatur ad DA, per-
 pendicularis AE, q̄ cadet supra
 AB. Fiat deinde angulus FAB,
 æqualis angulo FBA, secetq; BE,
 recta AE, in F. Erunt igitur recte
 FA, FB, æquales. Quare si cetero



6. primi

F, &

F, & interuallo FA, circulus describatur A G B, transibit is per B. Dico igitur angulum in segmento A G B, quod descri-
 ptum est super A B, esse æquale
 angulo C. Fiat enim angulus in
 dicto segmento A G B. Quia igitur
 A E, per centrum F, transit,
 & ei perpendicularis est D A, ca-
 get D A, recta circulum in A,
 per coroll. propos. 16. huius lib. Quapropter angulus
 D A B, hoc est, angulus datus C, æqualis erit angulo G, in
 segmento alterno.

32. tertii.

Si tertio angulus datus H, obtusus. Fiat rursus angu-
 lo H, æqualis angulus I A B, & agatur ad I A, perpendicu-
 laris A E, quæ supra A B, cadet. Reliqua omnia fiant, ut
 prius, descriptumque erit super A B, segmentum A K B, in
 quo angulus K, æqualis est angulo alterno I A B, hoc est,
 angulo dato obtuso H. Eadem enim est demonstratio. Ita
 que super data recta linea descripsimus segmentum, &c.
 Quod efficiendum erat.

33.

PROBL. 6. PROPOS. 34.


A DATO circulo segmentum abscin-
 dere capiens angulum æqualem dato angu-
 lo rectilineo.

DATVS circulus sit A B C, a quo auferre oporteat seg-
 mentum, in quo angulus existens æqualis sit dato angulo

17. tertii.

D. Ducatur recta E F, tangens circulum in A; Fiat deinde angulus FAB, æqualis angulo dato D. Dico igitur angulū A C B, in segmento ablato A C B, equalem esse dato angulo D. Est enim angulus A C B, æqualis angulo alterno F A B, hoc est, angulo D. A dato ergo circulo abscidimus segmentum A C B, &c. Quod erat faciendum.

32. tertii.



THEOR.

THEOR. 29. PROPOS. 35.

34.

SI in circulo duæ rectæ lineæ se se mu-
tuo secuerint, rectangulum comprehensum
sub segmentis unius, æquale est ei, quod
sub segmentis alterius comprehenditur, re-
ctangulo.

IN circulo ACBD, secent se mutuo rectæ AB, CD, in
E; Dico rectangulum comprehensum sub segmentis A E,
E B, æquale esse rectangulo comprehenso
sub segmentis C E, E D. Aut enim utraque
linea transit per centrum, aut una tantum,
aut neutra. Transeat primo utraque per cē-
trum. Quoniam igitur omnia quatuor seg-
menta inter se æqualia sunt, perspicuum est, rectangulum
comprehensum sub duobus, æquale esse ei, quod sub reliquis
comprehenditur, rectangulo.



TRANSEAT secundo CD, sola per centrum F, di-
uidatque prius rectam AB, bifariam, ac propterea ad angu-
los rectos, coniungaturque recta BF. Quoniam igitur CD,
diuisa est per æqualia in F, & per inæqualia
in E; erit rectangulum sub C E, E D, una
cum quadrato rectæ E F, æquale quadrato
rectæ F D, ideoque quadrato rectæ F B;
Sunt. n. rectæ F D, F B. æquales: Est autē qua-
dratum rectæ F B, æquale quadratis recta-
rum F E, E B; Igitur rectangulum sub C E, E D, una cum
quadrato rectæ E F, æquale erit quadratis rectarum F E,
E B. Quare ablato communi quadrato rectæ F E, rema-
nebit rectangulum sub C E, E D, æquale quadrato rectæ
E B. hoc est, rectangulo sub A E, E B; cum A E, E B, re-
ctæ sint æquales.



3. tersij.

5. secundi

47. primi


Diuidat iam CD, transiens per centrum rectam AB, nō
bifariam. Secetur ergo AB, bifariam in G, ducanturque re-
ctæ F G, F B, eritque F G, perpendicularis ad AB. Quo-
niam uero rectangulum sub C E, E D, una cum quadrato

3. tersij.

R rectæ

5. secundi
47. primi

rectæ FE, æquale est quadrato rectæ FD, hoc est, quadrato rectæ FB: Est autem quadratum rectæ FE, æquale quadratis rectorum FG, GE; & quadratum rectæ FB, æquale quadratis rectorum FG, GB; Erit igitur rectangulum sub CE, ED, una cum quadrato rectorum FG, GE, æquale quadrato rectorum FG, GB.



Dempto ergo eõmuni quadrato rectæ FG, remanebit rectangulũ sub CE, ED, una cum quadrato rectæ GE, æquale quadrato rectæ GB. Atqui etiam rectangulũ sub AE, EB, una cum quadrato rectæ GE, æquale est eidem quadrato rectæ GB: Igitur rectangulũ sub CE, ED, una cum quadrato rectæ GE, æquale est rectangulo sub AE, EB, una cum quadrato eiusdem rectæ GE. Quare ablato communi quadrato rectæ GE, remanebit rectangulum sub CE, ED, æquale rectangulo sub AE, EB, quod est propositum.

5. secundi


TERTIO neutra per centrũ transeat, siue una illarum bifariam diuidatur, siue neutra. Ducatur per centrũ F, & punctum sectionis E, recta GH. Quoniam itaque ostensum est, rectangulum sub AE, EB, æquale esse rectangulo sub GE, EH, siue AB, diuidatur bifariam, siue non: Item rectangulum sub CE, ED, æquale esse quoque eidem rectangulo sub GE, EH, siue CD, secta sit bifariam, siue non; Erit rectangulum sub AE, EB, æquale rectangulo sub CE, ED, quod est propositum.



SCHOLIION.

CONVERTI poterit theorema istud hoc modo. SI duæ rectæ ita se secant, ut rectangulum sub unius segmentis comprehensum, æquale sit ei, quod sub segmentis alterius comprehenditur, rectangulo; describi poterit per quatuor illarum puncta extrema circulus.

SECENT se mutuo recta AB, CD, in E, sitque rectangulum sub AE, EB, æquale rectangulo sub CE, ED. Dico quatuor puncta A, D, B, C, in circumferentiam circuli cadere, hoc est, per ea circulum posse describi. Describatur enim per tria puncta A, D, & B, circulus aliquis, (quo autem modo id fiat, ostendemus ad 5. propos. lib. 4.) qui si non transeat per C, transibit aut ultra C, vel circa, ut per F. Quoniam ergo rectangulum sub FE, ED, æquale est rectangulo sub AE, EB; & rectangulum sub CE, ED, ponitur quoque, æquale eidem rectangulo sub AE, EB: Erunt rectangula sub CE, ED; & sub FE, ED, æqualia, pars & totum; quod est absurdum. Transibit igitur circulus per punctum C. quod erat propositum.



35. tertij.

THEOR. 30. PROPOS. 36.

35.

SI extra circulum sumatur punctum aliquod, ab eoque in circulum cadant duæ rectæ lineæ, quarum altera quidem circulum fecerit, altera uero tangat: Quod sub tota secante, & exterius inter punctum & conuexam peripheriam assumpra comprehenditur rectangulum, æquale erit ei, quod a tangente describitur, quadrato.

EXTRA circulum ABC, punctum sumatur D, a quo linea ducatur DA, secans circulum in C, & linea DB, circulum tangens in B. Dico rectangulum sub DA, DC, æquale esse quadrato rectæ DB. Transeat enim primo recta DA, per centrum E, & iungatur recta EB, quæ perpendicularis erit ad DB. Quoniam igitur CA, diuisa est per æqualia in E, & ei addita in rectum & continuum CD, erit rectangulum sub DA, DC, unum quadrato rectæ EB, hoc est, cum quadrato rectæ EB,



17. tertij.

18. tertij.


16. secundi

R 2 æquale

47. primi

æquale quadrato rectæ DE: Est autem quadratum rectæ DE, æquale quadratis rectarum EB, BD; Quare rectangulum sub DA, DC, una cum quadrato rectæ EB, æquale erit quadratis rectarum DB, BE. Ablato igitur communi quadrato rectæ BE, remanebit rectangulum sub DA, DC, quadrato rectæ DB, æquale; Quod est propositum.

18. terij.
3. terij.



6. secundi

NON transeat iam DA, per centru E. Diuisa ergo AC, bisariam in F, ducantur rectæ EB, EC, ED, EF, eritque EB, ad BD, perpendicularis; & EF, ad AC. Quoniam igitur CA, diuisa est per equaliana F, & ei addita recta CD, erit rectangulum sub DA, DC, una cum quadrato rectæ CF, æ-

47. primi

quale quadrato rectæ DF. Addito igitur communi quadrato rectæ FE, erit rectangulum sub DA, DC, una cum quadratis rectarum CF, FE, æquale quadratis rectarum DF, FE: Est autem quadratis rectarum CF, FE, æquale quadratum rectæ EC, ideoque quadratum rectæ EB; Et quadratis rectarum DF, FE, æquale est quadratum rectæ DE. Quare rectangulum sub DA, DC, una cum quadrato rectæ EB, æquale erit quadrato rectæ DE. Cum igitur quadratum rectæ DE, æquale sit quadratis rectarum DB, BE; erit & rectangulum sub DA, DC, una cum quadrato rectæ EB, æquale quadratis rectarum DB, BE. Ablato ergo communi quadrato rectæ BE, remanebit rectangulum sub DA, DC, quadrato rectæ DB, æquale; quod est propositum. Si igitur extra circulum sumatur punctum aliquod, &c. Quod erat demonstrandum.

47. primi

COROLLARIUM. I.




HINC manifestum est, quod si a puncto quouis extra circulum assumpto plurimæ lineæ rectæ circulum secantes ducantur, rectangula comprehensa sub totis lineis, & partibus exterioribus, inter se sunt æqualia. Vt si ex A, ducantur rectæ AC, AD, AE, secantes circulum in F, G, H, erunt rectangula sub A C, A F; Item sub

sub A D, A G; & sub A E, A H, æqualia inter se. Nam ducta A B, tangente circumulum, erunt quadrato rectæ A B, æqualia singula di-
cta rectangula; quare & inter se omnia æqualia erunt.

36. tertij.

COROLLARIUM. II.

CONSTAT etiam, duas rectas ab eodem puncto ductas, quæ circumulum tangant, inter se esse æquales. Ducantur enim ex A, rectæ A B, A C, tangentès circumulum; quas dico esse æquales inter se. Ducta enim recta A D, quæ circumulum secet in E, erit tam quadratum rectæ A B, quam quadratum rectæ A C, æquale re-
ctangulo sub A D, A E; Quare quadrata rectarum A B, A C, inter se æqualia erunt, ac propterea rectæ A B, A C, æquales quoque erunt.



36. tertij.

COROLLARIUM. III.

PERSPICUUM denique est, ab eodem puncto extra circumulum assumpto, duci tantum posse duas lineas, quæ circumulum tangant. Si enim præter duas A B, A C, duci possit tertia A D, circumulum eundem tangens; ductis rectis EB, ED, ex centro B, erunt anguli A B E, A D E, recti, ideoque æquales; quod est absurdum. Nam si ducatur recta A E, erit angulus A D E, maior angulo A B E.



18. tertij.

21. primj

ALITER. Erunt duæ tangentès A B, A D, æquales, ut ostensum est; quod est absurdum. Ducta namque recta A E, ad centrũ E, quæ circumulum secet in F, erit A D, cum sit propinquior minime A F, minor, quam A B, quæ a minima A F, remotior est. Solum igitur duæ rectæ ducuntur a puncto A, quæ circumulum tangant: Quod est propositum.

8. tertij.

THEOR. 31. PROPOS. 37.

36.


SI extra circumulum sumatur punctum aliquod, ab eoque puncto in circumulum cadant duæ rectæ lineæ, quarum altera circumulum secet, altera in eum incidat; sit autem, quod sub tota secante, & exterius inter punctum & conuexam peripheriam assumpta, com-

R 3prehenditur

prehenditur reſtangulum, æquale ei, quod ab incidente deſcribitur, quadrato; Incidens ipſa circulum tanget.

EXTRA circulum ABC, cuius centrum E, punctum ſumatur D, a quo ducatur recta DA, circulum ſecans in C, & recta DB, incidens in circulum, ad punctum B; ſitque reſtangulum ſub DA, DC, æquale quadrato rectæ DB: Dico DB, circulum tangere in B. Ducatur enim AF, tangens

17. tertij.



36. tertij.

circulum, & iungantur rectæ EB, EF. Quod ſi DA, ſecans non tranſeat per centrum E, iungatur quoque recta DE. Quoniam igitur reſtangulo ſub DA, DC, æquale eſt quadratum rectæ tangentis DF; Et eidem reſtangulo ſub DA, DC, æquale ponitur quadratum rectæ DB, erunt quadrata reſtangulorum DF, DB, inter ſe æqualia, ideoque rectæ DF, DB, æquales inter ſe erunt. Itaque quadrata latera DF, FE, trianguli DFE, æqualia ſunt lateribus DB, BE, trianguli DBE, & baſis DE, communis; erunt anguli DFE, DBE, æquales: Atqui angulus DFE, reſtus erit, quod AF, circulum tangat: Igitur & angulus DBE, reſtus erit. Quapropter per coroll. propos. 16. huius lit. DB, circulum tanget; quod eſt propoſitum. Si ergo extra circulum ſumatur punctum aliquod, &c. Quod erat demonſtrandum.

8. primi
18. tertij.

SCHOLI O N.

EST autem hoc theorema conuerſum precedentis theorematis, ut perſpicuum eſt.

FINIS ELEMENTI TERTII.



E V C L I D I S

E L E M E N T V M IIII.



DEFINITIONES.

I.

FIGVRA rectilinea in figura rectilinea inscribi dicitur, cū singuli eius figuræ, quæ inscribitur, anguli singula latera eius, in qua inscribitur, tangunt.



GENS Euclides in quarto hoc libro de varijs inscriptionibus figurarum rectilinearum in circulo, & earundem circa circulum descriptionibus; nec nō de inscriptionibus circuli in eisdem figuris, & circuli descriptionibus circa eadem: exponit paucis definitionibus, quid sit figuram in figura inscribi, aut

circum figuram describi, incipiens a rectilineis figuris. Si igitur anguli D, E, F, trianguli interni DEF, tangant latera

AB, AC, BC, trianguli externi ABC; dicitur triangulum DEF, in triangulo ABC, esse inscriptum. At quoniam angulus M, trianguli KLM, non tangit latus HI, trianguli GHI, non dicitur triangulum KLM, inscribi in triangulo GHI; quamvis totum illud sit intra hoc, duoque anguli K, L, tangant duo latera GH, GI.



II.

SIMILITER & figura circum figuram describi dicitur, cum singula eius, quæ circumscribitur, latera singulos eius figuræ angulos tetigerint, circum quam illa describitur.

E CONTRARIO dicitur triangulum *ABC*, describitur circa triangulum *DEF*; quoniam singula latera illius singulos huius angulos tangunt, &c. Idem intelligendum est de inscriptionibus, ac circumscriptionibus aliarum figurarum rectilinearum.

III.

FIGURA rectilinea in circulo inscribi dicitur, cū singuli eius figuræ, quæ inscribitur, anguli tetigerint circuli peripheriam.



V T si tangant anguli *A, B, C*, trianguli *ABC*, peripheriam circuli *ABC*; dicitur triangulum in circulo esse inscriptum. Quod si unus tantū angulorū non tangeret peripheriā, nō diceretur triangulū esse inscriptū in circulo.

III.

FIGURA uero rectilinea circa circumscriptum describi dicitur, cū singula latera eius, quæ circumscribitur, circuli peripheriam tangunt.

AT vero, si latera trianguli ABC ,
singula tangant peripheriam circuli
 DEF ; dicitur triangulum circa circu-
lum esse descriptum.



V.

SIMILITER & circulus in figura re-
ctilinea inscribi dicitur, cum circuli periphe-
ria singula latera tangit eius figuræ, cui in-
scribitur.

VI.


CIRCVLVS autem circum figuram
describi dicitur, cum circuli peripheria sin-
gulos tangit eius figuræ, quam circumscri-
bit, angulos.

VICISSIM dicitur circulus DEF , inscriptus esse
in triangulo ABC : At vero circulus ABC , descriptus esse
circa triangulum ABC . Idem iudicium habeto de alijs figu-
ris rectilineis, que in circulo dicuntur inscribi, vel circa eun-
dem describi; Aut in quibus circulus dicitur inscribi, vel cir-
ca quas describi circulus dicitur.

VII.

RECTA linea in circulo accommo-
dari, seu coaptari dicitur, cum eius extre-
ma in circuli peripheria fuerint.

VT recta linea AB , quoniam eius extrema A , & B , in
periphe-




peripheria circuli ABC , existunt, coaptata, seu accommodata in dicto circulo esse dicitur: Non autem recta E , uel CD ; quia hec unum duntaxat extremum, nempe C , habet in peripheria circuli; Illa vero nullum.

I. PROBL. I. PROPOS. I.

IN dato circulo rectam lineam accommodare æqualem datæ rectæ lineæ, quæ circuli diametro non sit maior.

15. teriij.



IN circulo ABC , coaptanda sit recta linea æqualis rectæ lineæ datæ D , quæ tamen maior non sit diametro circuli dati. (Cum enim diameter sit omnium rectorum in circulo maxima, si data recta, diametro maior foret, non posset in circulo aptari illi una æqualis) Ductur diameter BC . Itaque si data recta D , æqualis fuerit diametro, aptata erit BC , illi æqualis: Si uero D , minor fuerit diametro, abscindatur EE , æqualis ipsi D , & centro B , intervallo autē BE , circulus describatur EA ,


secans circulū ABC , in A ; Ducta igitur recta BA , erit ea aptata in circulo ABC , æqualis datæ rectæ D . Est enim BA , æqualis ipsi BE ; & D , æqualis eidē BE , per constructionē: Quare AB , & D , inter se æquales quoque erunt. In dato ergo circulo rectam lineam accommodauimus, &c. Quod faciendum erat.

EX FEDERICO COMMANDINO.

IN dato circulo rectam lineam accommodare æqualem datæ rectæ lineæ, quæ circuli diametro non sit maior, & alteri datæ parallelam.

IN dato circulo ABC , cuius centrum D , accommodanda sit recta

da equalis recta EF, que diametro maior non fit, & alteri recta G, parallela. Ducatur per centrum D, diameter AC, recta G, parallela. Quod si recta EF, diametro fuerit equalis, factum iam erit, quod proponitur. Si uero EF, diametro minor fuerit, ea secta bifariam in H, abscindatur DI, ipsi HB, & DK, ipsi HF, equalis, ut tota IK, toti EF, sit equalis. Et per I, K, ad angulos rectos ipsi AC, ducantur LM, NO; iungaturque LN. Dico LN, accommodatam esse equalis ipsi EF, & ipsi G, parallelam. Cum enim LM, NO, equaliter a centro distent, ipse equalis inter se erunt: quae cum diuidantur bifariam in I, & K, quod ad angulos rectos secantur a recta AC, per centrum D, transeunte; erunt & earum dimidie LI, NK, equalis. Quia uero LI, NK, parallelae etiam sunt; erunt quoque LN, IK, equalis, & parallelae. Quare cum IK, equalis sit ipsi EF, & parallela ipsi G; erit etiam LN, equalis ipsi EF, & ipsi G, parallela. Eadem ratione, si recta ducatur MO, erit ea equalis ipsi EF, & parallela ipsi G. Quod est propositum.




- 1. primi
- 11. primi
- 14. tertij.
- 3. tertij.
- 28. primi
- 33. primi.
- 30. primi

PROBL. 2. PROPOS. 2.

2.

IN dato circulo triangulum describere dato triangulo equiangulum.

SIT in circulo ABC, dato describendum triangulum equiangulum triangulo dato cuiuscunque DEF. Ducatur recta GH, tangens circulum in A, fiatque angulus GAB, angulo F, equalis, & angulus HAC, angulo E; atque extendantur rectae AB, AC, ad circumferentiam usque in puncta B, & C, coniungaturque recta BC. Dico triangulum ABC, circulo dato inscriptum, esse



equiangulum dato triangulo DEF. Est enim angulus C, equalis angulo GAB; & eidem angulo GAB, equalis est angulus F, ex constructione: Quare anguli C, & F, inter se quoque erunt equalis. Similiter quia angulus B, equalis est angulo HAC, & eidem angulo HAC, equalis est, per constructionem, angulus E; erunt etiam anguli B, & E, inter se equalis.

- 32. tertij.
- 32. tertij.

Cum

32. primi


Cum igitur duo anguli B, & C, trianguli ABC, æquales sint duobus angulis E, & F, trianguli DEF, erunt quoque reliqui anguli A, & D, æquales. Æquiangulum est ergo triangulum ABC, triangulo DEF. Quare in dato circulo triangulum descripsimus, &c. Quod faciendum erat.

3.

PROBL. 3. PROPOS. 3.

CIRCA datum circumulum triangulum describere dato triangulo æquiangulum.

CIRCA circumulum datum ABC, describendum sit triangulum æquiangulum dato triangulo DEF. Producto latere EF, utrinque ad G, & H, sumptoque centro circuli I, ducatur recta utcunque AI, & fiat angulus AIB, æqualis angulo DEG; & angulus BIC, angulo DFH.



Deinde ex A, B, C, educantur ad AI, BI, CI, perpendiculares KL, LM, MK, quæ circumulum tangent in punctis

A, B, C, per coroll. propos. 16. lib. 3. coibuntque in punctis K, L, M; (si enim duceretur recta AC, fierent duo anguli KAC, KCA, duobus rectis minores; quare AK, CK, coibunt. &c.) Descriptum est igitur circa circumulum triangulum KLM, quod dicitur esse æquiangulum triangulo DEF. Quoniam omnes anguli in quadrilatero AIBL, æquales sunt quatuor rectis, ut ad 32. propo. lib. 1. ostensum fuit; & anguli IAL, & IBL, sunt duo recti; erunt reliqui AIB, & L, duobus rectis æquales. Cum igitur & anguli DEG, DEF, sint duobus rectis æquales; si auferantur æquales AIB, & DEG, remanebit angulus L, angulo DEF æqualis. Pari ratione ostendemus angulum M, æqualem esse angulo DFE. Reliquus igitur angulus K, reliquo angulo D, æqualis erit; atque idcirco triangulum KLM, æquiangulum triangulo DEF. Circa datum ergo circumulum, &c. Quod efficiendum erat.

13 primi.


32. primi

PROBL. 4. PROPOS. 4.

IN dato triangulo circulum inscribere.

4.

SIT describendus circulus in dato triangulo ABC. Diuisis duobus angulis ABC ACB, bifariam rectis BD, CD, quæ intra triangulum coeant in D; ducantur ex D, ad tria latera, perpendiculares DE, DF, DG. Quoniam igitur duo anguli DBE, DEB, trianguli DBE, æquales sunt duobus angulis DBF, DFB, trianguli DBF, uterque utriusque; & iatus BD, commune; erunt quoque latera DE, DF, æqualia. Eademque ratione æqualia erunt latera DF, DG, in triangulis DCF, DCG. Cum igitur tres rectæ DE, DF, DG, sint æquales; circulus ex D, ad interuallum DE, descriptus transibit per reliqua puncta F, & G; tangetq; latera trianguli in E, F, G, per coroll. propos. 16. lib. 3. eo quod perpendicularia sint ad semidiametros DE, DF, DG. In dato ergo triangulo circulum descriptimus. Quod erat efficiendum.



25. primi

PROBL. 5. PROPOS. 5.

5.

CIRCA datum triangulum circulum describere.

SIT circulus describendus circa datum triangulū ABC. Diuidantur duo latera AB, AC, (quæ in triangulo rectangulo, uel obtusangulo sumenda sunt circa rectum, uel obtusum angulum) bifariam in D, & E, punctis, ex quibus educantur DF, EF, perpendiculares ad dicta latera, coeuntes in F. (Quod enim coeant, patet.



tet. Nam si ducta esset recta DE, fierent anguli FDE, FED, duobus rectis minores.) eritque F, uel intra triangulum, uel



in latere BC, uel extra triangulum. Ducantur rectae FA, FB, FC. Quoniam igitur latera

4. primi

A D, DF, trianguli ADF, æqualia sunt lateribus B D, DE, trianguli BDF, & anguli ad D, recti: erūt bases FA, FB, & quales. Eodem modo erunt FA, FC, æquales. Cum ergo tres rectae FA, FB, FC, sint æquales, circulus descriptus ex F, ad interuallum FA, transibit quoque per puncta B, & C. Circa datum ergo triangulum circulum descripsimus. Quod erat faciendum.


COROLLARIUM.

Hinc manifestum est, si centrum intra triangulum cadat, omnes angulos esse acutos, quoniam omnes sunt in maiori segmento circuli: si uero sit in latere BC, angulum BAC, esse rectum, quod sit in semicirculo: Si denique cadat extra triangulum, angulum BAC, obtusum esse, cum sit in minori segmento circuli.

CONTRA uero perspicuum est, si triangulum fuerit acutangulum, centrum cadere intra triangulum: si rectangulum, in lateris recto angulo oppositum: si denique obtusangulum fuerit, extra triangulum. Quod quidem facile ostenderetur, ducendo ad incommodum aliquod, siue absurdum.

SCHOLIUM.

COLLIGITUR etiam ex hoc problemate, quam arte describendus sit circulus, qui per data tria puncta non in una recta linea existentia transeat.



Nam si data puncta tribus rectis iungantur, ut constituantur triangulum, facile circa ipsum circulus describitur. Quod tamen facilius efficitur praxi illa, quam tradidimus propos. 25. lib. 3. Sint enim data tria puncta A, B, C; Ex A, & E, quomodo interuallum, duo arcus describantur se

intersecantes in D, & E, punctis, per que recta linea ducatur DH.

D H. Item ex A, & C, quouis alio intersuallo, uel etiam, si placet, eodem, alij duo arcus delineentur secantes se se in F, & G, punctis, per quæ recta ducatur F H, secans rectam D H, in H. Dico H, esse centrū circuli transeuntis per data puncta A, B, & C. Nam si ducerentur rectæ AB, AC, BC, dividerentur latera AB, AC, trianguli ABC, bisariam a rectis DH, FH, ceu demonstratum est in praxi illa propositionis 25. lib. 3. Quare ut in hoc 5. problemate Euclides ostendit, H, erit centrum circuli circa triangulum ABC, descripti. Quod est propositum.

PROBL. 6. PROPOS. 6.

6.

IN dato circulo quadratum describere.

SIT in dato circulo ABCD, cuius centrum E, inscribendum quadratum. Ducantur duæ diametri AC, BD, secantes sese ad angulos rectos in centro E, & iungantur rectæ AB, BC, CD, DA. Dico ABCD, esse quadratum inscriptum in dato circulo. Nam quia latera EA, EB, trianguli AEB, æqualia sunt lateribus EC, EB, trianguli CEB, cum omnia sint ex centro; & anguli contenti sunt recti; erūt bases AB, BC, æquales. Eadem ratione æquales erunt rectæ BC, CD; Item rectæ CD, DA; Et rectæ DA, AB. Omnia igitur latera quadrilateri ABCD, æqualia inter se sunt. Sunt autem & anguli recti, cum omnes in semicirculis existant. Quare quadratum erit ABCD; proptereaque in dato circulo quadratum describimus. Quod erat faciendum.



4. primi

31. tertij.

PROBL. 7. PROPOS. 7.

7.

CIRCA datum circulum quadratum describere.

SIT circa datum circulum ABCD, cuius centrum E, describendum

describendum quadratum. Ducantur duæ diametri AC, BD, secantes se in E, centro, ad angulos rectos, & per A, B, C, & D, educantur ad diametros lineæ perpendiculares



28. primi

30. primi

34. primi

FG, FH, HI, IG, coeuntes in punctis F, H, I, G. Dico FHIG, esse quadratū circa circulum datum descriptum. Cum enim anguli AEB, FBE, sint recti, erit FH, AC, parallelæ; similiterque erunt GI, AC, parallelæ. Quare & FH, GI, parallelæ erunt. Eodem modo parallelæ erunt FG, HI. Quoniam igitur parallelogrammum est ACHF, erunt latera opposita AC, FH, æqualia, & anguli oppositi ACH, AFH, æquales: sed ACH, est rectus, igitur & AFH, rectus erit. Eadem ratione ostendemus, angulos H, I, G, rectos esse, & latera HI, IG, GF, æqualia esse diametris BD, AC. Quare cum diametri sint æquales, erunt & quatuor latera FG, FH, HI, IG æqualia, ideoque FGHI, quadratum erit; cuius quidem latera circulum tangunt, per corollarium propos. 16. lib. 3. Circa datum igitur circulum quadratum descripsimus. Quod erat efficiendum.

8.

PROBL. 8. PROPOS. 8.

IN dato quadrato circulum describere.

SIT in dato quadrato ABCD, inscribendus circulus. Diuisis lateribus bifariam in E, F, G, H, ducantur rectæ EG, FH, secantes se in I. Quoniam igitur AD, BC, rectæ æquales sunt, & parallelæ, erunt & dimidiæ earum AH, BF, æquales, & parallelæ. Quare & AB, parallelæ est, & æqualis ipsi FH. Eadem ratione erit DC, parallelæ, & æqualis eidem FH: Itemque rectæ AD, BC, parallelæ erunt, & æquales ipsi EG. Sunt igitur patallelogramma AI, IB, CI, ID,



33. primi

ideoque rectæ IE. IFIG, IH, æquales erunt rectis AH, EB, DH, AE; sunt autem hæ inter, se æquales, cum sint dimidiæ æqualium AD, AB, &c. Quare & rectæ IE, IF, IH, æquales erunt, & I, centrum erit circuli inscripti.

IG,

I G, I H, æquales erunt, ac propterea circulus descriptus ex I, ad intervallum I E, transibit quoque per puncta F, G, H; qui cum contingat latera A B, B C, C D, D A, per coroll. propo. 16. lib. 3. quod anguli ad E, F, G, H, sint recti, descriptus erit in quadrato A C. In dato, ergo quadrato circum descriptus. Quod efficiendum erat.

29. primi

PROBL. 9. PROPOS. 9.

9.

CIRCA datum quadratum circum describere.

S: r describendus circulus circa quadratum A B C D. Ducantur diametri A C, B D, secantes se in E. Quoniam igitur latera A B, D, A trianguli A B D, æqualia sunt; erunt anguli A B D, A D B, æquales: est autem angulus B A D, rectus; Quare A B D, A D B, femirecti erunt. Similiter ostendemus, reliquos omnes angulos ad A, B, C, D, esse femirectos, & idcirco inter se æquales. Cum ergo anguli E A D, E D A, sint æquales; erunt rectæ E A, E D, æquales. Eadem ratione F A, E B, æquales erunt; nec non E B, E C; Item E C, E D. Quare circulus ex E, descriptus, intervallo E A, transibit per reliqua puncta B, C, D. Circa datum ergo quadratum circum descriptus, quod erat faciendum.



5. primi

30. primi

6. primi

SCHOLIUM.

QVOD si circa datum circum describatur quadratum, & in eodem circulo aliud quadratum inscribatur, erit quadratum circumscriptum quadrati inscripti duplum. Quoniam latus quadrati circumscripti æquale est diametro circuli, ut ex 7. propos. huius lib. constat, hoc est, diametro quadrati inscripti: quadratum vero diametri duplum est quadrati, cuius est diameter, ut ad 47. propos. lib. 1. ostendimus; Constat propositum.




S PROBL.

10. PROBL. 10. PROPOS. 10.

ISOSCELES triangulū constituere;
quod habeat utrumq; eorum, qui ad *basin*
sunt, angulorum, duplum reliqui.

S V M A T V R quævis recta linea *A B*, quæ dividatur in
11. *secundi* *C*, ita ut rectangulū sub *A B, B C*; æquale sit quadrato rectæ
1. *quarti* *A C*. Deinde centro *A*, intervallo uero *A B*, circulus descri-
batur, in quo accommodetur recta *B D*, æqualis ipsi *A C*, jun-
gaturque recta *A D*. Quoniam autem

5. *quarti*.



37. *tertij*.
32. *tertij*.
32. *primi*
5. *primi*
6. *primi*
5. *primi*

rectæ *AB, AD*, æquales sunt, erit trian-
gulum *ABD*, isosceles. Dico utrumq;
angulorum *ABD, ADB*, duplum esse
reliqui anguli *A*. Ducta enim recta
CD, describatur circa triangulū *ACD*,
circulus *DCA*. Quoniam igitur re-
ctangulū sub *AB, B C*, æquale est
quadrato rectæ *AC*, hoc est, quadrato
rectæ *BD*; & recta *AB*, secat circulum *DCA*: tanget re-
cta *BD*, eundem circulum *DCA*, in *D*. Quare angulus
BDC, æqualis est angulo *A*, in alterno segmento *CAD*.
Addito igitur cōmuni *CDA*, erit totus angulus *ADB*, æqua-
lis duobus angulis *CAD, CDA*; sed his eisdem æqualis est
etiam angulus externus *BCD*. Angulus ergo *BCD*, æqualis
erit angulo *ADB*, hoc est, angulo *ABD*, cum *ABD, ADB*,
æquales sint; ac propterea rectæ *CD, BD*, æquales erunt.
Est autē *BD*, æqualis positi rectæ *AC*. Igitur & *CD*, ipsi
CA, æqualis erit, ac propterea anguli *CAD, CDA*, æquales.
Cum igitur angulus *A*, æqualis sit ostēsus angulo *BDC*, erit
quoque anguli *BDC, CDA*, æquales; ac propterea angulus
ADB, duplus erit anguli *CDA*, hoc est, anguli *A*, sibi equa-
lis. Quare & angulus *ABD*, duplus erit eiusdē anguli *A*. Iso-
sceles ergo triangulū cōstituimus, habens, &c. Quod erat
efficiendum.

SCHOLION.

NON est autem quod se excrucians Campanus, & Peletarius, ut probent, rectam *BD*, ita applicari circulo *DCA*, ut cui
nullo

nullo modo fecerit. Nam propterea quod quadratum recta BD, æquale est rectangulo sub AB, BC, ostensum est in ultima propos. 3. lib. rectam BD, perpendicularare esse ad semidiametrum circuli ex D, ductam. Quare circulum tanget, & nulla ratione secabit.

PROBL. II. PROPOS. II.

II.

IN dato circulo, pentagonum æquilaterum, & æquiangulum inscribere.

SIT in dato circulo ABCDE, inscribendum pentagonum æquilaterum, & æquiangulum. Construatur triangulum isosceles FGH, ita ut uterque angulorum G, H, duplus sit reliqui F. & in circulo inscribatur triangulum ACD, æquilaterum, & æquiangulum. Cum enim uterque angulorum ACD, ADC, duplus sit anguli CAD; & diuisus bisariam; erunt quinque anguli ADB, BDC, CAD, DCE, ACE, æquales. Quare arcus AB, BC, CD, DE, EA, super quos ascenderunt, atque idcirco & rectæ AB, BC, CD, DE, EA, æquales erunt. Aequilaterum est igitur pentagonum ABCDE. Rursus quia arcus AB, ED, æquales sunt, addito communi BCD, fiunt æquales ABCD, EDCB; Anguli ergo AED, BAE, distis arcibus insistentes æquales erunt. Eodem modo æquales erunt cuilibet horum angulorum reliqui anguli. Insistunt enim æqualibus arcibus. Aequiangulum est ergo pentagonum ABCDE. Quare cum & æquilaterum esse sit ostensum, inscriptum erit in dato circulo pentagonum æquilaterum, & æquiangulum: Quod faciendum erat.

10. quarti
2. quarti
9. primi



26. tertij.
29. tertij.
27. tertij.

SCHOLIUM.

QVOD si desur recta linea terminata CD, super ea
S 2 consti-

10. quarti

32. primi

5. quarti

12.

11. quarti

11. prop.

47. primi

constituemus pentagonum æquilaterum, & æquiangulum; hoc modo. Fiat triangulum Isosceles $F G H$, habens quemlibet angulorum G, H , duplum reliqui anguli F . Deinde constituantur anguli $A C D, A D C$, æquales angulis G, H , coeuntque rectæ $C A, D A$, in A , quæ efficiunt angulum $C A D$, æqualem angulo F ; atque propterea trianguli $A C D$, æquæ angulorum $A C D, A D C$, duplus erit reliqui anguli $C A D$. Iam vero circa triangulum $A C D$, circulus describatur $A B C D E$; In quo cum sit inscriptum triangulum $A C D$, si anguli $A C D, A D C$, bisariam secentur, inscribetur ut prius, pentagonum æquilaterum, & æquiangulum, cuius latus est recta $C D$. Quod est propositum.



PROBL. 12. PROPOS. 12.

CIRCA datum circulum, pentagonum æquilaterum, & æquiangulum describere.

SIT circa datum circulum $A B C D E$, describendum pentagonum æquilaterum, & æquiangulum. Inscribatur in eo pentagonum æquilaterum, & æquiangulum $A B C D E$, & ex centro F , ducantur rectæ $F A, F B, F C, F D, F E$, ad quas ducantur perpendiculares $G H, H I, I K, K L, L G$, coeuntes in G, H, I, K, L . Cum enim anguli $G A E, G E A$, duobus sint rectis minores, coibunt rectæ $A G, E G$, ad partes G , & sic de alijs. Et quia ipsæ tangunt circulum, per coroll. propos. 16. lib. 3. erit descriptum pentagonum $G H I K L$, circa circulum; quod dico esse æquilaterum, ac æquiangulum. Ductis enim rectis $F G, F H, F I, F K, F L$; erunt quadrato rectæ $F H, A H$, æqualia tam quadrata rectarum $F A, A H$, quam rectarum $F B, B H$: Quare quadrata rectarum $F A, A H$, æqualia erunt quadratis rectarum $F B, B H$. Demptis igitur quadratis æqualibus rectarum æqualium $F A, F B$, remanebunt quadrata rectarum $A H, B H$, æqualia; ideoque & rectæ $A H, B H$,



BH, æquales erunt. Quoniam ergo latera A F, F H, trian-
 guli A F H, æqualia sunt lateribus B F, F H, trianguli B F H;
 Est autem & basis A H, basi B H, æqualis; ut ostensum
 est: erunt anguli A F H, B F H, æquales; Igitur & anguli
 A H F, B H F. Duplus igitur est angulus A F B, anguli
 B F H; & angulus A H B, anguli B H F. Eodem modo
 ostendemus, angulum B F C, duplum esse anguli B F I, &
 angulū B I C, anguli B I F. Cum igitur anguli A F B, B F C,
 sint æquales, quod insistant circumferentijs A B, B C, quæ
 æquales sunt, cum a rectis æqualibus subtendantur A B, B C;
 erunt & dimidij eorum B F H, B F I, æquales. Quocirca
 cum duo anguli B F H, H B F, trianguli B F H, æquales
 sint duobus angulis B F I, I B F, trianguli I F B, & latus il-
 lis adiacens commune B F, erunt & latera B H, B I, æqua-
 lia, & anguli B H F, B I F, æquales. Dupla est ergo recta
 H I, rectæ H B. Eademque ratione ostendemus G H, re-
 ctam duplam esse rectæ H A: Sunt autem ostensæ æquales
 H B, H A; igitur & earum duplæ H I, H G, æquales erūt.
 Similiter demonstrabimus, rectas I K, K L, L G, æquales
 esse cuilibet rectarum H I, H G. Aequilaterum ergo est pen-
 tagonum G H I K L. Rursus quoniam ostensum est an-
 gulos B H F, B I F, æquales esse, ac dimidios angulorum
 B H A, B I C; erunt & eorum dupli B H A, B I C, æqua-
 les. Eademque ratione anguli I K L, K L G, L G H, erunt
 æquales cuilibet angulorum B H A, B I C. Aequiangulum
 igitur est pentagonum G H I K L. Quapropter cum &
 æquilaterum sit ostensum, descriptum erit circa datum cir-
 culum, pentagonum æquilaterum, & æquiangulum. quod
 efficiendum erat.

8. primi
 4 primi.
 27. tertij.
 28. tertij.
 26. primi
 13.
 9. primi

PROBL. 13. PROPOS. 13.

IN dato pentagono æquilatero & æqui-
 angulo circulum inscribere.

S I T inscribendus circulus in dato pentagono ABCDE;
 Diuidantur duo eius anguli B A E, A B C, bifariam rectis
 A F, B F, quæ coeant in F. Cum enim anguli B A F, A B F,

4. primi

sint minores duobus rectis, coibunt necessario recte A F B F. Connectantur deinde recte FC, FD, FE. Quoniam igitur latera A B, B F, trianguli A B F; æqualia sunt lateribus C B, B F, trianguli C B F; Sunt autem & anguli ipsi contenti æquales & B F, C B F, sunt bases A E, C F, & anguli B A F, B C F, æquales. Cum igitur anguli B A E, B C D, ponantur æquales, & B A F, dimidium sit anguli B A E; per constructionem; erit & B C F, dimidium anguli B C D. Divisus est ergo angulus B C D, bifariam. Simili modo ostendemus, reliquos duos angulos C D E, D E A; divisos esse bifariam. Ducantur iam ex F, ad singula Pentagoni latera perpendiculares F G, F H, F I, F K, F L. Quoniam igitur duo anguli F G A, F A G; trianguli F A G, æquales sunt duobus angulis F L A, F A L; trianguli F A L; estque latus A F subtenfum uni æqualium angulorum, commune; erunt & recte F G, F I, æquales. Similiterque ostendentur reliquæ perpendiculares F H, F I, F K, æquales cuilibet istarum. Circulus igitur descriptus ex centro F, & intervallo F G, transibit per puncta quoque H, I, K, L. Quoniam vero latera pentagoni circulum hunc tangunt, per coroll. propos. 16. hb. eo quod angulos rectos faciunt cum rectis F G, F H, &c. erit circulus in dato pentagono inscriptus. Quod faciendum erat.

26. primi

14.

PROBL. 14. PROPOS. 14.

CIRCA datum pentagonum æquilaterum, & æquiangulū circulū describere.

SIT circa pentagonū ABCDE, æquilaterū, & æquiangulum, circulus describendus. Divisis duobus angulis BAE, ABC, bifariam rectis A F, B F, quæ coeant in F, & coniunctis rectis FC, FD, FE, ostendemus, ut in præcedenti problemate, reliquos etiam angulos B C D, C D E, D E A, secari bifariam; Erunt ergo oēs anguli dimidij inter se æquales, quod toti anguli æquales ponantur. Quia igitur in triangulo A F B,

duo



duo anguli æquales sunt FAB, FBA; erunt rectæ FA, FB, æquales. Eademq; ratione erunt reliquæ FC, FD, FE, cuiuslibet istarum æquales. Quare circulus descriptus ex centro F, interuallo autē FA, transibit quoq; per puncta B, C, D, E. Circa datū ergo pentagonū, &c. Quod faciendum erat.

6. primi

PROBL. 15. PROPOS. 15.

15.

IN dato circulo, hexagonum & æquilaterum, & æquiangulum inscribere.

Si r in dato circulo ABCDEF, cuius centrum G, inscribendū hexagonum æquilaterū, & æquiangulum, ducta diametro A D, describatur e circulus ex centro D, interuallo uero D G, qui fecerit circulū datū in punctis C, & E, e quibus per centrū G, rectæ extendantur CF, EB. Si igitur cōnectantur rectæ AB, BC, CD, DE, EF, FA, inscriptum erit in dato circulo hexagonum ABCDEF; quod dico esse & æquilaterum, & æquiangulum. Cū enim recta G C, æqualis sit rectæ G D, & recta D C, æqualis eidem rectæ D G, ex definitione circuli; erunt & rectæ G C, D C, æquales inter se. Ideoq; triangulum C D G, erit æquilaterū. Quare tres anguli CGD, GDC, D C G, æquales inter se erunt: qui cum æquales sint duobus rectis, erit quilibet illorum, nempe CGD, tertia pars unius recti. Eodē modo erit angulus DGE, tertia pars unius recti. Sunt autē tres anguli CGD, DGE, EGF, æquales duobus rectis: Reliquis igitur angulis EGF, tertia quoq; pars est unius recti. Sūt ergo tres anguli CGD, DGE, EGF, inter se æquales; quibus cū etiā æquales sint anguli FGA, AGB, BGC; erūt sex anguli ad centrū G, æquales. Quare circiferentia, quibus insistent, ac propterea rectæ AB, BC, CD, DE, EF, FA, æquales erunt. Quapropter æquilaterum est hexagonū A B C D E F. Rursus quia circūferentia B C, æqualis est circūferentiæ A F; si addatur communis CDEF, erunt circūferentiæ BCDEF, AFEDC, æquales. Anguli igitur ipsis insistentes BAF, ABC, æquales erunt. Similiterq; ostēdemus, reliquos angulos BCD, CDE, DEF, EFA, æquales esse cuiuslibet istorū. Quare æquiangulū quoq; est hexagonum



5. primi
32. primi.

13. primi

15. primi
26. tercij.
29. tercij.

27. tercij.

num A B C D E F. In dato ergo circulo hexagonu æquila-
terum, & æquiangulum descripsimus. Quod faciendū erat.

COROLLARIVM.

Hinc manifestum est, Hexagoni latus æquale esse semidiametro circuli. Nam D C, latus hexagoni, æquale est semidiametro D G, ex definitione circuli.

CATERVM per ea, quæ dicta sunt, de pentagono, propos. 13. & 14. describemus hexagonum æquilaterum, & æquiangulum circa datum circulum. Item in dato hexagono æquilatero, & æqui-
angulo circulum inscribemus, & tandem circa idem hexagonum, describemus circulum.


16.

PROBL. 16. PROPOS. 16.

IN dato circulo, quindecagonum & æquilaterum, & æquiangulum describere.

SIT in dato circulo A B C, inscribendum Quindeca-
gonum æquilaterum, & æquiangulum. Constituto trian-
gulo æquilatero D, inscribatur ei æquiangulum trian-
gulum A B C, in dato circulo; quod etiam erit æquilaterum,

2. quarti
28. tertij.



eruntque tres ar-
cus AB, BC, CA,
æquales. Quilibet
igitur partiū æ-
qualium quinde-
cim est circumsfe-
rētia tota ABC,
taliū quinque
erit arcus A B, q-
tertia pars est to-
tius circumsferē-
tice. Inscribatur
rursus in dato cir-
culo pentagonū
æquilaterum, &
æquiangulum
A E F G H, eruntque quinque arcus A E, E F, F G, G H,
H A.

11. quarti.
28. tertij.

HA, æquales. Quælibet igitur partium æqualium quindecim est tota circumferentia A B C, talium trium erit arcus A E, quinta pars existens, totius circumferentiæ. Itaque cum arcus A B, contineat tales partes quinque, & arcus A E, tres, continebit reliquus arcus E B, duas. Diviso ergo arcu E B, bifariam in I, erit arcus B I, pars decima quinta totius circumferentiæ. Quare ducta recta B I, subtendat decimam quintam partem totius circumferentiæ; cui si alia quatuordecim æquales in circulo accomodentur, inscriptum erit in circulo quindecagonum æquilaterum, quod & æquiangulum est, cum eius anguli subtendant arcus æquales, ut perspicuum est. In dato igitur circulo quindecagonum, &c. Quod erat faciendum.

30. tertij.

1. quarta
27. tertij.

S I M I L I T E R, autem per ea, quæ dicta sunt de pentagono supra, propos. 12. 13. & 14. describemus circa datum circulum quindecagonum æquilaterum, & æquiangulum; Item in dato quindecagono æquilatero, & æquiangulo circulum inscribemus, & tandem circa datum quindecagonum describemus circulum.

S C H O L I O N I.

Ex huius problematis structura, atque demonstratione colligi potest methodus, ac ars quedam, qua infinita propemodum figure in dato circulo inscribantur. Nam quia recta A B, denominatur a ternario, quod sit latus trianguli æquilateri, & recta A E, a quinario, quod sit latus pentagoni; si multiplicentur 3. cum 5. efficiuntur 15. Quare ex dictis duobus lateribus in circulo descriptis, inscribetur in eodem figura 15. laterum, angulorumque æqualium, hac ratione. Denominator lateris A B, hoc est, 3. exceditur a denominatore lateris A E, nempe a 5, binario. Igitur arcus B E, continebit duo latera figure predictæ; Ideoque diviso arcu B E, bifariam in I, erit subtensa recta B I, latus figure 15. laterum, angulorumque æqualium, ut demonstratum fuit. Hac fere arte usus est Euclides in describendo Quindecagono intra circulum. Ex qua licebit nobis inferre huiusmodi Theorema.

Si in circulo ab eodem puncto inscribantur
duo

duo latera duarum figurarum æquilaterarum, & æquiangularum; continebit arcus interdicta latera inclusus, tot latera alterius figuræ inscribendæ in eodem circulo, quot unitatibus inter se differunt denominatores dictorum laterum; Continebit autem figura inscribenda tot latera, angulosque æquales, quot unitates sunt in numero, qui ex multiplicatione denominatorum producitur.

INSCRIBANTUR in circulo $ABCDE$, in semper facta a puncto A , plurima latera; Hexagoni quidem AB , pentagoni vero AC , & quadrati AD , trianguli denique æquilateri AE . Quoniam igitur denominator lateris AB nempè 6, excedit denominatorem lateris AC , nempe 5, unitates,


continebit arcus BC , inter dicta latera inclusus unum latus figure 30. laterum, angulorumque æqualium.

Nam ex multiplicatione 5. cum 6, produciuntur 30. Hoc autem ita esse, si demonstrabitur. Qualium partium æqualium 30. est tota circumferentia, talium 5. est arcus AB ; sexta pars circumferentia; & talium 6. est arcus AC ,

quinta pars circumferentia. Igitur arcus BC , unam talem continebit partem. Pari ratione arcus BD , continebit duos latera figure 24. laterum, angulorumque æqualium: Nam denominator lateris AB , videlicet 6. superat denominatorem lateris AD , nimirum 4, binario; & ex multiplicatione 4. cum 6. sunt 24. Ita quoque arcus BE , comprehendet tria latera figure 18. laterum. Arcus vero CD , complectetur unum latus figure 20. laterum; & arcus CE , duo latera figure 15. laterum. Arcus denique DE , continebit unum latus figure 12. laterum, angulorumque æqualium. Hac itaque arte, ac methodo investigabuntur fere infinitarum figurarum latera.

EX CAMPANO.

OMNIS figura æquilatera circulo inscripta, aut circumscripta est



est quoque æquiangula. Nam figure inscripte anguli, cum insistant arcibus equalibus, æquales erunt. Anguli vero circumscrip-
 ptæ, æquales ostenduntur, ductis a centro rectis lineis ad omnes an-
 gulos, & ad puncta, quibus latera circum tangunt, ut in pentago-
 no est factum, propos. 12.

27. tercij.

P O R R O qualemcunque figuram æquilateram & æquiangulam
 in circulo nouerimus inscribere, talem etiam sciemus describere cir-
 ca circum, & in ea circum quoque inscribere, & circa eandem
 describere circum, si artem imitemur, quæ tradita fuit de penta-
 gono, propos. 12. 13. & 14.

R V R S V S inscripta figura quacunque æquilatera & æquiangu-
 la in circulo, inscribetur in eodem figura, quæ habeat latera duplo
 plura. Diuisis etenim arcibus, quos latera subtendunt, bisariam,
 & subtensis rectis lineis, constat propositum. Vt per triangulum æ-
 quilaterum inscriptum inscribetur & hexagonum, & ideo dode-
 cagonum, figura 24. laterum, &c. Sic quoque ex quadra: o in circulo
 descripto, inscribetur octogonum, atque adeo figura 16. laterû,
 figuræ 32. 64. 128. laterum, &c.

S C H O L I O N. II.

OMNES figure æquilatera & æquiangula in circulo in-
 scribi possunt officio Isoscelium triangulorum, ut recte hoc loco
 docet Peletarius.

IMPARIVM enim laterû figuræ inscribent officio tri-
 gularû Isosceliû, quorum anguli æquales ad basin multiplices
 sunt eorum, qui ad uerticem sunt, angulorum. Vt officio Isosce-
 lis, cuius uterque angulorum ad basin æqualis est ei, qui ad
 uerticem, descripti in circulo inscribetur prima figura impari-
 um laterum, hoc est, triangulû æquilaterum. Nam Isosceles
 huiusmodi, triangulû æquilaterû erit. Quod si in circulo inscri-
 batur Isosceles, cuius uterq; angulorû ad basin duplus sit eius,
 qui ad uerticem, inscribetur secunda figura imparium laterû,
 utpote pentagonû, in circulo, si duo anguli æquales secentur bi-
 sariam ueluti propos. 11. fuit ostensum. At Heptagonû, tertia
 figura laterum imparium, inscribetur in circulo, per triagulû
 Isosceles habens utrumq; angulorum ad basin triplum eius, qui
 ad uerticem, si duo eius anguli æquales diuidantur in tres an-
 gulos æquales ei, qui ad uerticem. Ita quoq; figura quarta impa-
 rium laterum, quale est Hennagonum, in circulo inscribetur
 officio Isoscelis, cuius uterq; angulorû ad basin quadruplus est
 eius, qui ad uerticem, si uterq; distribuatur in quatuor angu-
 los æquales ei, qui ad uerticem, &c.

6. primi

23. primi

23. primi

PARIVM vero laterum figure in circulo inscribitur, officio Isoscelium, quorum anguli aequales ad basin multiplices sesquialteri sunt eorum, qui ad verticem sunt, angulorum. Ut quadratum constituens primam figuram parivm laterum, inscribitur officio Isoscelis, cuius uterque angulorum ad basin sesquialter est anguli ad verticem. Nam angulus ad verticem inscribitur quartae parti circumferentiae. Cum enim duo anguli ad basin simul contineant tres angulos aequales ei, qui ad verticem; subvenient ipsi tres partes circumferentiae, quae idcirco angulus ad verticem unam duntaxat. Hexagonum, hoc est, secunda figura laterum parivm, inscribitur officio Isoscelis, cuius uterque angulorum ad basin duplus sesquialter est eius, qui ad verticem, anguli. Nam angulus ad verticem, inscribitur sextae parti circumferentiae, cum reliqui anguli simul compositi contineant ipsum quinquies. Ita quoque Octogonum, id est, tertia figura laterum parivm, inscribitur officio Isoscelis habentis utrumque angulorum ad basin triplum sesquialterum angulo ad verticem, &c.

Si igitur inventa fuisset ars, qua Isoscelia triangula construerentur habentia angulos ad basin multiplices eorum, qui ad verticem sunt, angulorum, quemadmodum Euclides Isosceles fabricavit habens utrumque angulorum ad basin duplum anguli ad verticem, facile in circulo describerentur figurae omnes laterum imparivm. Quod si arcus earum dividerentur bifariam, inscriberentur quoque omnes figurae parivm laterum, atque adeo qualibet circumferentia circuli in quotlibet aequales partes Geometricè divideretur. Quae res summam Astronomi afferret utilitatem. Verum haec ars adhuc ignota existit: Non enim recte sibi eam vendicat Orontius Finaxius in libello haecenus, ut ipse ait, desiderato, de absoluta rectilinearum omnium descriptione intra circulum, &c. cum eius demonstrationes falsae sint, ac sophisticae, ut Geometricè ostensum est a Petro Nonio Lusitano in libello de erratis Orontij.

QUONIAM vero longa est, atque difficilis ea inscriptio pentagoni aequilateri, & aequianguli in circulo, quam Euclides tradidit, placuit huic quarto libro annectere primum quandam, qua una eademque opera Ptolemaeus lib. 1. magnae constructionis, in circulo dato inscribit Pentagonum, & Decagonum aequilaterum, & aequiangulum. Sit enim datus circulus

culus ABC , cuius centrum D ; ducta autem diametro BC , erigatur DA , perpendicularis ad BC . Deinde diuisa semidiametro CD , bifariam in E , ducatur recta EA , cui equales absindantur EF . Itaque si ducatur recta AF , erit AF , latus pentagoni, & DF , latus Decagoni in dato circulo inscribendi, ut ipse demonstrat. Ceterum cum demonstratio huius rei pendeat ex 13. lib. Euclidis; non uideatur hoc loco scribenda, sed in proprium locum, utpote in propos. 13. differenda.



NON erit autem præter institutum nostrum, aut ab hoc libro alienū, si sequens adhuc theorema adiungamus; uidelicet.

SI bifariæ sectiones laterum figuræ æquilateræ, & æquiangulæ rectis coniungantur lineis, inscripta erit figura æquilatera quoque & æquiangula in dicta figura, idem centrū habens.

SIT enim figura æquilatera, & æquiangula $ABCDEF$, cuius latera bifariam se. centur in G, H, I, K, L, M , iunctis rectis GH, HI, IK, KL, LM, MG . Dico figuram $GHIKLM$, inscriptam figuræ $ABCDEF$, æquilateram esse quoque, ac æquiangulam, idemque centrū habere.



Æquilatera quidem erit, quoniam eius latera subtendunt angulos æquales cōprehensos æqualibus rectis, utpote dimidijs laterum æqualium, æqualia sunt. Quoniam uero tam tres anguli AMG , GLM , LMF , quam tres FLM , MLK , KLE , duobus sunt rectis æquales; Sunt autem AMG , LMF ; FLM , KLE , inter se æquales, cum æqualibus lateribus contineantur, subiendanturque a basiibus æqualibus: Erunt reliqui anguli GLM , MLK , æquales. Eodemque argumento concludemus, reliquos angulos & hisce, & inter se æquales esse. Æquiangula igitur quoque est figura $GHIKLM$. Quod

4. primi

13. primi.

8. primi.

13. primi

autem

autem idem habeat centrum, ita ostendetur. Ex centro N , figuræ $A B C D E F$, ad omnes angulos figuræ inscriptæ ducantur



8 primi

14. terij.

rectæ $NG, NH, \&c.$ iunctis quoque rectis NA, NB . Quoniam igitur AG, GN , latera trianguli AGN , æqualia sunt lateribus BG, GN , trianguli BGN ; suntq; bases AN, BN , cum sint semidiametri circuli circa figurâ descripti, æquales: Æquales erunt anguli AGN, BGN , ideog; recti. Quare NG , perpendicularis est ad latus AB ; Eodemq; modo reliquæ $NH, NI, \&c.$ perpendiculares erunt ad latera $BC, CD, \&c.$ Quæ cum ostendant distantias rectarum $AB, BC, \&c.$ æqualium a centro N ; æquales ad invicem erunt. Circulus igitur ex N , intervallo NG , descriptus, per reliquos angulos H, I, K, L, M , incedet: Ac propterea N , centrum erit figuræ $GHIKLM$. Quod est propositum.

FINIS ELEMENTI QVARTI.



E V C L I D I S

ELEMENTVM V.



DEFINITIONES.

I.


P A R S est magnitudo magnitudinis, minor maioris, cum minor metitur maiorem.



G I T in precedentibus quatuor libris Euclides de quantitate continua absolute considerata: Nunc uero in duobus sequentibus de eadem diffutat non absolute, sed pro ut una ad aliam referatur, hoc est, quatenus comparata cum alia proportionem aliquam habet. In hoc quidem quinto libro docet proportionem quantitatum continuarum in genere, non

descendendo ad ullam eius speciem, ut ad lineam, superficiem, vel corpus aliquod. In 6. lib. uero ostendit, quamnam proportionem habeant inter se linea, anguli, circumferentiae circulorum, triangula, & alia figurae plane. Ut igitur institutum suum seruet, definit prius uocabula, quae ad demonstrationes proportionum adhibentur.

I T A Q V E aut magnitudinem illam minorem, qua maiorem quampiam magnitudinem metitur, appellari partem. Ut quoniam magnitudo *A*, ter sumpta, metitur magnitudinem *B*; sexies autem sumpta, magnitudinem *C*; dicitur magnitudo *A*, pars magnitudinum *B*, & *C*.
At



At uero quia magnitudo D, non metitur magnitudines E, & F, sed sumpta bis, excedit magnitudinem E, & sumpta ter, deficit a magnitudine F, sumpta autem quater, eandem superat; non appellabitur magnitudo D, pars magnitudinum E, & F.

DVPLEX autem est pars apud Mathematicos: Quam metitur suum totum, ita ut aliquoties repetita totum suum constituat; qualis est numerus 4. cum 8. 12. 16. 20. &c. collatus; Quaedam autem non metitur suum totum, sed aliquoties sumpta ipsum uel excedit, uel ab eodem deficit: cuiusmodi pars est numerus 4. collatus cum 6. 7. 9. 10. 18. 38. &c. Priori soli solet aliquota, posterior autem aliquanta. Euclides igitur hoc in loco definit partem aliquotam dumtaxat, tum quia hac solum metitur suum totum; (Aliquanta enim non dicitur metiri suum totum) tum etiam, quia ut ex lib. 7. constat, pars aliquanta non dicitur ab Euclide pars, sed partes. Nam numerus 4. non est pars huius numeri 6. sed duae partes tertiae, quales sunt duo binarii. Accedit etiam, quod in omnibus demonstrationibus huius quinti libri pars sumitur ab omnibus interpretibus pro parte aliquota. Unde mirum sane est, nonnullos interpretes Euclidis, inter quos est etiam Peletarius, contendere, partem hoc in loco definiri, quatenus complectitur omnem partem tam aliquotam, quam aliquantam; cum tamen in demonstrationibus etiam ipsi nomine partis intelligant partem aliquotam dumtaxat.

II.

MVLTIPLEX autem est maior minoris, cum minor metitur maiorem.

Vt in superiori exemplo tam magnitudo B, quam magnitudo C, multiplex est magnitudinis A; quoniam haec utramque illam metitur. At uero neque magnitudo E, neque magnitudo F, multiplex est dicenda magnitudinis D; propterea quod haec neutram illarum metiatur. Itaque pars ad multiplex refertur,

ferur, & multiplex ad partem, ita minor quantitas mensurata maiori, dicatur pars maioris; Maior uero mensurata a minori, dicatur minoris multiplex.

SATIS autem perspicue ex hac definitione colligitur, partem antea definitam esse eam, quae perfecte metitur suum totum. Si enim 6. diceretur metiri 7. ut uult Peletarius, esset iuxta hanc definitionem, 7. multiplex ipsius 6. quod est absurdum.

III.

RATIO est duarum magnitudinum eiusdem generis mutua quaedam, secundum quantitatem, habitudo.

QUANDO duae quantitates eiusdem generis, ut duo numeri, duae lineae, duae superficies, duo solida, &c. inter se comparantur secundum quantitatem, hoc est, secundum quod una maior est, quam altera, uel minor, uel aequalis; appellatur huiusmodi comparatio, seu habitudo mutua, Ratio, seu (ut alijs placet) Proportio. Itaque si comparatur linea aliqua cum superficie quapiam, uel numerus cum linea, non dicitur ea comparatio proportio, quod neque linea, & superficies; neque numerus, & linea, sint eiusdem generis quantitates. Similiter si conferatur linea aliqua cum alia linea secundum qualitatem, hoc est, secundum quod una est alba, & altera nigra; aut quod una est calida, & altera frigida, &c. quamuis ambae sint eiusdem generis, non dicitur ea comparatio proportio, quia non fit secundum quantitatem.

QUAMVIS autem in solis quantitatibus proprie reperitur proportio, tamen imnia alia, quae aliquo modo naturam sapiunt quantitatibus, cuiusmodi sunt tempora, soni, uoces, loca, motus, pondera, & potentiae, proportionem quoque dicuntur habere, si eorum habitudo consideretur secundum quantitatem. Ut cum dicimus, tempus tempore esse maius, uel minus, uel duo tempora esse aequalia, &c. appellabitur eiusmodi habitudo, proportio; quoniam tempora considerantur, ueluti quantitates.

CAETERVM in omni proportionem ea quantitas, quae ad
T aliam

aliam refertur, dicitur ab Euclide, & Geometris alijs, antecedens proportionis; Ea uero, ad quam alia refertur, consequens proportionis dici solet. Vt in proportione linea 6. palmorum ad lineam 3. palmorum, linea 6. palmorum dicitur antecedens proportionis; at linea 3. palmorum, proportionis consequens. Quod si e contrario consideretur proportio linea 3. palmorum, ad lineam 6. palmorum, appellabitur antecedens, linea 3. palmorum; consequens uero linea 6. palmorum, & sic in ceteris.

DE PROPORTIONIBVS.

OPERAE pretium esse arbitror, paucis hoc loco exponere, quotnam sint genera proportionum apud Mathematicos, uel ob hanc praecipue utilitatem, ut ea, quae in his duobus libris ab Euclide demonstrantur de proportionibus magnitudinum, rebus possint materialibus accommodari, quando opus fuerit.

PROPORTIO igitur ab Euclide definita, diuiditur in proportionem rationalem, & irrationalem. Rationalis est ea, quae in numeris potest exhiberi. Qualis est proportio linea 20. palmorum, ad lineam 10. palmorum. Haec enim proportio in hisce numeris 20. & 10. ostenditur. Irrationalis uero proportio ea est, quae in numeris exhiberi nequit. Qualis est proportio diametri cuiuslibet quadrati, ad latus eiusdem quadrati. Haec enim proportio in numeris reperiri non potest, ceu in 10. lib. ab Euclide demonstratur. Alij dicunt, proportionem rationalem eam esse, quam habent quaeuis duae quantitates commensurabiles: Irrationalem uero eam, quam habent duae quaelibet quantitates incommensurabiles. Dicuntur autem quantitates commensurabiles, quae habent unam communem

munem partem aliquotam, seu quas eadem mensura metitur. Cuiusmodi sunt linea 20. palmorum, & linea 8. palmorum. Nam linea 4. palmorum est utriusque pars aliquota, similiter linea 2. palmorum. Sicut enim linea tam 4. quam 2. palmorum metitur lineâ 20. palmorum; Ita quoque eadem lineam 8. palmorum mensurat. Non aliter omnes numeri, commensurabiles dicentur, quia saltem unitas omnes metitur. Quantitates vero incommensurabiles dicuntur, quæ nullam habent communem partem aliquotam, seu quarum nullam mensuram communem contingit reperiri: Cuiusmodi sunt diameter, & latus eiusdem quadrati. quamuis enim qualibet harum linearum infinitas habeat partes aliquotas, utpote partem dimidiam, tertiam, quartam, &c. Tamen nulla pars aliquota unius, quantumuis minima, alteram metiri potest, ut demonstratur ab Euclide lib. 10. propos. ultima. Quo in lib. multæ aliæ lineæ incommensurabiles ostenduntur, præter dictas duas. Itaque in numeris inuenitur sola proportio rationalis; At in quantitate continua tam rationalis, quam irrationalis proportio continetur.

ALIO modo diuidi solet Proportio in proportionem æqualitatis, & inæqualitatis. Æqualitatis proportio, est inter duas quantitates æquales, ut inter 20. & 20. Inter 100. & 100. Inter lineam 10. palmorum, & lineam 10. palmorum, &c. Inæqualitatis uero proportio inter duas quantitates inæquales reperitur, ut inter 20. & 10. inter 8. & 40. inter lineam 6. palmorum & lineam 2. palmorum, &c. Habent autem hæc duo proportionum genera cum superioribus duobus

bus eam connexionem, ut omnis proportio equalitatis sit necessario rationalis, sed non contra. Omnis item proportio irrationalis necessario sit proportio inequalitatis, sed non contra. Ex quo manifestum est, non recte a quibusdam diuidi proportionem rationalem, in proportionem equalitatis, & inequalitatis. Quamuis enim omnis proportio rationalis sit necessario equalitatis, inequalitatisue, non tamen contra omnis proportio huiusmodi est rationalis; cum multe proportiones inequalitatis sint irrationales. Pari ratione perspicuum est, quosdam non recte distribuere proportionem inequalitatis, in proportionem rationalem & irrationalem. Quamuis enim omnis proportio inequalitatis sit necessario rationalis, irrationalisue, non tamen omnis huiusmodi proportio e contrario est proportio inequalitatis; cum multe proportiones rationales sint proportiones equalitatis. Rectius igitur meo iudicio duplici diuisione secanda est proportio in genere, priori quidem in proportionem rationalem & irrationalem; Posteriori vero in proportionem equalitatis & inequalitatis; ut a nobis factum est.

RURSUS proportio inequalitatis (Relinquimus enim equalitatis proportionem, quoniam amplius sub diuidi nequit, cum quacunque quantitates aequales siue magna, siue parue fuerint, eandem semper habeat proportionem equalitatis) subdividitur in proportionem maioris inequalitatis, & minoris inequalitatis. Maioris inequalitatis proportio est, quando maior quantitas cum minore confertur; qualis est proportio 20. ad 10. Item linea 8. pedum ad lineam 6. pedum, &c.

Proportio minoris inæqualitatis est, quâdo minor quâ-
titas ad maiorem refertur; qualis est proportio 10.
ad 20. Item lineæ 6. pedum ad lineam 8. pe-
dum, &c. Non est autem hæc diuisio inanis & su-
peruacanea, ut multi suspicantur. Neque enim ea-
dem est proportio 4. ad 2. quæ 2. ad 4. Sed mul-
tum inter se differunt, cum ualde diuersus sit usus
utriusque, ut perspicuum est ijs, qui uel mediocri-
ter in rebus geometricis, & regula Algebrae sunt uer-
sati. Hæ igitur sunt generales diuisiones proportio-
nis, prout complectitur omnes proportionem, nulla se-
clusa: Nunc autem tam proportionem maioris in-
æqualitatis, quam minoris inæqualitatis, quatenus so-
las proportionem rationales comprehendunt, subdivi-
demus; quoniã de quantitibus, quæ habent propor-
tiones irrationales, in 10. lib. est sermo futurus.

PROPORTIO ergo rationalis maioris in-
æqualitatis, distribuitur in quinque genera, ut in pro-
portionem multiplicem, superparticularem, super-
partientem, multiplicem superparticularem, & mul-
tiplicem superpartientem. Pari ratione proportio mi-
noris inæqualitatis in eadem genera secatur, si modo
singulis uocabulis præponatur præpositio (sub) ut in
proportionem submultiplicem, subsuperparticularem,
subsuperpartientem, submultiplicem superparticula-
rem, & submultiplicem superpartientem. Horum autem
quinque generum priora tria sunt simplicia, postero-
ra uero duo ex illis tribus composita, ut manifestum est.
Cur uero tantum sint quinq; hæc genera proportionis
rationalis tam maioris, quam minoris inæqualitatis,
prope finem omnium proportionum ostendemus.

PROPORTIO Multiplex, est habitudo maioris quantitatis ad minorem, quando maior minorem aliquoties, ut bis, ter, decies, centies, &c. continet, qualis est proportio 20. ad 4. Nam 20. comprehendunt 4. quinquies. Item linea 30. pedum altitudinem 5. pedum, &c. Hæc autem sub se continet infinita genera. Si enim proportionis multiplicis maior quantitas minoræ bis tantum continet, dicitur proportio dupla; si ter, tripla; si decies, decupla; si centies, centupla, &c. Itaque proportio octupla nihil est aliud, quam habitudo maioris quantitatis ad minorem, quando maior minorem octies complectitur. Eodem modo definiendæ erunt reliquæ proportioniones multiplices: ut proportio quincupla, qualis est 40. ad 8. dicitur ea, cuius maior quantitas minorem continet quinquies. Item proportio dupla lineæ 10 cubitorum ad lineam 5. cubitorum ea, in qua maior quantitas minorem bis comprehendit, & sic de reliquis.

PROPORTIO superparticularis, est habitudo maioris quantitatis ad minorem, quando maior minorem semel duntaxat continet, & insuper unam eius partem aliquotam, scilicet dimidiam, tertiam, quartam, &c. qualis est proportio 3. ad 2. Nam 3. continent 2. semel, & adhuc unitatem, quæ dimidia pars est 2. Ita quoque linea 12. pedum ad lineam 9. pedum proportionem habet superparticularem, quia prior linea continet posteriorem semel, & adhuc lineam 3. pedum, quæ tertia pars est lineæ 9. pedum, &c. Hæc quoque proportio in infinita genera diuiditur. Si enim illa pars aliquota contenta in maiori quantitate, est medietas minoris quantitatis, constituitur proportio sesqu-

sesquialtera ; Si est tertia pars, exurgit proportio
 sesquitercia ; si quarta, sesquiquarta ; si millesima,
 sesquimillesima, &c. Vnde ex ipsomet uocabulo faci-
 les erunt definitiones omnium proportionum super-
 particularium. Erit enim proportio sesquioctaua, quã
 do maior quantitas minorem semel includit, & insu-
 per octauam partem minoris : qualis est inter 9. &
 8. & inter 45. & 40. Idem habeto. de reliquis iu-
 dicium.

PROPORTIO superpartiens, est habitudo
 maioris quantitatis ad minorem, quando maior mi-
 norem semel duntaxat continet, & insuper aliquot
 eius partes aliquotas, non efficientes unam aliquotã.
 qualis est proportio 8. ad 5. Nam 8. continent semel
 5. & insuper tres unitates, quarum qualibet est pars
 aliquota, utpote quinta, huius numeri 5. Constat
 autem ternarium ex illis compositum, non esse partem
 unam aliquotam numeri 5. Dixi partes illas aliquo-
 tas non debere constituere unam partem aliquotam,
 ob multas proportionem, quæ primo aspectu uidentur
 esse superpartientes, cum tamen sint superparticu-
 lares ; cuiusmodi proportio est inter 10. & 8. Quam-
 uis enim 10., contineant semel 8. & duas unitates,
 quarum qualibet est octaua pars numeri 8. tamen
 quia binarius ex illis unitatibus compositus, est
 quarta pars 8. non dicenda est ea proportio su-
 perpartiens, sed superparticularis, nempe sesqui-
 quarta. Itaque, ut duæ quantitates dicantur habere
 proportionem superpartientem, necesse est, ut maior
 quantitas minorem contineat semel, & plures eius
 partes aliquotas, quæ simul sumptæ non constituant

unam aliquotam. Quod quidam non aduertentes, minus in modum genera proportionum inter se confundunt. Diuiditur primo proportio superpartiens, habita ratione numeri partium aliquotarum, in genera infinita. Si enim maior quantitas minorem semel comprehendit, & duas eius partes aliquotas non constituentes unam, conficitur proportio superbipartiens; si tres partes aliquotas, supertripartiens; si decem, superdecupartiens, &c. Diuiditur deinde quodlibet horum generum, habita ratione partium aliquotarum, in infinita adhuc genera. Nam proportio superbipartiens inter duas quantitates inaequales, quarum maior continet minorem semel, & duas eius partes tertias, dicitur superbipartiens tertias. Quod si duae illae partes fuerint quintae, appellabitur superbipartiens quintae, & ita de reliquis proportionibus superbipartientibus. Pari ratione superdecupartiens proportio inter duas quantitates inaequales, quarum maior excedit minorem decem partibus undecimis, appellabitur superdecupartiens undecimas; Quod si decem illae partes sint decimastertiae, uocabitur proportio superdecupartiens decimastertiae; & sic de reliquis omnibus superdecupartientibus proportionibus. Ne autem proportionum superpartientes uel inter se confundantur, uel cum proportionibus superparticularibus, diligenter consideranda sunt ea, quae sequuntur. Primum, in pronuntiatione cuiuscumque proportionis superpartientis, duos indicari numeros, quorum alter demonstrat, quotnam partes aliquotae minoris quantitatis in maiore supersint; alter uero, quotae partes, aut quotae sint, indicat. Ut in proportionem supertripartiente octauas denotantur

denotantur duo hi numeri 3. & 8. quorum prior significat, maiorem quantitatem dictae proportionis continere semel minorem, & adhuc tres eius partes aliquotas; posterior autem ostendit, illas tres partes aliquotas, esse partes octavas minoris. Deinde in qualibet proportione superpartiente duos praedictos numeros, qui quidem facile ex ipsa proportionis prolatione cognoscuntur, eiusmodi esse debere, ut non habeant ullam partem aliquotam communem, praeter unitatem, quae quidem est omnium numerorum pars aliquota. Tales sunt duo praedicti numeri 3. & 8. Nam sola unitas, ut constat, est utriusque pars communis aliquota. Quare recte denominabimus proportionem inter 11. & 8. supertripartientem octavas: qualis etiam est inter 22. & 16. Non autem recte appellabitur proportio inter 9. & 6. supertripartiens sextas, quoniam duo numeri in ea denotati 3. & 6. habent praeter unitatem aliam communem mensuram, videlicet 3. Nam ternarius semel sumptus, se ipsum, & bis repetitus, senarium metitur. Quocirca talis proportio nuncupanda erit sesquialtera, cum maior quantitas contineat semel minorem, & eius partem dimidiam. Eadem ratione non recte dicitur proportio inter 10. & 6. superquadripartiens sextas, quia duo numeri in ea notati 4. & 6. habent 2. eam partem aliquotam, praeter unitatem; atque ita dicenda erit talis proportio superbipartiens tertias, cum maior quantitas contineat minorem semel, & duas eius partes tertias. Ex his igitur non difficile erit unicuique, denominare eodem modo omnes proportionem superpartientes. Perspicuum est ex dictis relinquitur, cur proportionem superpartientem diuiserimus paulo ante, in proportionem superbipartientem tertias,

tercias, quintas, septimas, nonas, &c. prætereuntes superbipartientem quartas, sextas, octavas, decimas, &c. Cum enim hæc posteriores omiſſæ, ſint ſuperparticulares, confunderentur proportiones ſuperpartientes cum proportionibus ſuperparticularibus, ſi & ipſæ in numerum proportionum ſuperbipartientium referretur. Quo modo autem dignoſcendum ſit, an duo quilibet numeri propoſiti habeant, præter unitatem, aliquam aliam partem communem aliquotam, necne, in Arithmetica edocetur, demonſtrabiturque ab Euclide, ad initium libri 7.

PROPORTIO multiplex ſuperparticularis, eſt habitudo maioris quantitatis ad minorem, quando maior minorem aliquoties, ut bis, ter, vel quater, &c. continet, & præterea unam eius partem aliquotam; cuiusmodi eſt proportio, 9. ad 4. Continent enim 9. bis 4. (qua ex parte proportio hæc cum multiplici conuenit, utpote cum dupla) & inſuper comprehendunt unitatem, quæ eſt quarta pars minoris; qua in re proportioni ſuperparticulari, nimirum ſeſqui quarta eadem proportio propoſita ſimilis eſt. Diuiditur autem proportio hæc, habita ratione proportionis multiplicis, in genera infinita. Veluti multiplex, in duplam ſuperparticularem; triplam ſuperparticularem, &c. prout maior quantitas minorem bis comprehendit, aut ter, quaterue, &c. & inſuper unam partem minoris quantitatis aliquotam. Vnumquodque rurfus horum generum in infinita alia ſubdiuiditur, habita ratione proportionis ſuperparticularis. Nam proportio tripla ſuperparticularis, continet ſub ſe triplam ſeſquialteram, (ut quando maior quantitas minorem

rem ter continet, & praterea dimidiam eius partem; triplam sesquiterciam; triplam sesquiquartam, & ita infinitas alias.

PROPORTIO denique multiplex superpartiens est habitudo maioris quantitatis ad minorem, quando maior aliquoties complectitur minorem, & insuper aliquot eius partes aliquotas, non conficientes unam: qualis est proportio 11. ad 3. Dixi, non conficientes unam, ob causam dictam in proportione superpartiente. Nam si partes illæ aliquotæ unam efficerent, non esset proportio multiplex superpartiens, sed multiplex superparticularis: Vt proportio 20. ad 6. non dicenda est multiplex superbipartiens sextas, quamvis 20. contineant ter 6. & duas sextas; quia due sextæ conficiunt unam tertiam partem: Quare uocabitur proportio tripla sesquitercia. Distribuitur autem hæc proportio primo, habita ratione proportionis multiplicis. Vt multiplex in duplam superpartientem; triplam superpartientem, &c. Deinde qualibet harum, habita ratione numeri partium, sub se continet genera infinita. Vt sub tripla superpartiente, continetur tripla superbipartiens; tripla supertripartiens, &c. Postremo quævis istarum, habita ratione partium aliquotarum, in genera adhuc infinita secatur. Vt tripla supertripartiens, diuiditur in triplam supertripartientem quartas; in triplam supertripartientem quintas, &c. Quarum omnium definitiones, & exempla non difficile est cuius ex dictis depromere, &c.

OMNIA uero, quæ dicta hæcenus sunt de quinque his generibus proportionum rationalium maioris
in-

inequalitatis, intelligenda sunt quoq; de quinque generibus correspondentibus minoris inaequalitatis, praemissa tamen semper praepositione (sub,) ut dictum est. Nam si in exemplis adductis conferantur minores quantitates cum maioribus, habebuntur proportionales minoris inaequalitatis correspondentes. Quemadmodum enim proportio 11. ad 3. est tripla superbipartiens tertias: Ita proportio 3. ad 11. est subtripla superbipartiens tertias: Atque ita de caeteris.

CAETERVM ex dictis perspicue colligitur, non posse plura esse genera proportionis rationalis maioris inaequalitatis, quam quinque iam exposita. Cum enim, ut Euclides demonstrat propos. 5. lib. 10. commensurabiles quantitates quaecunque, inter quas, ut diximus, est proportio rationalis, inter se proportionem eam habeant, quam numerus ad numerum; fit, ut omnis proportio rationalis quarumcumque quantitatum continuarum assignari, seu exhiberi possit in numeris. Aut igitur maior numerus comprehendit minorem, ad quem refertur, aliquoties perfecte; quae ratione constituitur proportio multiplex: aut semel tantummodo, ac praeterea unam eius partem aliquotam; & sic habetur proportio superparticularis; aut semel duntaxat, & insuper plures partes eius aliquotas non facientes unam; & conficitur proportio superpartiens: Aut aliquoties, & unam eius partem aliquotam; & colligitur proportio multiplex superparticularis: Aut demum aliquoties, & plures eius partes aliquotas non facientes unam; & exurgit proportio multiplex superpartiens. Neque uero alio modo minor quantitas a maiore contineri potest. Eadem ratione

ratione constat, totidem esse genera proportionis minoris inæqualitatis.

QVONIAM uero non exiguus est usus denominatorum proportionum rationalium, quas hætenus exposuimus, non abs re erit, paucis docere, a quibusnâ numeris singule proportiones denominentur. Denominator ergo cuiuslibet proportionis, dicitur is numerus, qui exprimit distincte, & aperte habitudinem unius quantitatis ad alteram. Vt denominator proportionis octuplæ, est 8. Nam hic numerus indicat, maiorem quantitatem proportionis octuplæ, continere minorem octies. Similiter denominator proportionis sesquiquintæ, est $1\frac{1}{5}$; quoniam iste numerus significat, maiorem quantitatem proportionis sesquiquintæ, continere minorem semel, & quintam eiusdem partem. Atque ita de reliquarum proportionum denominatoribus dicendum erit. Inde factum est, ut arbitror, quod Euclides in lib. 6. & ceteri Mathematici, appellent denominatorem cuiusuis proportionis, quantitatem illius, quia denominator, ut diximus, ostendit, quanta sit una quantitas ad alteram, cum qua confertur, ut ex propositis exemplis constat.

Ex dictis autem facile colligi potest denominator cuiusq; proportionis. Denominator .n. proportionis multiplicis, quæcunq; ea sit, est numerus integer; quia maior quantitas aliquoties minorem debet continere. Vt proportionis duplæ denominator, est 2. Noncuplæ 9. Centuplæ 100. millecuplæ 1000. &c. Denominatores autem proportionum submultiplicium multiplicibus correspondentiū, sūt partes aliquotæ a dictis denominatoribus denominatæ: Vt denominator proportionis subdu-

subduplex, est $\frac{1}{2}$; subnoncuplex, $\frac{1}{9}$; subcentuplex, $\frac{1}{100}$; submillecuplex, $\frac{1}{1000}$; Denominator autē proportionis subquintuplex est $\frac{1}{5}$. Eodē modo & denominatores alia vā proportionum submultiplicium reperiemus. Itaque denominator cuiuscunque proportionis submultiplicis, est numerus fractus, cuius numerator perpetuo est unitas; denominator autem, numerus proportionem multiplicem correspondentem denominans, ut ex dictis exemplis patet.

DENOMINATOR cuiusvis proportionis superparticularis, est unitas cum parte una aliquota: quoniam maior quantitas debet minorem semel tantum, & unam eius partem aliquotam comprehendere. Vt proportionis sesquialtera denominator, est $1\frac{1}{2}$; sesquioctava, $1\frac{1}{8}$; sesquimillesima, $1\frac{1}{1000}$, &c. Denominatores autem proportionum subsuperparticularium correspondentium, sunt fractiones, quarum numeratores una tantum unitate minores sunt earundem denominatoribus. Vt denominator proportionis subsesquialtera, est $\frac{2}{3}$; subsesquioctava, $\frac{8}{9}$; subsesquimillesima, $\frac{1000}{1001}$; &c. Inuenietur autem denominator cuiuslibet proportionis subsuperparticularis, si pro numeratore fractionis sumatur denominator partis aliquota, & pro eiusdem fractionis denominatore, numerus unitate maior: Vt denominator proportionis subsesquidecima est $\frac{10}{11}$, &c.

DENOMINATOR cuiusvis proportionis superpartientis, est unitas cum pluribus partibus aliquotis non efficientibus unam: quia maior quantitas debet semel tantum minorem continere, & plures eius partes. Vt denominator proportionis supertripartientis

tis septimas, est $1\frac{2}{3}$; supertripartientis uigesimas,
 $1\frac{3}{20}$; &c. Denominatores autem proportionum sub-
 superpartientium, sunt fractiones, quarum numera-
 tores tot unitatibus minores sunt, quam earundem
 fractionum denominatores, quot partibus aliquotis
 maior quantitas minorem superat. Vt denominator
 proportionis subsupertripartientis septimas, est $\frac{7}{10}$;
 subsupertripartientis uigesimas, $\frac{20}{23}$; &c. Inuenie-
 tur autem denominator cuiuslibet proportionis sub
 superpartientis, si pro numeratore fractionis sumat-
 tur denominator partium aliquotarum, cui si addatur
 numerus partium, habebitur eiusdem fractionis deno-
 minator. Vt denominator proportionis subsuperqua-
 dripartientis undecimas, est $\frac{11}{5}$; Denominator autem
 proportionis subsupertripartientis quintas est hæc
 fractio $\frac{5}{8}$. Eademque ratione reperiemus & aliarum
 proportionum subsuperpartientium denominatores.

DENOMINATOR cuiusuis proportionis
 multiplicis superparticularis, est numerus cum una
 parte aliquota: quia maior quantitas continere de-
 bet minorem aliquoties, & insuper unam eius partem
 aliquotam. Vt denominator proportionis triplæ ses-
 quiseptimæ, est $3\frac{1}{7}$. Quintuplæ sesquinonæ, $5\frac{1}{5}$, &c.
 Denominatores autem proportionum submultiplicium
 superparticularium, sunt fractiones, quarum numeratores
 numeri sunt. Vt denominator proportionis subtriplæ
 sesquiseptimæ, est $\frac{7}{22}$; subquintuplæ sesquinonæ, $\frac{5}{46}$; etc.
 Inuenietur autem denominator cuiuslibet proportio-
 nis submultiplicis superparticularis, si pro numerato-
 re fractionis sumatur denominator partis aliquotæ,
 qui si multiplicetur per denominatorem proportionis
 multipli-

multiplicis, addaturque unitas numero producto, habebitur denominator eiusdem fractionis. Ut denominator proportionis subquadruple sesquiximæ, est $\frac{5}{25}$, &c.


DENOMINATOR cuiusvis proportionis multiplicis superpartientis, est numerus cum pluribus partibus aliquotis, non constituentibus unam: quoniam maior quantitas minorem debet aliquoties comprehendere, & eius plures partes aliquotas non facientes unam. Ut denominator proportionis triple superquincupartientis octauas, est $3\frac{5}{8}$; quadruple superbipartientis quintas, $4\frac{2}{5}$, &c. Denominatores uero proportionum submultiplicium superpartientium, sunt. fractiones, quarum numeratores numeri sunt. Ut denominator proportionis subtriple superquincupartientis octauas, est $\frac{8}{29}$; subquadruple superbipartientis quintas, $\frac{5}{22}$, &c. Inuenietur autem denominator cuiuslibet proportionis submultiplicis superpartientis, si pro numeratore fractionis sumatur denominator partium aliquotarum, quem si multiplices per denominatorem proportionis multiplicis, numeroque producto addas partium numerum, obtinebis eiusdem fractionis denominatorem. Ut denominator proportionis subduplex superoctupartientis decimastertias, est $\frac{13}{34}$, &c.

DENOMINATOR denique proportionis æqualitatis, perpetuo est unitas: quia una quantitas debet alteram semel duntaxat continere.

III.

PROPORTIO vero est rationum
similitudo.

QVOD hoc loco interpres proportionem appellat, illud
Græcis ἀναλογία plerisque autem latinis proportionalitas
dicitur. Quemadmodum igitur comparatio duarum quanti-
tatum inter se, dicitur proportio; Ita comparatio duarum, vel
plurium proportionum inter se, proportionalitas solet nuncu-
pari. Vt si proportio quantitatis A, ad quā
titatem B, similis fuerit proportioni quanti-
tatis C, ad quantitatem D, dicitur habitu-
do inter has proportiones, proportionalitas.
Eodem modo, si similis fuerit proportio E,
ad F, proportioni F, ad G, appellabitur hæc
similitudo proportionalitas. Multæ autem



habitudines proportionum, seu proportionalitates, (Nos enim
comparationem duarum quantitatum, proportionem appella-
bimus; habitudinem autem proportionum, Proportionalitatem)
a scriptoribus, præsertim Boetio, & Iordano, describuntur;
inter quas primum semper locum obtinuerunt apud Veteres,
Proportionalitas Arithmetica, Geometrica, atque Musica,
seu harmonica: Verum Euclides de sola Geometrica agit in hoc
libro; quæ quidem duplex est, continua altera, in qua singulæ
quantitates intermedia bis sumuntur, ita ut nulla fiat pro-
portionum interruptio, sed quælibet quantitas intermedia sit
& antecedens, & consequens; Antecedens quidem quantita-
tis subsequens, consequens vero quantitatis præcedens. Vt
si dicatur, quæ est proportio E, ad F, ea est F, ad G; vocabi-
tur hæc proportionalitas, continua. Altera uero discreta, seu
non continua, in qua singulæ quantitates intermedia semel tan-
tum accipiuntur, ita ut fiat proportionum interruptio, nullaq;
quantitas sit & antecedens, & consequens, sed uel antecede-
s tantum, vel consequens tantum. Vt si dicatur, quæ est propor-
tio A, ad B, ea est C, ad D; appellabitur proportio-
nalitas hæc, discreta, siue non
continua.

V

V.

V.


RATIONEM habere inter se magnitudines dicuntur, quæ possunt multiplicatæ se se mutuo superare.

QVONIAM Euclides in tertia definitione habitudine duarum magnitudinum eiusdem generis, vocaverat proportionem, seu rationem; explicat nunc in hac 5. definitione, quidnam requirant due quantitates eiusdem generis, ut proportionem dicantur habere. Neque enim omnes lineæ, neque etiam omnes anguli plani, quamvis sint eiusdem generis quantitates, proportionem habent inter se, ut mox dicemus. Ait igitur, illi magnitudines dici proportionem habere inter se, quarum una multiplicata ita augetur, ut alteram tandem superet; adeo ut si alterutra quantumvis multiplicata nunquam alteram excedat, nulla ratione proportionem habere dicantur. Si diameter, & latus eiusdem quadrati, dicentur habere proportionem; (licet irrationalem, que nullo possit numero exprimi) quia latus multiplicatum per 2. hoc est, bis sumptum, excedit diametrum. Cum enim duo latera quadrati, ac diameter constituant triangulum Isosceles, erunt duo latera quadrati diametro eiusdem maiora. Ita quoque circumferentia circuli, & diameter eiusdem, proportionem habent, (quam nondum sit nobis explorata, atque cognita) quia diameter multiplicata per 4. hoc est, sumpta quater, circumferentiam superat, cum omnis circumferentia circuli, ut ab Archimede demonstratur, ter duntaxat comprehendat diametrum eiusdem. Particulam adhuc paulo minorem septima parte diametri. Eodem modo multa curvilinea cum rectilineis proportionem habebunt, quia & equalitas inter ea reperitur, cum & Hippocrates Chius Lunulam quandam, que figura est contenta duobus arcibus circulorum, ad modum Luna nove, quædo falcata esse cernitur; & Archimedes parabolam quadravit; hoc est, ille quidam lunule, hic vero parabole quadratum inveniunt æquale. Hinc enim fit, ut & quadratum detur maius ea lunula, ac parabola; Atque e contrario lunula & parabola maior eo quadrato.

20. primi.

drato. Hoc idem demonstratur a Proclo in angulis rectilineis, ac curvilineis. Ostendit enim, tam recto angulo, quam obtuso, & acuto, exhiberi posse angulum curvilineum aequalem. Sit enim angulus rectus ABC , contentus rectis aequalibus AB ; BC , circa


quas semicirculi describantur ADB, BEC .



Quoniam igitur anguli semicircularum ABD, CBE , sunt aequales; addito communi angulo mixto ABE , fiet angulus totus curvilineus DBE , toti angulo recto ABC , aequalis. Similiter ostendetur, angulum curvilineum IGK , aequalem esse obtuso FGH ; nec non curvilineum OMP , acuto LMN , idummodo hic ab angulis semicircularum LMO, NMP , auferas commune angulum mixtum, qui continetur recta linea LM , & curva MP ; Ex quibus constat, alterutrum angulorum multiplicatum, posse alterum excedere; quare proportionem inter se habebunt. At vero linea finita ad lineam infinitam non habebit proportionem, quia finita quomocunque multiplicata, infinitam nequit superare. Sic neque linea cum superficie, neque superficies cum corpore, eandem ob causam, ullam habebit proportionem. Denique non censebitur habere proportionem angulus contactus cum angulo rectilineo, quia angulus contactus quantumvis multiplicatus, minor adhuc semper existit quovis angulo rectilineo, etiam minimo: ceu propos. 16. lib. 3. demonstravimus. Itaque ut apertius Euclides explicasset, quenam magnitudines eiusdem generis proportionem dicantur habere, voluit hac definitione, eas intelligi, quae hanc conditionem habeant, ut alterutra multiplicata, alteram possit superare, alias non. Hanc ob causam in plerisque demonstrationibus proportionum, iubet toties multiplicare unam propositarum magnitudinum, quae proportionem ponuntur habere inter se, donec alteram excedat. Quod etiam facit propos. 1. lib. 10. & in plerisque alijs propositionibus.

PERSPICUUM est ex his, quam inepte, & quam falso, hanc definitionem exposuerit Orontius. Ait enim Euclidem non definire, seu docere, quenam magnitudines proportionem dicantur habere, sed qualem proportionem duae quaecunque

propositæ quantitates habeant. Itaque ut inquit, uult Euclides, si magnitudo *A*, ad magnitudinem *B*, referatur, & ambe multiplicentur aequaliter, hoc est, ambarum sumantur quæcumque



ABCD

multiplex *D*, ipsius *B*; habebunt magnitudines *A*, & *B*, eam inter se proportionem, quam earum æquemultiplicia *C*, & *D*. Non aduertit autem, hoc quod ait, non esse definitionem, sed Theorema decimumquintum huius 5. lib. ubi demonstratur ab Euclide, Partes cum pariter multiplicibus in eadem proportionem esse, hoc est, *A*, & *B*, magnitudines eandem habere proportionem, quam earum æquemultiplicia *C*, & *D*. Non ergo ita est intelligenda hæc definitio, præsertim cum tam ignota sit hæc proportio inter *C*, & *D*, quàm illa inter *A*, & *B*; quandoquidem semper eadem est. Quare non recte nos Euclides perduceret ad notitiam proportionis inter *A*, & *B*; Est ergo sensus huius definitionis ille, quem expressimus, ut liquido constat ex verbis Euclidis.

V I.

IN eadem ratione magnitudines dicuntur esse, prima ad secundam, & tertia ad quartam, cum primæ & tertiæ æque multiplicia a secundæ & quartæ æquemultiplicibus, qualiscunque sit hæc multiplicatio, utrunque ab utroque uel una deficiunt, uel una æqualia sunt, uel una excedunt; si ea sumantur, quæ inter se respondent.

EXPLICAT hoc in loco Euclides, quarum conditiones requirant apud Geometras, magnitudines, ut eandem dicantur habere proportionem. Quod ut rectius exequatur, cogitur confugere ad earum æquemultiplicia, ut complectatur omnes proportionem magnitudinum, tam rationales, quam

quam irrationales. Sint igitur quatuor magnitudines *A*, prima; *B*, secunda; *C*, tertia; & *D*, quarta, sumanturque prima, & tertia æquemultiplicia quæcunque; *E*, quidem ipsius *A*; & *F*, ipsius *C*: Item sumantur secunda, & quarta alia quæcunque æquemultiplicia; *G*, quidem ipsius *B*; & *H*, ipsius *D*, siue hæc duo posteriora sint ita multiplicia secunda, & quarta, sicut priora duo multiplicia sunt prima, & tertia, siue non. Quod si iam inter se conferantur sumpta æquemultiplicia ea, quæ inter se respondent, ut multiplex prima, & multiplex secunda inter se, hoc est *E*, & *G*; Item multiplex tertia & multiplex quarta inter se, hoc est *F*, & *H*; deprehensumque fuerit perpetuo, ea ita inter se habere, ut si *E*, multiplex prima magnitudinis *A*, minus fuerit, quam *G* multiplex secunde magnitudinis *B*; etiam *F*, multiplex tertia magnitudinis *C*, minus sit quam *H*, multiplex quarta magnitudinis *D*: Aut si *E*, æquale fuerit ipsi *G*; etiam *F*, æquale sit ipsi *H*; Aut denique si *E*, maius fuerit quam *G*; etiam *F*, maius sit quam *H*; (quod est utrumque ab utroque vel una deficere, uel una æqualia esse, uel una excedere) ita ut in nullo genere multiplicium contrarium possit reperiri, id est, ut nunquam *E*, minus sit quam *G*, quin & *F*, minus sit quam *H*; & ut nunquam *E*, æquale sit ipsi *G*, quin & *F*, ipsi *H*, sit æquale; Denique ut nunquam *E*, maius sit quam *G*, quin & *F*, maius sit, quam *H*. Si inquam deprehensum fuerit, æquemultiplicia quæuis accepta, perpetuo se ita habere; ut dictum est, dicetur eadem esse proportio prima magnitudinis *A*, ad secundam magnitudinem *B*, quæ est proportio tertia magnitudinis *C*, ad quartam magnitudinem *D*. Quod si deprehenderetur aliquando, etiam in solo vno genere multiplicium, multiplex *E*, deficere a multiplici *G*; non autem multiplex *F*, deficere a multiplici *H*; Aut *E*, æquale esse ipsi *G*, at *F*, non æquale ipsi *H*; Aut denique *E*, excedere ipsum *G*, at *F*, non excedere ipsum *H*, quamuis in infinitis alijs multiplicibus conditio prædicta reperitur, nulla ratione dicentur quantitates propositæ eandem habere proportionem, sed diuersas, ceu in defn. 8. fiet perspicuum.



ITAQUE ut demonstratione aliqua concludantur quatuor

tuor quantitates eandem habere proportionem, ostendendum erit, quacunque aequae multiplicia primae, & tertiae collata erit quibuscunque aequae multiplicibus secunda, & quarta, habere conditionem praedictam defectus, aequalitatis, aut excessus. Similiter si quatuor quantitates concedantur eandem habere proportionem, concedatur quoque necesse est, qualibet aequae multiplicibus secunda, & quarta, habere eandem defectus, aequalitatis, aut excessus conditionem. Debent enim definitio & definitio recipiari. Ut autem perspiciatur, quoniam pacto, propositis quatuor magnitudinibus eandem proportionem habentibus, quaedam aequae multiplicia prima, & tertiae magnitudinis, a quibuslibet aequae multiplicibus secunda & quarta magnitudinis, utrumque ab utroque una deficiant; alia vero una aequalia sint; alia denique una excedant, si ea sumantur, quae inter se respondere placuit unum exemplum adducere in numeris. Sint enim quatuor numeri 3. 2. 6. 4. sumanturque primi & tertii aequae multiplices, nempe quadrupli 12. & 24. Item secundi & quarti sumantur alij aequae multiplices, ut septupli 14. & 28. Vides igitur tam 12. multiplicem primi deficere a 14. multiplice secundi, quam 24. multiplicem tertii a 28. multiplice quarti.




Rursus primi, & tertii sumantur alij aequae multiplices, nimirum sextupli 18. & 36. Item secundi & quarti sumantur alij aequae multiplices, ut noncupli 18. & 36. Vides ergo, 18. multiplicem primi equalem esse 18. multiplici secundi, quam 36. multiplicem tertii, 36. multiplici quarti. Postremo primi, & tertii sumantur alij aequae multiplices, nempe tripli 9. & 18. Item secundi, & quarti alij aequae multiplices, ut dupli 4. & 8. Vides igitur tam 9. multiplicem primi, excedere 4. multiplicem secundi, quam 18. multiplicem tertii, 8. multiplicem quarti. Si igitur in omnibus aequae multiplicibus in quacunque sumantur multiplicatione semper deprehendantur unum trium horum verum esse, dicitur eadem esse proportio 3. ad 2. quae est 6. ad 4. alias non.

CAMPANVS. vero atque Orontius. Nonne aliter definitio


tionem hanc exponunt, Dicunt enim Euclidem uelle, tum de-
 mum quatuor magnitudines eandem habere proportionem, cum
 prima & tertia aequae multiplicata, a secunda & quarta aequae
 multiplicibus, utrumque ab utroque, vel una deficiunt pro-
 portionaliter, hoc est; in eadem proportione; uel una aequa-
 lia sunt, uel una excedunt proportionaliter, si ea sumantur, qua
 inter se respondent. Clarius, ut ait Campanus, quando earum
 aequae multiplicata proportionalia sunt, id est, cum eandem proportio-
 nem habet multiplex prima ad multiplex secunda, quam mul-
 tiplex tertia ad multiplex quarta. Sed quis non uidet, si ita
 intelligatur definitio, Euclidem idem per idem definire? Quod
 sane absurdum est. Praeterea si Euclides uult, eas magnitudi-
 nes in eadem esse proportione, quarum aequae multiplicata (si
 sumantur, & inter se conferantur eo ordine, quo dictum est)
 in eadem proportione existunt; cur obsecro in 4. Theoremate
 huius libri demonstrat, si fuerint quatuor magnitudines in ea
 dem proportione, earum aequae multiplicata eandem quoque ha-
 bere proportionem? Immo cum illud Theorema per hanc defi-
 nitionem ostendatur, perspicuum est, idem per idem demonstra-
 ri, quod ridiculum est; ueluti eo in loco demonstrabimus. Ac-
 cedit etiam, si ita interpretetur definitio, plurima Theo-
 remata quinti huius lib. non posse demonstrari, ut proprijs in
 locis monebimus. Intelligenda est igitur definitio, ut exposui-
 mus, ita ut, propositis quatuor magnitudinibus in eadem pro-
 portione, si multiplex prima deficiat a multiplici secunda, uel
 aequale sit, uel excedat; etiam multiplex tertia deficiat a mul-
 tiplici quarta, uel aequale sit, uel excedat, quicumque sit ille
 defectus, excessusue. Nam in 4. postea Theoremate demonstra-
 bitur, dictum defectum, excessumue esse proportionalem.

PORRO Campanus conatur ostendere, definitionem
 hanc intelligi debere de proportionali defectu, & excessu. Nam
 si de quocumque intelligeretur, essent quatuor hi numeri 4. 3.
 6. 5. in eadem proportione. Si enim
 primi & terij, uel 4. & 6. su-
 mantur aequae multiplices nume-
 ri, ut dupli, 8. & 12. Item secun-
 di & quarti, nempe 3. & 5. aequae
 multiplices, ut dupli quoque, 6.
 & 10. excedet tam 8. multiplex primi, 6. multiplicem secun-
 di, quam



V 4 di, quam

di, quam 12. multiplex tertij, 10. multiplicem quarti. Idemq; cernitur si primi, & tertij sumantur quadrupli 16. & 24. secundi vero, ac quarti capiantur tripli 9. & 15. Si igitur sufficit, ut aequae multiplicia accepta una excedant se se quomodo documque, & non requiritur, ut proportionaliter se minus sumperent, erit eadem proportio 4. ad 3, quae est 6. ad 5. quod salsum est, cum proportio 4. ad 3. sit sesquiertia, proportio vero 6. ad 5. sesquiquinta. Intelligendus igitur est defectus, aut excessus aequae multiplicium, proportionalis: Ita enim fiet, non esse eandem proportionem 4. ad 3. quae est 6. ad 5. quod eorum aequae multiplices non se se excedant proportionaliter, ut constat. Verum tamen dicendum est, Campanum mirum in modum hallucinatum fuisse. Quamvis enim numeri aequae multiplices adducti se se una excedant; tamen quamplurimi alij reperientur, quorum multiplex primi excedet quidem multiplicem secundi, vel aequalis erit; at multiplex tertij deficiet multiplice quarti. Si enim primi & tertij sumantur quadrupli 16. & 24. At secundi &



quarti, quincuplices sumantur 15. & 25. excedet quidem 15. multiplex primi, 15. multiplex secundi; At 24. multiplex tertij non excedet 25. multiplex quarti, sed deficiet. Quod si primi, & tertij sumantur tripli 12. & 18. At secundi, & quarti sumantur quadrupli, 16. & 20. erit 12. multiplex primi aequalis 12. multiplici secundi; At vero 18. multiplex tertij, aequalis non erit 20. multiplici quarti, sed ab eo deficiet. Cum igitur non deprehendatur qualibet aequae multiplicia dictorum numerorum sic se habere, ut si multiplex primi excedat multiplex secundi, multiplex tertij excedat quoque multiplex quarti; quamvis id in nonnullis aequae multiplicibus ita esse contingat; non dicentur, iuxta hanc definitionem 6. dicti numeri eandem habere proportionem, ut adhuc clarius constabit ex 8. definitione.


CAETERVM definitio ista complectitur etiam tres magnitudines, eandem habentes proportionem, si modo secundum bis ponitur, ut quatuor habeantur. Exempli causa; Eandem dicetur proportio 9. ad 6. quae 6. ad 4. quoniam aequae multiplicia quaecumque sumpta ad 9. & 6. vel una deficiunt ab aequae multi-

multiplicibus sumptis ad 6. & 4. uel equalia sunt, uel una excedunt, & c.

VII.

E A N D E M autem habentes rationem magnitudines, Proportionales uocentur.

U T si magnitudinum A, B, C, D, eadem sit proportio A, ad B, que C, ad D; dicentur diſſe magnitudines proportionales. Eadem ratione, si eadem sit proportio E, ad F, que F, ad G; dicentur magnitudines E, F, G, proportionales. Sunt autem quedam magnitudines proportionales continue, inter quas reperitur proportionalitas continua, quales sunt magnitudines E, F, G; Quedam uero proportionales sunt non continue, sed discrete, cuiusmodi sunt magnitudines A, B, C, D. In his enim interruptio fit proportionum; in illis uero nequaquam, ut dictum est in 4. definitione.



VIII.

C V M uero æque multiplicium multiplex primæ magnitudinis exceſſerit multiplicem ſecundæ; At multiplex tertiæ non exceſſerit multiplicem quartæ; tunc prima ad ſecundam maiorem rationem habere dicetur, quam tertia ad quartam.

D E C L A R A T hic Euclides, quamnam conditionem habere debant quatuor magnitudines, ut maiorem dicatur habere proportionem prima ad ſecundam, quam tertia ad quartam, dicens.

dicens. Si sumpta sint aequae multiplicia prima & tertia; Item alia aequae multiplicia secunda & quarta; deprehensum fuerit aliquando, (licet non semper) multiplex prima maius esse multiplici secunda, multiplex autem tertia non esse maius




multiplici quarta, sed vel minus, vel aequale dicitur maior esse proportio prima magnitudinis ad secundam, quam tertia ad quartam: ut perspicuum est in apposito exemplo, in quo prima magnitudinis A, & tertia C, sumpta sunt triplicia E, & F, secunda uero B, & quarta D; quadruplicia G, & H; Et quoniam E, multiplex prima maius est quam G, multiplex secunda; At F, multiplex tertia maius non est quam H, multiplex quarta, sed minus; idcirco maior esse dicitur pro-

portio A, prima magnitudinis, ad B, secundam, quam C, tertia, ad D, quartam. Non est autem necesse, ut quatuor magnitudinum, prima ad secundam dicatur maiorem habere proportionem, quam tertia ad quartam, & aequae multiplicia secundum quamvis multiplicationem sic se habere, ut multiplex quidem prima excedat multiplex secunda, at multiplex tertia non excedat multiplex quarta; sed satis est, ut secundum aliquam multiplicationem ita se habeant. Potest namque fieri, ut tamen multiplex prima maius sit multiplice secunda, quam multiplex tertia multiplice quarta: Item ut & multiplex prima minus sit multiplice secunda, & multiplex tertia multiplice quarta: Tamen quia hoc non contingit in omni multiplicatione, sed aliquando multiplex prima superat quidem multiplex secunda, at multiplex tertia, vel minus est, vel aequale multiplici quarta: propterea maiorem dicitur habere proportionem prima magnitudo ad secundam, quam tertia ad quartam, ut perspicuum est in sequenti exemplo. Itaque ut aequae magnitudines dicantur proportionales, necesse est, ut aequae multiplicia earum, iuxta quasvis multiplicationes accepta, vel una deficiant, vel una aequalia sint, vel una excedant, cuius in 6, definitio fuit expositum: Ut autem maiorem dicatur habere proportionem prima ad secundam, quam tertia ad quartam, satis est, ut secundum aliquam multiplicationem, multiplex prima excedat multiplex secunda, multiplex uero tertia non superet multiplex quarta; quamvis iuxta innumeras multiplicaciones,

tionem,


tiones, aequae multiplicia prima, ac tertiae excedant aequae multiplicia secunda, & quarta. Quod si aliquando e contrario multiplex prima deficiat a multiplici secunda, non autem multiplex tertia a multiplici quarta; dicitur prima magnitudo ad secundam minorem habere proportionem, quam tertia ad quartam; quamvis secundum plurimas multiplicationes, aequae multiplicia prima & tertiae deficiant ab aequae multiplicibus secunda, & quarta. Ut in eisdem numeris, minor est cetur proportio 2. ad 3. quam 3. ad 4. &c.



I X.

PROPORTIO autem in tribus terminis paucissimis consistit.

QUONIAM omnis Analogia, seu proportionalitas, quae interpres, ut dictum est, proportionem nominat, similitudo est duarum, vel plurium proportionum; omnis autem proportio habet & antecedens, & consequens, necesse est, in omni proportionalitate reperiri, ut minimum, duo antecedentia, ac duo consequentia. Quare si proportionalitas fuerit non continua, requiruntur saltem quatuor termini, siue magnitudines: At vero si fuerit continua, erunt cum minimis tres termini; quoniam terminus medius bis sumitur, cum sit consequens unius proportionis, & antecedens alterius: Atque hic est minimus numerus terminorum proportionalitatis. Nam in duobus terminis quibuscumque, solum proportio, non autem proportionalitas reperitur.



C V M autem tres magnitudines proportionales fuerint; Prima ad tertiam duplicatam rationem habere dicitur eius, quam habet ad secundam: At cum quatuor magnitudines proportionales fuerint; prima ad quartam triplicatam rationem habere dicitur eius, quam habet ad secundam: Et semper deinceps, uno amplius, quamdiu proportio extiterit.

S I N T magnitudines *A, B, C, D, E*, continue proportionales, ita ut ea sit proportio *A*, ad *B*, que *B*, ad *C*; & *C*, ad *D*; & *D*, ad *E*. Proportio igitur *A*, magnitudinis prima ad *C*, magnitudinem tertiam, dicitur duplicata eius proportionis, quam habet *A*, magnitudo prima ad *B*, magnitudinem secundam: quoniam inter *A*, & *C*, due proportionales reponuntur, que aequales sunt proportioni *A*, ad *B*; ut proportio *A*, ad *B*; & *B*, ad *C*. At proportio *A*, magnitudinis prima ad *D*, magnitudinem quartam, dicitur triplicata eius proportionis, quam habet *A*, magnitudo prima ad *B*, magnitudinem secundam: quia inter *A*, & *D*, reperiuntur tres proportionales, que aequales sunt proportioni *A*, ad *B*, nimirum proportio *A*, ad *B*; *B*, ad *C*; & *C*, ad *D*. Sic quoque proportio *A*, ad *E*, dicitur quadruplicata proportionis *A*, ad *B*; propterea quod quatuor proportionales interueniunt inter *A*, & *E*, que aequales sunt proportioni *A*, ad *B*, &c.

Q V O D si e contrario ea sit proportio *E*, ad *D*, que *D*, ad *C*; & *C*, ad *B*; & *B*, ad *A*; dicitur proportio *E*, ad *C*, duplicata proportionis *E*, ad *D*: At vero proportio *E*, ad *B*, dicitur triplicata proportionis *E*, ad *D*; sic quoque proportio *E*, ad *A*, dicitur quadruplicata proportionis *E*, ad *D*, &c.

INTERPRETES nonnulli colligunt ex hac definitione; si proponantur aliquot quantitates continue proportionales, proportionem primæ quantitatis ad tertiam, esse duplam proportionis primæ quantitatis ad secundam, eo quod Euclides illam vocet duplicatam proportionem huius. Eodem modo volunt, proportionem primæ quantitatis ad quartam, esse triplam proportionis, quam habet prima quantitas ad secundam, &c. Quod tamen nulla est ratione concedendum. Nec enim Euclides hoc significare voluit, sed docuit tantummodo, proportionem primæ quantitatis ad tertiam, appellari duplicatam eius proportionis, quam habet prima quantitas ad secundam; propterea quod inter primam quantitatem, ac tertiam reperiantur due proportionēs æquales ei proportioni, quā habet prima quantitas ad secundam, & sic de cæteris, ut diximus. Non autem, illam duplam esse huius, intellexit, ne Theorema proponeret, quod merito quispiam concedere recusaret. Quis enim affirmabit, in his numeris continue proportionalibus 25. 5. 1. proportionem 25. ad 1. duplam esse proportionis 25. ad 5. cum potius sit quincupla? At vero, illam dici huius duplicatam, nemo inficiabitur, eo quod bis sit posita, & continue proportio 25. ad 5. Deinde quo modo erit proportio 1. ad 25. dupla proportionis 1. ad 5. cum illa minor sit, hæc autem maior? Dicitur tamen illa huius duplicata, ob causam iam explicatam, licet sit eius quinta pars. Quare & si proportio 25. ad 1. dicitur duplicata proportionis quincuple, tamen decupla proportio est eiusdem dupla. Quemadmodum etiam proportio octupla dupla est proportionis quadruple, cum tamen quadrupla duplicata, sit sedecupla, ut hic patet 16. 4. 1.

ITAVE hoc in loco Euclides explicat tantum, quid nam intelligendum sit nomine proportionis duplicata, triplicata, &c. ut demonstrationes sequentium librorum percipiantur, rebusque possint materialibus accommodari. Non autem determinat, quæ nam proportio sit alterius dupla, vel tripla, vel quadrupla, &c. Quare cum ex propositione 20. lib. 6. constet, proportionem quadrati ad quadratum duplicatam esse proportionis, quam habet latus prioris quadrati ad latus posterioris, colligendum erit, si continuetur proportio laterum in tribus terminis, proportionem quadrati ad quadratum, esse eam, quæ est primi termini ad tertium; ita ut si prioris quadrati latus fuerit

rit trium palmorum, posterioris autem unius palmi, prius quadratum ad posterius, habeat proportionem quam 9. ad 1. ita ut illud novies hoc complectatur. Nam proportio 9. ad 1. que est noncupla, dicitur iuxta hanc definitionem, duplicata proportionis triplæ, qualis est 9. ad 3. vel 3. ad 1. ut in his numeris 9. 3. 1. perspicuum est. Non autem inferendum erit, proportionem quadrati ad quadratum, duplo esse maiorem proportionem lateris ad latus. Sic etiam quadratum posterius ad primum proportionem habebit, quam 1. ad 9. ita ut illud sit huius nona pars, propterea quod proportio 1. ad 9. dicitur duplicata proportionis 1. ad 3. ut in eisdem his numeris 1. 3. 9. manifestum est. Simili ratione, quoniam lib. 12. propos. ultima, demonstratur, sphaeras inter se rationem habere suarum diametrorum triplicatam, colligendum erit, sphaeram illam, cuius diameter continet tres palmos, ad sphaeram, cuius diameter est unius palmi tantum, proportionem habere, quam 27. ad 1. Hæc enim triplicata dicitur triplæ proportionis, cum hic perspicitur 27. 9. 3. 1. &c.

CAETERVM proposita quacumque proportionem rationali, si eius denominator in se ipsum multiplicetur, exurgit denominator proportionis, quæ duplicata dicitur propositæ proportionis. Ut quia ex multiplicatione 4. denominatore scilicet proportionis quadruplæ, in se, producantur 16. ideo proportio sedecupla, dicitur duplicata quadruplæ proportionis, ut hic cernitur 16. 4. 1. Item hic 48. 12. 3. E contrario, cum ex multiplicatione $\frac{1}{4}$. denominatore videlicet proportionis subquadruplæ, in se, producatur $\frac{1}{16}$. dicitur proportio sub sedecupla, duplicata proportionis subquadruplæ. Quod si denominator rursus in dictum productum multiplicetur, procreabitur denominator proportionis triplicatæ, ut in priori exemplo, ex multiplicatione 4. in 16. producantur 64. denominator proportionis, quæ quadruplæ dicitur triplicata, ut hic vides, 64. 16. 4. 1. Item hic 192. 48. 12. 3. Rursus si in posterius hoc productum multiplicetur idem denominator, inueniatur denominator proportionis quadruplicatæ, atque ita de cæteris. Itaque proportionis duplicatæ denominator produciatur ex denominatore propositæ proportionis bis postposito, atque ita multiplicato. Ut numerus denominans proportionem duplicatam proportionis triplæ, produciatur ex 3. denominatore triplæ proportionis,

portionis bis posito; in hanc modum 3. 3. ac sic multiplicato: Nam ter tria faciunt 9. denominatorem noncuplae proportionis, que duplicata dicitur tripla; ut hic cerni potest 9. 3. 1. Item hic 18. 6. 2. At vero denominator proportionis triplicata gignitur ex posita proportionis denominatore ter posito; et sic multiplicato. Ut in dato exemplo, denominator triplicatae proportionis, nempe 27. precreatur ex 3. ter posito sic. 3. 3. 3. atque ita multiplicato, dicendo ter tria ter, &c. Ita proportio quadruplicata exorietur ex denominatore quater posito; Quinuplicata ex eodem quinq̄ies posito, ac ita multiplicato, &c. Quo circa proportio duarum quantitatum, quibus nullum interponitur medium, sapit naturam quodam modo lineae, cum ex nulla alia proportione producat: Proportio vero, cuius quantitates intercipiunt unicum medium in continua proportionalitate, habet conditionem superficiei quadratae, quoniam gignitur ex duabus proportionibus equalibus; quemadmodum & quadratum ex duabus lineis equalibus conficitur. Denique proportio, cuius quantitatibus duo media in continua proportionalitate intercipiuntur, obinet naturam solidi, atque adeo cubi, cum oriatur ex tribus equalibus proportionibus, quemadmodum etiam cubus ex tribus lineis equalibus consurgit. Verum de his plura inuenies apud Arithmedicos, qui Algebra regulam exposuerunt, &c.

XI.

HOMOLOGAE, seu similes ratione magnitudines, dicuntur antecedentes quidem antecedentibus, consequentes uero consequentibus.

DEFINIVIT supra proportionalitatem, proportionum esse similitudinem. Docet iam, non solum in proportionalitate quavis proportionem dici similem; Verum etiam terminos ipsos, seu quantitates, similes dici, homologas re, dicens, antecedentes magnitudines appellari homologas, seu similes proportionem inter se, nec non consequentes inter se, ut intelligeremus

in quam plurimis demonstrationibus, qua nam latera figurarum inter se comparata, antecedentia debeant esse proportionum, & qua nam consequentia, ceu in 6. lib. perspicuum fiet.

Si igitur est proportio A, ad B, que C, ad D; dicitur quantitas A, similis quantitati C; & B, similis ipsi D; propter similitudinem enim proportionum, necesse est, utramque magnitudinem antecedentem, vel eam aequalem esse utrique consequenti, vel eam habere utraque antecedens ad utraque consequentem proportionem eandem. Exemplum habes in magnitudinibus proportionibus, utpote dimidio maiores. Aliud exemplum uides in magnitudinibus E, F, G, continue proportionalibus, ubi tam E, & F, homologæ sunt, quam F, & G, ut constat. Atque hanc causam Euclides in defin. 6. & 8. iussit accipi æque multiplicata primæ & tertiæ magnitudinum, hoc est, antecedentium: Item alia æque multiplicata secundæ, & quartæ magnitudinum, nempe consequentium. Hæ enim similes sunt in magnitudinibus proportionalibus, ut ex hac definitione constat; in magnitudinibus uero non proportionalibus dissimiles.


ORONTIVS, & nonnulli alij interpretes, longe aliter definitionem hanc exponunt. Putant enim Euclidem docere, in magnitudinibus proportionalibus uarie inter se conferri posse & antecedentes magnitudines, & consequentes, ceu in sequentibus definitionibus patebit. Verum si verba definitionis diligentius ponderentur, & usus eiusdem in 6. lib. consideretur, nostram expositionem huic anteferendam esse, nemo dubitabit.

XII.

ALTERNATA ratio, est sumptio antecedentis ad antecedentem, & consequentis ad consequentem.

EXPLICAT hic quosdam modos argumentandi ex proportionibus

portionibus, quorum frequentissimus est usus apud Geometras. Hi autem sunt numero sex. Primus dicitur proportio alterna siue permutata: Secundus, inuersa, seu proportio e contrario: Tertius, compositio rationis, seu coniuncta proportionalitas: Quartus, diuisio rationis, uel disiuncta proportionalitas: Quintus, conuersio rationis, siue euersa proportionalitas: Sextus denique uocatur proportio ex aequalitate, seu aqua proportio. Alterna igitur seu permutata proportio, inquit, est, cum propositis quatuor magnitudinibus proportionalibus, infertur eandem esse proportionem antecedentis prioris proportionis ad antecedentem posteriores, quam habet consequens illius ad consequentem huius. Vt si ponamus proportionem A , ad B , quam C , ad D , & propterea concludamus, eandem esse proportionem A , ad C , quæ est B , ad D , dicemur argumentari a permutata proportione. Græci scriptores in hac argumentatione utuntur hoc fere modo loquendi: Vt est A , ad B , ita C , ad D ; Igitur permutando, seu vicissim, erit quoque A , ad C , ut B , ad D . Firmam autem esse huiusmodi illationem, demonstrabitur propos. 16. lib. huius. Ceterum in dicto modo argumentandi, necesse est, omnes quatuor magnitudines esse eiusdem generis, ut inter binas ut ut assumptas proportio esse possit. Non enim recte infertur; Vt linea A , ad lineam B , ita numerus C , ad numerum D ; ergo permutando, ut linea A , ad numerum C , ita linea B , ad numerum D ; cum nulla sit proportio lineæ ad numerum, aut contra, ut perspicuum est ex desin. 5.



XIII.

INVERSA ratio, est sumptio consequentis, seu antecedentis, ad antecedentem, uelut ad consequentem.

Vt si ex eo, quod est A , ad B , ut C , ad D , inferamus, ita esse B , ad A , ut D , ad C , hoc est, consequentes ad antecedentes referamus; dicemur argumentari ab inuersa proportione. In hac argumentatione sic fere loquuntur auctores. Vt est A , ad B , Ita

X B, Ita

B, ita C, ad D; Igitur conuertendo, uel e contrario, erit quoque
 $\frac{12}{6} = \frac{8}{4}$ B, ad A, ut D, ad C; Quem quidem modum ar-
 gumentandi certum esse, ostendetur propos. 4. hu-
 ius lib. Porro dua priores magnitudines possunt
 esse unius generis, & posteriores alterius. Refle-
 namque licebit inferre; ut se habet linea A, ad li-
 neam B, ita se habet triangulum; seu numerus C,
 ad triangulum, seu numerum D; Igitur inuenien-
 do ut linea B, ad lineam A, ita triangulum, seu numerus D,
 ad triangulum, seu numerum C.

XIIII.

COMPOSITIO rationis, est sum-
 ptio antecedentis cum consequente, cet-
 unius, ad ipsam consequentem.

SIT proportio AB, ad BC, qua DE; ad EF; Si igitur
 ex hoc colligatur; eam quoque esse proportionem totius AC,
 nempe antecedentis cum consequente,
 $\frac{A}{B} = \frac{D}{E}$ ad BC, consequentem, quam habet tota
 $\frac{D}{E} = \frac{D}{E}$ DE, antecedens nimirum cum conse-
 quente; ad EF, consequentem; Dicitur
 huiusmodi argumentatio compositio rationis, eo quod
 antecedente, & consequente componatur aliud nouum antec-
 edens. Hunc autem modum dicendi, apud Graecos scriptores re-
 peries in hac argumentatione; Vt AB, ad BC, ita DE, ad
 EF, componendo ergo erit & AC, ad BC, ut DE, ad EF.
 Demonstrabitur hic modus argumentandi hoc lib. propos. 16.

XV.

DIVISIO rationis, est sumptio ex-
 cessus, quo consequentem superat antec-
 edens, ad ipsam consequentem.

V. T si dicatur, quæ proportio est totius AB , ad CB , ea est totius DE , ad FE ; Igitur erit & A 12 C 4 B
 AC , excessus, quo antecedens consequentem superat, ad CB , consequentem, ut DF , excessus, quo consequentem excedit antecedens, ad FE , consequentem. In diuisione autem hac rationis ita loquuntur auctores; ergo diuidendo, &c. Hæc porro illatio ostenditur propos. 17. huius lib.

XVI.

CONVERSIO rationis, est sumptio antecedentis ad excessum, quo superat antecedens ipsam consequentem.


QVOD si colligamus hoc modo. Sicut est tota magnitudo AB , ad CB , ita tota DE , ad FE ; igitur ita etiam erit eadē AB , ad AC , excessum, quo consequentem superat antecedens, ut DE , ad DF ; Dicemur proportionem conuertere. Vnde sic fere loquuntur scriptores. Igitur per conuersionē rationis, &c. Confirmabitur autem hic argumentandi modus propos. 19. huius lib.

XVII.

EX æqualitate ratio est, si plures duabus sint magnitudines, & his aliæ multitudine pares, quæ binæ sumantur, & in eadem ratione: cum ut in primis magnitudinibus prima ad ultimam, sic & in secundis magnitudinibus prima ad ultimam sese habuerit.

VEL aliter. Sumptio extremorum, per subductionem mediorum.

SINT plures magnitudines duabus $A, B, C,$ & videtur $D, E, F,$ sintque binæ ac binæ in eadem proportione, hoc est, $A, ad B, ut D, ad E;$ & $B, ad C, ut E, ad F.$ Si igitur inferatur, propterea eam esse proportionem $A, ad C, primæ ad ultimam$ in primis magnitudinibus, que est $D, ad F, primæ magnitudinis ad ultimam$ in secundis magnitudinibus, dicitur huiusmodi argumentandi formula desumpta ex aquo, siue ex æqualitate, in qua scilicet extreme magnitudines, subductis medijs, colliguntur habere unam, eandemque inter se proportionem, cum in altera definitione exprimitur.




Quoniam vero duobus modis ex æqualitate licet argumentari in proportionibus, uno quidem, sumendo binas ac binas magnitudines in eadem proportione, atque ordinate procedendo; altero vero, cum ordo inuertitur; sit ut duplex sit proportio ex æqualitate, non quidem ratione proportionis extremorum, sed ratione proportionis magnitudinum intermediorum. Id quod clarissime duæ sequentes definitiones explicant.

XVIII.

ORDINATA proportio est, cum fuerit, quemadmodum antecedens ad consequentem, ita antecedens ad consequentem; fuerit etiam, ut consequens ad aliud quidpiam, ita consequens ad aliud quidpiam.

UT quando fuerit $A, ad B, ut D, ad E;$ Rursus ut $B, consequens ad aliud quidpiam, ut ad C, ita E, consequens ad F, aliud quidpiam;$ Ideoque concludatur $A, ad C, ut D, ad F;$ Di-

F; dicitur talis modus argumentandi ex equalitate, ordinata proportio, quod in viris que magnitudinibus idem ordo in proportionibus seruetur. Hic autem modus demonstratur propos. 22. huius lib.




XIX.

ABCDEF

PERTURBATA autem proportio est; cum tribus positis magnitudinibus, & alijs quæ sint his multitudine pares, ut in primis quidem magnitudinibus se habet antecedens ad consequentem, ita in secundis magnitudinibus antecedens ad consequentem: Vt autem in primis magnitudinibus consequens ad aliud quidpiam, sic in secundis magnitudinibus aliud quidpiam ad antecedentem.


Si, ut ex equalitate colligatur eadem proportio extremorum, ordo in proportionibus perturbetur, ita ut dicatur, quæ admodum A, ad B, Ita E, ad F; Deinde ut in primis magnitudinibus B. consequens ad C, aliud quidpiam, ita in secundis magnitudinibus aliud quidpiam ad E, antecedentem magnitudinibus, nuncupabitur huiusmodi modus argumentandi ex equalitate, Perturbata proportio, quæ non seruetur idem ordo in proportionibus magnitudinum. Consecutionem uero hanc ualidam esse, ostendetur propos. 23. huius lib. Porro tam perturbata proportio, quæ ordinata, semper infert ex equalitate eandem extremorum proportionem, etiam si plures magnitudines ponantur, quam tres, ceu propos. 22. & 23. huius lib. perspicuum fiet.



VT VNT. VR Euclidis interpretes hoc in libro, & in alijs, ubi de proportionibus magnitudinum agitur, axiomate quodam,

quodam, quod ut hic subijceremus, non inutile fore iudicamus. Illud autem eiusmodi est.

Q V A M proportionem habet magnitudo aliqua ad aliam, eandem habebit quævis magnitudo proposita ad aliquam aliam; & eandem habebit quæpiam alia magnitudo ad quamvis magnitudinem propositam.




V T, quam proportionem habet A, ad B, eandem habebit, magnitudo proposita C, ad aliquam aliam, nempe ad D. Item eandem habebit quæpiam alia E, ad propositam C. Non enim ex hoc absurdum est

quod consequitur, quamvis ignoremus interdum, quænam illa magnitudo, quam sane esse posse, dubitandum non est.

I. THEOR. I. PROPOS. I.

SI sint quotcunq; magnitudines quotcunque magnitudinum æqualium numero singula singularum æque multiples; quæ multiplex est unius una magnitudo, tam multiples erunt & omnes omnium.

SI sint quotcunque magnitudines A B, C D, totidem magnitudinum E, F, æque multiples: Dico magnitudines A B, C D, simul, tam esse multiples magnitudinum E, F, simul, quam est multiplex A B, ipsius E, uel C D, ipsius F. Cum enim A B, C D, sint æque multiples ipsarum E, & F; si A B, diuidatur in magnitudines A G, G H, H B, ipsæ E, & C D,



quoque in magnitudines C I, I K, K D, ipsi F, æquales; erunt magni-

magnitudines A G, G H, H B, tot numero, quot sunt magnitudines C I, I K, K D. Quoniam vero A G, & E, æquales inter se sunt, si ipsis addantur æquales C I, & F, erunt A G, C I, simul, æquales ipsis E, & F, simul. Eodem modo erunt G H, & I K, simul, æquales ipsis E, & F, simul; Nec non H B, & K D, eisdem E, & F. Quoties igitur E, in A B, uel F, in C D, continetur, toties & E, F, simul, in A B, C D, simul comprehenduntur: Ideoque; quam multiplex est A B, ipsis E, tam sunt multiplices A B, C D, simul, ipsarū E, & F, simul. Quare si sint quocunque magnitudines quocunque magnitudinum, &c. Quod erat demonstrandum.

2. prop.

S C H O L I O N.


Hoc idem demonstrabitur uniuerse in omni genere proportionis, propos. 12.

THEOR. 2. PROPOS. 2.

2.

SI prima secundæ æque fuerit multiplex, atque tertia quartæ; fuerit autem & quinta secundæ æque multiplex, atque sexta quartæ; erit & composita prima cū quinta, secundæ æque multiplex, atque tertia cum sexta, quartæ.

SIT magnitudo prima A B, tam multiplex secundæ C, quam est multiplex D E, tertia, quartæ F; Rursus tam sit multiplex B G, quinta ipsius C, secundæ, quam multiplex est E H, sexta ipsius F, quartæ. Dico A B, primam cū B G, quinta compositam, tam multiplicem esse secundæ C, quā multiplex est D E, tertia composita cum sexta E H, ipsius F, quartæ. Cum enim A B, D E, sint æque multiplices ipsarum C, F; erunt in A B, tot magnitudines ipsi C, æqua




X 4 les,

2. pron.

les, quot sunt in DE, æquales ipsi F. Eadem ratione erit & in BG, tot æquales ipsi C, quot sunt in EH, æquales ipsi F. Si igitur æqualibus multitudinibus AB, DE, addantur æquales multitudines BG, EH; erunt totæ multitudines AG, DH, æquales. Quare toties cõprehẽditur C, in AG, quoties F, in DH; Idẽoque tam multiplex est AB, (prima composita cum quinta) ipsius C, secundæ quam multiplex est DH, (tertia composita cum sexta) ipsius F, quartæ. Si prima itaque secundæ fuerit multiplex, &c. Quod erat ostendendum.

SCHOLIION.

QVOD si prima magnitudo, & tertia, æquales fuerint secundæ, & quartæ: Quinta vero & sexta, æquemultiples fuerint secundæ, & quartæ. Vel prima, & tertia æquemultiples fuerint secundæ, & quartæ; At quinta & sexta, æquales secundæ, & quartæ: Erit eadem ratione, ut



AG, (prima, & quinta) tam multiplex secundæ C, quam multiplex est tota DE, (tertia ac sexta) ipsius F; quartæ. Semper enim AG, multitudo magnitudinis æqualium ipsi C, ostenditur æqualis ipsi DH, multitudini magnitudinis ipsi F, æqualium, ceu perspicuum est in propeposito schemate. Si uero tam prima, & tertia, quam quinta, & sexta æquales ponantur secundæ, & quartæ, luce clarius existit, primam & quintam simul; atque tertiam & sextam simul, æquemultiples esse, nimirum duplices & quartæ magnitudinum.

Hoc quoque ab Euclide concludetur in omni genere proportionis uniuersè propos. 24.


3.

THEOR. 3. PROPOS. 3.

SI sit prima secundæ æquemultiplex, atque

atque tertia quartæ; sumantur autem æque multiplices primæ, & tertiæ: Erit & ex æquo, sumptarum utraque utriusque æque multiplex, altera quidem secundæ, altera autem quartæ.

Si T prima magnitudo A, tam multiplex secundæ B, quam multiplex est C, tertia quartæ D; sumanturque E, & F, æque multiplices primæ & tertiæ A, & C. Dico ex æquo, tam multiplicem esse E, ipsius B, quam est F, ipsius D; Nam cum E, & F, sint æque multiplices ipsarum A, & C; si distribuantur E, & F, in magnitudines ipsas A, & C, æquales, ut in E G, G H, H I, & F K, K L, L M; erunt tot partes in E, æquales ipsi A, quot sunt in F, æquales ipsi C. Quoniam uero E G, F K, æquales sunt ipsi A, & C; sunt autem A, & C, æque multiplices ipsarum B, & D, ex hypothesi; Erunt & E G, F K, earundem B, & D, æque multiplices. Pari ratione erunt G H, K L; Itē H I, L M,



æque multiplices earundem B, & D. Quoniam igitur E G, prima magnitudo, tam est multiplex secundæ B, quam est multiplex F K, tertia quartæ D; Item G H, quinta tam multiplex est eiusdem secundæ B, quam multiplex est K L, sexta eiusdem quartæ D; Erit & E H, composita ex prima & quinta, tam multiplex secundæ B, quam est multiplex F L, composita ex tertia & sexta, quartæ D. Rursus cum sit E H, prima tam multiplex secundæ B, quam multiplex est F L, tertia quartæ D; sit autem & H I, quinta, tam multiplex secundæ B, quam est L M, sexta multiplex quartæ D; Erit & E I, composita ex prima & quinta, tam multiplex secundæ B, quam est F M, composita ex tertia ac sexta, multiplex quartæ D. Eademque est ratio, si plures fuerint partes in E, & F. Si sit ergo prima secundæ æque multiplex, atque tertia quartæ, &c.

2. quinti.

Quod ostendendum erat.

SCHO-

OSTENDETUR hoc theorema, propos. 22. non solum in magnitudinibus æque multiplicibus, sed etiam in omnibus, quæ binæ sumptæ eandem habent proportionem.

4.


THEOR. 4. PROPOS. 4.

SI prima ad secundam eandem habuerit rationem, & tertia ad quartam: Etiam æque multiples primæ & tertiæ, ad æque multiples secundæ & quartæ, iuxta quamvis multiplicationem, eandem habebunt rationem, si pro ut inter se respondent, ita sumptæ fuerint.

SI r proportio A, ad B, quæ C, ad D, sumanturque primæ A, & tertiæ C, æque multiples E, & F; Item, secundæ B, & quartæ D, æque multiples G, & H, iuxta quâ

uis multiplicationem. Dico quoque esse ut E, multiplicem primæ ad G, multiplicem secundæ; ita F, multiplicem tertiæ ad H, multiplicem quartæ. Capiantur enim rursus I, K, ipsarum E, F, æque multiples; Item L, M, æque multiples ipsarum G, H. Quoniam igitur tam multiplex est E, prima ipsius A, secundæ, quam F, tertia ipsius C, quartæ; sumptæ sunt autem & I, K, æque multiples ipsarum E, F, primæ ac tertiæ: Erunt quoque ex æquo I, K, æque multiples ipsarum A, C, secundæ & quartæ. Eadem ratione erunt L, M, ipsarum B D, æque multiples. Et qua

ponitur proportio A, primæ ad B, secundam, quæ C, tertiæ ad D, quartam; sumptæque sunt I, K, æque multiples primæ & tertiæ; Item L, M, æque multiples secundæ & quar-



3. quinti.

& quartæ; sit ut si I, multiplex primæ deficiat ab L, multiplici secundæ, etiam K, multiplex tertiæ deficiat ab M, multiplici quartæ: & si I, æqualis sit ipsi L, etiam K, ipsi M, sit æqualis: & si I, excedit ipsam L, etiam K, excedat ipsam M: Idemque ostendetur in quibuscunque æque multiplicibus ipsarum E, & F, nec non magnitudinum G, & H. Itaque cum I, & K, sint æque multiplices primæ E, & tertiæ F; Item L, & M, eque multiplices secundæ G, & quartæ H; ostensumque sit, si I, multiplex primæ minor fuerit, quam L, multiplex secundæ, multiplex tertiæ K, minorem quoque esse M, multiplici quartæ, &c. atque hoc contingere in quacunque multiplicatione: Erit, ut E, prima ad G, secundam, ita F, tertia ad H, quartam. Si prima igitur ad secundam eandem habuerit rationem, &c. Quod erat demonstrandum.

COROLLARIUM.

Hinc manifestum est, si quatuor quantitates fuerint proportionales, easdem & contra, seu inuversa ratione, proportionales esse. Cum enim, propterea quod sit A, prima ad B, secundam, ut C, tertia ad D, quartam, ostensum sit, si I, multiplex primæ minor fuerit quam L, multiplex secundæ, uel equalis, uel maior, etiam K, multiplex tertiæ minorem esse, uel æqualem, uel maiorem M, multiplici quartæ; Perस्पicuum est, si e contrario L, maior fuerit quam I, uel æqualis, uel minor, etiam M, maiorem fore, uel æqualem, uel minorem, quam K, secundum quamcunque multiplicationem sint sumpta hæc æque multiplicia. Nam si utraque I, K, minor est quam utraque L, M, erit contra utraque L, M, maior quam I, K, &c. Quare erit ut B, prima ad A, secundam, ita D, tertia ad C, quartam.

SCHOLIUM.

ORONTIUS quartum hoc Theorema sic conatur demonstrare. Postquam ex 3, propos. huius lib. ostendit I, K, esse æque multiplices magnitudinum A, C; Item L, M, esse æque multiplices magnitudinum B, D, insert statim per conuersum 6. definitionis, iuxta suam expositionem, ita esse I, ad L, ut K, ad M. Quare per eandem definitionem, inquit, erit quoque E, ad G, ut F, ad H. Que quidem demonstratio admodum est uitiata, tum quia secundum hunc sensum demonstra-


tur conuersum 6. definitionis, per conuersum eiusdem, atque idcirco idem per idem, quod est absurdum; tum etiam, quia eodem modo statim a principio licuisset illi inferre, sic esse, per conuersum 6. definitionis E, ad G, ut F, ad H, sine acceptione nouarum magnitudinum æque multiplicium. Non enim est maior ratio in illis, quam in his. Reijcienda est ergo huiusmodi demonstratio, una cum expositione 6. definitionis, ut supra diximus. At iuxta nostram interpretationem eiusdem definitionis constat solum, si I, minor est, quam L, uel æqualis; uel maior, etiam K, minorem esse, uel æqualem, uel maiorem, quam M; quem admodum & idem constat in æque multiplicibus E, F, G, H, si sumantur, pro ut inter se respondent. Unde ex 6. defn. recte colligitur, ita esse E, primam ad G, secundam, ut est F, tertia ad H, quartam.

CAETERVM non uidetur hoc loco dissimulandum Theoremata quoddam antiquis mathematicis ualde familiare, quantumuis a nemine, quod sciam, sit demonstratum. Videlicet.

SI prima ad secundam eandem habuerit rationem, & tertia ad quartam; etiam æque multiplices primæ & tertiæ, ad secundam, & quartam magnitudines, eandem habebunt rationem: Necnon æque multiplices secundæ & quartæ ad primam & tertiam magnitudines. Et contra eandem rationem habebunt secunda & quarta, ad æque multiplicēs primæ & tertiæ; Necnon prima & tertia, ad æque multiplices secundæ & quartæ.

SIT A, prima ad B, secundam, ut C, tertia ad D, quartam, sumanturque E, & F, æque multiplices ipsarum A, & C; Item G, & H, æque multiplices ipsarum B, & D. Dico ita esse E, ad B, ut F, ad D; Item G, ad A, ut H, ad C; Et e conuerso,

nerfo, ita esse B, ad E, ut D, ad F; Item A, ad G, ut C, ad H. Sumantur enim rursus ipsarum E, F, aequae multiplices I, K; Item ipsarum G, H, aequae multiplices L, M. Erunt igitur ex aequo, ut ante probatum est,



I, K, aequae multiplices ipsarum A, C; Item L, M, ipsarum B, D, aequae multiplices. Quocirca si I, multiplex prima A, deficiat a G, multiplici secunda B, etiam K, multiplex tertia C, deficiet ab H, multiplici quarta, &c. Igitur erit ut E, prima ad B, secundam, ita F, tertia ad D, quartam. Eodem modo ostendetur, ut est G, ad A, ita esse H, ad C; Atque idcirco erit conuertendo, ut B, ad E, ita D, ad F; Item ut A, ad G, ita C, ad H,

3. quinti.

6. defn. 5.

6. defn. 5.

Ex quo constat modus argumentandi, quo frequentissime vtuntur Geometrae, maxime Apollonius Pergaeus, Archimedes, Theon, &c. Videlicet; Ut est A, ad B, ita est C, ad D; ergo ut duplum, uel triplum, uel quadruplum, &c. ipsius A, ut pote E, ad B; ita quoque erit duplum, uel triplum, uel quadruplum, &c. ipsius C, quale est F, ad D. Item ut est A, ad B, ita est C, ad D; igitur ut A, ad duplum uel triplum, uel quadruplum, &c. ipsius B, nempe ad G; ita erit quoque C, ad duplum, uel triplum, uel quadruplum, &c. ipsius D, nimirum ad H.


THEOR. 5. PROPOS. 5.

5.

SI magnitudo magnitudinis aequae fuerit multiplex, atque ablata ablatæ: Etiam reliqua reliquæ ita multiplex erit, ut tota totius.


IT A multiplex sit tota AB, totius CD, ut est multiplex AE, ablata ablatæ CF: Dico reliquam EB, ita esse multiplicem reliquæ CD, ut est tota AB, totius CD. Ponatur enim EB, ita multiplex cuiuspiam magnitudinis uidelicet

i. quinti.



delicet ipſius GC, ut eſt AE, ipſius CF. Quoniam igitur AE, EB, æque ſunt multiplices ipſarum CF, GC; erit tota AB, totius GF, ita multiplex, ut AE, ipſius CF, hoc eſt, omnes omnium, ut una ſunt. Sed tam multiplex ponitur AB, ipſius CD, quam eſt multiplex AE, ipſius CF; Igitur AB, tam eſt multiplex ipſius GF, quam ipſius CD; atque idcirco æquales ſunt GF, CD. Ablata igitur communi CF, æquales erunt GC, FD. Tam multiplex igitur eſt EB, ipſius FD, quam multiplex eſt ipſius GC. Sed ita multiplex poſita fuit EB, ipſius GC, ut AE, ipſius CF, hoc eſt, ut tota AB, totius CD. Quare tam multiplex eſt reliqua EB, reliquæ FD, quam eſt tota AB, totius CD. quod eſt propoſitum.

ALITER. Sit ita multiplex tota AB, totius CD, ut ablata AE, ablata CF. Dico reliquam EB, reliquæ FD,



i. quinti

eſſe ſic multiplicem, ut eſt tota toti. Poſita enim GA, ita multiplex ipſius FD, ut eſt AE, ipſius CF; erit tota GE, ſic multiplex totius CD, ut AE, ipſius CF.

Sed ita quoque multiplex eſt AB, cuiusdem CD, ut AE, ipſius CF, ex hypotheſi: Aequales ſunt igitur GE, AB, ipſius CD, atque adeo inter ſe æquales. Quare dempta communi AE, æquales erunt GA, EB; Ideoque æque multiplices ipſius FD, cum GA, ſit multiplex poſita ipſius FD: Atqui ita eſt multiplex poſita GA, ipſius FD, ut AB, ipſius CD; Igitur & EB, reliqua ſic erit multiplex ipſius FD, reliquæ, ut AB, tota totius CD; quod eſt propoſitum. Si magnitudo itaque magnitudinis æque fuerit multiplex, &c. Quod erat demonſtrandum.

SCHOLIION.

UNIVERSE idipſum demonſtrabitur propoſ. 19. in magnitudinibus cuiuſcunque proportionis, &c.


THEOR

THEOR. 6. PROPOS. 6.

6.


SI duæ magnitudines duarum magnitudinum sint æque multiplices, & detractæ quædam sint earundem æque multiplices: & reliquæ eisdem aut æquales sunt, aut æque ipsarum multiplices.

SINT AB, CD, æque multiplices ipsarum E, F; & detractæ AG, CH, earundem E, F, æque multiplices. Dico reliquas GB, HD, aut esse æquales eisdem E, F, aut certe earundem æque multiplices. Cum enim AB, sit multiplex ipsius E, & ablata quoque AG; erit reliqua GB, uel æqualis ipsi E, uel eius multiplex, alias inæqualis, uel non multiplex magnitudo addita multiplici, componeret multiplicem, quod est absurdum. Sit igitur primum GB, æqualis ipsi E; Dico etiam HD, ipsi F, esse æqualem. Ponatur enim CI, æqualis ipsi F. Et quia prima AG, tam est multiplex secundæ E, quàm CH, tertia quartæ F; & quinta GB, æqualis est secundæ E, sicut & CI, sexta æqualis est quartæ F; erit AB, prima cum quinta, ita multiplex secundæ E, ut HI, tertia cum sexta, quartæ F; Atque CD, ipsius F, erat quoque tam multiplex quàm AB, ipsius E; Aequales igitur sunt HI, CD, ipsius F; Ideoque æquales inter se. Quare dempta CH, communi, remanebunt CI, HD, æquales. Cum igitur CI, posita sit æqualis ipsi F, erit quoque HD, eidem F, æqualis. quod est propositum.



2. quinti.

SI T secundo GB, multiplex ipsius E; Dico ita quoque esse multiplicem HD, ipsius F. Posita namque CI, ita multiplici ipsius F, ut est multiplex GB, ipsius E, erit, ut prius AB, ita multiplex ipsius E, ut HI, ipsius F. Quare iterum æquales erunt HI, CD, atque adeo reliquæ CI, HD;



2. quinti.

HD;

HD; sed CI, est ita multiplex ipsius F, ut GB, ipsius E, ex hypothesi. Igitur & HD, tam multiplex erit ipsius F, quam GB, ipsius E, quod est propositum. Si duæ itaque magnitudines duarum magnitudinum sint æque multiples, &c. Quod ostendendum erat.

SCHOLION.


HO C quoque ostendemus uniuersè propos. 24. in omni nere proportionis.

7.

THEOR. 7. PROPOS. 7.

AEQVALES ad eandem, eandem habent rationem: Et eadem ad æquales.

SINT duæ A, B, æquales inter se, & tertia quævis C. Dico A, & B, habere eandem proportionem ad C; Item C, ad A, & B. Sumantur D, E æque multiples ipsarū æqualium A, B, eruntque D, E, æquales inter se. Capiatur rur-



sumus F, utcumque multiplex ipsius C. Quoniam igitur D, E, æquales sūt, fit ut utraque uel minor sit, quam F, uel æqualis, uel maior, iuxta quācunque multiplicationē

id fiat. Quare cum D, E, æque multiples primæ A, & B, tertiæ, minores sint ipsa F, multiplici secundæ & quartæ C, (est enim C, instar duarum magnitudinū, &c.) uel æquales, uel maiores; Erit ea proportio primæ A, ad C, secundæ, quæ tertiæ B, ad C, quartæ tam. Eodem pacto ostendemus F, uel minorem esse utraque D, E, uel utriusque æqualē, uel maiorem. Igitur cum F, multiplex primæ & tertiæ C, una deficiat a D, & E, æque multiplicibus secundæ A, & quartæ B; uel una æqualis sit, uel maior; Erit quoque ea proportio primæ C, ad secundam A, quæ tertiæ C, ad quartam B; quod est propositum. Possit breuius secunda hæc pars ostendi

6. defm. 5.

6. defm. 5.


per coroll. 4. propos. ex inuersa ratione . Cum enim ostensum iam sit esse A, ad C, ut B, ad C, erit contra C, ad A, ut C, ad B. Aequales ergo ad eandem, eandem habent rationem; Et eadem ad æquales, quod erat demonstrandum.

SCHOLI ON.

PERSPICVVM est, nihil posse in hac propos. colligi ex 6. defin. iuxta expositionem Campani ac Orontij. Neq; enim per demonstrationem constat, utraque multiplicem D, & E, eandem habere proportionem ad multiplicem F; sed solum, cum illa sint æquales, utramque esse uel minorem, uel æqualem, uel maiorem multiplici, F. Idemque cernitur in omnibus fere propositionibus, qua per 6. definitionem propositum colligunt.

EODEM fere modo ostendemus, æquales magnitudines ad alias inter se æquales, eandem habere rationem, si loco mul-

tiplicis F, sumantur dua æque multiplices. Sint enim tam A, & B, inter se æquales, quam C, & D, inter se. Di-



co esse A, ad C, ut B, ad D. Sumpris enim E, & F, æque multiplicibus ipsarum A, & B, primæ, & terciæ. Item G, & H, æque multiplicibus ipsarum C, & D, secundæ, & quartæ; Erunt tam E, & F, inter se æquales, quam G, & H, inter se, ut constat ex ijs, quæ in 1. lib. docuimus, cum axioma sextum explicaremus; quod E, & F, sint æqualium A, & B, æque multiplices, necnon G, & H, æque multiplices quoque æqualium C, & D. Quare si E, multiplex primæ deficiat a G, multiplici secundæ, etiam F, multiplex terciæ, ab H, multiplici quartæ deficiet; & si æqualis, æqualis; & si superat, superabit. Eadem ergo est proportio A, primæ ad C, secundam, quæ B, terciæ ad D, quartam, ex defin. 5. Quod est propositum.

THEOR. 8. PROPOS. 8.


8.

INÆQUALIVM magnitudinum maior ad eandem, maiorem rationem habet.

Y ber,

bet, quam minor : Et eadem ad minorem, maiorem rationem habet, quam ad maiore.

S I N T magnitudines inæquales , A B , maior , & C , minor ; Tertia autem quælibet D . Dico proportionem A B , ad D , maiorem esse proportionem C , ad D . At e converso , maiorem esse proportionem D , ad C , quam D , ad A B ; Intelligatur enim in A B , magnitudine maiore , magnitudo A E , æqualis minori C , ut sit reliqua E B ; Vtque deinde E B , A E , æqualiter multiplicetur , hac lege , ut G F , multiplex ipsius E B , maior quidem sit , quam D ; At H G ,



multiplex ipsius A E , non sit minor eadem D , sed uel maior , uel æqualis . Quoniam igitur duæ F G , G H , equales multiplices sunt duarum

1. quinti.

B E , E A ; erit & tota F H , ita multiplex totius A B , ut H G , ipsius A E , hoc est , ipsius C , cum æquales sint posita C , & A E : Capiatur quoque ipsius D , multiplex I K , quæ proxime maior sit , quam H G , nempe dupla . Quod si dupla maior non fuerit quam H G , sumatur tripla , uel quadrupla , &c . Abscissa ergo L K , quæ æqualis sit ipsi D , non erit I L , maior , quam H G , (alias I K , non erit multiplex ipsius D , proxime maior quam H G ; sed & I L , maior erit quam H G) & idcirco H G , erit uel æqualis ipsi I L , uel maior . Et quia F G , maior est posita quam D ; L K , uero æqualis eidem D ; erit quoque F G , maior quam L K ; Est autem H G , non minor , quàm I L , ut demonstratum est , sed uel æqualis , uel maior : Erit igitur tota F H , maior quam I K . Itaque cum F H , H G , sint æque multiplices primæ A B , & tertiæ C ; Atque I K , multiplex ipsius D , quæ instar est secundæ & quartæ ; sit autem F H , multiplex primæ , maior quàm I K , multiplex secundæ ; At H G , multiplex tertiæ non sit maior , quàm I K , multiplex quartæ , immo minor , ex hypothesi (sumpta enim est I K , multiplex maior quàm H G) erit maior proportio A B , primæ ad D , secundam , quàm C , tertiæ ad D , quartam .

8. defn. 5.

Q U O N I A M uero e contrario I K , multiplex primæ D , (ponitur

D, (ponitur enim nunc D, prima ac tertia; At C, secunda, & A B, quarta) maior est quam H G; multiplex secundæ C; At I K, multiplex tertiæ D, maior non est, quam F H, multiplex quartæ A B, immo minor, cum F H, maior sit, quam I K, ut ostensum est; Erit maior proportio D, primæ ad C, secundam, quam D, tertiæ ad A B, quartam: quod est propositum. Inæqualium igitur magnitudinum maior ad eandem, &c. Quod erat ostendendum.


8. defn. 5.

THEOR. 9. PROPOS. 9.

9.

QVAE ad eandem, eandem habent rationem, æquales sunt inter se: Et ad quas eadem eandem habet rationem, eæ quoq; sunt inter se æquales.

HABEANT primo A, & B, eandem rationem ad C; Dico A, & B, esse inter se æquales. Sit enim, si fieri potest, altera nempe A, maior & B, minor. Erit igitur maior proportio A, maioris ad C, quā B, minoris ad eandem C; quod est contra hypothefin. Non ergo inæquales sunt A, & B, sed æquales. Habeat secundo C, eandem proportionem ad A, & B; Dico adhuc A, & B, esse æquales. Nam si altera, nempe A, esset maior, & B, minor; haberet C, ad B, minorem, maiorem proportionem, quam ad A, maiorem: quod est contra hypothefin. Non igitur maior erit A, quam B, sed æqualis. Quæ igitur ad eandem, eandem habent rationem, &c. Quod demonstrandum erat.



8. quinti.

8. quinti.

THEOR. 10. PROPOS. 10.


10.

AD eandem magnitudinem rationem habentium, quæ maiorem rationem habet, illa maior est: Ad, quam autem eadem

Y 2 maiorem

maiolem rationem habet, illa minor est.

7. quinti.



8. quinti.



HABEAT primo A, ad C, maiolem proportionem, quam B, ad eandem C. Dico A, maiolem esse, quam B. Si enim A, foret ipsi B, æqualis, haberent A, & B, eandem proportionem ad C; Si autem A, minor esset, quam B, haberet B, maiolem ad C, maiolem proportionem, quam A, minor ad eandem C; quod est contra hypothesin. Non est igitur A, æqualis uel minor quam C, sed maior. Habeat secundo C, ad B, maiolem proportionem, quam ad A. Dico B, minorem esse, quam A. Non enim æqualis erit B, ipsi A; alioqui haberet C, eandem proportionem ad A, & B; quod est contra hypothesin. Neque uero B, maior erit quam A; alias haberet C, ad minorem A, maiolem proportionem quam ad B, maiolem quod magis est contra hypothesin. Minor igitur est B, quam A; quod est propositum. Ad eandem igitur magnitudinem rationem habentium, &c. Quod erat demonstrandum.

7. quinti.


8. quinti.

II.

THEOR. II. PROPOS. II.

QVAE eidem sunt eadem rationes, & inter se sunt eadem.

SINT proportiones A, ad B; & C, ad D, eadem proportioni E, ad F. Dico & proportiones A, ad B, & C, ad D, eandem esse inter se. Sumantur enim ad omnes antecedentes A, C, E, æque multiplices quecunque G, H, I; & ad omnes consequentes B, D, E, alia quecunque æque multiplices K, L, M. Quoniam igitur ponitur esse A, prima ad B, secundam, ut E, tertia ad F, quartam, & fit,



fit, ut si G, multiplex primæ deficit a K, multiplici secundæ, deficiat quoque I, multiplex tertiæ ab M, multiplici quartæ; Et si G, æqualis est ipsi K, uel maior, æqualis quoque sit I, ipsi M, uel maior: sed (ut eodem modo ostenditur) si I, minor est, quam M, uel æqualis, uel maior, est quoque H, minor, quam L, uel æqualis, uel maior, propterea quod ponitur esse E, prima ad F, secundam, ut C, tertia ad D, quartam. Quare si G, multiplex primæ A, deficit a K, multiplici secundæ B, deficiet quoque H, multiplex tertiæ C, ab L, multiplici quartæ D; Et si G, æqualis est, uel maior quam K, etiam H, æqualis erit, uel maior quam L. Idemque ostendetur accidere in quibuscunque æque multiplicibus. Quapropter erit A, prima ad B, secundam, ut C, tertia ad D, quartam. Quæ igitur eidem sunt eadem rationes, & inter se sunt eadem. Quod erat ostendendum.

6. defn. 5.

6. defn. 5.


6. defn. 5.

THEOR. 12. PROPOS. 12.

12.

SI sint magnitudines quotcunque proportionales; quemadmodum se habuerit una antecedentium ad unam consequentium, ita se habebunt omnes antecedentes ad omnes consequentes.


SINT quotcunque magnitudines A, B; C, D; E, F, proportionales, hoc est, sit A, ad B, ut C, ad D; & E, ad F. Dico ut est una antecedentium ad unam consequentium, nimirum A, ad B; ita esse omnes antecedentes simul A, C, E, ad omnes consequentes simul B, D, F. Sumpris enim G, H, I, æque multiplicibus antecedentium; & K, L, M, æque multiplicibus consequentium, erunt omnes G, H, I, simul omnium A, C, E, simul ita multiples, ut una unius, nempe ut G,



1. quini.

ipſius A ; & omnes K, L, M, ſimul omnium B, D, F, ſimul
ita multiplices, ut una unius, nimirum ut K, ipſius B. Quo-
niam uero ponitur eſſe A, prima ad B, ſecundam, ut C, ter-
tia ad D, quartam, & ut E, tertia ad F, quartam; ſit ut ſi G,

6. defn. 5.



æqualis eſt ipſi K, uel maior, æqualis quoque ſit H, ipſi L,
& I, ipſi M, uel maior. Quare ſi G, minor eſt, uel æqualis,
uel maior quam K, erunt & omnes G, H, I, omnibus K, L,
M, minores, uel æquales, uel maiores. Quocirca ut eſt A, pri-
ma ad B, ſecundam, ita erit A, C, E, tertia ad B, D, F, quartam.
Si ſint itaq; magnitudines quocunq; proportionales, &c.
Quod demonſtrandum erat.

6. defn. 5.

13.

THEOR. 13. PROPOS. 13.

SI prima ad ſecundam eandem habue-
rit rationem, quam tertia ad quartam; ter-
tia uero ad quartam maiorem rationem ha-
buerit, quam quinta ad ſextam: Prima quo-
que ad ſecundam maiorem rationem habe-
bit, quam quinta ad ſextam.


SIT A, prima ad B, ſecundam, ut C, tertia ad D, quar-
tam: ſit autem proportio C, tertiæ ad D, quartam maiorem,
quam E, quintæ ad F, ſextam. Dico & proportionem A,
primæ ad B; ſecundam eſſe maiorem quam E, quintæ ad
F, ſextam. Sumptis enim G, H, I, æque multiplicibus an-
tecedentium; Et K, L, M, æque multiplicibus conſequentium,
cum ſit A, prima ad B, ſecundam, ut C, tertia ad D,
quartam; ſit ut ſi G, multiplex primæ exceſſerit K, multi-
plicem ſecundæ, excedat quoque H, multiplex tertiæ ipſam

6. defn. 5.

L, multi

L, multiplicem quartæ, &c. At quando H, excedit ipsam L, non necessario I, excedit ipsam M, sed æqualis aliquando

8. defn. 5.



erit, ali-quando minor, quã maior po-natur proportio C, primæ ad D, secundam, quam E, tertiæ ad F, quartam. Igitur si G, excedit K, non necessario L, excedit M. Maior est ergo proportio A, primæ ad B, secundam, quam E, tertiæ ad F, quartam. Quam ob rem si prima ad secundam eandem habuerit rationem, quam tertia ad quartam, &c. Quod ostendendum erat.

8. defn. 5.

SCHOLIION.

QVOD si proportio C, tertiæ ad D, quartam minor fuerit, quam E, quintæ ad F, sextam; erit quoque proportio A, primæ ad B, secundam minor quam E, quintæ ad F, sextam. Si enim proportio C, ad D, minor est quam E, ad F, hoc est, proportio E, ad F, maior quam C, ad D; fit ut si I, excedit ipsam M, non necessario H, excedat ipsam L, sed aliquando deficiat, uel ei æqualis fit. Sed si H, deficit ab L, uel ei æqualis est, etiam G, deficiet a K, uel ei erit æqualis, eo quod ponatur C. prima ad D, secundam, ut A, tertiæ ad B, quartam. Quare si I, excedit ipsam M, non necessario G, excedet ipsam K; atq; idcirco maior erit proportio E, primæ ad F, secundam, quam A, tertiæ ad B, quartam, hoc est, proportio A, ad B, minor erit quam E, ad F, quod est propositum.

8. defn. 5.

8. defn. 5.


8. defn. 5.

EODEM modo. Si prima ad secundam, maiorem habuerit rationem, quam tertia ad quartam; tertia autem ad quartam, maiorem habuerit, quam quinta ad sextam: Prima quoque ad secundam, maiorem rationem habebit, quam quinta ad sextam.

QVOD si prima ad secundam, minorem habuerit rationem, quam tertia ad quartam; tertia autem ad quartam, minorem habuerit, quam quinta ad sextam: Prima quoque ad secundam, minorem rationem habebit, quam quinta ad sextam.

SIT proportio A, ad B, maior, quã C, ad D; & C, ad D, maior, quã E, ad F. Dico proportionem A, ad B, maiorem quoque esse,

quam E, ad F. Sit enim ut C, ad D, ita G, ad B, ita ut A, ad



13. quinti.

B, maiorem habeat rationem, quam G, ad B. Quo posito, erit ratio G, ad B, maior quam E, ad F; Cum igitur

ratio A, ad B, maior sit quam G, ad B; multo maior erit ratio A, ad B, quam E, ad F.

I AM vero, si proportio A, ad B, minor fuerit, quam C, ad D; & C, ad D, minor, quam E, ad F; demonstrabimus per ea, quæ in hoc scholio ostensa sunt, proportionem G, ad B, minorem esse quam E, ad F. Cum ergo proportio A, ad B, minor sit quam G, ad B; erit multo minor proportio A, ad B, quam E, ad F.


14.

THEOR. 14. PROPOS. 14.

SI prima ad secundam eandem habuerit rationem, quam tertia ad quartam; Prima uero quam tertia maior fuerit, erit & secunda maior quam quarta. Quod si prima fuerit æqualis tertiæ, erit & secunda æqualis quartæ: Si uero minor, & minor erit.

SIT A, prima ad B, secundam, ut C, tertia ad D, quartam. Dico si A, maior fuerit quam C, fore quoque B, maiorem quam D; Quod si A, æqualis fuerit ipsi C, æqualem quoque esse B, ipsi D; Si denique A, minor fuerit quam C, minorem quoque esse B, ipsi D. Sit primo A, maior quam

8. quinti.



C, eritque propterea proportio A, ad B, maior quam C, ad D, minoris ad eandem B. Quoniam igitur est C, prima ad D, secundam, ut A, tertia ad B, quartam; Proportio autem A, tertiæ ad B, quartam, maior est, ut ostendimus, quam C, quintæ ad B, sextam; Maior quoque erit proportio C, primæ ad D, secundam, quam C, quintæ ad


13. quinti.

B, sex-

B, sextam. Minor est ergo D, quam B; Ideoque B, maior erit quam D, quod est propositum.

SIT secundo A, æqualis ipsi C, eritque idcirco A, ad B, ut C, ad B. Quoniam igitur proportionem C, ad D, & C, ad B, eadem sunt proportioni A, ad B, erunt quoque inter se eadem proportionem C, ad D, & C, ad B; Ideoque æquales erunt B, & D, quod est propositum.

SIT tertio A, minor quam C, eritque ob hoc maior proportio C, maioris ad B, quam A, minoris ad B, eandem: Quoniam igitur est C, prima ad D, secundam, ut A, tertia ad B, quartam; est autem proportio A, tertia ad B, quartam minor, quam C, quinta ad B, sextam; Minor quoque erit proportio C, prima ad D, secundam, quam C, quinta ad B, sextam; Ideoque B, minor erit, quam D, quod est propositum. Si prima igitur ad secundam eandem habuerit rationem, &c. Quod erat demonstrandum.



THEOR. 15. PROPOS. 15. 15.

PARTES cum pariter multiplicibus in eadem sunt ratione, si prout sibi mutuo respondent, ita sumantur.

SINT partium A, & B, æque multiplices CD, & EF. Dico ita esse CD, ad EF, ut A, ad B. Cum enim CD, & EF, sint æque multiplices ipsarum A, & B; continebitur A, toties in CD, quoties B, in EF. Diuidat ergo CD, in partes CG, GH, HD, æquales ipsi



A; & EF, in partes EI, IK, KF, æquales ipsi B; eritque CG, ad EI, ut A, ad B, ex scholio propos 7. huius lib. quod CG, & A, æquales inter se sunt, nec non EI, & B. Eadem ratione erit GH, ad IK; & HD, ad KF, ut A, ad B; Ideoque

11. *quinti.* B; Ideoque CG, GH, HD, ad EI, IK, KF, eandem habebunt

C G H D E I K F

12. *quinti.*

A ————— B —————

CG, GH, HD, simul, ad omnes EI, IK, KF, simul, quod est propositum. Partes itaque cū pariter multiplicibus, &c. Quod erat demonstrandum.

proportionē. Quo circa ut CG, ad EI, hoc est, ut A, ad B, ita erit CD, ad EF, nempe omnes

16. THEOR. 16. PROPOS. 16.

SI quatuor magnitudines proportionales fuerint, & vicissim proportionales erūt.

SIT A, ad B, ut C, ad D. Dico vicissim, seu permutando, esse quoque A, ad C, ut B, ad D. Sumantur enim ipsarum A, B, æque multiples E, F; Item ipsarum C, D, æque multiples G, H; eritque E, ad F, ut A, ad B, cum E, & F, sint pariter multiples partium A, & B. Eadem ra-

15. *quinti.*

E ————— G —————
A ————— C —————
B ————— D —————
F ————— H —————

tionē erit G, ad H, ut C, ad D. Cum igitur proportionales E, ad F; & C, ad D, sint eadem proportioni A, ad

11. *quinti.*

B; erunt & ipsæ inter se eadem. Rursus quia proportionales E, ad F; & G, ad H, eadem sunt proportioni C, ad D, erunt & ipsæ eadem inter se, hoc est, ut est E, prima ad F, secundam, ita erit G, tertia ad H, quartam. Quare si E,

14. *quinti.*

6. *defn. 5.*


maior est quam G, uel æqualis, uel minor, erit quoque F, maior quam H, uel æqualis, uel minor, in quacunque multiplicatione. Est igitur A, prima ad C, secundam, ut B, tertia ad D, quartam (cum E, & F, sint æque multiples prima A, & tertia B; At G, & H, æque multiples C, secundæ, & D, quartæ, & illæ ab his una deficient, uel una æquales sint, uel una excedant, &c.) quod est propositum. Si quatuor igitur magnitudines proportionales fuerint, & vicissim proportionales erunt. Quod ostendendum erat.

SCHOLIION

Ex hoc & illud demonstrabitur.

SI prima ad secundam, eandem habuerit rationem, quam tertia ad quartam; prima uero, quam secunda, maior fuerit: Erit & tertia maior, quam quarta; Et si æqualis, æqualis; & si minor, minor.

SIT enim ut *A*, prima ad *B*, secundam, ita *C*, tertia ad *D*, quartam. Dico, si *A*, prima maior est, quam *B*, secunda; & *C*, tertiam maiorem esse quarta *D*; & si æqualis, equalem; & si minor, minorem. Erit enim permutando, ut *A*, ad *C*, ita *B*, ad *D*. Quare si *A*, maior est, quam *B*, erit *C*, maior, quam *D*; & si æqualis, æqualis; & si minor, minor. Quod est propositum.




16. quinti.
14. quinti.

THEOR. 17. PROPOS. 17.

17.

SI compositæ magnitudines proportionales fuerint, hæ quoque diuisæ proportionales erunt.


SINTE compositæ magnitudines *AB*, *CB*, & *DE*, *FE*, proportionales, hoc est, *AB*, ad *CB*, ut *DE*, ad *FE*. Dico & diuisas easdem proportionales esse, hoc est, ut est *AC*, ad *CB*, ita esse *DF*, ad *FE*. Ipsarum enim *AC*, *CB*, *DE*, *FE*, æque multiplices capiuntur eodem ordine *GH*, *HI*, *KL*, *LM*, eritque *GI*, ita multiplex ipsius *AB*, ut est *GH*, ipsius *AC*, hoc est,



1. quinti.
hoc est.

1. quinti.

hoc est, ut KL , ipse DF ; sed ut est multiplex KL , ipse DF , ita quoque multiplex est KM , ipse DE . Aequae multiplices ergo sunt GI , KM , ipsarum AB , DE : Capian-



tur rursus IN , MO , aequae multiplices ipsarum CB , FE . Quoniam igitur sic est multiplex HI , prima secundae CB , ut LM , tertiae quartae FE ; Itē tā est multiplex IN , quinta secundae CB , quā MO , sexta quartae FE .

2. quinti.

erit & HN , sic multiplex secundae CB , ut LO , multiplex est quartae FE . Itaque cum sit AB , prima ad CB , secundam, ut DE , tertia ad FE , quartam; sumptaeque sint aequae multiplices primae ac tertiae; Item secundae & quartae; sicut ut si GI , multiplex primae AB , deficit ab HN , multiplex secundae CB , etiam KM , multiplex tertiae DE , deficit ab LO , multiplici quartae FE ; & si aequalis, aequalis; & si excedit, excedat. Deficiat nunc GI , ab HN , & KM , ab LO . Ablatis ergo communibus HI , LM , deficiet quoque GH , ab IN , & KL , ab MO . Quod si GI , aequalis fuerit ipsi HN , & KM , ipsi LO , erit & GH , aequalis ipsi IN , & KL , ipsi MO . Et si GI , excesserit ipsam HN , & KM , ipsam LO ; excedet quoque GH , ipsam IN , & KL , ipsam MO . Quam ob rem cum GH , KL , sumptae sint aequae multiplices primae AC , & tertiae DF ; Item IN , MO , aequae multiplices secundae CB , & quartae FE , ostensumque sit, aequae multiplices primae & tertiae ab aequae multiplicibus secundae & quartae uel una deficere, uel una aequales esse, uel una excedere; Erit AC , prima ad CB , secundam, ut DE , tertia ad FE , quartam. quod est propositum. Si compositae igitur magnitudines proportionales fuerint, &c. Quod ostendendum erat.

6. defn. 5.

18.


THEOR. 18. PROPOS. 18.

SI diuisae magnitudines sint proportionales,

nales,

nales, hæ quoque compositæ proportionales erunt.

SINT diuise magnitudines $A C, C B, D F, F E$, proportionales, hoc est, $A C$, ad $C B$, ut $D F$, ad $F E$; Dico eas etiam compositas proportionales esse, ut $A B$, quidem ad $C B$, ita $D E$, ad $F E$. Sumantur enim, ut prius, ipsarum $A C, C B, D F, F E$, æque multiples $G H, H I, K L, L M$; Item ipsarum $C B, F E$, aliæ æque multiples $I N, M O$; eruntque rursus $G I, K M$, ipsarum $A B, D E$, æque multiples. Item $H N, L O$, ipsarum $C B, F E$, ceu in præcedenti Theoremate ostensum fuit. Quoniam uero ponitur esse $A C$, prima ad $C B$, secundam, ut $D F$, tertia ad $F E$, quartam; sumptæque sunt æque multiples primæ ac tertiæ; Item secundæ & quartæ; fit ut si $G H$, multiplex primæ deficit ab $I N$, multiplici secundæ, etiam $K L$, multiplex tertiæ deficit ab $M O$, multiplici quartæ; & si æqualis, æqualis; & si excedit, excedat. Deficiat nunc $G H$, ab $I N$, & $K L$, ab $M O$: additis igitur communibus $H I, L M$, deficiet quoque $G I$, ab $H N$, & $K M$, ab $L O$. Quod si $G H$, æqualis fuerit ipsi $I N$, & $K L$, ipsi $M O$, erit & $G I$, ipsi $H N$, æqualis, & $K M$, ipsi $L O$: Et si $G H$, excesserit ipsam $I N$, & $K L$, ipsam $M O$, excedet quoque $G I$, ipsam $H N$, & $K M$, ipsam $L O$. Quoniam ergo si $G I$, multiplex primæ $A B$, deficit ab $H N$, multiplici secundæ $C B$; etiam $K M$, multiplex tertiæ $D E$, deficit ab $L O$, multiplici quartæ $F E$; & si æqualis, æqualis, & si excedit, excedit; erit $A B$, prima ad $C B$, secundam, ut $D E$, tertia ad $F E$, quartam: quod est propositum. Itaque si diuise magnitudines sint proportionales, &c. Quod erat ostendendum.



1. quinti.

2. quinti.

6. defn. 5.

6. defn. 5.

THEOR.


19.

THEOR. 19. PROPOS. 19.


SI quemadmodum totum ad totum, ita ablatum se habuerit ad ablatum; & reliquum ad reliquum, ut totum ad totum, se habebit.

SI TOTA AB, ad totam CD, ut ablata AE, ad ablatam CF. Dico & reliquam EB, esse ad reliquam FD, ut est tota A, ad totam CD. Cum enim sit AB, ad CD, ut AE, ad CF, erit & permutando AB, ad AE, ut CD, ad CF. Dimidendo ergo erit EB, ad AE, ut FD, ad CF: quare permutando rursus erit EB, ad FD, ut AE, ad CF, hoc est ut tota AB, ad totam CD, cum posita sit AB, ad CD, ut AE, ad CF; Si igitur quemadmodum totum ad totum, &c. Quod demonstrandum erat.

16. quinti.



17. quinti.



16. quinti.

COROLLARIUM.

HINC facile demonstrabitur modus ille argumentandi in proportionibus, qui sumitur a conuersione rationis, iuxta 16. defin.

SI TOTA AB, ad EB, ut CD, ad FD; Dico per conuersionem rationis esse quoque AB, ad AE, ut CD, ad CF; Cum enim sit AB, ad EB, ut CD, ad FD; erit permutando AB, tota ad CD, tota ut EB, ablata ad FD, ablatam: ut igitur tota AB, ad totam CD, ita AE, reliqua ad CF, reliquam. Permutando ergo rursus erit AB, ad AE, ut CD, ad CF: quod est propositum.

16. quinti.

19. quinti.

16. quinti.

20.

THEOR. 20. PROPOS. 20.

SI sint tres magnitudines, & aliae ipsi æquales numero, quæ binæ & in eadem ratione sumantur; ex æquo autem prima, quæ tertia maior fuerit, erit & quarta, quam sex-

ta, maior. Quod si prima tertiæ fuerit æqualis, erit & quarta æqualis sextæ: sin illa minor, hæc quoque minor erit.

Si n r tres magnitudines A, B, C, & totidem D, E, F, sitque A, ad B, ut D, ad E; & B, ad C, ut E, ad F, sit autem primo A, prima maior quam C, tertia. Dico & D, quartam esse maiorem F, sexta. Cum enim A, maior sit quam C, erit maior proportio A, ad B, quam C, ad B; est autem ut A, ad B, ita D, ad E; maior igitur proportio quoque erit D, ad E, quam C, ad B; At ut C, ad B, ita F, ad E; (Cum enim sit B, ad C, ut E, ad F, erit conuertendo ut C, ad B, ita F, ad E,) maior igitur quoque proportio erit D, ad E, quam F, ad E; Quare D, maior erit, quam F; quod est propositum.

Si r secundo A, æqualis ipsi C; Dico & D, æqualem esse ipsi F. Cum enim A, sit ipsi C, æqualis, erit A, ad B, ut C, ad B; est autem ut A ad B, ita D, ad E; Igitur erit & D, ad E, ut C, ad B; At ut C, ad B, ita est F, ad E, per inuersam rationem, uti prius. Quare erit D, ad E, ut F, ad E; Ideoque æquales erunt D, & F; Quod est propositum.

Si r tertio A, minor quam C; Dico & D, minorem esse, quam F. Cum enim A, minor sit quam C, erit minor proportio A, ad B, quam C, ad B; sed ut A, ad B, ita D, ad E; Minor ergo proportio est D, ad E, quam C, ad B; Est autem conuertendo, ut prius, ut C, ad B, ita F, ad E; Igitur minor est proportio D ad E, quam F ad E; proptereaque D, minor erit quam F. Quod est propositum.

Si sint itaque tres magnitudines, & alix ipsi æquales numero, &c.

Quod erat ostendendum.



8. quinti.

13. quinti.

10. quinti.



7. quinti.

1. quinti.

9. quinti.



8. quinti.

10. quinti.

THEOR.

21. THEOR. 21. PROPOS. 21.

SI sint tres magnitudines, & alix ipsiſ
 æquales numero, quæ binæ, & in eadem ra
 tione ſumantur, fueritque perturbata ea
 rum proportio; ex æquo autem prima quæ
 tertia maior fuerit: erit & quarta, quam
 ſexta, maior. Quod ſi prima tertiæ fuerit
 æqualis, erit & quarta æqualis ſextæ; ſimil
 la minor, hæc quoque minor erit.

S I N T tres magnitudines A, B, C, & totidem D, E, F.
 Sitque earum proportio perturbata, hoc eſt, ſit ut A, ad B,
 ita E, ad F, & ut B, ad C, ita D, ad E; Sit autem primo A
 prima maior quam C, tertia. Dico & D,
 quartam eſſe maiorem ſexta F. Cum enim
 A, maior ſit quam C, erit maior proportio
 A, ad B, quam C, ad B; eſt autem ut A, ad
 B, ita E, ad F: Maior ergo proportio eſt E,
 ad F, quam C, ad B. Quoniam uero ut B,
 ad C, ita D, ad E, erit conuertendo ut C, ad B, ita E, ad
 F. Quare maior erit proportio E, ad F, quam E, ad D;
 Ideoque maior erit D, quam F; quod eſt propoſitum.

S I T ſecundo A, ipſi C, æqualis; Dico D, quoque ipſi
 F, eſſe æqualem. Cum enim A, ſit æqualis
 ipſi C, erit A, ad B, ut C, ad B; ſed ut A, ad
 B, ita eſt E, ad F: Igitur erit ut C, ad B, ita
 E, ad F; eſt autem, ex inuerſa ratione, ut
 C, ad B, ita E, ad D, ueluti prius. Igitur erit
 ut E, ad F, ita E, ad D; atque idcirco D, ipſi
 F, æqualis erit: quod eſt propoſitum.

S I T tertio A, minor, quam C; Dico & D, minorem
 eſſe quam F. Cum enim A, ſit minor quam C, erit minor
 proportio A, ad B, quam C, ad B; Vt autem A, ad B, ita
 E, ad F: minor eſt ergo proportio E, ad F, quam C, ad B.

Quoniam

8. quinti.



4. quinti.

10. quinti.

7. quinti.



9. quinti.

8. quinti.

Quoniam vero, vt ante, ex inuerfa ratione vt C. ad B, Ita E, ad D; erit quoque minor proportio E, ad F, quam E, ad D; ac propterea D, minor erit quam F; quod est propositum. Si igitur sint tres magnitudines, & alie ipsi æquales numero, &c. Quod ostendendum erat.




10. quinti.

THEOR. 22. PROPOS. 22. 22.

SI sint quotcunq; magnitudines, & alie ipsi æquales numero, quæ binæ in eadem ratione sumantur: Et ex æqualitate in eadem ratione erunt.

SINT quotcunq; magnitudines A, B, C, & alie totidem D, E, F, sitq; A, ad B, vt D, ad E; & B, ad C, vt E, ad F. Dico quoque ex æqualitate esse A, ad C, vt D, ad F; Sumptis enim ipsarum A, D, æquemultiplicibus G, H; Item ipsarum B, E, æquemultiplicibus I, K; Item ipsarum C, F, æquemultiplicibus L, M; cum sit A, prima ad B, secundam, vt D, tertia ad E, quartam; erit quoq; G, multiplex primæ ad I, multiplicem secundæ, vt H, multiplex tertiæ ad K, multiplicem quartæ. Eadem ratione, cum sit B, prima ad C, secundam, vt E, tertia ad F, quartam; erit I, multiplex primæ ad L, multiplicem secundæ, vt K, multiplex tertiæ ad M, multiplicem quartæ.



4. quinti.


Quoniam igitur sunt tres magnitudines G, I, L, & alie tres H, K, M, quæ binæ in eadem proportione sumuntur, sit vt si G. superat ipsam L, superet quoque H, ipsam M; Et si æqualis, æqualis; Et si deficit, deficiat. Itaq; cum G, H, æquemultiplices primæ A, & tertiæ D, vel deficiat vna ab L, M, æquemultiplicibus secundæ C, & quartæ F, vel vna æqualis

20. quinti.

Z les

6. defin. 5.

les sint, vel vna excedat, in quacūq; multiplicatione; Erit A, prima ad C, secundā vt D, tertiā ad F, quartā, qđ est oppositi.




Quod si fuerint plures magnitudines tribus, ita vt sit etiā C, ad N, vt F, ad O; Dico adhuc esse vt A, ad N, ita D, ad O. Cū autē sit ostēsum in tribus magnitudinibus, esse A, ad C, vt D, ad F, natur aut C, ad N, vt F, ad O; erunt tres magnitudines A, C, N, & aliæ tres D, F, O, quæ binæ in eadē rōne sumūtur: ergo æqualitate in tribus magnitudinibus ostēsa, rursus erit, vt A, ad N, ita D, ad O. Eodēq; modo idē ostēdetur in quinq; magnitudinib⁹, per quatuor; sicut in quatuor demonstratū fuit, per tres; Et sic de pluribus. Itaq; si sint quotcūq; magnitudines, &c. Quod erat ostendēdū.

23.

THEOR. 23. PROPOS. 23.

SI sint tres magnitudines, aliæq; ipsis æquales numero, quæ binæ in eadem ratione sumantur, fuerit autem perturbata earū proportio: Etiam ex æqualitate in eadem ratione erunt.



SINT tres magnitudines A, B, C, & aliæ tres D, E, F, sitq; perturbata earum proportio, hoc est, sit vt A, ad B, ita E, ad F; & vt B, ad C, ita D, ad E. Dico quoq; ex æqualitate esse vt A, ad C, ita D, ad F. Sumptis. n. ipsarū A, B, D, æquemultiplicibus G, H, I; Itē ipsarū C, E, F, æquemultiplicib⁹ K, L, M; Erit vt A, ad B, ita G, ad H, cum G, H, sint ipsarū A, B, æquemultiplices; At vt A, ad B, ita est E, ad F: Igitur vt G, ad H, ita est E, ad F. Sed vt E, ad F, ita est quoq; L, ad M, qđ L, M,

15. quinti.

11. quinti.

15. quinti.

L, M, sint ipsarū B, F, equemultiplices. Igitur erit vt G, ad H, ita L, ad M. Rursus quoniā est B, prima ad C, secūdā, ut D, tertia ad E, quartā; erit quoq; ut H, multiplex primæ ad K, multiplicē secundæ, ita L, multiplex tertiæ ad M, multiplicem quartæ. Quia igitur sunt tres magnitudines G, H, K, & aliæ tres I, L, M, quæ binæ in eadē rōne sumūtur, estq; earū proportio perturbata; fit ut si G, superat ipsā K, superet quoq; I, ipsam M; & si æqualis, æqualis; & si deficit, deficiat Itaq; cū G, L, æquemultiplices primæ A, & tertiæ D, a K, & M, æquemultiplicibus secūdæ C, & quartæ F, uel una deficiant, uel una æqualia sint, uel una excedant; erit ut A, prima ad C, secundam, ita D, tertia ad F, quartam.

Quod si fuerint plures magnitudines tribus, fueritq; earum proportio perturbata, ut si fuerit A, ad B, ut F, ad O; & B, ad C, ut F, ad F; & C, ad N, ut D, ad E. Dico adhuc esse ut A, ad N, ita D, ad O. Cum enim iam sit ostensum in tribus magnitudinibus, esse A, ad C, ut E, ad O; Ponatur autem esse ita C, ad N, ut D, ad E; erunt tres magnitudines A, C, N, & aliæ tres D, E, O, quæ binæ in eadem sumuntur proportione, estq; perturbata earum proportio: Ergo rursus ex æqualitate in tribus magnitudinibus ostensa, erit ut A, ad N, ita D, ad O. Eodemq; modo idem ostendetur in quinque magnitudinibus, per quatuor, sicut id in quatuor fuit demonstratum, per tres; Et sic de pluribus. Itaque si sint tres magnitudines, &c. Quod demonstrandum erat.


THEOR. 24. PROPOS. 24.

24.

SI prima ad secundam eandem habuerit rationem, quam tertia ad quartam; habuerit autem & quinta ad secundam eandem rationem, quam sexta ad quartam: Etiam composita prima cum quinta, ad secundam eandem habebit rationem, quam tertia cum sexta, ad quartam.

S I T A B, prima ad C, secundam, vt D E, tertia ad F, quartam; Item B G, quinta ad C, secundam, vt E H, sexta ad F, quartam. Dico ita esse A G, compositam ex prima ac quinta, ad secundam C, vt est D H, composita ex tertia & sexta, ad quartam F. Cum enim sit vt B G, ad C, ita E H,

4. quinti.



ad F; erit conuertendo vt C, ad B G, ita F, ad E H. Quoniam igitur est A B, ad C, vt D E, ad F; & C,

22. quinti.

ad B G, vt F, ad E H; erit ex æquali A B, ad B G, vt D E, ad E H: componendo igitur erit vt tota A G, ad B G, ita tota D H ad E H. Itaque cum rursus sit A G, ad B G, vt D H,

18. quinti.

ad E H; & B G, ad C, vt E H, ad F; erit ex æquali A G, ad C, vt D H, ad F, quod est propositum. Si prima igitur

22. quinti.

secundam eandem habuerit rationem, &c. Quod erat demonstrandum.

S C H O L I O N.

E O D E M fere modo ostendetur in omni genere proportionis id, quod Theorema sextum huius lib. demonstrauit in æquemultiplicibus magnitudinibus duntaxat. Videlicet.

Si duæ magnitudines ad duas magnitudines eandem habeant proportionem, & detractæ quedam habeant ad easdem eandem proportionem: & reliquæ ad easdem eandem proportionem habebunt.

H A B E A N T A G, D H, ad C, & F, eandem proportionem, hoc est, sit A G, ad C, vt D H, ad F. Item detractæ A B, D E, ad easdem C, F, eandem habeant proportionem, ita vt sit quoque A B, ad C, vt D E, ad F; Dico & reliquas B G, E H, eandem habere proportionem ad easdem C, F, hoc est, esse B G, ad C, vt E H, ad F. Cum enim sit vt A B, ad C, ita D E, ad F; erit conuertendo vt C, ad A B, ita F, ad D E. Quoniam igitur est A G, ad C, vt D H, ad F; & C, ad A B, vt F, ad D E; erit ex æqualitate A G, ad A B, vt D H, ad D E. Diuidendo ergo erit vt B G, ad A B, ita E H, ad D E.

4. quinti.

22. quinti.

17. quinti.


ad C, ita D E, ad F; erit conuertendo vt C, ad A B, ita F, ad D E. Quoniam igitur est A G, ad C, vt D H, ad F; & C, ad A B, vt F, ad D E; erit ex æqualitate A G, ad A B, vt D H, ad D E. Diuidendo ergo erit vt B G, ad A B, ita E H, ad D E.

Inaque cum rursus sit B G, ad A B, ut E H, ad D F; & A B, ad C, ut D E, ad F; erit ex equali B G, ad C, ut E H, ad F. 22. quinti.
 Quod est propositum.

THEOR. 25. PROPOS. 25. 25.

SI quatuor magnitudines proportionales fuerint: maxima & minima reliquis duabus maiores erunt.

SIT A B, ad C D, ut E, ad F, sitq; A B, omnium maxima, & F, minima. Dico duas A B, & F, simul esse maiores duabus C D, & E, simul. Auferatur enim ex A B, magnitudo A G, æqualis ipsi E; & ex C D, alia C H, æqualis ipsi F; Erit igitur A G, ad C H, ut E, ad F, hoc est,



ut A B, ad C D. Quare cum sit tota A B, ad totam C D, ut ablata A G, ad ablatam C H; erit quoq; ut tota A B, ad totam C D, ita reliqua G B, ad reliquam H D. Est autem A B, (cum sit omnium maxima) maior, quam C D: Igitur & G B, maior erit quam H D. Quoniam vero A G, & E, æquales sunt; si ipsis addantur æquales F, & C H; fiet A G, & F, simul æquales ipsi E, & C H, simul. Additis igitur inæqualibus G B, & H D, fiet A B, & F, simul maior quam E, & C D, simul, cum G B, sit maior quam H D. Quod est propositum. Si ergo quatuor magnitudines proportionales fuerint, &c. Quod erat demonstrandum. 19 quinti.

SCHOLIUM. 19


NECESSSE est autem, si antecedens magnitudo unius proportionis fuerit omnium maxima, consequentem alterius esse omnium minimam, ceu in proposito exemplo cernere licet. Cum enim sit ut A B, ad C D, ita E, ad F; & A B, maior quam E; erit quoq; C D, maior quam F. Item quia maior est A B, quam C D, erit quoque E, maior quam F. Quod se contrario 14. quinti.

Z 3 antece-

antecedens vnius proportionis fuerit omnium minima, erit consequens alterius omnium maxima, vt constat, si dicatur esse F , ad E , vt CD , ad AB . Debent quoque omnes quatuor magnitudines esse eiusdem generis, alias non posset vna magnitudo componi ex maxima & minima; immo neq; ex reliquis duabus. Addit hoc in loco Federicus Commandinus theorema aliud huic 25. non multum dissimile, videlicet.

SI tres magnitudines fuerint proportionales: Maxima & minima maiores erunt quam dupla reliquæ.

SIT vt A , ad B , ita B , ad C . Sit A , maxima, & C , minima. Dico A , & C , simul maiores esse dupla ipsius B . Sumpta enim D , ipsi B , equalis, erit, vt A , ad B , ita D , ad C . Igitur A ,



& C , simul maiores erunt, quam B , & D , simul, vt proxime demonstratum est, hoc est, quã dupla ipsius B . Quod est propositum.

HIC finem Euclides imponit quinto libro; Verum quia Campanus, & nonnulli alij adiciunt alias quasdam propositiones, quibus sæpe numero grauissimi scriptores, vt Archimedes, Apollonius, Ioannes Regiomontanus, & alij vtiuntur, easque quasi essent Euclidis, citant; placuit eas huic quinto libro annexere, & maxima, qua fieri potest, breuitate demonstrare, nec non in numerum, ac seriem propositionum Euclidis referre. Omnes autẽ traduntur de magnitudinibus impropotionalibus, quarum prima hec est.

26.

THEOR. 26. PROPOS. 26.

SI prima ad secundam habuerit maiorem proportionem, quam tertia ad quartã: habebit cõuertẽdo secũda ad primã minorem proportionẽ, quã quarta ad tertiam.


HABEAT A , ad B , maiorem proportionẽ, quã C , ad D . Dico proportionẽ B , ad A , minorem esse proportionẽ D , ad C . Intel.

Intelligatur. n. esse E, ad B, vt C, ad D; eritq; proportio A, ad B, maior quoq; quā E, ad B; ac propterea A, maior erit quā E; Quare minor erit proportio B, ad A, maiore quā B, ad E, minore; Sed ut est B, ad E, ita est conuertendo D, ad C. Igitur proportio B, ad A, minor est quoque, quam D, ad C; quod est propositum.

10. quinti.
8. quinti.
4. quinti.

SCHOLION.

EODEM fere modo demonstrabim⁹, si prima ad secundā habuerit minore proportionē, quā tertia ad quartam, conuertendo maiore esse proportionē secundā ad primā, quā quartā ad tertiā; dñimodo vocem maioris mutemus in vocem minoris, & contra.



SIT enim minor proportio A, ad B, quā C, ad D. Dico conuertendo, B, ad A, maiore habere proportionē, quā D, ad C. Intelligatur enim esse E, ad B, vt C, ad D; Eritq; proportio A, ad B, etiā minor, quā E, ad B; ac propterea A, minor erit, quā E. Quare maior erit proportio B, ad A, minore, quā B, ad E, maiore. Sed vt B, ad E, ita est conuertendo D, ad C. Igitur & proportio B, ad A, maior est, quam D, ad C. Quod est propositum.

10. quinti.
8. quinti.

THEOR. 27. PROPOS. 27.

27.

SI prima ad secundam habuerit maiore proportionē, quā tertia ad quartam: Habebit quoq; vicissim prima ad tertiā maiore proportionē, quā secunda ad quartam.


HABEAT A, ad B, maiorem proportionem, quam C, ad D. Dico permutando maiore esse quoque proportionem A, ad C, quā B, ad D. Intelligatur nāq; esse E, ad B, ut C, ad D, eritq; proportio A, ad B, maior etiam quā E, ad B; Ideoq; A, maior erit quam E. Quare maior erit proportio A, ad C, quam E, ad C: Quoniam vero permutando, est vt B,

10. quinti.
8. quinti.

Z 4 ad C,

16. quinti. ad C, ita B, ad D; (cum posita sit E, ad B, ut C, ad D.) Igitur proportio A, ad C, maior quoque erit quam B, ad D, quod est propositum.

SCHOLIUM.



SIMILITER ostendimus, si prima ad secundam minorem habuerit proportionem, quam tertia ad quartam, vicissim prima ad tertia minorem esse proportionem, quam secunda ad quartam.


SIT namque minor proportio A, ad B, quam C, ad D. Dico permutando, minorem quoque esse proportionem A, ad C, quam B, ad D. Intelligatur enim esse E, ad B, ut C, ad D; eritque proportio A, ad B, minor quoque, quam E, ad B; ac propterea A, minor erit, quam E. Quare minor erit proportio A, ad C, quam E, ad C. Sed permutando, ut E, ad C, ita B, ad D. (cum posita sit E, ad B, ut C, ad D.) Igitur proportio A, ad C, minor quoque erit, quam B, ad D. Quod est propositum.

28.

THEOR. 28. PROPOS. 28.

SI prima ad secundam habuerit maiorem proportionem, quam tertia ad quartam. : Habebit quoque composita prima cum secunda, ad secundam maiorem proportionem, quam composita tertia cum quarta, ad quartam.

SIT maior proportio A B, ad B C, quam D E, ad E F. Dico & componendo maiorem esse proportionem A C, ad B C, quam D F, ad E F. Intelligatur enim esse G B, ad B C,



ut D E, ad E F; eritque proportio A B, ad B C, maior quoque, quam G B, ad B C; Ideoque A B, maior quam G B. Addita ergo communis B C,

10. quinti.


B C,

BC, fiet A C, maior quam G C; maiorq; propterea erit pro-
 portio A C, ad B C, quam G C, ad B C; Sed componendo,
 ut est G C, ad B C, ita est D F, ad E F; (quod posita sit GB,
 ad B C, ut D E, ad E F,) Maior ergo etiam erit proportio
 A C, ad B C, quam D F, ad E F, quod est propositum .

8. quinti
 18. quinti.

SCHOLIUM.

EADEM ratione ostendemus, & pro-
 portio prima ad secundam minor fuerit,
 quam tertia ad quartam, minorem quo-
 que esse proportionem primam & secunda
 simul, ad secundam, quam tertia & quar-
 ta simul, ad quartam .



SIT minor proportio A B, ad B C, quam D E, ad E F. Di-
 co & componendo minorem esse proportionem AC, ad B C, qua
 D F, ad E F. Intelligatur enim esse G B, ad B C, ut D E, ad E F;
 eritq; proportio A B, ad B C, minor quoque quam G B, ad B C;
 ideoq; A B, minor erit, quam G B. Addita ergo communi B C,
 fiet A C, minor, quam G C; minorq; propterea erit propor-
 tio A C, ad B C, quam G C, ad B C. Sed componendo, ut G C, ad
 B C, ita est D F, ad E F. (quod posita sit G B, ad B C, ut D E, ad
 E F.) Minor ergo etiam erit proportio A C, ad B C, quam
 D F, ad E F. quod est propositum .

10. quinti.
 8. quinti.

THEOR. 29. PROPOS. 29.


29.

SI composita prima cum secunda ad se-
 cundam maiorem habuerit proportionem,
 quam composita tertia cum quarta ad quar-
 tam: Habebit quoque diuidendo prima ad
 secundam maiorem proportionem, quam
 tertia ad quartam .

SIT maior proportio A C, ad B C, quam D F, ad E F.
 Dico & diuidendo maiorem esse proportionem A B, ad B C,
 quam


quam DE, ad EF. Intelligatur enim esse GC, ad BC, ut DF, ad EF; eritque proportio AC, ad BC, maior quoque
 10. quinti. proportione GC, ad BC; ideoque maior erit AC, quam GC. Ablata ergo communi BC, maior erit AB, quam GB;
 8. quinti. Ac propterea maior erit proportio AB, ad BC, quam GB, ad BC; sed dividendo, ut est GB, ad BC, ita est DE, ad EF; (Posita namque est GC, ad BC, ut DF, ad EF.) Igitur maior quoque erit proportio AB, ad BC, quam DE, ad EF. quod est propositum.

17. quinti.



SCHOLIUM.


QVOD si prima cum secunda ad secundam, minorem proportionem habuerit, quam tertia quarta, ad quartam; habebit et dividendo prima ad secundam, proportionem minorem, quam tertia ad quartam; ut eodem modo potest ostendi, si modo verum maioris ubique mutet in vocem minoris, & contra, eum precedentibus factum est.



30. THEOR. 30. PROPOS. 30.

SI composita prima cum secunda, ad secundam habuerit maiorem proportionem, quam composita tertia cum quarta, ad quartam: Habebit per conversionem rationis, prima cum secunda ad primam, minorem proportionem, quam tertia cum quarta, ad tertiam.

29. quinti.




SIT maior proportio AC, ad BC, quam DF, ad EF. Dico per conversionem rationis, minorem esse proportionem AC, ad AB, quam DF, ad DE. Cum enim sit AC, ad BC,

A C, ad B C, maior proportio, quam D F, ad E F; erit & diuidendo maior proportio A B, ad B C, quam D E, ad E F. Quare conuertendo minor erit proportio B C, ad A B, quam E F, ad D E; Ac propterea & componendo, minor erit proportio totius A C, ad A B, quam totius D F, ad D E. Quod est propositum.

29. quinti.
26. quinti.
28. quinti.

SCHOLIUM.

NON dissimili ratione ostendemus, si composita prima cum secunda minorem habuerit proportionem ad secundam, quam composita tertia cum quarta ad quartam, per conuersionem rationis, maiorem esse proportionem prima & secunde ad primam, quam tertia & quarta ad tertiam: dummodo ubique pro voce maioris reponamus vocem minoris.




THEOR. 31. PROPOS. 31. 31.

SI sint tres magnitudines, & alia ipsi æquales numero, sitq; maior proportio primæ priorum ad secundam, quam primæ posteriorum ad secundam; Item secundæ priorum ad tertiam maior, quam secundæ posteriorum ad tertiam: Erit quoque ex æqualitate maior proportio primæ priorum ad tertiã, quam primæ posteriorum ad tertiã.

SINT tres magnitudines A, B, C, & alię tres D, E, F, sitq; maior proportio A, ad B, quam D, ad E; Item maior B, ad C, quam E, ad F. Dico ex æqualitate maiorem quoque esse A, ad C, quam D, ad F. Intelligatur enim esse G, ad C, ut E, ad F; eritq; propterea proportio B, ad C, maior quam G, ad C; Ideoq; B, maior quã G. Quare maior erit pro-

10. quinti.




proportio A, ad G, minor em quam A, ad B, maiorem; Ponitur autem proportio A, ad B, maior quam D, ad E: Multo ergo maior erit proportio A, ad G, quam D, ad E. Intelligatur rursus esse H, ad G, ut D, ad E; eritque propterea maior proportio A, ad G, quam H, ad G; Ideoque A, maior erit, quam H. Quare maior quantitas A, ad C, habebit maiorem proportionem, quam minor quantitas H, ad eandem C; Atqui ut H, ad C, ita est ex æqualitate D, ad F (quoniam ut D, ad E, ita est H, ad G; & ut E, ad F, ita G, ad C.) maior ergo proportio quoque est A, ad C, quam D, ad F. Quod est propositum.

8. quinti.

22. quinti.

SCHOLIUM.



EADEM ratione ostendemus, si fuerit proportio A, ad B, quæ D, ad E; At B, ad C, maior quam E, ad F: Vel contra, si proportio A, ad B, fuerit maior quam D, ad E; At B, ad C, eadem, quæ E, ad F; ex æqualitate maiorem esse quoque proportionem A, ad C, quam D, ad F, ceu in proposita figura cernere licet.

NON dissimiliter demonstrabimus, si proportionum priorum magnitudinum minores fuerint, etiam proportionem extremarum esse minorem.

QUOD si plures fuerint magnitudines tribus, ostendimus maiorem vel minorem quoque esse proportionem primæ priorum ad ultimam, quam primæ posteriorum ad ultimam, eadem methodo, quam propos. 22. tradidimus.

32. THEOR. 32. PROPOS. 32.

SI sint tres magnitudines, & aliae ipsiis æquales numero, sitque maior proportio primæ priorum ad secundam, quam secundæ post-

posteriorum ad tertiam; Item secundæ priorum ad tertiam maior, quam primæ posteriorum ad secundam: Erit quoq; ex æqualitate, maior proportio primæ priorum ad tertiam, quam primæ posteriorū ad tertiam.

SINTE tres magnitudines A, B, C, & aliæ tres D, E, F, sitq; maior proportio A, ad B, quam E, ad F; Item maior B, ad C, quam D, ad E. Dico esse quoque maiorem proportionem ex æqualitate A ad C, quam D, ad F. Intelligatur enim esse G, ad C, ut D, ad E; A ——— D ———
eritq; propterea proportio B, B ——— E ———
ad C, maior, quam G, ad C; C ——— F ———
Ideoq; maior erit B, quam G. G ———
Quare maior erit proportio H ———

A, ad G, minorem, quam eiusdem A, ad B, maiorem: est autem proportio A, ad B, maior quam E, ad F. Multo ergo maior erit proportio A, ad G, quam E, ad F. Intelligatur rursus esse H, ad G, ut E, ad F; Eritq; propterea maior proportio A, ad G, quam H, ad G; ideoq; maior erit A, quam H. Quocirca A, maior ad C, maiorem habebit proportionē, quam H, minor ad eandem C: At v. H, ad C, ita est ex æqualitate D ad F, (Quoniam ut D, ad E, ita est G, ad C; & ut E, ad F, ita est H, ad G,) Maior ergo etiam est proportio A, ad C, quam D, ad F. Quod est propositum.

10. quinti.
8. quinti.

10. quinti.
8. quinti.

23. quinti.

SCHOLIUM.

EADDEM ratione, si fuerit A ——— D ———
proportio A, ad B, que E, ad B, B ——— E ———
F; At B, ad C, maior quam D, C ——— F ———
ad E. Vel cōtra, si proportio A, G ———
ad B, maior quam E, ad F; At H ———
B, ad C, eadem, que D, ad E; ostendemus, ex æqualitate maiorem esse proportionem A, ad C, quam D, ad F, ut in proposita figura perspicitur.

HAVD secus ostendemus, si proportionēs priorum magnitudinum

tudinū minores fuerint, etiā extremarū pportioniē esse minorē.


QVOD si fuerint plures magnitudines tribus, demon-
strabimus, maiorem quoque vel minorem esse proportionem pri-
mæ priorum ad ultimam, quam primæ posteriorum ad ultimā,
ea arte, qua vsi sumus propos. 23. &c.

33. THEOR. 33. PROPOS. 33.

SI fuerit maior proportio totius ad to-
tum, quam ablati ad ablatum: Erit & reli-
qui ad reliquum maior proportio, quam
totius ad totum.

SIT maior proportio totius A B, ad totam C D, qui
ablata A E, ad ablatam C F. Dico & proportionem reli-
quæ E B, ad reliquam F D, maiorem esse, quam totius A B,
ad totam C D. Cum enim maior sit proportio A B, ad C D,

27. quinti.



quam A E, ad C F, erit quo-
que permutando maior prop-
portio A B, ad A E, quā C D,
ad C F; ac propterea, per con-

30. quinti.

27. quinti.

uersionem rationis, minor erit proportio A B, ad E B, quā
C D, ad F D. Permutando igitur, minor quoque erit prop-
portio A B, ad C D, quam E B, ad F D; hoc est, E B, reli-
qua ad reliquam F D, maiorem habebit proportionem,
quam tota A B, ad totam C D. quod est propositum.

QVOD si tota ad totam habuerit minorem propor-
tionem, quam ablata ad ablatam, habebit & reliqua ad re-
liquam minorem proportionem, quam tota ad totam, ut
ex modo demonstrandi liquet.

34 THEOR. 34. PROPOS. 34.

SI sint quotcunq; magnitudines, & alia
ipsis æquales numero, sitq; maior propor-
tio primæ priorum ad primam posteriōrū,
quam

quam secundæ ad secundam; & hæc maior, quam tertiæ ad tertiam, & sic deinceps: Habebunt omnes priores simul ad omnes posteriores simul, maiorem proportionem, quam vltima priorum ad vltimam posteriorum; Item maiorem, quam omnes priores, relicta prima, ad omnes posteriores, relicta quoque prima; minorem auté, quam prima priorum ad primam posteriorum.

SINT tres magnitudines A, B, C, & aliæ tres, D, E, F; Sit aut maior proportio A, ad D, quã B, ad E; Itẽ maior B, ad E, quã C, ad F. Dico pportionẽ ipsarũ A, B, C, simul, ad ipsas D, E, F, simul maiorẽ esse proportionẽ C, ad F, & proportionẽ ipsarũ B, C, simul, ad ipsas E, F, simul, minorẽ vero proport. one A, ad D. Cũ n. maior sit proportio A, ad D, quã B, ad E; erit permutando maior A, ad B, quã D, ad E. Igitur cõponẽdo ma-



ior erit proportio ipsarũ A, B, simul ad B, quã ipsarũ D, E, simul ad E: pmutãdo ergo rursus, maior erit proportio A, B, simul ad D, E, simul quã B, ad E. Itaq; cũ tota A, B, ad totã D, E, maiorẽ habeat pportionẽ, quã ablata B, ad ablatã E; habebit quoq; reliqua A, ad reliquã D, maiorem pportionẽ, quã tota A, B, ad totã D, E. Eadẽ rõne, maior erit pportio B, ad E, quã totius B, C, ad totã E, F. Multo ergo maior erit pportio A, ad D, quã B, C, totius ad totã E, F. Permutãdo igitur, maior erit pportio A, ad B, C, quã D, ad E, F; & cõponẽdo ergo maior est pportio totius A, B, C, ad B, C, quã totius D, E, F, ad E, F; Et rursus pmutãdo maior pportio oĩum A, B, C, simul ad cõs D, E, F, simul, quã B, C, ad E, F; qđ est secũdũ. Itaq; cũ sit maior pportio totius A, B, C, ad totã D, E, F, quã ablatæ B, C, ad ablatã E, F; erit & maior pportio reliquæ A, ad reliquã D, quã totius A, B, C, ad totã D, E, F, qđ est tertiũ. Quoniam vero maior est pportio B, ad E, quam C, ad F; erit permutando maior


27. quinti.
28. quinti.
27. quinti.
33. quinti.
27. quinti.
28. quinti.
27. quinti.
33. quinti.
7. quinti.

quoque

28. *quinti.*
27. *quinti.*

quoque B, ad C, quam E, ad F; & componendo maior totius B C, ad C, quam totius E, F, ad F; & rursus permutando maior B C, ad E, F, quam C, ad F. Est autem maior proportio A, B, C, ad D, E, F, ut ostendimus, quam B, C, ad E, F. Multo ergo maior erit proportio omnium A, B, C, ad omnes D, E, F, quam ultimæ C, ad ultimam F; quod est primum.

Q V O D si fuerint quatuor magnitudines utrobique; citæ de hypothese, hoc est, si sit quoque maior proportio C, ad F, quàm G ad H; eadẽ consequentur. Vt. n. iam in tribus est ostensum, maior est proportio



18. *quinti.*
27. *quinti.*
33. *quinti.*

B, C, G, quam D, ad E, F, H; & componendo maior A, B, C, G, ad B, C, G, quam D, E, F, H, ad E, F, H; & permutatio A, B, C, G, ad D, E, F, H, maior quàm B, C, G, ad E, F, H, quod est secundum. Itaque cum sit maior proportio totius A, B, C, G, ad totam D, E, F, H, quam ablatæ B, C, G, ad ablatam E, F, H; erit & reliquæ A, ad reliquam D, maior proportio, quam totius A, B, C, G, ad totam D, E, F, H; quod est tertium. Quoniam vero ut in tribus est demonstratum, maior est proportio B, C, G, ad E, F, H, quam G, ad H; & maior A, B, C, G, ad D, E, F, H, quam B, C, G, ad E, F, H, ut fuit ostensum; multo maior erit proportio A, B, C, G, ad D, E, F, H, quam ultimæ G, ad ultimam H; quod est primum. Eadem arte concludes, eadem consequi in quinque magnitudinibus per quatuor; & in sex per quinque; & in septem, per sex; &c. quemadmodum ostendimus in quatuor, per tres. constat ergo totum Theorema, &c.

FINIS ELEMENTI QVINTI.



E V C L I D I S

ELEMENTVM VI.



DEFINITIONES.

I.


SIMILES figuræ rectilineæ sunt, quæ & angulos singulos singulis æquales habēt, atque etiam latera, quæ circum angulos æquales, proportionalia.



*T*riangula ABC , DEF , similia dicentur, si fuerint æquiangula, ita ut angulus A , angulo D ; & B , ipsi E ; & C , ipsi F , æqualis sit; Itē latera circa æquales angulos proportionalia, hoc est, ut AB , ad AC , ita DE , ad DF ; & ut AB , ad BC , ita DE , ad EF ; & ut AC ,

ad CB , ita DF , ad FE .

*Q*UOD si anguli unius æquales fuerint angulis alterius, singuli singulis, at latera circa æquales angulos non proportionalia, aut contra; non dicentur tales figuræ similes. Ex quibus constat, omnes figuras rectilineas æquiangulas et æqui lateras, quæ & angulos & latera habent numero æqualia, esse similes, quamuis inter se maxime sint inæquales. Cuiusmodi sunt triangula æquilatera GHI , KLM . Propter laterum enim æquali-



A a


tatem

tatem, erit GH , ad GI , ut KL , ad KM ; Item GH , ad HI , ut KL , ad LM ; & GI , & IH , ut KM , ad ML , cum semper sit proportio equalitatis. Idem dicendum est de quadrato, pentagono aequaliteri & equiangulis, nec non de hexagono, heptagono, octogono, & de alijs id genus figuris rectilinis equiangulis, atque aequaliteri.

II.

RECIPROCAE autem figurae sunt, cum in utraque figura antecedentes & consequentes rationum termini fuerint.

UT si in parallelogrammis $ABCD$, $EFGH$, latera AB , BC , ita proportionalia fuerint lateribus EF , FG , ut uterque sit & antecedens,



& consequens, diuersarum proportionum, hoc est, ut sit ea proportio AB , ad EF , quae FG , ad BC ; sic AB , ad FG , ut EF , ad BC ; (utroque enim


modo AB , est antecedens unius proportionis & BC , consequens alterius, in figura $ABCD$; quemadmodum & primo modo EF , est consequens unius, & FG , antecedens alterius, uel secundo modo FG , consequens, & EF , antecedens, in figura $EFGH$.) dicentur huiusmodi parallelogramma reciproca, quamuis similia non sint. Similiter erunt triangula IKL , MNO ; reciproca, si fuerit ut IK , ad MN , ita MO , ad IL ; uel ut IK , ad MO , ita MN , ad IL .

III.

SECUNDVM extremam, & mediam rationem recta linea secta esse dicitur,

cum ut tota ad maius segmentum, ita maius ad minus se habuerit.

Si linea recta quavis AB , ita dividatur in C , inequaliter, ut sit, quemadmodum tota AB , ad maius segmentum AC , ita AC , maius segmentum ad CB , minus segmentum; dicitur diuisa esse secundum extremam, & mediam rationem. Quam quidem diuisionem docebit Euclides propos. 30. huius lib. eamq; sub alijs uerbis iam docuit lib. 2. propos. 11. ut fiet perspicuum propos. 30. huius lib. Sunt autem pene innumera dignitates, atque utilitates lineæ hoc modo diuise, ceu ex libris Stereometria constabit, præsertim lib. 13. ut non immerito a quibusdam dicta sit diuina proportio, in quam linea est diuisa.



III.

ALTITUDO cuiusque figuræ est linea perpendicularis a uertice ad basin ducta.

Si a uertice A , trianguli ABC , ad basin BC , perpendicularis ducatur AG ; dicitur hæc perpendicularis, altitudo trianguli ABC ; ita ut tantam dicatur habere altitudinem dictum triangulum, quanta est perpendicularis AG . Sic etiam perpendicularis DH , ducta a D , uertice trianguli DEF , ad basin EF , ad partes E , protractam, appellabitur altitudo trianguli DEF . Vnde si duarum figurarum perpendiculares a uerticibus ad bases, (sive hæc protractæ sint, sive non) demissæ fuerint æquales, eandem dicentur huiusmodi figuræ habere altitudinem. Tunc autem dictæ perpendicularæ erunt æquales, cum bases figurarum, ac uertices in eisdem constituti fuerint parallelis, cuiusmodi sunt perpendicularæ AG , DH , triangulorum ABC , DEF , in eisdem parallelis constitutorum. Cum enim anguli AGH , DHG ,



Aa 2 interni

28. primi.

interni ex eadem parte sint duobus rectis aequales, immo duo recti; erunt rectae AG, DH , parallelae; sunt autem & $AD,$



34. primi.

GH , parallela, eo quod ponantur triangula in eisdem esse parallelis constituta. Igitur parallelogrammum erit $ADHG$; ac propterea latera opposita AG, DH , aequalia erunt. Eundem igitur dicitur dicta triangula habere altitudinem. Quod si in eisdem triangulis vertices ponantur C , & F , basi vero AB , & DE ; non habebunt eandem altitudinem. Perpendicularis enim ducta ex F , ad basin DE , protractam aequalis non est perpendiculari ex C , ad basin AB , deductae, cum utriusque triangula ipsa in eisdem parallelis possint constitui, ut manifestum est.

RECTE vero ab Euclide altitudo figura cuiusvis definita est per lineam perpendicularem, quae a vertice ad basin ducitur: quoniam, ut scribit Prolemus in libello de Analemmate, & referente simplicio, in libro de dimensione, mensura cuiuscunque rei debet esse statuta, determinataque & non indeterminata: Inter omnes autem rectas lineas, praeter quas merito Geometrae, sicut & vulgus, omnia metiuntur, sola linea perpendicularis certa est, determinataque longitudinis, aliae autem omnes interte indeterminataeque. Qua de re plura scripsimus ad initium commentariorum, quos in sphaeram Ioan. de sacro bosco edidimus.

V.

RATIO ex rationibus componi dicitur, cum rationum quantitates inter se multiplicatae, aliquam effecerint rationem.

QUONIAM denominator cuiuslibet proportionis exprimit, quanta sit magnitudo antecedens ad consequentem; (ut denominator quadruplae proportionis, nempe 4. ostendit, in qua vis proportione quadrupla antecedentem magnitudinem quater continere consequentem; denominator vero proportionis subqua-

subquadrupla uidelicet $\frac{7}{4}$. indicat antecedentem esse partem quam am consequentis, &c.) dici solet propterea denominator a Geometris, quantitas proportionis; ut idem significet quantitas alicuius proportionis, quod denominator. Vult igitur in hac definitione Euclides, proportionem aliquam ex duobus, uel pluribus proportionibus componi, quando harum denominatores, seu quantitates inter se multiplicatae effecerint illam proportionem, seu (ut uertit Zambertus) effecerint illius proportionis quantitatem, siue denominatorem. Vt proportio duodecupla componi dicitur ex dupla & secupla; quoniam denominator proportionis duodecuplae, nimirum 12. producitur ex multiplicatione denominatoris duplae proportionis, nempe ex 2. in denominatorem secuple, hoc est, in 6. Sic eadem proportio duodecupla dicitur componi ex tripla & quadrupla. Nam ex multiplicatione 3 in 4. producuntur eadem 12. denominator scilicet duodecuplae proportionis. Eadem ratione proportio trigecupla componi dicitur ex dupla, tripla, & quincupla. Nam harum denominatores 2. 3. 5. inter se multiplicati gignunt 30. denominatorem illius.



PORRO quemadmodum in magnitudinibus continue proportionalibus, proportio prima ad ultimam componi dicitur ex proportionibus prima ad secundam, & secunda ad tertiam, & tertia ad quartam, &c. cum illa ex his intermedijs constet, & illius denominator ex harum denominatoribus inter se multiplicatis producat, ut in quinto libro defin. 10. exposuimus: ita ut si fuerint duae proportionibus aequales intermediae, dicatur proportio prima magnitudinis ad ultimam, duplicatae proportionis prima ad secundam; si tres, triplicatae, &c. Sic etiam in magnitudinibus quibuscumque ordine positis, proportio prima ad ultimam dicitur componi ex proportionibus prima ad secundam, & secunda ad tertiam, & tertia ad quartam, &c. donec extiterit proportio; quoniam denominator proportionis prima magnitudinis ad ultimam, consurgit ex denominatoribus proportionum intermediarum inter se multiplicatis. Quod quidem primo, inductione quadam Theonis Alexandrini, qua hoc in loco adducit, confirmabimus: Deinde uero idem duabus demonstrationibus, quarum una traditur ab Eutocio Ascalonica lib. 2. Archimedis de sphaera & cylindro, theoremate 4. & in 1. lib. Apollonij Pergaei de conicis elementis, propos. 11.

altera autem a Vitellione lib. 1. propos. 13. sua perspectiva, comprobabimus.


THEON igitur rem propositam ita conatur absolvere. Habeat AB, ad CD, rationem datam, veluti duplam, aut triplam, aut quamlibet aliam; & CD, ad EF, eandem eaque datam. Dico quod ipsius AB, ad EF, ratio consistet AB, ad CD; & ex CD, ad EF; vel quod, ipsius AB, ad CD, rationis quantitas multiplicata in ipsius CD, ad EF, rationis quantitate, efficiat ipsius AB, ad EF, rationis quantitatem. Sit enim primum AB, quam CD, maior; & CD, quam EF; & sit quidem AB, ipsius CD, dupla, & CD, ipsius EF, tripla. Quoni. in igitur CD, ipsius EF, tripla est, ipsius autem CD, dupla est AB, erit AB, ipsius EF, sexcupla. Quoniam simplicium alicuius duplicamus, fit sexcuplum; hoc enim est proprie compositio. Vel sic. Quoniam AB, dupla est ipsius CD, dividatur AB, in ipsi CD, aequalia, hoc est, AG, & GB; & quoniam CD, ipsius EF, tripla est; equalis autem est AG, ipsius CD; & AG, igitur ipsius EF, tripla est: Id propterea & GB, ipsius EF, tripla est. Tota igitur AB, ipsius EF, sexcupla est. Ipsius igitur AB, & EF, ratio connectitur per CD, medium limitem, composita ex ipsius AB, ad CD; & CD, ad EF, ratione.

SIMILITER autem, & si minor fuerit CD, utraque ipsarum AB, & EF, id ipsum colligitur. Sit enim rursus AB, ipsius CD, tripla; At CD, ipsius EF, sit dimidia. Et quoniam CD, ipsius AB, dimidia est; Ipsius autem CD, tripla est AB; erit AB, sesquialtera ipsius EF. Si enim alicuius dimidium triplicamus, habebit ipsum semel, & dimidium. At quoniam AB, ipsius CD, tripla est; & CD, ipsius EF, dimidia; qualium AB, aequalium ipsi CD, trium, ratio est EF, duorum. Quare sesquialterum est AB, ipsius EF. Igitur ratio ipsius AB, ad EF, connectitur per CD, medium limitem, composita ex ipsius AB, ad CD; & CD, ad EF, ratione.

SED iam rursus sit CD, utraque ipsarum AB, & EF, maior



maior; & sit quidem AB, ipsius CD, dimidium, & CD, ipsius EF, sesquitergium. Quoniam igitur, qualium est AB; duorum, talium est CD, quatuor; qualium autem CD, quatuor, talium EF, trium. Et qualium igitur AB, duorum, talium EF, trium. Conuenitur igitur rursus ratio ipsius AB, ad EF, per CD, medium limitem, qua duorum est ad tria. Similiter quoque & in pluribus, & in reliquis casibus. Et manifestum est, quod si a composita ratione quouis una compositarum auferatur, uno simplicium eiecto, reliqua compositarum assumetur.




Hac ad uerbum desumpsimus ex Theone, iuxta interpretationem Zamberti.

EVTOCII uero demonstratio ita se habet.

SINT tres magnitudines A, B, C. Dico proportionem A, ad C, componi ex proportionibus A, ad B; & B, ad C. Quod quidem facile demonstrabitur, assumpto prius hoc principio; Quantitatem, seu denominatorem cuiusuis proportionis multiplicatum in consequentem magnitudinem proportionis eiusdem, producere antecedentem. Cum enim denominator indicet habitudinem antecedentis ad consequentem, necesse est, consequentem sumptam secundum denominatorem, hoc est, multiplicatam in denominatorem, restituere antecedentem. Vt quia 12. ad 3. habent proportionem quadruplam, idcirco 3. multiplicata in 4. producunt 12. &c. Sit

igitur proportionis A, ad B, denominator D; proportionis uero B, ad C, denominator sit E; & D, multiplicans E, producat F. Dico F, esse quantitatem, siue denominatorem proportionis A, ad C, hoc est, si multiplicetur F, in C, produci A. Cum enim D, sit denominator proportionis A, ad B, si multiplicetur D, in B, producet A. Eadem ratione, si E, multiplicetur in C, producet B; producat quoque G, ex multiplicatione F, in C. Ostendendum ergo est G, aequalem esse ipsi A; atq; adeo ex multiplicatione F, in C, produci A. Quoniam F, & E, multiplicantes C, produ-



A a 4 cuni



13. septimi
17. septimi

cunt G, & B; (nam ex F, in C, fit G; & ex E, in C, fit B, ne
dictum est,) erit ut F, ad E, ita G, ad B. Rursus quia D, mul-
tiplicans E, & B, producit F, & A; erit ut E, ad B, ita F,
ad A; & permutando ut E, ad F, ita B, ad A; & con-
vertendo rursus, ut F, ad E, ita A, ad B. Ut autem F, ad E, sit
offensum est esse G, ad B. Igitur ut A, ad B, ita G, ad B; Idemque
equales erunt quantitates A, & G. Quam ob rem cum G, pro-
ducatur ex F, in C, produceretur quoque A, ex F, in C; pro-
ptereaque F, quantitas erit proportionis A, ad C; quod est pro-
positum.

SIMILIS ratio est in pluribus magnitudinibus. Semper
enim proportio prima ad ultimam componetur ex proportio-
nibus prima ad secundam, & secunda ad tertiam, & tertia ad
quartam, &c. Ut si fuerint quatuor magnitudi-
nes A, B, C, D, componetur proportio A, ad D,
ex proportionibus A, ad B; B, ad C; & C, ad D.
Nam si intelligantur tres magnitudines A, C, D,
componetur proportio A, ad D, ex proportionibus
A, ad C; & C, ad D, ut offensum est: At necesse
eadem ratione proportio A, ad C, componitur ex
proportionibus, A, ad B, & B, ad C. Igitur propor-
tio A, ad D, componitur quoque ex proportionibus A, ad B;
B, ad C; & C, ad D. Quod est propositum. Idem cernes in
6. 7. vel quocumque magnitudinibus.

VITELLIO denique huiusmodi affert demon-
strationem.

SINT tres magnitudines A, B, C. Dico proportionem A,
ad C, componi ex proportionibus A, ad B; &
B, ad C. Hoc autem demonstrabitur, assump-
to eodem principio Eutocij. Denominato-
rem videlicet proportionis multiplicatum in
magnitudinem consequentem proportionis,
producere antecedentem magnitudinem. Sit
namque D, denominator proportionis A, ad
B; & E, denominator proportionis B, ad C;
At F, denominator proportionis A, ad C.
Demonstrandum est igitur F, produci ex D,
in E. Quoniam quod ex F, prima quan-
titate in C, quartam produceretur, equale est
ei, quod



ei, quod ex D, secunda in B, tertiam gignitur, cum semper producat A; (nam ex F, denominatore in C, consequentem produciatur A, antecedens; similiter ex D, denominatore in B, consequentem produciatur antecedens A,) erit ut F, prima ad D, secundam, ita B, tertia ad C, quartam. Cum igitur E, sit denominator proportionis B, ad C; erit quoque denominator proportionis F, ad D. Quare E, multiplicans consequentem D, producet antecedentem F. quod est propositum. Hæc Vitellio.

19. septimi

IDEM ostendetur in pluribus magnitudinibus, ut prius ex Eucocio.

ITAQUE cum proportio extremorum componatur ex proportionibus intermedijs, ceu demonstratum fuit; nihil aliud colligendum erit, quando proportio aliqua ex duabus proportionibus dicitur esse composita, quam eam proportionem eandem esse, quæ illa, quam habet prima aliqua quantitas ad tertiam, si modo tres quantitates ita coordinentur, ut proportio prime ad secundam sit eadem, quæ altera componentium, & proportio secundæ ad tertiam eadem, qua reliqua componentium. Ut, quãdo dicitur proportio 16. ad 12. composita esse ex proportionibus 8. ad 3. & 2. ad 4. nihil aliud est intelligendum, quam si sumantur tres quilibet numeri 24. 9. 18. secundum proportionem 8. ad 3. & 2. ad 4. (est enim ut 8. ad 3. ita 24. ad 9. & ut 2. ad 4. ita 9. ad 18.) eam esse proportionem 16. ad 12. quam habent 24. ad 18. Ut manifestum erit proposit. 23. huius lib.


QUINQUE autem prædictis definitionibus Euclidis addendam esse censemus sequentem sextam. qua multum conducet, ut recte intelligantur 27, 28. 29. & 30. propositiones huius libri, & quamplurima alia decimi libri. Ea autem est eiusmodi.

VI.

PARALLELOGRAMMVM secundum aliquam rectam lineam applicatũ, deficere dicitur parallelogrammo, quando non occupat totam lineam. Excedere uero, quando occupat maiorem lineam, quã

fit ea, secundum quam applicatur.

SIT data recta linea AB, supra quam constituitur parallelogrammum ACDE, quod non occupet totam lineam



AB, sed desit CB; & ducta BF, parallela ipsi CD, donec cum ED, protracta conueniat in F, completur totum parallelogrammum ABFE. Parallelogrammum igitur AD,

applicatum secundum rectam AB, deficere dicitur parallelogrammo DB, ita ut DB, appellatur defectus.

RVRSVS sit data recta linea AC, supra quam constituitur parallelogrammum ABFE, quod habeat latus AB, maius recta data AC; & ducatur CD, ipsi BF, parallela. Parallelogrammum igitur AF, applicatum secundum rectam AC, excedere dicitur parallelogrammo DB, ita ut DB, uocetur excessus.

HIC autem defectus DB, uel excessus, in rethangulis quidem esse potest uel quadratum, uel altera parte longior figura: In non rethangulis autem, uel Rhombus, uel Rhomboides, ut perspicuum est.

I.

THEOR. I. PROPOS. I.

TRIANGVLA & parallelogramma, quorum eadem fuerit altitudo, ita se habent inter se, ut bases.

SINT duo triangula ABC, DEF, quorum bases BC, EF, habentia eandem altitudinem. Item duo parallelogramma CG, EH, eiusdem altitudinis, quorum eadem bases BC, EF. Dico ita esse triangulum ABC, ad triangulum DEF; & parallelogrammum CG, ad parallelogrammum EH, ut est basis BC, ad basin EF. Collocentur enim tam triangula, quam parallelogramma inter easdem parallelas GH, LN. (Nam ut in defn. 4. dictum

Quam est, triangula & parallelogramma tum demum eandem habebunt altitudinem, cum inter easdem fuerint constituta parallelas:

sic enim perpendicularares a verticibus ad bases demissae aequales erunt) & ex B L, sumantur quotcū-



que rectae B I, I K, K L ipsi B C, aequales; Item ex F N, abscindantur quotcunque rectae F M, M N, aequales rectae E F. Deinde ex A, & D, deducantur rectae A I, A K, A L, D M, D N. Erunt igitur triangula A B C, A I B, A K I, A L K, super aequales bases, & inter easdem parallelas constituta, inter se aequalia. Eadem ratione aequalia erunt triangula D E F, D F M, D M N. Quam multiplex est ergo recta C L, rectae B C, tam multiplex quoque erit triangulum A C L, trianguli A B C; & quam multiplex est recta E N, rectae E F, tam quoque multiplex erit triangulum D E N, trianguli D E F; quia in tot triangula aequalia sunt diuisa tota triangula A C L, D E N, in quot irectas aequales sectae fuerunt totae rectae C L, E N; Quoniam uero si basis C L, aequalis fuerit basi E N, necessario triangulum A C L, aequale est triangulo D E N; & si C L, maior fuerit quam E N, necessario A C L, maius est quam D E N; & si minor, minus; deficient propterea una C E, recta, & triangulum A C L, aequemultiplicia primae magnitudinis B C, & tertiae A B C, ab E N, recta, & triangulo D E N, aequemultiplicibus secundae E F, & quartae D E F; uel una aequalia erunt, uel una excedent, si ea sumantur, quae inter se respondent. Quare quae proportio est primae B C, ad secundam E F, basis ad basin, ea est tertiae A B C, ad quartam D E F, trianguli ad triangulum. Sicut igitur basis ad basin, ita triangulum ad triangulum, quod est propositum.

QUONIAM autem ut triangulum A B C, ad triangulum D E F, ita parallelogrammum C G, (quod duplum est trianguli A B C, per 34. propositionem primi.) ad parallelogrammum E H (quod est duplum trianguli D E F) perspicuum est, ita quoque esse parallelogrammum ad parallelogram-

38. primi

8. primi

6. defn. 5.

18. quinti.

11. quinti.

num, ut est basis ad basin. Quod tamen eodem argumen-
to confirmari potest, quò usi sumus in triangulis, si prius ex
punctis I, K, L, educantur rectæ parallelæ ipsi BG; nec nõ
ex punctis M, N, parallelæ, ipsi FH. Triangula igitur & pa-
rallelogramma, quorum eadem fuerit altitudo, ita se ha-
bent inter se, ut bases. Quod erat demonstrandum.

SCHOLION.

SED & conuersum huius demonstrabimus. Videlicet.

TRIANGULA, & parallelogramma, qua
ita se habent inter se, ut bases, eandem habent
altitudinem, æqualesue.

SIT triangulum ABC, ad triangulum DEF; & paral-
lelogrammũ AGBC, ad parallelogrammum DEFH, ut ba-
sis BC, ad basin EF. Dico eorum altitudines, nimirum per-
pendiculares AI, DK, esse æqua-
les. Si enim non sunt æquales, si
AI, si fieri potest, maior, quã DK,
Abscissa igitur IL, ipsi DK, æqua-
li, ductaque LM, ipsi BC, paral-
lela, qua latus AC, secet in N, com-
iunctaq; recta BN, erit NBC, triangu-
lũ ad triangulum DEF, ut basis BC, ad basin EF; cum alius
dines LI, DK, ponantur æquales. Sed fuit etiam ABC, ad
DEF, ut BC, ad EF. Igitur triangula NBC, ABC, ad
triangulum DEF, eandem habent proportionem; AC proinde
æqualia erunt, pars & totum. Quod est absurdum. Non ergo
inaequales sunt altitudines AI, DK, sed æquales. Eadem est
ratio in parallelogrammis. Simili enim argumento ostende-
mus, parallelogramma NMB C, AGBC, æqualia esse, si
altitudines AI, DK, inæquales dicantur, & LI, DK, æquales.
ADDIT hoc in loco Federicus Commandinus aliud theo-
rema, quod nos breuius demonstrabimus. Videlicet.



- I. sexti.
- II. quinti
- 9 quinti.

lũ ad triangulum DEF, ut basis BC, ad basin EF; cum alius
dines LI, DK, ponantur æquales. Sed fuit etiam ABC, ad
DEF, ut BC, ad EF. Igitur triangula NBC, ABC, ad
triangulum DEF, eandem habent proportionem; AC proinde
æqualia erunt, pars & totum. Quod est absurdum. Non ergo
inaequales sunt altitudines AI, DK, sed æquales. Eadem est
ratio in parallelogrammis. Simili enim argumento ostende-
mus, parallelogramma NMB C, AGBC, æqualia esse, si
altitudines AI, DK, inæquales dicantur, & LI, DK, æquales.

ADDIT hoc in loco Federicus Commandinus aliud theo-
rema, quod nos breuius demonstrabimus. Videlicet.

TRIANGULA, & parallelogramma, quo-
rum,

rum æquales sunt bases, uel eadem, ita se habent inter se, ut altitudines.

SINT duo triangula ABC, DEF ; & parallelogramma $AGBC, DEFH$, habentia bases æquales BC, EF . Dico esse triangulum ABC , ad triangulum DEF , & parallelogrammum $AGBC$, ad parallelogrammum $DEFH$, ut altitudo AI , est ad altitudinem DK .



Si enim sumantur rectæ IL, KM , basibus BC, EF , æquales, ducanturque rectæ LA, MD ; erit triangulum ALI , triangulo ABC , æquale, cum sint super bases æquales LI, BC , & inter easdem parallelas AG, IB . Eodem modo æquale erit triangulum DKM , triangulo DEF . Quare erit, ut ABC , ad DEF , ita ALI , ad DKM . Est autē, ut ALI , ad DKM , ita AI , ad DK . (Nam si bases ponantur AI, DK , erunt rectæ æquales LI, KM , altitudines.) Igitur & ABC , ad DEF , erit, ut AI , ad DK . Quod est propositum.

QUONIAM uero est, ut ABC , ad DEF , ita parallelogrammum $AGBC$, trianguli ABC , duplum, ad parallelogrammum $DEFH$, trianguli DEF , duplum; Erit quoque $AGBC$, ad $DEFH$, ut AI , ad DK . Quod tamen eodem modo confirmari potest, si rectæ ducantur LG, MH . Idem sequetur, si triangula, & parallelogramma eandem habuerint basin.

Hoc uero conuertemus etiam, ad hunc modum.

TRIANGULA, & parallelogramma, quæ ita se habent inter se, ut altitudines, æquales habent bases.

SIT triangulum ABC , ad triangulum DEF ; & parallelogrammum $AGBC$, ad parallelogrammum $DEFH$, ut altitudo AI , ad altitudinem DK . Dico eorum bases BC, EF , æquales esse. Si enim non sunt æquales, sit BC , si fieri po



38. primi.

7. quinti.

1. sexti.

15. quinti.

11. quinti.

sest

11. quimi.
et 9. quinti.



test, maior, quam EF. Abscissa igitur BL, ipsi EF, equali, ductaq; recta LA; erit, ut proxime demonstravimus, ABL, ad DEF, ut AI, ad DK: Sed ut AI, ad DK, ita ponitur esse ABC, ad DEF. Igitur ABL, ABC, ad DEF, eandem habent proportionem; Ac proutinuer se equalia sunt, pari & modo m. Quod est absurdum. Non ergo inaequales sunt bases BC, EF, sed aequales. Eademque est ratio de parallelogrammis. Simili enim argumento, ducta LM, ipsi GB, parallela ostendemus, parallelogramma MGBL, AGBC, equalia esse, si bases BC, EF, dicantur inaequales.

IN omnibus autem his non variabitur demonstratio, etiam si triangula, & parallelogramma sint rectangula, ita ut altitudines sint ipsorum latera, vel unum fuerit rectangulum, alterum vero non. Nos assumpsimus casum difficiliorem, quoniam scilicet neutrum est rectangulum. Ita enim demonstratio maiore indiget quandoque constructione.


2. THEO R. 2. PROPOS. 2.

SI ad unum trianguli latus parallela ducta fuerit recta quaedam linea, haec proportionaliter secabit ipsius trianguli latera. Et si trianguli latera proportionaliter secta fuerint, quae ad sectiones adiuncta fuerit recta linea, erit ad reliquum ipsius trianguli latus parallela.

IN triangulo ABC, ducatur recta DE, parallela lateri BC. Dico latera AB, AC, secta esse proportionaliter in D, & E, hoc est, esse ut AD, ad DB, ita AE, ad EC. Ductis enim rectis CD, BE, erunt triangula DEB, DEC, super eandem basin DE, & inter easdem parallelas DE, BC,

37. primi

BC, constituta, inter se æqualia. Quare ut triangulum ADE, ad triangulum DEB, ita triangulum idem AED, ad triangulum DEC; Atqui ut triangulum ADE, ad triangulum DEB, ita basis AD, ad basin DB, (cum hæc triacula sint eiusdem altitudinis, ut constat, si per E, agatur parallela recta ipsi AB;)& eadem ratione, ut triangulum AED, ad triangulum DEC, ita basis AE, ad basin EC. Ut igitur AD, ad DB, ita AE, ad EC.



(cum hæc duæ proportioncs eadem sint proportioni trianguli ADE, ad triangulum DEB, uel trianguli AED, ad triangulum DEC.) quod est propositum.

SECE T iam recta DE, latera AB, AC, proportionaliter. Dico DE, parallelam esse reliquo lateri BC. Ductis enim rursus rectis CD, BE, erit ut basis AD, ad basin DB, ita triangulum ADE, ad triangulum DEB, cum sint eiusdem altitudinis: Ponitur autem ut AD, ad DB, ita AE, ad EC; igitur ut triangulum ADE, ad triangulum DEB, ita AE ad EC: Sed rursus ut basis AE, ad basin EC, ita triangulum AED, ad triangulum DEC, cum sint altitudinis eiusdem. Igitur ut triangulum ADE, ad triangulum DEB, ita triangulum idem AED, ad triangulum DEC. Aequalia ergo sunt triacula DEB, & DEC: Ac propterea cum eandem habeant basin DE, inter easdem erunt collocata parallelas. Igitur parallela est DE ipsi BC; quod est propositum. Si itaq; ad unum trianguli latus parallela ducta fuerit, &c. Quod erat ostendendum.

7. quinti.

1. sexti.

11. quinti.

1. sexti.

11. quinti

1. sexti.

11. quinti

9. quinti.

39. primi

THEOR. 3. PROPOS. 3.


3.

SI trianguli angulus bifariam sectus sit, fecans autem angulum recta linea secuerit & basin: basis segmenta eandem habebunt rationem

rationem, quam reliqua ipsius trianguli latera. Et si basis segmenta eandem habeant rationem, quam reliqua ipsius trianguli latera; recta linea, quæ a uertice ad sectionem producitur, ea bifariam secat trianguli ipsius angulum.

IN triangulo ABC , recta AD , secet angulum BAC bifariam. Dico esse ut BA , ad AC , ita BD , ad DC . Agatur enim per B , recta BE , parallela ipsi AD , donec cum

29. primi



6. primi.

7. quini

2. sexti.

11. quini

2. sexti

11. quini

9. quini.

29. primi.

CA , producta conueniat in E eritque angulus EBA , æqualis interno BAD ; & angulus E , externo DAC . Cum igitur duo anguli BAD , DAC , æquales ponantur; erunt & anguli EBA , & E , inter se æquales; Ideoque rectæ BA , EA , inter se æquales. Vt igitur EA , ad AC , ita BA , ad eandem AC ; Atqui ut EA , ad AC , ita BD , ad DC , cū in triangulo BCE , recta AD , sit parallela lateri BE ; Igitur ut BA , ad AC , ita BD , ad DC , quod est propositum.

SIT iam ut BA , ad AC , ita BD , ad DC . Dico rectam AD , bifariam secare angulum BAC . Agatur enim rursus per B , recta BE , ipsi AD , parallela coiens cum CA , producta in E . Quoniam igitur ut BA , ad AC , ita ponitur BD , ad DC ; ut autem BD , ad DC , ita est EA , ad AC ; (quod in triangulo BCE , recta AD , sit lateri BE , parallela) Erunt ut BA , ad AC , ita EA , ad eandem AC . Æquales igitur sunt BA , & EA , inter se; ac propterea anguli ABE , & E , æquales erunt. Cum igitur angulus ABE , æqualis sit interno BAD ; & angulus E , externo DAC ; erunt & duo anguli BAD , DAC , inter se æquales, quod est propositum. Itaque si trianguli angulus bifariam sectus sit, &c. Quod erat demonstrandum.


THEOR.

THEOR. 4. PROPOS. 4.

4.

AEQVIANGVLORVM triangu-
lorum proportionalia sunt latera, quæ cir-
cum æquales angulos, & homologa sunt
latera, quæ æqualibus angulis subtendun-
tur.

SINT equiangu-
la triangula ABC, DCE, sintq; æqua-
les anguli ABC, DCE; & ACB, DEC; & BAC, CDE.
Dico esse AB, ad BC, ut DC, ad CE; & BC, ad CA, ut
CE, ad ED; & AB, denique ad AC, ut DC, ad DE; Ita
enim latera circa æquales angulos sunt proportionalia, ho-
mologaque sunt ea latera, quæ æqua-
libus angulis subtenduntur, hoc est,
& antecedentia omnia æquales respi-
ciunt angulos, & consequentia simili-
ter. Constituantur latera BC, CE,
secundum lineam rectam, ita ut an-
gulus DCE, externus sit æqualis
interno ABC; pariterque externus
ACB, interno DEC. Et quia duo



anguli ABC, ACB, minores sunt duobus rectis; est autē
angulo ACB, æqualis angulus DEC; erunt & anguli B,
& E, duobus rectis minores. Quare rectæ BA, & ED,
productæ ad partes A, D, coibunt. Producantur ergo, & con-
ueniant in F. Quoniã uero angulus externus DCE, æqua-
lis est interno opposito ABC; parallelæ erunt CD, & BF.
Eadem ratione, parallelæ erunt CA, & EF, quod angulus
externus ACB, sit æqualis interno DEC. Parallelogrã-
mum est igitur ACDF; proptereaque recta AF, æqualis
rectæ CD; & recta CA, rectæ DF. Quoniam igitur in
triangulo BEF, recta AC, parallela est lateri EF; erit AB,
ad AF, hoc est, ad DC, (quæ æqualis est ipsi AF,) ut BC,
ad CE. permutando igitur erit AB, ad BC, ut DC, ad CE.
Rursum quia in eodem triangulo BEF, recta CD, parallela
est lateri BF, erit BC, ad CE, ut FD, hoc est, ut CA, (quæ
Bb æqua-

17. primi
11. pron.
28. primi
34. primi
2. sexti.
16. quinti
2. sexti.

16. quinti. æqualis est ipsi FD) ad E D. permutando igitur erit BC, ad CA, ut CE; ad E D. Cum igitur sit A B, ad BC, ut DC, ad CE; & BC, ad CA, ut CE, ad E D: erit & ex æquali A B, ad CA, ut D C, ad E D. quod est propositum. Aequiangulorū ergo triangulorū proportionalia sunt latera, &c. Quod erat demonstrandum.
22. quinti.

COROLLARIUM.



29. primi
4. sexti.

Hinc fit, lineam rectam, quæ parallelæ dicitur uni lateri in triangulo, auferre triangulo toti triangulo simile. Ducatur enim in triangulo ABC, lateri BC, parallela DE. Dico triangulum ADE, toti triangulo ABC, esse simile. Aequiangula namque sunt, cum anguli ADE, AED, æquales sint angulis ABC, ACB, interni; & angulus A, communis. Quare demonstratum est, habent latera circa æquales angulos proportionalia; Ac proinde, ex definitione, similia sunt.


SCHOLIUM.

NON alienum a nostro instituto esse putavi, si hic demostremus duo theorematæ, quorum primum Federicus Commandinus demonstrat in libello Archimedis de ijs quæ vehuntur in aqua; Secundum uero in commentarijs in Apollonij Commentarijs. Horum primum est.

SI ex duobus punctis cuiusuis rectæ, quorum alterum sit extremum, alterum uero intra lineam, duæ parallelæ inter se ad easdem partes educantur, ita ut proportionem habeant eandem, quam rectæ inter ipsas, & alterum extremum punctum inclusæ: Recta coniungens extremum unius earum cum extremo prioris lineæ, transibit per extremum alterius lineæ.

SIT recta AB, & ex punctis A, & C, educantur duæ parallelæ AD, CE, proportionem habentes, quam AB, BC, ita ut sit AD, ad CE, sicut AB, ad BC; uel CE, ad AD,

ut BC, ad AB. Dico rectam, que coniungit extrema B, & E, transire per punctum D. Item rectam, qua coniungit extrema B, & D, transire per punctum E. Si enim recta BE, non transiret per D, coeat cum AD, in F, puncto, quod sit vel supra D, vel infra, ut in prima figura.



Quoniam igitur per coroll. huius propos. triangula BAF, BCE, similia sunt; erit, ut AB, ad AF, ita BC, ad CE; Et permutando, ut AB, ad BC, ita AF, ad CE: Vt autem AB, ad BC, ita erat quoque AD, ad CE; Igitur erit, ut AF, ad CE, ita AD, ad CE: Ac propterea aequales erunt rectae AF, AD, pars & totum: Quod est absurdum. Transit ergo recta BE, per punctum D. Quod est primum.

RURSUM si recta BD, non transiret per E, transeat per F, punctum, quod sit uel supra E, uel infra, ut in secunda figura. Quoniam ergo, per dictum coroll. triangula BAD, BCE, similia sunt; erit, ut AB, ad AD, ita BC, ad CF; & permutando, ut AB, ad BC, ita AD, ad CF: Vt autem AB, ad BC, ita quoque erat AD, ad CE; Igitur erit, ut AD, ad CF, ita AD, ad CE: Ac proinde aequales erunt rectae CF, CE, pars & totum. Quod est absurdum. Transit ergo recta BD, per E. Quod est secundum. Secundum uero est.

4. sexti.
16. quinti.
11. quinti
9. quinti

4. sexti.
16. quinti.
11. quinti.
9. quinti.

Si in triangulo quouis uni lateri parallela recta agatur, & ex quocunque puncto illius lateris ad angulum oppositum recta educatur linea: diuidentur linea parallela, & latus dictum, in eadem rationes.

IN triangulo ABC, ducta sit DE, lateri BC, parallela, & ex puncto F, quocunque ad angulum A, recta extendatur FA, secans DE, in G. Dico esse, ut BF, ad FC, ita DG, ad GE. Quoniam triangula AFB, AGD, ex coroll. huius propos. similia sunt; erit ut AF, ad BF, ita AG, ad DG; & permutando,



4. sexti.

Bb 2 tando,

16. quinti.
11. quinti.



rando, ut AF, ad AG, ita BF, ad DG. Atque eodem ar-
gumento concludemus esse, ut AF, ad AG,
ita FC, ad GE. Igitur erit, ut BF, ad
DG, ita FC, ad GE; & permutando, ut
BF, ad FC, ita DG, ad GE. Quod est
propositum.

4. sexti.


ALITER. Quonia triangula ABE,
ADG, similia sunt, nec non triangula AFC, AGE, per
coroll. huius propos. erit, ut BF, ad FA, ita DG, ad GA.
Item ut FA, ad FC, ita GA, ad GE. Ex aequo igitur
BF, ad FC, ita DG, ad GE. Quod erat demonstrandum.

5.

THEOR. 5. PROPOS. 5.

SI duo triangula latera proportionalia
habeant; æquiangula erunt triangula, &
æquales habebunt eos angulos, sub quibus
& homologa latera subtenduntur.

HABEANT triangula ABC, DEF, latera propor-
tionalia, sitque AB, ad BC, ut DE, ad EF; & BC, ad CA,
ut EF, ad FD; & AB, denique ad AC, ut DE, ad DF. Di-
co triangula esse æquiangula, angulum scilicet A, æqualem
esse angulo D; & angulum B, an-
gulo E; & angulum C, angulo
F; sic enim anguli æquales respec-
tiant homologa latera. Fiat ang-
ulus FEG, æqualis angulo B; &
angulus EFG, angulo C, conue-
niantque rectæ EG, FG, in G;
eritq; reliquus angulus G, reliquo



32. primi

4. sexti.
11. quinti.
9. quinti.
4. sexti.

angulo A, æqualis. Aequiangula igitur sunt triangula
ABC, GEF. Quare ut AB, ad BC, ita GE, ad EF; Vt
autem AB, ad BC, ita ponitur DE, ad EF. Igitur ut GE,
ad EF, ita DE, ad EF, eandem: proptereaque æquales
erunt GE, DE. Rursum, quoniam ut BC, ad CA, ita
EF, ad FG; Vt autem BC, ad CA, ita ponitur EF, ad
FD;

F D; erit ut E F, ad F G, ita eadē E F, ad F D; ideoque æqualis erunt F G, F D. Itaque cum latera E G, F G, æqualia sint lateribus D E, D F, utrumque utriusque; & basis communis E F, erunt anguli G, & D, æquales; ac propterea reliqui anguli G E F, reliquis angulis D E F, D F E, æquales erunt. Quamobrem cum angulus G, æqualis sit angulo A, erit & angulus D, eidem angulo A, æqualis; eodemque modo angulus D E F, angulo B, & angulus D F E, angulo C, æqualis erit. quod est propositum. Si duo igitur triangula latera proportionalia habeant, &c. Quod ostendendum erat.

9. quinti.

8. primi


4. primi

THEOR. 6. PROPOS. 6.

6.

SI duo triangula unum angulum uni angulo æqualem, & circum æquales angulos latera proportionalia habuerint: æquiangulara erunt triangula, æqualesque habebunt angulos, sub quibus homologa latera subtenduntur.

SIT angulus B, trianguli A B C, æqualis angulo E, trianguli D E F, sintque latera A B, B C, proportionalia lateribus D E, E F, hoc est, sit A B, ad B C, ut D E, ad E F. Dico reliquos angulos reliquis angulis æquales esse, angulū scilicet A, angulo D, & angulum C, angulo F; Ita enim æquales anguli homologa latera respiciunt. Fiat angulo B, æqualis angulus F E G; & angulo C, angulus E F G; eritque, ut in præcedenti propos. dictum est, triangulum G E F, triangulo A B C, æquiangulum. Quare ut A B, ad B C, ita G E, ad E F; sed ut A B, ad B C, ita ponitur D E, ad E F; igitur ut D E, ad E F, ita G E, ad eandem E F; ac idcirco D E, G E, æquales erunt. Itaque cum latera D E, B b ; E F,




4. sexti.

1. quinti.

7. quinti.

4. primi



E F, æqualia sint lateribus G E, E F, & anguli ipsis contenti æquales quoque; (nam angulo B, cui factus est, æqualis angulus F E G, æqualis est posticus angulus D E F, proptereaque æquales ad inuicem erunt anguli D E E, G E F,) erunt reliqui anguli D, E F D, reliquis angulis G, E F G, æquales. Cum ergo angulus G, sit æqualis angulo A, & angulus

E F G, angulo C; erunt etiam angulis A, C, æquales anguli D, E F D; & ob id æquiangula erunt triangula A B C, D E F. quod est propositum. Si igitur duo triangula unum angulum uni angulo æqualem, &c. Quod erat demonstrandum.

7.

THEOR. 7. PROPOS. 7.

SI duo triangula vnum angulum uni angulo æqualem, circum autem alios angulos latera proportionalia habeant; reliquorum vero simul utrunque aut minorem, aut non minorem recto: Aequiangula erunt triangula, & æquales habebunt eos angulos, circum quos proportionalia sunt latera.

SI T angulus A, trianguli A B C, æqualis angulo D, trianguli D E F; & latera A C, C B, circa angulum A C B, proportionalia lateribus D F, F E, circa angulum F, hoc est, sit ut A C, ad C B, ita D F, ad F E; hac tamen lege, ut quilibet reliquorum angulorum B, & E, sit uel minor recto, uel non minor. Dico æquiangula esse triangula, angulos scilicet A C B, & F, circa quos sunt latera proportionalia, nec non & angulos B, & E, æquales esse. Sit enim primo tam B, quam E, recto minor: Quo posito, si anguli A C B, & F, non sunt æquales, sit A C B, maior, quam F; fiatque ipsi F, æqualis A C G. Cum igitur, & angulus A, angulo D,

ponatur


ponatur æqualis, erit & reliquus AGC reliquo E , æqualis; ideoque triangula AGC , DEF , æquiangulara erunt.

Quare ut AC , ad CG , ita DF , ad FE ; sed ut DF , ad FE , ita ponitur AC , ad CB : Ut igitur AC , ad CG , ita eadem AC , ad CB ; ac propterea æquales erunt CG , CB , & anguli CBG , CGB , æquales. Cum igitur angulus B , ponatur recto minor, erit & CGB , minor recto, ideoque ei deinceps AGC , recto maior; cum AGC , CGB , sint duobus rectis æquales; Est autem ostensus angulus AGC , angulo E , æqualis. Maior igitur recto est angulus E ; Sed positus est etiam recto minor. quod est absurdum.

SIT secundo tam B , angulus, quam E , recto non minor, eritque ut prius angulus B , angulo CGB , æqualis, ideoque & CGB , recto non minor erit, ac propterea anguli CBG , CGB , in triangulo BCG , non minores erunt duobus rectis, sed uel maiores, uel æquales duobus rectis, quod est absurdum. Non ergo inæquales sunt anguli ACB , & F . sed æquales, ac ideoque reliqui etiã anguli B , & E , æquales erunt. quod est propositum. Si duo itaque triangula unum angulum uni angulo æqualem, &c. Quod demonstrandum erat.

SCHOLI ON.

ADDIDIT Euclides, utrumque angulorum reliquorum B , & E , debere esse uel minorem recto, uel non minorem. Nam alias, manente tota hypothesi, non sequeretur, triangula esse æquiangulara. Si enim in eodem triangulo ABC , sit CG , æqualis ipsi CB , habebunt duo triangula ABC , AGC , unum angulũ uni angulo æquale, immo angulum A , cõmunem; & circum alios angulos ACB , ACG , latera proportionalia, hoc est, ut AC , ad CB , ita eadem AC , ad CG , cum æquales ponantur recte CB , CG : & tamen non sunt ullo modo æquiangulara triangula ABC , AGC , ut constat. Quod ideo euenit, quia non uterque angulorum ABC , AGC , minor est recto, uel non minor. Immo ABC , est quidem recto minor; AGC ,



32. primi

4. sexti.

11. quinti.

9. quinti.

5. primi

13. primi

17. primi

32. primi

7. quinti.

5. primi
17. uel 32.
primi.

8.

uero recto maior. Cum enim CG, CB , latera equalia sint, & ideo anguli CBG, CGB , aequales; erit uterque eorum recto minor, ac propterea AGC , recto maior.


THEOR. 8. PROPOS. 8.

SI in triangulo rectangulo, ab angulo recto in basin perpendicularis ducta sit: quae ad perpendicularem triangula, tum totum triangulo, tum ipsa inter se similia sunt.

IN triangulo ABC , angulus BAC , sit rectus, a quo ad basin perpendicularis agatur AD . Dico triangula ADB, ADC , similia esse & toti triangulo ABC , & inter se. Cum enim in triangulis ABC, DBA , anguli BAC, ADB sint recti, & angulus B , communis, erunt & reliqui anguli ACB, DAB , aequales. Aequiangulum est igitur triangulum DBA , triangulo ABC , ac propterea habebunt latera circa aequales angulos proportionalia, hoc est, erit ut CB , ad BA , ita BA , ad BD ; & ut BA , ad AC , ita BD , ad DA ; & ut BC , ad CA , ita BA , ad AD . Quare simile est triangulum ADB , toti

32. primi

4. sexti.



triangulo ABC . Eodem modo ostendetur triangulum ADC , simile eidem triangulo ABC ; Nam anguli BAC, ADC , sunt recti, & angulus C , communis; ac propterea reliqui anguli ABC, CAD , aequales. Quare ut BC , ad CA , ita CA , ad CD ; & ut CA , ad AB , ita CD , ad DA ; & ut CB , ad BA , ita CA , ad AD . Non secus demonstrabitur, similia inter se esse triangula ADB, ADC , cum anguli ADB, ADC , sint recti, & anguli ABD, CAD , ostensi aequales, nec non anguli BAD, ACD ; Atque idcirco sit ut BD , ad DA , ita DA , ad DC , &c. Si igitur in triangulo rectangulo, ab angulo recto in basin perpendicularis ducta sit, &c. Quod erat demonstrandum.

32. primi
4. sexti.

CORROL-

COROLLARIUM.

Ex hoc manifestum est, perpendicularē quæ in rectangulo triāgulo ab angulo recto in basin demittitur, esse mediam proportionalem inter duo basis segmenta: Item latus utrumlibet angulum rectum ambiens, medium proportionale inter totam basin, & illud segmentum basis, quod dicto lateri adiacet.


OSTENSUM est enim, esse ut BD , ad DA , ita DA , ad DC ; ac propterea DA , esse mediam proportionalem inter BD , & DC : Item esse ut CB , ad BA , ita BA , ad BD ; & idcirco BA , mediam proportionalem inter CB , & BD : Denique esse ut BC , ad CA , ita CA , ad CD ; ideoque CA , esse proportionalem mediam inter BC , & CD . Quod est propositum.

PROBL. I. PROPOS. 9.

II.

A DATA recta linea imperatam partem auferre.

IMPERATUR, ut ex linea AB , auferamus partem tertiam. Ex A , ducatur recta AC , utcumque faciens angulum CAB ; & ex A , C , abscindantur tot partes æquales cuiuslibet magnitudinis, quota pars detrahenda est ex AB , ut in proposito exemplo tres AD , DE , EF . Deinde ex F , ad B , recta ducatur FB , cui per D , parallela agatur DG . Dico AG , esse partem tertiam imperatam.




Nam cum in triangulo ABF , lateri FB , parallela sit recta DG ; erit ut FD , ad DA , ita BG , ad GA ; componendo igitur, ut FA , ad DA , ita BA , ad GA : sed FA , ipsius AD , est tripla ex constructione; Igitur & BA ipsius AG , erit tripla, ideoque AG , erit tertia pars ipsius AB , quæ imperabatur. A data ergo recta linea imperatam partem abstulimus. Quod faciendum erat.

2. sexti.
18. quinti.

SCHOLIUM.

QUOD si ex AB auferenda sit pars, quæ contineat quatuor undecimas ipsius AB , sumenda erunt ex AC , undecim partes.

partes aequales usque ad D, punctum, ex quo ad B, recta ducatur D B; & huic parallela E F, ex E, termino quatuor partium.



Nam AF, erit pars imperata. Erit enim rursus ut DA, ad AE, ita BA, ad AF: Quod

4. quinti.


re, & convertendo ut AE, ad AD, ita AF, ad AB: Est ita sem AE, pars continens quatuor undecimas ipsius AD, ex constructione; Igitur & AF, eadem pars erit rectae AB. Quod est propositum. Non aliter detrahetur ex AB, pars continens quoruncunque partes ipsius aliquotas.

12.

PROBL. 2. PROPOS. 10.

DATAM rectam lineam infectam similiter secare, ut data altera recta secta fuerit.

SIT recta AB, secanda similiter, ut secta est recta AC, in D, & E, hoc est, in partes, quae sint partibus AD, DE, EC, proportionales. Coniungantur datae duae lineae ad



A, facientes angulum quemcumque BAC, & connectatur recta BC. Deinde ex D, E, agantur DF, EG, parallelae ipsi BC. Dico rectam AB, similiter esse sectam in F, & G, ut est secta AC, in D, & E. Nam ut AD, ad DE, ita AF, ad FG; Proportionales ergo sunt partes AF, FG, partibus AD, DE. Quod si ducatur DH, ipsi FB, parallela, secans EG, in I, erit rursus ut DE, ad EC, ita DI, ad IH, hoc est, ita FG, ad GB; quod FG, ipsi DI, & GB, ipsi IH, aequalis sit. Quare proportionales quoque erunt partes FG, GB, partibus DE, EC. Itaque datam rectam lineam infectam similiter secimus, ut data altera recta secta fuit. Quod faciendum erat.

2. sexti.

2. sexti.

34. primi

SCHOLIION.


Ex hoc problemate colligi potest facilis admodum uia, ac ratio diuidendi lineam rectā datam in partes quoscunque aequales: id, quod nos ad propos. 10. lib. 1. facturos recepimus. Sit enim data recta AB , diuidenda in quinque partes aequales.

Ducta recta AC , faciente cum AB , quemcunque angulū CAB , sumantur ex ea quinque partes aequales AD, DE, EF, FG, GH . Quia igitur linea recta AH , utcunque est diuisa, si ex H , ad B , ducatur recta HB , & huic ex punctis D, E, F, G , parallela agantur DI, EK, FL, GM ; erit AB , similiter diuisa, ut AH ,



ceu constat ex demonstratione huius problematis. Cum igitur AH , sit diuisa in quinque partes aequales, erit & AB , in totidem aequales partes diuisa. Haud aliter in plures partes aequales diuidetur eadem recta AB .

Huius rationi diuidenda linea recte in quoscunque partes aequales, adiungi possunt alie non iniucunda, ceu propos. 10. lib. 1. sumus polliciti. Sit enim rursus data linea recta AB , diuidenda in quinque partes aequales. Ducatur ex B , recta BC , utcunque faciens angulum cum AB ; Deinde ex assumpto puncto D , agatur DE , parallela ipsi AB , ex qua abscindantur quinque aequales partes DF, FG, GH, HI, IK , ea lege tamen, ut DK , minor sit quam AB . Postremo ex A , per K , recta ducatur AL , occurrens ipsi BC , in L , puncto, a quo per puncta F, G, H, I , recte ducantur LP, LO, LN, LM , quas dico diuidere rectā AB , in quinque partes aequales. Cum enim DE , sit parallela ipsi AB , erit angulus LKI , angulo LMA , & angulus LKI , angulo LMA , aequalis: est autem angulus LMA , communis; Aequi angula igitur sunt triangula LKI, LMA , ac propterea ut LI , ad IK , ita LM , ad MA ; Item eadem ratione, ut LI , ad IH , ita LM , ad MN : sed ut LI , ad




29. primi
4. sexti.

ad

7. quinti.
11. quinti.
9. quinti.

ad IK , ita LI , ad IH , quod aequales sumptae sint IK , IH ; igitur ut LM , ad MA , ita eadem LM , ad MN ; ideoque aequales erunt AM , MN . Non aliter ostendes MN , aequale esse ipsi NO ; & NO , ipsi OP , & OP , ipsi PB . Divisa est ergo AB , in quinque partes aequales. Quod est propositum.

ALITER. Ab extremis punctis A , & B , educantur duae rectae BC , AD , inter se parallelae; Et ex B C , abscindantur



tur quatuor partes aequales BE , EF , FG , GH , ut sint tot partes una minus, in quot est linea dividenda; Hinc autem ex AD , totidem aequales recedantur AI , IK , KL , LM . Ductis igitur rectis EM , FL , GK , HI , contingit rectam AB , in N , O , P , Q


33. primi

dico ipsam AB , sectam esse in quinque partes aequales. Cum enim aequales sint, & parallelae GH , IK , erunt & HI , GL , parallelae; Eademque ratione parallelae erunt GK , FL , EM . Quare cum AM , secta sit in quatuor aequales partes, erit & AQ , similiter in quatuor partes aequales divisa, ut constat ex demonstratione huius 10. propos. Eadem ratione divisa erit & BN , in quatuor partes aequales, eo quod BH , in totidem est partes aequales divisa. Quare cum tam AN , quam BQ aequalis sit singulis partibus NO , OP , PQ ; erit omnes quinque partes AN , NO , OP , PQ , QB , inter se aequales. Quod est propositum.

ALITER. Praepararetur prius instrumentum huic rei accommodatum in hunc modum. Ductis duabus rectis inter se parallelis utcumque CD , EF ; ex utraque abscindantur partes inter se aequales quocumque, saltem tot, in quot partes dividenda proponitur linea, & bina puncta correspondentia lineis rectis iungantur. Deinde officio circini capiatur longitudo rectae AB , dividende, eaque ex aliquo puncto lineae CE , ut ex E , transferatur in instrumentum ad punctum I , illius lineae, quae tot spatia terminat, in quot partes linea proponitur dividenda, qualis in exemplo est recta GH ; ea enim includit quinque spatia. Postremo ex E , ad I , recta ducatur EI , qua dico divisam esse in quinque aequales partes. Cum enim GK , HL , aequales sint, & parallelae, erunt quoque GH , KL , parallelae; Eodemque modo omnes lineae inter rectas CD , EF , inter

33. primi


inter se parallela ostenduntur. Quare, ut ex demonstratione huius 10. propos. liquet, quemadmodum EG , diuisa est in quinque partes aequales, ita similiter in totidem diuisa erit EI . Si igitur officio circini singule partes lineae EI , transferantur in rectam propositam AB , ipsi EI , aequalem, diuisa erit & AB , in quinque partes aequales. Quod est propositum.



ALIQUANDO autem necesse est lineas parallelas extra instrumentum producere. Vt si eadē linea transferatur ab M , usque ad N , punctum lineae GH , protraxerit, erit quoque MN , diuisa in quinque partes aequales. Vt constat, si ducatur ex M , ipsi EG , parallela, usque ad rectam GH . Quod si linea diuidenda fuerit admodum breuis, accipiende erunt partes parallelarum CD , EF , minores, &c.

EODEM modo, ad similitudinem huius propositionis, licebit nobis facili negotio datam lineam secare in duas partes, qua habeant proportionem quamcunque datam. Id enim non raro a Geometris exigitur.

SIT secunda recta AB , in duas partes, qua habeant proportionem inter se, quam recta C , & D . Ex A , ducatur linea AE , faciens angulum A , quemcunque, ex qua abscindatur recta AF , ipsi C , & FG , ipsi D , equalis: Ducta deinde GB , ducatur ei per F , parallela FH . Dico AB , sectam esse in H , secundum proportionem C , ad D . Hoc autem manifestum est, cum sit, ut AF , ad FG , atque adeo, ut C , ad D , ita AH , ad HB .



2. sexti.

POSTREMO inseremus huic loco theorema quoddam ad linearum etiam sectiones pertinens, desumptum ex Federico Commandino in libellum Archimedis de spir. qua uehantur in aqua. Nimirum.

SIT duae rectae lineae secantur in binis punctis proportionaliter: Erunt quoque intermediae sectiones

ctiones in eadem proportione cum quibuslibet segmentis duobus .

SECENTVR rectæ AB, CD, proportionaliter in binis punctis E, F, & G, H, ita ut sit AE, ad EB, sicut CG, ad GD; Item AF, ad FB, ut CH, ad HD. Dico sectiones inter medias EF, GH, proportionales quoque esse cum duobus segmentis AE, CG; vel cum duobus FB, HD; hoc



est, esse AE, ad EF, ut CG, ad GH. Item EB, ad EF, ut HD, ad GH. Cum enim sit, ut AF, ad EB, ita CG, ad GD; Erit componendo, ut AB, ad EB, ita CD, ad GD. Item cum sit, ut AF, ad FB, ita CH, ad HD; Erit componendo, ut AB, ad FB, ita CD, ad HD.

conuertendo, ut FB, ad AB, ita HD, ad CD. Itaque cum sit, ut FB, ad AB, ita HD, ad CD; Et ut AB, ad EB, ita CD, ad GD; Erit ex aequo, ut FB, ad EB, ita HD, ad GD; Et conuertendo, ut EB, ad FB, ita GD, ad HD; Et per conuersionem rationis, ut EB, ad EF, ita GD, ad GH; Et diuidendo, ut FB, ad EF, ita HD, ad GH. Quod est secundum.

RVRSVS, quia est, ut AE, ad EB, ita CG, ad GD; Et ut EB, ad EF, ita GD, ad GH; Erit ex aequo, ut AE, ad EF, ita CG, ad GH. Quod est primum.

BREVIUS tota propositio demonstrabitur hoc modo. Cui ueniant duo puncta A, & C, in unum, ut fiat angulus BCD, uel BAD; iunganturque rectæ DR, HF, GE. Quia igitur est, ut AE, ad EB, ita CG, ad GD; Parallela erit GE, ipsi DB. Rursus, cum sit, ut AF, ad FB, ita CH, ad HD; Parallela erit eadem ratione HF, ipsi DB. Quare & GE, HF, inter se parallele sunt: Ac propterea erit, ut AE, ad EF, ita CG, ad GH. Quod est propositum.

22. quinti.

2. sexti.

30. primi

2. sexti.


10.

PROBL. 3. PROPOS. 11.

DVABVS datis rectis lineis, tertiam proportionalem adinuenire .

SINT duæ rectæ AB, AC, ita dispositæ, ut efficiant angulum


angulum A, quemcumque, sitque inuenienda illis tertia proportionalis, sicut quidem AB, ad AC, ita AC, ad tertiam. Producatur AB, quam uolumus esse antecedentem, & capiatur BD, æqualis ipsi AC. Deinde ducta recta BC, agatur illi ex D, parallela DE, occurrens ipsi AC, productæ in E. Dico CE, esse tertiam proportionalem, hoc est, esse ut AB, ad AC, ita AC, ad CE. Cum enim in triangulo ADE, lateri DE, parallela sit recta BC; erit ut AB, ad BD, ita AC, ad CE; Sed ut AB, ad BD, ita eadem AB, ad AC, æqualem ipsi BD: Utigitur AB, ad AC, ita AC, ad CE. quod est propositum. Duabus ergo datis rectis lineis, tertiam proportionalem adinuenimus. Quod erat faciendum.




2. sexti.
7. quinti.

SCHOLIUM.

ALITER idem demonstrabimus, hoc modo. Dux rectæ date AB, BC, constituantur ad angulum rectum ABC; & coniungatur recta AC. Producta autem AB, antecedente, ducatur ex C, ad AC, perpendicularis CD, occurrens ipsi AB, productæ in D. Dico BD, esse tertiam proportionalem. Cum enim in triangulo ACD, angulus ACD, sit rectus, & ab eo ad basin AD, deducta perpendicularis CB; erit per coroll. 8. propos. huius lib. BC, media proportionalis inter AB, & BD, hoc est, ut AB, ad BC, ita erit BC, ad BD. Quod est propositum.



INVENTA autem tertia linea continue proportionali, si primam omiseris, & alijs duabus tertiam inuenieris, habebis quatuor lineas continue proportionales. Vt si lineis A, & B, adinueniatur tertia proportionalis C, & duabus B, & C, tertia proportionalis D, erunt quatuor lineæ A, B, C, D, continue proportionales. Eadem arte reperietur quinta proportionalis,




tionalis, sexta, septima, octava, &c.

10.

PROBL. 4. PROPOS. 12.

TRIBVS datis rectis lineis, quartam proportionalem inuenire.

SINT tres lineæ rectæ A B, B C, A D, quibus inueni-
da sit quarta proportionalis; sicut quidem A B, ad B C, ita
A D, ad quartam. Disponantur primæ duæ A B, B C, se-
cundum lineam rectâ, quæ sit A C:



Tertia uero A D, cum prima A B, faciat angulum A, quemcunque. Deinde ex B, ad D, recta ducatur B D, cui per C, parallela ducatur C E, occurrens rectæ A D, productæ, in E, puncto. Dico D E, esse quartam proportionalem. Cum enim in trian-
gulo A C E, lateri C E, acta sit perpendicularis B D, erit ut
A B, ad B C, ita A D, ad D E. Quare D E, quarta est
proportionalis; ac propterea, tribus datis rectis lineis, quar-
tam proportionalem inuenimus. Quod faciendum erat.

2. sexti.

SCHOLION.


HINC facile elicimus, quoniam pacto, datis duabus rectis
lineis, duæ aliæ in eadem cum illis proportionem re-
periri possint. Si enim data sint duæ rectæ lineæ
A, B, in quacunque proportionem, si tertia queli-
bet accipiat C, & ei quarta proportionalis in-
ueniatur D, ut sit quemadmodum A, ad B, ita C,
ad D; factum erit, quod proponitur. Eadem arte
inueniuntur sex lineæ, octo, decem, duodecim, &c. quarum binæ
semper eandem habeant proportionem.

OSTENDEMVS etiam cum Pappo sequens proble-
ma. Videlicet.

TRIBVS datis rectis lineis, quartam inueni-
re, quæ sit ad tertiam, ut prima ad secundam.

SINT

SINT tres rectæ AB, BC, CD; oporteatque inuenire quartam, quæ ad CD, tertiam sit, ut AB, prima ad BC, secundam. Disponantur primæ duæ AB, BC, in directum, ut faciant rectam AC: Tertia uero CD, cum secunda BC, facias angulum C, quemcunque.



Deinde ex B, ad D, recta ducatur BD, cui per A, parallela ducatur AE, occurrens rectæ CD, productæ, in E. Dico ED, esse quartam, hoc est, esse ED, ad DC, tertiam, ut est AB, prima ad BC, secundam. Hoc autem manifestum est, cum AC, EC, proportionaliter secentur in B, & D.


2. sexti.

PROBL. 5. PROPOS. 13.

9.

DVABVS datis rectis lineis, mediam proportionalem adinuenire.

SINT duæ rectæ AB; BC, quibus mediâ inuenienda est proportionalis, dispositæ secundum lineam rectam AC. Diuisa AC, bifariam in E, ex E, centro, & interuallo EA, uel EC, semicirculus describatur ADC; Deinde ex B, ad AC, perpendicularis educatur BD, ad circumferentiam usque. Dico BD, esse mediam proportionalem. Ductis enim rectis AD, CD, erit angulus ADC, rectus in semicirculo existens. Cum igitur ex angulo recto ADC, trianguli rectanguli ADC, deducta sit ad basin AC, perpendicularis DB; erit per corollarium 8. propos. huius lib. BD, mediâ proportionalis inter AB, & BC. Duabus ergo datis rectis lineis, mediâ proportionalem adinuenimus. Quod erat faciendum.



31. tertij.

SCHOLION.

PERSPICVVM hinc fit, lineam rectam, quæ in circulo a quouis puncto diametri ipsi diametro perpendicularis ducitur ad circumferentiam usque, mediam esse proportionalem,

Cc inter

inter duo diametri segmenta, quæ a perpendiculari facta sunt. Desurenim semicirculus ABC , & ex puncto D , diametri



AC , ducatur ad circumferentiam recta DB , perpendicularis ipsi AC . Dico DB , esse proportionalem mediam inter AD , & DC , id quod liquido constat ex demonstratione huius problematis. Si enim ducantur rectæ AB , CB , fiet angulus

31. terii.

ABC , rectus; Quare per coroll. propos. 8. constat propositionem. Eadem ratione erit perpendicularis EF , media proportionalis inter AE , & EC . Item GH , inter AG , & GC , &c.

EX PELETARIO.

DAT A recta linea, aliam rectam, (quæ minor non sit, quam dupla illius.) ita secare, ut data recta sit media proportionalis inter segmenta huius.

SIT data recta AC , & diuidenda proponatur recta AB , (quæ minor non sit quam dupla ipsius AC , sed uel dupla, uel maior) ut inter huius segmenta, media proportionalis sit AC . Disponantur rectæ AB , AC , ad angulum rectum BAC , & diuisa AB , bisariam in D , ex D , centro, intervallo autem DA , uel DB , semicirculus describatur AEB . Deinde per C , ducatur ipsi AB , parallela CE , secans circumferentiam in E , puncto, a quo demittatur ad AB , perpendicularis EF . Dico AC , esse mediam proportionalem inter segmenta AF , & FB . Ductis enim rectis AE , BE , erit ut iam est demonstratum, ex coroll. 8. propos. huius lib. EF , media proportionalis inter AF , & FB . Cum igitur EF , æqualis sit ipsi AC , eo quod parallelogrammum sit $ACEF$; (Est enim CE , ipsi AF , parallela per constructionem, & AC , ipsi EF , propter angulos rectos CAF , & EFA ;) erit & AC , media proportionalis inter AF , & FB . Quod est propositum.



34. primi

28. primi


13.

THEOR. 9. PROPOS. 14.

ÆQUALIVM, & unum uni æquale

lem habentium angulum, parallelogrammorum, reciproca sunt latera, quæ circum æquales angulos. Et quorum parallelogrammorum unum angulum uni angulo æqualem habentium reciproca sunt latera, quæ circum æquales angulos; illa sunt æqualia.

SINT duo parallelogramma æqualia ABCD, BEFG, habentia angulos ABC, EBG, æquales. Dico latera circum hosce angulos esse reciproca, hoc est; esse ut AB, ad BG, ita EB, ad BC. Coniungantur parallelogramma ad angulos æquales, ita ut AB, & BG, unam efficiant lineam rectam. Quo facto, cum anguli ABC, EBG, sint æquales, erunt & EB, BC, una recta linea, ut ad præpos. 15. lib. 1. ex Proclo demonstrauimus. Producantur iam DC, & FG, donec coeant in H.



Quoniam igitur æqualia sunt parallelogramma DB, BF, erit ut DB, ad BH, ita BF, ad idem BH. Sed ut DB, ad BH, ita est AB, basis ad basin BH, quod parallelogramma sint eiusdem altitudinis; & similiter ut BF, ad BH, ita est basis EB, ad basin BC: Igitur ut AB, ad BG, ita est EB, ad BC, quod est propositum.

CONTRARIO, sint iam latera circa æquales angulos ABC, EBG, reciproca, hoc est, ut AB, ad BG, ita EB, ad BC. Dico parallelogramma DB, BF, esse æqualia. Facta enim eadem constructione, cum sit, ut AB, ad BG, ita EB, ad BC; Vt autem AB, ad BG, ita DB, ad BH; & ut EB, ad BC, ita BF, ad idem BH: erit quoque ut DB, ad BH, ita BF, ad idem BH; Ac idcirco æqualia erunt parallelogramma DB, BF. Aequalium igitur, & unum uni æqualem habentium angulum, &c. Quod erat demonstrandum.

7. quinti.
1. sexti.

1. sexti.

9. quinti.

14. THEOR. 10. PROPOS. 15.

AEQUALIVM, & unum uni æqualem habentium angulum, triangulorum, reciproca sunt latera, quæ circum æquales angulos. Et quorum triangulorum unum angulum uni æqualem habentium reciproca sunt latera, quæ circum æquales angulos; illa sunt æqualia.

SINT duo triangula æqualia ABC, DBE , habentia angulos, qui ad B , æquales. Dico latera circa hosce angulos esse reciproca, hoc est, esse ut AB , ad BE , ita DB , ad BC . Coniungantur triangula ad angulos æquales, ita ut



AB, BE , unam efficiantur lineam rectam. Quo facto, cum anguli ABC, DBE , sint æquales; erit & DB, BC , una recta

nea, ceu demonstratum est, ad propos. 15. lib. 1. ex Proclo. Ducta igitur recta CE ; quoniam æqualia sunt triangula ABC, DBE , erit ut ABC , ad BCE , ita DBE , ad BCE ; sed ut triangulum ABC , ad triangulum BCE , ita est basis AB , ad basin BE , quod hæc triangula eiusdem sint altitudinis; & similiter ut DBE , ad BCE , ita basis DB , ad BC ; Quare ut AB , ad BE , ita DB , ad BC . Quod est propositum.

IAM uero contra, sint latera circa angulos æquales, qui ad B , reciproca, hoc est, ut AB , ad BE , ita DB , ad BC . Dico triangula ABC, DBE , esse æqualia. Facta enim constructione eadem, cum sit ut AB , ad BE , ita DB , ad BC ; ut autem AB , ad BE , ita triangulum ABC , ad triangulum BCE ; & ut DB , ad BC , ita triangulum DBE , ad triangulum idem BCE : Erit ut ABC , ad BCE , ita DBE , ad idem BCE ; proptereaq; æqualia erunt triangula ABC, DBE .

7. quinti.

1. sexti.

1. sexti.

9. quinti.


D B E. Aequalium igitur, & unum uni æqualem habentium angulum, &c. Quod ostendendum erat.

THEOR. II. PROPOS. 16.

15.

SI quatuor rectæ lineæ proportionales fuerint: quod sub extremis comprehenditur rectangulum, æquale est ei, quod sub medijs comprehenditur, rectangulo. Et si sub extremis comprehensum rectangulum æquale fuerit ei, quod sub medijs continetur, rectangulo: illæ quatuor rectæ lineæ proportionales erunt.

SINT quatuor rectæ proportionales A B, F G, E F, B C, ut quidem A B, ad F G, ita E F, ad B C: Sitque rectangulum A B C D, comprehensum sub extremis A B, B C; rectangulum uero E F G H, comprehensum sub medijs E F, F G. Dico rectangula A C, E G, esse æqualia: Cū enim anguli recti B, & F, sint æquales, & sit ut A B, ad F G, ita E F, ad B C; erunt latera circa æquales angulos B, & F, reciproca. Quare parallelogrāma A C, E G, æqualia erunt. Quod est propositum.



14. sexti.


CONTRA uero, sint iam æqualia rectangula A C, E G. Dico quatuor rectas lineas A B, E G, E F, B C, esse proportionales, hoc est, esse ut A B, ad F G, ita E F, ad B C. Cum enim æqualia sint rectangula A C, E G, habeantque angulos æquales, nempe rectos B, & C; erunt latera circa hosce angulos reciproca, sicut quidem A B, ad F G, ita E F, ad B C. Itaque si quatuor rectæ lineæ proportionales fuerint,

14. sexti.

C c fuerint,

fuerint, &c.: Quod erat ostendendum.

SCHOLION.



Idem uerum est, etiam si parallelogramma $A C, E G$, non sint rectangula, dummodo sint æquiangula, ita ut anguli dictis rectis lineis comprehensi sint æquales.

manifestum est in hac figura. Eadem enim profus est demonstratio.

16.

THEOR. 12. PROPOS. 17.

SI tres rectæ lineæ sint proportionales: quod sub extremis comprehenditur rectangulum, æquale est ei, quod a media describitur, quadrato. Et si sub extremis comprehensum rectangulum æquale sit ei, quod a media describitur, quadrato: illæ tres rectæ lineæ proportionales erunt.

SINT tres lineæ rectæ $A B, E F, & B C$, proportionales, ut quidem $A B$, ad $E F$, ita $E F$, ad $B C$; sitque rectangulum $A B C D$, contentum sub extremis $A B, B C$; &



quadratum mediæ $E F$, sit $E F G H$. Dico æqualia esse rectangulum $A C$, & quadratum $E G$. Sumpta enim recta $F G$, quæ æqualis sit ipsi $E F$, erunt quatuor lineæ $A B, E F, F G, B C$, proportionales, ut quidem $A B$, ad $E F$, ita $F G$, ad $B C$; eritque quadratum $E G$, comprehensum sub medijs $E F, F G$, propter æqualitatem rectarum $E F, F G$; Quare rectangulum $A C$, comprehensum sub extre-


malis $A B, B C$, æquale est quadrato $E G$.

extremis A B, B C, æquale est quadrato E G, hoc est, re-
ctangulo sub medijs E F, E G, comprehenso. Quod est
propositum.

SED sint iam æqualia rectangulum A C, & quadratu
E G. Dico esse ut A B, ad E F, ita E F, ad B C. Cum enim
æqualia sint rectangula A C, & E G, erit ut A B, ad E F, ita
E F, ad B C. Ut autem F G, ad B C, ita est E F, ipsi F G,
æqualis, ad eandem B C. Quare ut A B, ad E F, ita est E F,
ad B C. Si tres igitur rectæ lineæ sint proportionales, &c.
Quod erat demonstrandum.

SCHOLIION.

EADEM omnino consequuntur, etiamsi parallelogram-
mā non sint rectangu-
la; dummodo sint equi-
angula, ita ut E G, sit
Rhombus, & A C,
Rhomboides. Non enim
dissimilis erit in his de-
monstratio, ut figura indicat.



COROLLARIUM

Ex posteriori huius theorematis parte efficitur, quamlibet re-
ctam lineam esse mediam proportionalem inter quasvis alias duas
rectas, quæ comprehendunt rectangulum quadrato illius æquale.
Ex eo enim quod rectæ A B, B C, comprehendunt rectangulum
æquale quadrato rectæ E F, ostensum fuit, esse ut A B, ad E F, ita
E F, ad B C. Quare E F, media est proportionalis inter A B, & B C.

PROBL. 6. PROPOS. 18.

A D A T A recta linea dato rectili-
neo simile similiterq; positum rectilineum
describere.

S I T data recta A B, super quam describendum sit re-

16. sexti.


6. sexti.

7. quinti.

19.

32. primi

Rectilineum rectilineo C D E F G, simile similiterque positum. Ducantur ex quolibet angulo, ut ex F, ad singulos angulos oppositos rectae lineae, quae rectilineum resoluant in triangula C D F, D E F, F G C. Deinde angulo D C F, aequalis fiat angulus B A I; & angulo C D F, angulus A B I, coeantque rectae A I, B I; in puncto I, eritque reliquo angulo C E D, reliquus angulus A I B, aequalis, totumque triangulum A I B, toti triangulo C F D, aequiangulum. Rursum angulo F D E, aequalis fiat angulus I B H; & angulo D F E, angulus B I H; conueniantque B H, I H, in puncto H; eritque eadem ratione triangulum B H I, triangulo D E F, aequiangulum. Praeterea angulo C F G, fiat aequalis angulus A I K; & angulo F C G, angulus I A K, coeantque A K, I K, in K: eritque triangulum quoque A K I, triangulo C G E, aequiangulum. Atque ita procedatur, donec absoluantur omnia triangula rectilinei propositi, si plura extiterint. Dico igitur, rectilineum A B H I K, rectilineo C D E F G, simile esse, similiterque positum. Cum enim angulus I A B, constitutus sit aequalis angulo F C D; & angulus I A K; angulo F C G; erit totus angulus B A K, toti angulo D C G, aequalis; Eademque ratione angulus A B H, angulo C D E, aequalis erit, & reliqui reliquis, ut constat ex constructione. Quare aequiangulum erit rectilineum A B H I K, rectilineo C D E F G. Quoniam uero ita est A B, ad B I, ut C D, ad D F; & ita B I, ad B H, ut D F, ad D E; erit ex aequo ita A B, ad B H, ut C D, ad D E. Quare latera circa aequales angulos A B H, C D E, proportionalia sunt. Sunt autem & latera circa aequales angulos H, & E, proportionalia, ob triangula aequiangula B H I, D E F. Rursum ita est H I, ad I B, ut E F, ad F D; & ita I B, ad I A, ut F D, ad F C; & ita I A, ad I K, ut F C, ad F G; Quare ex aequo erit ita H I, ad I K, ut E F, ad F G; & ideo latera quoque circa angulos H I K, E F G, proportionalia, & sic de ceteris. Quamobrem rectilinea, cum sint aequiangula, habeantque latera circa aequales angulos proportionalia, similia sunt, similiterque descripta. A data ergo




4. sexti.
22. sexti.
4. sexti.
4. sexti.
22. sexti.


ergo recta linea , dato rectilineo simile similiterque positum
 rectilineum descripsimus ; Quod faciendum erat.

S C H O L I O N .

DICUNTUR autem rectilinea super lineas rectas de-
 scripta, esse similia & similiter posita, quando anguli aequales
 constituuntur super ipsas rectas lineas, & reliqui aequales sem-
 per ordine sese consequuntur, nec non, & latera proportiona-
 lia. Ut triangula ABC, DEF ,
 non solum erunt similia, sed etiã
 super rectas BC, EF , similiter de-
 scripta, si anguli B, C , aequales
 fuerint angulis E, F ; & ita sit




AB , ad BC , ut DE , ad EF , &c. At super rectas BC, DE ,
 non dicentur similiter esse descripta, cum anguli B, C , non sint
 aequales angulis D, E . Similiter re-
 ctangula AC, EG , similia, dicentur
 similiter esse descripta sup rectas DC ,
 HG , quoniam ut AD , ad DC , ita
 est EH , ad HG , &c. At verò rectan-
 gula AC, IG , non dicentur similiter descripta super rectas
 DC, HG , quamvis sint similia, ut manifestum est. Eadem ta-
 men similiter erunt descripta super rectas DC, IH , uel super
 rectas AD, HG .



Omnes autem figura secundum contractionem huius proble-
 matis descripta, sunt necessario similiter posita, ut patet in re-
 ctilineis $ABHIK, CDEFG$, super lineas AB , & CD , de-
 scriptis. Item omnes equilatera figura, & equiangula, sunt
 quoque posita similiter.

FORTASSIS autem expeditius Problema propositum
 consociemus ad hunc modum. Sit dato rectilineo $ABCDEF$,
 super datam rectam G , describendum simile rectilineum, simi-
 literque positum. Productis duobus lateribus AB, AF , cir-
 ca angulum A , educantur ex A , per omnes alios angulos re-
 ctæ AC, AD, AE , quantumlibet. Deinde ex AB , absin-
 datur AH , equalis datæ rectæ G , uel certe ex ipsa AB , ulte-
 rius producta, si uidelicet G , fuerit maior, quam AB . Post
 hoc per H , agatur recta HI , lateri BC , parallela, & per
 I , rectæ

I, recta IK, lateri CD, parallela, & sic deinceps, donec omnia latera suas habeant parallelas, demptis duobus lateribus



29. primi

productis AB, AF; factumque erit, quod proponitur. Cum enim angulus A, sit communis; & angulis ABC, AFE, equales sint anguli AHI, AMI. Nec non & angulis ACB, ACD, equales sint anguli AIH, AIK, hoc est, toti angulo BCD, equalis sit angulus HIK; Eodemque modo angulis CDE, DEF, equales sint an-

guli IKL, KLM: Aequiangula erunt rectilinea ABCDEF, AHIKLM. Sed & latera circum aequales angulos habent proportionalia. Cum enim triangula AHI, AIK, AKL, ALM, similia sint, per coroll. propos. 4. huius lib. triangulis ABC, ACD, ADE, AEF; Erit, ut AB, ad BC, ita AH, ad HI. Rursus, ut BC, ad CA, ita HI, ad IA; Et ut CA, ad CD, ita IA, ad IK: Ac proinde, ex aequo, ut BC, ad CD, ita HI, ad IK, &c. Igitur, ex definit. similia sunt rectilinea ABCDEF, AHIKLM, & similiter posita.

4. sexti.

17.

THEOR. 13. PROPOS. 19.

SIMILIA triangula inter se sunt in duplicata ratione laterum homologorum.

SINT triangula similia ABC, DEF, habentia angulos aequales B, & E; Item C, & F, &c. Et sit ut AB, ad




26. primi

BC, ita DE, ad EF. Dico triangula inter se rationem habere duplicatam eius, quam habent latera homologa BC, & EF. Sint enim primum latera BC, EF, aequalia; eruntque propterea triangula inter se aequalia, habebuntque proportionem aequalitatis, quemadmodum & latera homologa; Atqui proportio equalitatis

litas duplicata solum efficit proportionem æqualitatis : (Positis enim tribus magnitudinibus æqualibus , dicitur prima ad tertiam habere proportionem duplicatam proportio nis, quam habet prima ad secundam , ut constat ex defini tione 10. lib. 5. cum tamen prima ad tertiam habeat propor tionem æqualitatis, sicuti & prima ad secundam.) Igitur tria gulum A B C, ad triangulum D E F, proportionem habet duplicatam eius, quam habet latus B C, ad E F. Quod est propositum .

S E C U N D O B C, latus latere E F, maius; & ex B C, ab scindatur rectis B C, E F, tertia proportionalis B G, ducaturq; recta A G. Quia igitur est ut A B, ad B C, ita D E, ad E F; erit permutando ut A B, ad D E, ita B C, ad E F: Vt autem B C, ad E F, ita est per constructionem E F, ad B G: Vt ergo A B, ad D E, ita erit E F, ad B G. Quare cum triangula A B G, D E F, habeant latera circa angulos B, E, æquales reciproca, ipsa inter se æqualia erunt; & propterea ut triangulum A B C, ad triangulum D E F, ita erit triangulum A B C, ad triangulum A B G; Vt autem triangulum A B C, ad trian gulum A B G, eiusdem altitudinis, ita est basis B C, ad ba sin B G. Igitur ut triangulum A B C, ad triangulum D E F, ita est B C, ad B G. Atqui cum tres lineæ B C, E F, B G, sint proportionales, erit proportio primæ B C, ad tertiam B G, duplicata proportionis B C, primæ ad E F, se cundam. Quare & triangulum A B C. ad triangulum D E F, proportionem habet duplicatam proportionis B C, ad E F. Similia igitur triangula inter se sunt, &c. Quod erat demonstrandum.

11. sexti.



11. quinti.

15. sexti.


7. quinti.

1. sexti.

COROLLARIUM.


HINC manifestum est, si tres rectæ lineæ proportionales fue rint; ut est prima ad tertiam, ita esse triangulum super primam de scriptum ad triangulum supra secundam simile similiterque de scriptum.

S I N T enim tres rectæ proportio nales A, B, C; & super primam A, & secundam B, constituta triangula A, & B, similia, similiterque descripta.



Dico,

19. sexti.



Dico, ut est recta A, prima ad rectam C, tertiam, ita esse triangulum A, ad triangulum B. Nam proportio rectæ A, ad rectam C, est, per definitionem, duplicata proportionis rectæ A, ad rectam B: Cum igitur triangulum A, ad triangulum B, habeat quoque proportionem duplicatam rectæ A, ad rectam B; erit utre-

ctæ A, ad rectam C, ita triangulum A, ad triangulum B.
 EODEM modo ostendes, ita esse triangulum supra secundam ad triangulum supra tertiam simile similiter q̄s descriptu, ut est prima linea ad tertiam. Sint enim proportionales tres C, B, A, & super B, secundam, & A, tertiam constituantur triangula similia similiterque posita B, & A. Dico, ut est recta C, ad rectam A, ita esse triangulum B, ad triangulum A. Nam proportio C, ad A, duplicata est proportionis C, ad B, hoc est, rectæ B, ad rectam A. Cum igitur & triangulum B, ad triangulum A, habeat proportionem duplicatam rectæ B, ad rectam A, quoniam B, & A, sunt latera homologa: Erit ut C, recta ad rectam A, ita triangulum B, ad triangulum A.

18.


THEOR. 14. PROPOS. 20.

SIMILIA polygona in similia triangula diuiduntur, & numero æqualia, & homologa totis. Et polygona duplicatam habent eam inter se rationem, quam latus homologum ad homologum latus.

SINT polygona similia ABCDE, FGHIK, habentia angulos æquales BAE, GFK; Item angulos P, Q, & sic deinceps. habeant autem latera proportionalia circa angulos æquales; ut quidem AB, ad BC, ita FG, ad GH; & ut BC, ad CD, ita GH, ad HI, &c. Dico primo, hæc polygona diuidi in triangula similia, quæ sint numero equalia. Ab angulis enim BAE, GFK, rectæ educantur ad singulos angulos oppositos, quæ sint AC, AD, FH, FI; diuisaque erunt polygona in triangula numero æqualia, cum propter similitudinem habeant angulos numero æquales. Quoniam uero angulus B, æqualis est angulo G, ex hypothesis, & circa ipsos latera proportionalia; æquiangula erunt triangula

triangula $A B C$, $F G H$, habentia angulos $B A C$, $G F H$, æquales; Item angulos $A C B$, $F H G$; ideoque latera habebunt circa æquos angulos proportionalia; ac propterea inter se similia erunt. Eadem ratione erunt similia triangula $A E D$, $F K I$.

Deinde quia est ut $A C$, ad $C B$, ita $F H$, ad $H G$, ob similitudinem triangulorum $A B C$, $F G H$; ut autem $C B$, ad $C D$, ita est, ex hypotesi, $H G$, ad $H I$, ob similitudinem polygonorum; Ex æquo erit ut $A C$, ad $C D$, ita $F H$, ad $H I$. Et quoniam angulus $B C D$, æqualis ponitur angulo $G H I$; est autem & ablati $A C B$, ostensus æqualis ablato $F H G$; erit & reliquus $A C D$, reliquo $F H I$, æqualis. Quare triangula $A C D$, $F H I$, æquiangula erunt, ideoque similia.



Dico præterea triangula hæc esse homologa totis polygonis. Quoniam similia sunt triangula $A B C$, $F G H$, erit eorum proportio duplicata proportionis homologorum laterum $A C$, $F H$: Atque eodem argumento proportio triangulorum $A C D$, $F H I$, duplicata erit proportionis eorundem laterum homologorum $A C$, $F H$. Quare ut triangulum $A B C$, ad triangulum $F G H$, ita erit triangulum $A C D$, ad triangulum $F H I$. Neque dissimili ratione concludetur quoque esse triangulum $A D E$, ad triangulum $F I K$, ut $A C D$, ad $F H I$. Atque ita proportionalia sunt triangula unius polygoni cum triangulis alterius, ita ut triangula unius sint antecedentia, & triangula alterius consequentia proportionum. Ut autem unum antecedens ad unum consequens, ita sunt omnia antecedentia ad omnia consequentia. Igitur ut quodlibet triangulum unius polygoni ad sibi respondens triangulum alterius, ita erit totum polygonum ad totum polygonum; ideoque triangula homologa erunt totis polygonis.

Dico postremo, polygona inter se proportionem habere duplicatam eius, quam habent latera homologa. Cum enim sit ut triangulum $A B C$, ad triangulum $F G H$, ita polygonum $A B C D E$, ad polygonum $F G H I K$; Triangulum

6. sexti.

4. sexti.

22. quinti.

6. sexti.


19. sexti.

12. quinti.

19. quinti.


gulum uero ABC , ad triangulum FGH , habeat proportionem duplicatam eius, quam habent latera homologa AB, FG : habebunt quoque polygona inter se proportionem duplicatam proportionis eorundem laterum homologorum AB, FG .

Itaque similia polygona in similia triangula diuiduntur, &c. Quod demonstrandum erat.



SCHOLIUM.

Quod si polygona similia, fuerint aequilatera, & aequiangula, diuidentur quoque in similia triangula, & numeri aequalia, ductis e centrīs circularum ipsa circumscribentium



ad omnes angulos rectis lineis. Sicut enim polygona similia, aequilatera, & aequiangula $ABCDEF, GHIKLM$, quae circumscribuntur a circulis circa centra N, O , ex quibus recta ducuntur

$NA, NB, &c.$ Dico triangula $NC D, OIK$, similia esse. Quoniam anguli CND, IOK , aequales sunt; (quod aequae submultiplices sunt quatuor rectorum. Nam utrunque spatium N, O , quatuor rectis aequivalens, ex coroll. 2. propos. 15. lib. 1. diuiditur in angulos & numero, & quantitate aequales, subtensos nimirum a basibus aequalibus, contentosque lateribus aequalibus.) Sunt autem & latera circum ipsos proportionalia, cum utrobique sit proportio aequalitatis; Similia erunt triangula $NC D, OIK$. Eademque est ratio de ceteris. At uero haec triangula esse homologa totis polygonis, nullo negotio demonstrabitur. Cum enim tota polygona sint ipsorum triangulorum aequae multiplicia, ut patet, habebunt utique eandem cum ipsis proportionem.

6. sexti.

15. quinti

PORRO ex hoc theoremate per facile demonstrabimus theore.

theorema illud, quod iam aliter in scholio propos. 4. lib. 2. ostendimus. Nimirum.

Si linea recta dupla fuerit lineæ rectæ, quadratum illius quadruplum erit quadrati huius: Et contra, si quadratum quadruplum fuerit quadrati, latus illius duplum erit lateris huius.


SIT primum recta *A*, dupla rectæ *B*. Dico quadratum *A*, quadruplum esse quadrati *B*. Cum enim omnia quadrata sint similia, ut constat ex 1. defin. huius lib. erit, per hanc propos. proportio quadrati *A*, ad quadratum *B*, duplicata proportionis laterum homologorum *A*, & *B*; quæ cum proportionem habeant duplam; erit proportio quadratorum quadrupla. Quadrupla enim proportio duplicata est dupla proportionis, ut hic apparet. 1. 2. 4.



SIT iam quadratum *A*, quadruplum quadrati *B*. Dico latus *A*, duplum esse lateris *B*. Cum enim proportio quadratorum, quæ ponitur quadrupla, duplicata sit proportionis laterum homologorum, ut dictum est; habebunt latera homologa *A*, & *B*, proportionem duplam. Nam quadrupla proportio duplicata est proportionis dupla, ut in exemplo adducto superius apparet.

COROLLARIUM.

HINC manifestum est, si fuerint tres rectæ lineæ proportionales, ut est prima ad tertiam, ita esse polygonum super primam. descriptum, ad polygonum super secundam simile similiterque descriptum.



Hoc non aliter demonstrabitur ex hoc theoremate, quam ostentum fuit corollarium præcedentis theorematum ex suo theoremate: Ut perspicuum est in hac figura apposita.


THEOR.

20.

THEOR. 15. PROPOS. 21.

QVAE eidem rectilineo sunt similia,
& inter se sunt similia.

SINT rectilinea ABC, DEF, rectilineo GHI, similia. Dico & ipsa inter se esse similia. Cum enim propter similitudinem, anguli rectilinei ABC, æquales sint angulis



rectilinei GHI; Item eadem de causa anguli rectilinei DEF, æquales angulis eiusdem rectilinei GHI; erunt per communem similitudinem, anguli rectilinei ABC, æquales angulis rectilinei DEF. Rursus cum ob eandem similitudinem latera rectilinei ABC, proportionalia sint lateribus rectilinei GHI, ea videlicet, quæ circum æquales sunt angulos; Item eandem ob causam, latera rectilinei DEF, proportionalia lateribus eiusdem rectilinei GHI; erunt quoque latera rectilinei ABC, lateribus rectilinei DEF, proportionalia, et nimirum, quæ angulos ambiunt æquales; Atque adeo per definitionem, similia existunt rectilinea ABC, DEF. Quæ igitur eidem rectilineo sunt similia, & inter se sunt similia. Quod erat ostendendum.

II. quinti


21.

THEOR. 16. PROPOS. 22.

SI quatuor rectæ lineæ proportionales fuerint: Et ab eis rectilinea similia similiterque descripta, proportionalia erunt. Et si a rectis lineis similia similiterque descripta rectilinea, proportionalia fuerint: ipsæ etiam rectæ lineæ proportionales erunt.

SINT quatuor rectæ AB, CD, EF, GH, proportionales,

nales, ut quidem A B, ad C D, ita E F, ad G H; Constituanturque super A B, C D, duo quæcunque rectilinea similia similiterque descripta A B I, C D K; Item super E F, G H, alia duo quæcunque rectilinea similia similiterque descripta, E F M L, G H O N. Dico, & hæc rectilinea esse proportionalia, ut quidem A B I, ad C D K, ita E M, ad G O. Inueniatur enim rectis A B, C D, tertia proportionalis P; & rectis E F, G H, tertia proportionalis Q. eritque ex æquo, ut A B, ad P, ita E F, ad Q: Vt autem A B, ad P, ita est rectilineum A B I, ad



11. sexti.

22. quinti.

rectilineum C D K, simile similiterque descriptum, ex corollario propositionis 20. Ius lib. uel si fuerint triangula, ex coroll. propos. 19. Et eadem ratione, ut E F, ad Q, ita rectilineum E M, ad rectilineum G O. Igitur ut A B I, ad C D K, ita erit E M, ad G O. Quod est, propositum.

11. quinti.

E C O N V E R S O, sint iam dicta rectilinea proportionalia. Dico quatuor rectas A B, C D, E F, G H, esse quoque proportionales, ut quidem A B, ad C D, ita E F, ad G H. Inueniatur enim tribus rectis A B, C D, E F, quarta proportionalis R S, super quam describatur rectilineum R S V T, simile rectilineo E M, & ob id rectilineo G O, similiterque positum. Quoniam igitur est, ut A B, ad C D, ita E F, ad R S; erit quoque, ut iam est ostensum, ut A B I, ad C D K, ita E M, ad R V. Vt autem A B I, ad C D K, ita quoque ponitur E M, ad G O: Igitur erit ut E M, ad R V, ita E M, ad G O: Ac idcirco equalia erunt R V, G O. Quæ cum sint similia similiterque posita, consistent necessario, ut mox ostendemus, super rectas R S, G H, æquales. Quare erit ut E F, ad R S, ita E F, ad G H. Ponitur autem E F, ad R S, ut A B, ad C D. Igitur erit ut A B, ad C D, ita E F, quoque ad G H. Quamobrem si quatuor rectæ lineæ proportionales fuerint, &c. Quod erat demonstrandum.

12. sexti.

21. sexti.

11. quinti.

9. quinti.

7. quinti.

11. quinti.

LEMMA.

14. quinti. QVOD autem equalia rectilinea & similia similiterque descripta, qualia sunt GO, RV , consistant super rectas aequales, ita ostendetur. Si enim inaequales sunt GH, RS ; sit GH , maior. Cum igitur, ob similitudinem rectilineorum, sit ut GH , ad HO , ita RS , ad SV ; Ponatur autem GH , maior quam RS ; erit quoque HO , maior quam SV ; & propterea rectilineum GO , maius rectilineo RV , cum hoc mira ipsum possit constitui; quod est absurdum, cum sit contra hypothesein. Non ergo inaequales sunt rectae GH, RS . quod est propositum.

ALITER. Sint duo rectilinea ABC, DEF , equalia, & similia similiterque posita. Dico latera homologa, cuiusmodi sunt rectae AB, DE , esse equalia. Si enim non credatur equalia, sit AB , maius, quam




DE ; inveniaturque rectis AB, DE , tertia proportionalis G . Quoniam ergo est, ut AB , ad DE , ita DE , ad G ; Est autem AB , maior, quam DE . Erit quoque DE , maior, quam G ; ac propterea multo maior AB , quam G . Ut vero AB , ad G , sit est rectilineum ABC , ad rectilineum DEF , per coroll. propos. 19. uel 20. huius lib. Igitur cum AB , maior sit, quam G , erit quoque rectilineum ABC , maius rectilineo DEF : quod est absurdum, cum positum sit equalia. Non ergo maior est AB , recta quam recta DE . Sed neque minor erit eadem ratio-

ne; quia & rectilineum ABC , minus ostenderetur
 rectilineo DEF ; quod est contra hypothefin. Qua-
 re aequales sunt recte AB, DE .


SCHOLION.

EODEM modo, si fuerint tres recte proportionales; erunt
 & rectilinea similia similiterque descripta ab eis, proportio-
 nalia, &c. Si enim sumatur linea media, eiusque rectilineum bis,
 habebuntur quatuor recte pro-
 portionales. Igitur & quatuor
 rectilinea proportionalia; ut hic
 Euclides demonstravit. Cum igitur
 id, quod a secunda est descriptum, aequale sit ei, quod a ter-
 tia, eo quod & linea secunda sit aequalis tertiae; manifestum
 est, quod proponitur.



BREVIVS tota haec propositio demonstrabitur, hoc mo-
 do. Ponatur primo esse ut AB , ad CD , ita EF , ad GH . Dico
 esse quoque ut ABI , ad CDK , ita EM , ad GO . Cum
 enim sit proportio rectilinei

ABI , ad CDK , duplicata
 proportionis AB , ad CD ; Itē
 proportio rectilinei EM , ad re-
 ctilineum GO , duplicata pro-
 portionis EF , ad GH : erunt
 proportionēs ABI , ad CDK ;
 & EM , ad GO , aequales; quā
 doquidem duplicatae sunt pro-
 portionum aequalium AB , ad CD ; & EF , ad GH . Quod est
 primum. Rursum ponatur secundo esse, ut ABI , ad CDK ,
 ita EM , ad GO . Dico esse quoque ut AB , ad CD , ita EF ,
 ad GH . Cum enim sit proportio ABI , ad CDK , duplicata
 proportionis AB , ad CD ; Item proportio EM , ad GO , dupli-
 cata proportionis EF , ad GH : Erunt proportionēs AB , ad
 CD ; & EF , ad GH , aequales; quandoquidem earum propor-
 tionēs duplicatae ABI , ad CDK ; & EM , ad
 GO , aequales ponuntur. Quod est
 secundum.




19. vel 20.
 sexti.

19. vel 20.
 sexti.

AEQUIANGVLA parallelogramma inter se rationem habent eam, quae ex lateribus componitur.

SINT parallelogramma æquiangula AC, CF , habentia angulos BCD, ECG , æquales. Dico proportionem eorum esse compositam ex duabus proportionibus, quas habent duo latera unius circa angulum æqualem, ad duo latera alterius circa angulum æqualem, ita ut antecedentia proportionum sint in uno parallelogrammo, & consequentia in altero; hoc est, proportionem AC , parallelogrammi ad parallelogrammum CF , compositam esse ex proportionibus rectæ BC , ad CG , rectam, & rectæ DC , ad rectam CE : Vel etiam ex proportionibus rectæ BC , ad rectam CE , & rectæ DC , ad rectam CG . Coniungantur parallelogramma ad angulos æquales, ita ut BC, CG , efficiant



unam lineam rectam; Quo factò, cum anguli BCD, ECG , sint æquales, erunt & DC, CE , una recta linea, ut ad propos. 15. lib. 1. ex Proclo demonstrauimus. Producantur deinde AD, FG , donec conueniant in H . Sumpra iam recta I , quacunque, inueniatur tribus $BC, CG, & I$, quarta proportionalis H :

12. sexti.

Item tribus $DC, CE, & K$, quarta proportionalis L . Quoniam igitur est, ut $BC, ad CG$, ita $A C$, ad CH ; Ve autem BC , ad CG , ita posita est I , ad K ; erit quoque ut $A C$, ad CH , ita I , ad K . Eodemque argumento ostendes esse, ut $H C$, ad CF , ita K , ad L . Ex æquo igitur erit, ut $A C$, ad CF , ita I , ad L . Sed proportio I , ad L , per 5. definitiuis lib. componitur ex proportionibus I , ad K , & K , ad L ; hoc est, ex proportionibus BC , ad CG ; & DC , ad CE . Ex his eisdem ergo proportionibus componetur proportio parallelogrammi AC , ad parallelogrammum CF . Eademque

1. sexti.

11. quinti.

22. quinti.

demque ratione ostendemus, proportionem $A C$, ad $C F$, componi ex proportionibus $B C$, ad $C E$, & $D C$, ad $C G$; dummodo parallelogramma ita coniungantur ad angulos rectos, ut $B C$, $C E$, efficiant unam rectam lineam, &c. Aequiangula itaque parallelogramma inter se rationem habent, &c. Quod erat ostendendum.

SCHOLIUM.

EXPEDITIVS idem demonstrabitur hoc modo. Coniunctis parallelogrammis, ut prius; Cum sit ut $A C$, ad $C H$, ita $B C$, ad $C G$; & ut $C H$, ad $C F$, ita $D C$, ad $C E$; Proportio autem $A C$, ad $C F$, componatur, per definitionem, ex intermedijs proportionibus $A C$, ad $C H$, & $C H$, ad $C F$; componetur quoque eadem proportio $A C$, ad $C F$, ex proportionibus $B C$, ad $C G$, & $D C$, ad $C E$, quæ illis intermedijs sunt æquales. Quod est propositum.

1. sexti.

DEMONSTRAT hoc in loco Federicus Commandinus nonnulla alia ad compositionem proportionum pertinentia non inutilia, quæ nos quoque afferre decrevimus, mutatis tamen nonnihil demonstrationibus; Sunt autem ea, quæ sequuntur.

TRIANGULA, quæ unum angulum uni angulo æqualem habent, proportionem habent ex lateribus æqualem angulum comprehendentibus compositam.

I.

SINT triangula $A B C$, $D E F$, angulum C , angulo F , habentia æqualem. Dico proportionem trianguli $A B C$, ad triangulũ $D E F$, compositam esse ex lateribus, hoc est, ex proportione $B C$, ad $E F$, & ex proportione $A C$, ad $D F$; Vel ex proportione $B C$, ad $D F$ & proportio



ne $A C$, ad $E F$. Completis enim parallelogrammis $C G$, $F H$, erunt ea æquiangula; atque adeo eorum proportio ex lateribus componetur. Cum ergo triangula $A B C$, $D E F$, cum ipsis, quorum sunt dimidia, eandem habeant proportionem; Erit

23. sexti.

15. sexti.


D d 3 quoque

quoque proportio ABC, ad DEF, composita ex proportionibus laterum BC, AC, ad latera EF, DF.

II. PROPORTIONEM ex duabus proportionibus, uel pluribus componere.


Hoc, quo modo fiat, facile colligitur ex demonstratione huius propos 23. Sint enim tres proportiones A, ad B; C, ad

D; & E, ad F. Oportet iam ex ipsa proportione componere. Fiat ut A, ad B, ita G, ad H; & ut C, ad D, ita I, & ut E, ad F, ita I, ad K. Dico proportionem G, ad K, compositam esse tribus datis proportionibus. Cum enim composita sit ex proportionibus G, ad H; H, ad I; & I, ad K, per defin. 5. huius lib. composita etiam erit ex proportionibus A, ad B; C, ad D; & E, & F; quod his ille sumptis sint equales.



III. PROPORTIONEM minorem ex maiore auferre.

SIT proportio A, ad B, minor auferenda ex proportione maiore C, ad D. Fiat, ut A, ad B, ita C, ad E; statuaturque E, terminus medius inter C, & D. Dico ablatam esse proportionem A, ad B, ex proportione C, ad D, reliquamque esse proportionem E, ad D. Cum enim proportio C, ad D, componatur ex proportionibus C, ad E, & E, ad D: Si proportio C, ad E, hoc est A, ad B, auferatur, relinquetur proportio E, ad D.



IIII. TRIANGULA, quæ unum angulum uni angulo æqualem habent, eandem proportionem habent, quam reſtanguſa, quæ sub lateribus

bus æqualem angulum comprehendentibus continentur.

SINT triangula ABC, DEF, angulum A, angulo D, habentia æqualem. Dico esse ABC, ad DEF, ut rectangulum sub AB, AC, ad rectangulum sub DE, DF. Ductis enim ad AC, DF, perpendicularibus BG, EH, erunt tria

gula ABG, DEH, æquiangula, ut constat ex coroll. 1. propos. 32. lib. 1. cū duo anguli A, AGB, duobus angulis D, DHE, sint æquales. Igitur erit, ut GB ad BA, ita HE, ad ED: Ut autem GB, ad BA, ita est rectangulum sub BG, AC, ad rectangulum sub BH, AC. (Nam si bases ponantur GB, BA, erit eorum eadem altitudo AC)



Et eadem ratione, ut HE, ad ED, ita est rectangulum sub EH, DF, ad rectangulum sub DE, DF. Rectangulum igitur sub BG, AC, ad rectangulum sub AB, AC, est, ut rectangulum sub EH, DF, ad rectangulum sub DE, DF; & permutando, rectangulum sub BG, AC, ad rectangulum sub EH, DF, ut rectangulum sub AB, AC, ad rectangulum sub DE, DF. Sed ut rectangulum sub BG, AC, ad rectangulum sub EH, DF, ita est triangulum ABC, ad triangulum DEF, quod hæc triangula sint rectangulorum illorum dimidia. (Habent enim eandem cum illis bases AC, DF, altitudinesque easdem BG, EH; ac proinde inter easdem cum illis parallelas sunt constituta.) Igitur erit quoque triangulum ABC, ad triangulum DEF, ut rectangulum sub AB, AC, ad rectangulum sub DE, DF. Quod est propositum.

4. sexti.

1. sexti.

11. quinti.

15. quinti.

41. primi


PARALLELOGRAMMA inter se æquiangula, eandem habent proportionem, quam rectangula sub lateribus ipsorum æqualem angulum continentibus comprehensa.

V.

SINT parallelogramma ABCD, EFGH, æquiangula inter se, quorum anguli B, & F, sint æquales. Dico esse,

Dd 4 ut

ut BD, ad FH, ita rectangulum sub AB, BC, ad rectangulum sub EF, FG. Ductis enim diametris AC, EG, quae angulos aequales B, F, subtenent, habebunt triangula ABC, EFG, angulo B, angulo F, aequalem. Quare, ut iam demonstravimus, erit, ut ABC, ad EFG, ita rectangulum sub AB, BC, ad rectangulum sub EF, FG. Cum ergo parallelogramma BD, FH, con-




15. quinti.
11. quinti.

dem habeant proportionem, quam triangula ABC, EFG ipsorum dimidia; Erit quoque ut BD, ad FH, ita rectangulum sub AB, BC, ad rectangulum sub EF, FG. Quod est propositum.

VI. TRIANGULA, & parallelogramma inter se proportionem habent compositam ex proportione basium, & proportione altitudinum.

SINT triangula ABC, DEF, & parallelogramma CG, EH, quorum altitudines AI, DK. Dico eorum proportionem compositam esse ex proportione basium BC, ad basium EF, & proportione altitudinis AI, ad altitudinem DK. Sum enim primam altitudines aequales, bases vero vel aequales etiam, vel




7. quinti.
1. sexti.

inaequales: Fiatque, ut BC, ad EF, ita L, ad M; Vt autem AI, ad DK, ita M, ad N. Quo facto, erit M, ipsi N, equalis, quod & AI ipsi DK, equalis ponitur; Ac proinde erit L, ad N, ut L, ad M, hoc est, ut BC, ad EF. At vero, ut BC, ad EF, ita est triangulum ABC, ad triangulum

DEF, & parallelogrammum CG, ad parallelogrammum EH. Igitur quoque erit, ut L, ad N, ita triangulum ABC, ad triangulum DEF, & parallelogrammum CG, ad parallelogrammum EH; Sed proportio L, ad N, composita est ex proportione L, ad M, hoc est, basium BC, ad basium EF; & ex proportione M, ad N, hoc est, altitudinis AI, ad altitudinem DK. Proportio ergo trianguli ABC, ad triangulum DEF,

et parallelogrammi CG, ad parallelogrammi EH, ex eisdem proportionibus est composita. Quod est propositum.

SINT iam altitudines AI, DK, inaequales, et AI, maior; bases vero BC, EF, vel aequales, vel etiam inaequales. Fiat, ut AI, ad DK, ita O, ad P; et ut BC, ad EF, ita P, ad Q. Absissa deinde IL, aequali ipsi DK; ducatur per L, ipsi BC, parallela LM, secans AC, in N, iungaturque recta BN. Quoniam igitur est triangulum ABC, ad triangulum NBC; et parallelogrammum CG, ad parallelogrammum CM, ut altitudo AI, ad altitudinem IL, vel ad DK, ipsi IL, aequalem, hoc est, ut O, ad P, per ea, quae ad 1. propos. huius lib. ostendimus: Et ut triangulum NBC, ad triangulum DEF, et parallelogrammum CM, ad parallelogrammum EH, ita est, basis BC, ad basin EF, (cum eadem sit altitudo) hoc est, ita P, ad Q. erit ex aequo ABC, ad DEF, et CG, ad EH, ut O, ad Q. Quare cum proportio O, ad Q, componatur ex proportione O, ad P, hoc est, altitudinis AI, ad altitudinem DK; et ex proportione P, ad Q, hoc est, basis BC, ad basin EF: Ex eisdem proportionibus componetur proportio trianguli ABC, ad triangulum DEF, et parallelogrammi CG, ad parallelogrammum EH. Quod est propositum.



1. sexti.

EODEM pacto ostendetur proportio trianguli DEF, cuius altitudo minor est, ad triangulum ABC, et parallelogrammi EH, ad parallelogrammum CG, composita esse ex proportione basis EF, ad basin BC, et proportione altitudinis DK, ad altitudinem AI. Si enim fiat, ut EF, ad BC, ita Q, ad P; et ut DK, ad AI, ita P, ad O, et reliqua fiant, ut prius, erit trianguli DEF, ad triangulum NBC, et parallelogrammum EH, ad parallelogrammum CM, ut EF, ad BC, hoc est, ut Q, ad P. Item triangulum NBC, ad triangulum ABC, et parallelogrammum CM, ad parallelogrammum CG, ut LI, seu DK, ad AI, hoc est, ut P, ad O. Ex aequo igitur erit, ut DEF, ad ABC, et EH, ad CG, ita Q, ad O. Quae circa cum proportio Q, ad O, componatur ex proportione Q, ad P, hoc est, EF,

1. sexti.

EF, ad BC, & ex proportione P, ad O, hoc est, DK, ad AI; componetur etiam proportio DEF, ad ABC, & EH, ad CG, ex eisdem proportionibus.

22.

THEOR. 18. PROPOS. 24.

IN omni parallelogrammo, quæ circa diametrum sunt, parallelogramma & tota & inter se sunt similia.

ESTO parallelogrammum ABCD, in quo ducatur diameter AC, & per quodlibet eius punctum I, ducantur duæ rectæ EF, GH, parallelae lateribus parallelogrammi. Dico parallelogramma circa diametrum, nempe EG, FH, similia esse & toti parallelogrammo, & inter se se. Quod enim æquiangula sint toti, facile ostendetur ex propos. 29. lib. 1. Nam

angulus GAE, idem est qui angulus BAD; & angulus externus AEI, æqualis interno ADC; & angulus AGI, externus interno ABC; & angulus EIG, externus interno BFI; & hic externus interno BCD. Quare æquiangulum est EG, ipsi BD: Et eadem ratione eidem BD, æqui-

angulum erit FH. Quod autem latera circa æquales angulos habeant proportionalia lateribus totius, hoc modo demonstrabimus. Cum triangulum AGI, æquiangulum sit triangulo ABC; & triangulum AEI, triangulo ADC, ut perspicuum est ex 29. propos. lib. 1. uel etiam ex coroll. propos. 4. huius lib. erit ut AB, ad BC, ita AG, ad GI; atque ita latera circa angulos B, & G, proportionalia sunt. Rursus erit ut BC, ad CA, ita GI, ad IA; Item ut CA, ad CD, ita IA, ad IE. Ex æquo igitur, ut IC, ad CD, ita GI, ad IE; ac propterea & latera circa angulos ECD, GIE, proportionalia existunt. Non aliter demonstrabuntur latera circa reliquos angulos æquales, esse proportionalia. Quare per definitionem, simile erit parallelogrammum EG, toti parallelogrammo BD. Eadem arte ostendes parallelogrammum



4. sexti.

22. quinti.


num FH, simile esse eidem parallelogrammo BD; atque adeo & ipsa inter se similia erunt. In omni ergo parallelogrammo, quæ circa diametrum sunt, &c. Quod erat ostendendum.

21. sexti.

SCHOLIUM

INTELLIGENDA autem sunt parallelogramma circa diametrum totius, esse talia, quæ habeant unam angulicam cum toto parallelogrammo communem, ut manifestum est ex forma demonstrationis.

QUOD si circa diametrum alicuius parallelogrammi productam consistat parallelogrammum aliud; ita ut duo huius latera rectas duas componant lineas cum duobus lateribus alterius, uel certe illa his sint parallela, iisdem fere modis ostendetur; hoc illi esse simile. Parallelogrammi enim ABCD, diameter BD, sit producta ad F; circa quam consistat parallelogrammum DEFG, cuius



duo latera DE, DG, rectas lineas efficiant cum AD, DC, lateribus parallelogrammi AC. Dico parallelogrammum GE, simile esse parallelogrammo AC. Quod enim ambo inter se sint equiangula, facile ostendetur ex propos. 29. lib. 1. Nam quia angulus A, æqualis est angulo alterno ADG; huic autem equalis quoque est alternus angulus G; erunt æquales anguli A, & G. Quare his oppositi C, & E, æquales quoque erunt. Rursus quia anguli ADC, GDE, ad uerticem, sunt æquales, erunt his quoque oppositi ABC, GFE, æquales. Igitur equiangula sunt GE, AC, parallelogramma. Quod autem latera habeant proportionalia circum æquales angulos, hac ratione fiet perspicuum. Cum triangulum BAD, equiangulum sit triangulo DGF; & triangulum BCD, triangulo DEF, ut constat ex propos. 29. lib. 1. Erit ut BA, ad AD, ita DG, ad GF. Rursus ut AD, ad DB, ita GF, ad FD; & ut DB, ad DC, ita FD, ad FE; ac propterea ex æquo ut AD, ad DC, ita GF, ad FE. Sunt igitur latera circa angulos A, ADC, proportionalia lateribus circa angulos G, GFE. Non secus ostendetur, reliqua latera circa angulos æquales proportionalia esse.

34. primi
15. primi
4. primi
4. sexti.

Quare

21. sexti.

Quare similia sunt parallelogramma $A C, G E$. Quod si circa eandem diametrum constitutis parallelogrammum $H I K F$, habens latera parallela lateribus parallelogrammi $A C$, idem demonstrabitur. Nam productis $A D, C D$, donec occurrant rectis $F K, F H$, productis in E, G ; erit $H K$, simile ipsi $G E$, ut Euclides demonstravit: Atqui eidem $G E$, simile est quoque $A C$, ut nunc ostendimus. Igitur & $H K, A C$, inter se similia sunt. Quod est propositum.

$S E D$ & absoluemus cum Peletario sequens problema.

D A T I S duobus parallelogrammibus æquiangulis, sed non similibus: ex quouis illorum alteri simile rescare.


D V O parallelogramma æquiangula, sed non similia, sint $A B C D, C E F G$, & ex $A B C D$, abscindendum sit parallelogrammum ipsi $C E F G$, simile. Coniungantur ambo ad angulos æquales $B C D, E C G$, ita ut sit una linea recta $B C G$, & pro-



prerea ut ad ppos. 15. lib. 1. demonstratum est, $E C D$, quoque una recta linea. Deinde ducta diameter $F C$,

producatur, donec in H , secet uel latus $A D$, uel latus $A B$; & per H , ducatur $H I$, parallela ipsi $A B$, uel ipsi $A D$. Dico parallelogrammum abscissum $H C$, simile esse ipsi $C F$. Si enim totum parallelogrammum $K L$, compleatur, erunt $H C, C F$, circa diametrum; Quare inter se similia, ut Euclides demonstravit in hac propositione.

E A D E M autem arte fere alterutrum ipsorum augeri poterit, ut fiat simile alteri. Sit enim augendum $A B C D$, ut fiat




ipsi $C E F G$, simile. Coniungantur uti prius, & diameter $F C$, extendatur, donec in H , secet uel latus $B A$, protractum, uel latus

$D A$, protractum. Deinde per H , ducatur $H I$, parallela ipsi $A D$, uel ipsi $A B$, donec secet uel $C D$, protractam, uel $C B$, protractam in I . Dico parallelogrammum auctum $H C$, simile esse parallelogrammo $C F$. Nam si

com-

compleatur totum parallelogrammum $K L$, consistens $H C, C F$, circa diametrum; Quare similia inter se erunt.

PERSPICVVM autem est ex demonstratione huius theorematum facta ab Euclide, & ex probatione theorematum a nobis propositi in hoc Scholio, parallelogramma circa eandem diametrum non solum esse similia; Verum etiam similiter posita. Unde propositio quouis parallelogrammo $A B C D$, si maius debeat describi, illi simile similiterque positum, producendum erit latus unum, nempe $B C$; Atque ex E , quolibet puncto ultra C , ipsi $C D$, parallela $E F$, ducenda, secans diametrum $B D$, productam in F ; & per F , ducenda $F G$, parallela ipsi $A D$, occurrens recte $B A$, producte in G . Erit enim parallelogrammum $G F$, simile similiterque positum ipsi $A C$, & maius eodem. Quod si minus debeat describi, sumendum erit punctum E , citra C , & reliqua peragenda, ut prius, cetera figura indicat.




PROBL. 7. PROPOS. 25.

25.

DATO rectilineo simile, & alteri dato æquale idem constituere.

SINT data duo rectilinea A , & B ; sitque constituendum aliud rectilineum, quod simile quidem sit ipsi A , æquale uero ipsi B .

Super $C D$, unum latus rectilinei, cui simile debet constitui, constituatur parallelogrammum $C E$, in quouis angulo, æquale rectilineo A ; Et super rectam $D E$, in angulo $E D G$, qui æqualis sit angulo $D C F$, parallelogrammum $D H$, æquale ipsi B ; eritque $C D G$, linea




44. vel 45. primi.

una

13. *sexti.*18. *sexti.*

una recta, nec nō F E H, cui demon- stratum fuit propos. 45. lib. 1. Inueniatur iam inter rectas C D, D G, tertia propor- tionalis I K, super quam constituatur rectilineum L, simile ipsi A, similiterque positū. Dico L, æquale etiā esse alteri re- ctilineo B. Cū enim



fini- tione B. Cū enim sint, proportionales tres rectæ C D, I K, D G; erit p coroll. propos. 20. huius lib. ut C D, prima ad D G, tertia, ita A, rectilineum hu- per primam C D, ad rectilineum L, super I K, secundam simile- similiterq; describitur.

1. *sexti.*

Vt autem C D, ad D G, ita est parallelogrammum C E, ad parallelogrammum D H, eiusdem altitudinis. Igitur erit ut C E, ad D H, ita A, ad L. Vt autē C E, ad D H, ita est A, ad B, propter æqualitatem parallelogrammorum, & ho- rum rectilinearum. Quare erit ut A, ad B, ita A, ad L; pro- ptereaq; æqualia erunt rectilinea B, & L. Est autem & L, si- mile ipsi A, per constructionem. Dato igitur rectilineo simi- le, & alteri dato æquale idem constituimus. Quod erat faciendum.

11. *quinti.*9. *quinti.*

23.

THE OR. 19. PROPOS. 26.

SI a parallelogrammo parallelogram- mum ablatum sit, & simile toti, & similiter positum, communem cum eo habens angu- lum; hoc circum eandem cum toto diame- trum consistit.

E x parallelogrammo B D, abscissum sit pallelogrammū E G, simile similiterq; positum, habens cum ipso angulū cō- munem E A G. Dico E G, consistere circa diametrum totius B D. Ducantur enim rectæ A F, C F, quæ si iunctæ una linea

linea recta, perspicuum est, cum A F, sit diameter ipsius EG, & A C, diameter ipsius B D, parallelogrammum E G, consistere circa diametrum A F C, totius parallelogrammi. Quod si A F, C F, non dicantur efficere lineam rectam; ducatur totius parallelogrammi diameter A C, secans latus E F, in H puncto, per quod ipsi F G, parallela agatur H I. Quoniam igitur parallelogramma B D, E I, sunt circa eandem diametrum A H C, ipsa erunt similia, similiterque posita. Quare erit ut B A, ad A D, ita E A, ad A I: Sed ut B A, ad A D, ita quoque est E A, ad A G; quod parallelogramma B D, E G, ponantur similia, similiterque posita. Igitur erit ut E A, ad A I, ita E A, ad A G. Ac propterea aequales erunt rectae A I, A G; pars, & totum; quod est absurdum.

Quo d' si dicatur recta A H C, secare alterum latus F G; Tunc ducta H I, parallela ipsi B F, erunt eursus similia parallelogramma B D, I G, similiterque posita. Quare erit ut D A, ad A B, ita G A, ad A I: Sed ut D A, ad A B, ita quoque est G A, ad A E, ob similitudinem parallelogrammorum B D, E G; Igitur erit ut G A, ad A I, ita G A, ad A E; ideoque aequales erunt rectae A I, A E; pars & totum: Quod est absurdum. Itaque si a parallelogrammo parallelogrammum ablatum sit, &c. Quod erat demonstrandum.

SCHOLIUM.

ALITER idem theorema demonstrabimus ostensue, hoc modo. Divisis lateribus A B, B C, bifariam in punctis H, I, sive punctum H, cadat in punctum E, sive supra, sive infra; ducantur rectae H I, A F. Quoniam igitur, propter similitudinem parallelogrammorum, est ut A B, ad B C, ita A E, ad E F; Vt autem tota A B, ad totam B C, ita est dimidia H B, ad dimidiam B I; Erit ut H B, ad B I; ita A E, ad E F. Triangula igitur H B I, A E F, cum habeant circa angulos



24. sexti.

11. quinti.
9. quinti.



24. sexti.

11. quinti.
9. quinti.



15. quinti.
11. quinti

6. sexti.


28. primi

2. sexti.

angulos aequales B, E, latera proportionalia, erunt aequiangula, habebuntque aequales angulos BHI, EAF, externum, & internum inter rectas HI, AF. Quare parallela erunt rectae HI, AF. Quoniam uero recta, quae ex puncto A, ad punctum C, ita concipitur, parallela quoque est rectae HI propterea quod latera AB, BC, trianguli unius situi ABC, proportionaliter essent sectae H, & I, ut ipse bisariam; efficitur, ut ducta recta AC, eadem fiat quae AF, transeatque per punctum F; cum ex puncto A, solum una linea parallela rectae HI, possit duci, ut manifestum est. Consistunt ergo BD, EG, parallelogramma circa eandem diametrum AFC.

Quod est propositum.

Q U O D si duo parallelogramma similia similiterque posita non habeant angulum communem, sed unum sit extra aliud, hac tamen lege, ut ita sint connexa inter se secundum duos eorum angulos aequales, ut duo latera unius cum duobus lateribus alterius duas rectas lineas constituant: demonstrabimus ipsas esse medias, ea circa eandem consistere diametrum. Similiter enim duo parallelogramma similia similiterque posita BD, EG, quae ad angulos aequales BCD, GCE, ita coniungantur, ut lineae BC, CG, in directum iaceant, & ob id, per ea, quae ad propositum 15. lib. 1. ostendimus, lineae DC, CE, unam quoque lineam




rectam componant. Dico parallelogramma BD, EG, circa eandem consistere diametrum, hoc est, diametrum AC, cum diametro FC, unam rectam lineam conficere. Si enim AC, FC, non faciunt unam lineam rectam, ducatur ex A, ad F, linea recta secans BC, in H, puncto, per quod agatur HI, parallela ipsi CD, occurrens rectae FE, producta in K. Quoniam igitur parallelogramma BI, KG, circa eandem diametrum AHF, productam consistunt, efficiuntque; due rectae BH, HI, cum duobus rectis HG, HK, lineas rectas, ipsae erunt similia similiterque posita, per ea, quae ad propositum 24. huius lib. demonstravimus. Quare erit ut HB, ad BA, ita FK, ad KH. Habet autem CB, maior ad BA, maiorem proportionem, quam HB, minor ad eandem BA; &

8. quinti.

est ut CB, ad BA, ita FE, ad EC, eo quod parallelogramma BD, EG, ponuntur similia similiterque descripta: Igitur & FE, ad EC, hoc est, ad sibi equalem KH, maiorem habebit proportionem, quam HB, ad BA, hoc est, quam FK, ad KH. Quæ ob rem cum FE, ad KH, maiorem habeat proportionem, quam FK, ad eandem KH, erit FE, maior quam FK; pars quam totum: Quod est absurdum.

Quod si quis dicat, rectam AHF, secare latus CD. Tunc per H, ducta recte BC, parallela HI, que occurrat recte FG, protrahat in K; erunt rursus similia similiterque posita parallelogramma ID, EK, per ea, que ad propos. 24. huius lib. ostendimus. Quare erit ut HD, ad DA, ita FK, ad KH. Habet autem CD, ad DA, maiorem proportionem, quam HD, ad DA; Et est ut CD, ad DA, ita FG, ad GC, propterea quod parallelogramma BD, EG, similia similiterque posita sunt concessa; Igitur & FG, ad GC, hoc est, ad sibi equalem KH, maiorem habebit proportionem, quam FK, ad KH; ideoque FG, maior erit, quam FK, pars quam totum: Quod est absurdum.




10. quinti.

8. quinti.

10. quinti.

OSTENSIVE idem hac ratione ostenditur. Quoniam propter similitudinem parallelogrammorum BD, EG, anguli B, E, sunt æquales, estque ut AB, ad BC, ita CE, ad EF; habebunt triangula ABC, CEF, circa angulos æquales B, & E, latera proportionalia, ac ideoque equiangula erunt, habebuntque angulos BCA, EFC, æquales. Addito ergo communi angulo BCF, erunt duo anguli BCA, BCF, duobus angulis EFC, BCF, æquales; sed hi inter parallelas BC, EF, æquales sunt duobus re-ctis. Quare & BCA, BCF, duobus erunt re-ctis æquales; Ac propterea AC, FC, unam component rectam lineam. Quod est propositum.



6. sexti.

29. primi

14. primi

RECTE autem Euclides in theoremate voluit, parallelogrammum a toto ablatum non solum esse toti simile, verum etiã similiter positũ, ut ostendatur circa eandẽ cũ toto diametru. Nam si ex altera parte longiori BD, abscindatur altera parte longius EG, circa eandem cum toto diametrum consistens,

24. sexti.

erit EG , ipsi BD , simile similiterque positum. At vero si in rectangulo IL , quod sit equilaterum ipsi BD , sumatur HM , equalis ipsi AE , & MN , equalis ipsi AE , & c. erit quidem rectangulum MO , aequale & simile rectangulo EG , propter equalitatem laterum, & angulorum, qui sunt recti, & ob id simile rectangulo IL ; sed tamen quia non est similiter positum, non consistit circa eandem cum toto IL , diametrum.

Idem quoque hic perspicitur in rectangulis, quorum unum est extra alterum, secundum tamen angulos eorum via inter se

connexa, ut duo latera unius directum iaceant cum duobus lateribus alterius, qualia sunt parallelogramma rectangula

BD , EG , & IL , MO ; in quibus EG , quidem consistit circa eandem diametrum cum rectangulo BD , quoniam est similiter positum: At vero MO , minime consistit circa eandem diametrum cum rectangulo IL , quia non est similiter positum, quamvis simile sit, cum profus sit aequale ipsi EG . Nam KM , equalis est ipsi EF , & MN , ipsi EC , & c.


26. THEOR. 20. PROPOS. 27.

OMNIVM parallelogrammorum secundum eandem rectam lineam applicatorum, deficientiumq; figuris parallelogrammis similibus similiterque positis ei, quod a dimidia describitur; maximū id est, quod ad dimidiam applicatur, parallelogrammū simile existens defectui.

DE TVR recta AB , diuisa bifariam in C , superq; eius dimidiam BC , constituitur quodcunque parallelogrammū $CDEB$, cuius diameter BD . Si igitur compleatur totum paralle-



parallelogrammum $A B E H$, erit parallelogrammum $A D$, super dimidiam $A C$, consistens, applicatum secundum $A B$, deficiens parallelogrammo $C E$, & existens simile defectui $C E$. Dico parallelogrammum $A D$, ad dimidiam $A C$, applicatum, deficiensque parallelogrammo $C E$, maximum esse omnium, quæ secundum $A B$, rectam applicantur, deficiuntque parallelogrammis similibus similiterque positis ipsi $C E$. Sumpto enim puncto G , utcumque in diametro $B D$, & ductis per G , rectis $F G I, K G$, quæ sint parallelæ rectis $A B, B E$, erit parallelogrammum $F K$, secundum rectam $A B$, applicatum, deficiens parallelogrammo $K I$, quod ipsi $C E$, simile est, similiterque positum, cum sit circa eandem cum $C E$, diametrum. Quoniam uero complementa $C G, G E$, æqualia sunt; si addatur commune $K I$, erunt quoque æqualia $C I, K E$: Est autem $C I$, æquale ipsi $C F$, propter bases æquales $A C, C B$. Igitur & $C F, K E$, æqualia erunt; additoque communi $C G$, æqualia erunt parallelogrammum $A G$, & gnomonem $L M$. Quare cum $C E$, maius sit gnomone $L M$, (continet enim $C E$, præter gnomonem parallelogrammum adhuc $D G$), erit quoque $A D$, æquale existens ipsi $C E$, propter bases æquales $A C, C B$, maius quam parallelogrammum $A G$, eodem parallelogrammo $D G$. Eodemque modo ostendetur $A D$, maius esse omnibus parallelogrammis, quæ ita secundum rectam $A B$, applicantur, ut punctum G , sit inter puncta B , & D , hoc est, quæ occupant maiorem lineam dimidia $A C$, habentque minorem altitudinem, quam $A D$; dummodo defectus similes sint ipsi $C E$.



A L I T E R demonstrabitur $A D$, maius esse parallelogrammo $A G$, hoc modo, Parallelogramma $F D, D I$, sunt æqualia, cum bases $H D, D E$, sint æquales: Est autem $D I$, maius quam $G E$, hoc est, quam complementum $C G$, sibi æquale, parallelogrammo $D G$; Igitur & $F D$, maius erit, quam $C G$, parallelogrammo eodem $D G$. Ac idcirco addito communi $C F$, maius erit $A D$, quam $A G$, parallelogrammo eodem $D G$.

Q U O D si punctum G , sumatur in diametro $B D$, producta extra parallelogrammum $C E$. Tunc ducta per G , recta

Ec 2 H M,

24. sexti.

43. primi

36. primi

36. primi

36. primi

43. primi

HM, quæ sit parallela ipsi AB, occurratq; rectis AK, BE, protractis in H, & M. Itè ducta GF, parallela ipsi AH; erit parallelogrammū A G, applicatum secundum rectam AB, deficiens parallelogrammo FM, quod ipsi CE, est simile similiterque positū, cum sit circa eandem diametrum cum



24. sexti.

34. primi

36. primi

CE; Dico adhuc maius esse AD, ipso AG. Protracta enim C.D, ad L, erunt æquales rectæ HL, LM, ideoque æqualia parallelogramma HD, DM. Cum igitur DM, sit æquale complemento DF, erit & HD, æquale ipsi DF. Est autem HD, maius quam HL, parallelogrammō LL. Quare & DF, maius erit quam HI, eodem parallelogrammō LL. Ac propterea communi addito AI, maius erit AD, quam AG, eodem parallelogrammō LL. Iisdem argumentis concludes AD, maius esse quocunque parallelogrammo ita applicato secundum rectam AB, ut punctum G, sit ultra D, in diametro BD, producta; hoc est, quod occupat minorem lineam dimidia AC, habetque maiorem altitudinem, quam AD; dummodo defectus similis existat parallelogrammo CE. Itaque omnium parallelogrammorum secundum eandem rectam lineam applicatorum, &c. Quod erat demonstrandum.

SCHOLIŌN.

MANIFESTUM autem est, lineam, ad quam parallelogrammum deficiens applicatur, esse vel maiorem dimidia AC, qualis est AK, in priori figura, vel minorem, cuiusmodi est AF, in figura posteriori: prout punctum G, sumitur vel in diametro BD, vel in ea producta ad partes D.

37.

PROBL. 8. PROPOS. 28.

AD datam lineam rectam, dato rectilineo æquale parallelogrammum applicare deficiens figura parallelogramma, quæ simili

lis sit alteri parallelogrammo dato. Oportet autem datum rectilineum, cui æquale applicandum est, non maius esse eo, quod ad dimidiam applicatur, cum similes fuerint defectus & eius, quod ad dimidiam applicatur, & eius, cui simile deesse debet.

Ad datam rectam lineam A B, dato rectilineo C, applicandum sit parallelogrammum æquale, deficiens parallelogrammo, quod sit simile dato alteri parallelogrammo D. Secta A B, bisariam in E, super medietatem E B, describitur parallelogrammum E F G B, simile ipsi D, similiterque positum; & compleatur totum parallelogrammum A H G B. Si igitur A F, æquale est ipsi C, cum sit applicatum ad A B, deficiens parallelogrammo E G, simili ipsi D, factum erit, quod iubetur. Si autem A F, maius est quam C. (Neque enim minus erit. Nam cum per præcedentem ipsum sit omnium applicatorum maximum, dummodo defectus sint similes, non posset applicari ullum ad A B, quod esset ipsi C, æquale, sed omnia essent minora: Propterea adiunxit Euclides;

18. sexti.

Oportet autem datum rectilineum, &c.) erit quoque sibi æquale E G, maius quam C. Sit igitur maius rectilineo I. (Qua uero ratione excessus duorum rectiliorum sit inquirendus, docuimus ad ppos. 45. lib. 1.) & constituat



parallelogrammum KLMN, simile quidem ipsi D, seu ipsi E G, æquale uero excessui inuento I, ut sit E G, æquale rectilineo C, & parallelogrammo KM, simul, & ob id maius quam K M. Cum igitur ob similitudinem sit ut E F, ad FG, ita N K, ad K L; erunt quoque latera E F, FG, maiora lateribus N K, K L. Si enim his illa forent æqualia, uel minora, esset etiam E G, æquale ipsi N L, uel minus, ut constat. Quare abscissis rectis F O, F Q, quæ sint æquales ipsis K N, K L, & completo parallelogrammo F Q P O; erit hoc ipsi


25. sexti.

E c 3 L N,

26. sexti.


L N, æquale, & eidem simile similiterque positum, & propterea ipsi E G: atque adeo circa eandem diametrum cum E G, consistet, quæ sit BE. Productis iam rectis Q P, O P, erit

24. sexti.



parallelogrammum A P, ad rectam A B, applicatum, deficiens parallelogrammum P B, quod simile est ipsi E G,

43. primi



& propterea ipsi D, Dico igitur A P, æquale esse ipsi C, rectilineo. Nam cum P G, æquale sit: complementum P B, si addatur commune, P B, erit & B Q, æquale ipsi E R, hoc est, ipsi E S,


36. primi

quod æquale est ipsi E R, propter bases æquales E A, E B. Quare si æqualibus A O, B O, commune addatur E P, erit A P, æquale gnomoni T V. Sed gnomon T V, æqualis est rectilineo C. (Nam cum E G, parallelogrammum æquale sit ipsi C, una cum L N; si auferantur æqualia Q O, L N, remanebit gnomon T V, ipsi C, æqualis.) Ititur & A P, eidem C, æquale erit. Ad rectam ergo A B, applicatum est parallelogrammum A P, deficiens parallelogrammum P B, quod simile est dato parallelogrammo D, & æquale rectilineo dato C. Quod faciendum erat.

SCHOLIUM.

MOVENT hoc in loco dubium quoddam Iacobus Peltrarius, & Nicolaus Tartalea, quod iuxta nostram constructionem locum non habet, cum super E B, constituerimus E G, parallelogrammum non solum simile ipsi D, verum etiam similiter positum; quod ipsi minime fecerunt. Qua de re consule eorum commentarios.

PERSPICVVM autem ex dictis est, si ad rectam applicetur parallelogrammum deficiens quadrato, ipsum applicatum æquale esse rectangulo, quod sub segmentis lineæ per applicationem factis continetur. Vt si ad A B, applicetur A C, deficiens quadrato C B, erit A C,



applicatum, rectangulum contentum sub A D, & D C; Cum ergo D C, æqualis sit ipsi D B, propter quadratum C B; continetur quoque A C, sub segmentis A D, D B, per applicationem factis.


PROBL. 9. PROPOS. 29.

28.

AD datam rectam lineam, dato rectilineo æquale parallelogrammum applicare, excedens figura parallelogramma, quæ simili sit parallelogrammo alteri dato.

AD datam rectam lineam AB, dato rectilineo C, applicandum sit parallelogrammum æquale, excedens parallelogrammo, quod simile sit dato, alteri parallelogrammo D. Divisa AB, bifariam in E; super dimidiam EB, construatur parallelogrammum EFGB, simile ipsi D, similiterque positum. Deinde rectilineo C, & parallelogrammo EFG constituitur quadratum H, æquale, cui quidem fiat parallelogrammum IKLM, æquale, simile uero ipsi EFG, similiterque positum; eritque propterea IKLM, maius quam EFGB, quandoquidem æquale est quadrato H, quod constructum est rectilineo C, una cum parallelogrammo EFG, æquale. Cum igitur ob similitudinem MK, EFG, sit ut MI, ad IK, ita EF, ad FG, erunt quoque latera MI, IK, lateribus EF, FG, maiora. Si enim illa his forent æqualia, uel


18. sexti.
14. secundi
25. sexti.



minora, esset quoque MK, uel æquale ipsi EFG, uel minus, ut perspicuum est. Productis igitur FE, FG, ut recta FO, FN, æquales sint rectis IM, IK, & completo parallelogrammo ON, erit hoc simile similiterque positum ipsi EFG, cum sit æquale ipsi MK, & simile. Quare ON, EFG, circa eandem diametrum consentent, quæ sit FP. Productis iam AB, GB, ad Q, R; & PO, donec cum AS, ipsi FO, parallela conveniant in S; erit parallelogrammum AP, applicatum ad rectam AB, excedens parallelogrammo QR, quod simile est ipsi EFG, ac propterea ipsi D. Dico igitur AP, æquale esse rectilineo C. Nam cum AO, ER, sint æqualia; & ER, æqua

26. sexti.
24. sexti.
36. primi

43. primi le complemento BN, erit & AO, ipsi BN, æquale; Adde-
ergo communi OQ, fiet AP, æquale gnomoni EPN. At



qui gnomon EPN, æqua-
lis est rectilineo C, (nam
cum MK, hoc est, ON,
æquale sit rectilineo C,
una cum EG; Si aufera-
tur commune EG, rema-
nebunt æqualia gnomon
EPN, & rectilineū C.)
Igitur & AP, æquale est

rectilineo C. Ad datam ergo rectam AB, dato rectilineo C,
æquale parallelogrammum applicatum est AP, excedens
parallelogramo RQ, quod simile est alteri dato D. Quod
faciendum erat.

29.

PROBL. 10. PROPOS. 30.

PROPOSITAM rectam lineam ter-
minatā, extrema, ac media ratione secare.


29. sexti.

Si r. recta AB, secanda extrema ac media ratione. De-
scripto super eam quadrato ABCD; ad latus DA, applicetur
parallelogrammo AF, simili ipsi quadrato, eritq; propterea
AF, quoq; quadratum, cum quadrato solum quadratum
sit simile. Secet deinde recta EF, rectam AB, in H. Dico
AB, in G, sectam esse extrema ac media ratione. Cum enim

æqualia sint DF, & AC; si dematur com-
mune AE, remanebunt æqualia GH, HC,
quæ cum habeant angulos æquales AHE,
BHE, utpote rectos; erunt latera circa illos
reciproca; hoc est, erit ut EH. hoc est, ut
AB, sibi æqualis; ad HF, hoc est, ad AH,
sibi æqualem, ut AH. ad HB. Quare secta
est AB, extrema ac media ratione, per de-


finitionem. Propositam ergo rectam lineam terminatam, &c.
Quod erat faciendum.

14. sexti.



ALITER ostendemus AB, esse sectam in H, extrema ac media ratione. Cum tres lineæ dentur AB, AH, HB, sitq; rectangulum HC, comprehensum sub prima AB, & tertia HB, æquale quadrato mediæ AH; erunt ipsæ proportionales, ut AB quidē ad AH, ita AH, ad HB. Quare per definitionem secta est AB, in H, extrema ac mediā ratione.

17. sexti.

ALITER totum problema conficiemus. Diuidatur AB, in C, ita ut rectangulum sub tota AB, & segmento CB, æquale sit  quadrato alterius segmenti AC. Dico AB, in C, esse sectam extrema ac media ratione. Erunt enim rursus, ut prius, tres lineæ AB, AC, CB, continue proportionales. Constat ergo propositum.

18. secundi

17. sexti.

SCHOLION.

HABET admiranda hæc sectio linea extrema ac media ratione insignes utilitates, proprietatesque, ceu in libris Stereometrie manifestum erit, ut nō sine causa a plerisque Mathematicis linea ita diuisa diuinam quodammodo, ob admirabile eius vim, ac naturam, dicatur habere proportionem: Ab alijs uero simpliciter uocetur diuisa proportionaliter.

THEOR. 21. PROPOS. 31.


31.

IN rectangulis triangulis, figura quæuis a latere rectum angulum subtendēte descripta, æqualis est figuris, quæ priori illi similes, & similiter positæ a lateribus, rectū angulum continentibus describuntur.

TRIANGVLVM rectangulum sic ABC, habens angulum BAC, rectū, describaturq; super BC, quæcūq; figura rectilinea BCDE, cui similes similiterq; positæ super AB, AC, constituantur ABFG, ACHI. Dico figuram BD, æqualem esse duabus figuris AF, AI. Demissa enim ex A, ad BC, perpendiculari AK; erit per corollarium propos. 8. huius

18. sexti.

huius lib. ut B C, ad C A, ita C A, ad C K. Quare ut B C, ad C K, prima linea ad tertiã, ita figura B D, super primã, ad figuram C H, super secundam similiter posita, per coroll. propos. 19. uel 20. huius lib. & conuertendo ut C K, ad B C, ita figura C H, ad figurã B D. Non secus ostendetur, esse quoque ut B K, ad B C, ita figuram B G, ad figurã B D; cum tres lineæ B C, B A, B K, sint quoque proportionales, &c. Quoniã igitur est ut C K, prima quantitas ad B C, secundam, ita C H, tertia ad B D, quartam; Item ut



ra C H, ad figurã B D. Non secus ostendetur, esse quoque ut B K, ad B C, ita figuram B G, ad figurã B D; cum tres lineæ B C, B A, B K, sint quoque proportionales, &c. Quoniã igitur est ut C K, prima quantitas ad B C, secundam, ita C H, tertia ad B D, quartam; Item ut

24. quinti.

B K, quinta quantitas ad B C, secundam, ita B G, sexta ad B D, quartam; erit ut prima C K, cum quinta B K, ad B C, secundam, ita tertia C H, cum sexta B G, ad B D, quartã. Sunt autem prima C K, & quinta B K; simul æquales secundæ B C; ergo tertia C H, & sexta B G, simul æquales quoque erunt quartæ B D. In rectangulis igitur triangulis, figura quæuis, &c. Quod erat ostendendum.

8. sexti.

ALITER. Cum triangulo A B C, simile sit triangulum K A C, sintque homologa latera ipsorum B C, C A; (Nam est ut B C, ad C A, in triangulo A B C, ita C A, ad C K, in triangulo K A C) habebit triangulum K A C, ad triangulum A B C, duplicatã proportionem eius, quam habet C A, ad B C. Habet autem & figura C H, ad figuram B D, proportionẽ duplicatã proportionis C A, ad B C. Quare erit ut triangulum K A C, ad

19. sexti.

triangulum A B C, ita figura C H, ad figuram B D. Eadem ratione ostendetur esse, ut triangulum K B A, ad triangulum A B C, ita figuram B G, ad figuram B D. Quoniam ergo

19. uel 20. sexti.

rursus est, ut K A C, prima quantitas ad A B C, secundam, ita C H, tertia ad B D, quartam; Item ut K B A, quinta ad

11. quinti.

ad A B C, secundam, ita B G, sexta ad B D, quartam; erit & prima K A C, composita cum quinta K B A, ad secundam

24. quinti.

A B C, ita composita tertia, C H, cum sexta B G, ad quartam B D. Sunt autem K A C, K B A, prima & quinta simul, æquales secundæ A B C; Igitur & C H, B G, tertia & sexta simul, æquales erunt quartæ B D.

ALITER. Ut quadratum rectæ A C, prima quantitas, ad quadratum rectæ B C, secundam quantitatẽ, ita est figura C H, tertia quantitas, ad figuram B D, quartam quantitatẽ,

titatem,

titatem, cum utraque proportio sit duplicata proportionis A C, ad B C. Similiter erit ut quadratū rectæ A B, quinta quantitas, ad quadratū rectæ B C, secundā quantitātē, ita figura B G, sexta quantitas, ad figuram B D, quartam quantitatē. Quocirca erit, ut prima quantitas cum quinta, nempe quadratū rectæ A C, cum quadrato rectæ A B, ad secundā, hoc est, ad quadratū rectæ B C, ita tertia quantitas cum sexta, nimirum figura C H, cum figura B G, ad quartam, nempe ad figuram B D: Sunt autem quadrata rectorum A C, A B, simul æqualia quadrato rectæ B C. Igitur & figuræ C H, B G, figuræ B D, æquales erunt.

19. uel 20
sexti.
24. quinti.
47. primi

SCHOLION.

VIDES igitur, longe esse uniuersalius theorema hoc Euclidis, quod se se ad omnes figuras similes similiterque descriptas extendit, quam illud Pythagoræ inuentum, quod sola quadrata includit, ut propos. 47. primi lib. monuimus. Est tamen & theorema illud, quod ibi ex Pappo demonstrauimus, ad huc uniuersalius hoc, cum illud de omni triangulo, parallelogrammisque etiam non similibus; Hoc uero de triangulo tantummodo rectangulo, figurisque similibus, & similiter positus, proponatur.


CONUERTEMVS etiam theorema hoc ex Campano nouerit, quam 47. propositionem primi lib. in hunc modum.

SI figura, quæ ab uno laterum trianguli describitur, æqualis sit eis, quæ a reliquis trianguli lateribus describuntur, figuris similibus similiterque positus: Angulus comprehensus sub reliquis duobus trianguli lateribus, rectus est.

DETER triangulam A B C, sitque figura quæuis super latere B C, descripta æqualis duabus figuris sibi similibus similiterque descriptis super reliqua latera A B, A C. Dico angulū B A C, esse rectum. Ducatur enim A D, ad A C, perpendicularis, quæ sit ipsi A B, æqualis, & connectatur recta C D. Quoniā igitur angulus C A D, rectus est, erit figura super C D, (quæ similis

31. sexti.

semilis sit ei, quæ super B C, similiterque posita) descripta equalis figuris super A D, A C, descriptis, quæ ei similes sint, similiterque posita: Est autem figura super A D, equalis figuræ super A B, ob equalitatem laterum; Quare figura super CD, equalis erit figuris super A B, A C. Cum igitur figura super B C, eisdem figuris super A B, B C, equalis ponatur; erunt figuræ super C D, B C, inter se æquales, ac propterea rectæ C D, B C, æquales erunt, ut constet ex lemma propo. 22. huius lib. Quoniam igitur latera A D, A C, trianguli A D C, equalia sunt lateribus A B, A C, trianguli A B C, & basis D C, ostensa est quoque equalis basi B C; erunt anguli D A C, B A C, æquales. Quare cum DAC, rectus sit, ex constructione, rectus quoque erit BAC; quod est propositum.



8. primi

30.

THEOR. 22. PROPOS. 32.

SI duo triangula, quæ duo latera duobus lateribus proportionalia habeant, secundum unum angulum composita fuerint, ita ut homologa eorum latera sint etiam parallela; tum reliqua illorum triangulorum latera in rectam lineam collocata reperiuntur.

HABEANT triangula ABC, DCE, latera AB, AC, lateribus DC, DE, proportionalia, ut quidem AB, ad AC, ita DC, ad DE; componenturque ad angulum A C D, ita ut latera homologa A B, D C; Item A C, D E, inter se sint parallela. Dico duo latera reliqua B C, C E, rectam componere lineam. Cum enim parallela sint AB, DC, erit angulus A, alterno A C D, æqualis: Eademque ratione angulus D, eidem A C D, æqualis erit; ac propterea A, & D, inter se quoque existent æquales. Quoniam igitur triangula ABC, DCE, habent latera circa æquales angulos A, & D, proportionalia; ipsa erunt inter

29. primi



inter se æquiàngula, habebuntq; æquales angulos B, & DCE. 6. sexti.
 Additis ergo æqualibus A, & ACD, erunt duo anguli B, & A, duobus angulis DCE, ACD, hoc est, angulo ACE, æquales. Rursum addito communi ACB, fient tres anguli trianguli ABC, duobus angulis ACE, ACB, æquales: Sed illi tres æquales sunt duobus rectis; ergo & duo ACE, ACB, 32. primi
 duobus erunt rectis æquales: Ac idcirco BC, CE, unam rectam lineam constituent. Itaque si duo triangula, quæ duo latera duobus lateribus proportionalia habeant, &c. Quod eat demonstrandum. 14. primi

SCHOLIION.

DEBENT autem prædicta duo triangula ita secundum unum angulum esse composita, ut uterque angulorum a lateribus proportionalibus comprehensus, alternus sit illi angulo, secundum quem triangula componuntur; veluti in schemate theorematum factum esse vides: Nam angulo ACD, secundum quem triangula sunt composita, alternus est tam angulus A, quam angulus D, quorum uterque lateribus proportionalibus continetur. Hinc enim efficitur, angulos A, & D, esse æquales, & propterea triangula esse æquiàngula; atque adeo ex BC, CE, unam rectam lineam componi, ut ex demonstratione liquet.

Quod si uterque angulorum lateribus proportionalibus comprehensus non fuerit alternus angulo, secundum quem triangula componuntur, licet relique hypothèses theorematum seruentur, non colligitur necessario conclusio. Nam duo tri-

angula ABE, DBE, habent duo latera AB, AC, duobus lateribus DE, DB, proportionalia, ut quidem AB, ad AC, ita DE, ad DB; compositaque sunt ad angulum CBD, ita ut tam homologa latera AB, DE, quam AC, DB, sint parallela: Nihilominus reliqua duo latera CB, BE, non constituent unam lineam rectam; propterea quod angulo CBD, non sit alternus uterque angulorum A, & D, immo neuter eorum, ut perspicuum est.




Quamobrem demonstratio theorematum: ma:is locum non habet.

THEOR.

IN æqualibus circulis, anguli eandem habent rationem cum peripherijs, quibus insunt, siue ad centra, siue ad peripherias constituti insint: Insuper uero & sectores, quippe qui ad centra consistunt.

SINT duo circuli æquales ABC , EFG , quorum centra D , H ; sumanturque ex circulis duo arcus quicunque



BC , FG , quibus ad centra quidem insint anguli BDC , FHG ; ad circumferentias uero anguli BAC , FEG . Dico esse ut arcu BC , ad arcum FG , ita

angulum FHG ; & angulum BAC , ad angulum FEG ; & sectorem BDC , qui rectis BD , DC , & arcu BC , continetur, ad sectorem FHG , quem comprehendunt rectæ FH , HG , & arcus FG . Ductis enim rectis BC , FG , appi- centur ipsis in circulis æquales rectæ, CI , quidem ipsi BC , At uero GK , KL , ipsi FG : ducanturque rectæ ID , KL , LH . Quoniam igitur æquales sunt rectæ BC , CI , erunt quoque æquales arcus BC , CI , ac propterea anguli BDC , CDI , æquales erunt. Eadem ratione æquales erunt & arcus FG , GK , KL , & anguli FHG , GHK , KHL . Quæ multiplex ergo est arcus BCI , ipsius arcus BC , tam multiplex erit angulus BDI , seu aggregatum angulorum prope centrum D , insistentium arcui BCI , anguli BDC : Et quæ multiplex est arcus $FGKL$, ipsius arcus FG , tam multiplex erit angulus FHL , seu aggregatum angulorum prope centrum H , arcui $FGKL$, insistentium, anguli FHG : quia in tot angulos æquales diuisi sunt anguli BDI , FHL , in quot arcus æquales secti sunt arcus BCI , $FGKL$. Quomodo uero

1. quarti.

28. tertij.

27. tertij.

uero si arcus $B C I$, æqualis fuerit arcui $F G K L$, necessario
 angulus $B D I$, angulo $F H L$, æqualis est; Ac proinde si ar-
 cus $B C I$, maior fuerit arcui $F G K L$, necessario angulus
 $B D I$, maior est angulo $F H L$; & si minor, minor: Defi-
 cient propterea una arcus $B C I$; & angulus $B D I$, æque
 multiplicia primæ magnitudinis $B C$, & tertiæ $B D C$, ab
 $F G K L$, arcu, & angulo $F H L$, æque multiplicibus secun-
 dæ magnitudinis $F G$; & quartæ $F H G$; uel una æqualia erunt;
 uel una excedent; si ea sumantur, quæ inter se respondent.
 Quare quæ proportio est arcus $B C$, primæ magnitudinis,
 ad arcum $F G$, secundam magnitudinem, ea erit anguli
 $B D C$, tertiæ magnitudinis, ad angulum $F H G$, quartam
 magnitudinem.

Q U O N I A M uero, ut angulus $B D C$, ad angulum
 $F H G$, ita est angulus $B A C$, ad angulum $F E G$, cum illi
 horum sint dupli; perspicuum est, ita esse quoque angulum
 $B A C$, ad angulum $F E G$, ut est arcus $B C$, ad arcum $F G$.
 Quod tamen eisdem argumentis demonstrari potest, quibus
 usi sumus in angulis ad centra constitutis, si prius ducatur
 rectæ $I A$, $K E$, $L E$.

C O N S T I T V A N T uero iam in segmentis $B C$, $C I$,
 anguli $B M C$, $C N I$, qui æquales erunt, cum insistant ar-
 cubus æqualibus $B A C$, $C B A I$: Quare similia erunt seg-
 menta $B M C$, $C N I$, atque adeo inter se æqualia, propter
 rea quod sint super rectas $B C$, $C I$, quæ inter se sunt æqua-
 les. Additis igitur triangulis $B D C$, $C D I$, quæ æqualia
 quoque sunt, sient sectores $B D C$, $C D I$, æquales. Qua-
 propter tam multiplex erit sector $B D I$, sectoris $B D C$, quæ
 est multiplex arcus $B C I$, ipsius arcus $B C$. Similiter ostende-
 mus, sectorem $F H L$, tam multiplicem esse sectoris $F H G$,
 quam multiplex est arcus $F G K L$, ipsius arcus $F G$. Quoniã
 uero si arcus $B C I$, æqualis fuerit arcui $F G K L$, sector
 quoque $B D I$, sectori $F H L$, æqualis est; (ceu in sectori-
 bus $B D C$, $C D I$, ostensum fuit.) & si maior, maior; & si
 minor, minor: Deficient propterea una arcus $B C I$, & se-
 ctor $B D I$, æque multiplicia primæ magnitudinis $B C$, &
 tertiæ $B D C$, ab arcu $F G K L$, & sectore $F H L$, æque
 multiplicibus secundæ magnitudinis $F G$, & quartæ $F H G$;
 uel una æqualia erunt; uel una excedent; si ea sumantur,
 quæ

27. tertij.

6. den. 5.

15. quinti

20. tertij.

11. quinti.

27. tertij.

24. tertij.

4. primi.

6. defn. 5.

quæ inter se respondent. Quamobrem quæ proportio est arcus B C, primæ magnitudinis, ad arcum F G, secundam magnitudinem, ea erit sectoris B D C, teritiæ magnitudinis, ad sectorem F H G, quartam magnitudinem. In æqualibus ergo circulis, anguli eandem habent rationem cum peripherijs, &c. Quod demonstrandum erat.

COROLLARIUM. I.

11. quinti.

Hinc manifestum est, sic esse sectorem ad sectorem, ut est angulus ad angulum. Vtraque enim proportio eadem est, proportioni arcus ad arcum. Quare & inter se eadem erunt.

COROLLARIUM. II.

33. sexti.


PERSPICUUM quoque est, ut est angulus ad centrum & quatuor rectos, ita esse arcum subtensum illi angulo ad totam circumferentiam. Et contra, ut sunt quatuor recti ad angulum in centro, ita esse totam circumferentiam ad arcum illi angulo subtensum. Nam ut est angulus in centro ad angulum rectum in centro, ita est arcus illi angulo subtensus ad quadrantem angulo recto subtensum. Quamobrem erit ut angulus in centro ad quadruplum anguli recti, nempe ad quatuor rectos, ita arcus illi angulo subtensus ad quadruplum quadrantis, nimirum ad totam circumferentiam, per ea, quæ ad 4. propos. lib. 5. demonstrauimus. Quod est primum. Quomodo igitur est ut angulus in centro ad quatuor rectos, ita arcus illi angulo subtensus ad totam circumferentiam, erit & conuertendo, ut quatuor recti ad angulum in centro, ita tota circumferentia ad arcum angulo in centro subtensum. Quod est secundum. Verum hoc etiam ita demonstrabitur. Cum sit, ut angulus rectus in centro ad angulum in centro, ita quadrans angulo recto subtensus ad arcum illi angulo subtensum, erit quoque, per ea, quæ ad propos. 4. lib. 5. ostendimus, ut quadruplum anguli recti, nempe quatuor recti, ad angulum in centro, ita quadruplum quadrantis, nimirum tota circumferentia, ad arcum illi angulo subtensum. Quod est propositum.

33. sexti.

SCHOLIUM.

CÆTERVM ex theoremate hoc luce clarius colligitur angulum, qui circumferentia alicui insistit, referendum esse ad arcum, qui basis est ipsius anguli, non autem ad arcum in quo existit. Non enim eadem est proportio anguli ad angulum, quæ arcus ad arcum, si sumantur arcus, in quibus anguli existunt, reuult Euclides in proposito hoc theoremate. Sint enim circuli æquales.

æquales ABC, DEF , in quibus anguli ad circumferentiam cō
stituti sunt B, E , maior quidem B , minor autem E . Quo posito
erit arcus AC , maior arcu DF , ac propterea reliquus arcus
 ABC , minor reliquo arcu DEF . Quare proportio anguli B ,
ad angulū E , est maioris inæqua
litas; proportio uero arcus
 ABC , ad arcum DEF , mino
ris inæqualitatis. Non ergo ea
dem est proportio anguli ad an
gulum, quæ arcus ad arcum. Quod si sumamus arcus, super
quos anguli ascenderunt, quales sunt arcus AC, DF , tum demū
erit angulus B , ad angulum E , ut arcus AC , ad arcum DF , ut
recte demonstrauit Euclides. Quocirca cum dicimus angulum
esse in segmento, aliud intelligere debemus, quam cum dicimus,
angulum insistere segmento, seu arcui. Id quod in expositione
definitionis 8. lib. 3. monuimus.



NON obscure quoque ex hoc theoremate deduci potest, simi
litudinem segmentorum in circulis similium, quæ Euclides de
finitione 10. lib. 3. definiuit per angulos æquales in ipsis segmen
tis existentes, consistere in eo, quod segmenta, seu circumferen
tiæ similes, ad integras circumferentias circularum eandem ha
beant proportionem, & propterea qualis pars est una circun
ferentia totius suæ circumferentiæ, talis quoque sit alia circun
ferentia similis totius suæ circumferentiæ; veluti in expositi
one prædictæ definitionis docuimus. Sint enim primum duo cir
culi æquales ABC, DEF , in quibus anguli ad circumferentias
constituuntur æquales BAC, EDF ; Quo posito, segmenta
 BAC, EDF , iuxta Euclidis definitionem præfatam dicentur
similia. Manifestum autem est,
eorum circumferentias habere
eandem proportionem ad inte
gras circularum circumferen
tias. Cum enim ob circularum




æqualitatem, arcus BC, EF , quibus anguli æquales insistant, 26. terij.
sint æquales; efficiuntur reliquis circumferentiis BAC, EDF ,
esse quoque æquales. Quare ad totas circumferentias, quæ æqua
les etiam ponuntur, eandem proportionem habebunt: Atque
idcirco, quæ pars est arcus BAC , totius circumferentiæ $ABCA$,
eadem pars erit arcus EDF , totius circumferentiæ $DEFD$.

ff SINT

S I N T secundo duo circuli inaequales ABC, DEF, in quibus anguli ad circumferentias constituuntur aequales BAC, EDF. Quo posito, dicentur segmenta BAC, EDF, ex Euclidis sententia, similia. Dico rursus arcus BAC, EDF, eandem habere proportionem ad integras suas circumferentias. Ducantur enim ad centra G, H, rectae BG, CG, EH, FH. Quoniam igitur anguli A, & D, aequales ponuntur, erunt quoque ad centra anguli G, & H, aequales, cum hi illorum dupli-

20. tertij.

7. quinti.




stant. Quare quatuor radii ad angulum G, eandem habent rationem, quam ad angulum H. Atqui ut quatuor radii ad angulum G, ita est tota circumferentia ABCA, ad arcum BC: Et ut quatuor radii ad angulum H, ita est tota circumferentia DEF D, ad arcum EF, ex coroll. 2. huius propos. 33. Igitur ut tota circumferentia ABCA, ad arcum BC, ita erit tota circumferentia DEF D, ad arcum EF. Diuidendo ergo erit, ut arcus BAC, ad arcum BC, ita arcus EDF, ad arcum EF. Et conuertendo rursus, ut arcus BC, ad arcum BAC, ita arcus EF, ad arcum EDF. Ac propterea componendo, ut circumferentia tota ABCA, ad arcum BAC, ita circumferentia tota DEF D, ad arcum EDF. Et rursus conuertendo, ut arcus BAC, ad totam circumferentiam ABCA, ita arcus EDF, ad totam circumferentiam DEF D. Quocirca quae pars est arcus BAC, totius circumferentiae ABCA, eadem pars erit arcus EDF, totius circumferentiae DEF D.

11. quinti.

C O N S T A T igitur, recte Euclidem vocasse ea circularum segmenta similia, in quibus anguli existentes inter se sunt aequales; quandoquidem huiusmodi segmenta eandem habent proportionem ad circulos suos integros.

M A N I F E S T Y M etiam est ex dictis, angulos insistentes arcibus circularum similibus, siue ad centra, siue ad circumferentias, insistant, aequales esse inter se. Sint enim in circulis ABCD, EFGH, quorum centra I, K, arcus similes BCD, FGH, quibus insistant, ad centra quidem anguli I, & K, ad circumferentias autem anguli A, & E. Dico tam illos, quam h. esse inter se aequales. Constituuntur enim in dictis arcibus anguli BCD,

BCD, FGH, qui aequales erunt, ex defn. segmentorum simili-
 lium; Sunt autem tam anguli
 C, & A, quam G, & E, duobus
 rectis aequales: Ablatis igitur
 aequalibus C, & G; reliqui A,
 & E; ac proinde eorum dupli
 I, & K, aequales erunt.



22. tertij.


VICISSIM quoque liquet,
 arcus, quibus insistant sine ad cetera, sine ad circumferentias, an-
 guli aequales, similes esse. Nam si anguli A, et E, fuerint aequales;
 erunt & reliqui duorum rectorum C, & G, aequales. Igitur, per definitio-
 nem, arcus BCD, FGH, similes sunt, quibus dicti anguli A, &
 E, insistant. Quod si I, & K, aequales sint, erunt et eorum dimidij A,
 et E, aequales. Quare, ut prius, arcus BCD, FGH, similes sunt.

QUONIAM vero Euclides multa dixit de inventione li-
 nearum proportionalium, nihil vero de superficierum, vel planorum
 proportionalium investigatione nobis praescripsit; non abs re me
 facturum existimo, si nonnulla problemata, atque theoremata,
 quorum multa circa inventionem superficierum proportionalium ver-
 santur, scitu non iniucunda, loco appendicis, partim ex peritis Geo-
 metris, partim ex iuuentis proprijs, huic sexto libro annectam;
 quippe quae ex demonstratis ab Euclide facili negotio deducun-
 tur; Hinc autem exordium capiemus.

A DATO rectilineo imperatam partem au-
 ferre, ita tamen, ut & ablatum, & id, quod relin-
 quitur, simile sit cuius rectilineo dato, simili-
 terque positum.

I.

SIT ex rectilineo A, auferenda
 tertia pars, quae similis sit, simili-
 terque posita rectilineo B, relin-
 quatque rectilineum eidem B, simile,
 & similiter positum. Constituat
 rectilineum CD, aequale quidem ipsi
 A, simile vero ipsi B, superque unum
 eius latus CE, semicirculus descri-
 bat CFE. Deinde ablata parte ter-
 tia GE, imperata videlicet, ex CE, agat GF, ad CE, perpendiculari-
 ris, connectanturque rectae CF, EF, super quas construatur rectilinea



25. sexti.


9. sexti.

18. sexti.

Ff 2 FH,

18. sexti.
31. terti.
31. sexti.

FH, FI, similia similiterque posita ipsi CD. Dico igitur factum esse, quod iubetur. Cum enim angulus CFE, rectus sit, quippe qui in semicirculo existit; erit rectilineum CD, equali rectilineis HF, FI; atque adeo si auferatur rectilineum CD, FI, simile ipsi B, ex rectilineo CD, hoc est, ex sibi equali A, relinquetur rectilineum HF, simile quoque ipsi B. Quod autem rectilineum ablatum FI, sit tertia pars rectilinei CD, ostendetur. Quoniam est ut recti CG, ad GF, ita recta CF, ad FI, eo quod triangula, CGF, CFE, sit similia: Habet autem CG, ad GE,




4. sexti.
8. sexti.

proportionem duplicatam proportionis CG, ad GF, propterea quod proportionales sint tres recte CG, GF, GE, ex coroll. propos. 8. huius lib. Item rectilineum HF, ad rectilineum FI, proportionem quoque habet duplicatam proportionis laterum homologorum CF, FE; Erit ut recta CG, ad GE, ita rectilineum HF, ad rectilineum FI; quandoquidem haec proportiones duarum equalium proportionum duplicatae sunt. Componendo igitur erit, ut CE, ad GE, ita duo rectilinea HF, FI, simul, hoc est, rectilineum CD, quod est illis aequale, ad rectilineum FI. Est autem CE, ipsius GE, tripla, per constructionem; Igitur & rectilineum CD, triplum erit rectilinei FI. Ac propterea hoc illius tertia pars existet. Quod est propositum.

19. vel 20. sexti.

quod si pars imperata, nempe tertia, simpliciter sit auferenda, fiet id brevissime, hac arte. Rectilineum datum A, reuocetur ad parallelogrammum BC, sibi aequale; & ex latere BD, auferatur DE, tertia pars imperata, & per E, agatur ipsi CD, parallela EF. Dico FC, tertiam esse partem ipsius BC, hoc est, rectilinei dati A. Cum enim sit ut DE, ad DB, ita EC, ad CB: Sit autem per constructionem DE, ipsius DB, pars tertia; erit & EC, ipsius CB, tertia pars. Quod est propositum.

45. primi




1. sexti.

DVOBUS datis rectilineis, tertium proportionale inuenire.

II.

SINT data duo rectilinea A, & BCD, quibus inueniendum sit tertium proportionale. Constituatur ipsi A, rectilineum aequale EFG, simile vero similiterque positum ipsi BCD. Deinde lateribus homologis EF, BC, inueniatur tertia linea proportionalis HI, super quam constituatur rectilineum HI K, simile similiterque positum ipsis EFG, BCD. Dico HI K, esse tertium proportionale. Cum enim proportionales sint recte EF, BC, HI, erunt & rectilinea EFG, BCD, HI K, ab illis descripta (cum sint similia, similiterque posita) proportionalia. Cum ergo EFG, per constructionem, aequale sit ipsi A; erunt & rectilinea A, BCD, HI K, proportionalia.




25. sexti.
11. sexti.
18. sexti.
22. sexti.

TRIBVS datis rectilineis, quartum proportionale inuenire.

III.

TRIA rectilinea data sint A, BCDE, FGH, quibus quartum sit inueniendum proportionale. Construatur rectilineum I K L M, aequale quidem ipsi A, simile vero similiterque positum ipsi BCDE. Tribus deinde rectis IK, BC, FG, inuenta quarta proportionali NO, constituatur super NO, rectilineum NOP, ipsi FGH, simile similiterque positum. Dico NOP, rectilineum esse quartum proportionale. Cum enim quatuor recte IK, BC, FG, NO, sint proportionales, erunt & rectilinea similia similiterque posita ab ipsis descripta IL, BD, FGH, NOP, proportionalia. Cum igitur IL, constructum sit aequale ipsi A; erunt & quatuor rectilinea A, BD, FGH, NOP, proportionalia.



25. sexti.
12. sexti.
18. sexti.
22. sexti.


DVOBVS datis rectilineis, medium proportionale inuenire.

IIII.

SINT duo rectilinea A, BCD, quibus medium inueniendum est proportionale. Constituatur rectilineum EFG, aequale ipsi A, & simile similiterque positum ipsi BCD. Duobus deinde rectis EF, BC, inuenta media proportionali HI, constituatur super HI, rectilineum HI K, simile similiterque positum

25. sexti.
13. sexti.
18. sexti.

22. sexti.



ALITER. Sit rursus inter rectilinea A, & B, perqu-

45. primi

25. sexti.



III

1. sexti.

26. sexti.

1. sexti.

V.

25. sexti.

cum ipsis EFG, BCD. Dico H I K, medium esse proportionale questum. Cumenim proportionales sint tres recte E F, H I, B C, erunt quoque recte linea ab ipsis descripta E F, G, H I, K, B C D, proportionalia, cum sint similia similiterque posita, & c.

rendum mediu proportionale. Constituitur ipsi A, aequale parallelogramm quocunq; CDEF; Ipsi vero B, aequale parallelogrammū EGH I, simile vero simili

lierque positum ipsi CDEF. Connectanturque hac parallelogramma ad angulos aequales, ut D E, E I, efficiant unam lineam, ac propterea, per ea, quae ad 15. propos. 1. lib. demonstravimus, una quoque linea componatur ex F E, E G; perficiaturque totum parallelogrammum K L. Dico utrumlibet E K, vel E I, medium esse proportionale inter D F, G I, hoc est, inter A, & B. Cui enim similia sint, similiterque posita D F, G I, erit ut D E, ad E F, ita E I, ad E G. Permutando ergo D E, ad E I, ita F E, ad E G. Ut autem D E, ad E I, ita D F, ad E K; & ut F E, ad E G, ita E K, ad G I. Igitur ut D F, ad E K, ita E K, ad G I, & c.


Q V O D etiam in hunc modum confirmari potest. Cuius D F, G I, similia sint, similiterque posita, consistent ea circa eandem diametrum. Quare complementa E K, E L, aequalia erunt. Ut autem D F, ad E K; ita est E L, ad G I, eo quod utraque proportio eadem sit proportioni D E, ad E I. Igitur erit, ut D F, ad E K, ita E K, ad G I.

D A T O rectilineo duo rectilinea aequalia constituerē, quae similia sint, similiterque descripta cuicunque rectilineo, habeantque inter se proportionem propositam quamcunque.

S I T datum rectilineū A, dataq; proportio recta B, ad C, oporteatq; constituere duo rectilinea, quae ipsi A, aequalia sint, habeantq; proportionem, quam B, & C; ac similia similiterrone posita sint rectilineo cuius D. Constituantur rectilineum EFGH, aequale ipsi A, & simile similiterque positum ipsi D. Dimisso

deinde

deinde latere eius EH, in I, secundum proportionem B, ad C, (quod facile fiet, si conficiatur una linea ex B, & C. Nam tunc similiter secanda erit: EH, &c.) describatur circa EH, semicirculus EKH, & ex I, ducatur ad EH, perpendicularis IK, con-
nectanturq; recta EK, HK. Describantur iam ex EK, KH, rectilinea EKL, M; KHN, O; ipsi EG, vel ipsi D, similia si-
militerq; posita; quae dico equa-
lia erit esse ipsi EG, seu ipsi A, habereque proportionem datam B, ad C. Cum enim angulus EKH, in semicirculo existens rectus sit, erunt rectilinea EI, HO, equalia rectilineo EG, cui sunt similia inter se, similiterq; descripta. Quoniam uero est, ut EI, ad IK, ita EK, ad KH, cum triangu-
la EIK, EKH, similia sint; Est autem EI, ad IH, in proportione duplicata proportio-
nis EI, ad IK; quod tres EI, IK, IH, sint, ex corollario propo-
s. 8. lib. huius, proportionales: Item EL, ad HO, in proportio-
ne duplicata eius, quam habet latus EK, ad latus homologum KH; erit ut EI, ad IH, hoc est, ut B, ad C, ita EL, ad HO. Dato ergo rectilineo A, exhibuimus duo equalia EI, HO, quae si-
milia sunt, similiterque posita dato rectilineo D, habentque propor-
tionem inter se datam B, ad C.



10. sexti.
18. sexti.
31. terrij.
31. sexti.
4. sexti.
20. sexti.

D A T O rectilineo, duo rectilinea equalia ex-
hibere, quae cuius rectilineo similia sunt, simili-
terque descripta, lateraque eorum homologa
habeant inter se proportionem datam.

D E T U R rectilineum A, & proportio
recte B, ad rectam C; oportet ut quae consti-
tue duo rectilinea ipsi A, equalia, & similia
ipsi D, opposita, similiterq; posita, quorum la-
tera homologa pportione habeant, qua B, ad
C. Inneta ipsi B, C, tertia pportionali E,
fiat rectilineum FGH, quale ipsi A, & simi-
le similiterq; posita ipsi D. D. iussuq; latere
FH, in I, em pportione B, ad E; describat cir-
ca FH, semicirculus FKH; et ex I, lueat ad FH, perpendicularis



Ff 4 IK,

VI.

IK, connectanturque recte FK, HK. Describantur iam ex FK, HK, rectilinea FKL, HKM, ipsi FGH, vel ipsi D, simili-
lia, similiterque posita. Dico' hac rectilinea aequalia esse ipsi



31. tertij.
31. sexti.
4. sexti.


FGH, vel ipsi A, eorumque latera homolo-
ga FK, HK, proportionem habere datam
recte B, ad rectam C. Cum enim angular
FKH, in semicirculo rectus sit, erunt nulli
linea FKL, HKM, rectilinee FGH, id est,
& rectilineo A, equalia. Quonia' vero of-
vi FI, ad IK, ita FK, ad HK, ob simili-
tudinem triangulorum FIK, FKH: Est
autem FI, ad IH, in proportione duplicata

proportionis FI, ad IK, (quod tres FI, IK, IH, proportio-
les sint, ex coroll. prepos. 8. huius lib.) Ac propterea in propo-
tione duplicata proportionis lateru' homologoru' FK, HK, item
& proportio B, ad E, (equalis proportioni FI, ad IH, ex costru-
tione,) in duplicata est proportio proportionis B, ad C, ex
desin. Igitur eadem erit proportio FK, ad HK, que B, ad C,
quandoquidem ipsarum duplicatae proportionis FI, ad IH, &
B, ad E, aequales sunt.

VII.

DV OBVS datis rectilineis, æquale rectili-
neum constituere, quod simile sit, similiterque
positum cuius rectilineo dato.

DVO rectilinea data sint A, & B, quibus æquale sit con-
struendū, simile similiterq; pos-
tum ipsi C. Fiat ipsi A, æquale



25. sexti.

DEF, simile autē similiterque
positū ipsi C. Itē ipsi B, æquale
constituatur GFH, simile vero
eidem C, similiterq; positū. De-
inde rectilinea DEF, GFH, ita
inter se connectantur, ut latera
eorum homologa EF, FH, consti-
tuant angulum EFH, rectū, cui subtendatur recta EH, ex qua
describatur rectilineum IHE, simile similiterque positum ipsi
DEF, GFH, hoc est, ipsi C. Perspicuum autem est EHI, æqua-
le esse duobus DEF, GFH; atque idcirco duobus A, & B.

8. sexti.
1. sexti.

BREVIVS. Cōstruatur parallelogrammū æquale duo-

bus rectilineis $A, \& B$, per ea, quæ ad propos. 45. lib. 1. docuimus. Si enim huic parallelogrammo construxerimus æquale rectilineum EHI , quod simile sit, similiterq; positum alteri dato rectilineo C ; constitutum erit rectilineum EHI , æquale duobus rectilineis A, B , & simile, similiterq; positum rectilineo C .

25. sexti.

Si in circulo duæ rectæ lineæ se se mutuo secuerint: Erunt segmenta unius segmentis alterius reciproca.

VIII.

IN circulo $ABCD$, se mutuo secent rectæ AC, BD , in E . Dico segmenta AE, EC , esse reciproca segmentis BE, ED : Hoc est, esse ut AE , ad BE , ita ED , ad EC : Vel ut AE , ad ED , ita BE , ad EC . Cum enim rectangulum sub AE, EC , comprehensum æquale sit rectangulo sub BE, ED , contento; erunt latera circa æquales angulos reciproca. Quod est propositum.



35. tertij.

14. sexti.

Si extra circulum sumatur punctum aliquod, ab eoque in circulum cadant duæ rectæ lineæ circulum secantes: Erunt totæ, & segmenta extra circulum reciproca. Quod si ab eodem puncto linea ducatur, quæ circulum tangat; Erit hæc media proportionalis inter quamlibet rectam, quæ circulum secet & eius segmentum exterius.


IX.

EXTRA circulum $ABCD$, sumatur punctum E , a quo cadant rectæ EC, ED , secantes circulum in $A, \& B$. Dico rectas EC, EB , esse reciprocas rectis ED, EA : Hoc est, esse, ut EC , ad ED , ita EA , ad EB : Vel ut EC , ad EA , ita ED , ad EB . Ducta enim EF , tangente circulum in F , erit rectangulum sub EC, EB , quadrato rectæ EF , æquale; Item rectangulum sub ED, EA , eidem quadrato rectæ EF , æquale. Quare & rectangula sub EC, EB , & sub ED, EA , æqualia erunt: Ac propterea latera eorundem circa angulos æquales reciproca. Quoniam autem quadrato rectæ EF , æquale est rectangulum sub $E C, EB$: Item rectangulum sub ED, EA , erunt tres rectæ EC, EF, EB . Itemq;

36. tertij.

14. sexti.

36. tertij.



tres

tres ED, EF, EA , proportionales, atque adeo EF , media proportionalis inter quilibet lineam que circum fecerit, & segmentum eius exterius. Quod est propositum.

X.

Si duæ rectæ lineæ sese mutuo secuerint, & a duobus eorum terminis perpendiculares sibi mutuo demittantur: erunt duæ lineæ, quarum una inter terminū, & sectionē, altera uero inter eundē terminū, & suā perpendicularem interitur, alijs duab⁹ eodē modo inclusis reciproce.

Duae rectæ AB, CB , se mutuo secant in B , & ex terminis A, C , ad ipsas demittantur perpendiculares AD , quidem ad CB , at uero CE , ad AB ; que perpendiculares cadent in AB, CB , protractas ultra B , si angulus ABC , fuerit obtusus, in ipsas uero inuorsum, si idem angulus acutus fuerit, ut figura indicant. Dico rectas AB, BE , (quarum prior interitur inter terminum A , & sectionem B ; posterior uero inter sectionem B , & perpendicularem suam CE , que nimirum ad ipsam AB , ducitur) reciprocas esse duabus CB, BD , (quæ inter similes terminos includuntur) hoc est, esse ut AB , ad BC , ita BD , ad BE : Vel ut AB , ad BD , ita BC , ad BE . Cum enim anguli ABD, ADB , trianguli ABD , æquales sint angulis CBE, CEB , trianguli CBE . (Nam ADB, CEB , recti sunt; & ABD, CBE , ad verticem in priori figura, in posteriori autem unus & idem angulus) erunt triangula ABD, CBE , æquiangula. Quare erit ut AB , ad BD , ita CB , ad BE : AC propterea permittendo quoq; ut AB , ad BC , ita BD , ad BE . Quod est propositum.



4. sexti.

Porro eadem ratione segmenta perpendicularium AD, CE , in posteriori figura se mutuo secantium in F , erunt reciproca. Cum enim triangula AFF, CFD , sint æquiangula; erit ut AF , ad FE , ita CF , ad FD : Et permittendo quoque, ut AF , ad CF , ita FE , ad FD .


4. sexti.

XI.

IN parallelogrammo, duæ rectæ lateribus parallela se mutuo secantes, diuidunt parallelogrammum

grammum in quatuor parallelogramma proportionalia.

IN parallelogrammo $ABCD$, dua rectæ EF, GH , lateribus AD, DC , parallele se mutuo secant in I . Dico quatuor parallelogramma EG, GF, BI, IC , esse proportionalia. Cū enim sit ut EI , ad IF , ita EG , ad GF : Item ut EI , ad IF , ita BI , ad IC ; Erit quoque ut EG , ad GF , ita BI , ad IC , quod est propositum.




i. sexti.

ii. quiiii.

XII.

OMNE quadrilaterum a duabus diametris se mutuo secantibus diuiditur in quatuor triangula proportionalia.

DIVIDANT diametri AC, BD , se mutuo secantes in E , quadrilaterum $ABCD$. Dico quatuor triangula AED, CED, AEB, CEB , esse proportionalia. Erit enim ut AE , ad EC , ita triangulum AED , ad triangulum CED ; & triangulum AEB , ad triangulum CEB . Quare ut triangulum AED , ad triangulum CED ; ita triangulum AEB , ad triangulum CEB . Eademq; ratione ostendesse ut BEA , ad DEA , ita BEC , ad DEC , cum utraq; proportio eadem sit proportioni BE , ad ED . Constat ergo propositum.



i. sexti.

A DATO puncto in latere trianguli lineam rectam ducere, quæ triangulum diuidat in duo segmenta secundum proportionem datam.

SIT triangulum ABC , oporteatque a dato puncto D , in eius latere BC , lineam rectam ducere, quæ triangulum secet in duo segmenta secundum proportionem datam E , ad F . Diuidatur BC in G , secundum proportionem E , ad F , cadatq; primo punctum G , in datum punctum D , ducaturq; recta DA . Quoniam igitur est ut BD , ad DC , ita triangulum BDA , ad triangulum CDA , secabit recta DA , triangulum datum secundum proportionem datam BG , ad GC , hoc est, E , ad F .



i. sexti.

CADAT secundo punctum G , inter C , & D . Ducatur ergo recta DA , cui per G , parallela agatur GH , coniungaturq; recta

recta

recta DH. Dico rectam DH, secare triangulum datum secundum proportionem datam, hoc est, esse trapezium BDHA,

ad triangulum CDH, ut E, ad F, seu ut BG, ad GC. Ducta enim recta GA, erunt tria gula HGA,

GHD, equalia, cum sint super eandem basin GH, & inter easdem parallelas GH, DA. Adde

igitur communi triangulo CGH, fiet equalia triangula CGA,

CDH: Ac proinde triangulum ABC, eandem habebit proportionem ad CGA, & ad CDH. Dividendo igitur, erit ut trian-

gulum BGA, ad triangulum CGA, ita trapezium BDHA,

ad triangulum CDH. Est autem BGA, ad CGA, ut BG, ad GC. Igitur erit & trapezium BDHA, ad triangulum CDH, ut

BG, ad GC, hoc est, ut E, ad F. Quod est propositum.

CADAT tertio punctum G, inter B, & D, ducaturq; recta DA, cui rursus per G, agatur parallela GH. Dico igitur,

rectam ductam DH, secare triangulum ABC, secundum proportionem datam E, ad F, hoc

est, esse triangulum BDH, ad trapezium CD-

HA, ut E, ad F. Ducta enim recta GA, erit, ut prius triangula HGA, GHD, equalia; additoq; communi

BGH, equalia fient BGA, BDH. Quare erit ABC, ad BGA, ut ad BDH. Dividendo ergo erit ut CGA, ad BGA,

ita trapezium CDHA, ad triangulum BDH; & conuertendo, ut BGA, ad CGA, ita BDH, ad trapezium CDHA. Est

autem BGA, ad CGA, ut BG, ad GC. Igitur & BDH, ad trapezium CDHA, erit ut BG, ad GC, hoc est, ut E, ad F.


Quod est propositum.

HINC perspicuum est, quoniam modo imperata pars ex triangulo sit auferenda per lineam rectam, quae a quouis dato puncto lateris ducatur. Si enim per rectam lineam a dato puncto ductam diuidatur triangulum secundum proportionem multiplicem, cuius denominator unitate minor sit denominatore

partis imperatae, (ut secundum proportionem triplam, si quarta pars imperetur, &c.) factum erit, quod iubetur, ut manifestum est. Habebit enim tunc totum triangulum ad segmentum ablatum proportionem multiplicem, cuius denominator equalis est denominatori partis, cum priori denominatori proportionis multiplicis addatur unitas, quae ante deerat.

DATO

- 37. primi
- 7. quinti.
- 17. quinti.
- I. sexti.



- 37. primi
- 7. quinti.
- 17. quinti.
- I. sexti.

DA T O rectilineo simile similiterque positum rectilineum describere, maius, uel minus, secundum proportionem datam. XIIII.


SI T rectilineum datum *A*, cui simile similiterque positum sit describendum maius, secundum proportionem datam *B*, ad *C*. Tribus rectis *B*, *C*, & *DE*, (sit autem *DE*, unum latus recti linei dati quodcunque) inueniatur quarta proportionalis *F*. Deinde duabus *DE*, & *F*, inueniatur media proportionalis *GH*, super quam ipsi *A*, describatur rectilineum *I*, simile, similiterque positum. Dico *I*, maius esse quam *A*, secundum proportionem datam *B*, ad *C*. Cum enim proportionales sint tres recte *DE*, *GH*, & *F*, erit per coroll. propos. 19. vel 20. libri huius, ut *DE*, prima ad *F*, tertiam, hoc est, per constructionem *B*, ad *C*, ita rectilineum *A*, super primam ad rectilineum *I*, super secundam, illi simile similiterque positum.

12. sexti.

13. sexti.

18. sexti.

NON secus dato rectilineo *A*, minus rectilineum *I*, describemus, illi simile similiterque positum, secundum proportionem datam *B*, ad *C*. Cuius in hac figura factum esse cernis. Eadem enim prorsus est constructio, atque demonstratio.




FA C I L E igitur ex his quadratum quodcunque, uel aliud rectilineum duplicabimus, triplicabimus, quadruplicabimus, etc. Atque aliud constituemus, quod sit illius dimidium, uel tertia pars, uel quarta, uel quinta, &c. seruata nihilominus semper eadem rectilineorum similitudine, quemadmodum & quadratorum eadem remanet similitudo. Si namque proportio *B*, ad *C*, sumatur ut 1. ad 2. uel 1. ad 3. uel 1. ad 4. &c. Item ut 2. ad 1. uel 3. ad 1. uel 4. ad 1. &c. reliqua uero perficiantur, ut prius; habebitur rectilineum simile similiterque descriptum, quod propositi rectilinei duplum existet, uel triplum, uel quadruplum, &c. Uel quod dimidium erit, uel tertia pars, uel quarta, &c. eius, quod proponitur.

NON uidetur autem omittenda praxis Alberti Dureri, qua ipse facile duplicat, triplicat, quadruplicat, &c. quadratum, seu parallelogrammum quodcunque oblatum. Ex hac enim construemus quoque rectilineum simile, similiterque descriptum cui cun-

cuiusque rectilineo dato, maior, aut minus, secundum datam proportionem quamcumque. Tamen si autem A liberius huius praxis nullam afferri rationem, sed eam simpliciter proponi; non multum tamen eius demonstratio a precedenti differet, ut mox ostendemus.

SIT igitur quadratum $ABCD$, quincuplicandum. Producto latere AB , ad partes B , quantumlibet, sumantur quinque partes ipsi AB , aequales, a puncto B , incipiendo, ut




que ad E , ut BE , quincuplus ipsius AB . Divisa deinde EA , bifaria in F , describatur ex F ad intervallum FA , vel FE , semicirculus AGE , pro-

curque latus BC , ad circumsferentiam usque in G . Dico quadratum $BGHI$, ex BG , descriptum, quincuplum esse quadrati $ABCD$. Erat enim per coroll. propos. 13. huius lib. BG , media proportionalis inter EB , BA . Igitur erit ut EB , prima ad BA , tertiam, ita BH , quadratum secundae, ad AC , quadratum tertiae, ex coroll. propos. 20. huius lib. Est autem EB , per constructionem, ipsius AB , quincupla. Igitur & quadratum BH , quadrati AC , quincuplum erit. Quod est propositum. Quod si recta BE , sumatur sexcupla lateris AB , erit & quadratum rectae BG , quadrati $ABCD$, sexcuplum: Si autem BE fuerit tertia pars ipsius AB , erit & quadratum BH , tertia pars quadrati AC . Denique in quacunque proportione sumatur BE , ad AB , eandem habebit quadratum BH , ad quadratum AC .

SIT rursus rectangulum $ABCD$, cui inveniendum sit simile similiterque positum, quod duplum sit ipsius. Ex latere AB , producto sumatur BE , dupla ipsius AB . Divisa deinde tota AE , bifaria in F ; & ex F , descripto semicirculo, ut prius, & producta CB , ad G ; erit BG , unum latus rect. anguli quadrati: Quare si abscindatur AH , aequalis ipsi BG , & PH , agatur ipsi BC , parallela HI , occurrens diametro AC , protracta in I , perficiaturque parallelogrammum HK , erit HK , ipsi BD , simile similiterque positum; quod etiam a. d. duplum esse ipsius BD .

B D. Cum enim proportionales sint tres rectæ EB, BG, BA, ex corollario propos. 13. huius lib.

Erit ut prius, sicut EB, prima ad BA, tertiam, ita rectangulū HK, supra AH, secundā (sumpta enim fuit AH, ipsi BG, secundæ equalis) ad rectangulū BD, supra tertiam AB, quod est simile similiterque descriptum.



EODEM modo, si supra AB, constitutum fuerit quodcunque rectilineum, erit quoddam ex BG, illi simile, similiterque positum describitur, ipsius duplum. Atque in hunc modum semper eam proportionem habebit rectilineum ex BG, ad rectilineum simile ex AB, quam habere ponetur recta EB, ad rectā BA, ex constructione.


PERSPICVVM autem est, hanc operationem vna cū eius demonstratione a nostra antea tradita nō differre, nisi quod hæc simul tradat inuentionem mediæ proportionalis. Hanc enim ob causam Albertus coniungit in rectum, & continuū lineas EB, BA, quæ proportionem habet datam, ut statim, vna operatione, mediā proportionalem obtineat, &c.

EX FEDERICO COMMANDINO.

IN dato triangulo quocunque quadratum describere.

SIT datum triangulum ABC, acutangulum. Ex angulo A, ad


BC, perpendicularis demittatur AD, quæ in E, ita secetur, per ea, quæ in Scholio propos. 10 huius libri docuimus, ut eadē sit portio AE, ad ED, quæ



AD, ad BC. Deinde per E, agatur FG, ipsi BC, parallela. Postremo ex F, & G, ipsi DE, parallela ducantur FH, GI. Dico FGIH, rectilineum triangulo ABC, inscriptum, esse quadratū. Cum enim FE, G, ipsi C, sit parallela, erit ut BD, ad DC, ita FE, ad EG, ex scho

lio propos. 4. huius lib. & componendo, ut B C, ad D C, ita F G, ad E G. Sed ut D C, ad A D, ita est E G, ad A E; per coroll. propos. 4. huius lib. triangula ADC, AEG, sint similia. Igitur erit ex æquo, ut B C, ad A D, ita F G, ad A E. Quia uero per constructionem est, ut A D, ad B C, ita A E, ad E D; erit rursus ex æquo, ut B C, ad B C, ita F G, ad E D. Est autem B C, ipsi B C, æqualis, immo eadem: Aequa-

34. primi




lis igitur est & F G, ipsi ED. Quare cum F G, ipsi H I; & ED, ipsi F I, & G I, æqualis ex illis erunt quatuor latera F G, G I, I H, H F, æqualia inter se.

29. primi

Et quia anguli EDH, FHD, duobus rectis æquales sunt: Est autem FHD, per constructionem rectus: erit & EDH, rectus. Quocirca per ea, quæ ad defin. 1. lib. 2. demonstrauimus, & reliqui anguli HFG, FGI, GIH, recti sunt; Ac propterea F I, quadratum est, quod est propositum.

NON secus idem problema absoluemus, si datum triangulum fuerit rectangulum uel obtusangulum, dummodo ex angulo recto, uel obtuso perpendicularem demittamus, tunc in posterioribus duobus triangulis appareat.

4. sexti.



Quod si in triangulo rectangulo quadratum describere libeat, ita ut duo eius latera duobus trianguli lateribus circa angulum rectum nitantur, diuidemus perpendicularē AB, in D, ita ut eadem sit proportio, A D, ad D B, quæ A B, ad B C, & per D, quidem ipsi B C, parallelā ducemus D E; per E, uero ipsi A B, alia parallelā E F. Quoniam igitur est, ut B C, ad A B, ita D E, ad A D; quod triangula A B C, A D E, similia sint, per coroll. propos. 4. huius lib. Est autem per constructionem, ut A B, ad B C, ita A D, ad D B. Erit ex æquo, ut B C, ad B C, ita D E, ad D B: Est autem B C, sibi ipsi æqualis, immo eadem. Aequalis igitur est & D E, ipsi D B. Quare ut prius, D E, F B, quadratum est. Quod est propositum.

mo eadem. Aequalis igitur est & D E, ipsi D B. Quare ut prius, D E, F B, quadratum est. Quod est propositum.

FINIS ELEMENTI SEXTI.



E V C L I D I S

ELEMENTVM VII.



DEFINITIONES.

I.

VNITAS est, secundum quã unum-
quodque eorum, quæ sunt, unum dicitur.



ACTENVS egiſt Euclidēs de prio-
ri Geometriæ parte, ea ſcilicet, quæ cir-
ca plana uerſatur; reſtabat altera ſolido-
rum. Verum ante ei neceſſe fuit de li-
neis commenſurabilibus, & incommen-
ſurabilibus diſſerere, quod ad proprieta-
tes corporum plurimorum, eorumque ma-
xime, quæ regularia nominantur, demon-
ſtrandas, atque ut oportet, explicandas, harum cognitio linearũ
requiratur, idque adeo, ut abſque eis ſolidorum tractatio imper-
fecta ſit, neque ſuis numeris abſoluta. Huc accedit, quod abſ-
que eiſdem lineis plurima latera tam planorum, quam ſolido-
rum, ſi Geometriæ Theoria in opus conferatur, atque uſum,
neque exprimi queant, neque intelligi: Nam pleraque latera
ſunt illæ lineæ, quæ a Græcis ἀλογοι; a Latinis Irrationales
appellantur: Vel certe, ſi non ſunt Irrationales, longitudine
inter ſe ſunt incommenſurabiles, atque adeo ſub menſuram nu-
merorum non cadunt. Et quia earundem linearum explicatio,
ac intelligentia cum numeris eſt implicata, & coniuncta, ut
abſque his nullo modo cognoscantur, oportuit etiam numerorũ
explanationem, ut doctrinæ ſuæ ordo, ratioque conſtaret, lineis
anteponi.

anteponi. Quare hoc libro septimo, & duobus insequentibus, circa numerorum proprietates, affectionesque, quantum eorum Geometrica inserviunt, occupatur, ut in decimo deinde facilius, ac plenius demonstrationes linearum commensurabilium, & incommensurabilium exequatur. Incipiens igitur more suo a principijs, definit initio unitatem, docetque eam esse, secundum quam unumquodque eorum, qua sunt, unum esse dicitur. Nam secundum unitatem unum lapidem, unum animal, unum corpus, &c. dicere solemus. Ceterum unitas in numeris illam suscipit divisionem, quemadmodum nec punctum in magnitudinibus, ut in primo lib. docuimus.

II.

NUMERVS autem, ex unitatibus composita multitudo.

CUM numerus sit multitudo quaedam ex unitatibus composita, manifestum est, numerum quemlibet tot habere partes, quot sunt unitates cum constituentes; Ita ut unitas sit pars cuiusvis numeri denominata ab ipso numero, cuius est pars. Ut numerus 8. compositus ex octo unitatibus, dividitur in totidem partes, nempe unitates, quarum qualibet octava pars dicitur octonarij. Sic quoque numerus 100. ex centum unitatibus compositus, in totidem distribuitur, quarum qualibet centesima pars est, &c.

Ex his sequitur, omnes numeros, quotcunque sint, inter se commensurabiles esse, cum eos una eademque mensura, nempe unitas, ut dictum est, metiatur: Id quod omnibus magnitudinibus nulla potest ratione convenire, cum plurima illarum mensuram communem non habeant, sed prorsus sint incommensurabiles, ut clarissime lib. 10. ostendetur.

III.

PARS est numerus numeri, minor maioris, cum minor metitur maiorem.

NON est dissimilis hac definitio illi, qua Euclides lib. 5. partem quantitatis continuæ exposuit. Sicut enim ibi, ita & hic partem duntaxat aliquotam definit, cum hæc solum proprie dicatur metiri totum, ut ibidem latius explicauimus. Itaque numerus 6. dicitur pars omnium horum numerorum 12. 18. 24. 30. 60. 630. &c. quia ille singulos hos metitur. Similiter huius numeri 575. partes erunt omnes hi numeri 3. 4. 6. 8. cum illum singuli hi metiantur, ut perspicuum est.

OMNIS autem pars ab eo numero nomen sibi sumit, per quem ipsa numerum, cuius pars est, metitur; ut 6. pars huius numeri 42. nomen trahit a 7. cum 6. metiatur 42. per 7. Itaque 6. erit septima pars numeri 42. & in reliquis eodẽ modo.

III.

PARTES autem, cum non metitur.

Vult Euclides, numerum minorem maioris numeri, quem nõ metitur, non partem, sed partes appellari: cuiusmodi est numerus 5. si conferatur cum hoc numero 18. Quamuis enim, cum eum non metiatur, nisi per suas unitates, pars dici non debeat; apte tamen congruenterque partes poteris appellari, quod quinque contineat unitates, quarum qualibet decimoctaua pars est huius numeri 18. Vnde numerum 5. dicemus quinque partes decimoctauas numeri 18. Ex quibus liquido constat, Euclidem nomine partis intellexisse partem aliquotam tantum, nõ autem & aliquantam, ut volunt nonnulli; alioquin superuacanea esset hac definitio quarta, quæ partem aliquantam comprehendit.

CAETERVM partes quæcunque nomen accipiunt a duobus illis numeris, per quos communis duorum numerorum mensura utrumque eorum metitur, & eum scilicet, qui partes dicitur, & eum, cuius ille partes appellatur: Ita ut si communis duorum numerorum mensura metiatur minorem per 3. & maiorem per 5. dicatur minor maioris tres quinta. Tales partes sunt 6. huius numeri 10. nam communis eorum mensura 2. metitur 6. per 3. & 10. per 5. Eadem ratione eundem numerum 6. dicemus sex decimas eiusdem numeri 10. cum unitas, eorum cõ-

munis mensura, illum metiatur per 6. hunc uero per 10. Idem iudicium habeto & in reliquis.

QVOD si roges, cur Euclides hoc in loco non solum eum numerum minorem definiat, qui maioris pars est, verum etiam illum, qui partes: non autem id ipsum quinto lib. in magnitudinibus praestiterit; Neque enim magnitudinem illam minorem, quae maiorem non metitur, partes appellavit; sed tantum eam, quae maiorem metitur, partem. Respondemus, huiusmodi causam esse, quod omnis numerus minor cuiuslibet maioris pars est, aut partes, ceu propos. 4. huius lib. ostenditur; pars quidem, cum ipsum metitur, partes uero, cum non metitur. At in magnitudinibus longe aliter se res habet. Non enim, propositis duabus magnitudinibus inaequalibus, necessario minor aut pars, aut partes est maioris, cum ea persaepe sint incommensurabiles, ut aperte liber decimus demonstrabit, atque adeo minor nullo modo contineat plures partes maioris. Nam solum in magnitudinibus commensurabilibus, minor maioris partes plures comprehendit, si illum non metiatur. Recte igitur Euclides in quinto lib. partem duntaxat in magnitudinibus, hic autem in numeris & partem, & partes explicauit.

V.

MVLTIPLEX uero maior minoris, cum maiorem metitur minor.

QVEMADMODVM ille solum numerus minor, maioris pars dicitur, qui maiorem metitur, ita quoque ille tantummodo numerus maior, minoris appellatur multiplex, quem minor metitur; adeo ut numerus maior, cuius minor est pars, sit uicissim minoris multiplex. Ut numerus 6. pars est numeri 30. & hic illius multiplex est, &c. Si uero maiorem minor non metiatur, nullo modo erit maior minoris multiplex: Si enim maior minoris multiplex esset, metiretur minor maiorem, per hanc definitionem. Et uicissim, si maior minoris non fuerit multiplex, minor maiorem non metietur. Nam si metiretur minor maiorem, esset per hanc definitionem maior minoris multiplex.

VI.

P A R numerus est, qui bifariam diuiditur.

V T omnes hi numeri 4. 10. 40. 100. 1000. pares vocantur, quoniam diuiduntur bifariam, sive in duas partes aequales, cum eorum dimidia sint 2. 5. 20. 50. 500.

VII.

I M P A R uero, qui bifariam non diuiditur. Vel, qui unitate differt a pari.

O M N E S hi numeri 5. 11. 15. 37. 101. 1001. impares nominantur, quia bifariam diuidi nequeunt. Vel certe, quia unitate differunt ab his paribus 4. 10. 14. 36. 100. 1000. uel etiam ab his 6. 12. 16. 38. 102. 1002. Ex hoc autem loco perspicue colligi potest, unitatem in numeris prorsus esse indiduum. Si enim diuideretur, omnis numerus impar haberet dimidium; atque adeo bifariam diuidi posset. Nam huius imparis 11. dimidia pars essent quinque unitates & semis: cuius contrarium Euclides hac definitione docuit.

VIII.

P A R I T E R par numerus est; quem par numerus metitur per numerum parē.

Q U I A numerus par est, qui bifariam diuiditur, fit ut quemlibet parem aliquis numerus par, saltem binarius, metitur. Numerus igitur ille par, quem par numerus metitur per numerum parem, pariter par nominatur. Cuiusmodi est numerus hic par 32. Metitur enim ipsum par numerus 8. per numerum parem 4. Ita quoque par numerus 24. pari-

ter par nuncupabitur, cum eum par numerus 4. metiatur per numerum parem 6. &c.

I X.

PARITER autem impar est, quem par numerus metitur per numerum imparem.

QVOD si numerum parem metiatur numerus par per parem numerum, vocabitur is pariter impar. Qualis est per numerum 30. Metitur enim eum numerus par 2. per impar numerum 15. Sic quoque par. numerus 6. metitur eundem per numerum imparem 5. &c.

CAETERVM si recte duae proxime definitiones expendantur, perspicuum erit, fieri posse, ut unus idemque numerus par, sit & pariter par, & pariter impar. Nam par numerus 24. cum eum metiatur par numerus 6. per numerum parem 4. pariter par erit. Rursus quia eundem numerus par 8. metitur per numerum imparem 3. pariter quoque impar uocabitur. Unde interpretes nonnulli, existimantes hoc esse absurdum, vitare cluderent numeros eiusmodi pares, qui & pariter pares, & pariter impares videntur esse, addiderunt utrique definitioni particulam, tantum; ita ut numerus pariter par, secundum eam, quem par numerus metitur per numerum parem tantum; Pariter autem impar, quem par numerus metitur per numerum imparem tantum. Ita enim fit, ut propositus numerus par 24. quoque pariter par sit, cum eum non tantum metiatur par 6. per parem 4. sed etiam par 8. per imparum 3. Neque pariter impar, quod eum metiatur non tantum, ut dictum est, par 8. per imparum 3. verum etiam par 6. per parem 4. Sed apte vocari poterit pariter par, & pariter impar. Participat enim quodammodo naturam utriusque, ut constat. Itaque tria constituentur genera numeri paris inter se maxime diuersa: Pariter par, pariter impar, & pariter par & pariter impar, qui a quibusdam, pariter par & impariter appellatur. Veruntamen haec omnia vera quidem sunt, & ex sententia Pythagoreorum, Nicomachi, Boetii, & aliorum recte explicata, sed aliena prorsus ab Euclidis

Euclidis instituto, ut perspicuum est & ex definitionibus traditis, in quibus non reperitur dictio ista, tantum, quam illi apponit, & ex propos. 32. 33. 34. lib. 9. ubi manifeste omnem numerum parem, quem aliquis par per parem metitur, pariter parè appellat; illum vero, quem aliquis par metitur per imparem, pariter imparem; eum denique, quem par numerus metitur & per parem numerum, & per imparem, vocat pariter parem, & pariter imparem; demonstratque omnes numeros a binario duplos, quales sunt 2. 4. 8. 16. 32. 64. 128. &c. esse pariter pares tantum, hoc est, pares numeros eos metiri per pares numeros tantum; Numeros vero, qui dimidios impares habent, esse pariter impares tantum, id est, pares numeros eos metiri per numeros impares duntaxat, cuiusmodi sunt 6. 10. 14. 18. 22. &c. Numeros denique, qui nec a binario dupli sunt, nec dimidios habent impares, pariter pares esse, & pariter impares, ut sunt 12. 20. 24. 28. 36. &c. Itaque vult Euclides in demonstrationibus illarum propositionum, hos postremos numeros, aliosque similes, vere esse, secundum traditas definitiones, pariter pares; rursum eosdem dici recte pariter impares, quanquam nec solum pariter pares, nec solum pariter impares illi sint. Sed hec planius in lib. 9. intelligentur.

X.

IMPARITER vero impar numerus est, quem impar numerus metitur per numerum imparem.

UT hic numerus impar 15. impariter impar dicitur, quoniam numerus impar 3. eum metitur per 5. numerum imparè. Sic quoque hi numeri impares 9. 21. 25. 27. 33. 35. 39. 135. 2025. & alij infiniti, impariter impares nominantur.

XI.

PRIMVS numerus est, quem unitas sola metitur.

QVOD si numerum quempiam nullus numerus, sed sola unitas metiatur, ita ut neque pariter par, neque pariter impar, neque impariter impar possit dici, appellabitur numerus primus, quales sunt omnes isti 2. 3. 5. 7. 11. 13. 17. 19. 23. 29. 31. &c. Nam eos sola unitas metitur.

XII.

PRIMI inter se numeri sunt, quos sola unitas, communis mensura, metitur.

SICVT numerus ille, quem sola unitas metitur, Primus dicitur; ita quoque duo, tres, quatuor, vel etiam plures numeri, quos præter unitatem, nullus numerus, tamquam mensura communis metitur, quamuis singuli illorum habeant numeros, qui eos, præter unitatem metiantur, appellantur inter se primi. Ut 1. 5. 8. sunt numeri inter se primi, quia sola unitas, mensura communis, illos metitur: quamuis enim priorem metiantur hi numeri 3. & 5. posteriorem vero isti 2. 4. tamen nullus istorum utrunque metitur, sed sola unitas utriusque est communis mensura. Sic etiam hi numeri 7. 10. 15. primi inter se dicuntur, quod præter unitatem, nullum habeant numerum, mensuram communem, quamquam postremi duo habeant communem mensuram hunc numerum 5. Denique unitas, & cuius numerus, dici possunt, licet improprie, numeri inter se primi: quia sola unitas unitatem, & numerum quemuis metitur.

XIII.

COMPOSITVS numerus est, quem numerus quispiam metitur.

NUMERVM, quem præter unitatem aliquis alius numerus metitur, appellant Geometra compositum, cuiusmodi est hic 15. Nam cum uterque horum numerorum 3. 5. metitur. Perspicuum autem est, omnes numeros pares, deinde binarios, esse compositos, cum eos omnes binarius metiatur. Ex quo fit, omnes

nes numeros primos, præter binarium, esse impares, quandoquidem ex paribus, solus binarius primus est, ut diximus.

XIIII.

COMPOSITI autem inter se numeri sunt, quos numerus aliquis, communis mensura, metitur.

DVO numeri, vel plures, quos præter unitatem, aliquis alius numerus, tanquam mensura communis, metitur, dicuntur inter se compositi, licet non quilibet sit compositus numerus; quemadmodum & numerus ille, quem præter unitatem, numerus quispiam metitur, compositus nominatur. Ut hi numeri 15. 24. compositi inter se sunt, quia eos hic numerus 3. tanquam communis mensura, metitur. Ita etiam inter se compositi erunt hi numeri 7. 21. 35. Nam primus eorum & se ipsum, & reliquos duos metitur, licet per se sumptus, Primus vocetur.

XV.

NUMERVS numerum multiplicare dicitur, cum toties compositus fuerit is, qui multiplicatur, quot sunt in ipso multiplicante unitates, & procreatus fuerit aliquis.

UT numerus 6. multiplicare dicitur numerum 8. quando numerus 8. sexies fuerit compositus, toties nimirum, quot sunt in multiplicante 6. unitates, procreatusque fuerit numerus 48. Ita quoque contra numerus 8. multiplicare dicitur numerum 6. si numerum 6. octies sumpserimus, toties scilicet, quot unitates in multiplicante 8. continentur, procreauerimusque eundem numerum 48. Eadem denique ratione hi numeri 100. 1000. 20. &c. dicentur multiplicare numerum 456. cum hic sum-

ptus

ptus fuerit centies, millies, aut vicies, &c. genitiue fuerint
 hi numeri 45600. 456000. 9120. &c. Itaque numerus ali-
 quis dicitur produci, gigni, procreariue ex duobus numeris,
 quando altero alterum multiplicante, productus fuerit. Vt nu-
 merus 63, gigni dicitur ex his numeris 7. 9. quia procreatur
 ex multiplicatione numeri 7. in numerum 9. uel e contrariis.
 Et sic de reliquis.

XVI.

CVM autem duo numeri mutuo se se
 multiplicantes aliquem fecerint, qui factus
 erit, planus appellabitur. Qui uero nume-
 ri mutuo se se multiplicarint, latera illius
 dicentur.

OMNIS numerus procreatus ex multiplicatione mutua
 duorum numerorum, planus appellatur, quia secundum suas
 unitates in longum, & latum dispositas parallelogrammum re-
 ctangulum refert, cuius latera sunt duo numeri multiplica-
 tes, qui idcirco latera numeri procreati uocantur, quod ip-
 sum contineant, non secus, ac recta linea angulum rectum am-
 bientes, parallelogrammum rectangulum continere dicuntur,

ut latius lib. 2. explicauimus.
 Vt numerus 24. productus ex
 multiplicatione mutua numero-
 rum 4. & 6. planus appellatur,
 lateraque eius sunt 4. & 6. quia
 eius unitates in longum, & latum
 disposita, prout latera exigunt,

referunt parallelogrammum rectangulum, cuius unum latum
 sex unitates, alterum uero 4. completitur. Eodem modo nume-
 rus 64. genitus ex mutua multiplicatione numerorum 8. & 8.
 planus dicitur, eiusque latera 8. & 8.

CAETERVM cum infinita sint genera numerorum pla-
 norum apud Arithmeticos, quemadmodum & figure plana
 apud Geometras: Euclides solum definiit planum quadrangula-
 rem

rem rectangulum, qui videlicet sub duobus numeris, ex quorū mutua multiplicatione gignitur, continetur; quoniam de hoc solo in hisce libris numerorum disputat, quod omni ex parte qua drato geometrico, & figura altera parte longiori, similes sint, et aequales, siue ambitum, siue aream, capacitatemue spectes. Nihil autem dicit de numeris triangularibus, pentagonis, hexagonis, & c. quia hi, licet conueniant triangulo Geometrico, pentagono, hexagono, & c. quoad ambitum: tamen si aream, seu capacitatem consideres, ab istis multum discrepant. Id quod perspicuum est cuilibet, qui diligenter hos Euclidis libros, & Arithmeticiam Iordani perlegerit.


POTEST autem unus, idemque numerus planus plura habere latera, cum ex pluribus multiplicationibus procreari possit, ut numerus 24. non solum latera habet 4. & c. verum etiam 3. & 8. nec non 2. & 12. quia tam ex multiplicatione 3. in 8. quam 2. in 12. producitur, quemadmodum & idem ex multiplicatione 4. in 6. est genitus. Ita quoque numerus planus 100. latera habet 5. & 20: 4. & 25: 2. & 50: 10. & 10. quod ex his omnibus numeris, si bini inter se multiplicentur, gignatur.

QUIA vero omnem numerum planum metiuntur duo numeri multiplicantes se mutuo, quod quilibet eorum toties sumptus, quot sunt in altero unitates, ipsum procreet, liquido constat, omnem planum numerum esse compositum; Quod etiam de numero solido, qui iam iam definitur, dici potest. Verum est, unitatem aliquando dici posse numerum planum, quamuis improprie; quia eius latera sunt duae unitates, quae multiplicatae mutuo ipsam unitatem producant.

XVII.

CVM vero tres numeri mutuo se se multiplicantes aliquem fecerint, qui procreatus erit, solidus appellabitur: Qui autem numeri mutuo se se multiplicarint, latera illius dicentur.

VT quia tres hi numeri 2. 3. 4. mutuo sese multiplicantes, producunt 24. Nam ex 2. in 3. procreatur numerus 6. & ex 6. in 4. fit 24. Vel ex 2. in 4. gignitur numerus 8. & ex 8. in 3. efficitur 24. Vel denique ex 3. in 4. producitur numerus 12. & ex 12. in 2. generatur 24. appellabitur numerus 24. solidus, numeri vero 2. 3. 4. dicentur latera illius, quia eius unitates in longum, latum atque profundum disposita referunt figuram quendam solidam, quae Parallelepipedum nuncupatur, ut lib. 1. applicabimus, cuius omnes tres dimensiones expriment tres numeri se mutuo multiplicantes; vnus quidem longitudinem, alius vero latitudinem, & alitudinem reliquis. Nam si primum multiplicetur numerus 2. in 3. efficitur numerus 6. basis solidi numeri longa tres unitates, & lata duas: Et si haec basis in 4.



multiplicetur, hoc est, accipiantur quater, exurget totus numerus solidus 24. altitudinem habens quatuor unitatum. At si numerus 2. in 4. multiplicetur, habebitur basis 8. unitatum, quae multiplicata in 3. faciet totum solidum numerum 24. in altitudine habens 3. unitates. Si denique

numerus 3. multiplicetur in 4. procreabitur numerus 12. pro base, quae bis sumpta faciet numerum eundem solidum 24. cuius altitudo continet duas unitates. Quae omnia perspicua sunt in figura proposita. Si enim basis sit ABCD, duodecim unitatum, cuius longitudo BC, quatuor unitates, & BA, latitudo, tres complectitur; superponetur ei altera basis similis, & aequalis EFGH, ut totus numerus solidus contineat 24. unitates, eiusque altitudo BF, unitates duas. Similiter, si basis sit BCGF, octo unitatum, cuius longitudo BC, quatuor, & latitudo BF, duas continet unitates; superponetur ei alia duae bases similes, & aequales, fietque totus solidus numerus rursum 24. altitudinem BA, habens trium unitatum. Si denique basis sit ABFE, sex unitatum, cuius longitudo AB, tres continet, & latitudo BF, duas, superponetur illi tres aliae bases similes, & aequales, constabitque totus numerus solidus unitatibus 24. quarum quatuor, altitudinem dabunt BC. Idem hic numerus solidus 24. habet haec latera 6. 2. 2. cum ex his mutuo multiplicatis producat. Eodem quoque modo de alijs numeris solidis iudicandum erit.


DENIQUE & unitas aliquando solidus appellabitur numerus, & si non proprie, quia eius latera sunt tres unitates, ipsam unitatem ex mutua earum multiplicatione procreantes.

DEFINIT autem & hic Euclides tantum numerum solidum rectangulum, cuius bases oppositae sunt parallelae, contineturque sub tribus numeris, omisso infinis alijs, de quibus Iordanus, ob causam in precedenti definitione datam, quia scilicet hi prorsus aequales sunt, & similes cubis, & parallelepipedis Geometricis.

XVIII.

QVADRATVS numerus est, qui aequaliter aequalis. Vel qui sub duobus aequalibus numeris continetur.

PLANVM illum numerum, qui aequaliter aequalis est, hoc est, qui secundum unitates suas in longum & latum dispositas, refert parallelogrammum rectangulum, cuius longitudo latitudini est aequalis, ita ut omnia latera sint aequalia vel qui ex multiplicatione mutua duorum numerorum aequalium procreatur, atque adeo sub illis continetur, vocat quadratum. Huiusmodi est numerus 25, contentus sub numeris aequalibus 5. & 5. hoc est, ex eorum mutua multiplicatione generatus. Nam si eius unitates in formam planam redigantur, refert perfectum quadratum Geometricum, in omnibus lateribus habens quinque unitates ideoque aequaliter aequalis erit.




ALTERVTER autem numerorum aequalium, sub quibus quadratus numerus continetur, vel ex quorum multiplicatione produciuntur, latus quadrati a Geometricis, radix vero ab Arithmeticeis plerisque appellatur.

XIX.

C V B V S uero, qui æqualiter æqualis æqualiter. Vel, qui sub tribus æqualibus numeris continetur.

SOLIDVM quoque illum numerum vocat cubum, qui est æqualiter æqualis æqualiter, id est, cuius unitates in longi-
latum, atque profundum dispositæ. cubum Geometricum referunt, ita ut omnes eius dimensiones, nimirum longitudo, latitudo, & altitudo, siue profunditas, æquales sint; Vel qui ex multiplicatione mutua trium æqualium numerorum inter se præcitur. Qualis est numerus 27. contentus sub numeris æqualibus 3. 3. 3. siue ex eorum multiplicatione mutua procreatus, ut ex 3. in 3. fiat numerus 9. & ex 9. in 3. gignatur numerus cubus 27. Omnes enim illius unitates in formam solidam redactæ referunt perfectum cubum Geometricum, existuntque tam in longitudo, & latitudine, quam in profunditate, tres unitates. Quare ipse numerus 27. est æqualiter



æqualis æqualiter.

QVILIBET vero trium numerorum æqualium, sub quibus cubus continetur, vel ex quorum mutua multiplicatione procreatur, Geometricis latus cubi, plerisque autem Arithmeticis radix dicitur.

XX.

NVMERI proportionales sunt, cum primus secundi, & tertius quarti, æque multiplex est; uel eadem pars, uel eadem
partes;

partes : Vel certe , cum primus secundum ,
& tertius quartum , æqualiter continet ,
eandemque insuper illius partem , uel eas-
dem partes .

V T numeros proportionales in omni genere proportionis ratio-
nalis inæqualitatis (cuiusmodi sunt omnes numeri in æqua-
les inter se collati) complecteremur , addidimus huic definitioni
illa verba ; vel certe , cum primus secundum , & tertius quar-
tum , æqualiter continet , eandemque insuper illius partem , vel
eandem partes . Definitio etenim uulgata Euclidis , quæ puto esse
corruptam , cum manca sit , atque imperfecta , comprehen-
dit solum proportionales numeros in proportionem multiplici , sub
multiplicis , & in proportionibus reliquis minoris inæqualita-
tis . Nam in proportionem multiplici sunt quatuor quilibet nu-
meri proportionales , cum primus secundi , & tertius quarti ,
æque multiplex est ; in submultiplici uero , cum primus secun-
di , & tertius quarti , eadem pars est ; & in reliquis proportio-
nibus minoris inæqualitatis , cum primus secundi , & tertius
quarti , eadem partes fuerit , ut uult definitio Euclidis : At ue-
ro ex ea nequaquam deprehendere possumus , quinam numeri
proportionales sint in proportionem superparticulari , superpar-
tiente , multiplici superparticulari , & multiplices superpar-
tiente ; In his enim omnibus , primus numerus secundi , & ter-
tius quarti , nec æque multiplex est , nec eadem pars , nec eadem
partes ; sed primus secundum , & tertius quartum , æqualiter
continet ; puta uel semel , uel aliquoties , & eandem insuper il-
lius partem , easdemue partes ; ut perspicuum est ex his , quæ do-
cuimus ad defin. 3 . lib. 5 . ubi omnes proportionales rationales co-
piose explicuimus . Itaque hi numeri 1 2 . 4 . 9 . 3 . proportiona-
les sunt , cum primus secundi , & tertius quarti æque multiplex
sit , nempe triplus . Item hi 4 . 12 . 3 . 9 . est enim primus secundi ,
& tertius quarti , eadem pars , nimirum tertia . Rursus propor-
tionales sunt hi numeri 6 . 8 . 9 . 12 . quod primus secundi , & ter-
tius quarti eadem partes sint , uidelicet tres partes quarte . De-
nique & 7 . 6 . 14 . 12 . & 7 . 4 . 17 . 8 . & 11 . 5 . 22 . 10 . & 12 .
5 . 24 . 10 . sunt numeri proportionales . Nam in primo exem-
plo primus numerus secundum , & tertius quartum , semel , &
insuper

insuper eandem partem, nempe sextam; In secundo autem semel, & easdem partes, nimirum tres quartas; In tertio deinde bis, & adhuc partem eandem, videlicet quintam, continet; In ultimo tandem primus secundum, & tertius quartum, hisque praeterea easdem partes complectitur, puta duas partes quintas. Quod si primus numerus secundi, & tertius quarti, non sit aequi-multiplex, vel eadem pars, vel eadem partes; vel denique primus secundum, & tertius quartum, non aequaliter continet, eandemque insuper illius partem, vel easdem partes; nullo modo dicendi erunt numeri propositi proportionales.

QUOTIESCUNQUE igitur quatuor numeri proportionales esse ponuntur, concedendum necessario erit, si quidem maiores cum minoribus conferuntur, quod primus secundum, & tertius quarti, aequi-multiplex sit; Vel certe, quod primus secundum, & tertius quartum, contineat aequaliter, & insuper eandem partem, vel easdem partes: Et contra; si primus secundum, & tertius quarti, aequi-multiplex concedatur: Vel certe primus secundum, & tertius quartum, aequaliter dicatur continere, & eandem adhuc partem, vel easdem partes, colligitur numeros esse proportionales. Quod si minores ad maiores referantur, dicanturque eandem habere proportionem, satendum erit, primum secundum, & tertium quarti, esse partem eandem, vel partes easdem: Et e contrario, si primus secundum, & tertius quarti, eadem concedatur pars, vel eadem partes, concludetur numeros ipsos eandem habere proportionem.

DEFINIT autem Euclides eos duntaxat numeros proportionales, qui proportionem eandem inaequalitatis habent. Nam si de proportionem aequalitatis loquamur, perspicuum est, primum secundo, & tertium quarto aequalem debere esse, ut proportionales numeri dicantur.

EX hac autem definitione aperte colligitur, aequales numeros ad eundem habere eandem proportionem: Et contra, eundem ad aequales eandem quoque habere proportionem; Item numeros ad eundem habentes eandem proportionem, vel ad quos sit eandem habere proportionem, aequales esse. Cum enim aequales numeri sint eiusdem, vel aequi-multiplices, vel eadem pars, vel eadem partes; Vel certe eundem aequaliter contineant, eandemque insuper illius partem, vel partes; Item cum idem numerus aequalium sit vel aequi-multiplex, vel eadem pars, vel eadem partes.

Vel certe illos æqualiter contineat, eandemque insuper eorum partem, uel partes, perspicuum est, æquales numeros ad eundem, uel eundem numerum ad æquales, eandem habere proportionem, iuxta hanc definitionem.

R V R S V S quia numeri ad eundem habentes eandem proportionem, sunt illius uel æquemultiplices, uel eadem pars, uel eadem partes; *Vel certe illum æqualiter continent, eandemque insuper eius partem, uel partes: Item quia idem numerus habens eandem proportionem ad aliquos, est illorum uel æque multiplex, uel eadem pars, uel eadem partes; Vel certe illos æqualiter continet. eandemque insuper illorum partem, uel partes, secundum hanc eandem definitionem; manifestum est, numeros, qui ad eundem eandem habent proportionem, uel ad quos idem eandem proportionem habet, æquales esse.*

P A R I ratione inseritur, maioris numeri ad eundem, maiorem proportionem esse, quam minoris. Fit contra, eiusdem ad minorem, maiorem esse proportionem, quam ad maiorem. Item numerorum illum, qui ad eundem habet maiorem proportionem, maiorem esse: Ad quem autem idem habet maiorem proportionem, minorem esse. *Quæ omnia perspicua sunt, si recte hac definitio intelligatur.*

XXI.

SIMILES plani, & solidi sunt, qui proportionalia habent latera.

N O N necesse est, ut planus numerus plano numero sit similis, quælibet duo illius latera quibusuis duobus lateribus huius esse proportionalia; sed satis est, illum habere aliqua duo latera, quæ sint proportionalia quibusdam duobus lateribus huius. Nam hac ratione erunt eorum latitudines longitudinibus proportionales, si secundum suas unitates in formam planam redigantur, prout latera assumpta exigunt. *Ut numeri plani 2. 4. & 6. similes sunt, quoniam illius latera 6. 4. proportionalia sunt lateribus huius 3. 2. quamuis his eisdem non sint proportionalia alia illius latera, nempe 8. 3. uel 12. 2.*

E O D E M modo, ut duo numeri solidi similes sint, nõ requi-

ritur, ut quouis tria unius latera proportionalia sint tribus quibuslibet lateribus alterius; sed sufficit, ut tria unius reperiantur tribus alterius proportionalia, quia hac ratione, si secundum unitates in formam solidam reducantur, erunt eorum latitudines longitudinibus, & longitudines altitudinibus proportionales. Vt numeri solidi 192. & 240 sunt similes, quia latera illius 8. 6. 4. lateribus huius 4. 3. 2. sunt proportionalia; licet his eisdem nequaquam proportionalia sint alia latera illius, nimirum 12. 8. 2. uel 16. 4. 3.

ITAQUE possunt duo numeri plani, uel solidi, esse similes, licet lateribus aliquibus unius acceptis nullo modo reperiri queant latera alterius proportionalia. Sunt enim hi numeri plani 24. 6. similes, ut dictū est; & tamen si latera prioris sumantur 3. & 8 nulla reperientur in posteriori illis proportionalia. Sic etiam solidi similes sunt 192. 24. cum tamen lateribus prioris assumptis 3. 4. 16. nulla reperiantur proportionalia in posteriori.

XXII.

PERFECTVS numerus est, qui suis ipsius partibus est æqualis.

NUMERVS ille, cui omnes sue partes simul sumptæ (loquimur autem de partibus aliquotis, iuxta defn. 3. huius lib) æquales sunt, Perfectus a Mathematicis nuncupatur. Cuiusmodi sunt hi numeri 6. 28. 496. Nam primus continet has partes aliquotas duntaxat 1. 2. 3. que simul sumptæ faciunt numerum 6. Secundi autem numeri partes omnes aliquotas sunt hæc 1. 2. 4. 7. 14. quarum summa constituit ipsum numerum 28. Tertius demum numerus has partes habet aliquotas 1. 2. 4. 8. 16. 31. 62. 124. 248. quas omnes in unam summam collectas componere numerum 496. perspicuum est. Qui autem numeri perfecti sunt, & qua uia, ac ratione procreentur, (sunt enim præter tres dictos innumerabiles alij) demonstrabitur ab Euclide proposit. ultima lib. 9.

QUOD si partes omnes aliquotæ alicuius numeri simul acceptæ maiores sint ipso numero; dicitur numerus ille, Abundans: si uero minores, Diminutus.

HIS definitionibus ab Euclide propositis adiungenda mihi videntur ex Campano, aliisque scriptoribus nonnullæ aliæ, quibus proxime succedens postulata, & communes animi notiones, præsertim ea, quibus in demonstrandis numerorum proprietatibus & Euclides, & eius interpretes uti videntur.

XXIII.

NUMERVS numerum metiri dicitur per illum numerum, quem multiplicans, uel a quo multiplicatus, illum producit.

VT numerus 4. metiri dicitur numerum 12. per 3. quia multiplicatus secundum 3. producit 12. Eademque ratione numerus 3. eundem numerum 12. metietur per 4. cum ex multiplicatione 4. in 3. numerus 12. producatur. Hoc autem ita esse, hac ratione fiet perspicuum. Cum numerus 4. metiatur 12. per 3. faciet 4. ipsum 12. toties compositus, quoties est unitas in 3. Quare per defn. 15. numerus 3. multiplicans numerum 4. producet 12. Quia uero ut propos. 16 huius lib. offendemus, idem numerus producitur ex multiplicatione 4. in 3. qui ex 3. in 4. manifestum relinquitur eundem numerum 12. procreari, si numerus 4. multiplicet numerum 3.

XXIII.

PROPORTIO numerorum est habitudo quædam unius numeri ad alterum, secundum quod illius est multiplex, uel pars, partesue; uel certe illum continet semel, aut aliquoties, & aliquam insuper illius partem, uel partes.

SI numerus 20. cum numero 4. conferatur ea ratione, qua illius multiplex est, nempe quincuplus, dicitur

H h 2 h ac

hec comparatio, habitudone Proportio. Sic etiam proportio erit ea habitudo, qua idem numerus: o cum numero 60 conferitur, secundum quod illius tertia pars est; & sic de reliquis.

Quare cum ita sint, perspicuum est, tum demum quatuor numeros dici proportionales, cum primus secundi, & tertius quarti, aequae multiplex est; vel eadem pars, vel eadem partes: Vel certe, cum primus secundum, & tertius quartum, aequaliter contines, eandemque insuper illius partem, vel easdem partes, ut supra definitio 20. docuimus.

XXV.

TERMINI, siue radices proportionis dicuntur duo numeri, quibus in eadem proportionem minores sumi nequeunt.

XXVI.

CUM tres numeri proportionales fuerint; Primus ad tertium, duplicatam rationem habere dicitur eius, quam habet ad secundum. At cum quatuor numeri proportionales fuerint; Primus ad quartum, triplicatam rationem habere dicitur eius, quam habet ad secundum: Et semper deinceps uno amplius, quamdiu proportio extiterit.

HAE C definitio, ut ad magnitudines pertinet, copiose explicata fuit in quinto lib. Unde cum omnia, quae ibi scripsimus, ad numeros huc transferri facile possint, non est, quod iterum ea hic repetamus.

XXVII.

QUOTLIBET numeris ordine positis, proportio primi ad ultimum componi dicitur ex proportionibus primi ad secundum, & secundi ad tertium, & tertij ad quartum, & ita deinceps, donec extiterit proportio.

Hoc ita se habere, pluribus uerbis a nobis demonstratum est ad defin. 5. lib. 6.

POSSUNT etiam huc referri definitiones illæ in quinto libro tradita de altera ratione, inuersaque; de compositione, diuisione, & conuersione rationis; de ratione ex æqualitate; & de proportione ordinata, ac perturbata. Omnes enim hi modi argumentationum, quæ circa proportionibus uersantur, demonstrantur quoque in hoc septimo libro proportionibus numerorum conuenire.

POSTVLATA; SIVE PETITIONES

I.

POSTVLETVR; cuiuslibet numero quotlibet posse sumi æquales, uel multiples.

II.

QUOLIBET numero sumi posse maiorem.

QUAMVIS enim numerus infinite diminui nequeat, sed necessario ad unitatem indiuiduam diminutio deueniat; ita men augeri potest infinite per additionem continuam unitatis.

115. Quare quolibet numero proposito maior exhiberi potest, ille uidelicet, qui ex unius unitatis, uel etiam plurium additione, confurgit.

AXIOMATA, SIVE

PRONUNTIATA.

I.
QVI numeri æqualium numerorū, uel eiusdem æque multiples sunt, inter se sunt æquales.

II.

QVORVM idem numerus æque multiplex est, uel æque multiples sunt æquales, inter se æquales sunt.

III.

QVI numeri æqualiū numerorum, uel eiusdem, eadem pars, uel eadem partes fuerint, æquales inter se sunt.

IIII.

QVORVM idem numerus, uel æquales, eadem pars, uel eadem partes fuerint, æquales inter se sunt.

V.

VNITAS omnem numerum per uni-

tates, quæ in ipso sunt, hoc est, per ipsum metitur.

NAM unitas sumpta toties, quot sunt in numero proposito unitates, ipsum constituit. Quamobrem ipsum metitur per unitates, quæ in ipso sunt, hoc est, per ipsum metitur numerum ex suis unitatibus constitutum.

VI.

OMNIS numerus se ipsum metitur per unitatem.

CUM quilibet numerus semel sumptus sibi ipse sit æqualis, manifestum est, omnem numerum seipsum metiri per unitatem.

VII.

SI numerus numerum multiplicans, aliquæ produxerit, metietur multiplicans productum per multiplicatum, multiplicatus autem eundem per multiplicantem.

NUMERVS enim A. numerum B. multiplicans producat numerum C. Dico A. metiri ipsum C. per B; & B. eundem C. per A. Cum enim ex defn. 15 numerus B. toties compositus constituat ipsum C. quot sunt in A. unitates; per se ipsum est B. metiri ipsum C. per A. & eadem ratione A. ipsum eundem C. metiri per B. cum etiam B. ipsum A. multiplicans procreet numerum C. ut demonstrabitur propos. 16. huius lib.

A B
C

VIII.

SI numerus numerum metiatur, & ille, per quem metitur, eundem metietur per eas, quæ in metiente sunt, unitates,

H h 4 hoc

hoc est, per ipsum numerum metientem.

*E*t quia numerus 6 metitur numerum 18. per 3. metitur et numerus 3. eundem numerum 18. per 6. hoc est, per metientes, que in metiente numero 6. reperiuntur. Hoc autem ita esse, ad hunc modum confirmabimus. Quoniam numerus 6. metitur 18. per 3. fiet numerus 18. ex multiplicatione 6. in 3. et 3. in 6. per defn. 23. Quare per axioma precedens numerus 3. numerum 18. metietur per 6.

IX.

SI numerus numerum metiens, multiplicet eum, per quem metitur, uel ab eo multiplicetur, illum quem metitur, producet.

*M*ETIATUR enim numerus *A*, numerum *C*, per *B*. Dico *A*, multiplicantem ipsum *B*, uel multiplicatum a *B*, producere ipsum *C*. Nam numerus *A*, per eundem numerum *C*, metiri dicitur per eundem numerum, quem multiplicans, uel a quo multiplicatus, ipsum *C*, producit, per defn. 23. Cum ergo *A*, metiri ponatur ipsum *C*, per *B*; perspicuum est, numerum *A*, multiplicantem ipsum *B*, uel ab eo multiplicatum, producere ipsum *C*.

X.

NUMERVS quotcunque numeros metiens, compositum quoque ex ipsis metitur.

*M*ETIATUR numerus *A*, numeros *BC*, *CD*. Dico eundem *A*, metiri quoque ex ipsis compositum *BD*. Cum enim *A*, metiatur ipsos *BC*, *CD*; erit tam *BC*, quam *CD*, ipsum *A*.

A, multiplex: Divi-
so ergo *BC*, in partes
BE, *EC*; ipsi *A*, equa-
les, & ipso *CD*, in par-
tes *CF*, *FG*, *GD*, ei-
dem *A*, equales; erit numerus *BD*; compositus ex omnibus
partibus *BE*, *EC*, *CF*, *FG*, *GD*, ipsi *A*, equalibus, multi-
plex ipsius *A*. Quare *A*, ipsum *BD*, metitur. Quod est pro-
positum.

A
B . . . E . . . C . . . F . . . G . . . D

XI.

NVMERVS quemcunque numerū
metiens, metitur quoque omnem nume-
rum, quem ille metitur.

METIATUR numerus *A*, numerum *B*; & *B*, nume-
rum *CD*. Dico eandem *A*, metiri quoque numerum *CD*, que
B, metitur. Cum enim
B, metiatur ipsum *CD*;
erit *CD*, ipse *B*, multi-
plex. Diviso ergo *CD*, in
partes *CE*, *ED*, ipsi *B*,
equales; metietur *A*, ip-
sos numeros *CE*, *ED*;
quandoquidem numerum *B*, tam numero *CE*, quam *ED*, equa-
lem, metiri ponitur. Igitur idem *A*, per pron. 10. metietur
quoque numerum *CD*, ex *CE*, *ED*, compositum. Quod est
propositum.

A
B
C E D

XII.

NVMERVS metiens totum & abla-
tum, metitur & reliquum.

METIATUR numerus *A*, totum *BC*, & ablatum
BD. Dico eandem *A*, metiri quoque reliquum *DC*. Cum
erit *A*, metiatur & *BC*, & *BD*; erit tam *BC*, quam *BD*,
ipsius

ipsius *A*, multiplex. Diviso ergo tam *BC*, quam *BD*, in partes ipsi *A*, aequales; Erit reliquus numerus *DC*, vel una pars numeri *BC*, ipsi *A*, aequalis, vel plures, aequales *DC*, aequalis erit ipsi *A*, vel eius multiplex. Metitur igitur *A*, ipsam *DC*.

Quod est propositum.

THEOR. I. PROPOS. I.

SI duobus numeris inæqualibus propositis, detrahatur semper minor de maiore, alterna quadam detractioe, neq; reliquus unquam metiatur præcedentē, quoad assumpta sit unitas; qui principio propositi sunt numeri, primi inter se erunt.

S I N T duo numeri propositi inæquales *A B*, *C D*, quorum *C D*, minor ex maiore *A B*, quoties potest detrahatur; & reliquus *E B*, ex *C D*, quoties etiam potest; & reliquus *F D*, ex *E B*: Et in hac alterna detractioe nunquam numerus reliquus præcedentem, a quo fuit detractus, metiatur, donec ad unitatē *G B*, quæ quidem præcedentē numerum *F D*, metitur, detractio perveniat. Dico numeros *A B*, *C D*, esse inter se primos; hoc est solam unitatem communi mensura eos metiri. Si enim non dicantur inter se primi, metietur eos aliquis numerus, qui sit *H*, communi mensura, præter unitatem. Quia ergo *H*, metitur numerum *C D*; & *C D*, numerum *A E*, (quod *C D*, vel pars sit ipsius *A E*, vel certe et æqualis, cum detractus ex *A B*, reliquerit numerum *E B*;) metitur quoque *H*, ipsam *A E*: At *H*, metitur quoque totum *AB*;

11. pron

AB;

A B ; igitur & reliquum E B , metietur . Metitur autem E B , ipsum C F ; Igitur & H , ipsum C F , metietur ; Ac propterea , cum & totum C D , metiatur , metietur quoque reliquum F D . Cum ergo F D , metiatur ipsum E G ; metietur etiã H , ipsum E G : Metiebatur autem & H , totum E B ; Reliquam igitur unitatem quoque G B , numerus H , metietur , partem totum . Quod est absurdum . Non igitur numerus aliquis , præter unitatem , numeros A B , C D , metitur : Ac proinde primi inter se sunt . Quamobrẽ , si duobus numeris inæqualibus propositis , &c . Quod erat demonstrandum .

12. pron.
11. pron.
12. pron.
11. pron.
12. pron.

SCHOLION.

CONVERTEMVS facile cum Campano hanc propositionem, hoc modo.

SI duobus numeris inter se primis propositis , detrahatur semper minor de maiore , alterna quãdam detractioe ; nunquam reliquus metietur præcedentem , quoad assumpta sit unitas .

SINT duo numeri inter se primi A B , C D , quorũ minor C D , ex maiore A B , quoties potest , detrahatur ; & reliquus E B , ex C D , quoties etiam potest ; & reliquus F D , ex E B , relinquens G B . Dico in hac alterna detractioe nunquam reliquum metiri præcedentem , quoad unitas assumatur .

A E . . G -- B
C F . . D

Metiatur enim , antequam ad unitatẽ detractio perveniat , si fieri potest , reliquus numerus G B , præcedentem F D , ex E B , ablatum . Quia igitur numerus G B , numerum F D , metitur ; & F D , ipsum E G ; metietur quoque G B , ipsum E G . Cum ergo G B , & se ipsum metiatur ; metietur quoque numerum E B , ex E G , G B , compositum : Metitur autem E B , ipsum C F ; Igitur & G B , eundem C F , metietur : Atq; adeo cũ & ipsum F D , positus sit metiri ; metietur quoque C D ; ex C F , F D , compositum . At vero C D ,

11. pron.
10. pron.
11. pron.
10. pron.

11. pron. CD , metitur ipsum AE . Igitur & eundem AE , numerus GB , metietur: Ac proinde cum & ipsum EB , metiatur, ut ostensum est; metietur & AB , ex utraque AE , EB , compositum. Quare cum numerus GB , metiatur numeros AB , CD , ipsi erunt inter se compositi. Quod est absurdum, cum ponantur inter se primi. Nunquam ergo numerus aliquis reliquus precedentem metietur, donec assumpta sit unitas. Quod est propositum.

10. pron.

$A \dots \dots \dots E \dots G \dots B$
 $C \dots \dots \dots F \dots D$

EODEM modo & hoc demonstrabimus.

Si propositis duobus numeris inter se compositis, detrahatur semper minor de maiore, alterna quadam detractio; detractio ad unitatem usque non perueniet, sed ad numerum, qui precedentem detractum metiatur.

NAM si detractio huiusmodi ad unitatem usque perueniret, essent propositi numeri inter se primi, ut Euclides demonstravit. Quod est absurdum, cum ponantur inter se compositi.

Ex his facile dignoscemus, an duo quicumque numeri propositi sint inter se primi, nec ne. Nam detractio semper minore de maiore, alterna quadam detractio; si nunquam reliquus precedentem metiatur, quoad assumpta sit unitas; ipsi erunt inter se primi, ut Euclides demonstravit. Si vero reliquus aliquis numerus precedentem metiatur, ipsi erunt inter se compositi, cum ille idem reliquus utrunque numerum propositum metiatur, ut perspicuum est ex demonstratione superiori. Ex eo enim, quod reliquus numerus GB , metiri dicebatur precedentem numerum ED , ostensum fuit, eundem reliquum GB , utrunque AB , & CD , metiri.

2.

PROBL. I. PROPOS. 2.

DUOBUS numeris datis non primis

inter

inter se, maximam eorum cōmunem mensuram reperire.

D E N T V R I duo numeri A B, C D, non primi inter se, quorum maximam communem mensuram oporteat reperire. Detrahatur minor C D, x maiore A B, quoties potest, relinquitq; E B; numerum, qui ex C D, subtractus relinquat F D, & sic deinceps semper minor de maiore subtrahatur alterna quadam detractione; in qua quidē peruenietur ad numerum, qui præcedentē metiatur. Nam si ad unitatē deveniretur, numeri A B, C D, essent inter se primi; quod est contra hypothesim. Peruentū ergo iam sit ad reliquum numerum F D, qui detractus ex E B, nihil relinquat, sed eam metiatur. Dico F D, esse maximam mensuram communem numerōrum A B, C D. Quod enim utrunq; metiatur, ita ostendemus. Quia F D, metitur ipsum E B; & E B, ipsum C F; metietur quoque F D, ipsum C F; atq; adeo cū & seipsum metiatur, metietur & totū C D, ex C F, F D, compositum. At C D, ipsum A E, metitur; Igitur & F D, eundem A E, metietur. Ac propterea cum F D, metiatur quoque ipsum E B; metietur etiā totum A B, ex utroque A E, E B, compositum. Metietur igitur F D, utrunquen umerum A B, C D.

A.....E.....B
C.....F..D
G-----

Q U O D autem F D, sit maxima mensura communis illorum, ita probabimus. Si enim fieri potest, detur maior mensura communis G, quam F D. Quoniam ergo G, metitur utrunque A B, C D; Et C D, metitur ipsum A E; metietur quoque G, ipsum A E. Igitur & residuum E B: At vero E B, metitur C F; Metietur ergo & G, eundem C F; Igitur & residuum F D; maior minorem. Quod est absurdum. Non ergo maior numerus, quā F D, numeros A B, C D, metitur; Ac proinde F D, maxima est mensura numerorum A B, C D.

Q U O D si minor numerus C D, metiatur maiorem A B, ita ut detractus ex A B, nihil relinquat, erit ipse maxima

1. septimi

11. pron.

10. pron.

11. pron.

10. pron.

11. 12. &

11. pron.

12. pron.

ma

A B
 C D

ma amborum mēsurā com-
 munit, cum & se ipsam me-
 tiatur. Duobus igitur nu-
 meris datis non primis inter
 se, &c. Quod erat faciendum.

COROLLARIUM.

Ex hoc manifestum est, quod numerus metiens duos nume-
 ros, metitur & maximam eorundem communem mensuram. Hic
 elicitur ex ea parte demonstrationis, qua ostensum fuit FD, esse
 maximam mensuram ipsorum AB, CD. Demonstratum enim est
 ibi, numerum G, si metiatur numeros AB, CD, metiri quoque
 numerum FD, maximam eorum mensuram comunem. Eademque
 ratio est de ceteris.

SCHOLIUM.

Ex dictis facile cum Campano experiemur, an quolibet
 numeri propositi sint inter se primi, nec ne. Sint tres numeri

A
 B
 C

A, B, C. Primum ergo experietur,
 per ea, quae ad propos. i. docuimus,
 an duo A, & B, sint inter se primi:
 Qui si fuerint inter se primi, non
 erunt tres numeri A, B, C, inter se
 compositi, quod nullam possint habere mensuram communem,
 praeter unitatem, propter numeros A, & B, inter se primos.

2. septimi

SI vero A, & B, fuerint inter se compositi, sit eorum ma-
 xima mensura communis in-
 uenta D; quae si metiatur &
 numerum C, perspicuum est,
 tres numeros A, B, C, esse in-
 ter se compositos, cum habeant
 numerum D, communem men-
 suram.

QVOD si D, maxima mensura numerorum A, & B, non
 metiatur numerum C; Erunt C, & D, uel inter se primi, uel
 non: Si sint inter se primi, non erunt tres numeri A, B, C,
 inter se compositi, sed inter se primi. Si enim dicantur esse
 inter se compositi, ita ut habeant numerum communem mensu-
 ram, metietur eiusmodi communis mensura numerum D, ma-
 ximam

ximam mensuram numerorum *A*, & *B*, per coroll. huius pro-
 pos. Quare cum eadem illa mensu-
 ra metiatur quoque numerum *C*, non
 erunt inter se primi numeri *C*, & *D*.
 Quod est contra hypothesim. Si autē
C, & *D*, non sint inter se primi, erunt
 tres numeri *A*, *B*, *C*, inter se compo-

A
B
C
D

siti. Inuenta enim numerorum *C*, & *D*, maxima mensura
 communi *E*; cum *E*,
 metiatur ipsum *D*; *D*,
 autem ipsos *A*, & *B*; *A*
 metietur quoque *E*, eos- *B*
 dem *A*, & *B*. Quare *C*
 cum idem *F*, metia- *D* *E* ..
 tur quoque ipsum *C*;
 metietur *F*, tres nume-
 ros *A*, *B*, *C*; *Ac* propterea ipsi inter se sunt compositi. Quod
 est propositum.

2. septimi
 11. pron.

SIMILI arte explorabimus, an plures numeri, quam
 tres sint inter se primi, an potius inter se compositi. Nam
 si dati numeri fuerint quatuor, experiendam id erit primum in
 tribus; si quinque, in quatuor, & c. Reliqua autem perficien-
 da, ut de tribus numeris datis diximus.

PROBL. 2. PROPOS. 3.

3.

TRIBVS numeris datis non primis
 inter se, maximam eorum cōmunem men-
 suram reperire.

DENTVR tres numeri *A*, *B*, *C*, non primi inter se,
 quorum maximam men-
 surā cōmunem oporteat
 reperire. Sit *D*, maxima
 mensura numerorum *A*,
 & *B*; Si ergo *D*, metiatur

A
B *D*
C *E* .. *F* 2. septimi
 quocue

quoque ipsum C, perspicuum est D, esse maximam mensuram numerorum datorum A, B, C. Nam si, maior numerus dicatur metiri numeros A, B, C, metietur idem, per coroll. propos. 2. huius lib. numerum D, maximam mensuram numerorum A, & B.

A..... D.....
B..... E..... F.....
C..... E... F.....

Quod est absurdum. Si vero D, nō metiatur ipsum C, inter se compositi. Cum enim sint A, B, C, inter se compositi, metietur quæcunque illorum mensura communis, per coroll. propos. 2. huius lib. numerum D, maximam mensuram numerorum A, & B. Cum ergo eadem illa mensura metiatur etiam ipsum C, erunt D, & C, inter se compositi. Sit eorum maxima mensura E. Dico E, esse maximam mensuram communem datorum numerorum A, B, C. Quod enim sit eorum mensura cōmunis, hac ratione demonstrabitur. Quoniam E, metitur numeros C, & D, dat D, ipsos A, & B; metietur quoque E, ipsos A, & B; Ac proinde tres numeros A, B, C, metietur.

2. septimi

11. pron.

Quo d autem E, sit maxima eorum communis mensura, perspicuum est. Si enim fieri potest, sit F, maior quam E, eorum mensura communis. Quia igitur F, metietur numeros A, & B; metietur quoque, per coroll. propos. 2. huius lib. numerum D, maximam eorum mensuram communem. Metietur autem & C: Igitur F, metiens D, & C, metietur quoque E, eorum mensuram maximam, ex eodem coroll. numerus maior minorem, quod est absurdum. Non ergo maior numerus, quam E, numeros A, B, C, metietur. Atque adeo E, maxima mensura est ipsorum. Quam obrem tribus numeris datis non primis inter se, &c. Quod faciendum erat.

COROLLARIUM.

Hic perspicuum est, quod numerus metiens tres numeros, metietur quoque maximam eorum communem mensuram. Hoc etiam colligitur ex ultima parte demonstrationis; Ostensum enim est ibi, numerum F, si metiatur numeros A, B, C, metiri quoque numerum

merum E, maximam illorum menturam communem: Eademque in cæteris est ratio.

PAKI ratione, pluribus numeris datis, quam tribus, non primis inter se, maxima eorum communis mensura inuenitur; locumque habebit hoc idem corollarium. Nam si dati numeri fuerint quatuor, inuenienda erit primum maxima mensura communis trium numerorum: si quinque, qua uor numerorum accipienda erit primum maxima communis mensura, &c. Reliqua uero omnia peragenda, ut de tribus numeris dictum est.

THEOR. 2. PROPOS. 4. 4.

OMNIS numerus, omnis numeri, minor maioris, aut pars est, aut partes.

SINT duo numeri A, minor, & B, maior. Dico A, esse aut partem, aut partes ipsius B. Sint enim primo A, & B, inter se primi. Quia igitur quælibet unitas numeri A, pars est numeri B; perspicuum est, numerum A, esse partes numeri B.

SINT deinde A, & B, non primi inter se, sed inter se compositi, & metiatur A, ipsum B. Quod posito manifestum est A, partem esse numeri B.

SED iam A, non metiatur ipsum B; inuenta autem maxima eorum mensura communis sit C, diuidaturque numerus A, in partes A D, D E, E F, quarum singulæ ipsi C, sint æquales. Quia igitur C, pars est ipsius B, cum ipsum metiatur; erit quoque A D, pars eiusdem B: similiter & D E, & E F: Ac propterea totus numerus A, est partes numeri B. Omnis igitur numerus, omnis numeri, minor maioris, aut pars est, aut partes. Quod demonstrandum erat.

THEOR. 3. PROPOS. 5. 5.

SI numerus numeri pars fuerit, & alter

li alte

alterius eadem pars : Et simul uterque
utriusque simul eadem pars erit ; quæ unus
unius

Si T numerus A , eadem pars numeri $B C$, quæ est nu-
merus D , numeri $E F$. Dico utrumque numerum A , & D ,
simul, utriusque numeri $B C$, & $E F$, simul eandem esse
partem ; quæ est uel A , ipsius $B C$, uel D , ipsius $E F$. Dic-

sis enim
numeri
 A D $B C, E F$
 B G C E H F
 $B G, G C$
 $E H, H F$

ipsis A , & D , æquales ; erit multitudo partium numeri $B C$,
æqualis multitudini partium numeri $E F$, propterea quod
eadem pars est A , ipsius $B C$, quæ D , ipsius $E F$. Quia igitur
 A , & $B G$, æquales sunt ; si illis addantur æquales D , &
 $E H$; erunt A , & D , simul æquales ipsi $B G$, & $E H$, simul.
Eodẽ argumento erunt A , & D , simul ipsi $G C$, & $H F$, si-
mul æquales : Et sic deinceps, si plures partes fuerint in $B C$,
 $E F$; aggregatum numerorum A , & D , tot aggregatis par-
tium numerorum $B C$, & $E F$, æquale erit, quoties A , in
 $B C$, uel C , in $E F$, continetur : Ac propterea eadem pars
erit utriusque A , & D , simul utriusque $B C$, & $E F$, simul, quæ
est A , ipsius $B C$, uel D , ipsius $E F$. Si numerus ergo nume-
ri pars fuerit ; &c. Quod erat ostendendum.

S C H O L I O N .

E O D E M modo demonstrabimus & hoc, quod sequitur.

Si unitas numeri pars fuerit, & altera uni-
tas, uel numerus alterius numeri eadem pars ;
Et simul utraque unitas, uel unitas & nume-
rus simul, utriusque numeri simul eadem pars
erit, quæ unitas numeri.

HOC autem perspicue in his apposis exēplis apparet. Eadem enim prorsus est demonstratio.

A D A D
B . G . C E . H . F B . G . C E H F

POSSVMVS etiam hanc propositionem ad quocunque numeros transferri, hoc modo.

SI sint quocunque numeri quocunque numerorum æqualium numero, singuli singulorū, eadem pars; Et omnes omnium simul eadem pars erunt, quæ unus unius.

SINT numeri A, B, C, numerorum DE, FG, HI, singuli singulorū eadē pars. Dico omnes numeros A, B, C, simul omnium numerorum

DE, FG, A B C
HI, simul D K E F L G H M I
eadem esse

partē, quæ est A, ipsius DE. Diuisis. n. numeris DE, FG, HI, in partes ipsis A, B, C, æquales; erit multitudo partium numeri DE, æqualis multitudini partium tam numeri FG, quā numeri HI. Quia igitur A, & DK, æquales sunt; si illis addatur æquales B, & FL, erunt A, B, simul æquales ipsis DK, FL, simul: quibus si rursus addantur æquales C, & HM; erunt quoque A, B, C, simul æquales ipsis DK, FL, HM, simul. Simili ratione erunt A, B, C simul æquales ipsis KF, LG, MI, simul; & sic deinceps, si plures partes fuerint in DE, FG, HI, aggregatū numerorum A, B, C, tot aggregatis partium numerorum DE, FG, HI, æquale erit, quoties A, in DE, cōtinetur. Quamobrē eadē pars erit A, B, C, simul ipsorū DE, FG, HI, simul, quæ A, ipsius DE.

IDEM sequitur, si loco unius numerorū A, B, C, sumatur unitas, uel loco plurium, uel etiā omnium, plures unitates, ut de duobus dictum est. Id quod sequentes figure indicant.

A B C A B C
D . K . E . F . L . G . H M I D . K . E . F . L . G . H . M . I

THEOREMATI quoque primo quinti lib. simile proponemus, in hunc modum.

SI sint quotcūque numeri quotcūque numerorum æqualium numero, singuli singulorum, æque multiplices: quam multiplex est unius unus numerus, tam multiplices erunt & omnes omnium.

DEMONSTRATIO eadem hic est, que in lib. 1. Quod tamen aliter ita etiam demonstrabimus. Sins $A, B, C,$

numeri numerorum $D, E, F,$ æque multiplices, singuli singulorum. Duoque omnes $A, B, C,$ simul

num $D, E, F,$ simul tam multiplices esse, quam est $A,$ multiplex ipse $D.$ Cum enim tam sit multiplex $A,$ ipse $D,$ quam est ipse $E,$ & $C,$ ipse $F;$ erit e contrario $D,$ eadem pars ipsius $A,$ que E ipse $B,$ & $F,$ ipse $C.$ Per ea igitur, que nuper nobis demonstrata sunt, erunt $D, E, F,$ simul eadem pars ipsorum $A, B, C,$ simul, que $D,$ ipse $A;$ Ac propterea e contrario tam multiplices erunt omnes $A, B, C,$ simul, omnium $D, E, F,$ simul, quam est multiplex $A,$ ipse $D.$

QVOD si loco unius numerorum $D, E, F,$ assumatur unitas, uel etiam loco plurium, uel omnium, plures unitates, theoremata eodem modo demonstrabitur, ut ex sequentiibus figuris apparet.

$A .. B C$ $A .. B .. C ..$
 $D . E . . F ...$ $D . E . F .$

6. THEOR. 4. PROPOS. 6.

SI numerus numeri partes fuerit, & alter alterius eadem partes: Et simul uterque utriusque simul eadem partes erit, que unus unius.

SI T numerus $A B,$ eadem partes numeri $C,$ que numerus

merus DE, numeri F. Dico utrumque numerum AB, & DE simul utriusque numeri C, & F, simul eandem partes esse, quæ AB, ipsius C, uel A...G...B...D...H...E...DE, ipsius F...C...F...

Diuisis numeris AB DE, in partes AG, GB; DH, HE, numerorum C, & F, erit multitudo partium in numero AB, æqualis multitudini partium in numero DE; propterea quod eadem partes est numerus AB; numeri C, quæ numerus DE, numeri F. Quia igitur, quæ pars est AG, numeri C, eadem est DH; numeri F; erit uterque AG, DH, simul eadem pars utriusque C, F, simul, quæ AG, ipsius C, uel DH, ipsius F. Eadem ratione erit uterque GB, HE, simul eadem pars utriusque C, F, simul, quæ GB, ipsius C, uel HE, ipsius F: Et sic deinceps, si plures partes fuerint in AB, DE, erunt tot aggregata partium in numeris AB, DE, cõtenta, partes eadem numerorum C, F, simul, quot partes eadem est numerus AB, ipsius C, uel DE, ipsius F: Ac proinde eadem partes erit uterque numerus AB, DE, simul, utriusque numeri C, F, simul, quæ AB, ipsius C, uel DE, ipsius F. Si numerus ergo numeri partes fuerit, &c. Quod erat demonstrandum.

s. septimi

SCHOLION

SED & hanc propositionem ad quotcunque numeros extendentes, hoc modo amplificabimus.

SI sint quotcunque numeri quotcunque numerorum, singuli singulorum, eadem partes; Et omnes omnium simul eadem partes erunt, quæ unus unius.

EADEM enim est demonstratio, si modo pro quinta propositio, assumatur id, quod secundo loco demonstrauimus in scholio precedenti; ut hic perspicuum est.

A...K...B C...L...D E...M...F
G..... H..... I.....

7.

THEOR. 5. PROPOS. 7.

SI numerus numeri pars fuerit, qualis ablatu ablati: Et reliquus reliqui eadem pars erit, qualis totus totius.

SIT numerus $A B$, eadem pars numeri $C D$, quæ ablatu $A E$, ablati $C F$. Dico reliquum $E B$, eadem esse partem reliqui $F D$, quæ est totus $A B$, totius $C D$. Ponatur enim $E B$, numerum $G C$, eadem pars, quæ est $A E$, ipsius $C F$, uel totus $A B$, totius $C D$. Quia igitur $A E$, eadem est pars ipsius $C F$, quæ $E B$, ipsius $G C$; erit utique $A E$, $E B$. simul eadem pars utriusque; simul $C F$, $G C$, quæ $A E$, ipsius $C F$, hoc est, quæ totus $A B$, totius $C D$; Ac propterea cum $A B$, eadem sit pars utriusque numeri $F G$, $C D$; erunt ipsi numeri $F G$, $C D$, inter se æquales. Dempto ergo communi $C F$, æquales remanebunt $G C$, $F D$. Eadem igitur pars erit $E B$, ipsius $F D$, quæ ipsius $G C$, hoc est, quæ totus $A B$, totius $C D$. Si igitur numerus numeri pars fuerit, &c. Quod erat ostendendum.

5. septimi

SCHOLION.

IDEM hoc theorema verum est, etiam si ablata sit unitas $A E$; uel reliqua fuerit unitas $E B$; uel denique & ablatu, & reliqua sit unitas, ut ex his exemplis. apparet.

$A . E . . . B$ $A . . . E . B$ $A . E . B$
 $G C . . F D$ $G . . C F . . D$ $G . . C . . F . . D$

CAETERVM & ex his theoremati quinto lib. 5. simile hoc demonstrabimus.

SI numerus numeri æque fuerit multiplex, atque ablatu ablati: Etiam reliquus reliqui ita

multi

multiplex erit, ut totus totius.

Quod quidem non aliter ostendemus, ac theorema illud quinti lib. Verum idem ex demonstratis ita confirmabimus. Sit totus AB, totius CD, aequi multiplex, atque ablati AF, ablati CF. Dico & reliquum EB, reliqui FD, ita esse multiplicem, ut est totus AB, totius CD. Cum enim

AB, ipsius CD, sit aequi multiplex, atque AE, ipsius CF; erit e contrario totus CD, totius AB, eadem pars, qua

ablati CF, ablati AE. Quare & reliquus FD, reliqui EB, eadem pars erit, quae totus CD, totius AB; ac proinde e contrario EB, ita multiplex erit ipsius FD, ut AB; ipsius CD; est multiplex.

7. septimi

Si aliquanto ex CD, ablata fuerit unitas CF; vel reliqua sit unitas FD; vel denique & ablata sit unitas CF; & alia reliqua FD; idem demonstrabitur, ut haec exempla commostrarant.

A . . . E B A E . . . B A E B
C . . . F . . . D C . . . F . . . D C . . . F . . . D

THEOR. 6. PROPOS. 8.

8.

SI numerus numeri partes fuerit, quales ablati ablati: Et reliquus reliqui eadem partes erit, quales totus totius.

SIT numerus AB, partes eadem numeri CD, quae ablati AE, ablati CF. Dico reliquum EB, eadem esse partes reliqui FD, quae totus AB, totius CD. Sumpto enim numero GH, equali ipsi AB; erit

A K E B
C F D
G L I M H

I 4 GH,

GH, eadem partes ipsius CD, quæ AB, eiusdem CD, hoc est, quæ AE, ipsius CF. Diuiso ergo GH, in partes GI, IH, numeri CD; & AE in partes AK, KE, numeri CF; erit multitudo partium GI, IH, C... F... D multitudini partium G... L... I... M... H... AA, KE, æqualis, eademque pars tam GI, quam IH, ipsius CD, quæ tam AK, quam KE, ipsius CF. Cum ergo CD, numerus maior sit numero GI, erit & tam GI, quam IH, pars ipsius CD, maior tam numero AK, quam KE, pars ipsius CE. Sumptis igitur numeris GL, IM æqualibus ipsis AK, KE; erit GL, eadem pars ipsius CF, quæ AK, eiusdem CF, hoc est, quæ GI, ipsius CD; Ac proinde cum totus GI, totius CD, sit eadem pars, quæ totus GL, ablati CF, erit & reliquis LI, reliqui FD, eadem pars, quæ totus GI, totius CD. Eodemque argumento ostendemus MH, eandem esse partem ipsius FD, quæ est totus GI, uel IH, totius CD. Quoniam ergo tam GI, quam IH, eadem est pars ipsius CD, quæ est tam LI, quam MH, ipsius FD; erit uterque GI, IH, simul eadem partes ipsius CD, quæ uterque LI, MH, ipsius FD. Est autem GH, eadem partes ipsius CD, quæ AB, eiusdem CD, propter æqualitatem numerorum AB, GH. Igitur & uterque LI, MH, simul eadem partes erit ipsius FD, quæ AB, ipsius CD. Quia uero si ab æqualibus AB, GH, æquales auferantur AA, KE, & GL, IM, reliqui EB, & LI, MH, simul æquales sunt: Erit quoque EB, reliquis eadem partes reliqui FD, quæ AB, totus totius CD, nempe, quæ uterque LI, MH, simul erit eiusdem FD. Si numerus ergo numeri partes fuerit, &c. Quod erat ostendendum.

SCHOLION.

NON demonstrauit Euclides hanc propositionem, quemadmodum precedente; quod nonnulli interpretes faciunt, quia non constat hic, reliquum numerum EB, alicuius numeri eisdem esse partes, quæ est numerus AE, numeri CF; ibi uero perspi-

7. septimi

6. septimi.

perspicuum erat, reliquum EB, alicuius numeri eandem esse partem, quæ est AE, ipsius CF. Licet enim ipsius EB, duplū assumere, triplum, quadruplum, &c. donec EB, sit ita submultiplex numeri assumpti GC, ut AE, est submultiplex ipsius CF.

THEOR. 7. PROPOS. 9.

9.

SI numerus numeri pars fuerit, & alter alterius eadem pars: Et uicissim, quæ pars est, aut partes primus tertij, eadē pars erit, uel eadem partes & secundus quarti.

SIT numerus A, numeri BC, eadem pars, quæ numerus D, numeri EF, sintque A, BC, minores ipsis D, EF, singuli singulis. Dico & uicissim eandem partem esse, aut eadem partes A, ipsius D quæ
 lis est, aut quales BC, ipsius
 A
 EF. Diuisis enim numeris . . . B G C
 BC, EF, in partes BG, GC,
 D
 & EH, HF, ipsis A, & D,
 E H F
 æquales; erit multitudo partium numeri BC, æqualis multitudini partium numeri EF.

Quia uero BG, GC, inter se sunt æquales, & minores quæ EH, HF, quæ inter se etiam æquales sunt, quod & totus BC, toto EF, minor ponitur; Erit BG, ipsius EH, eadem pars, aut partes, quæ GC, ipsius HF; ac propterea & uterque BG, GC, simul, nempe BC, secundus utriusque EH, HF, simul, nimirum EF, quarti eadem pars, uel partes, quæ BG, ipsius EH, hoc est, quæ A, primus ipsius D, tertij. Si numerus igitur numeri pars fuerit, &c. Quod demonstrandum erat.

5. uel 6. septimi.

SCHOLIION.

QVOD si loco primi numeri unitas accipiatur, quæ numeri alicuius pars sit, quæ alter numerus alterius: Erit ut ssum
 unitas

A
 $B . G . C$
 D
 $E H F$

*unitas tertij numeri eadē
 pars, quæ secundus nume-
 rus quarti; id, quod eo-
 dem argumento confirma-
 bitur, si loco partium af-
 sumamus partem in demi-
 stratione, ut ex hoc exemplo apparet.*

10. THEOR. 8. PROPOS. 10.

SI numerus numeri partes fuerit, & al-
 ter alterius eadem partes: Et vicissim, quæ
 partes est primus tertij, aut pars, eadem
 partes erit & secundus quarti, aut pars.

SI T numerus A B, eadem partes numeri C, quæ nume-
 rus D E, numeri F, sintque A B, C, ipsis D E, F, minores,
 singuli singulis. Dico & vicissim, numerum A B, eadem
 partes esse, aut partem numeri D E, quæ numerus C, est nu-
 meri F. Divisis enim nu-

$A . . . G . . . B$
 C
 $D H E$
 F

*meris F. Divisis enim nu-
 meris A B, D E, in partes
 A G, GB, & D H, H E,
 numerorum C, & F; est
 multitudo partium in A B,
 æqualis multitudini par-
 tium in D E, & tam A G,
 quam G B, eadem pars ip-
 sius C, quæ tam D H, quam H E, ipsius F. Vicissim ergo ea-
 dem pars erit, aut partes A G, ipsius D H, & G B, ipsius H E
 quæ C, ipsius F: Ac propterea eadē pars erit, vel partes A G,
 ipsius D H, quæ G B, ipsius H E. Agitur & uterque A G, GB,
 simul, nimirum primus A B, eadem pars erit, aut partes
 utriusque D H, H E, simul, nimirum D E, tertij, quæ A G,
 ipsius D H, hoc est, quæ C, secundus quarti F. Si nu-
 merus ergo numeri partes fuerit, & al-
 ter alterus, &c. Quod demon-
 strandum erat.*

9. Septimi
 5. vel 5.
 septimi.

THEOR. 9. PROPOS. II. 12.

SI fuerit ut totus ad totum, ita ablati ad ablatum: Et reliquus ad reliquum erit, ut totus ad totum.

SIT ut totus numerus AB, ad totum CD, ita ablati AE, ad ablatum CF. Dico & reliquum EB, ad reliquum FD, esse, ut est totus AB, ad totum CD.

A.....E.....B
C.....F.....D

Cum enim sit, ut AB, ad CD, ita AE, ad CF, erit per defin. 20. AB, ipsius CD, & AE, ipsius CF, uel æque multiplex, uel eadem pars, uel eadem partes: uel certe AB, ipsum CD, & AE, ipsum CF, æqualiter continebit, eandemque insuper illius partem, uel eadem partes. Sit primum AB, ipsius CD, & AE, ipsius CF, æque multiplex. Quo posito erit e contrario CD, totus totius AB, eadem pars, quæ ablati CF, ablati AE, propter AB, AE, æque multiplices ipsorum CD, CF. Igitur & reliquus FD, reliqui EB, eadem pars erit, quæ totus CD, totius AB; Ac propterea e contrario AB, ipsius CD, & EB, ipsius FD, æque multiplex erit. Quare erit, per defin. 20. ut totus AB, ad totum CD, ita EB, reliquus ad reliquum FD.

7. septimi

SIT secundo AB, ipsius CD, & AE, ipsius CF, eadem pars, uel eadem partes. Quo posito, erit & reliquus EB, reliqui FD, eadem pars, uel partes, quæ totus AB, totus CD; Ac proinde, per defin. 20. erit ut totus AB, ad totum CD, ita EB, reliquus ad reliquum FD.

A...E...B
C.....F.....D
A.....E...B
C.....F...D

7. uel 8. septimi.

CONTINEAT tertio AB, ipsum CD, & AE, ipsum CF, æqualiter, eandemque insuper illius partem, uel partes. Quo posito, erit e contrario CD, totus totius AB, eadem partes, quæ ablati CF, ablati AE, ut mox demonstrabimus.

Reli-

8. septimi

Reliquus igitur FD , reliqui EB , eadem quoque partes

$A \dots E \dots B$ $A \dots E \dots B$
 $C \dots F \dots D$ $C \dots F \dots D$

erit, quæ totus CD , totius AB : Ac propterea, e contrario AB , ipsum CD , & EB , ipsum FD , æqual ter contineat, eandemque insuper illius partem, uel partes, ut mox ostendimus. Quare erit, per defn. 20. ut totus AB , ad totum CD , ita EB , reliquus ad reliquum FD .

QVOD si AB , totus totum CD , æqualis fuerit, & ablatum AE , ablatum CF ; perspicuum est reliquum EB , quoque esse æqualem reliquo FD . Nam si ab æqualibus æqualia demantur; quæ remanent, sunt æqualia. Itaque si fuerit, ut totus ad totum, ita ablatum ad ablatum, &c. Quod erat demonstrandum.

LEMMA.

QVOD autem, si AB , ipsum CD , & AE , ipsum CF , æqualiter contineat, eandemque insuper partem illius uel partes; e contrario CD , ipsius AB , &

CF , ipsius AE , sit eadem partes:
 $A \dots N \dots O \dots G \dots B$ sit eadem partes:
 $C \dots I \dots K \dots D$ Et si CD , ipsius
 $A \dots P \dots Q \dots H \dots E$ AB , & CF , ipsius
 $C \dots L \dots M \dots F$ AE , sit eadem partes: e contra-

rio AB , ipsum CD , & AE , ipsum CF , æqualiter contineat, eandemque illius partem uel partes; hoc modo demonstrabimus. Contineat primo AB , ipsum CD , & AE , ipsum CF , æqualiter, nempe semel, uel bis, uel ter, &c. eandemque insuper partem, GB , quidem

quidem ipsius CD , & HE , ipsius CF , ita ut numeri reliqui AG , AH , sint uel equales ipsis CD , CF , uel eorum aeque multiplices . Diuisis igitur numeris CD , CF , in partes CI , IK , KD ; & CL , LM , MF , ipsis GB , HE , equales ; erit multitudo partium numeri CD ; multitudini partium numeri CF , equalis , quod GB , ipsius CD , sit eadem pars, quae HE , ipsius CF . Similiter diuisis numeris AG , AH , in partes AN , NO , OG ; & AP , PQ , QH , eisdem GB , HE , equales ; erit quoque multitudo partium numeri AG , multitudini partium numeri AH , equalis : Cum enim AG , AH , uel equales sint ipsis CD , CF , uel eorum aeque multiplices ; erunt uel tot partes in AG , AH , quot in CD , CF ; uel certe numerus partium numeri CD , toties continebitur in AG ; quoties numerus partium numeri CF , in AH ; proptereaque multitudo partium numeri AG , multitudini partium numeri AH , equalis erit. Si igitur ipsis addantur partes GB , HE , erit & multitudo partium numeri AB , multitudini partium numeri AE , equalis : Atque adeo una pars numeri CD , eadem pars erit numeri AB , quae una pars numeri CF , est numeri AE . Quare cum multitudo partium numeri CD , equalis sit multitudini partium numeri CF ; erit CD , eadem partes numeri AB , quae CF , ipsius AE .

CONTINEAT secundo AB , ipsum CD , & AE , ipsum CF , equaliter , uidelicet semel, bis, ter, quaterue, &c. easdemque insuper partes illius, numerus quidem AB , partes GB , numeri CD , & numerus AE , partes HE , numeri CF , ita ut reliqui nume

pars numeri CF , est numeri AE . Quare cum multitudo partium numeri CD , equalis sit multitudini partium numeri CF ; erit CD , eadem partes numeri AB , quæ CF , ipsius AE . Quod est primo propositum.

IAM uero sit CD , ipsius AB , & CF , ipsius AE , eadem partes. Dico e contrario AB , ipsum CD , & AE , ipsum CF , equaliter continere, eandemque insuper illius partem, uel partes. Diuisis enim numeris CD , CF , in partes numerorum AB , AE , erunt eæ multitudo inter se æquales. Item diuisis numeris AB , AE , in partes partibus numerorum CD , CF , æquales, erunt & hæ multitudo inter se æquales. Quare toties continebuntur omnes partes numeri CD , in AB , supereritque eadem pars, uel partes ipsius CD , quoties omnes partes numeri CF , continentur in AE , & quæ pars, aut partes ipsius CF , supersunt, propter æquales multitudines partium numerorum CD , CF , & AB , AE . Ita enim fit, ut multitudinis æquales partium numerorum AB , AE , contineant equaliter æquales multitudines partium numerorum CD , CF , & insuper in duobus illis numeris supersint partes numerorum CD , CF , multitudo æquales. Quam ob rem AB , ipsum CD , & AE , ipsum CF , equaliter continebit, eandemque insuper illius partem, uel partes. Quod secundo est propositum.

THEOR. 10. PROPOS. 12.

13.

SI sint quotcunque numeri proportionales,

nales, erit quemadmodum unus antecedentium ad unum consequentium; ita omnes antecedentes ad omnes consequentes.

S I N T quotcumque numeri proportionales A, B; C, D; E, F; hoc est, ut A, ad B, ita C, ad D, & E, ad F. Dico esse quoque omnes A, C, E, simul ad omnes B, D, F, simul, ut est A, ad B. Sci-

A C .. E ...
B D F

enim primū A, C, E minores quam B, D, F: Quoniam igitur, propter eandem proportionem, eadem pars est, aut partes

4. vel 6. septimi.

A, ipsius B, quæ C, ipsius D, & E, ipsius F; erit quoque uterque A, C, simul utriusque B, D, simul eadem pars, aut partes, quæ A, ipsius B, uel E, ipsius F. Rursus quia uterque A, C, simul, tanquam unus, utriusque B, D, simul, tanquam unus, eadem pars est, aut partes, quæ E, ipsius F; erunt & ambo A, C, tanquam unus, & E, simul, amborum B, D, tanquam unus, & F, simul eadem pars, uel partes, quæ A, ipsius B. Quare, per defin. 20. eadem proportio est omnium A, C, E, simul ad omnes B, D, F, simul, quæ est ipsius A, ad B.

4. vel 6. septimi.

S I N T secundo A, C, E, maiores, & æque multiplices numerorum B, D, F. Quo posito, erit e contrario B, ipsius A, eadem pars,

5. septimi.

A C E
B D .. F

quæ D, ipsius C, & F, ipsius E; Atque adeo ut prius,

erunt omnes B, D, F, simul, omnium A, C, E, simul, eadem pars, quæ B, ipsius A; ideoque & e contrario omnes A, C, E, simul omnium B, D, F, simul, & A, ipsius B, æque multiplices. Quare per defi. 20. eadem est proportio omnium A, C, E, simul, ad omnes B, D, F, simul, quæ est A, ad B. Hoc idem verum est, etiam si aliqua proportio nes multiplices, uel etiam omnes, sint numerorum ad unitatem. Est enim eadem semper demonstratio, ut hic apparet.

paret, adiuuante tamen scholio propos. 5. huius lib.

A... C.... E..... A... C... E..... A... C... E...
 B. D.. F... D. D. F.. B. D. F.

SINT tertio A, C, E, maiores quam B, D, F, at non multiplices. Quia igitur, propter eandem proportionem, A, ipsum B, & C, ipsum D, & E, ipsum F, æqualiter continet, eandemque insuper partem, A..... C.... E..... uel partes; Erit B..... D... F..... per lemma præce-

dentis propos. B, ipsius A, & D, ipsius C, & F, ipsius E, eadem partes. Igitur ut prius, erunt omnes B, D, F, omnium A, C, E, simul eadem partes, quæ B, ipsius A; Atque adeo per idem lemma, e contrario continebunt omnes numeri A, C, E, simul, omnes numeros B, D, F, simul, & A, ipsum B, æqualiter, eandemque insuper partem, uel partes. Quare per defin. 20. eadem proportio est omnium A, C, E, simul, ad omnes B, D, F, simul, quæ est A, ad B.

SINT quarto & ultimo A, C, E, ipsis B, D, F, æquales. Quoniam igitur, si æqualibus A, & B, æquales addantur C, & D, fiunt A, C, simul æquales ipsis B, A.... C... E..... D, simul, quibus si rursum addantur æquales B.... D... F..... E, & F, fiunt & omnes A, C, E, simul, omnibus B, D, F, simul æquales; Erunt, ut A, ad B, ita omnes A, C, E, simul ad omnes B, D, F, simul, cum utrobique sit proportio æqualitatis. Si sint igitur quotcunque numeri proportionales, erit, &c. Quod erat demonstrandum.

THEOR. II. PROPOS. 13.

14.

SI quatuor numeri proportionales sint: Et uicissim proportionales erunt.

SIT A, ad B, ut C, ad D. Dico uicissim esse A, ad C, Kk ut

ut B, ad D. Nam sint primum A, & C, minores quam B, & D; & A, quoque minor, quam C. Quo posito, erit, pro

pter eandem proportionem,
 A C A, ipsius B, & C, ipsius D,
 B D eadem pars, uel partes. Vi-

9. vel 10.
 septimi.

cissim ergo & A, ipsius C, & B, ipsius D, eadē pars erit, uel partes : Ac proinde per defin. 20. erit ut A, ad C, ita B, ad D.

S I N T secundo A, & C, minores quam B, & D; at A, maior quam C. Quo posito, erit, ob eandem proportio-

nem C, ipsius D, & A, ip-
 sius B, eadem pars, uel
 A C sius B, eadem pars, uel
 B D partes. Vicissim ergo & C,
 ipsius A, & D, ipsius B, e-

9. vel 10.
 septimi.

dem pars erit, uel partes : Atque adeo e contrario, uel A, ipsius C, & B, ipsius D, æque multiplex erit, uel certe, per lemma propos. 11. huius lib. A, ipsum C, & B, ipsum D, æqualiter continebit, eandemque insuper partem, uel partes. Quare per defin. 20. erit ut A, ad C, ita B, ad D.

S I N T tertio A, & C, maiores quam B, & D; at A, minor quam C. Quo posito, erit ob eandem proportionem, uel A, ipsius B, & C, ipsius D, æque multiplex ; uel certe

A, ipsum B, & C, ipsum D, cō-
 tinebit æqualiter, eandemq; in-
 A C tinebit æqualiter, eandemq; in-
 B D super partem, uel partes ; Atque
 adeo e contrario erit B, ipsius A,

9. vel 10.
 septimi.

& D, ipsius C, uel eadem pars, uel certe, per lemma propos. 11. huius lib. eadem partes. Vicissim ergo & B, ipsius D, & A, ipsius C, eadem pars erit, uel partes ; Ac proinde, per defin. 20. eadem proportio erit B, ad D, quæ A ad C, hoc est, erit ut A, ad C, ita B, ad D

S I N T quarto A, & C, maiores quam B, & D; & A, quoque maior quam C. Quo posito, erit C, ipsius D, & A, ipsius B, ob eandem proportionem, uel æque multiplex, uel certe C, ipsum D, & A, ip-

sium B, æqualiter cōtinebit, ean-
 demque insuper partem, uel par-
 A C sum B, æqualiter cōtinebit, ean-
 B D demque insuper partem, uel par-
 tes ; Atque adeo, e contrario,

erit D, ipsius C, & B, ipsius A, uel eadem pars, uel certe, per

per lemma propos. 11. huius lib. eadem partes. Vicissim erit & D, ipsius B; & C, ipsius A, eadem pars erit, uel partes; Ac propterea e contrario uel B, ipsius D, & A, ipsius C, æque multiplex erit, uel certe, per lemma adductum, B, ipsum D, & A, ipsum C, continebit æqualiter, eandemque insuper partem, uel partes. Quare per defin. 20. eadem proportio erit B, ad D, quæ A, ad C, hoc est, erit ut A, ad C, ita B, ad D.

9 uel 10. septimi.

SINT quinto A, & C, ipsis B, & D, æquales, & A, minor quã C. Quoniam igitur æquales numeri A, & B, æqualium numerorum C, & D, uel eadem pars, uel eadem partes sunt; Erit, per defin. 20. ut A, ad C, ita B, ad D

A . . . C . . .
B . . . D . . .

SINT sexto A, & C, ipsis B, & D, æquales, at A, maior quam C. Quia igitur æquales numeri A, & B, æqualium numerorũ C, & D, uel æque multiplices sunt, uel certe illi hos æqualiter continent, eandemque insuper partem, uel partes; erit, per defin. 20. ut A, ad C, ita B, ad D.

A C
B D

SINT septimo ac ultimo A, & C, inter se æquales, siue ij maiores sint quam B, & D, siue minores, siue æquales. Quoniam igitur, ob eandem proportionem, A, ipsius B, & C, ipsius D, æque multiplex est, uel eadem pars, uel eadem partes; uel certe A, ipsum B, & C, ipsum D, æqualiter continet, eandemque insuper partem, uel partes; suntque A, & C, æquales; æquales quoque erunt B, & D; Atque adeo erit, ut A, ad æqualem C, ita B, ad æqualem D. Quocirca, si quatuor numeri proportionales sint, & uicissim proportionales erunt. Quod erat demonstrandum.

SCHOLION.

COACTI sumus in hac propositione, & duabus precedentibus tot casus recensere, eosque demonstrationibus certissimis confirmare, una cum lemmate propos. 11. ut earum ueritas

tas in omni genere proportionis rationalis apparet. Theor-
 enim, & nonnulli alij interpretes, illas duntaxat ostendunt
 in proportionibus rationalibus minoris inequalitatis, in qui-
 bus nimirum antecedentes numeri partes sunt consequentium,
 ut perspicue ex eorundem auctorum demonstrationib⁹ apparet;
 nisi maiorem numerum minoris numeri partes esse dicamus,
 ut nonnulli concedunt, quod est absurdum, & ab Euclidi in-
 fituto alienum, cum partes appellavit numerum numeri, mi-
 norem maioris, cum minor non meretur maiorem. Quod etiam
 ex defn. 20. Solis luce clarius constat, ubi numeros propor-
 tionales docuit esse, cum primus secundi, & tertius quarti eque-
 multiplex est, uel eadem pars, uel eadem partes, &c. Nam si
 existimaret maiorem numerum minoris partes esse, satis fuisse
 dicere, cum primus secundi, & tertius quarti, eadem pars
 est, uel eadem partes. Ita enim numeros proportionales in om-
 ni genere proportionis comprehendisset, ut manifestum est: qua-
 re reliqua omnia uerba definitionis superuacanea essent.

15. THEOR. 12. PROPOS. 14.

SI sint quotcunque numeri, & alij illis
 æquales multitudinem, qui bini sumantur, &
 in eadem ratione: Etiam ex æqualitate in
 eadem ratione erunt.

S I N T quotcunque numeri A, B, C, & alij totidem D,
 E, F, sitque ut A, ad B, ita D, ad E; & ut B, ad C, ita E, ad
 F. Dico ex æqualitate quoque esse ut A, ad C, ita D, ad F.
 Quoniam est, ut A, ad B, ita D, ad E; erit uicissim, ut A, ad
 D, ita B, ad E;
 A..... D..... Similiterque, eã
 B..... E..... dem ob causam,
 C..... F..... cum sit, ut B, ad
 G..... H..... C, ita E, ad F;
 erit uicissim, ut
 B, ad E, ita C, ad F. Igitur erit ut A, ad D, ita C, ad F; (Cũ
 enim utraque proportio A, ad D, & C, ad F, eadem sit pro-
 portioni

portioni B, ad F, ut demonstratum est; & ipsæ inter se eadem erunt, ut mox ostendetur.) Ac proinde vicissim, ut A, ad C, ita D, ad F. 13. seprin.

Quod si fuerint plures numeri, quam tres, ita ut sit etiam quemadmodum C, ad G, ita F, ad H; Dico adhuc esse, ut A, ad G, ita D, ad H. Cum enim iam sit ostensum in tribus numeris, esse ut A, ad C, ita D, ad F; ponatur autem ut C, ad G, ita F, ad H; erunt tres numeri A, C, G, & alij tres D, F, H, qui bini in eadem ratione sumuntur. Ex æqualitate igitur in tribus numeris ostensa, rursus erit ut A, ad G, ita D, ad H. Eodemque modo idem ostendemus in quinque numeris, per quatuor; sicut id in quatuor numeris demonstratum fuit per tres, & sic de pluribus. Itaque si sint quotcumque numeri, & alij illis æquales multitudinis, &c. Quod ostendendum erat.

SCHOLIUM.

Idem verum est, si loco unius numeri unitas assumatur, vel etiam loco plurium plures unitates, ut in hoc exemplo perspicuum est.

A	D
B	E
C	F
G	H

LEMMA.

Quod autem due proportionès numerorū, quæ eidem proportioni eadem sunt, inter se quoque sint

A	B	C
D	E	F

eadem, quales sunt in demonstratione proportionès A, ad D, & C, ad F, quæ eadem ostensæ sunt proportioni B, ad E; ita demonstrabitur. Propter eandem proportionem, erit B, ipsius E, & tam A, ipsius D, quam C, ipsius F, æque multiplex, vel eadem pars, vel eadem

eadem partes ; uel certe B, ipsum E, & tam A, ipsum D, quam C, ipsum F, continebit æqualiter, eandemque insuper partem, uel partes. Quare per defin. 20. numeri A, D, C, F, proportionales sunt, ist quidem A, ad D, ita C, ad F. Quod est propositum.

Hoc idem demonstratum fuit ab Euclide lib. 5. de proportionibus magnitudinum, propos. 11.

16. THEOR. 13. PROPOS. 15.

SI unitas numerum quempiam metiatur, æque autem alter numerus alterum quendam numerum metiatur : Et uicissim æque unitas tertium numerum metietur, & secundus quartum.

. M. E T I A T V R unitas A, numerum B C, & numerus D, numerum E F, æque. Dico uicissim unitatem A, numerum D, & numerum B C, numerum E F, æque metiri. Diuiso enim numero

A.	D..	B C, in unitates B G,
B . G . H . C	E . . I . . K . . F	G H, H C, & numero E F, in partes E I, I K,

K F, ipsi D, æquales ; erit multitudo unitatum numeri B C, æqualis multitudini partium numeri E F, metieturque æque unitas A, numerum D, & unitas B G, ipsum E I, atque unitas G H, ipsum I K, & unitas H C, ipsum K F : atque idcirco eadem pars erit unitas A, numeri D, & unitas B G, numeri E I, quæ unitas G H, numeri I K, & unitas H C, numeri K F. Quare per ea, quæ ad propos. 5. huius lib. ostendimus, eadem pars erunt unitates B G, G H, simul numerorum E I, I K, simul, quæ unitas B G, numeri E I, uel unitas H C, numeri K F. Itaque quia eadem pars est unitas H C, numeri K F. quæ numerus B H, numeri E K ; erit, ut ibidem demonstrauimus, unitas H C, & numerus B H, simul, uniusque

que numeri K F, E K, simul, eadem pars, quæ unitas H C, numeri K F, hoc est, quæ unitas A, numeri D; Ac proinde unitas A, numerum D, & numerus B C, ex unitate H C, & numero B H, compositus, numerum E F, ex numeris K F, E K, compositum æque metietur. Si unitas igitur numerum quempiam metiatur, &c. Quod erat demonstrandum.

SCHOLION.

ILLUD idem, quod Euclides demonstravit de numeris, propos. 13. ostendit hoc in loco separatim de unitate, & tribus numeris, propterea quod unitas non est numerus. Quod quidem brevius ita nos demonstrabimus. Quia unitas A, numerum B C, æque metitur, atque numerus D, numerum E F; erit unitas A, eadē pars numeri B C, quæ numerus D, numeri E F. Per ea igitur, quæ ad propos. 9. demonstravimus, erit vicissim unitas A, eadem pars numeri D, quæ numerus B C, numeri E F; Ac propterea unitas A, numerum D, & numerus B C, numerum E F, æque metietur.

THEOR. 14. PROPOS. 16.

17.

SI duo numeri mutuo se se multiplicantes fecerint aliquos; geniti ex ipsis æquales inter se erunt.

Dvō numeri A, & B, se mutuo multiplicantes faciant numeros C, & D, ita ut A, multiplicans ipsum B, faciat C, at B, ipsum A, multiplicans faciat D. Dicō numeros C, & D, inter se æquales esse. Sumpta enim unitate E; cū ipsum B, multiplicans faciat C; erit C, ex B, toties compositus, quot sunt in A, unitates; atque adeo unitas E, numerum A, & numerus B, numerum C, æque metietur. Vicissim ergo & unitas E, numerum B, & numerus A, numerum C, æque metietur.

15. defn.

15. seprimi

metietur æque. Rursus eodem modo, quia B, multiplicans ipsum A, facit D; erit D, ex A, toties compositus, quot sunt

E in B, unitates, atque adeo unitas E, numerum B, & numerus A, D C numerum D, æque metietur: Metiebatur autem

& eadem unitas E, eundem numerum B, & numerus idem A, numerum C, æque. Aequè igitur numerus A, utrunque numerum C, & D, metietur; Ac proinde C, & D, inter se æquales erunt. Si duo igitur numeri mutuo se se multiplicantes, fecerint aliquos, &c. Quod demonstrandum erat.

S. C H O L I O N.

P O T E S T hæc eadem propositio cum Campano in hunc modum proponi.

S I duo numeri se mutuo multiplicauerint, procreabitur unus idemque numerus.

M U L T I P L I C E T enim A, ipsum B, faciatque C. Dico eundem C, gigni, si B, ipsum A, multiplicet. Nam ut prius, cum A, multiplicans ipsum B, faciat C, ostendemus unitatem E, numerum B, & numerum A, numerum

E C, æque metiri. At uero, si numerus A B B, ipsum A, multiplicet, etiam unitas C E, numerum B, & numerus A, numerum factum, per defn. 15. æque metitur. Itæ


ergo numerus C, gignitur ex multiplicatione B, in A, quando quidem ipsum numerus A, æque metitur, atque unitas E, ipsum B.

18. THEOR. 15. PROPOS. 17.

S I numerus duos numeros multiplicans, fecerit aliquos; Geniti ex ipsis eandem rationem

tionem habebunt, quam multiplicati.

Numerus enim A, multiplicans numeros B, C, faciat D, E. Dico esse, ut B, ad C, ita D, ad E. Assumpta enim unitate F; erit D, ex B, compositus toties, quoties unitas F, est in A, per defn. 15. similiterque toties E, compositus erit ex C, quoties eadem unitas F, est in eodem A: Atque adeo B, ipsum D, & C, ipsum E, æque metietur. Quare B, ipsius D, & C, ipsius E, eadem pars erit; Ac proinde, per defn. 20. erit ut B, ad D, ita C, ad E; et permutando, ut B, ad C, ita D, ad E. Si numerus igitur duos numeros multiplicans fecerit aliquos, &c. Quod ostendendum erat.



3. septimi

THEOR: 16. PROPOS: 18.

19.

SI duo numeri numerum quempiam multiplicantes, fecerint aliquos: Geniti ex ipsis eandem rationem habebunt, quam multiplicantes.

Numeri A, & B, multiplicantes numerum C, faciant D, & E. Dico esse ut A, ad B, ita D, ad E. Cum enim ex A, in C, fiat D; fiet quoque idem A B
D, ex C, in A. Eademque ratione, C
D E
cū ex B, in C, fiat E; fiet idem E, ex C, in B. Quia igitur idem C, multiplicās ipsos A, & B, facit D, & E; erit, ut A, ad B, ita D, ad E. Si duo ergo numeri numerum quempiam multiplicantes, fecerint aliquos, &c. Quod erat demonstrandum.

16. septimi

17. septimi

SCHO-

SCHOLION

HANC propositionem, & precedentem, ad quocunque numeros cum Campano accommodabimus hac ratione.

SI numerus quocunque numeros multiplicet, uel quocunque numeri numerum quempiam multiplicent; Habebunt producti numeri eandem rationes, quos numeri multiplicati, uel multiplicantes.

FIANT enim E, F, G, ex A, in B, C, D, uel ex B, C, D, in A. Dico eandem rationes habere numeros productos E, F, G, quos numeri multiplicantes, uel multiplicati.

	A...		G, quos numeri multiplicantes, uel multiplicati.
B...	C...	D....	
E.....	F.....	G.....	B, C, D: hoc est, esse, ut B, ad C, ita E, ad F; & ut C, ad D, ita F, ad G. Nam cum ex A, in B, C, uel ex B, C, in A, fiant E, F; erit ut B, ad C, ita E, ad F. Similiter quia ex A, in C, D, uel ex C, D, in A, fiunt F, G; erit quoque ut C, ad D, ita F, ad G. Atque ita de ceteris.

17. uel 18. seprimi.

20.

THEOR. 17. PROPOS. 19.

SI quatuor numeri proportionales fuerint; qui ex primo, & quarto fit, numerus, æqualis erit ei, qui ex secundo, & tertio fit, numero. Et si, qui ex primo, & quarto fit, numerus, æqualis fuerit ei, qui ex secundo, & tertio fit, numero; ipsi quatuor numeri proportionales erunt.

SINT quatuor numeri proportionales A, B, C, D, uel quidem A, ad B, ita C, ad D; fiatque E, ex A, primo in D, quar-

D quartum ; & F, ex B, secundo in C, tertium. Dico numeros E, F, æquales inter se esse. Fiat enim rursus G, ex A, in C. Quia igitur ex A, in C, D, fiunt G, E; erit, ut C, ad D, hoc est, ut A, ad B, ita G, ad E. Rursus quia ex A, & B, in C, fiunt G, & F; erit quoque, ut idem A, ad B, ita G, ad F. Quare, per lemma propos. 14. habebit G, ad E, & F, eandem proportionem; eam uidelicet, quam habet A, ad B; Ac proinde E, & F, numeri æquales erunt, ex ijs, quæ ad defin. 20. scripsimus.

17. septimi

- A . . .
- B . .
- C
- D
- E
- F
- G

18. septimi

SED iam sit E, ex A, primo in D, quartum genitus, equalis ipsi F, producto ex B, secundo in C, tertium. Dico quatuor numeros A, B, C, D, proportionales esse, ut quidam A, ad B, ita C, ad D. Fiat enim rursus G, ex A, in C. Quia ergo ex A, in C, D, fiunt G, E; erit, ut C, ad D, ita G, ad E, uel ad F, ipsi E, æqualem. Habet enim G, ad æquales E, F, eandem rationem, ut ad defin. 20. docuimus. Rursus, quoniam ex A, & B, in C, fiunt G, & F; erit quoque, ut A, ad B, ita idem G, ad eundem F. Quare proportionem A, ad B, & C, ad D, cum eadem sint proportioni G, ad F, eadem inter se erunt, per lemma propos. 14. Ac proinde erit, ut A, ad B, ita C, ad D. Si quatuor ergo numeri proportionales fuerint, &c. Quod erat ostendendum.

17. septimi

18. septimi

SCHOLIUM.

POTERAT huius theorematum prima pars proponi etiam ad hunc modum.

SI duo numeri duos numeros eandem, quæ illi, habentes rationem multiplicent, antecedens nimirum illorum consequentem horum, & consequens antecedentem; geniti ex ipsis, æquales inter se erunt.

ITA enim ostensum est numerum E, qui sit ex A, antecedente,

dente, in D, consequentem, aequalem esse numero F, qui procreatur ex B, consequente in C, antecedentem.

20.

THEOR. 18. PROPOS. 20.

SI tres numeri proportionales fuerint; qui sub extremis continentur, æqualis est ei, qui a medio efficitur: Et si, qui sub extremis continentur, æqualis fuerit ei, qui a medio describitur; ipsi tres numeri proportionales erunt.

SINT tres numeri proportionales A, B, C, ut quidem A, ad B, ita B, ad C. Dico numerum qui fit ex A, primo in C, tertium, æqualem esse ei, qui ex B, medio procreatur. Sumpto enim D, qui ipsi B, fit æqualis, erit ut B, ad C, hoc est, ut A, ad B, ita D, ad C; numerusque genitus ex B, in D,

æqualis erit ei, qui ex B, in se procreatur. Quia igitur
 A.....
 B..... D.....
 C.....
 quatuor numeri A, B, D, C, proportionales sunt, erit numerus factus ex A, in C,

19. septimi æqualis ei, qui fit ex B, in D, hoc est, ei, qui ex B, in se pro-
 ducitur.

SEDIAM sit numerus productus ex A, primo in C, tertium, æqualis ei, qui fit ex B, medio in se. Dico tres numeros A, B, C, proportionales esse. Sumpto enim rursum D, æquali ipsi B; erit, ut B, ad C, ita D, ad C; & numerus, qui fit ex B, in D, æqualis erit ei, qui fit ex B, in se, hoc est, ei, qui fit ex A, in C. Quoniam igitur numerus, qui fit ex A, primo in C, quartum æqualis est ei, qui fit ex B, secundo in D,

19. septimi tertium; erunt quatuor numeri A, B, D, C, proportionales, ut quidem A, ad B, ita D, ad C, uel B, ad C. Si tres igitur numeri
 proportionales fuerint, &c.

Quod demonstrandum erat.

THEOR.

THEOR. 19. PROPOS. 21.

21.

MINIMI numeri omnium eandem cum eis rationem habentium, metiuntur æque numeros eandem cum eis rationem habentes, maior quidem maiorem, minor uero minorem.

SINT numeri A B, C D, minimi in proportione eadē, quam habent alij duo numeri maiores E, F, ita ut sit, quem admodum A B, ad C D, ita E, ad F. Dico A B, C D, æque metiri ipsos E, F; maiorem quidem A B; ipsum maiorem E, at minorem C D, ipsum minorem

F: hoc est, antecedentem, ipsum antecedentem, & consequentem, ipsum consequentem. Cum enim sit, ut A B, ad C D, ita E, ad F; erit uicissim, ut A B, ad E, ita C D, ad F; Atque

A . . . G . . B
C . . H . D
E
F

3. septimi

adeo cum A B, C D, minores sint, quam E F; erit A B, ipsius E, & C D, ipsius F, eadem pars, uel partes. Partes quidem nequaquam: Diuisis namque, si fieri potest, A B, C D, in partes A G, G B; C H, H D, numerorum E, F; erit multitudo partium A G, G B, æqualis multitudini partium C H, H D; Ac propterea A G, ipsius E, & C H, ipsius F, eadem pars. Erit ergo, ut A G, ad E, ita C H, ad F; & uicissim, ut A G, ad C H, ita E, ad F, uel A B, ad C D; Ac proinde numeri A G, C H, minores quam A B, C D, eandem habebunt proportionem, quam A B, C D. Quod est absurdum; cum A B, C D, in sua proportione ponantur minimi. Non ergo A B, ipsius E, & C D, ipsius F, eadem partes sunt. Quare eadem pars; Ac propterea A B, ipsum E, & C D, ipsum F, æqualiter metietur. Minimi ergo numeri omnium eandem cum eis rationem habentium, &c. Quod demonstrandum erat.

20. defn.

SCHOLION

PARI ratione, & hoc uerum est, quod Campanus docet.

Q V O T -

QUOTLIBET numeri minimi in continuatione suarum proportionum, siue eadem sint, siue diuersæ proportiones, metiuntur æque totidem alios numeros, qui easdem cum eis proportionem habent, primus primum, secundus secundum, tertius tertium, &c.

SINT enim plures, quam duo numeri AB, CD, EF , minimi in continuatione suarum proportionum, siue eadem sit

$A...K...B \quad C...L...D \quad E...M...F$
 $G.....H.....I.....$

proportio AB , ad CD , quæ CD , ad EF , siue non; si ut non possint reperiri alij numeri ipsis AB, CD, EF , minores, quorum primus ad secundum sit, ut AB , ad CD ; & secundus ad tertium, ut CD , ad EF , &c. (quamuis tales proportionem referantur seorsum in minoribus numeris non continuatis; nimirum proportio AB , ad CD , in numeris 4. ad 2. uel 2. ad 1. quæ minores sunt ipsis AB, CD ; quemadmodum & proportionem numerorum 16. 20. 25. qui minimi sunt in continuatione duarum proportionum subsesquiquartarum, cum in minoribus numeris non possint continuari, reperiuntur seorsum in minoribus numeris; proportio quidem 16. ad 20. in 8. & 10. proportio uero 20. ad 25. in 4. & 5, uel in 12. & 15.) Sicut deinde totidem numeri G, H, I , non minimi, continuati in eisdem proportionibus, nimirum G , ad H , ut AB , ad CD ; & H , ad I , ut CD , ad EF . Dico AB , ipsum G , & CD , ipsum H , & EF , ipsum I , metiri æque. Cum enim sit ut AB , ad CD , ita G , ad H ; erit uicissim ut AB , ad G , ita CD , ad H . Eodem modo, cum sit ut CD , ad EF , ita H , ad I , erit quoque uicissim, ut CD , ad H , ita EF , ad I . Quare AB , ipse G , & CD , ipse H , & EF , ipse I , erit uel eadem pars, uel eadem partes. Partes quidem nequaquam. Diuisis enim, si fieri potest, AB, CD, EF , in $AK, KB; CL, LD; EM, MF$, partes numerorum G, H, I , erunt tot partes in AB , quot in CD , & in EF ; atque adeo AK , ipse G , & CL , ipse H , eadem pars. Erit ergo ut AK , ad G , ita CL , ad H .

13. septimi

20. definitio

20. definitio

CL, ad H; & uicissim ut AK, ad CL, ita G, ad H, uel AB, ad CD. Eodemque modo erit, ut CL, ad EM, ita CD, ad EF. Quare continuantur numeri AK, CL, EM, in proportionibus numerorum AB, CD, EF, & minores quam AB, CD, EF. Quod est absurdum, cum hi ponantur in suarum proportionum continuatione minimi. Non ergo AB, CD, EF, eadem partes sunt numerorum G, H, I. Quare singuli singulorum eadem pars; Ac propterea AB, ipsum G, & CD, ipsum H, & EF, ipsum I, æque metietur. Quod est propositum.

Quod si tres numeri dati A, B, C, minimi sint in continuatione suarum proportionum, ita ut etiam quilibet duo minimi sint, facilius idem hoc modo demonstrabitur. Sint alij tres D, E, F, non minimi, qui easdem habeant proportiones, quas A, B, C. Dico A, B, C, ipsos D, E, F, æque metiri. Nã per hæc A... B.... C... propos. 21. A, B, cū sint minimi in proportione A, ad B, æque metientur ipsos D, E; eademq; ratione B, C, ipsos E, F. Quare cum A, ipsum D, & C, ipsum F, æque metiatur, ac B, ipsum E; metientur æque omnes A, B, C, ipsos D, E, F.

13. seprimi

THEOR. 20. PROPOS. 22.

19.

SI fuerint tres numeri, & alij ipsis multitudine æquales, qui bini sumantur, & in eadem ratione, fuerit autem perturbata eorum proportio; Etiam ex æqualitate in eadem ratione erunt.

SINT tres numeri A, B, C, & totidem D, E, F, qui bini sumantur, & in eadem ratione, sitque perturbata eorū proportio, ut quidē A, ad B, ita E, ad F; & ut B, ad C, ita D, ad E. Dico, ex æqualitate quoque esse

A.....	H...
B...	D....
C.....	E.....
G.....	F..

19. septimi ut A, ad C, ita D, ad F. Cum enim sit ut A, ad B, ita E, ad F; erit numerus ex A, in F, genitus æqualis numero, qui fit ex B, in E. Pari ratione,

A	H . . .	cum sit etiam ut B, ad
B . . .	D . . .	C, ita D, ad E, erit eisdem
C	E	numero, qui fit ex B, in
G	F	E, æqualis numerus, qui
		fit ex C, in D; Atque adeo

numerus genitus ex A, primo in F, quartum æqualis erit numero ex C, secundo in D, tertium, producto. Quare erit ut A, ad C, ita D, ad F.

19. septimi

Q U O D si fuerint plures numeri, quam tres, ita ut sit etiam C, ad G, ut H, ad D; Dico adhuc esse, ut A, ad G, ita H, ad F. Cum enim iam sit ostensum in tribus numeris, esse ut A, ad C, ita D, ad F; ponatur autem, ut C, ad G, ita H, ad D; erunt tres numeri A, C, G, & alij tres H, D, F, qui bini in eadem ratione sumuntur, estque eorum proportio perturbata. Ex æqualitate igitur in tribus numeris ostensa, erit rursus, ut A, ad G, ita H, ad F. Eodemque modo idem ostendemus in quinque numeris, per quatuor, sicut in quatuor numeris demonstratum fuit per tres, & sic de pluribus. Itaque si fuerint tres numeri, & alij ipsis multitudine æquales, qui bini sumantur, &c. Quod ostendendum erat.

S C H O L I O N .

Q U O N I A M Euclides ex illis sex modis arguendi in proportionibus, quos in magnitudinibus lib. 5. & explicavit, & demonstrationibus confirmavit, duos tantum hic in numeris ostendit, nimirum eum, qui a permutata proportione sumitur, propos. 13. & illum, qui ex æqualitate dicitur, propos. 14. & 22. huius lib. non alienum a nostro instituto erit, breuiter reliquos quatuor modos in numeris, & alia quaedam ostendere, octo sequentibus theorematibus.

I. Si quatuor numeri proportionales sint: Et inuersa ratione, siue conuertendo proportionales erunt.

SIT, ut A , ad B , ita C , ad D . Dico & conuertendo, siue inuersa ratione, esse ut B , ad A , ita D , ad C . Cum enim sit C , ad D , ut A , ad B , erit uicissim C , ad A , ut D , ad B . Rursus quia est D , ad B , ut C , ad A , erit uicissim D , ad C , ut B , ad A , hoc est, ut B , ad A , ita D , ad C ; Quod est propositum.

13. septimi

$A \dots \dots C$
 $B \dots \dots D$

Si compositi numeri proportionales sint: Hi quoque diuisi proportionales erunt.

II.

SIT ut AB , ad CB , ita DE , ad FE . Dico & disiendo esse, ut AC , ad CF , ita DF , ad FE . Cum enim sit ut AB , ad CB , ita DE , ad FE , erit uicissim, ut totus AB , ad totum DE , ita ablatum C , ad ablatum FE : Ac proinde, ut totus AB , ad totum DF , ita reliquus AC , ad reliquum DF : hoc est, AC , ad DF , ut CB , ad FE . Vicissim ergo erit quoque AC , ad CB , ut DF , ad FE . Quod est propositum.

13. septimi

11. septimi

13. septimi

Si diuisi numeri proportionales sint: Hi quoque compositi proportionales erunt.

III.

SIT ut AB , ad BC , ita DE , ad EF . Dico & componendo, esse ut AC , ad BC , ita DF , ad EF . Cum enim sit, ut AB , ad BC , ita DE , ad EF , erit uicissim, ut AB , ad DE , ita BC , ad EF : Ac proinde AB , BC , simul ad DE , EF , simul, ut BC , ad EF : Et uicissim AB , BC , simul, hoc est, totus AC , ad BC , ut DE , EF , simul, hoc est, totus DF , ad EF . Quod est propositum.

13. septimi

12. septimi

13. septimi

Si compositi numeri proportionales sint: Hi quoque per conuersionem rationis proportionales erunt.

IIII.

SIT ut AB , ad CB , ita DE , ad FE . Dico, per conuersionem

Ll
fionem

sonem rationis esse quoque, ut AB, ad AC, ita DE, ad DF.
 Cum enim sit, ut AB, ad CB, ita DE, ad FE, erit vicissim,
 ut totus AB, ad totum DE, ita ablatum CB, ad ablatum FE; Ac prom-
 de, ut totus AB, ad totum DE, ita erit reliquus AC, ad reliquum DF.

13. septimi: Vicissim igitur, ut AB, ad AC, ita DE, ad DF. Quod est
 propositum.

II. R U R S U S ex his facile demonstrabimus theorema illud in
 numeris, quod in magnitudinibus ostendit Euclides propo-
 24. lib. 5. Videlicet.

V. S I primus ad secundum eandem habuerit ra-
 tionem, quam tertius ad quartum; habuerit au-
 tem & quintus ad secundum eandem rationem,
 quam sextus ad quartum: Etiam compositus
 primus cum quinto ad secundum eandem ha-
 bebunt rationem, quam tertius cum sexto ad
 quartum.

III. S I T U S AB, primus ad C, secundum, ita DE, tertius ad
 F, quartum: Item ut BG, quintus ad C, secundum, ita EH,
 sextus ad F, quartum. Dico ita esse AG; compositum ex primo
 & quinto, ad C, secundum, ut est DH, compositum ex tertio &
 sexto, ad F, quartum. Cū enim
 A B .. G D E ... H
 C F
 sit, ut BG, ad
 C, ita EH, ad
 F; erit convertendo ut C, ad BG, ita F, ad EH. Quoniam igitur
 est ut AB, ad C, ita DE, ad F; & ut C, ad BG, ita
 F, ad EH; erit ex equalitate, ut AB, ad BG, ita DE, ad EH.
 Componendo igitur, ut AG, ad BG, ita DH, ad EH. Itaque
 cum rursus sit, ut AG, ad BG, ita DH, ad EH: & ut BG,
 ad C, ita EH, ad F; erit ex equalitate, ut AG, ad C, ita DH
 ad F. Quod est propositum.

E O D E M modo & hoc Theorema ostendemus.

VI. S I duo numeri ad duos numeros eandem
 habeant

habeant rationem; & detracti quidam habeant ad eodẽ eandem: Et reliqui ad eodẽ eandem rationem habebunt.

SIT ut totus AB, ad C, ita totus DE, ad F; Item ut detractus AG, ad C, ita detractus DH, ad F. Dico & reliquum GB, esse ad C, ut est reliquus HE, ad F. Cum enim sit, ut AG, ad C, ita DH, ad F; erit con-

uertendo, ut C, ad AG, ita F, ad DH. Quia igitur est, ut AB, ad C, ita DE, ad F; & ut C, ad AG, ita F, ad DH; erit ex æqualitate ut AB, ad AG, ita DE, ad DH. Diuidendo ergo ut GB, ad AG, ita HE, ad DH. Itaque cum rursus sit, ut GB, ad AG, ita HE, ad DH; & ut AG, ad C, ita DH, ad F; erit ex æqualitate, ut GB, ad C, ita HE, ad F. Quod est propositum.

ITEM & hoc demonstrabimus.

SI primus ad secundum eandem habuerit rationem, quam tertius ad quartum; habuerit autem & primus ad quintum eandem, quam tertius ad sextum: Etiam primus ad compositum secundum cum quinto eandem rationem habebit, quam tertius ad quartum cum sexto.

SIT ut primus A, ad secundum B C, ita tertius D, ad quartum E F; & ut primus A, ad quintum C G, ita tertius D, ad sextum F H. Dico ita esse A, primum ad B G, compositum ex secundo & quinto, ut est D, tertius ad E H, compositum ex quarto & sexto. Cum enim sit, ut A, ad B C, ita D, ad E F; erit conuertendo ut B C, ad A, ita E F, ad D. Quia igitur est ut B C, ad A, ita E F, ad D; & ut A, ad C G, ita D, ad F H; erit ex æqualitate ut B C, ad C G, ita E F, ad F H; & componendo, ut B G, ad C G, ita E H, ad F H.

III V

VII.

ad FH; & conuertendo, ut CG, ad BG, ita FH, ad EH. Quoniam ergo est, ut A, ad CG, ita D, ad FH; & ut CG, ad BG, ita FH, ad EH; erit ex aequalitate, ut A, ad BG, ita D, ad EH. Quod est propositum.


DENIQUE ex his omnibus inferemus hoc theorema.

VIII.

SI quocunque numeri ad eundem habuerint proportionem, quas alij illis multitudinē equales ad quendam alium eundem; Habebunt quoque illi omnes simul ad eundem, proportionem, quam omnes hi simul ad eundem. Et si idem numerus ad quocunque numeros proportionem habuerit, quas idem numerus ad alios multitudinē illis aequales; Habebit quoque idē numerus ad omnes illos simul proportionem, quā idem numerus ad hos omnes simul.

IIII

HABEANT quocunque numeri A B, BC, CD, ad eundem E, proportionem, quas ad eundem FG, GH, HI, habent ad eundem K: Hoc est, sit ut A B, ad E, ita FG, ad K; & ut B C, ad E, ita GH, ad K; & ut C D, ad E, ita HI, ad K.



ad E, ita GH, ad K; & ut CD, ad E, ita HI, ad K. Dico omnes illos simul, hoc est, ipsum A D, ad E, eandem habere proportionem, quam hi omnes simul, hoc est, ipse FI, ad K. Cum enim sit, ut AB, primus ad E, secundum, ita FG, tertius ad K, quartum: Item ut BC, quintus ad E, secundum, ita GH, sextus ad K, quartum; erit quoque ut AC, primus cum quinto, ad E, secundum, ita FH, tertius cum sexto, ad K, quartum. Rursus quia est, ut AC, primus ad E, secundum, ita FH, tertius ad K, quartum: Item ut CD, quintus ad E, secundum, ita HI, sextus ad K, quartum; erit etiam, ut AD, primus cum quinto, ad E, secundum, ita FI, tertius cum sexto, ad K, quartum: Atque ita de ceteris, si plures fuerint.

SEDE habeat tam idem numerus E, ad numeros quocunque A B,

A B, B C, C D, proportioniones easdem, quas idem numerus K, ad eisdem F G, G H, H I; Hoc est, sit ut E, ad A B, ita K; ad F G; & ut E, ad B C, ita K, ad G H; & ut E, ad C D, ita K, ad H I. Dico esse, ut E, ad omnes illos simul, nempe ad A D, ita K, ad hos omnes simul, utpote ad F I. Cum enim sit, ut E, primus ad A B; secundum, ita K, tertius ad F G, quartum: Item ut E, primus ad B C, quintum, ita K, tertius ad G H, sextum; erit quoque, ut E, primus ad A C, secundum cum quinto, ita K, tertius ad F H, quartum cum sexto. Rursus quia est, ut E, primus ad A C, secundum, ita K, tertius ad F H, quartum: Item ut E, primus ad C D, quintum, ita K, tertius ad H I, sextum; erit etiam, ut E, primus ad A D, secundum cum quinto, ita K, tertius ad F I, quartum cum sexto. Atque ita de reliquis, si plures fuerint.

THEOR. 21. PROPOS. 23.

23.

PRIMI inter se numeri, minimi sunt omnium eandem cum eis rationem habentium.

SIT numeri A, B, inter se primi. Dico eos esse minimos omnium, qui eandem proportionem habent, quam ipsi A, & B. Nam si non sunt minimi, erunt aliqui alij minores ipsi, minimi habentes proportionem, quam A, & B. sint ergo, si fieri potest, C, D, minimi in proportionem A, & B, minoresque ipsis A, & B. Quoniam igitur C, D, minimi sunt in proportionem A, & B; metietur C, ipsum A, & D, ipsum B, æque; atque a deo secundum eundem numerum, qui sit E, ita ut C, toties metiatur ipsum A, & D, ipsum B, quoties unitas est in E. Itaque cum unitas numerum E, & numerus C, numerum A, æque metiatur; metietur & vicissim æque unitas numerum C, & numerus E, numerum A. Rursus quia unitas numerum E, & numerus D, numerum B, æque metitur; metietur quoque vicissim æque unitas numerum D, & numerus E, numerum B; Atque adeo, cum idem numerus



21. seprimi

15. seprimi

merus E, utrunque A, & B, metiatur, erit numerus E, eorum communis mensura. Quare A, & B, non sunt primi inter se, sed compositi. Quod est absurdum, & contra hypothesis. Non sunt igitur alij numeri ipsis A, & B minores, minimi in proportione A, ad B; Ac proinde A, & B, minimi sunt. Primi ergo inter se numeri minimi sunt, &c. Quod erat demonstrandum.

22. THEOR. 22. PROPOS. 24.

MINIMI numeri omnium eandem cum eis rationem habentium, primi inter se sunt.

SINT numeri A, & B, minimi omnium eandem cum ipsis proportionem habentium. Dico eos esse inter se primos; hoc est, nullum numerum, præter unitatem, communi mensuram eos metiri. Si enim non sunt inter se primi, sed habeant numerum communem mensuram;

A..... B.....
 C-----
 D--- E---

fit numerus C, eorum mensura communis, metiaturque C, numerus quidem A, toties, quoties unitas est in numero D; At uero ipsum B, toties, quoties unitas est in E. Quia igitur C, toties compositus, quot in D, sunt unitates, procreat ipsum A; & idem C, toties compositus, quot sunt unitates in E, producit ipsum B; fit, ut D, & E, ipsum C, multiplicantes, producant A, & B. Quare eadem erit proportio A, ad B, quæ D ad E; Atque adeo, cum D, & E, partes ipsorum A, & B, minores sint, quam A, & B; non erunt A, & B, numeri minimi omnium eandem cum eis rationem habentium. Quod est absurdum. Primi ergo inter se sunt numeri A, & B; Ac proinde, minimi numeri omnium eandem cum eis rationem habentium, primi inter se sunt. Quod ostendendum erat.

9. pron.
 18. septimi

SCHOLIION.

HANC propositionem, & præcedentem cum Campano ad plures numeros extendemus, hoc modo.....

QUOTCUNQUE numeri inter se primi, minimi sunt in continuatione suarum proportionum. Et quotcunque numeri in continuatione suarum proportionum minimi, sunt inter se primi.

SINT quotcunque numeri inter se primi A, B, C. Dico eos minimos esse in continuatione suarum proportionum, ita ut in minoribus numeris continuari non possint, quamvis proportio duorum in minori-

bus numeris repetiatur. Si enim non sunt minimi, erunt aliqui alij minores

ipses, nempe D, E, F, minimi in continuatione illarum proportionum. Quia igitur D, E, F, minimi, sunt in proportione numerorum A, B, C; metietur D, ipsum A, & F, ipsum B, & F, ipsum C, æque; per ea, quæ ad propos. 2. huius lib. demonstravimus; atque adeo secundum unum eundem numerum, qui sit G; ita ut D, toties metiatur ipsum A, & F, ipsum B, & F, ipsum C, quoties unitas est in G. Quoniam igitur unitas numerum G, & numerus D, ipsum A, æque metitur; metietur quoque vicissim æque unitas numerum D, & numerus G, numerum A: Eademque ratione idem G, metietur & ipsum B, & ipsum C, æque atque unitas ipsos E, F; Atque idcirco A, B, C, cum habeant numerum G, communem mensuram, non erunt inter se primi, sed compositi. Quod est absurdum, & contra hypothesein. Non sunt igitur alij numeri minores ipsis A, B, C, minimi in continuatione proportionum A, ad B, & B, ad C; sed ipsi A, B, C, minimi sunt.

IAM vero sint A, B, C, in continuatione suarum proportionum minimi. Dico eos primos esse inter se. Si enim non sunt inter se primi, metiatur eos communi mensura numerus G, ita

A.....	B.....	C....
D---	E---	F---
G---		

15. septimi

ut G, toties metiatur ipsum A, quoties unitas est in D; & ipsum B, toties, quoties unitas est in E; & ipsum C, toties quoties unitas est in F. Quoniam igitur G, toties compositus facit numeros A, B, C, quoties unitas est in D,

A..... B..... C.....
 D --- E ---- F ---
 G ---

9. pron.

E, F; sit ut D, E, F, ipsum G, multiplicantes producant ipsos A, B, C. Quare D, E, F, easdem habent proportioniones, quas A, B, C, per ea, quæ ad propos. 18. huius lib. ostendimus; Atque adeo, cum D, E, F, minores sint quam A, B, C; non erunt A, B, C, minimi in continuatione suarum proportionum. Quod est absurdum. Primi igitur inter se sunt A, B, C. Quod est propositum.

24.

THEOR. 23. PROPOS. 25.

SI duo numeri primi inter se fuerint; Qui unum eorum metitur numerus, ad reliquum primus erit.

SINT inter se primi A, & B; & ipsum A, metiatur numerus C. Dico C, ad reliquum B, esse primum. Si enim non sunt inter se primi B, & C; metiatur eos communi mensura, si fieri potest, numerus D.

11. pron.


A..... B..... Quoniam igitur D, metitur C;
 C..... D --- & C, ipsum A; metietur etiam D, ipsum A: Metitur autem & ipsum B. Igitur A, & B, non sunt inter se primi, cum habeant mensuram communem, numerum D. Quod est absurdum, & contra hypothesim. Est ergo C, ad B, primus. Eodem modo, si numerus quilibet metiatur ipsum B, erit is ad A, primus. Quapropter si duo numeri primi inter se fuerint, &c. Quod erat demonstrandum.

THEOR.

THEOR. 24. PROPOS. 26. 25.

SI duo numeri ad quempiam primi fuerint; etiam ex illis genitus ad eundem primus erit.

SIT uterque numerus A, B, ad C, primus, producatque ex A, in B, uel ex B, in A, numerus D. Dico & D, ad eundem C, primum esse. Si enim C, & D, non sunt inter se primi, sit eorum communis mensura numerus E, metiens ipsum D, toties, quot unitates sunt in numero F. Quoniam igitur E, toties compositus facit ipsum D, quot sunt unitates in F; fit



ut F, ipsum E, multiplicans gignat ipsum D; & contra E, ipsum F, multiplicans producat eundem D. Genitus est autem idem D, ex A, in B. Igitur cum ex E, primo in F, quartum fiat idem numerus, qui ex A, secundo in B, tertium; erit ut E, primus ad A, secundum, ita B, tertius ad F, quartum. Quia uero A, & C, primi inter se sunt; & E, ipsum C, ponitur metiri, erit E, ad A, primus; Atque adeo E, & A, cum sint inter se primi, in sua proportione minimi erunt. Aequae igitur metientur ipsos B, & F, eandem proportionem habentes, nimirum E, ipsum B, & A, ipsum F. Quare cum E, metiatur utrumque B, & C; non erunt B, & C, inter se primi. Quod est absurdum, & contra hypothesis. Primus ergo erit D, ad ipsum C; Ac proinde, si duo numeri ad quempiam primi fuerint, &c. Quod erat demonstrandum.

9. pron.
16. septimi
19. septimi
25. septimi
23. septimi
21. septimi

THEOR. 25. PROPOS. 27. 26.

SI duo numeri primi inter se fuerint: Etiam ex uno eorum genitus ad reliquum primus erit.

SINT

S I N T inter se primi A, & B, gignaturque C, ex A, in se ipsum. Dico C, ad reliquum B, esse primum. Sumpro enim D, æquali ipsi A, erit & D, ad B, primus. Quoniam igitur A, & D, ad B, primi sunt, erit numerus ex A, in D,

26. septimi

A B

C

D

hoc est, ex A, in se genitus, nempe C, ad eundem B, primus. Eademque arte ostendemus, numerum ex B, in se genitum, ad A, primum esse. Si duo cr-

go numeri primi inter se fuerint, &c. Quod demonstrandum erat.

27.

THEOR. 26. PROPOS. 28.

S I duo numeri ad duos numeros, uterque ad utrumque, primi fuerint; Et qui ex eis gignentur, primi inter se erunt.

S I T uterque A, & B, ad utrumque C, & D, primus, gignaturque E, ex A, in B; & F, ex C, in D. Dico E, & F, inter se primos esse. Cum enim

A B

E

C D

F

uterque A, & B, primus sit ad C; erit quoque E, ex ipsis genitus, ad eundem C, primus. Rursum cum uterque A, & B, ad D, sit primus, erit eodem modo

26. septimi

E, ex ipsis genitus, ad eundem D, primus. Quia igitur uterque C, & D, primus est ad E; erit quoque F, ex illis procreatus, ad E, primus. Si ergo duo numeri ad duos numeros, uterque ad utrumque, &c. Quod erat ostendendum

26 septimi.

28.

THEOR. 27. PROPOS. 29.

S I duo numeri primi inter se fuerint, & multiplicans uterque se ipsum fecerit aliquem; Et geniti ex ipsis primi inter se erunt:

Et

Et si, qui in principio, genitos ipsos multiplicantes fecerint aliquos; Et hi quoque primi inter se erunt: Et semper circa extremos hoc eueniet.

S I N T primi inter se A, & B; & ex A, in se fiat C; at ex B, in se fiat D. Dico & C, D, primos inter se esse: Et si rursū fiat

E, ex A, in	A . . .	B . . .
C, & F, ex	C	D
B, in D;	E	F
Dico E, F,	G, 81.	H, 16.

quoq; esse inter se primos. Cum enim A, B, sint inter se primi, erit C, factus ex A, in se, ad reliquum B, primus: Atque eodem modo cum B, & C, primi sint inter se, erit & D, factus ex B, in se, ad C, primus.

R V R S V S, quia A, & B, sunt inter se primi, erit & C, factus ex A, in se, ad B, & D, genitus ex B, in se, ad A, primus: Erat autem & C, ad D, primus. Vterque igitur A, C, ad utrumque B, D, primus erit; Ac proinde E, factus ex A, in C primus erit ad F, factum ex B, in D. Quod si adhuc ex A, in E, fiat G; & ex B, in F, fiat H; cum A, & C, primi sint ad B, erit quoque E, ex ipsis genitus, ad B, primus: Eademque ratione & F, ad A, primus erit. Quia igitur uterque A, E, ad utrumque B, F, primus est; erit & G, factus ex A, in E, ad H, factum ex B, in F, primus. Et sic deinceps si plures fuerint. Nam eodem modo cum A, & E, primi sint ad B, erit & G, ex ipsis factus, ad B, primus; necnon & H, ad A; Quare & genitus ex A, in G, ad genitum ex B, in H, primus erit: cum uterque A, G, ad utrumque B, H, sit primus. Si duo itaque numeri primi inter se fuerint, &c. Quod ostendendum erat.

27 septimi
27. septimi
28. septimi
26. septimi
28. septimi
26. septimi
28. septimi

THEOR. 28. PROPOS. 30.

29.

SI duo numeri primi inter se fuerint:

Etiam

Etiam uterque simul ad quemlibet illorum primus erit : Et si uterque simul ad unum aliquem illorum primus fuerit ; Etiam , qui in principio, numeri primi inter se erunt .

S I N T inter se primi A B, B C. Dico & utrumque simul A C, primū esse & ad A B, & ad B C. Si enim A C, A B, non sunt inter se primi, metiatur illos, si fieri potest, communi mensura numerus D. Quia igitur

12. *pron.* D, metitur totum A C, & ablatum A B, metietur quoque reliquum B C. Non igitur primi inter se sunt A B, B C, cum eos metiatur numerus D. Quod est absurdum, & contra hypothesim. Quare A C, ad A B, primus erit. Eodemq; modo ad B C, ostendemus eundem esse primum.

10. *pron.* S E D iam uterque A B, B C, simul, primus sit ad vnum aliquem illorum, videlicet ad A B. Dico & A B, B C, inter se primos esse. Si enim non sunt inter se primi, metiatur illos, si fieri potest, numerus D. Quia igitur D, metitur A B, & B C; metietur quoque D, numerum A C, ex A B, B C, compositum ; Ac proinde A C, A B, non sunt inter se primi, cum eos numerus D, metiatur. Quod est absurdum, & contra hypothesim. Sunt igitur A B, B C, inter se primi. Eodemq; argumento ostendemus A B, B C, inter se primos esse, si A C, ad B C, primus esse ponatur. Si duo ergo numeri primi inter se fuerint, &c. Quod erat demonstrandum.

COROLLARIUM.

Ex hoc sequitur, numerum, qui ex duobus compositus ad unum illorum primus est, ad reliquum quoque primum esse. Si enim A C, ad A B, primus est, erunt A B, B C, inter se primi, per secundam partem huius propos. Igitur & A C, ad B C, primus erit, per primam partem eiusdem. quod est propositum.

32.

THEOR. 29. PROPOS. 31.

OMNIS primus numerus, ad omnem

nem

nem numerum, quem non metitur, primus est.

PRIMVS numerus A, non metiatur numerum B. Dico A, ad B, primum esse. Si enim A, & B, non sunt inter se primi, metiatur eos, præter unitatem, si fieri potest, communi mensura numerus C. Non erit ergo C, idem qui A; quod A, ponatur non metiri ipsum B. Quia igitur numerum A, alius numerus C, metitur, non erit A, primus. Quod est absurdum, & contra hypothesim. Primus igitur est A, ad B; Ac propterea, omnis primus numerus, ad omnem numerum, &c. Quod demonstrandum erat.

A..... B.....
C-----

THEOR. 30. PROPOS. 32.

33.

SI duo numeri sese mutuo multiplicantes fecerint aliquem; genitum autem ex ipsis metiatur aliquis primus numerus: is etiã unum eorum, qui in principio, metietur.

DVO numeri A, & B, se mutuo multiplicantes faciant C, quem metiatur numerus primus D. Dico & D, metiri saltem unum ipsorum A, & B, si non utrumque metitur. Non metiatur enim D, ipsum A; metiatur uero ipsum C, toties, quot sunt unitates in numero E; ita ut C, fiat ex D, in E, qui idem factus est ex A, in B. Quia igitur numerus genitus ex D, primo in E, quartum, æqualis est numero genito ex A, secundo in B, tertium; erit ut D, primus ad A, secundum, ita B, tertius ad E, quartum, Quia uero primus D, ad A, primus est, cum cum non metiatur; erunt D, & A, in sua proportione minimi. Quare æque metientur ipsos B, & E; nimirum D, ipsum B, & A, ipsum E; Ac proinde si D, non metitur ip-

A.... B.....
C.....
D..... E.....

19. septimi
31. septimi
23. septimi
21. septimi

sum

sum A, metietur saltem ipsum B: Eodemque modo si D, non metiatur ipsum B, metietur saltem ipsum A. Si duo ergo numeri se se mutuo multiplicantes fecerint aliquem, &c. Quod erat demonstrandum.

SCHOLIUM

EODEM modo & hoc theorema sequens demonstrabimus.

Si duo numeri se se mutuo multiplicantes fecerint aliquem; genitum autem ex ipsis metiatur aliquis non primus numerus, uel certe ad ipsum sit compositus: is ad unum eorum, qui in principio, compositus erit.

NAM ex A, in B, fiat C, quem uel metiatur numerus non primus D, uel certe compositus ad eum sit. Dico D, quoque ad unum ipsorum A, B, compositum esse: Si enim D, ad neutrum eorum compositus est; erit uterque A, & B, ad D, primus. Quare & C, ex illis genitus, ad eundem D, primus erit. Quod est absurdum, cum D, ponatur uel metiri ipsum C, uel certe ad eum esse compositus. Est igitur D, compositus ad A, uel ad B, cum non sit primus ad utrumque.

26. septimi

PROBL. 31. PROPOS. 33.

30.

OMNE M. compositum numerum, aliquis primus numerus metitur.

SIT numerus compositus A. Dico aliquem numerum primum eum metiri. Metiatur enim ipsum numerus B, qui si primus fuerit, habetur propositum: Si uero compositus, metiatur cum numerus C, qui uel primus erit, uel compositus: Si primus, cum metiatur ipsum B; & B, ipsum A; metietur quoque C, primus ipsum A. Si autem C, compositus

11. pron.

eus fuerit, metietur eum alius numerus. Quia uero nume-
 rus non diminuitur infinite,
 ueniemus tandem ad aliquē
 numerum, quem nullus alius
 metiatur, atque adeo ad pri-
 mum; qui cum metiatur omnes præcedentes, metietur quo-
 que compositum A. Omnem ergo compositum numerum,
 aliquis primus numerus metitur. Quod erat demonst-
 randum.

ALITER. Quia numerus A, compositus est; metietur
 eum aliquis numerus, uel etiam plures. Sit omnium metien-
 tium eum minimus B; quem di-
 co esse primum. Si enim B, non
 est primus, metiatur eum, si fieri
 potest, numerus C. Quoniam igitur
 C, metitur ipsum B, & B, ipsum A; metietur quoque
 C, minor ipso B, ipsum A. Quod est absurdum, cum B,
 ponatur omnium metientium minimus.

THEOR. 32. PROPOS. 34. 31.

OMNIS numerus aut primus est, aut eum aliquis primus metitur.

SIT numerus quicumque A. Dico eum uel esse primū,
 uel certe aliquem primum eum metiri. Cum enim omnis
 numerus uel primus sit, uel compositus; si quidem A, primus est, habetur
 propositum: Si uero compositus; me-
 tietur eum aliquis primus. Omnis igitur numerus aut pri-
 mus est, aut eum aliquis primus metitur. Quod erat osten-
 dendum.

PROBL. 3. PROPOS. 35. 34.

NUMERIS datis quotcunque,
 reperire minimos omnium eandem ratio-
 nem

nem habentium cum ipsis.

SINT quotcumque numeri A, B, C, habentes quascumque proportionem, siue eadem sit proportio A, ad B, quae B, ad C. siue non; oporteatque totidem reperire, qui in eisdem proportionibus sint minimi. Quoniam A, B, C, sunt inter se aut primi, aut compositi. Si primi inter se sunt; erunt ipsi in continuatione suarum proportionum minimi, per ea, quae ad propos. 24. huius lib.

A	B	C	
E	D		
H	F	G	
	I	K	
	L		

3. septim.

demonstrauimus. Si uero non sunt inter se primi, inuenta sit maxima earum communis mensura numerus D, qui metiatur ipsos A, B; C, per numeros E, F, G. Dico E, F, G, minimos esse in proportionibus numerorum A, B, C. Quod enim eandem habeant proportionem, quas numeri A, B, C, sic ostendetur. Quoniam D, ipsos A, B, C, metitur per E, F, G; fit, ut D, ipsos E, F, G, multiplicans faciat A, B, C. Quare, per ea, quae ad propos. 18. huius lib. ostendimus, eandem rationem habebunt E, F, G, quas numeri A, B, C.

9. pron.

Quod uero E, F, G, sint minimi omnium eandem rationem habentium cum ipsis, hoc modo perspicuum fiet. Si non sunt minimi, erunt aliqui alij ipsis minores, minimi in eisdem proportionibus. Sint ergo, si fieri potest, minimi H, I, K; qui quoniam ipsos A, B, C, metiuntur aequae, ut ad propos. 21. huius lib. ostendimus; metiuntur eos per numerum L. Quo posito L, multiplicans numeros H, I, K, producet numeros A, B, C; & uicissim L, ipsos A, B, C, metietur per H, I, K. Quoniam igitur E, primus multiplicans D, quartum facit A; & H, secundus multiplicans L, tertium facit eundem A; erit, ut E, primus ad H, secundum, ita L, tertius ad D, quartum: Est autem E, maior quam H: Igitur & L, maior erit, quam D; Atque adeo, cum L, ipsos A, B, C, metiatur; non erit D, maxima mensura communis numerorum A, B, C. Quod est absurdum, & contra hypotheseos. Non igitur erunt alij numeri minores ipsis E, F, G, minimi in continuatione proportionum A, ad B, & B, ad C, sed

9. pron.

8. pron.

19. septimi

sed ipsi E, F, G, minimi erunt. Quamobrem, numeris datis quotcunque, reperimus minores, &c. Quod faciendum erat.

COROLLARIUM.

Hinc fit, maximam mensuram quotlibet numerorum, metiri ipsos per numeros, qui minimi sunt omnium eadem proportionem cum ipsis habentium. Oñsum enim est numeris E, F, G, per quos D, maxima mensura numerorum A, B, C, ipsos A, B, C, metitur, minimos esse in continuatione proportionum A, ad B, & B, ad C: Eademque est in ceteris ratio.

SCHOLIUM.

Ex his facilius comperiemus duos minimos numeros, qui eandem habeant proportionem, quam quotcunque numeri dati continue proportionales A, B, C, D.

Estne illi sint in continuatione proportionum A, 16, B, 24, C, 36, D, 14, E, 81, I, 8, F, 2, G, 3.

siue non, reperiemus duos in eadem proportione minimos, si per hoc problema sumamus E & G, minimos in proportione duorum A, & B, nempe illos, per quos I, maxima eorum communis mensura eos metitur.

CAETERVM aliquando contingit unum numerorum E, F, G, inuentorum esse unitatem, quando scilicet D, maxima mensura uni ipsorum A, B, C, equalis est, ut ex his exemplis

A . . . B C A . . . B . . C
 D D
 E . . F . . . G . . . E . . F . G . . .

apparet. Manifestum est autem, inuentos E, F, G, esse minimos in continuatione suarum proportionum, cum minor numerus dari non possit, quam unitas.

PROBL. 4. PROPOS. 36.

36.

DVOBVS numeris datis, reperire,

M m quem

quem illi minimum metiantur, numerum.

S I T reperiendus minimus numerus omnium, quos dati numeri A, & B, metiuntur. Sint primum dati numeri A, & B, inter se primi, seseque mutuo multiplicantes faciant C. Dico C, esse minimum, quæ A, & B, metiuntur. Quod enim eum metiantur, perspicuum est. Nam cum producat C, ex A, in B, uel ex B, in A; metietur A, ipsum C, per B; & B, eundem C, per A. Vterque igitur A, & B, ipsum C, metitur. Quod autem C, sit minimus omnium, quos A, & B, metiuntur, sic demonstrabimus. Si C, non

7. *pron.*

A B
 C
 D -----
 E ----- F -----

est minimus, metiantur, si fieri potest, A, & B, alium numerum D, ipso C, minorem; metiaturque A, ipsum D, per E, at B, eundem D, per F. Quo posito, tam ex A, in E, quam ex B, in F, & e contrario, producat numerus D. Quia igitur idem numerus D, fit ex A, primo in E, quartum, & ex B, secundo in F, tertium; erit, ut A, primus ad B, secundum, ita F, tertius ad E, quartum. Igitur A, & B, (cum ponantur primi inter se, & ob id, in sua proportione minimi sint) æque metientur ipsos F, & E; nimirum A, ipsum F, & B, ipsum E. Quoniam uero A, multiplicans B, & E, facit C, & D; erit C, ad D, ut B, ad E: Ac propterea cum B, metiatur ipsum E, ut ostensum est; metietur & C, numerus numerum D, maior minorem. Quod est absurdum. Non igitur A, & B, metientur alium numerum minorem ipso C; atque adeo C, minimus est omnium, quos metiuntur.

9. *pron.*

19. *septimi*

23. *septimi*

21. *septimi*

17. *septimi*

S I N T secundo dati numeri A, & B, non primi inter se. Inueniantur C, & D, minimi in eadem proportione, ut sint quatuor numeri proportionales, nempe A, ad B, ut C, ad D. Quo posito, fiet idem numerus, ex A, primo in D, quartum, & ex B, secundo in C, tertium. factus ergo sit E. Dico E, hac uia procreatum esse minimum, quem A, & B, metiuntur. Quod enim cum me-

35. *septimi*

19. *septimi*

7. *pron.*

ut sint quatuor numeri proportionales, nempe A, ad B, ut C, ad D. Quo posito, fiet idem numerus, ex A, primo in D, quartum, & ex B, secundo in C, tertium. factus ergo sit E. Dico E, hac uia procreatum esse minimum, quem A, & B, metiuntur. Quod enim cum me-

A B
 C D
 E
 F -----
 G ----- H -----

tiantur

tiantur, manifestum est. Nam cum tā A, multiplicatus a D, quam B, multiplicatus a C, ipsum E, producat; metietur tam A, quam B, ipsum E. Quod uero E, sit minimus omnium, quos A, & B, metiuntur, ita probabitur. Si E, non est minimus, metiantur; si fieri potest, A, & B, alium numerum F, ipso E, minorem: metiatur autem A, ipsum F, per G; & B, eundem F, per H. Quò posito, fiet F, tam ex A, in G, quam ex B, in H. Quia igitur idem numerus F, fit & ex A, primo in G, quartum, & ex B, secundo, in H, tertium; erit, ut A, primus ad B, secundum, ita H, tertius ad G, quartum. Quare C, & D, cum sint minimi in proportione A, ad B, uel H, ad G, metientur ipsos H, & G, æque; nimirum C, ipsum H; & D, ipsum G. Quia uero A, multiplicans D, & G, facit E, & F; erit E, ad F, ut D, ad G; Ac propterea: cū D, metiatur ipsum G, ut ostensum est; metietur etiam E, numerus numerum F, maior minorem. Quod est absurdum. Non igitur A, & B, metientur alium numerum ipso E, minorem; atque adeo E, minimus est omnium, quos metiuntur. Quamobrem, duobus numeris datis, reperimus, quem illi minimum metiantur, numerum. Quod faciendum erat:

7. pron.
9. pron.
19. septimi
17. septimi

COROLLARIUM.

Hinc fit, si duo numeri multiplicent minimos eandem rationem habentes, maior minorem, & minor maiorem, produci numerum minimum, quem illi metiantur. Nam propositis C, & D, minimis in proportione A, ad B, demonstratum est, numerum E, factum ex A, minore in D, maiorem, & ex B, maiore in C, minorem, esse minimum, quem A, & B, metiantur.

SCHOLIUM.

Hoc autem corollarium apud Campanum est propositio 35. huius libri septimi; Es sequens propositio apud eundem, corollarium est propositio 35.

THEOR. 33. PROPOS. 37.

35.

SI duo numeri numerum quempiam me-

M m 2 tiantur :

tiantur : Etiam minimus, quem illi metiuntur, eundem metietur .

METIANTUR duo numeri A, & B, quemlibet numerum CD, sitque alius numerus E, minimus, quem iidem A, & B, metiuntur . Dico & E, ipsum CD, metiri . Si enim E, ipsum CD, non metitur ; ablato E, ex C D, quoties potest, restat numerus quidam minor, quam E . Relinquat igitur E, ablatum ex C D, quoties potest, numerus, si fieri potest, F D, minorem se, ita ut E, metiatur ablatum C F . Quoniam igitur tam A, quam B, ipsum E, metitur ; & E, ipsum C F, metietur quoque tam A, quam B, ipsum C F . Itaque A, & B, cum metiantur totum C D, & ablatum C F, metientur & reliquum F D . Est autem F D, minor quam E . Non igitur E, minimus est numerus, quem A, & B, metiuntur . Quod est absurdum, & contra hypotheseos ; Quare E, ipsum C D, metitur . Si duo ergo numeri numerum quempiam metiantur, &c. Quod erat demonstrandum .

11. pron.
12. pron.

36. PROBL. 5. PROPOS. 38.

TRIBVS numeris datis, reperire, quem illi minimum metiantur, numerum.

36. septimi

SIT inveniendus minimus numerus, quem dati tres numeri A, B, C, metiantur . Inuento D, minimo, quem metiantur duo A, & B, metietur & eundem D, reliquus C, aut non metietur . Metiatur
A . . . B . . . C primo C, ipsum D, ita ut
D omnes tres A, B, C, ipsum
E D, metiantur . Dico numerum D, minimum inuentum, quem A, & B, metiantur, minimum quoque esse, quem tres A, B, C, metiantur : Si enim D, non est minimus, metiantur.

tiantur, si fieri potest A, B, C; alium numerum E, ipso D, minore. Quoniam igitur A, & B, metiuntur ipsum E, minorem quam D; non erit D, minimus, quem A, & B, metiantur. Quod est absurdum, & contra hypothese[m]. Immo, cum A, & B, metiantur ipsum E, & D, sit minimus, quem ijdem A, & B, metiuntur; metietur quoque D, ipsum E, maior minorem. Quod est absurdum.

37. septimi

SED iam C, non metiatur ipsum D, inuentum. Inuento igitur E, minimo, quem C, & D, metiantur; Dico E, esse minimum, quem A, B, C, metiantur. Quod enim eum metiantur, ita ostendetur. Cum A, & B, metiantur ipsum D, & D, ipsum E; metietur quoque A, & B, ipsum E. Metietur autem & C, eundem E. Igitur omnes tres A, B, C, ipsum E, metiuntur. Quod autem E, sit

36. septimi

A..	B...	C....
	D.....	
E		
	F.....	

11. pron.

minimus, quem metiantur A, B, C, hoc modo probabitur. Si E, non est minimus; metiantur, si fieri potest, A, B, C, alium numerum F, ipso E, minorem. Quoniam igitur A, & B, ipsum F, metiuntur; metietur quoque eundem F, numerus D, nimirum minimus inuentus, quem numeri A, & B, metiantur; Atque adeo cum C, & D, metiantur ipsum F, minorem, quam E; non erit E, minimus, quem C, & D, metiantur. Quod est absurdum, & contra hypothese[m]. Immo cum C, & D, metiantur ipsum F; metietur quoque eundem F, numerus E, minimus, quem metiuntur ijdem C, & D, maior minorem. Quod est absurdum. Non ergo A, B, C, alium numerum ipso E, minorem metiuntur; sed ipse E, erit minimus. Quapropter tribus numeris datis, reperimus, quem illi minimum metiantur, numerum. Quod erat faciendum.

37. septimi

37. septimi

COROLLARIUM.

SEQUITUR ex his, si tres numeri numerum quempiam metiuntur; etiam minimum, quem illi metiuntur, eundem metiri. Nam in extrema huius demonstrationis parte, ex eo, quod A, B, C, ponebantur metiri ipsum F, ostensum est, & E, minimum quem A, B, C, metiuntur, eundem F, metiri.

M m ; SCHO-

SCHOLION.

Hoc corollarium alio modo, non secus ac propos. 37. huius lib. ostendere poterimus. Metiantur enim A, B, C , quemcunque numerum DE , sitque F , minimus, quem ydem A, B, C ,

$A... B... C...$ metiantur. Dico
 $D.....G...E$ & F , ipsum DE ,
 $F.....$ metiri. Si enim
 non metitur, me-
 riatur eius parte

11. pron.
 12. pron.

DG , relinquatque numerum GE , se minorem. Quoniam igitur A, B, C , ipsum F , metiuntur; & F , ipsum DG ; metientur quoque A, B, C , eundem DG ; Ac proinde, cum & totum DE , ponantur metiri; metientur & reliquum GE , ipso F , minore. Quare F , non erit minimus, quem A, B, C , metiantur. Quod est absurdum, & contra hypothesim. Metitur igitur F , ipsum DE .

PARI ratione; Pluribus numeris datis, quam tribus, reperiemus, quem illi minimum metiantur numerum; locumque habebit hoc idem corollarium. Nam si dati numeri fuerint quatuor, inueniendus erit primum minimus, quem tres metiantur; Si quinque, reperiendus erit minimus, quem quatuor metiantur, &c. Reliqua autem omnia per agenda, ut de tribus numeris dictum est.

37. THEOR. 34. PROPOS. 39.

SI numerum quispiam numerus metiatur; ille, quem metitur, partem habebit a metiente denominatam.

METIATUR numerum A , numerus B . Dico A , habere partem aliquam a B , denominatam.

$A.....$ Metiatur enim B , ipsum A , toties, quot
 $B.... C...$ unitates sunt in numero G . Quia igitur
 unitas ipsum C , & B , ipsum A , æque me-

15. septimi

titur; & uicissim unitas æque ipsum B , & C , ipsum A , metitur; atque adeo eadem pars erit unitas ipsius B , quæ C , ipsius A : Est autem unitas pars ipsius B , denominata ab ipso B , ut ad defin. 2. huius lib. docuimus. Igitur & C , pars erit

erit ipſus A, ab eodem B, denominata. Si numerum ergo quifpiam numerus metiatur, &c. Quod oſtendendū erat.

THEOR. 35. PROPOS. 40. 38.

SI numerus partem habuerit quamlibet; metietur illum numerus a parte denominatus.

HABEAT numerus A, partem B, a qua numerus C, denominatur. Dico C, metiri ipſum A. Nā cū B, pars denominetur a C; ſit autē & unitas pars ipſius C, ab eodem C, denominata; A metietur unitas ipſum C, & B, ipſum A, æque. Viciffim ergo & unitas ipſum B, & C, ipſum A, metietur. Si numerus ergo partem habuerit quamlibet, &c. Quod demonſtrandū erat.

15. ſeptimi

PROBL. 6. PROPOS. 41. 39.

NUMERVM reperire, qui minimus cum ſit, habeat datas partes.

SINT datæ partes A, B, C; Inueniendusque ſit minimus numerus datas partes habens. Sint a partibus A, B, C, numeri denominati, hoc eſt, qui ipſas denominent, D, E, F; minimusque, quem D, E, F, metiantur, numerus G. Dico G, eſſe minimum, qui habeat datas partes A, B, C. Quod enim eiufmodi partes habeat, ita oſtendetur. Cū D, E, F, ipſum G, metiantur, habebit G, partes a D, E, F, denominatas, hoc eſt, partes A, B, C, cum hæ denominentur a D, E, F. Quod uero G, ſit minimus illas partes habens, per ſpicuum eſt. Si enim non eſt minimus, habeat, ſi fieri poteſt, H, ipſo G, minor eaſdem partes A, B, C. Quia igitur H, habet partes A, B, C; metientur ipſum numeri D, E, F, a parti-

38. ſeptimi

39. ſeptimi

40. ſeptimi

bus A, B, C, denominati; Atque adeo, cum H, minor sit quam G, non erit G, minimus, quem metiuntur D, E, F. Quod est absurdum, & contra hypothesim. Non igitur minor numerus, quam G, datas partes A, B, C, habebit, sed ipse G, minimus erit. Quare numerum reperimus, qui minimus cum sit, habet datas partes. Quod faciendum erat.

SCHOLIION

QVOD si sumantur numeri I, K, L, per quos numeri D, E, F, ipsum G, metiuntur; erunt numeri I, K, L, datae partes A, B, C, ipsius G, denominatae scilicet a D, E, F.

A. Secunda D... I.....
 B. Tertia E... K.....
 C. Quarta F... L.....
 G..... metietur aequae unitas ipsos I, K, L, & numeri D,

15. septimi E, F, ipsam G. Vicissim ergo metietur quoque aequae unitas ipsorum D, E, F, & numeri I, K, L, ipsam G; atque adeo unitas ipsorum D, E, F, eadem pars erit, qua numeri I, K, L, ipsam G. Cum ergo unitas sit pars ipsorum D, E, F, ab ipsis denominata; erunt & I, K, L, ipsius G, partes denominatae a D, E, F.

EX his autem sequitur, minimum numerum, quem quotlibet numeri metiuntur, esse minimum habentem partes a numeris metientibus denominatas. Ostensum enim est, numerum G, quem minimum metiuntur D, E, F, minimum esse, qui habeat partes A, B, C, cuiusmodi sunt I, K, L, a metientibus numeris D, E, F, denominatas.

IAM vero, ut Campanus ait, si inventus minimus numerus datas partes habens duplicetur, triplicetur, &c. habebitur secundus numerus post minimum, tertius, quartus, &c. easdem partes continens. Invenio enim G, minimo, qui habeat partes A, B, C, denominatas a D, E, F, sit illius duplus, numerus H, triplus vero I, &c. Dico H, esse secundum numerum, qui easdem partes A, B, C, a numeris D, E, F, denominatas habeat, & I, tertium, &c. ita ut neque inter G, minimum, & eius duplum H, neque inter H, duplum, & I, triplum, &c. alius numerus habens easdem partes, sed ipsi soli H, I, &c. numeri multiplices ipsius G, distas partes contineant. Quod ostendit H, &c.

H, & I, & c. partes A, B, C, habeant, denominatas scilicet a D, E, F, ita ostendemus. Quoniam D, E, F, metiuntur ip-

G.....	A D..
H.....	B E...
I.....	C F....
K-----M-----L	
N-----P-----O	

sum G, per constructionem; & G, ipsos H, I, & reliquos multiplices ipsius G; metiuntur quoque D, E, F, eosdem H, I, & reliquos multiplices ipsius G. Quare H, I, & reliqui numeri ipsius G, multiplices, partes habebunt a metientibus numeris D, E, F, denominatas, quales ponuntur partes A, B, C.

Quod autem H, duplus ipsius G, minimi, sit secundus dictas partes habens, hoc modo demonstrabimus. Si H, non est secundus, sit, si fieri potest, alius K L, ipso prior, qui nimirum maior sit, quam G, minimus, & minor, quam H, duplus ipsius G. Detrahto autem G, ex K L, relinquitur M L, ipso G, minor. Quoniam igitur K L, partes habet A, B, C; metiuntur ipsum numeri D, E, F, a partibus dictis denominatis; Ac propterea & G, minimus, quem D, E, F, metiuntur, metietur per coroll. propos. 38. huius lib. eundem K L. Metietur autem & G, ablatum K M, sibi aequalem: Igitur & reliquum M L, metietur, maior minorem. Quod est absurdum. Non ergo alius numerus inter G, & H, cadens partes habet A, B, C; Ac proinde H, secundus est, huiusmodi partes habens.

Non aliter ostendemus numerum I, triplum ipsius G, esse tertium dictas partes habentem. Si enim non est tertius, sit alius, si fieri potest, nempe N O, ipso prior, qui videlicet maior sit, quam H, duplus, minor vero quam I, triplus. Detrahto autem H, duplo ex N O, relinquitur P O, minor ipso G. Quia igitur N O, partes habet A, B, C; metiuntur ipsum numeri D, E, F, a partibus illis denominatis. Ac idcirco & G, minimus, quem D, E, F, metiuntur, eundem N O, per coroll. propos. 38. huius lib. metietur: Metietur autem & G, ipsum N P, ablatum ipsi H, duplo aequalem. Igitur & reliquum P O, idem G, metietur, minorem maior. Quod est absurdum. Non ergo alius numerus inter H, & I, cadens partes habet A, B, C, datas; Ac propterea

11. pron.
39. septimi
40. septimi
12. pron.
40. septimi
12. pron.

I, ter-

I, tertius est illas partes habens. Eademque ratione quadruplus ipsius G, quartus erit; & quintuplus, quintus, &c.
 H V C quoque referri potest sequens problema.

N V M E R V M repetire, qui minimus cū sit, habeat datas partes, hac lege, ut qualibet pars subsequentem partem contineat.

S I N T datae partes A, B, C; inueniendusque sit numerus minimus, qui eas habeat hoc ordine, ut pars A, contineat partem B, & pars B, partem C. Sint a partibus A, B, C, numeri denominati D, E, F; Fiatque G, ex E, in F: Item H, ex D, in G. Dico H, esse minimum numerum, qui quaeritur. Quod enim ha-

A, Secunda.	B, Tertia.	C, Quarta.	ne praedicto, facile demonstratur. Nam cū ex D, in G, fiat H; erit G, toties in H, quoties unitas in D: Est autē unitas pars ipsius D, denominata ab ipso D. Igitur & G, pars est ipsius H, ab eodem D, denominata; Atque
D.	E.	F.	
G.			
H.			
	. Vnitas		
I -----			
K -----			
L -----			
M ----			

a deo H, habet partem A, nempe numerum G, a D, denominatā. Deinde quia ex E, in F, fit G; erit eadem ratione F, pars ipsius G, denominata ab E: Atque adeo A, pars ipsius H, nimirum numerus G, habet partem B, nempe numerum F, ab E, denominatam. Denique cum F, habeat unitatem, tanquam partem ab ipso F, denominatam, perspicuum est B, partem ipsius G, partem, nimirum numerum F, habere quoque partem C, ab F, denominatam, nempe unitatem. Quare numerus inuentus H, partem habet A; & pars A, partem B; & pars B, partem C. Quod autem H, sit minimus dictas partes hoc ordine continens, hac ratione ostendetur. Si enim non est minimus, habeat minor numerus I, si fieri potest, easdem partes eodem ordine, ita ut K, sit ipsius I, pars A, a numero D, denominata; & L, ipsius K, pars B, ab E, denominata; & M, ipsius L, pars C, ab F, denominata. Quia igitur K, pars est ipsius I, a D, denominata; erit K, toties in I,

quoties

quoniam unitas in D; Atque adeo ex D, in K, fiet I. Eadem ratio
 tiens ex F, in L, fiet K; & L, ex F, in M, Itaque cum D, ipsos
 G, & K, multiplicans faciat H, & I; erit, ut H, ad I, ita G, ad
 K. Eadem ratione, cum ex E, in F, & L, fiant G, & K; erit, ut
 G, ad K, ita F, ad L. Et cum ex F, in unitatem, & M, fiant F,
 & L; erit, ut F, ad L, ita unitas ad M. Quoniam igitur est, ut
 H, ad I, ita G, ad K; & ut G, ad K, ita F, ad L; & ut F, ad L, ita
 unitas ad M: Erit, per lemma propos. 14. huius lib. ut H, ad I, ita
 unitas ad M: Ponitur autem H, numerus numero I, maior; unitas
 igitur maior quoque erit numero M, pars
 toto. Quod est absurdum. Non er-
 go alius numerus minor, quam H, ha-
 bet partes A, B, C, ordine predicto,
 sed ipse H, minimus est. Quod est propositum.

15. defn.
 17. septimi

H. G. F. Unitas.
 I. K. L. M.

Si vero plures fuerint partes, quam tres, eadem prorsus est
 via tenenda, ac demonstratio: Ut si numeri 2. 3. 4. 5. 6. sint
 denominatores partium, sicut 30. ex 5. in 6. & 120. ex 4. in 30.
 & 360. ex 3. in 120. & tandem 720. ex 2. in 360. Nam nume-
 rus 720. habebit partem a 2. denominatam; & hec partem a
 3. denominatam; & hec aliam a 4. & hec aliam a 5. & hec
 denique partem a 6. denominatam, ut manifestum est.

Quod si numerum H, inuentum duplicemus, triplice-
 mus, &c. habebimus alios numeros, nempe secundum, tertium,
 quartum, &c. qui easdem partes eodem ordine habeant, duplica-
 tas tamen, vel triplicatas, &c. Nam G, duplicatus, vel tri-
 plicatus, &c. dimidiata pars erit, ipsius H, duplicati, vel tri-
 plicati, &c. quemadmodum & G, ipsius H. Eademque est ra-
 tio de ceteris partibus.

FINIS ELEMENTI SEPTIMI.



EVCLIDIS

ELEMENTVM VIII.



I. THEOR. I. PROPOS. I.

SI fuerint quotcunque numeri deinceps proportionales, extremi uero ipsorum primi inter se fuerint; ipsi minimi sunt omnium eandem cum eis ratione habentiũ.



VMERORVM deinceps proportionaliũ quotcunque A, B, C, D. extremi A, & D, inter se primi sint. Dico A, B, C, D, minimos esse omnium eandem cum eis proportionem habentiũ. Si enim non sunt minimi, erunt alij ipsis minores, in eadem proportione.

Sint ergo ipsis minores in eadem ratione E, F, G, H, si fieri potest. Quoniam igitur quotcunque numeri sunt A, B, C, D, & alij illis æquales multitudi-
ne E, F, G, H, si fieri potest. Quoniam igitur quotcunque numeri sunt A, B, C, D, & alij illis æquales multitudi-

A	E ---	F, G, H,
B	F ---	q bini su-
C	G ---	muntur,
D	H ---	& in eadẽ
		ratione
		erit, ex q-

14. septimi qualitate, ut A, ad D, ita E, ad H: Sunt autem A, & D, in
 23. septimi sua proportione minimi, quod inter se primi esse ponantur
 21. septimi igitur A, ipsum E, & D, ipsum H, æque metietur, maior mi-
 norem. Quod est absurdum. Non ergo numeri minores
 ipsis A, B, C, D, sunt in eadem cum eis ratione, sed ipsi met
 minimi sunt; Ac propterea, si fuerint quotcunque nume-
 ri den-

ri deinceps proportionales, &c. Quod erat demonstrandū.

SCHOLION.

PERSPICVVM autem est ex demonstratione, numeros *A, B, C, D*, esse minimos in continuatione suarum proportionum, si extremi *A, & D*, inter se primi sint, siue *A, B, C, D*, sint continue proportionales, ut vult Euclides, siue non. Vt hoc exemplum ostendit, in quo proportionales omnes diuersa sunt, quemadmodum in prioribus eadem semper proportio reperitur.

<i>A</i>	<i>E</i>
<i>B</i>	<i>F</i>
<i>C</i>	<i>G</i>
<i>D</i>	<i>H</i>

PROBL. I. PROPOS. 2.

2.

NUMEROS reperire deinceps proportionales minimos, quotcunque iusserit quispiam, in data ratione.

SINT minimi numeri datæ rationis *A, & B*, oporteatque inuenire primum tres numeros minimos in proportionem datam *A*, ad *B*. Multiplicans *A*, seipsum, & numerum *B*, faciat *C, & D*. Deinde *B*, multiplicans seipsum faciat *E*. Dico *C, D, E*, esse tres minimos in proportionem *A*, ad *B*; hoc est, esse ut *C*, ad *D*, ita *D*, ad *E*. Quod enim proportionales sint in data proportionem

A, ad *B*, sic ostendemus. Cum ex *A*, in *A, & B*, fiat *C, & D*; erit ut *A*, ad *B*, ita *C*, ad *D*.

Rursus cum ex *B*, in *A, & B*, fiant *D, & E*; erit quoque, ut *A*, ad *B*, ita *D*, ad *E*. Quare proportionales sunt *C, D, E*, continue in proportionem data *A*, ad *B*. Quod uero in eadem ratione sint minimi, ita demonstrabitur. Quoniam extre-

<i>A</i> ..	<i>B</i> ..
<i>C</i>	<i>D</i>
<i>E</i>	
<i>F</i> , 8.	<i>G</i> , 12.
<i>H</i> , 18.	<i>I</i> , 27.
<i>K</i> , 16.	<i>L</i> , 24.
<i>M</i> , 36.	<i>N</i> , 54.
<i>O</i> , 31.	

17. septimi

mi

mi C, & E, procreati sunt ex A, & B, in se ipsos; sunt autem
 24. septimi A, & B, inter se primi, quod minimi sint in sua proportio-
 29. septimi ne; Erunt & C, E, extremi, inter se primi. Quare C, D,
 1. octavi. E, minimi sunt in ratione A, ad B.

I A M uero ex A, in tres inuentos C, D, E, fiant F, G, H,
 & ex B, in ultimum E, fiat I. Dico quatuor numeros F, G,
 H, I, minimos esse in eadem ratione data A, ad B. Quod
 enim proportionales sint in ratione A, ad B, ita demonstra-
 bimus. Quoniam A, multiplicans ipsos C, D, E, fecit F,
 G, H, habebunt ex

A...	B...	ips, quæ ad propos.
C....	D.....	E..... 18. hb. 7. ostendi-
F, 8.	G, 12.	H, 18.
I, 27.	K, 16.	L, 24.
M, 36	N, 54.	O, 81.

H, eadem propor-
 tiones, quas C, D,

E, hoc est, quam habet A, ad B. Rursus quia A, & B, ipsum
 E, multiplicantes, fecerunt H, & I; erit quoque, ut A, ad B,
 ita H, ad I. Sunt igitur F, G, H, I, continue proportionales
 in data proportione A, ad B. Quod autem in data ratione
 minimi sint, ita perspicuum fiet. Quoniam A, & B, mini-
 mi in sua proportione, sunt inter se primi; factique sunt C,
 & E, ex A, & B, in se ipsos; Item procreati sunt F, & I ex
 A, B, in C, E; nempe F, ex A, in C, & I, ex B, in E; erunt
 & F, I, extremi, inter se primi. Quare F, G, H, I, in sua
 proportione, quæ est A, ad B, minimi sunt.

18. septimi

24. septimi

29. septimi
 1. octavi.

N O N aliter, si ex A, in quatuor inuentos F, G, H, I,
 fiant K, L, M, N, & ex B, in ultimum I, fiat O; erunt K,
 L, M, N, O, quinque numeri minimi in data ratione A, ad
 B: Eademque ratione inueniemus sex, septem, octo, &c.
 Quare numeros reperimus seinceps proportionales mini-
 mos, &c. Quod faciendum erat.

SCHOLI ON.

E O D E M modo quatuor numeri minimi proportionales
 producentur ex multiplicatione B, in tres inuentos E, D, C, &
 ex multiplicatione A, in C. Fiant enim I, H, G, ex B, in E, D,
 C: & F, ex A, in C. Quo peracto, numeri F, G, eandem ratio-
 nem habebunt, quam A, B; quod A, B, multiplicantes C, ip-
 sos

18. septimi

fos F, G , fecerunt: Item & G, H, I , ex ijs , quæ ad propos. 18. huius lib. demonstrauimus, in eadem erunt ratione, in qua C, D, E , hoc est, in qua A, B ; quod B , multiplicans C, D, E , ipsos G, H, I , fecit: Sunt ergo F, G, H, I , in eadem ratione, in qua A, B . Quod uero minimi sint, ostendetur, ut prius.

NON aliter si ex E , in quatuor inuentos I, H, G, F , fiat O, N, M, L , & ex A , in F , fiat K ; erunt K, L, M, N, O , quin que numeri minimi in data ratione A , ad B . Eademque ratione inueniemus sex, septem, octo, &c. Itaque siue A , multiplicetur in omnes inuentos, & B , in ultimum; siue B , in omnes inuentos, & A , in primum; producentur semper plures numeri in eadem ratione data A , ad B , minimi. Demonstrauit enim Euclides, quatuor F, G, H, I , produci ex A , in C, D, E , & ex B , in E : Nos autem eosdem ostendimus procreari ex B , in I, H, G , & ex A , in C .

COROLLARIUM I.

HINC fit, si tres numeri minimi sint continue proportionales, extremos quadratos esse: si autem quatuor fuerint, cubos. Nam erium minimorum C, D, E , extremi C , & E , facti sunt ex A , & B , in seipsos, ideoque æqualiter sunt æquales. Quare ex definitione 18. quadrati sunt. Eodem modo, cum quatuor minimorum F, G, H, I , extremi F , & I , geniti sint ex A , & B , lateribus in C , & E , quadratos ipsorum A , & B , hoc est, tam numerus F , ex mutua multiplicatione trium numerorum æqualium A, A, A , quam numerus I , ex multiplicatione mutua trium numerorum æqualium B, B, B , sit procreatus, ac propterea uterque sit æqualiter æqualis æqualiter; ipsi ex defin. 19. cubi erunt.

SIC etiam, si fuerint quinque numeri minimi proportionales continue; erunt extremi eorum quadrati quadratorum; Et sic si fuerint plures, erunt eorum extremi, numeri alij sub alijs denominationibus, quæ in Algebra solent explicari. Hæc autem omnia manifesta sunt ex multiplicationibus, quibus numeri proportionales, iuxta hanc propos. procreantur.

COROLLARIUM II.

PERSPICUUM quoque est, extremos numeros proportionalem quocumque secundum hanc propositionem inuentorum in data ratione minimorum, inter se primos esse. Quod quidem facile ostendemus ex multiplicationibus, quibus numeri proportionales producentur, & ex propos. 29. lib. 7. quemadmodum id demonstratum fuit de numeris extremis C, E , & F, I , &c.

COROL.

CONSTAT etiam, duos numeros minimos in data ratione, metiri omnes medios quocunque minimorum in eadem ratione; quia scilicet producuntur ex illorum multiplicatione in alios quosdam numeros. Vt in dato exemplo D, medius producitur ex A, in B; & G, H, medij ex A, in D, & E, uel ex B, in C, & D; Item L, M, N, medij ex A, in G, H, I, uel ex B, in F, G, H; ut ex demonstratione Euclidis, & ea, quam in Scholio tradidimus, apparet.

SCHOLIUM.

QUONIAM vero eam numeri A, C, F, K, quam B, E, I, O, ex constructione, continue proportionales sunt ab unitate, quod illorum quidem proportionibus a numero A, horum vero a B, denominantur, ut clarius demonstrabitur propos. 9. huius lib. sic ut extremi numeri quocunque minimorum continue proportionalium sint ultimi tot continue proportionalium ab unitate, quorum proportionibus a minimis numeris datae rationis denominantur, quot sunt propositi minimi continue proportionalibus. Ita enim in superiori exemplo uides C, & F, extremos numeros trium minimorum continue proportionalium in proportione A, ad B, esse ultimos trium numerorum continue proportionalium ab unitate, quorum proportionibus denominantur ab A, & B. At vero F, & I, extremos quatuor continue proportionalium, esse ultimos quatuor numerorum ab unitate continue proportionalium, &c. Quamobrem si quis optet inuenire quocunque numeros minimos in data ratione non multiplici (in multiplici enim res facilis est, nempe quae ab unitate incipiat) continue proportionales; id facile hac via consequetur. Inuenitis duobus minimis numeris in data ratione, sumantur ab unitate tot numeri continue proportionales in proportione, cuius denominator sit minor illorum, quos numeri minimi inueniendi constituantur. Nam ultimus illorum ab unitate continua proportionalium erit primus continue proportionalium inueniendorum. Vt si quis desideret octo minimos numeros in proportione sesquialtera: Inuenitis minimis duobus numeris 3. & 2. in sesquialtera proportione, sumendi erunt octo numeri ab unitate continue proportionales in proportione dupla, quae denominatur a 2. hoc modo 1. 2. 4. 8. 16. 32. 64. 128. Nam horum ultimus 128, erit primus octo numerorum inueniendorum, qui

minimus

minimi sint in proportione 3. ad 2. ut hic patet, 128. 192. 288. 432. 618. 972. 1458. 2187. si maiores numeri ad minores referantur. Eademque in reliquis est ratio.

BOETIUS autem, & alij regulam hanc ita explicant. Sumantur tot numeri continue ab unitate multiplices secundum denominationem partis aliquota, cuius in data proportione fit mentio, quot numeros continue proportionales oportet invenire in data proportione. Nam ultimus numerus erit primus inveniendorum. Ut in dato exemplo, quia desiderantur octo numeri minimi in proportione sesquialtera, sumendi sunt octo numeri ab unitate dupli, ut prius, qui nimirum denominantur a denominatore partis secunde, seu dimidia, cuius mentio fit in proportione sesquialtera, hoc est, a 2. Quod si optentur quinque numeri minimi in proportione sesquiquinta, sumendi erunt quinque numeri ab unitate quincupli; ut hic 1. 5. 25. 125. 625. Nam 625. est primus quinque numerorum in proportione sesquiquinta, ut hic apparet; 625. 750. 900. 1080. 1296. Atque ita de ceteris. Porro hac arte non possunt inveniri plures numeri continue proportionales, quam propositi sunt. Neque enim post 1296. alius numerus invenietur, qui habeat ad 1296. proportionem sesquiquintam; sicut neque in priori exemplo post 2187. alius potest reperiri, qui ad 2187. proportionem sesquialteram habeat. Ratio autem huius rei est, quod extremi hac arte inveniuntur inter se primi, ut ex demonstratione liquet. Hinc enim fit, ut ultimus non possit esse ad alium quempiam numerum, ut primus ad secundum, ut proposit. 17. lib. 9. demonstrabitur.

THEOR. 2. PROPOS. 3. 3.

SI sint quotcunque numeri deinceps proportionales minimi omnium eandem cum eis rationem habentium; Illorum extremi sunt inter se primi.

SINT numeri A, B, C, D, minimi deinceps proportionales. Dico extremos A, & D, inter se primos esse. Inveniuntur

Nn

niantur

niantur enim duo E, F, minimi in ratione A, ad B, uel B, ad C, uel C, ad D. Deinde iuxta uiam præcedentis proble-

A, 8. B, 12. C, 18. D, 27.

E, 2. F. 3.

G, 4. H, 6. I, 9.

K, 8. L, 12. M, 18, N, 27.

matis, tres minimi G, H, I, in eadem ratione, nec non quatuor K, L, M, N, & sic deinceps, donec multitudo K, L, M, N, æqualis sit multitudini A, B, C, D.

Quoniam igitur A, B, C, D, minimi sunt in sua proportionē, & in eadem quoque proportionē minimi sumpti sunt K, L, M, N, illis multitudine æquales; erunt singuli singulis æquales, ne minores minimis dentur in eadem proportionē, nimirum A, ipsi K, & D, ipsi N. Sunt autem per coroll. 2. propos. præcedentis K, & N, inter se primi: Primi ergo quoque sunt A, & D. Quocirca, si sint quotcumque numeri deinceps proportionales minimi omnium eandem cum eis, &c. Quod erat ostendendum.

SCHOLIION.

HÆC propositio intelligenda est de numeris minimis continue proportionalibus, ut ex eius demonstratione, & uerbis Euclidis apparere potest. Nam si A, B, C, D, non essent proportionales continue, inueniri non possent, ex præcedenti problema K, L, M, N, totidem minimi in eadem proportionē. Immo si diuersa sint proportionē, dabuntur aliquando minimi numeri deinceps proportionales, hoc est, continuati in suis proportionibus diuersis, quorum extremi non sunt inter se primi. Sunt enim hi numeri 6. 10. 15. 18. minimi in continuatiōne suarum proportionum, cum tamen extremi 6. & 18. compositi sint inter se. Itaque hoc Theorema primi est conuersum, quoad numeros continue proportionales. Et enim numeri quotcumque continue proportionales, quorum extremi inter se sunt primi, minimi sunt in sua proportionē, ut constat ex 1. theor. Et uicissim, numeri extremi quotcumque minimorum continue proportionalium, inter se primi sunt, uelut hic demonstratum est. At uero primum theorema, prout spectat ad numeros non continue proportionales, conuerti nequit. Nam licet numeri quotcumque non continue proportionales, quorum extremi sunt inter se primi, minimi sint in continuatiōne suarum proportionum, ut

ex scholio propos. 1. huius lib. liquet; Tamen non semper e contrario, numeri extremi quotcumque minimorum non continue proportionalium, inter se primi sunt, ut manifestum est in exemplo nuper adducto 6. 10. 13. 18.

PROBL. 2. PROPOS. 4.

4.

RATIONIBVS datis quotcumque in minimis numeris, reperire numeros deinceps minimos in datis rationibus.

SINT primum datæ duæ rationes in minimis numeris A, ad B, & C, ad D; oporteatque inuenire tres numeros minimos deinceps proportionales, in datis proportionibus. Inuento numero E, minimo, quem metiantur B, & C, secundus & tertius; quoties B, ipsum E, metitur, toties A, metiatur ipsum F; & quoties C, eundem E, toties ipsum G, metiatur D. Dico F, E, G, minimos esse in proportionibus datis. Quod enim

36. septimi

A, 6. B, 5. C, 4. D, 3.
H, 4. F, 24. E, 20. G, 15.
I ---- K ---- L ----

deinceps datas proportionibus habeant, ita ostendimus. Quoniam A, & B, æque metiuntur ipsos F, & E, hoc est, per eundem numerum; metiantur per H. Quo posito, A, & B, multiplicantes ipsum H, producent F, & E. Quare erit ut A, ad B, ita F, ad E. Eadem ratione, cum C, & D, æque metiantur ipsos E, & G, erit ut C, ad D, ita E, ad G. Igitur F, E, G, deinceps proportionales sunt in rationibus A, ad B, & C, ad D. Quod autem minimi sint, sic manifestum erit. Si non sunt minimi, erunt aliqui illis minores, singulis singuli, in eisdem rationibus: sint, si fieri potest, I, K, L. Quia igitur A, & B, minimi sunt in sua proportione, ipsi æque metientur I, & K, in eadem proportione existentes, nempe B, ipsum K; consequens consequentem. Eademque ratione C, & D, æque metientur K, & L, nimirum C, ipsum K, antecedens antecedentem.

9. pron.
18. septimi

21. septimi

Nn 2 cedentem.

37. septimi

cedentem. Quare cum B, & C, ipsum K, metiantur, metietur eundem K, numerus E, minimus, quem B, & C, metiuntur; minorem maior. Quod est absurdum. Non igitur erunt alij numeri minores ipsis F, E, G, in rationibus A, ad B, & C, ad D; Ac propterea ipsi F, E, G, minimi sunt in datis rationibus.

36. septimi

S I N T deinde datæ tres rationes in numeris minimis A, ad B; C, ad D; & E, ad F; inueniendique sint quatuor minimi deinceps proportionales in datis rationibus. Inuento rursus numero G, minimo, quem metiantur B, secundus, & C, tertius; quoties B, ipsum G, metitur, toties metiatur A, ipsum H; & quoties C, ipsum G, toties D, ipsum I, metiatur. Quibus peractis, aut E, ipsum I, metitur, aut non.

Metiatur primus; A, 6. B, 3. C, 4. D, 3. E, 5. F, 7. Et quoties E, ipsum I, metitur, toties F, metiatur ipsum K. Dico

H, G, I, K, minimos esse in datis rationibus. Quod enim sint in datis rationibus deinceps proportionales, constat. Cum enim A, & B, ipsos H, & G, æque metiantur; erit ut prius, quemadmodum A, ad B, ita H, ad G. Eadem ratione erit, ut C, ad D, ita G, ad I: & ut E, ad F, ita I, ad K; quod tam C, & D, ipsos G, & I, quam E, & F, ipsos I, & K, metiantur æque. Igitur H, G, I, K, deinceps proportionales sunt in datis rationibus. Quod autem sint minimi, sic ostendemus. Si non sunt minimi, sint in eisdem rationibus minores ipsis, singuli singulis, si fieri potest L, M, N, O. Quia igitur A, & B, minimi sunt in sua proportione; ipsi metientur æque L, & M, eandem habentes rationem, nempe B, consequens consequentem M. Eodem modo C, & D, æque metientur M, & N; nimirum C, antecedens antecedentem M. Quocirca cum B, & C, ipsum M, metiantur; metietur eundem M, & numerus G, minimus, quem B, & C, metiuntur, minorem maior. Quod est absurdum. Non ergo erunt alij numeri deinceps proportionales in rationibus datis minores ipsis H, G, I, K; Ac proinde H, G, I, K, in datis rationibus minimi sunt.

31. septimi

S E D iam E, non metiatur ipsum I. Inuento ergo numero

37. septimi

mero K, minimo, quem E, & I, metiantur; quoties I, ipsum K, metitur, toties quoque G, ipsum L, & H, ipsum M, metiatur: & quoties E, metitur K, toties metiatur F, ipsum N. Dico M, L, K, N, esse minimos in proportionibus datis. Cum enim

H, G, I, ipsos M, L, K, æque metiantur; erit ut supra, quæ admodum H, ad G, ita M, ad L; & ut G, ad I, ita L, ad K; Est autem eadem ratio, ut H, ad G, ita A, ad B; & ut G, ad I, ita C, ad D; quod & A, B, ipsos H, G; & C, D, ipsos G, I, metiantur æque. Igitur ut A, ad B, ita M, ad L; & ut C, ad D, ita L, ad K. Atqui ut E, ad F, ita quoque est K, ad N, cum E, F, æque ipsos K, N, metiantur: Sunt ergo M, L, K, N, deinceps proportionales in datis rationibus. Dico & minimos eos esse in eisdem rationibus. Si namque non sunt minimi; dentur ipsis minores in rationibus eisdem O, P, Q, R, si fieri potest. Quoniam ergo A, B, in sua proportione minimi sunt, ipsi æque metientur O; P, in eadem ratione existentes, nimirum B, consequens consequentem P. Eodem argumento C, D, ipsos P, Q, metientur æque, uidelicet antecedens C, antecedentem P; Atque adeo cum B, & C, ipsum P, metiantur, metietur quoque G, minimus, quem metiuntur B, & C, eundem P. Quia uero ostensum est, esse ut G, ad I, ita L, ad K, hoc est, ita P, ad Q; erit permutando, ut G, ad P, ita I, ad Q: Atque idcirco, metiente G, ipsum P, metietur & I, ipsum Q. Metitur autem & E, eundem Q, (quod E, F, in sua proportione minimi æque metiantur Q, R, eiusdem rationis, nempe antecedens E, antecedentem Q.) Ergo metientibus I, E, ipsum Q; metietur etiam K, quem minimum metiuntur I, E, eundem Q, maior minorem. Quod est absurdum. Non dabuntur ergo alij numeri deinceps proportionales in datis rationibus minores quam M, L, K, N; proptereaque ipsi M, L, K, N, minimi sunt.

Quod si quatuor rationes datæ fuerint; inueniendi prius erunt numeri deinceps proportionales in tribus prioribus rationibus; deinde cum quarta posteriori agendum, ut

36. septimi

21. septimi

37. septimi

21. septimi

37. septimi

nuper cum tertia proportione data. Veluti si quarta propor-
tio data sit in numeris minimis S, ad T; inuenimus primū
M, L, K,
A, 6. B, 5. C, 4. D, 3. E, 2. F, 7. S, 3. T, 2. N, mini-
M, 48. L, 50. K, 30. N, 105. O, 70. mos deinceps pro-

portionales in tribus proportionibus A, ad B; C, ad D; & E,
ad F: Deinde si S, ipsum N, metiatur, accipiemus O, quem
T, toties metiatur, quoties S, ipsum N, metitur. Nam M,
L, K, N, O, erunt deinceps proportionales in datis rationi-
bus minimi. Si uero S, ipsum N, non metiatur; sumemus

36. septimi

O, quem S, & N, minimum metiantur. Et quoties N, ipsum
O, metitur, toties metiat K,
A, 6. B, 5. C, 4. D, 3. E, 2. F, 7. S, 9. T, 2. tics metiat K,
M, 48. L, 40. K, 30. N, 105. ipsum P; & L,
R, 144. Q, 120. P, 90. O, 315. V, 70. ipsum Q; &
M, ipsum R;

quoties uero S, eundem O, metitur, toties T, ipsum V, me-
tiatur. His enim peractis, erunt R, Q, P, O, V, deinceps
proportionales minimi in rationibus A, ad B; C, ad D; E, ad
F, & S, ad T. Quæ omnia eo argumento, quo prius, demō-
strabimus. Eodem modo operabimur, si quinque, uel plu-
res rationes datae sint in minimis numeris. Itaque rationi-
bus datis quotcunque in minimis numeris, &c. Quod fa-
ciendum erat.

S C H O L I O N .

SI omnes rationes, vel aliquæ datae fuerint in numeris ni-
minis, absoluemus nihilo minus problema propositum; sed
prius exhibendæ erunt rationes datae in minimis numeris, ante-
quam ad inuentionem minimorum numerorum deinceps propor-
tionalium aggrediamur, ut ex demonstratione manifestū est.

DIFFERT autem hoc problema ab eo, quod propositione
35. lib. 7. demonstratum est, quod hic non dantur numeri de-
inceps proportionales, ita ut quilibet intermedius sit & ante-
cedens, & consequens, licet proportionales sint diuersæ, quem-
admodum ibi.

PORRO inuentis minimis numeris deinceps proportiona-
libus

libris in datis rationibus, si y multiplicentur per quemcunque numerum eundem, procreabuntur alij in eisdem rationibus deinceps proportionales, ut constat ex hys, que ad propos. 18. lib. 7. demonstravimus.

THEOR. 3. PROPOS. 5.

5.

PLANI numeri rationem inter se habent ex lateribus compositam.

SINT duo numeri plani A, B, & latera prioris quacunque C, D; posterioris vero E, F. Dico proportionem A, ad B, compositam esse ex laterum proportionibus, nimirum ex proportionibus C, ad E, & D, ad F; uel ex proportionibus C, ad F; & D, ad E, ita ut latera unius sint antecedentia, & alterius consequentia, quemadmodum propos. 23. lib. 6. docuimus. Faciant D, & E, se mutuo multiplicantes numerum G. Quoniam igitur D, multiplicans C, & E, fecit A, 24. B, 48. A, & G; erit A, ad G, ut C, ad G, 78. Eodemque modo, quia E, C, 4. D, 6. E, 3. F, 16. multiplicans D; & F, fecit G, & B; erit G, ad B, ut D, ad F. Quare A, G, B, sunt deinceps proportionales in proportionibus laterum C, ad E, & D, ad F. Componitur autem proportio A, ad B, ex proportionibus A, ad G, & G, ad B. Eadem ergo proportio A, ad B, ex proportionibus laterum C ad E, & D, ad F, componitur.

17. septimi

27. definit.

EODEM argumento ostendemus, proportionem A, ad B, compositam esse ex proportionibus C, ad F, & D, ad E, si latera E, & F, loca inter se permutent, fiatque G, ex mutua D, & F, multiplicatione. Cum enim D, multiplicans C, & F, faciat A, 24. B, 48. A, & G; erit A, ad G, ut C, ad G, 96. Similiter cum F, multiplicans D, & E, faciat G, & B; erit G, ad B, ut D, ad E. Ac proinde rursus A, G, B, deinceps proportionales sunt in rationibus laterum C, ad F, & D, ad E. Cum ergo proportio A, ad B, componatur ex pro-

17. septimi

27. *defn.*

portionibus A, ad G, & G, ad B; Eadem ex proportionibus C, ad F, & D, ad E, componetur. Quare plani numeri rationem inter se habent ex lateribus compositam. Quod demonstrandum erat.

6.

THEOR. 4. PROPOS. 6.

SI sint quotcunque numeri deinceps proportionales, primus autem secundum non metiatur; neque alius quisquam ullum metietur.

SINT continue proportionales A, B, C, D, E; & A, primus non metiatur B, secundum. Dico neque alium ququam illorum ullum metiri. Quod enim nullus proxime insequentem metiatur, manifestum est. Nam cum sit, ut A,

ad B, ita B, ad C;
A, 16. B, 24. C, 36. D, 54. E, 81. C, ad D; & D, ad
F, 4. G, 6. H, 9. E: A, uero ipsum
B, non metiatur;

neque B, ipsum C, neque C, ipsum D, neque D, ipsum E, metietur. Quod uero nec alius quisquam illorum ullum metiatur, sic demonstrabimus. Sumptis tribus numeris minimis F, G, H, in ratione A, ad B; erit ex æquo, ut A, ad C, ita F, ad H. Quia uero est ut A, ad B, ita F, ad G; non metitur autem A, ipsum B; neque F, ipsum G, metietur; Ac propterea F, non erit unitas, alias F, ipsum G, metiretur, cum unitas omnem numerum metiatur. Quare cum F, & H, sint inter se primi, & F, non sit unitas; non metietur F, ipsum H; Atque ob id neque A, ipsum C, metietur. Est enim ostensum esse A, ad C, ut F, ad H. Eadem ratione ostendemus, quod nec B, tertium a se numerum D, nec C, tertium E, metiatur. Quod si quatuor numeri minimi sumantur in ratione A, ad B, simili modo demonstrabimus, neque A, quartum D, neque B, quartum E, metiri. Atque ita de reliquis. Si itaque sint quotcunque numeri deinceps proportionales, &c. Quod erat ostendendum.

2. *ostendi.*

3. *ostendi.*

SCHOLION.

SI maiores numeri ad minores referantur, proponi poteris hæc propositio ad hunc modum.

SI sint quotcunque numeri deinceps proportionales, primus autem secundi non sit multiplex, neque alius quisquam ullius multiplex erit.

SINT enim continue proportionales A, B, C, D, E ; & A , primus non sit multiplex secundi B . Dico neque alium ququam illorum ullius esse multiplicem. Quod enim nullus proxime insequens multiplex sit, constat. $A, 81. B, 54. C, 36. D, 24. E, 16.$ Nam cum sit, ut A ,

ad B , ita B , ad C ; C , ad D ; & D , ad E : non sit autem A , ipseus B , multiplex; neque B , ipseus C ; neque C , ipseus D ; neque D , ipseus E , multiplex erit. Quod autem neque alius quisquam illorum ullius sit multiplex, hoc pacto confirmabitur. Quonia D , ipseus E , non est multiplex: non metietur e contrario E , ipsum D , per ea, que in defn. 5. lib. 7. scripsimus. Quoniam igitur sunt numeri deinceps proportionales quotcunque $E, D; C, B, A$. (Nam cum sit D , ad E , ut C , ad D ; B , ad C ; & A , ad B ; erit conuertendo E , ad D , ut D , ad C ; C , ad B ; & B , ad A .) Et E , primus secundum D , non metitur; neque alius quisquam illorum ullum metietur. Quare e contrario, si maiores ad minores referantur, neque quisquam illorum ullius erit multiplex, per ea, que in defn. 5. lib. 7. docuimus.

6. octavi

S E D & ex his sequens theorema demonstrabimus.

SI sint quotcunque numeri deinceps proportionales, primus uero secundum metiatur; & quicumque alius quemlibet sequentium metietur. Si primus autem secundi sit multiplex; & quicumque alius cuiuslibet sequentium multiplex erit.

SINT

S I N T deinceps proportionales quodcumque numeri A, B, C, D, E ; & primus A , secundum B , metiatur. Dico & quaeque illorum quemlibet sequentium metiri. Quod enim quilibet proxime insequentem metiatur, perspicuum est. Nam cum

$A, 3. B, 6. C, 12. D, 24. E, 48.$ tem metiatur, perspicuum est. Nam cum

fit, ut A , ad B , ita B , ad C ; C , ad D ; & D , ad E ; metiatur autem A , ipsum B ; & B , ipsum C ; & C , ipsum D ; & D , ipsum E , metietur. Quod autem quilibet illorum quemlibet sequentium metiatur, nempe B , ipsos D , & E , hoc modo ostendetur.

11. pron.

Quia B , ipsum C , metitur, & C , ipsum D ; metietur quoque B , ipsum D . Rursus quia D , ipsum E , metitur; metietur quoque B , (ipsum D , metiens) eundem E . Et sic de reliquis.

11. pron.

S E D iam primus A , multiplex sit B ; secundi. Dico & quemque illorum cuiuslibet sequentium multiplicem esse. Cum enim sit ut A , ad B , ita B , ad C ; & C , ad D ; & D , ad E : sit autem A , ipse B , mul-

$A, 48. B, 24. C, 12. D, 6. E, 3.$ tiple; erit & B , ipse C ; & C , ipse

D ; & D , ipse E ; multiplex. Quilibet ergo cuiuslibet proxime insequentis multiplex est. Rursus quia D , ipse E , est multiplex; metietur e contrario E , ipsum D : sunt autem, per inuersam rationem, E, D, C, B, A , continue proportionales. Igitur & quilibet illorum quemlibet sequentium metietur, ut demonstratum est; Ac propterea e contrario, si maiores ad minores referantur, & quilibet cuiusque sequentium multiplex erit.

C O N V E R T E M V S etiam hanc propositionem sextam, & theorema, quod primo loco in scholio demonstramus, hac ratione.

S I sint quotcumque numeri deinceps proportionales, primus autem, uel alius quisquam nullum a secundo metiatur; neque primus secundum metietur. Et si primus, uel alius quisquam nullius a secundo sit multiplex: neque primus secundi multiplex erit.

S I N T deinceps proportionales A, B, C, D, E ; & primus A , uel

A, vel alius quisque nullum a secundo *B*, metiatur. Dico neque
A, primum, metiri *B*,
 secundum. Si enim *A*, *A*, 16. *B*, 24. *C*, 36. *D*, 54. *E*, 81.
 primus secundum *B*, di-
 catur metiri; metietur quoque, per ea, quæ secundo loco in hoc
 scholio ostendimus, quicumque alius quemlibet sequentiū. Quod
 est absurdum, cum neque primus, neque alius quisquam ullum
 a secundo metiri ponatur. Non ergo *A*, ipsum *B*, metietur.

I A M vero *A*, primus, vel alius quisquam nullius a secun-
 do *B*, si multiplex. Dico neque *A*, primum multiplicem esse *B*,
 secundi. Si namque *A*,
 primus multiplex esse *A*, 81. *B*, 54. *C*, 36. *D*, 24. *E*, 16.
 dicatur *B*, secūdi; multi-
 plex quoque erit quicumque alius cuiuslibet sequentium, ex ijs,
 quæ secundo theoremate huius scholij demonstravimus. Quod
 est absurdum. Neque enim primus, neque alius quisquam ul-
 lius a secundo multiplex esse ponitur. Non igitur *A*, ipse *B*,
 multiplex erit.

THEOR. 5. PROPOS. 7.

7.

SI sint quotcunq; numeri deinceps pro-
 portionales, primus autem extremum me-
 tiatur, is etiam metietur secundum.

SI N T deinceps proportionales *A*, *B*, *C*, *D*, *E*; & *A*, pri-
 mus extremū *E*, metiatur. Dico & *A*, primū metiri *B*, secun-
 dum. Si enim *A*, ipsum
B, non dicatur metiri; ne *A*, 3. *B*, 6. *C*, 12. *D*, 24. *E*, 48.
 que alius quisquam ullū
 metietur. Quare nec *A*, ipsum *E*. Quod est absurdum. Po-
 nitur enim *A*, metiri *E*. Igitur *A*, primus *B*, secundum me-
 tietur; Atque idcirco, si sint quotcunque numeri deinceps
 proportionales, &c. Quod erat demonstrandum.

6. Iohanni.

SCHOLIUM.

UT theorema, quod secūdo loco in scholio præcedētiis ppos. demō-
 stravimus, convertamus, amplificabimus hanc ppos. hoc modo.

SI sint quotcunque numeri deinceps proportionales, primus autem, uel alius quisquam quemlibet a secundo metiatur; metietur & primus secundum. Et si primus, uel alius quisquam cuiuslibet a secundo sit multiplex; primus quoque secundi multiplex erit.

QVOD eodem modo demonstrabimus. Si enim primus non dicatur metiri secundum, uel illius esse multiplex; neque alius quisquam illum metietur; uel illius multiplex erit, ex propos. 6. & 1. theoremate scholij precedentis.

8.

THEOR. 6. PROPOS. 8.

SI inter duos numeros medij continua proportione ceciderint numeri; quot inter eos medij continua proportione cadunt numeri: tot & inter alios eandem cum illis habentes rationem medij continua proportione cadent.

CADANT inter duos numeros A, B, medij proportionales continue C, D; sitque ut A, ad B, ita E, ad F. Dico

A, 24. C, 36. D, 54. B, 81
G, 8. H, 12. I, 18. K, 27.
E, 32. L, 48. M, 72. F, 108.

A, 40. C, 20. D, 10. B, 5
G, 8. H, 4. I, 2. K, 1.
E, 8. L, 4. M, 2. F, 1.

A, 27. C, 9. D, 3. B, 1.
G, 27. H, 9. I, 3. K, 1.
E, 108. L, 36. M, 12. F, 4.

3. *occurrit.*

tot medios numeros continue proportionales cadere inter E, & F, quot inter A, & B. Sumptis enim totidem numeris G, H, I, K, minimis in ratione A, ad C, quot sunt numeri A, C, D, B; erit ex æquo, ut A, ad B, atque adeo ut E, ad F, ita G, ad K. Quare cum G, & K, inter se primi sint, nempe extremi minimorum numerorum, ac pro-

pterea

pterea in sua proportione minimi; æque metietur G, ipsum E, & K, ipsum F. Quoties ergo G, & K, ipsos E, & F, metiuntur, toties H, & I, alios numeros L, & M, metiantur, ita ut numeri G, H, I, K, numeros E, L, M, F, æque metiantur, singuli singulos. Quia igitur G, H, I, K, multiplicantes numerum, per quem metiuntur numeros E, L, M, F, ipsos E, L, M, F, producant, ex 9. pronunciato; in eisdem rationibus erunt E, L, M, F, in quibus G, H, I, K, ut ad propos. 18. lib. 7. demonstrauius. At G, H, I, K, sunt continue proportionales. Igitur & E, L, M, F, continue proportionales sunt; Atque idcirco, cum multitudo E, L, M, F, æqualis sit multitudini A, C, D, B; tot cadent medij proportionales inter E, & F, quot inter A, & B. Si igitur inter duos numeros medij continua proportione ceciderint, &c. Quod demonstrandum erat.

23. & 21.
sepsimi

SCHOLIUM.

NON solum ex demonstratione constat, totidem medios proportionales cadere inter E, & F, quot inter A, & B; verum etiam eandem esse proportionem numerorum E, L, M, F, qua est numerorum A, C, D, B. Ostensum enim est E, L, M, F, in eadē esse proportione, in qua G, H, I, K: Sed hi eandem habent, ex constructione, quam A, C, D, B. Igitur & E, L, M, F, eandem habent, quam A, C, D, B.

EADEM hac propositio uera est, si existentibus numeris A, & B, sumatur uel E, uel F, unitas. Item si uel A, uel B, fuerit unitas, existentibus E, & F, numeris; ut in exemplis apparet.

CONSTAT etiam ex hoc theoremate, inter numeros dupla proportionis, uel superparticularis cuiusuis, uel superbipartiens, non posse cadere numerum medium proportionalem. Cum enim dupla proportio in minimis numeris reperitur inter binarium, & unitatem; superparticularis uero inter numeros sola unitate differentes; superbipartiens denique inter numeros, quorum differentia est binarius: si inter duos numeros dupla proportionis, uel superparticularis, uel superbipartiens, medius numerus caderet proportionalis; caderet quoque, per hoc theorema, numerus aliquis medius proportionalis

inter

inter binarium, & unitatem; vel inter numeros sola unitate differentes, uel etiam binario, nimirum inter numeros minimos, qui eandem cum illis proportiones habent: quod fieri nulla ratione potest. Nam nec inter binarium & unitatem, nec inter duos numeros sola unitate differentes, ullus numerus interponitur, tantum abest, ut aliquem medium proportionalem ipsi recipiant. Similiter inter duos numeros binario inter se distantes interijcitur solum numerus, qui ab utroque unitate differt; quem nulla posse ratione esse inter illos medium proportionalem, in hunc modum demonstrabimus. Different numeri AB , CD , binario, inter quos cadat numerus EF , minor unitate quam AB , maior uero quam CD , unitate quoque. Dico EF , non esse medium proportionalem inter

AB , CD . Si enim dicatur esse $A G . B$ AB , ad EF , ut EF , ad CD ; ablato ex AB , numero AG , ipsi EF , $C D$ EF , ad CD , ut EF , ad CD ; equali, ut reliqua sit unitas GB ; & ex EF , numero EH , ipsi CD , equali, ut relinquatur etiam unitas HF ; erit quoque ut AB , totus ad EF , totum, ita AG , ablatum ad EH , ablatum, cum AG , EH , ipsi EF , CD , aequales sint, ex constructione. Igitur erit quoque reliquus GB , ad reliquum HF , hoc est, unitas ad unitatem, ut totus AB , ad totum EF , maior ad minorem. Quod est absurdum. Non ergo EF , medius proportionalis est inter AB , & CD .

11. septimi

Ex quibus fit, nec illud interuallum Musicum, quod in dupla proportione consistit, ut Diapason, vel, ut uulgo dicitur, Octaua; nec illud, quod in sesquioctaua proportione reperitur, cuiusmodi est Tonus, seu uulgo Secunda, bifariam posse secari, hoc est, in duas proportiones aequales. Illa enim proportio bifariam (quod ad propositum attinet) secari dicitur, inter cuius terminos medius proportionalis cadit. Vt quia inter hos terminos 24 . & 6 . proportionis quadruplae cadit medius proportionalis numerus 12 . hoc modo, 24 . 12 . 6 . Idcirco proportio quadrupla bifariam diuisa esse dicitur in duas duplas proportiones. Cum ergo ostensum sit, inter numeros duplae proportionis, & superparticularis, qualis est sesquioctaua, non cadere medium numerum proportionalem; perspicuum est, Diapason, & Tonum, bifariam secari non posse. Unde Diapason

Diapason primâ sui diuisione in Diapente, & Diatessaron, quorum interuallorum illud in proportione sesquialtera, hoc uero in sesquitercia consistit, apud Musicos secatur, ut hic apparet, 2. 3. 4. Est enim hic proportio dupla diuisa in proportionem sesquialteram, & sesquiterciam, tanquam in maximas sui partes inter se inæquales. Ita quoque Tonus in duo semitonia, quorum alterum maius, alterum minus dicitur, secari solet. Sed de his plura in Musicis.

R V R S V M ex his demonstrari potest, proportionem diametri cuiusuis quadrati ad latus eiusdem, numeris non posse exprimi, sed esse irrationalem. Cum enim per ea, quæ ad propos. 47. lib. I demonstrauimus, quadratum diametri dupli sit quadrati ex latere descripti; quadratorum uero proportio sit duplicata proportionis laterum; sit, ut proportio quadrati ex diametro descripti ad quadratum lateris duplicata sit proportionis diametri ad latus. Cum ergo illa proportio, cuius duplicata est proportio dupla, numeris exprimi nequeat, quod inter numeros dupla proportionis medius proportionalis non cadat, qui illam bifariam secet, ut offendimus; manifestum est, nec proportionem diametri ad latus numeris exprimi posse, sed esse irrationalem; seu; quod idem est, diametrum esse lateri incommensurabilem. quæ de re plura scribemus in 9. & ultima propos. lib. 10.

THEOR. 7. PROPOS. 9.

9.

SI duo numeri sint inter se primi, & inter eos medij continua proportione ceteri derint numeri; quot inter eos medij continua proportione cadunt numeri, totidem & inter utrumque eorum, ac unitatem medij continua proportione cadent.

C A D A N T inter numeros A, B, inter se primos medij continue proportionales C, D. Dico totidem cadere conti-

nue

nue proportionales inter unitatem, & A; nec non inter unitatem, & B, quot inter A, & B, cadunt. Inuentis enim duobus numeris E, & F, minimis in ratione A, ad C; sumantur tres minimi G, H, I; & quatuor K, L, M, N, & sic deinceps, donec multitudo assumptorum æqualis

A, 8. C, 12. D, 18. B, 27.

Unitas.

E, 2. F, 3.

G, 4. H, 6. I, 9.

K, 8. L, 12. M, 18. N, 27.

2. offani.

1. offani.

7. pron.

5. pron.

7. pron.

5. pron.

fit multitudini A, C, D, B. Quoniam ergo A, B, extrema inter se primi sunt, erunt A, C, D, B, minimi in proportione E, ad F. Sunt autem & totidem K, L, M, N, ex constructione, in eadem proportionem minimi. Igitur K, L, M, N, ipsi A, C, D, B, æquales sunt, singuli singulis, ut K, ipsi A; & N, ipsi B, ne minores minimis dentur. Quia uero, ut constat ex demonstratione propos. 2. huius lib. E, se ipsum multiplicans produxit G, multiplicans uero ipsum G, fecit K; metietur E, ipsum G, per E; & G, ipsum K, per eundem E: Metietur autem & unitas ipsum E, per E. Aequè igitur metietur unitas ipsum E, & E, ipsum G, & G, ipsum K; Ac propterea eadem pars erit unitas ipsius E, & E, ipsius G, & G, ipsius K. Per defin. ergo 20. proportionales sunt deinceps, unitas & numeri E, G, K. Simili ratione, cum manifestum sit, ex eadem demonstratione propos. 2. huius lib. quod F, se ipsum multiplicans producat I, multiplicans uero ipsum I, faciat N; metietur F, ipsum I, per F; & I, ipsum N, per eundem F: Metietur autem & unitas ipsum F, per F. Aequè igitur metietur unitas ipsum F, & F, ipsum I, & I, ipsum N; Ac propterea eadem pars erit unitas ipsius F, & F, ipsius I, & I, ipsius N. Per definitionem igitur 20. proportionales sunt continue, unitas & numeri F, I, N; Ac proinde cum tam multitudo E, G, K, quam F, I, N, una cum unitate æqualis sit multitudini A, C, D, B; tot cadent medij continue proportionales numeri inter unitatem, & K, numerum, seu A, sibi æqualem; & inter unitatem, & numerum N, siue B, sibi æqualem, quot inter numeros A, B. Si duo ergo numeri sint inter se primi, & inter eos medij, &c. Quod ostendendum erat.

SCHOLIUM

PERSPICUUM autem est, numeros, qui continua pro-
 portione cadunt inter numeros A , & B , ac unitatem, habere
 proportiones denominatas a minimis numeris proportionis A ,
 ad C ; hoc est, quas habent E , & F , numeri ad unitatem; id
 quod in scholio propos. 2. huius lib. asseruimus.

CONSTAT quoque ex demonstratione hac, si numerus se
 ipsum multiplicans aliquem fecerit; & rursus multiplicet
 productum, & sic deinceps: omnes productos esse continue
 proportionales ab unitate. Ostensum enim est & E , G , K , &
 F , I , N , qui hac ratione sunt procreati, ex demonstratione pro-
 pos. 2. huius lib. continue esse proportionales ab unitate.

THEOR. 8. PROPOS. 10.

10.

SI inter duos numeros, & unitatem,
 continue proportionales ceciderint nume-
 ri; quot inter utrunque ipsorum, & unitatē
 deinceps medij continua proportione ca-
 dunt numeri, totidem & inter ipsos medij
 continua proportione cadent.

CADANT inter utrunque numerorum A , B , & uni-
 tatem, quotcunque numeri medij continue proportionales;
 inter A , quidem & unitatem, numeri C , D , E . At vero
 inter B , & unitatē,
 numeri F , G , H , il
 A, 81. M, 162. N, 324. O, 648. B, 1296.
 E, 27. K, 54. L, 108. H, 216.
 D, 9. I, 18. G, 36.
 C, 3. F, 6.
 unitas.

lis multitudine æ-
 quales. Dico toti-
 dem medios con-
 tinue proportio-
 nales cadere inter
 A , & B , quot inter utrunque A , B , & unitatem. Multipli-
 cantes se mutuo C , & F , faciant I . Deinde C , multiplicans I ,
 & G , faciat K , & L . Rursus idē C , multiplicans K , L , & H ,
 O o faciat

faciat M, N, & O, totidem inter A, & B, quot sunt inter utrunque A, B, & unitatem. Quoniam igitur est, ut unitas ad C, ita C, ad D; D, ad E, & E, ad A; æque metietur unitas ipsum C, & C, ipsum D, & D, ipsum E, & E, ipsum A: Metitur autem unitas ipsum C, per C. Igitur & C, ipsum D, & D, ipsum E, & E, ipsum A, per C, metietur.

5. pron. A, 81. M, 162. N, 324. O, 648. B, 1296. E, 27. K, 54. L, 108. H, 216. D, 9. I, 18. G, 36. C, 3. F, 6.

9. pron. Vnitas.

& multiplicans E, fecit A. Eadem ratione F, seipsum multiplicans fecit G; & multiplicans G, fecit H, & multiplicans H, fecit B. Itaque cum C, multiplicans C, & F, fecerit D, & I; erit, ut C, ad F, ita D, ad I. Similiter, quia F, multiplicans C, & F, fecit I, & G, erit ut C, ad F, ita I, ad G. Sunt igitur tres D, I, G, continue proportionales in ratione C, ad F. Rursus quia C, multiplicans D, I, G, fecit E, K, L, habebunt E, K, L, per ea, quæ ad propos. 18. lib. 7. ostendimus, eandem proportionem continuam quam D, I, G, hoc est, quam C, ad F. Eodem modo, quia C, & F, multiplicantes G, fecerunt L, & H, erit ut C, ad F, ita L, ad H. Quatuor ergo numeri E, K, L, N, continue proportionales sunt in ratione C, ad F. Postremo, quia C, multiplicans E, K, L, H, fecit A, M, N, O, habebunt, ex ijs, quæ a nobis sunt demonstrata ad propos. 18. lib. 7. A, M, N, O, eandem continuam proportionem, quam E, K, L, H, hoc est, quam C, ad F. Eadem ratione, cum C, & F, multiplicantes H, fecerint O, & B, erit, ut C, ad F, ita O, ad B. Quinque igitur numeri A, M, N, O, B, continue proportionales sunt in ratione C, ad F; Ac proinde tot medij proportionales cadunt inter A, & B, quot inter A, uel B, & unitatem, cum multitudo M, N, O, facta sit æqualis multitudini C, D, E, uel F, G, H.

Quocirca si inter duos numeros, & unitatem, continue proportionales ceciderint numeri, &c.

Quod erat demonstrandum.

SCHOLIION.

Ex his constat, numeros, qui medij proportionales cadunt inter A, & B, proportionem habere, quam duo numeri unitati propinquiores, quales sunt C, & F.

PATET etiam ex hac demonstratione, si quotquot numeri fuerint ab unitate continue proportionales, secundum ab unitate in se multiplicatum producere tertium, & ex eodem in hunc fieri quartum; & ex eodem in hunc gigni quintum, & sic deinceps. Demonstratum enim est, existentibus C, D, E, A, continue proportionalibus ab unitate D, tertium fieri ex C, secundo in se; & E, ex C, in D; & A, ex eodem C, in E, &c.

LIBET hoc loco nonnulla alia theorematata demonstrare ad numeros continue proportionales pertinentia, quæ tum ad ea, quæ sequuntur; tum ad alia multa erunt utilia; hinc initium sumentes.

SI sint ab unitate duo ordines numerorum continue proportionalium, & multitudine æqualium; habebunt tertij ab unitate proportionem duplicatam eius, quam habent secundi ab unitate; quarti uero eiusdem triplicatam; & quinti quadruplicatam; & semper deinceps uno amplius.

SINT numeri A, B, C, D, continue ab unitate proportionales, & ab eadem totidem alij E, F, G, H: Dico proportionem B, tertij ab unitate ad F, ab eadem tertium, duplicatam esse eius, quam habet A, secundus ad E, secundum, &c. Quoniam inter utrunque numerorum B, F, & unitatem cadit medius unus proportionalis; inter B, quidem & unitatem, numerus A: At inter F, & unitatem numerus E; cadet quoque inter B, & F, unus medius proportionalis: atque adeo, per scholium huius propos, in ratione A, ad E. Cadat igitur, & sit I. Eodem modo

D, 81. M, 108. N, 144. O, 192. H, 256.
 C, 27. K, 36. L, 48. G, 64.
 B, 9. I, 12. F, 16.
 A, 3. E, 4.
 Vni. - tas

I.

II

IO. octavi.

do cadent inter C, & G, duo medij in eadem proportione A, ad E, qui sint K, L; quot nimirum cadunt inter utrumque C, G, & unitatem. Nec non inter D, H, tres, qui sint M, N, O, in eadem ratione A, ad

D, 81. M, 108. N, 144. O, 192. H, 256. E, proportionales.

C, 27. K, 36. L, 48. G, 64. Quonia igitur ex

B, 9. I, 12. F, 16. desin. B, ad F, pro-

A, 3. E, 4. portionē habet du-

Vni-tas plicatam eius, quā

habet B, ad I: Eff-

autem ut B, ad I, ita A, ad E; Habebit quoque B, ad F, ratio-
nem duplicatam eius, quam habet A, ad E. Non aliter habe-
bit C, ad G, rationem triplicatam rationis A, ad E; quia ratio
C, ad G, triplicata est proportionis C, ad K; & est ut C, ad K,
ita A, ad E. Sic etiam D, ad H, rationem habebit quadruplica-
tam rationis A, ad E, & sic de ceteris.

Hoc idem demonstrabimus, si fuerint duo ordines nume-
rorum continue proportionalium, ab aliquo numero eodem in-
cipientes. Unde hoc idem theorema ita proponemus.

II.

Sint ab aliquo numero eodem duo ordi-
nes numerorum continue proportionalium, &
multitudine æqualium; Habebunt tertij ab illo
numero proportionem duplicatam eius, quam
habent secundi ab eodem; quarti uero eiusdem
triplicatam; & quinti quadruplicatam; & sem-
per deinceps uno amplius.

Sint ab A, numero continue proportionales B, C, D, F, et
ab eodem eoridem alij E, G, H, I. Dico rursum, proportionis
B, ad F, esse duplicatam proportionem C, ad G; & D, ad H, tri-
plicatam; & E, ad I, quadruplicatam. Ex A, in se fiat K, &
ex A, in K, fiat L; & ex A, in L, fiat M. Similiter ex B, in se
fiat N; & ex B, in N, fiat O; & ex B, in O, fiat P. Postremo
ex F, quoque in se fiat Q; & ex F, in Q, fiat R; & ex F, in R,
fiat S. Quibus peractis, erunt A, K, L, M, continue propor-
tionales ab unitate, ut constat ex scholio propos. 9. huius lib.
Eademq;

Eademque ratione erunt B, N, O, P, ab unitate proportionales; necnon & F, Q, R, S. Quia igitur ratio N, ad K, duplicata est, rationis B, ad A, ex theoremate 1. huius scholij: Est autem, ex desin. eiusdem rationis B, ad A, duplicata quoque ratio C, ad A; Erit C, ad A, vt N, ad K. Eodem modo erit A, ad G, vt K, ad Q. Nam ex eodem 1. theoremate, est ratio K, ad Q, duplicata rationis A, ad F; &

eiusdem, ex desin. duplicata est ratio A, ad G. Quare cum sit C, ad A, vt N, ad K; & A, ad G, vt K, ad Q; erit ex aequo C, ad G, vt N, ad Q. Atque ratio N, ad Q, duplicata est rationis B, ad F, ex theoremate 1. huius scholij. Igitur & ratio C, ad G, duplicata est rationis B, ad F. Eisdem argumentis erit ratio D, ad H, triplicata rationis B, ad F. Nam ratio O, ad L, ex 1. theoremate, triplicata est rationis B, ad A; & eiusdem triplicata est ratio D, ad A, ex desin. Igitur est D, ad A, vt O, ad L. Eodemque modo est A, ad H, ut L, ad R, quod utraque proportio triplicata sit proportionis A, ad F. Est ergo ex aequo D, ad H, vt O, ad R; sed ratio O, ad R, triplicata est rationis B, ad F, ex 1. theor. Igitur & ratio D, ad H, triplicata est eiusdem rationis B, ad F. Nō

secus demonstrabimus rationem E, ad I, esse quadruplicatam rationis B, ad F. Atque ita deinceps.

IDEM omnino demonstrabitur, si numeri unius ordinis desināt in unitatem, ut ex hac subiecta figura est manifestū, in qua I, est unitas.

CAETERVM theoremata hoc demonstrabimus etiam in lineis ab una & eadem linea proportionalibus, lib. 14. propos. 28. licet non in quocunque lineis. Vnde multo generalius est hoc in numeris, quam illud in lineis. Ex his autem in hunc

E, 162.	Vnitus.	I, 512.
D, 54.	.	H, 128.
C, 18.	.	G, 32.
B, 6.	.	F, 8.
	A, 2.	
	N, 36. K, 4. Q, 64.	
	O, 216. L, 8. R, 512.	
P, 1296.	M, 16.	S, 4096.

F, 81.	Vnitus.	I, 1.
D, 54.	.	H, 2.
C, 36.	.	G, 4.
B, 24.	.	F, 8.
	A, 16.	
	N, 575. K, 256. Q, 64.	
	O, 13824. L, 4096. R, 512.	
P, 331776.	M, 65536.	S, 4096.

modum demonstratis efficiemus propositionem hanc 10. Euclidis magis vniuersalem, hoc modo.

III.

SI inter duos numeros, & aliquem alium numerum assumptum, continue proportionales ceciderint numeri; quot inter utrumque ipsorum, & assumptum, deinceps medij continua proportione cadunt numeri, totidem & inter ipsos medij continua proportione cadent.

CADANT inter utrumque numerorum A, B , & assumptum numerum C , quotlibet numeri continue proportionales; inter A , quidem $A, 162. Q, 216. R, 288. S, 384. B, 512.$ & C , numeri D, E, F ; inter B , vero & C , totidem numeri $G, H, I, K, 9. L, 12. M, 16.$ Dico tot quoque medios continue proportionales ca-

dere inter A , & B , quot inter A , & C , & inter B , & C . Item tot inter F , & I , quot inter F , & C , & inter I , & C . Et tot inter E , & H , quot ter E , & C , & inter H , & C . Sumptis enim tribus K, L, M , minimis in ratione D , ad G ; erit ex defn. ratio K , ad M , duplicata rationis K , ad L , hoc est D , ad G : Sed per theor. 2. huius scholij, ratio quoque E , ad H , duplicata est eiusdem rationis D , ad G . Igitur est ut K , ad M , ita E , ad H ; Atque adeo cum inter K , & M , cadat vnus medius proportionalis L , cadet quoque vnus medius, nempe N , inter E , & H , quemadmodum & inter E , & C , & inter H , & C , vnus medius cadit. Simili modo ostendemus, inter F , & I , duos medios cadere, sicut & inter F , & C , & inter I , & C , duo medij cadunt; si sumantur quatuor minimi numeri in ratione D , ad G . Et eadem ratione inter A , & B , tres medij cadent, si in eadem proportione D , ad G , sumantur quinque numeri minimi.

Hoc etiam verum est, si loco alterius numeri, nempe B , unitas assumatur, veluti perspicuum est in hac subiecta figura,

8. octaua.

in qua nu-
mer⁹ B, uni
tas est, ca-
duntque tā
inter A, et
C, quam in-
ter B, & C,
tres numeri

A, 1048576. Q, 32768. R, 1024. S, 32. B, 1.
F, 65536. O, 2048. P, 64. I, 2.
E, 4096. N, 128. H, 4.
D, 256. G, 8.
C, 16.
K, 1024. L, 32. M, 1.

cōtinue proportionales, quot scilicet inter A, & B, cadunt & c.
Ex his etiam apparet, numeros, qui medij proportionales ca-
dunt inter A, & B; necnon inter F, & I; atque inter E, &
H, proportionem habere, quam duo numeri D, & G, numero as-
sumpto C, proinquiret.

THEOR. 9. PROPOS. II. II.

DVORVM quadratorum numero-
rum unus medius proportionalis est nume-
rus: Et quadratus ad quadratum duplicatā
habet lateris ad latus rationem.

SINT quadrati numeri A, & B, quorum latera C, &
D. Dico inter A, & B, unum medium proportionalem nu-
merum cadere: & proportionem A, ad B, quadrati ad qua-
dratum, esse duplicatam proportionis C, ad D, lateris ad la-
tus. Multiplicantes se mutuo C &
D, faciant E. Quia igitur C, multi-
plicans seipsum fecit A, quadratū,
ex defn. quadrati; & ipsum D, mul-
tiplicans fecit E, ex constructione; erit ut C, ad D, ita A, ad
E. Rursus, quia D, multiplicans C, fecit E, ex constructio-
ne; & multiplicans seipsum, ex defn. quadrati, fecit B, qua-
dratum; erit quoque, ut C, ad D, ita E, ad B. Quare A, E,
B, continue proportionales sunt in ratione laterum C, & D.
Ac proinde inter quadratos A, & B, medius continue pro-
portionalis cadit E. Quia uero, existentibus A, E, B, conti-
nue proportionalibus, numerus A, ad B, duplicatam rationē

17. septimi

habet eius, quam habet A, ad E; duplicatam quoque rationem habebit A, quadratus ad B, quadratum, eius, quam habet C, latus ad latus D; cum hæc proportio eadem sit, quæ A, ad E. Duorum ergo quadratorum numerorum unus medius proportionalis est, &c. Quod demonstrandum erat.

SCHOLIION.

PERSPICVVM est ex dictis, inter duos quadratos numeros cadere numerum medium proportionalem in continua proportione lateris ad latus. Nam eadem est proportio quadrati A, ad E, medium proportionalem, quæ lateris C, ad latus D, ut demonstratum est.

PARI ratione liquet, numerum medium proportionalem E, & utrumlibet quadratorum A, B, esse inter se compositos. Cum enim A, E, B, proportionales sint ostensi in ratione C, ad D, hoc est, esse A, ad E, & E, ad B, ut C, ad D; metiatur autem latus D, quadratum suum B, consequens consequentem, si de proportionibus E, ad B, & C, ad D, loquimur; metietur & C, ipsum E, antecedens antecedentem; quandoquidem est E, ad B, ut C, ad D. Metitur autem & latus C, quadratum suum A; Igitur E, & A, mensuram communem habent C; atque adeo inter se sunt compositi. Similiter cum sit A, ad E, ut C, ad D; & metiatur latus C, suum quadratum A, antecedens antecedentem; metietur quoque D, ipsum E, consequens consequentem. Quare cum & latus D, metiatur suum quadratum B; habebunt E, & B, communem mensuram D; Ideoque compositi erunt inter se. Perspicuum autem est ex hac demonstratione, priorum numerorum A, E, communem mensuram esse C, latus prioris quadrati A; posteriorum vero E, B, mensuram communem esse D, latus quadrati posterioris B.

II.

THEOR. 10. PROPOS. 12.

DVORVM cuborum numerorum duo medij proportionales sunt numeri: Et
cubus

cubus ad cubum triplicatam habet lateris ad latus rationem .

SINT numeri cubi A, & B, quorum latera C, & D. Dico inter A, & B, duos medios numeros continue proportionales cadere: Et proportionem A, ad B, cubi ad cubum, triplicatam esse proportionis C, ad D, lateris ad latus. Multiplicans C, seipsum faciat E, & D, seipsum multiplicans faciat F; At C, & D,

A, 27. H, 36. I, 48. B, 64.
E, 9. G, 12. F, 16.
C, 3. D, 4.

se mutuo multiplicantes faciant G; Multiplicantes uero G, faciant H, & I. Quoniam igitur C, seipsum, & D, multiplicans fecit E, & G; erit, ut C, ad D, ita E, ad G. Eadem ratione, cum D, multiplicans C, & seipsum, fecerit G, & F; erit quoque ut C, ad D, ita G, ad F; proptereaque E, G, F, continue proportionales sunt in ratione C, ad D. Rursus, quia ex defn. cubi C, ipsum E, multiplicans fecit A; & ex constructione multiplicans ipsum G, fecit H; erit ut E, ad G, hoc est, ut C, ad D, ita A, ad H. Similiter cum D, ipsum G, multiplicans fecerit, ex constructione, numerum I; multiplicans uero ipsum F, ex defn. cubi, fecerit cubum B; erit quoque, ut G, ad F, hoc est, ut C, ad D, ita I, ad B: Est autem & H, ad I, ut C, ad D; quod C, & D, ipsum G, multiplicantes fecerunt ex constructione, H, & I. Igitur A, H, I, B, continue sunt proportionales in ratione C, ad D; Atque adeo inter cubos A, & B, duo medij H, & I, cadunt continue proportionales. Quoniam uero, existentibus A, H, I, B, continue proportionalibus, numerus A, ad B, triplicatam habet rationem eius, quam habet A, ad H; triplicatam quoque rationem: habebit A, ad B, cubus ad cubum, eius, quam habet C, ad D, latus ad latus; cum sit C, ad D, ut A, ad H. Quia ob rem duorum cuborum numerorum duo medij proportionales sunt numeri, &c. Quod erat ostendendum.

17. septimi

17. septimi

18. septimi

SCHOLIUM.

HIC quoque manifestum est, inter duos cubos cadere duos numeros

numeros medios proportionales in continua proportione lateris ad latus. Ofsensum enim est, ita esse A , ad H , & H , ad I , & I , ad B , ut C , ad D .

EODEM modo constat, duos numeros medios proportionales H, I , & vtrumlibet cuborum A, B , esse inter se compositos. Cum enim A, H, I, B , offensi sint proportionales in ratio-

<p>$A, 27. H, 36. I, 48. B, 64.$ $E, 9 G, 12. F, 16.$ $C, 3. D, 4.$</p>	<p>ne C, ad D; hoc est, esse A, ad H, & I, ad B, ut C, ad D. Metiatur autem latus D, cubum suum B, consequens consequentem, si de propor-</p>
--	---

tionibus I , ad B , & C , ad D , loquamur; metietur quoque C , ipsum I , antecedens antecedentem, quandoquidem est I , ad B , ut C , ad D . Metiatur autem & latus C , cubum suum A ; immo et ipsum H , quod H , factus sit ex multiplicatione C , in G , ex constructione. Igitur A, H, I , communem habent mensuram C ; atque adeo inter se compositi sunt. Similiter cum sit A , ad H , ut C , ad D ; metiatur autem latus C , cubum suum A , antecedens antecedentem; metietur quoque D , ipsum H , consequens consequentem. Metiatur autem & latus D , cubum suum B ; immo & ipsum I , quod I , factus sit ex multiplicatione D , in G , ex constructione. Igitur H, I, B , communem mensuram habent D ; ac proinde sunt inter se compositi. Manifestum autem etiam hic est priorum trium numerorum A, H, I , communem mensuram esse C , latus cubi prioris A ; posteriorum vero trium H, I, B , mensuram communem esse D , latus posterioris cubi B .

12. THEOR. II. PROPOS. 13.

SI sint quotlibet numeri deinceps proportionales, & multiplicans quisque seipsum faciat aliquos; qui ab illis producti fuerint, proportionales erunt: Et si numeri primum positi multiplicantes iam factos fecerint aliquos: ipsi quoque proportionales erunt: Et semper circa extremos hoc eueniet.

SINT

SINT continue proportionales A, B, C, qui seipfos multiplicantes faciant D, E, F; multiplicantes autem ipfos D, E, F, faciant G, H, I; & rursus multiplicantes ipfos G, H, I, faciant K, L, M, & ita deinceps. Dico quoque D, E, F, & G, H, I, & K, L, M, continue esse proportionales. Multiplicantes A, & B, se mutuo faciant N; & B, C, se mutuo multiplicantes faciant O. Deinde A, multiplicans N, E, faciat P, Q. Item B, multiplicans O, F, faciat R, S. Simili

A, 2. B, 4. C, 8.

D, 4. N, 8. E, 16. O, 32. F, 64.

G, 8. P, 16. Q, 32. H, 64. R, 128. S, 256. I, 512.

K, 16. T, 32. V, 64. X, 128. L, 256. Y, 512. Z, 1024. B, 2048. M, 4096.

modo A, multiplicans P, Q, H, faciat T, V, X; & B, multiplicans R, S, I, faciat Y, Z, &c. Quoniam igitur A, multiplicans seipsum, & B, fecit D, & N; erit ut A, ad B, ita D, ad N. Eodem modo, quia B, multiplicans A, & seipsum, fecit N, & E; erit etiam, ut A, ad B, ita N, ad E. Sunt igitur D, N, E, continue proportionales in ratione A, ad B. Rursus, quia B, seipsum, & numerum C, multiplicans fecit E, & O; erit ut B, ad C, ita E, ad O. Eademque ratione, cum C, multiplicans B, & seipsum, fecerit O, & F; erit, ut B, ad C, ita O, ad F; proptereaque & E, O, F, continue proportionales sunt in ratione B, ad C, seu A, ad B. Quare cum D, N, E, in eadem ratione sint continue proportionales, in qua E, O, F, erit ex æquo D, ad E, ut E, ad F; atque adeo D, E, F, continue proportionales sunt.

17. septimi

17. septimi

DEINDE, quia A, multiplicans D, N, E, fecit G, P, Q; erunt ex ijs, quæ ad propos. 18. lib. 7. ostendimus, G, P, Q, in eadem ratione, in qua D, N, E, hoc est in ratione A, ad B, proportionales. Item quia A, & B, multiplicantes E, fecerunt Q, & H; erit quoque, ut A, ad B, ita Q, ad H. Sunt ergo G, P, Q, H, proportionales in ratione A, ad B. Similiter, quia B, multiplicans E, O, F, fecit H, R, S; erunt ex demonstratis ad propos. 18. lib. 7. H, R, S, proportionales in ratione E, O, F, hoc est B, ad C, seu A, ad B. Et eodem modo, cum B, C, multiplicantes F, fecerint S, & I; erit ut B, ad C, hoc est, ut A, ad B, ita S, ad I; proptereaque & H,

17. septimi

18. septimi

& H, R, S, I, proportionales sunt in ratione A, ad B. Quo circa, cum G, P, Q, H, eandem habeant proportionem con

A, 2. B, 4. C, 8.

D, 4. N, 8. F, 16. O, 32. F, 64.

G, 8. P, 16. Q, 32. H, 64. R, 128. S, 256. I, 512.

K, 16. T, 32. V, 64. X, 128. L, 256. Y, 512. Z, 1024. R, 2048. M, 4096.

tinuam, quam H, R, S, I; erit ex æquo G, ad H, ut H, ad I; Ac proinde G, H, I, continue sunt proportionales.

NON dissimili argumento demonstrabimus & K, L, M, esse continue proportionales; & eodem modo in alijs procedemus. Igitur si sint quolibet numeri deinceps proportionales, & multiplicans quisque seipsum, &c. Quod ostendendum erat.

SCHOLIUM

SUNT autem, ut ex demonstratione liquet, numeri primo producti D, E, F, proportionales in duplicata ratione ditorum numerorum A, B, C. Nam D, ad E, habet proportionem duplicatam eius, quam habet D, ad N, hoc est, A, ad B, &c.

ITA quoque numeri secundo geniti G, H, I, erunt in ratione triplicata A, ad B: Et numeri tertio procreati, in quadruplicata, & sic deinceps semper uno amplius.

BREVIS propositionem totam demonstrabimus hac ratione. Fiant ex A, B, C, continue proportionalibus in seip-

fos, numeri D, E, F; & in hos

A, 2. B, 4. C, 8.

D, 4. E, 16. F, 64.

G, 8. H, 64. I, 512.

K, 16. L, 256. M, 4096.

ex eisdem numeri G, H, I; &

rursum ex eisdem in hos numeri

K, L, M. Dico D, F, F; & G,

H, I; & K; L, M, esse quoque

continue proportionales. Nam

ex scholio propos. 9. huius lib. tam A, D, G, K, quam B, F, H, L; & C, F, I, M, continue sunt ab unitate proportionales. Quare ex 1. theoremate scholij propos. 10. huius lib. erit D, ad E, in duplicata ratione A, ad B, vel B, ad C. Sed eiusdem rationis F, ad C, duplicata est ratio E, ad F, per idem theoremata. Igitur D, E, F, continue sunt proportionales in duplicata ratione A, ad

A, ad *B*, & *B*, ad *C*. Eodem modo ostendemus *G*, *H*, *I* esse proportionales continue in triplicata ratione rationis *A*, ad *B*, & *B*, ad *C*: At vero *K*, *L*, *M*, in quadruplicata, atque ita de ceteris.

Ex qua rursus demonstratione apparet, numeros primum productos esse in duplicata ratione datorum numerorum; secundo vero procreatos, in triplicata, &c. Id quod luce clarius elicitur ex 1. theor. scholij propos. 10. huius lib.

QVAMVIS autem in utraque demonstratione huius propos. 13. dati sint tantum tres numeri continue proportionales *A*, *B*, *C*; eandem tamen propositionem demonstrabimus, etiam si plures fuerint, quam tres. Sint namque numeri plures, quam tres *A*, *B*, *C*, *D*, continue

proportionales, qui se ipsos multiplicantes faciunt
A, 2. *B*, 4. *C*, 8. *D*, 16.
E, 4. *F*, 16. *G*, 64. *H*, 256.
E, *F*, *G*, *H*; postea vero
I, 8. *K*, 64. *L*, 512. *M*, 4096.
multiplicantes ipsos *E*, *F*,

G, *H*, faciant *I*, *K*, *L*, *M*, & sic deinceps. Quoniam igitur *E*, *F*, *G*, ex demonstratis, proportionales sunt in ratione *A*, ad *B*: Item *F*, *G*, *H*, in ratione *B*, ad *C*, hoc est, in eadem ratione *A*, ad *B*; cum illi producti sint ex *A*, *B*, *C*, proportionalibus in se ipsos: hi vero ex *B*, *C*, *D*, proportionalibus quoque in se ipsos: Erunt *E*, *F*, *G*, *H*, continue proportionales. Non secus proportionales erunt *I*, *K*, *L*, *M*; & alij deinceps eodem modo producti.

THEOR. 12. PROPOS. 14.

13.

SI quadratus numerus quadratum numerum metiatur; & latus unius metietur latus alterius. Et si unius quadrati latus metiatur latus alterius; & quadratus quadratum metietur.

METIATUR quadratus *A*, cuius latus *C*, quadratum *B*, cuius latus *D*. Dico & latus *C*, latus *D*, metiri. Multiplicantes enim se mutuo *C*, & *D*, faciant *E*. Quoniam igitur,
 ut

7. *ostendi.*

veliquet ex demonstratione propos. 11. huius lib. A, E, B, continue proportionales sunt in ratione C, ad D; Metitur autem A, primus extremum B; metietur quoque A, primus secundum C, 2. D, 6. E. Quare cum sit ut A, ad E, ita C, ad D; & C, latus latus D, metietur,

METIATUR iam C, latus latus D. Dico & quadratum A, quadratum B, metiri. Eodem enim modo erit, ut C, ad D, ita A, ad E, propterea quod A, E, B, continue proportionales sunt in ratione C, ad D, ut demonstratum est propos. 11. huius lib. Quare cum C, metiatur D, metietur quoque A, primus E, secundum; ac proinde & extremum B, metietur, ex theoremate 2. scholij propos. 6. huius lib. Si quadratus ergo numerus quadratum numerum metiatur, &c. Quod erat ostendendum.

14.

THEOR. 13. PROPOS. 15.

SI cubus numerus cubum numerum metiatur; & latus unius metietur latus alterius. Et si latus unius cubi latus alterius metiatur; & cubus cubum metietur.

METIATUR cubus A, cuius latus C, cubum B, cuius latus D. Dico & latus C, metiri latus D. Uterque C, & D, se ipsum multiplicans faciat E, & F; multiplicantes autem se mutuo faciant

A, 8. H, 24. I, 72. B, 216.

E, 4. G, 12. F, 36.

C, 2. D, 6.

G: Multiplicantes denique G, faciant H, I.

Quoniam igitur, ut ap

paret ex demonstratione propos. 12. huius lib. tam E, G, F, quam A, H, I, B, continue sunt proportionales in ratione C, ad D; Metitur autem A, primus B, extremum; metietur quoque idem A, primus H, secundum. Cum ergo sit, ut A, ad H, ita C, ad D; metietur & C, latus latus D.

7. *ostendi.*

METIATUR iam C, latus latus D. Dico & A, cubum metiri

metiri cubum B. Eodem enim argumento erit, ut C, ad D, ita A, ad H, propterea quod A, H, I, B, continue proportionales sunt in ratione C, ad D, ut ostensum est propos. 12. huius lib. Quapropter metiente C, latere latus D, metietur & A, ipsum H; ac idcirco & extremum B, cubus cubum, ex ijs, quæ ad propos. 6. huius lib. demonstravimus. Itaque si cubus numerus cubum numerum metiatur, &c. Quod erat demonstrandum.

THEOR. 14. PROPOS. 16.

15.

SI quadratus numerus quadratum numerum non metiatur; neq; latus unius metietur alterius latus. Et si latus unius quadrati non metiatur latus alterius: neq; quadratus quadratum metietur.

SINT quadrati A, & B, quorum latera C, & D; Non metiatur autem A, ipsum B. Dico neque C, latus metiri latus D. Si enim fieri potest, metiatur C, ipsum D. Quia igitur C, latus quadrati A, metitur D, latus quadrati B; metietur & quadratus A, quadratum B.

14. offani

Quod est absurdum; Ponitur enim non metiri. Non, ergo latus C, metietur latus D.

SEDIAM latus C, non metiatur latus D. Dico quod nec quadratus A, quadratum B, metietur. Si namque A, metiri dicatur ipsum B; metietur quoque C, latus illius D, latus huius. Quod est absurdum. Ponitur enim non metiri. Igitur quadratus A, quadratum B, non metietur. Quapropter si quadratus numerus quadratum numerum non metiatur, &c.

14. offani

Quod erat ostendendum.

THEOR

15.

THEOR. 15. PROPOS. 17.

SI cubus numerus cubum numerum non metiatur; neque latus unius latus alterius metietur. Et si latus cubi unius latus alterius non metiatur; neque cubus cubum metietur.

15. octavi. S I N T cubi A, & B, quorum latera C, & D; Non metiatur autem A, ipsum B. Dico quod nec latus C, latus D, metietur. Si enim C, dicatur metiri D; metietur quoque A, cubus cubum B. Quod est absurdum, cum ponatur non metiri. Non ergo latus C, latus D, metietur.

15. octavi. S E D iam C, latus non metiatur latus D. Dico quod nec cubus A, cubum B, metietur. Nam si metiri dicatur; metietur etiam C, latus latus D. Quod est absurdum. Ponitur enim non metiri. Non igitur A, cubus cubum B, metietur. Quocirca, si cubus numerus cubum numerum non metiatur, &c. Quod demonstrandum erat.

SCHOLION.

PROXIME antecedentes quatuor propositiones hoc etiam modo proponi possunt, si maiores numeri ad minores referantur.

SI quadratus numerus quadrati numeri, & cubus cubi, sit multiplex; & unius latus lateris alterius multiplex erit. Et si unius quadrati, & cubi latus lateris alterius sit multiplex; & quadratus quadrati, & cubus cubi multiplex erit. Si vero quadratus quadrati, & cubus cubi non sit multiplex; neque latus lateris erit multiplex. Et si latus lateris non sit multiplex; neque quadratus

dratus quadrati, neq; cubus cubi erit multiplex.

NAM si quadratus *A*, quadrati *B*, & cubus *A*, cubi *B*, sit multiplex; metietur *B*, quadratus quadratum *A*, & cubus *B*, cubum *A*. Igitur & latus *D*, latus *C*, metietur; ac proinde latus *C*, lateris *D*, multiplex erit.

14. & 15.
octavi.

QUOD si latus *C*, lateris *D*, multiplex sit; metietur latus *D*, latus *C*. Igitur & *B*, ipsum *A*, quadratus quadratum, & cubus cubum metietur; Ac propterea *A*, ipsum *B*, quadratus quadrati, & cubus cubi, erit multiplex.

A, 36. *B*, 9.
C, 6. *D*, 3.
A, 64. *B*, 8.
C, 4. *D*, 2.

14. & 15.
octavi.

AT vero si *A*, ipsum *B*, quadratus quadrati, & cubus cubi, non sit multiplex; non metietur *B*, ipsum *A*, quadratus quadrati, aut cubus cubi. Igitur neque latus *D*, latus *C*, metietur. Quare *C*, latus lateris *D*, non erit multiplex.

A, 49. *B*, 9.
C, 7. *D*, 3.
A, 125. *B*, 8.
C, 5. *D*, 2.

16. & 17.
octavi.

SIMILITER si *C*, latus lateris *D*, non sit multiplex; non metietur *D*, latus latus *C*. Igitur nec *B*, ipsum *A*, quadratus quadratum, nec cubus cubum metietur; Atque adeo *A*, ipsum *B*, quadratus quadrati, & cubus cubi, multiplex non erit.

16 & 17.
octavi.

THE OR. 16. PROPOS. 18.

16,

DVORVM similium planorum numerorum unus medius proportionalis est numerus: Et planus ad planum duplicatam habet lateris homologi ad latus homologum rationem.

SINT plani numeri similes *A*, *B*, & latera illius sint *C*, *D*, huius vero illis proportionalia *E*, *F*, ita ut *C*, *D*, se mutuo multiplicantes faciant *A*; & *E*, *F*, mutuo se multiplicantes faciant *B*; sitque ut *C*, ad *D*, ita *E*, ad *F*. Dico inter *A*; & *B*, cadere unum numerum medium proportionalem, &

Pp propor-

proportionem A , ad B , esse duplicatam proportionis laterum homologorum C , F , uel D , F . Multiplicantes se mutuo D , E , faciant G . Quoniam igitur est C , ad D , ut E , ad F ; erit

17. septimi

A , 12. G , 18. B , 27.

F . Et quia D , multiplicans C , & E , fecit A , & G ; erit A , ad G , ut C , ad E , hoc est, ut D , ad

F . Similiter quia E , multiplicans D , & F , fecit G , & B ; erit quoque G , ad B , ut D , ad F . Proportionales ergo sunt A , G , B , in ratione C , ad E , uel D , ad F ; Atque adeo inter A , & B , medius proportionalis cadit G .

QVI A uero, existentibus A , G , B , continue proportionalibus, A , ad B , duplicatam habet rationem eius, quam habet A , ad G , hoc est, C , ad E , uel D , ad F ; perspicuum est proportionem numeri plani A , ad planum B , esse duplicatam eius, quam habet C , ad E , uel D , ad F , latus homologum ad latus homologum. Duorum igitur similium planorum numerorum, &c. Quod erat demonstrandum.

S C H O L I O N.

QVI A ostensum est A , G , B , esse proportionales in ratione C , ad E , uel D , ad F ; manifestum est, inter duos similes planos A , & B , cadere medium proportionalem G , in ratione laterum homologorum C , F , uel D , F , assumptorum.

CONSTAT etiam ex his, medium proportionalem G , & utrumlibet planorum A , B , esse inter se compositos. Cum enim ostensi sint A , G , B , proportionales in ratione C , ad E , uel D , ad F , id est, esse A , ad G , & G , ad B , ut C , ad E , uel D , ad F ; meriantur autem E , F , latera numerum B , cuius sunt latera, consequentes consequentem, si de proportionibus G , ad B , & C , ad E , uel D , ad F , loquamur; merientur quoque C , D , ipsum G , antecedentes antecedentem, quod sit G , ad B , ut C , ad E , uel D , ad F . Atqui & C , D , latera meriuntur numerum A , cuius sunt latera. Igitur G , A , mensuram communem habent tam C , quam D ; Ac proinde compositi sunt inter se. Rursus cum sit A , ad G , ut C , ad E , uel D , ad F ; meriantur autem C , D , latera suum planum A , antecedentes antecedentem; merientur etiam E , F , ipsum G , consequentes consequentem. Quare

re cum E, F , latera suum planum B , metiatur, habebunt G, B , communem mensuram tam E , quam F , ideoque erunt inter se compositi.

Ex qua demonstratione etiam manifestum relinquitur, priorum duorum numerorum A, G , communes mensuras esse C, D , latera prioris plani A ; posteriorum autem G, B , mensuras communes esse E, F , latera plani posterioris B .

THEOR. 17. PROPOS. 19.

18.

DVORVM similium solidorum numerorum duo medij proportionales sunt numeri: Et solidus ad solidum triplicatam rationem habet lateris homologu ad latus homologum.

SINT solidi numeri similes A, B , & latera illius sint C, D, E , huius vero illis proportionalia F, G, H , ita ut sit $C, ad D$, quemadmodum $F, ad G$; & $D, ad E$, sicut $G, ad H$. Dico inter $A, & B$, cadere duos medios proportionales, & proportionem $A, ad B$, esse triplicatam eius, quam habent latera homologa C, F , uel D, G , uel E, H . Multiplicantes se mutuo C, D , faciant I ; & F, G , se mutuo multiplicantes faciant K . Item D, F , se mutuo multiplicantes faciant L . Ostremo E, H , ipsum L , multiplicantes faciant M, N . Quia igitur C, D, E , ipsis F, G, H , proportionales sunt; erunt & permutando proportionales, nimirum ut $C, ad F$, ita $D, ad G$, & $E, ad H$. Quoniam uero D , multiplicans C , & F , fecit I , & L ; erit ut $C, ad F$, ita $I, ad L$. Simili modo, quia F , multiplicans D , & G , fecit $L, & K$; erit quoque ut $D, ad G$, ita $L, ad K$. Sunt ergo I, L, K , continue proportionales in ratione $C, ad F$, uel $D, ad G$, uel $E, ad H$. Et quoniam A , solidus factus est ex mutua multiplicatione la-

A, 30. M, 60. N, 120. B, 240.
I, 6. L, 12. K, 24.
C, 2. D, 3. E, 5. F, 4. G, 6. H, 10.

17. septimi

terum C, D, E; factus est autem I, ex multiplicatione mutua C, D; fit ut E, multiplicans I, faciat A. Eodem modo cum B, solidus factus fit ex mutua multiplicatione laterum F, G; H; & K, factus ex mutua multiplicatione F, G; numerus H, ipsum K; multiplicans faciet B. Quare cum E, mul-

tiplicans I, & L, fecerit A, & M; erit
 A, 30. M, 60. N, 120. B, 240.
 I, 6. L, 12. K, 24.
 C, 2. D, 3. E, 5. F, 4. G, 6. H, 10.
 hoc est, ut C, ad F,
 uel D, ad G, uel E,
 ad H. Eadem ratione, cum H, multiplicans L, K, fecerit N, & B; erit N, ad B, ut L, ad K, hoc est, ut C, ad F, uel D, ad G, uel E, ad N. Est autem & M, ad N, ut E, ad H; quod E, H, multiplicantes L, fecerint ipsos M, & N. Igitur A, M, N, B, continue sunt proportionales in ratione C, ad F, uel D, ad G, uel E, ad H; Atque idcirco inter A, B, solidos similes duo medij M, N, continue proportionales cadunt.

17 septimi

18 septimi

QVONIAM uero, existentibus A, M, N, B, proportionalibus continue, proportio A, ad B, triplicata est eius, quam habet A, ad M; Est autem A, ad M, ut C, ad F, uel D, ad G, uel E, ad H; Habebit quoque A, ad B, solidus ad solidum, proportionem triplicatam eius, quam habet C, ad F, uel D, ad G, uel E, ad H, latus ad latus homologum Quocirca, Duorum similium solidorum numerorum duo medij, &c. Quod ostendendum erat.

SCHOLIUM

CUM demonstratum sit A, M, N, B, proportionales esse in ratione C, ad F, uel D, ad G, uel E, ad H; liquet inter duos similes solidos A, & B, cadere duos medios proportionales M, & N, in ratione laterum homologorum C, F, uel D, G, uel E, H, assumptorum.

Ex ijs, que dicta sunt, perspicuum etiam est, duos medios proportionales M, N, & utrumlibet solidorum A, B, inter se esse compositos: Cum enim A, M, N, B, ostensi sint proportionales in ratione C, ad F, uel D, ad G, uel E, ad H; hoc est, esse A, ad M, & M, ad N, & N, ad B, ut C, ad F, uel D, ad G, uel E, ad H; metiantur autem F, G, H, latera suum solidum B, consequentes

quentes consequentem ; si de proportionibus N , ad B , & C , ad F , vel D , ad G , vel E , ad H , loquamur ; metietur quoque C, D , E , ipsum N , antecedentes antecedentem ; quod sit N , ad B , ut C , ad F , vel D , ad G , vel E , ad H . Atqui & C, D, E , ipsum M , metiuntur ; (cum enim M , factus sit , per constructionem , ex E , in L ; metietur E , ipsum M . Deinde quia M, N, B , proportionales sunt i pps I, L, K ; metitur autem K , ipsum B , quod B , factus sit ex K , in H ; metietur quoque I , ipsum M ; Metiuntur autem & C, D , latera planum suum I . Igitur & C, D , ex pronuntiato 11. metientur ipsum M ; Atque adeo C, D, E , ipsum M , metientur .) Nec non & ipsum A , nempe latera suum solidum . Ergo A, M, N , habent communem mensuram tam C , quam D , quam E ; Ideoque compositi inter se sunt . Rursus quia est A , ad M , ut C , ad F , uel D , ad G , vel E , ad H ; metiuntur autem C, D, F , latera solidum suum A , antecedentes antecedentem ; metientur quoque F, G, H , ipsum M , consequentes consequentem . Metiuntur uero & F, G, H , ipsum N , (cum enim N , factus sit ex H , in L , per constructionem ; metietur H , ipsum N . Deinde quia A, M, N , ipsi I, L, K , proportionales sunt : metitur autem I , ipsum A , quod A , factus sit ex I , in E ; metietur etiam , ipsum N . Cum ergo & F, G , latera metiantur planum suum K ; metientur quoque F, G , ipsum N ; atque adeo F, G, H , ipsum N , metientur .) Nec non & ipsum B , nimirum latera suum solidum . Igitur M, N, B , communem habent mensuram tam E , quam G , quam H . Quare sunt inter se compositi . Ex quibus liquido constat, priorum trium numerorum A, M, N , communes esse mensuras C, D, E , latera prioris solidi A ; At uero F, G, H , latera posterioris solidi B , communes mensuras esse posteriorum trium numerorum M, N, B .

THEOR. 18. PROPOS. 20.

17.

SI inter duos numeros unus medius proportionalis cadat numerus ; Similes plani erunt illi numeri .

CADAT inter $A, & B$, medius proportionalis C . Dico $A, & B$, esse planos similes . Sumantur $D, & E$, minimi in ratione

21. septimi

tionē A, C, B. Quia igitur D, E, minimi sunt in ratione A, ad C; metientur D, & F, ipsos A, & C, æque metiantur per F. Similiter æque metientur ipsos C, & B: metiantur per G.

9. pron.

Itaque F, multiplicans D, & E, faciet A, & C: Item G, eodē modo D, & E, multiplicans faciet C, & B. Quia ergo E, multiplicans F,

17. septimi

& G, fecit C, & B; erit, ut C, ad B, ita F, ad G; Ut autem C, ad B, ita erit D, ad E: Igitur erit ut D, ad E, ita F, ad G; & permutando ut D, ad F, ita E, ad G. Quoniam uero F, multiplicans D, fecit A; erit A, planus, cuius latera D, F. Similiter modo, quia G, multiplicans E, fecit B; erit & B, planus cuius latera E, G. Cum ergo hæc latera ostensa sint esse proportionalia, nempe D, ad F, ut E, ad G; erunt ex defn. A, B, plani similes. Quare si inter duos numeros unus, &c. Quod demonstrandum erat.

19.

THEOR. 19. PROPOS. 21.

SI inter duos numeros duo medij proportionales cadant numeri; Similes solidi sunt illi numeri.

20. octavi

CADANT inter A, & B, duo medij proportionales C, D. Dico A, & B, esse similes solidos. Sumantur tres E, F, G, minimi in ratione A, C, D, B. Quoniam igitur inter E, & G, medius cadit proportionalis F; erunt E, & G, plani similes. sint ipsius E, latera H, I; ipsius uero G, latera il-

21. septimi

lis proportionalia K, L. Et quia E, F, G, minimi in ratione A, C, D, existentes, æque metiantur ipsos A, C, D, eiusdem rationis cū illis; metiantur per M. Eodemque modo, quia E, F, G, æque metiuntur C, D, B, eandē habentes

habentes rationem cum illis; metiantur per N, ita ut M, multiplicans E, F, G, faciat A, C, D; & N, multiplicans eosdem E, F, G, faciat C, D, B. Factus est autem E, ex multiplicatione mutua suorum laterum H, & I; nec non G, ex mutua multiplicatione suorum laterum K, & L. Igitur A, produci- tur ex mutua multiplicatione H, I, M; & B, ex mutua mul- tiplicatione K, L, N; atque adeo A, solidus est numerus, ex defn. latera habens H, I, M; & B. solidus etiam, latera ha- bens K, L, N. Quia uero M, & N, multiplicantes F, faciunt C, & D, ut ostendimus; erit C, ad D, ut M, ad N: Sunt autem C, & D, in eadem ratione, in qua E, & F, quod N, mul- tiplicans E, & F, fecerit ipsos C, & D; Nec non & E, F, ean- dem habent rationem quam H, K, uel I, L; Etenim inter planos similes E, G, cadit F, medius proportionalis, per coroll. propos. 19. huiuslib. in ratione laterum homologorum H, K, uel I, L. Igitur erit quoque H, ad K, & I, ad L, ut M, ad N; & permutando H, ad I, ut K, ad L; & I, ad M, ut L, ad N. Proportionalia ergo sunt latera H, I, M, lateribus K, L, N; ac propterea similes sunt numeri solidi A, & B: Quia ob rem, si inter duos numeros duo medij proportionales cadant numeri, &c. Quod erat demonstrandum.

9. *prop.*

18. *septimi*

17. *septimi*

SCHOLIUM.

Duo exempla apposuimus, in quorum priori liquido constat, unitatem E, esse planum numerum, & unitates H, I, eius latera, licet improprie, ut in definitione numeri plani monui- mus. Si enim unitatem a numeris planis excludamus, non poterimus hac argumentatione Euclidis demonstrare, numeros A, & B, qui includunt duos medios proportionales C, & D, esse solidos similes. Quod idem continget in alijs omnibus nu- meris, qui habent duos medios proportionales in ratione multi- plici, cuiusmodi sunt etiam A, B. Hoc autem est absurdum, cum Euclides propositionem generaliter proponat, demonstretque sine ulla exceptione.

THEOR. 21. PROPOS. 22.

20.

SI tres numeri deinceps sint proportio

nales, Pp 4

nales; primus autem sit quadratus; Et tertius quadratus erit.

20. octavi

S I N T tres numeri A, B, C, continue proportionales, sitque primus eorum A, quadratus. Dico & tertium C, quadratum esse. Nam cum inter A, 9. B, 54. C, 324. A, & C, cadat medius proportionalis; erunt A, & C, plani similes. Quare existente A, quadrato, erit & C, ei similis, quadratus. Si igitur tres numeri deinceps sint proportionales, &c. Quod demonstrandum erat.

21.

T H E O R . 21 . P R O P O S . 23 .

S I quatuor numeri deinceps sint proportionales, primus autem sit cubus; Et quartus cubus erit.

21. octavi

S I N T quatuor numeri A, B, C, D, proportionales continue, & A, primus sit cubus. Dico & quartum D, cubum esse. Cum enim inter A, & D, cadant duo medii proportionales B, C; erit A, & D, solidi similes. Quare existente A, cubo, erit & D, illi similis, cubus. Quam ob rem, si quatuor numeri deinceps sint proportionales, &c. Quod erat ostendendum.

S C H O L I O N .

H A E C est apud omnes interpretes Euclidis, quos ego vidi, vulgata demonstratio precedentium duarum propositionum; quam qui diligenter examinare velit, inueniet sane mancā esse, & imperfectam. Cum enim ad defn. 21 lib. 7. tradiderimus, duos numeros planos, vel solidos posse similes esse, quibus non quibuscunque lateribus unius exhiberi possint alia latera alterius proportionalia; dummodo quibusdam lateribus unius proportionalia sint quaedam alterius; Iure optimo

quis insciari poterit, si duorum planorum similium vnus fuerit quadratus, alterum quoque quadratum esse, & si duorum similium solidorum vnus cubus fuerit, alterum etiam esse cubum: quod tamen in demonstratione pro concesso, atque omnibus perspicuo assumebatur. Nam positis duobus numeris planis 36. & 64. similibus, satis est, ut duobus lateribus prioris, qualia sunt 3. & 12. exhibeantur alia duo latera posterioris, nimirum 4. & 16. proportionalia. Vnde etiam si prior sit quadratus, habens duo latera equalia 6. & 6. merito dubitare quis possit, immo omnino negare, posteriorem habere alia duo latera his proportionalia, hoc est, inter se quoque equalia, atque adeo esse quadratum: quemadmodum etiam manifestum est, hisce lateribus prioris 4. & 9. uel 2. & 8. non respondere alia latera in posteriori proportionalia. Si igitur his lateribus prioris numeri non reperiuntur alia latera in posteriori proportionalia, quantum ipsi numeri sint similes, cur sine demonstratione illa concedemus, his lateribus prioris equalibus 6. & 6. assignari posse in posteriori alia duo proportionalia, nempe & inter se equalia? Idem dicendum est de solidis similibus. Quapropter utramque propositionem Euclidis aliter demonstrabimus, ad hunc, qui sequitur modum.

S I N T tres numeri A, B, C , continue proportionales, & primus A , quadratus. Dico & C , tertium esse quadratum. Sumpio enim D , latere quadrati A ; cum D , ex defn. in se faciat A ; erunt D , & A , ex scholio propos. 9. huius lib. ab unitate continue proportionales; eritque conueniendo A , ad D , ut D , ad unitatem; atque adeo cum inter numerum A , eundem, & tam numerum C , quam unitatem, cadant medij proportionales multitudine aequales, nempe vnus; cadent quoque totidem, ex theor. 3. scholij propos. 10. huius lib. inter unitatem, atque C , numerum, nimirum vnus, qui sit E . Quosam igitur unitas & E , C numeri sunt continue proportionales; producet C , ex E , in se ipsum, ex scholio propos. 10. huius lib. A c proinde C , quadratus erit, ex defn. cuius latus E .

A L I T E R. Sumptis tribus numeris D, E, F , minimis in ratione A , ad B , & B , ad C ; metietur D , ipsum A , & F , ip-

$A, 36. B, 48. C, 64.$
 $D, 6. E, 8.$
Vni.

sum

sum C, æque, ex ijs, quæ ostendimus ad propos. 21. lib. 7. Et quoniam extremi D, E, minimorum trium numerorum, per coroll.

11. octavi. $A, 36. B, 48. C, 64.$ $D, 9. E, 12. F, 16.$ $L, 6. K, 8. I, 4.$
 1. propos. 2. huius lib. sum quadrati: Est autem & A, quadratus, ex hypothesi; cades inter A, et D, quadratos. medius unus proportionalis, ut G. Quia vero est, ex æquo, ut A, ad C, ita D, ad

8. octavi. $C, 64. H, 32.$
 7. octavi. $F, 16. I, 4.$
 & permutando, ut A, ad D, ita C, ad F; cades quoque inter C, & F, unus proportionalis medius, nempe H. Cum ergo F, primus metiatur C, ultimum; metietur idem & secundum H. Sumpro autem I, latere quadrati F; metiatur I, toties numerus K, quoties F, ipsum H, ita ut H, ad F; & K, ad I, eandem habeant proportionem multiplicem. Sit quoque L, quadratus ipsius K. Itaque quia ratio L, ad F; quadrati ad quadratum, duplicata est rationis K, ad I, lateris ad latus, hoc est, H, ad F: Est autem & ratio C, ad F, eiusdem rationis H, ad F, ex defn. duplicata, quod conuertendo sint proportionales etiam C, H, F; erit L, ad F, ut C, ad F; Ac proinde I, & C, æquales sunt. Existente ergo L, quadrato, ex constructione, & C, quadratus erit.

11. octavi
 20. octavi
 ALITER. Quoniam A, & C, similes plani sunt; sint eorum latera proportionalia, D, E, quidem ipsius A; at F, G, ipsius C, ita ut sit D, ad E, sicut F, ad G: assumaturque H, latus quadrati A. Quoniam igitur idem numerus A, producit ex D, in E, & ex H, in se; erunt D, H, E, continue proportionales. Cum ergo sit F, ad G, ut D, ad E, cadatque inter D, & E, medius proportionalis H; cades quoque inter F, & G, unus medius proportionalis, qui sit I. Quare cum F, I, G, sint continue proportionales; idem numerus fiet ex F, in G, qui ex I, in se ipsum. Fiet autem C, ex F, in G. Igitur & idem C, fiet ex I, in se ipsum: Atque ideo C, quadratus erit, ex definitione.

20. septimi
 $A, 36. B, 48. C, 64.$ $D, 3. E, 12. F, 4. G, 16.$
 8. octavi
 $A, 36. B, 48. C, 64.$ $H, 6. I, 8.$ $D, 6. E, 6. F, 8. G, 8.$
 SINT rursum quatuor numeri A, B, C, D, continue proportionales, & A, primus, sit cubus. Dico & D, quartum, cubum esse. Sumpro enim E, latere cubi A; fiat ex E, in seipsum

20. septimi
 8. octavi
 20. septimi
 SINT rursum quatuor numeri A, B, C, D, continue proportionales, & A, primus, sit cubus. Dico & D, quartum, cubum esse. Sumpro enim E, latere cubi A; fiat ex E, in seipsum

20. septimi
 8. octavi
 20. septimi
 SINT rursum quatuor numeri A, B, C, D, continue proportionales, & A, primus, sit cubus. Dico & D, quartum, cubum esse. Sumpro enim E, latere cubi A; fiat ex E, in seipsum

sum numerus F, ac proinde, ex defm. ex E, in F, cubus A. Quia ergo E, in se facit F, & in F, facit A; erunt, ex scholij propos. 9. huius lib. E, F, A, continne proportionales ab unitate; atque idecirco conuertedo proportionales quoq; erunt numeri A, F, E, & unitas.

Itaque cum inter numerum D, & unitatem, ac eundem numerum A, cadant medij proportionales multitudine aequales, videlicet duo; cadent, ex theorem. 3. scholij propos. 10. huius lib. eoridem medij inter unitatem, & numerum D, qui sint G, H. Itaque quia unitas, & numeri G, H, D, continue sunt proportionales; fiet H, ex G, in se, & D, ex G, in productum H, ut ad propos. 10. huius lib. a nobis est demonstratum. Quare D, cubus est, ex definitione, cuius latus G.

ALITER. Inuentis quatuor numeris minimis E, F, G, H, in ratione A, ad B, & B, ad C, & C, ad D; metietur E, ipsum A, & H, ipsum D, aequae, per ea, quae ad propos. 21. lib. 7. demonstrauimus. Et quia E, H, extremi quatuor minimorum, cubi sunt, ex 1. coroll. propos. 2. huius lib. Est autem & A, cubus, ex hypothesis; cadent inter E,

A, cubos duo medij proportionales, qui sint I, K. Quoniam autem, ex aequo, est ut A, ad D, ita E, ad H; & permutando, ut A, ad E, ita D, ad H; cadent quoque inter H, D, duo medij proportionales, qui sint L, M. Cum ergo H, primus metiatur D, extremum, metietur idem & L, secundum. Sumpto deinde N, latere cubi H; metiatur N, toties numerum O, quoties H, ipsum L; ita ut L, ad H, & O, ad N, eandem habeant proportionem multiplicem: sit quoque P, cubus ipsius O. Itaque cum ratio P, ad H, cubi ad cubum, triplicata sit rationis O, ad N, lateris ad latus, hoc est L, ad H: Sit autem & ratio D, ad H, eiusdem rationis L, ad H, ex defm. triplicata, quod conuertendo proportionales etiam sint D, M, L, H; erit P, ad H, ut D, ad H; Ac propterea P, & D, aequales erunt. Quare cum P, cubus

A, 64. B, 160. C, 400. D, 1000.
F, 16. H, 100.
E, 4. G, 10.
Unitas.

A, 64. B, 160. C, 400. D, 1000.
K, 32. M, 500.
I, 16. L, 250.
E, 8. F, 10. G, 50. H, 125.
P, 1000. O, 10. N, 5.

22

12. octani

11. octani

10. octani

12. octani

8. octani

7. octani

12. octani

cubus sit, ex constructione, cubus quoque erit D.

22. THEOR. 22. PROPOS. 24.

SI duo numeri rationem habeant inter se, quam quadratus numerus ad quadratum numerum, primus autem sit quadratus; & secundus quadratus erit.

SI R A, ad B, ut C, quadratus ad quadratum D; sitque A, quadratus. Dico & B, esse quadratum. Cum enim sit A, ad P, ut C, ad D; cadat autem inter C, & D, quadratos unus medius proportionalis, nempe E; cadet quoque inter A, & B, medius unus, qui sit F. Quia igitur tres numeri sunt continue proportionales A, F, B; & A, primus est quadratus; erit & B, tertius, quadratus. Quare si duo numeri rationem habeant inter se, quam quadratus numerus ad quadratum numerum, &c. Quod erat ostendendum.

11. *ostendi*

8. *ostendi*

22. *ostendi*

COROLLARIUM.

LIQUET ex his, proportionem cuiusvis numeri quadrati ad quemlibet numerum non quadratum exhiberi nullo modo posse in duobus numeris quadratis. Si enim exhiberetur, essent ambo priores numeri habentes proportionem, quam quadrati proportionis exhibitæ, etiam quadrati, cum primus ponatur quadratus. Quod est absurdum. Ponitur enim secundus, non quadratus. Unde numeri in dupla proportionem, proportionem non habent, quam quadratus ad quadratum. Si enim haberent, essent omnes hi dupli numeri 4. 8. 16. 32. 64. 128. &c. quadrati. Primo enim 4. existente quadrato, esset & 8. quadratus; Igitur & 16. & 32. &c. quod est absurdum.

24. *ostendi*

24. *ostendi*

23.

THEOR. 23. PROPOS. 25.

SI duo numeri rationem inter se habeant, quam cubus numerus ad cubum numerum,

merum,

merum, primus autem sit cubus; & secundus cubus erit.

SIT A, ad B, ut C, cubus ad D, cubum: sitque A, cubus. Dico & B cubum esse. Cum enim sit A, ad B, ut C, ad D; cadant autem inter C, & D, cubos A, 8. G, 12. H, 18. B, 27. duo medij proportionales, nimirum E, F; cadent quoque inter A, & B, duo medij, qui sint G, H. Quia igitur quatuor numeri A, G, H, B, sunt cōtinue proportionales, & A, primus est cubus; erit & B, quartus cubus. Quocirca, si duo numeri rationem inter se habeant, quam cubus numerus ad cubum numerum, &c. Quod demonstrandum erat.

12. octavi

8. octavi

23. octavi

COROLLARIUM.

PATET etiam ex his, proportionem cuiusvis numeri cubi ad quemlibet numerum non cubum, non posse reperiri in duobus numeris cubis. Si enim reperiretur, essent ambo priores numeri habentes proportionem, quam cubi proportionis repetitæ, etiam cubi, cum primus ponatur cubus. Quod est absurdum. Ponitur enim secundus, non cubus.

25. octavi

THEOR. 24. PROPOS. 26.

24

SIMILES plani numeri rationem inter se habent, quam quadratus numerus ad quadratum numerum.

SINT plani similes A, & B. Dico esse ut A, ad B, ita aliquem numerum quadratum ad alium quendam quadratum. A, 20. C, 30. B, 45. Cum enim A, & B, sint plani D, 4. E, 6. F, 9. similes, cadet inter eos unus medius proportionalis, videlicet C. Sumptis ergo tribus numeris D, E, F, minimis in ratione continua A, C, B; erunt extremi

18. octavi

libro 9.

tremi D, & F, quadrati, ex coroll. 1. propos. 2. huius lib.
 Quare cum sit, ex æquo A, ad
 A, 20. C, 30. B, 45. B, ut D. ad F, manifestum est,
 D, 4. E, 6. F, 9. ita esse A, ad B, ut est quadra-
 tus aliquis, nempe D, ad qua-
 dratum alium, ut ad F. Ergo similes plani numeri ratione
 inter se habent; &c. Quod demonstrandum erat.

SCHOLIUM.

FACILE etiam demonstrabimus conversum huius,
 videlicet.

NUMERI, qui proportionem habent, quæ
 quadratus numerus ad quadratum numerum,
 similes plani sunt.

HABEANT numeri A, B, proportionem inter se, quæ
 quadrati C, D. Dico A, B, esse planos similes. Quoniam in-
 ter quadratos C, D, cadit vnus medius
 proportionalis: Et est, vt C, ad D, ita
 A, 8. B, 18. C, 16. D, 36. A, ad B; cadet quoque medius proportio-
 nalis inter A, & B. Quare A, & B,
 plani similes sunt.

11.08.iani
 8.08.iani
 20.08.iani

EX hoc perspicuum est, planos numeros, qui similes non
 sunt, proportionem non habere, quam quadratus ad quadratum.
 Si enim haberent; essent, vt modo demonstratum est, plani
 similes. quod est absurdum. ponuntur enim non similes.

THEOR. 25. PROPOS. 27.

SIMILES solidi numeri rationem ha-
 bent inter se, quam cubus numerus ad cu-
 bum numerum.

SINE similes solidi A, B. Dico esse, ut A, ad B, ita
 cubum quempiam numerum ad alium quendam cubum.
 Quia A, B, sunt solidi similes, cadent inter eos duo medi
 propor-

19.08.iani

proportionales, qui sint C, D. Sumptis autem quatuor numeris E, F, G, H, minimis in continua proportione A, C, D, B; erunt extremi E, H, ex coroll. 1. propos. 2. A, 240. C, 360. D, 540. B, 810. huius lib. cubi. Quare, E, 8. F, 12. G, 18. H, 27. cum ex æquo sit A, ad B, ut E, ad H, constat ita esse A, ad B, ut est cubus aliquis, nimirum E, ad alium cubum, nempe ad H. Similes ergo solidi numeri rationem habent inter se, &c. Quod erat ostendendum.

SCHOLIUM.

CONVERSVM huius etiam demonstrabimus; scilicet.

NUMERI, qui proportionem habent, quæ cubus numerus ad cubum numerum, sunt solidi similes.

NUMERI A, B, proportionem habeant inter se, quam cubi C, D. Dico A, B, solidos esse similes. Nam cum sit A, ad B, ut C, ad D; cadant autem inter C, D, cubos duo medij proportionales; cadent quoque inter A, B, duo medij. Sunt ergo A, & B, solidi similes.

Ex his omnibus perspicue inferitur, nullos numeros habentes duplam proportionem, uel sesquialteram, uel superbi partem, esse similes planos, uel solidos. Si enim essent similes plani, caderet inter eos medius unus proportionalis, quod fieri non posse iam dudum ostensum est in scholio propos. 8. huius lib. Eadem ratione non erunt similes solidi, cum inter eos cadere non possint duo medij proportionales; Nam alias caderent quoque duo medij inter minimos earundem proportionum numeros. Quod fieri non potest, quod hinc uel sola unitate, uel certe binario tantum inter se discent, ut in scholio prædicto traditum est; inter quos certum est non posse intercipi duos numeros, nedum duos medios proportionales.

SIMILITER nec duo quouis numeri primi esse possunt plani similes, uel solidi, cum non possint habere latera proportionalia. Nam quilibet numerus planus, qui sit numerus primus.

12. octauis
8. octauis
21. octauis
18. octauis
8. octauis

mus, latera habet solummodo unitatem, & se ipsum, quamvis improprie. Vt hi numeri plani 19. & 23. latera habent 1. 19. & 1. 23. cum ex horum mutua multiplicatione producantur, quæ constat non esse proportionalia. Quinis vero numerus solidus, qui numerus etiam primus sit, latera tantum habet duas unitates, & se ipsum. Vt hi numeri solidi 29. & 47. latera habent 1. 1. 29. & 1. 1. 47. cum ex mutua horum multiplicatione producantur. Perspicuum autem est ea non posse esse proportionalia.

VNDE facilis admodum est inuentio duorum planorum, vel solidorum non similitium. Si enim accipiantur duo numeri habentes proportionem duplam, vel sesquialteram, vel superbi-partientem, vel certe duo numeri primi, erunt illi ipsi per ea, quæ tradita sunt, plani seu solidi non similes.

RVRSVS quilibet duo numeri, quorum alter quadratus sit, alter vero non quadratus, plani sunt non similes; quales sunt 16. & 20. Si enim essent plani similes, haberent proportionem, quam quadratus ad quadratum. Existente igitur 16. quadrato, esset & 20. quadratus. quod est absurdum. ponitur enim non quadratus.

PARI ratione quilibet duo numeri, quorum alter cubus sit, alter vero non cubus, solidi sunt non similes, vt 27. 40. Si enim essent solidi similes, haberent proportionem, quam cubus ad cubum. Cum igitur 27. cubus sit, esset & 40. cubus. quod est absurdum. ponitur enim non cubus.

FINIS ELEMENTI OCTAVI.



E V C L I D I S

ELEMENTVM IX.



THEOR. I. PROPOS. I.

SI duo similes plani numeri multipli-
cantes se mutuo faciant quendam; Produ-
ctus quadratus erit.



Vo numeri plani similes A, B, se mu-
tuo multiplicantes faciant C. Dico C,
quadratum esse. Multiplicans enim A,
se ipsum faciat D, quadratum. Quo-
niam igitur A, multiplicans A, & B, pro-
duxit D, & C; erit ut A, ad B, ita D,
ad C. At inrer A, & B, cum sint plani
similes, unus medius cadit propor-

tionalis. Igitur & inter D, & C, unus medius proportio-
nalis cadet. Cadat ergo E, ut
sint continue proportionales
D, E, C. Itaque cum tres D,
E, C, continue sint proportio-
nales, sitque primus D, quadratus, ex constructione, erit
quoque C, tertius, quadratus. Si duo ergo similes plani
numeri multiplicantes se mutuo, &c. Quod erat demon-
strandum.

THEOR. 2. PROPOS. 2.

SI duo numeri se mutuo multiplicantes
faciant quadratum; similes plani erunt.

Q q D v o

I.
II
III
17. septimi
18. octavi
8. octavi
II
2. octavi
2.

Duo numeri A, B, se mutuo multiplicantes faciant C, quadratum. Dico A, B, esse similes planos. Multiplicans enim A, se ipsum faciat D, quadratum.

17. septimi

A, 6. B, 54.
D, 36. C, 324.

Quoniam igitur A, multiplicans A, & B, fecit D, & C; erit ut A, ad B, ita D, ad C. At inter D, & C, quadratos

11. octavi
8. octavi.

20. octavi

unus medius cadit proportionalis. Igitur & inter A, & B, unus medius proportionalis cadet; Ac propterea A, & B, similes plani sunt. Quare si duo numeri se mutuo multiplicantes, &c. Quod demonstrandum erat.

SCHOLION

Ex his demonstrabimus quatuor in sequentia theorema non inutilia.

I.

Si duo numeri quadrati se mutuo multiplicantes faciant quempiam: Productus quadratus erit.

1. noni.

Duo quadrati A, B, se mutuo multiplicantes faciant C. Dico C, esse quadratum. Cum enim A, & B, sint similes plani, nempè quadrati; erit C, ex eis productus, quadratus.

II.

Si duo numeri se mutuo multiplicantes faciant quadratum; alter autem sit quadratus; Et reliquus quadratus erit.

2. noni.

18. octavi

22. octavi

Duo numeri A, B, se mutuo multiplicantes faciant quadratum; sique A, quadratus. Dico & B, quadratus esse. Cum enim A, & B, se mutuo multiplicantes faciant C, quadratum; erunt

A, & B, similes plani: atque adeo inter eos unus medius cadet proportionalis, nempè D. Quare A, existente quadrato, erit & B, quadratus.

III.

Si duo numeri se mutuo multiplicantes faciant

ciant non quadratum; alter autem sit quadratus; Reliquus non quadratus erit.

Dico, o numeri *A, B*, se mutuo multiplicantes, faciant *C*, non quadratum; sitque *A*, quadratus.

Dico *B*, non quadratum esse. Si enim *B*, dicitur esse quadratus, erit *C*, productus ex quadratis *A, B*, quadratus, per theor. 1. huius. scholij; Quod est absurdum, & contra hypothesim. Non igitur quadratus est *B*, numerus.

Si duo numeri quadratus & non quadratus, se mutuo multiplicantes faciant aliquem Productus non quadratus erit.

Dico, o numeri *A*, quadratus, & *B*, non quadratus, se mutuo multiplicantes faciant *C*. Dico *C*, non esse quadratum. Nam si *C*, foret quadratus, cum produceretur ex *A*, in *B*, sitque *A*, quadratus; esset & *B*, ex theor. 2. huius scholij, quadratus; Quod est absurdum, & contra hypothesim. Non igitur *C*, quadratus erit.

THEOR. 3. PROPOS. 13.

SI, cubus numerus seipsum multiplicans procreet aliquem; Productus cubus erit.

FACIAT cubus *A*, se ipsum multiplicans numerum *B*. Dico *B*, esse cubum. Sit enim *C*, latus cubi *A*; & ex *C*, in se fiat *D*, & idcirco ex *C*, in *D*, ipse cubus *A*, signatur. Quia igitur *C*, seipsum multiplicans fecit *D*; metietur *C*, ipsum *D*, per *C*: Metitur autem & unitas ipsum *C*, per *C*. Igitur eadem pars est unitas ipsius *C*, quae *C*, ipsius *D*, nempe denominata a *C*; Ac

Qq 2 proinde

III.
3.
7. pron.
5. pron.

20. defn. proinde ut unitas ad C, ita C, ad D. Rursus quia C, multi-
 7. prom. plicans D, fecit A; metietur D, ipsum A, per C: Metiebatur
 autem & C, ipsum D, per C. Ea-
 dem ergo pars est C, ipsius D, quae
 E, 16. D, 4. D, ipsius A; ideoque ut C, ad D,
 R. 3. 2. C, 2. ita D, ad A: sed ut C, ad D, ita erat
 B, 64. Vni- tas: unitas ad C. Igitur ut unitas ad
 C, ita C, ad D, & D, ad A; Atq;
 adeo inter unitatem & numerum A, duo medij proporciona-
 les cadunt numeri C, D. At quia A, ipsum B, metitur per A,
 quod A, se ipsum multiplicans fecerit B; metitur uero & uni-
 7. prom. tas ipsum A, per A: Eadem erit pars unitas ipsius A, quae
 5. prom. A, ipsius B; Ac propterea erit, ut unitas ad A, ita A, ad B.
 20. defn. Quare cum inter unitatem & numerum A, cadant duo me-
 dij proportionales C; & D; cadent eisdem inter A, & B,
 8. octavi nimirum E, & F. Cum ergo quatuor numeri A, E, F, B,
 sint continue proportionales; & A, primus sit cubus; erit
 23. octavi. quoque B, quartus cubus. Si cubus igitur numerus se ipsum
 multiplicans, &c. Quod erat demonstrandum.

4. THEOR. 4. PROPOS. 4.

SI cubus numerus cubum numerum
 multiplicans faciat aliquem, Factus cu-
 bus erit.

FIAT ex cubo A, in cubum B, numerus C. Dico C,
 cubum esse. Multiplicans enim A, se ipsum faciat D; eritq;
 D, cubus. Quoniam uero A, multi-
 3. prom. plicans A, & B, fecit D; & C; erit ut
 A, 8. B, 27. D, 64. C, 216. A, ad B; ita D ad C. At inter A, & B;
 17. septimi cubos duo medij proportionales ca-
 12. octavi dunt. Igitur & inter D, & C, duo medij proportionales
 8. octavi cadent; Ac propterea D, existente cubo, & C, cu-
 23. octavi bus erit. Quo circa si cubus numerus cu-
 bum numerum multiplicans, &c.

Quod erat osten-
 dendum.

THEOR.

3. prom.
 17. septimi
 12. octavi
 8. octavi
 23. octavi

THEOR. 5. PROPOS. 15.

5.

SI cubus numerus numerum quendam multiplicans faciat cubum; Et multiplicatus cubus erit.

FIAT ex cubo A, in numerum B, numerus cubus C, Dico & B, cubum esse. Multiplicans enim A, se ipsum faciat D, qui cubus erit. Quoniam igitur A, multiplicans A, & B; fecit D, & C; erit ut A, ad B, ita D, ad C; At inter D, & C, cubos duo cadunt medij proportionales. Totidem igitur & inter A, & B, cadent; Ac proinde existente A, cubo, & B, cubus erit. Quamobrem si cubus numerus numerum quendam multiplicans, &c. Quod ostendendum erat.

3. noni.

17. septimi

12. octavi.

8. octavi.

23. octavi

SCHOLIUM.

Ex his & hec, que sequuntur, facile demonstrabuntur, videlicet.

SI cubus numerus non cubum numerum multiplicans faciat aliquem; Factus non cubus erit.

FIAT ex A, cubo in B, non cubum numerus C. Dico C, non esse cubum. Si enim C, sit cubus; & multiplicatus B, cubus erit. quod non ponitur.

A, 8. B, 20.
C, 160.

5. noni.

SI cubus numerus numerum quendam multiplicans faciat non cubum; Et multiplicatus non cubus erit.

FIAT ex cubo A, in numerum B, non cubus C. Dico & B, non esse cubum. Si namque B, sit cubus; & factus C, cubus erit. quod est contra hypothesim.

A, 8. B, 17.
C, 136.

4. noni.

6.

THEOR. 6. PROPOS. 6.

SI numerus se ipsum multiplicans cubum faciat: Et ipse cubus erit.

MULTIPLICANS se ipsum numerus A, faciat B, cubum. Dico & A, cubum esse. Fiat ex A, in B, numerus C, qui cubus erit, cum A, in se faciat B, & ipse C, ex A, in B, gignatur, atque adeo æqualis æqualiter equalis sit, ut per spicuum est ex ijs, quæ ad definitionem cubi scripsimus. Quia igitur B, cubus multiplicans numerum quempiam A, facit cubum C, erit & A, cubus. Quare si numerus se ipsum multiplicans cubum faciat; &c. Quod erat demonstrandum.

SCHOLION.

ALIAM demonstrationem interpretes Euclidis hoc loco adducunt, & quidem longiorem. Postquam enim demonstraverunt C, factum ex A, in B, esse cubum, inferunt: Ergo inter A, B, & C, cubos duo medij proportionales cadunt. Quoniam, verò est ut B, ad C, ita A, ad B, quod A, multiplicans A, & B, ipsos B, & C, fecit; cadent quoque inter A, & B, duo medij proportionales; Atque adeo existente B, cubo, & A, cubus erit. Verum nostræ demonstratio brevior est, & planior, ut perspicuum est.

12. octavi
17. septimi
8. octavi
23. octavi

7.

THEOR. 7. PROPOS. 7.

SI compositus numerus numerum aliquem multiplicans, quempiam faciat: Factus solidus erit.

NUMERVS compositus A, multiplicans numerum quemlibet B, faciat C. Dico C, esse solidum. Cum enim

A, sit

A, sit compositus, metietur eum, præter unitatem, numerus aliquis: metiatur D ipsum A per E. Quo posito, multiplicante D, ipsum E, producet A. C. B. 11. C. 66. D; 2. E, 3. A Cum ergo B, ipsum A, multiplicans fecerit C, procreabitur C, ex mutua multiplicatione trium numerorum D, E, B; Ac propterea solidus erit ex defin. cuius latera D, E, B. Quapropter si compositus numerus numerum aliquem multiplicans, &c. Quod erat ostendendum.

13. defin.

9. pron.

THEOR. 8. PROPOS. 8.

8.

SI ab unitate quotcunque numeri deinceps proportionales fuerint: Tertius quidem ab unitate quadratus est, & unum intermittentes omnes: Quartus autem est cubus, & duos intermittentes omnes: Septimus uero cubus simul, & quadratus, & quinque intermittentes omnes.

S I N T ab unitate cõtinue proportionales numeri quotcunque A, B, C, D, E, F, G, H, I, K, L, M. Dico tertium quidem B, ab unitate esse quadratum, & unum intermittentes

Unitas. A, 3 B, 9. C, 27. D, 81. E, 243. F, 729. G, 2187. H, 6561. I, 19683. K, 59049. L, 177147. M, 531441.

omnes, quales sunt D, F, H, K, M: Quartum autem C, cubum, & duos intermittentes omnes, cuiusmodi sunt F, I, M: septimum uero F, cubum simul, & quadratum, & quinque intermittentes omnes, nimirum M. Quoniam est unitas ad A, ut A, ad B, æque metietur unitas numerum A, & numerus A, numerum B; Metitur autem unitas numerum A, per A. Ergo & A, ipsum B, per A, metietur; Atque adeo A, multiplicans A, ipsum B, producet. Quare B,

5. pron.

9. pron.

Q q 4 qua

22. octavi

quadratus est. Quia uero tres deinceps proportionales sunt B, C, D; & est B, quadratus; erit & D, quadratus. Eadem ratione assumptis tribus deinceps proportionalibus D, E, F, cum D, sit quadratus, & F, quadratus erit; Nec non & omnes unum intermittentes.

R. V. R. S. V. S. quia est unitas ad A, ut B, ad C; æque metietur unitas numerum A, & numerus B, numerum C. Me.

Unitas. A, 3. B, 9. C, 27. D, 81. E, 243. F, 729. G, 2187. H, 6561. I, 19683. K, 59049. L, 177147. M, 531441.

5. pron.

9. pron.

titur autem unitas ipsum A, per A. Igitur & B, ipsum C, per A, metietur; atque adeo B, ipsum A, multiplicans creabit numerum C. Quare cum A, se ipsum multiplicans faciat B, multiplicans uero B, faciat C; ut est ostensum; erit C, cubus. Quia uero quatuor deinceps proportionales sunt C, D, E, F, & est C, cubus; erit & F, cubus. Eodem argumentum assumptis quatuor deinceps proportionalibus F, G, H, I, cum F, sit cubus; & I, cubus, erit; atque omnes semper duos intermittentes.

23. octavi

POSTREMO quia F, septimus ab unitate ostensus est & quadratus, & cubus; ipse erit cubus simul & quadratus: Atque eodem modo M, septimus ab F, intermissis nimirum quinque G, H; I, K, L, cubus erit simul & quadratus; Nec non & omnes quinque intermittentes. Si igitur ab unitate quotcumque numeri deinceps proportionales fuerint, &c. Quod erat demonstrandum.

SCHOLIION.

Hoc theorema potest quoque hoc modo proponi.

Si sint quotcumque numeri ab unitate continue proportionales, omnes positi in locis imparibus, nimirum in tertio, quinto, septimo, nono, undecimo, &c. sunt quadrati. Omnes autem, qui sequuntur proxime numeros positos in locis, tertio, sexto, nono, duodecimo, deci-

nonaginta, decimo octavo, & alijs, quæ ternarius metitur, cuiusmodi sunt, numeri quartus, septimus, decimus, tertiusdecimus, decimus sextus, decimus nonus, &c. sunt cubi. Omnes uero qui proxime sequuntur numeros positos in locis sexto, duodecimo, decimo octavo, vigesimo quarto, & alijs, quæ metitur senarius, quales sunt septimus, tertiusdecimus, decimus nonus, uigintiquintus, &c. sunt cubi simul, & quadrati.

N A M. primi ordinis numeri omnes semper unum intermitunt post tertium ab unitate: At secundi ordinis numeri omittunt semper duos numeros post quartum ab unitate. Numeri denique tertij ordinis quinque semper interponunt post septimum ab unitate, quemadmodum in theoremate proponit Euclides.

THEOR. 9. PROPOS. 9.

SI ab unitate quotcunque numeri deinceps proportionales fuerint, qui uero post unitatem sit quadratus; Et reliqui omnes quadrati erunt. At si qui post unitatem, sit cubus; & reliqui omnes cubi erunt.

SINT ab unitate cõtinue proportionales numeri quotcunque A, B, C, D, E, F, sitque primum A, proximus unitas.

Unitas. A, 4. B, 16. C, 64. D, 256. E, 1024. F, 4096.

ti quadratus. Dico & reliquos omnes quadratos esse. Quod enim tertius ab unitate, & omnes unum intermitteres, quales sunt B, D, F, quadrati sint, iam demonstratũ est. Quod uero

8. NOTI.

8. noni. uero & reliqui intermedij C, & E, quadrati sint, ita perspicuū fiet. Cum tres continue proportionales sint A, B, C; sitque
 Unitas. A, 4. B, 16. C, 64. D, 256. E, 1024. F, 4096.
22. octavi A quadratus; erit & C, quadratus. Eoquem modo, assumptis tribus continue proportionalibus C, D, E; cum C, sit quadratus; & E, quadratus erit. Omnēs igitur A, B, C, E, F, quadrati sunt. Idem ostendemus, si plures numeri sint continue proportionales.
- SIT iam A, proximus unitati cubus. Dico & reliquos cubos esse. Quod enim quartus ab unitate, & omnes duos
 Unitas. A, 8. B, 64. C, 512. D, 4096. E, 32768. F, 262144.
8. noni. intermit'tentes, cuiusmodi sunt C, & F, sint cubi, iam est demonstratum. Quod autem & reliqui B, D, E, cubi sint, sic ostendemus. Cum sit unitas ad A, ut A, ad B; æque metietur unitas numerum A, & numerus A, numerum B: Metietur autem unitas numerum A, per ipsummet A. Igitur, & A, ipsum B, per se ipsum metietur; Atque adeo cubus A, se ipsum multiplicans numerum B, procreabit. Quare B, cubus est. Quoniam uero quatuor continue proportionales sunt A, B, C, D, estque A, cubus; & D, cubus erit. Eademque ratione assumptis quatuor deinceps proportionalibus B, C, D, E, cum B, cubus sit, & E, cubus erit. Omnes igitur A, B, C, D, E, F, cubi sunt. Non secus demonstrabimus omnes cubos esse, si plures continue proportionales fuerint. Quocirca, si ab unitate quocunque numeri deinceps proportionales fuerint, &c. Quod demonstrandum erat.

SCHOLION.

NON demonstrauit Geometra, si numerus, qui post unitatem, sit cubus simul & quadratus, & reliquos omnes esse cubos simul, & quadratos; quia perspicue hoc ipsum ex demonstratis colligitur. Nam si proximus unitati sit cubus simul, & quadratus; qua parte est cubus, ea ratione omnes reliqui cubi erunt; qua uero parte est quadratus, ea ratione & reliqui

reliqui omnes quadrati erunt, ut demonstratum est. Omnes
 igitur erunt cubi simul, & quadrati

THEOR. 10. PROPOS. 10.

SI ab unitate quocunque numeri deinceps
 proportionales fuerint, qui uero post
 unitatē, non sit quadratus; neque alius ul-
 lus quadratus erit, præter tertium ab unita-
 te, & unum intermittentes omnes. At si,
 qui post unitatē, non sit cubus; neque alius
 ullus cubus erit, præter quartum ab unita-
 te, & duos intermittentes omnes.

SINT ab unitate quocunque numeri deinceps propor-
 tionales A, B, C, D, E, F, G, H, I; & primum A, proximus
 unitati non sit quadratus. Dico nec alium ullum esse qua-
 dratum, præter tertium ab unitate, & unum intermittentes
 omnes, nempe præter B, D, F, H. Sienim præter hos alius

Vnitatis, A, 2, B, 4, C, 8, D, 16, E, 32, F, 64, G, 128, H, 256, I, 512.

est quadratus, sit quadratus E. Cum ergo & D, sit qua-
 dratus, sitque ut D, ad E, uel E, ad F, ita A, ad B; & conuer-
 tendo ut E, ad D, uel F, ad E, ita B, ad A; habebit B, ad A, ra-
 tionem, quam quadratus numerus E, ad quadratum nume-
 rum D, uel quadratus F, ad quadratum E: sed B, tertius ab
 unitate est quadratus. Igitur & A, primus ab unitate qua-
 dratus erit. Quod est absurdum: ponitur enim A, non qua-
 dratus. Non ergo E, quadratus est. Eadem ratione osten-
 demus nullum alium, præter dictos, quadratum esse.

SED iam A, proximus unitati non sit cubus. Dico nec
 alium ullum esse cubum, præter quartum ab unitate, & duos
 intermittentes omnes, uidelicet præter C, F, I. Nam si præ-
 ter hos alius potest esse cubus, sit D, cubus. Cum ergo & F,
 cubus sit, sitque ex æquo ut D, ad F, ita A, ad C; (quod tres
 D, E,

10.

8. noni.

8. noni.
24. offensi

8. noni.

8. noni. D, E, F, eandem habeant rationem, quam tres A, B, C, & conuertendo ut F, ad D, ita C, ad A; habebit C, ad A, rationem, quam cubus F, ad cubum D: Sed C, est cubus, nempe Vnitas. A, 2. B, 4. C, 8. D, 16. E, 32. F, 64. G, 128. H, 256. I, 512.

25. octau. quartus ab unitate. Igitur & A, primus ab unitate cubus erit. quod est contra hypothesim. Non igitur D, cubus est.
 8. noni. Quod si E, credatur esse cubus; cum & C, cubus sit, sitque ex aequo, ut C, cubus ad E, cubum, ita A, ad C, & conuertendo ut cubus E, ad cubum C, ita C, ad A; existente C, cubo, crit, & A, cubus. quod non ponitur. Non ergo E, cubus est.
 25. octau. Quemadmodum autem ostensum est duos D, & E, inter duos cubos C, & F, cubos non esse, ita quoque eadem ratione ostendemus neque G, & H, inter cubos F, & I, neque ullos alios duos, inter duos cubos, esse cubos. Si igitur ab unitate quotcunque numeri, &c. Quod demonstrandum erat.

S C H O L I O N.

NON est autem necesse, si numerus, qui post unitatem, non sit cubus simul, & quadratus, nullum alium esse cubum simul, & quadratum, praeter septimum ab unitate, & quinque intermittentes omnes; cum aliquando tertius ab unitate, aliquando vero quartus possit esse cubus simul, & quadratus, non existente primo ab unitate cubo simul, & quadrato.

5. noni. 8. noni. S I T enim primum A, qui post unitatem, cubus quidem, non autem simul & quadratus. Dico B, tertium esse cubum simul & quadratum; cubum quidem, quod primo existente cubo, omnes cubi sunt; quadratum vero, quod tertius sit ab unitate.

8. noni. 9. noni. S I T deinde A, post unitatem quadratus quidem, non autem simul & cubus. Dico quartum C, esse cubum simul & quadratum; cubum quidem, quod quartus sit ab unitate; quadratum vero, quod primo existente quadrato, omnes sunt quadrati.

S I T postremo A, post unitatem neque cubus, neque quadratus.

dratus. Dico nullum alium esse cubum simul & quadratū, præter septimum F, & quinque intermittentes omnes. Cum

Unitas. A, 6. B, 36. C, 216. D, 1296. E, 7776. F, 46656.

enim primo non existente quadrato, nullus alius quadratus sit, præter tertium ab unitate, & unum intermittentes omnes, cuiusmodi sunt, ut in scholio propos. 8. huius lib. docuimus, tertius, quintus, septimus, nonus, undecimus, decimustertius, decimusquintus, decimusseptimus, decimusnonus, &c. Primo autem non existente cubo, nullus alius sit cubus præter quartum ab unitate, & duos intermittentes omnes, quales sunt, ut ex eodem scholio apparet, quartus, septimus, decimus, tertiusdecimus, decimussextus, decimusnonus, &c. perspicuum est, tantummodo septimum, tertiumdecimum, decimumnonum, qui quidem omnes quinque intermittunt, quadratos esse simul, & cubos, & sic deceteris. Nam in hæc loca sola incidunt quadratus, & cubus simul, ut liquido constat ei, qui recte propositionem hanc & octavam huius libri expenderit.

10. noni.

10. noni.

THEOR. II. PROPOS. II.

12.

SI ab unitate quotcunque numeri deinceps proportionales fuerint; Minor maiorem metitur per aliquem eorum, qui in proportionalibus sunt numeris.

SINT ab unitate quotcunque numeri continue proportionales A, B, C, D, E, F, G. Dico quemlibet minorem, ut

Unitas. A, 3. B, 9. C, 17. D, 81. E, 243. F, 729. G, 2187.

C, quemlibet maiorem, ut G, metiri per aliquem numerorum A, B, C, D, E, F, G. Cum enim sit ex æquo ut C, ad G, ita unitas ad D; (quod quinque numeri C, D, E, F, G, eandem habeant rationem cum unitate & numeris A, B, C, D,) æque metietur unitas numerum D, atque numerus C, numerum

11

10. def.

5. pron.

merum G: Sed unitas metitur numerum D, per ipsum me-
 D. Igitur & C, numerus numerum G, per D, metietur.
 Eadem ratione metietur E, ipsum F, per A, quod sic ut E,
 ad F, ita unitas ad A, &c. Sic quoque metietur A, ipsum G,
 per F, cum sit ex æquo ut A, ad G, ita unitas ad F, &c. At
 que ita de reliquis eodem modo: Si igitur ab unitate quot-
 cunque numeri deinceps proportionales fuerint, &c. quod
 erat ostendendum.

S C H O L I O N.

PERSPICVVM autem est ex his, quantum abest ma-
 ior numerus a minore metiente, tantum distare ab unitate eum
 numerum, per quem minor maiorem metitur; propterea quod
 eadem esse debet proportio minoris ad maiorem, que unitatis
 ad eum, per quem metitur minor maiorem, ut ex demonstratio-

Unitas. A, 3. B, 9. C, 27. D, 81. E, 243. F, 729. G, 2187.

ne apparet. Itaque B, metietur F, per D; Et C, metietur F, per
 C, nempe per se ipsum, &c.

II

HINC rursus efficitur, quemlibet numerum, qui se ip-
 sum multiplicet, producere numerum, qui in numeris pro-
 portionalibus tantum ab eo distat, quantum ipse ab unitate.
 Si vero minor aliquis maiorem quempiam multiplicet, procrea-
 ri numerum, qui tantum a maiore distat, quantum minor ab
 ab unitate; propterea quod si numerus numerum metiens mul-
 tiplicet eum, per quem metitur, producatur ille, quem meti-
 tur. Ergo C, se ipsum multiplicans gignet F, cum F, tantum
 abstet a C, quantum C, ab unitate; ac propterea C, ipsum F, per
 C, metiatur, ut diximus. Sic quoque B, multiplicans D, fa-
 ciet eundem F; quod D, ipsum F, metiatur per B, &c. & sic
 de reliquis.

9. pron.

II.

THEOR. 12. PROPOS. 12.

SI ab unitate quotcunque numeri dein-
 cept proportionales fuerint; quicunque pri-
 morum

morum numerorum ultimum metiuntur, eidem & eum, qui unitati proximus est, metientur.

Si n. r. ab unitate deinceps proportionales quotcumque numeri A, B, C, D. Dico quoscumque primorum numerorum, qui metiuntur ultimum D, metiri quoque A, proximum unitati. Metiatur enim numerus primus E, ipsum D. Dico eundem E, primum metiri etiam numerum A. Si namque non metitur ipsum A; erit E, cum primus sit, ad A, primus.

Metiatur autem Unitas, A, 10. B, 100. C, 1000. D, 10000. Item E, ipsum D, 5. H, 20. G, 200. F, 2000.

Sum D, per

F, atque adeo E, multiplicans F, faciat D. Quia uero & A, ipsum D, metitur per C, ac proinde A, multiplicans C, faciat D, ut in scholio præcedentis propos. ostendimus; produ-

etur idem numerus D, ex A, primo in C, quartum, & ex E, secundo in F, tertium. Quare erit ut A, primus ad E, se-

condum, ita F, tertius ad C, quartum. Cum ergo A, & E, sint inter se primi, metietur æque A, ipsum F, & E, ipsum C.

Metiatur E, ipsum C, per C, atque adeo E, multiplicans G, faciat C. Quia uero & A, ex scholio eodem, metitur C, per B, atque adeo A, multiplicans B, faciat C; pro-

creabitur idem numerus C, ex A, primo in B, quartum, & ex E, secundo in G, tertium. Erit igitur ut A, primus ad E, secundo in G, tertius ad B, quartum. Quapropter cum

A, & E; sint inter se primi; metietur æque A, ipsum G, & E, ipsum B. Metiatur E, ipsum B, per H, ita ut E, multi-

plicans H, faciat B. Metitur autem & A, ipsum B, per A, ac idcirco A, se ipsum multiplicans faciat B, ut ex eodem scholio apparet. Gignitur ergo idem numerus B, ex A, medio

in se, & ex E, primo in H, tertium. Quare erit ut E, primus ad A, secundum, ita A, secundus ad H, tertium; atque

adeo cum E, & A, inter se primi sint, æque metietur E, ipsum A, & A, ipsum H. Quod est contra hypothesim. ponitur enim E, ipsum A, non metiri. Quare falsum est E, ipsum

A, non metiri. Nam ex eo quod E, non dicatur metiri ipsum

sum

31. septimi

9. pron.

19. septimi

21. septimi

9. pron.

19. septimi

21. septimi

9. pron.

20. septimi

21. septimi

sum A, semper demonstrabitur E, ipsum A, metiri; Quod est absurdum. Metitur ergo E, ipsum A. Eodem argumento ostendemus, quoscunque alios numeros primos ipsum D, metientes, metiri quoque ipsum A; Eademque ratio si C, uel B, ultimus numerus statuatur. Si igitur ab unitate quocunque numeri deinceps proportionales fuerint, &c. Quod ostendendum erat.

ALITER. Metitur E, numerus primus ultimus D. Dico, & E, ipsum A, metiri. Si enim non metiatur; erit E, ad A, primus. Quia igitur A, & E, inter se primi sunt, & A, se ipsum multiplicans facit B, ut apparet ex scholio propos. precedentis; erit B, ad E, primus. Quia ergo A, & B, ad E, primi sunt, fit autem C, ex A, in B, per idem scholion; erit C, ad E, primus. Rursus eodem modo, quia A, & C, ad E, primi sunt, & si D, ex A, in C, per idem scholion; erit D, ad E, primus. Non igitur E, ipsum D, metitur. Quod est contra hypothesim. Metitur ergo E, ipsum A.

31. septimi

27. septimi

26. septimi

26. septimi

SCHOLION.

EST autem admirabilis prima huius propositionis demonstratio. Nam in ea Euclides ex eo, quod E, dicatur non metiri ipsum A, ostendit demonstratione affirmatiua E, ipsum A, metiri: quod uideatur fieri non posse. Nam si quis demonstrare instituat, Socratem esse album, ex eo, quod non est albus, paradoxum aliquid, & inopinatum in medium uideatur afferre: Cui tamen non absimile quid factum hic est in numeris ab Euclide, & in alijs nonnullis propositionibus, que sequuntur. Cardanus quoque simile quid effecit in magnitudinibus, lib. de propor. propos. 20i. gloriaturque se primum omnium hanc rationem demonstrandi reperisse; Quod arbitror eum non uicturum fuisse, si diligentius uim huius demonstrationis expendisset, uel certe, si expendit, eam in memoriam reuocasset; quod quidem ipso longe prior Euclides usus est hoc etiam demonstrandi modo, ut ex hoc theoremate 12. est manifestum.

CAETERVM ex demonstratis perspicuum est, quemcunque

cumque numerū primū, qui vltimum metitur, metiri etiam omnes alios ante ipsum. Cum enim metiatur proximum unitati; hic autem omnes subsequentes, quod semper minor maiorem metiatur per aliquem eorum, qui in proportionalibus sunt numeris; manifestum est, quod & ille omnes metiatur.

12. noni
11. noni

THEOR. 13. PROPOS. 13.


13.

SI ab unitate quotcunque numeri deinceps proportionales fuerint, qui vero post unitatem, primus sit; Maximū nullus alius metietur, præter eos, qui sunt in numeris proportionalibus.

SI, N T ab unitate continue proportionales quotcunque numeri A, B, C, D, quorum A, proximus unitati sit primus. Dico nullum alium numerum, præter ipsos A, B, C, metiri maximum D. Si enim fieri potest, metiatur numerus alius E, diuersus ab A, B, C, ipsum D. Manifestum ergo est E, non esse numerum primum. Si enim primus sit, & metiatur extremum D; metietur quoque ipsum A, unitati proximum, qui

12. noni

primus ponitur. Unitas. A, 5. B, 25. C, 125. D, 625.
Quod est absurdum. Non igitur



E, primus est, sed compositus; atque adeo eum aliquis numerus primus metietur. quem dico alium esse non posse, præter primum A. Si enim alius primus quam A, metiatur E; cum E, metiatur extremum D; metietur quoque ille alius primus eundem D, atque adeo & ipsum A, primum existentem, nimirum unitati proximum. Quod est absurdum. Ergo non alius primus, quam A, ipsum E, metitur. Metiatur iam E, ipsum D, per F. Dico F, diuersum esse ab A, B, C. Si enim F, sit idem, qui aliquis ipsorum A, B, C; & E, metiatur D, per F; metietur utique E, ipsum D, per aliquem ipsorum A, B, C; & vicissim aliquis ipsorum A, B, C, (nempe is, per quem E, ipsum D, metitur,) metietur D,

33. septimi

11. pron.
12. noni

8. pron.

R r per

11. noni. per E. Cum ergo quilibet ipsorum A, B, C, metiatur D, per aliquem ipsorum A, B, C; erit E, idem qui aliquis ipsorum A, B, C, quod est contra hypothesim. ponitur enim E, non idem, qui aliquis ipsorum A, B, C. Non igitur F, idem est, qui aliquis ipsorum A, B, C, sed diuersus. Quoniam uero E, metitur D, per

8. pron. Vnitatis. A, 8. B, 25. C, 125. D, 625. F; metietur utique E ---- H ---- G ---- F ---- sim F, ipsum D, per E. Non erit autem F, primus. si enim sit primus, & metiatur D, ultimus metietur; & A, proximum unitati, qui primus est quod est absurdum. Igitur F, non primus est, sed compositus;

33. septimi. atque adeo cum aliquis numerus primus metietur, quem rursus dico nullum alium esse posse præter primum A. Si namque alius primus quam A, metiatur F; cum F, metiatur D, extremum; metietur quoque ille alius primus eundem D, atque adeo & ipsum A, proximum unitati, qui primus est quod est absurdum. Ergo non alius primus quam A, ipsum F, metitur. Iam uero quoniam E, metitur D, per F; fiet D, ex E, in F: fit autem & D, ex A, in C, ut in scholio propos. 11 huius lib. docuimus. Idem igitur numerus D, fit ex A, primo in C, quartum, & ex E, secundo in F, tertium; Ac proinde erit ut A, primus ad E, secundum, ita F, tertius ad C, quartum. Metitur autem A, ipsum E, ut ostensum est: Ergo & F, ipsum C, metietur: Metiatur per G. Quoniam igitur F, diuersus ab A, B, metitur C, ultimum, (relinquimus enim iam numerum D,) per G; ostendemus similiter G, diuersum esse ab A, B, & non primum, sed compositum, quem solus A, primus metiatur: quemadmodum id ostensum est de numero F, per quem E, diuersus ab A, B, C, metiebatur D, ultimum.

8. pron. Si enim G, sit idem, qui aliquis ipsorum A, B; metieturque F, ipsum C, per G; metietur utique F, ipsum C, per aliquem ipsorum A, B; & uicissim aliquis ipsorum A, B (nempe is, per quem F, ipsum C, metitur) metietur C, per F. Cum ergo quilibet ipsorum A, B, metiatur C, per aliquem ipsorum A, B; erit F, idem qui aliquis ipsorum A, B. quod est absurdum. ostensum est enim F, non esse eundem, qui aliquis ipsorum A, B. Non ergo G, est idem qui aliquis ipsorum

rum A, B, sed diuersus. Quoniam autem F, metitur C, per G; metietur uicissim G, ipsum C, per F. Non erit autem G, primus. Si enim primus sit, metiaturque ultimum C; metietur quoque numerum primum A, unitati proximū. quod est absurdum. Non ergo G, primus est, sed compositus; ac proinde eum aliquis primus metietur, quem dico nullum alium posse esse præter A. Nam si alius primus quā A, metiatur G; cum G, metiatur C, ultimum; metietur quoque ille alius primus eundem C, atque adeo & ipsum A, unitati proximū, qui primus est. quod est absurdum. Ergo non alius primus quā A, ipsum G, metitur. Iam uerō quia C, fit ex F, in G, quod F, metiatur C, per G: Fit autem idem C, ex A, in B, ut docuimus in scholio propos.

11. huius lib. Fiet idem numerus C, ex A, primo in B, quartum, & ex F, secundo in G, tertium. Quare erit ut A, primus ad F, secundum, ita G, tertius ad B, quartum. Metitur autem A, ipsum F, ut demonstratum est: Igitur & G, ipsum B, metietur: metiatur per H. Quia ergo G, diuersus ab A, metitur B, ultimum (relinquimus enim iam numeros C, & D,) per H; ostendemus similiter H, diuersum esse ab A; quemadmodum id ostensum est de numeris F, & G.

NAM si H, idem sit qui A; metiaturque G, ipsum B, per H; metietur utique G, ipsum B, per A; Et uicissim A, ipsum B, per G, metietur. Cum igitur metiatur A, ipsum B, per A, ut constat ex scholio propos. 11. huius lib. erit G, idem qui A. quod est absurdum. ostensum est enim G, non esse eundem qui A. Non ergo H, idem est, qui A, sed diuersus. Iam uero quia B, fit ex G, in H, quod G, ipsum B, metiatur per H: Fit autem & idem B, ex A, in se, ut in scholio dicto docuimus; Fiet idem numerus B, ex H, primo in G, tertium, & ex A, medio in se ipsum. Quare erit ut H, primus ad A, secundum, ita A, secundus ad G, tertium. At A, metitur ipsum G, ut est demonstratum: Igitur, & H, ipsum A, metietur, numerum primum. Quod est absurdum. Quare existente A, primo, maximum D, nullus alius numerus metitur, præter ipsos A, B, C: Ac proinde si ab unitate quorcumque numeri deinceps proportionales fuerint, &c. Quod erat ostendendum.

8. pron.

12. noni

33. septimi

11. pron.

12. noni

9. pron.

19. septimi

8. pron.

9. pron.

20. septimi

14. THEOR. 14. PROPOS. 14.

SI minimum numerum primi numeri metiantur : Nullus alius numerus primus illum metietur, præter eos, qui a principio metiebantur.

SIT numerus A, minimus quem metiantur primi numeri B, C, D. Dico nullum alium primum præter ipsos B, C, D, metiri ipsum A. Metiatur enim, si fieri potest, primus numerus E, uersus a B, C, D, ipsum A, per numerum F. Quia igitur E metitur A, p

9. pron.
32. septimi

F; multiplicans E, ipsum F, faciet A. Quare singuli B, C, D, alterum ipsorum E, F, metientur; non quidem ipsum E, primum existentem, & ab ipsis diuersum: ergo ipsum F, qui minor est quam A. Quod est absurdum. Ponitur enim A, minimus, quem primi B, C, D, metiantur. Si igitur minimum numerum primi numeri metiantur, &c. Quod demonstrandum erat.

SCHOLION.

AD DIT hoc loco Campanus sequens theorema ad ea, que sequuntur, non inutile. Videlicet.

15. SI quotcunque numeri deinceps proportionales, fuerint minimi omnium eandem rationem habentium cum ipsis: Numerus aliquem eorum metiens, compositus erit ad alterum duorum numerorum, qui in eadem ratione sumuntur minimi.

SINT quotcunque numeri continue proportionales A, B, C, D,

C, D, E, in sua proportione minimi, in qua sumantur etiam duo minimi F; G: Metiatur autem primo H, primum eorum, nempe A. Dico H, compositum esse vel ad F, vel ad G. Sumantur enim in eadem proportione tres numeri minimi I, K, L; & quatuor M, N, O, P; & sic deinceps, donec habeantur tot vno minus, quot

A, 16. B, 24. C, 36. D, 54. E, 81. 2. octavi
M, 8. N, 12. O, 18. P, 27.
I, 4. K, 6. L, 9.
H — F, 2. G, 3.

sunt ipsi A, B, C, D, E. Quoniam igitur, ut constat ex modo procreandi quotlibet minimos tradito in 2. propos. lib. 8. A, fit ex F, in M; metitur autem H, ipsum A; erit H, compositus, ex scholio propos. 32. lib. 7. ad F, vel ad M. Si ad F, habemus propositum; si vero ad M, qui quidem fit ex F, in I, ut constat ex demonstratione propos. 2. lib. 8. erit, ex scholio dicto, rursus H, compositus vel ad F, vel ad I. si ad F, habetur propositum; si vero ad I, cum I, gignatur ex F, in se ipsum; erit H, compositus ad F, ex dicto scholio

DEINDE metiatur H, secundum B. Quia ergo B, fit ex F, in N, erit ut prius H, compositus vel ad F, vel ad N. si ad F, habetur propositum; si vero ad N, qui quidem fit ex F, in K; erit H, eodem modo compositus vel ad F, vel ad K. si ad F, habetur propositum; si vero ad K, cum K, gignatur ex F, in G; erit quoque H, compositus vel ad F, vel ad G.

RURSU metiatur H, tertium C, qui cum fiat ex F, in O; erit H, compositus vel ad F, vel ad O. Si ad F, habetur propositum; si vero ad O, qui quidem fit ex F, in L; erit H, compositus vel ad F, vel ad L. si ad F, habetur propositum; si vero ad L, cum L, gignatur ex G, in se; compositus quoque erit H, ad G.

PRAETEREA metiatur H, quartum D, qui cum fiat ex F, in P; erit H, compositus vel ad F, vel ad P. si ad F, habetur propositum; si vero ad P, qui quidem fit ex G, in L; erit etiam H, compositus vel ad G, vel ad L. si ad G, habetur propositum; si vero ad L, cum L, producatur ex G, in se; erit quoque H, ad G, compositus.

EODEM modo si H, metiatur ultimum E, ostendemus H, compositum esse ad G; atque ita in ceteris eadem semper erit demonstratio.

ITAQUE si H , metitur primum A ; erit H , compositus ad F : Si vero secundum B , metitur; erit compositus vel ad F , vel ad G : Si denique metitur tertium C , vel quartum D , vel quæcunque alium insequentem; compositus erit H , ad G . Id quod perspicue ex demonstratione apparet.

DEMONSTRATIO IN NUMERIS
 eorum, quæ in lineis secundo libro
 Euclides demonstravit prioribus
 10. theorematibus.

QUONIAM in theoremate sequente demonstrando theorema quadam assumit in numeris, quæ demonstrata sunt de lineis libro secundo, tanquam si eadem de numeris essent ostensa; non alienum instituto nostro duximus, nonnulla ex ijs, quæ Geometricè ab Euclide libro 2. demonstrata sunt de lineis, hoc loco de numeris demonstrare. Quod idem & Barlaam monachum fecisse a nonnullis est traditum. Sequemur autem eundem ordinem, quem Euclidem in secundo libro tenuisse conspiciamus.

I. **S**I fuerint duo numeri, seceturque ipsorum alter in quotcunque partes: Numerus planus comprehensus sub illis duobus numeris æqualis est numeris, qui sub numero indiuiso, & qualibet parte numeri diuisi continentur.

SINT duo numeri AB , & C , quorum AB , diuidatur in AD, DE, EB ; Fiatque F , ex C , in AB : Item GH , ex C , in AD ; & HI , ex C , in DE ; & IK , ex C , in EB . Dico F , æqualem esse numeris GH, HI, IK , hoc est, toti numero GK , ex GH, HI, IK , composito. Quoniam C , multiplicans AB , fecit F ;

7. pron. metietur AB , ipsum F , per C ; hoc est, AB , pars erit ipsius F , denominata a C . Eadem ratione AD , ipseus GH ; nec non DE

D E, ipſius *H I*; & *E B*, ipſius *I K*, pars erit a *C*, denominatã, nempe eadem quã *A B*, ipſius *F*. Quia uero, per ea quę ad propos. 5. lib. 7. demonſtrauimus, totus *A B*, totius *G K*, eadem pars eſt, quã *A D*, ipſius *G H*; erit quõque *A B*, totus totius *G K*, pars eadem, quã *A B*, ipſius *F*; *A c* proinde inter ſe æquales erunt: *F*, & *G K*. Quod eſt propoſitum.

4. pron.

S I numerus in duas partes diuidatur: Numeri plani ſub toto, & ſingulis partibus comprehenſi æquales ſunt numero quadrato, qui a toto efficitur.

II.

NUMERVS *A B*, diuidatur in *A C*, *C B*. Dico numeros, qui ſunt ex *A B*, toto in partes *A C*, *C B*, ſimul æquales eſſe numero quadrato, qui ex toto *A B*, efficitur. Sumpto enim numero *D*, qui æqualis ſit ipſi *A B*; erit per theor. 1. numerus factus ex *D*, hoc eſt, ex *A B*, in *A B*, nimirũ quadratus ipſius *A B*, æqualis numeris, qui ſunt ex *D*, hoc eſt, ex *A B*, in *A C*, & in *C B*, quod eſt propoſitum.

IDEM demonſtrabitur, ſi *A B*, in plures partes, quam in duas ſecetur. ut ex appoſita ſecunda figura apparere poteſt. Eadem enim ratione erit numerus factus ex *E*, hoc eſt, ex *A B*, in *A B*, nempe quadratus ipſius *A B*, æqualis numeris, qui gignuntur ex *E*, hoc eſt, ex *A B*, in ſingulas partes *A C*, *C D*, *D B*.

S I numerus in duas partes diuidatur: Numerus planus ſub toto, & una parte comprehenſus æqualis eſt & illi, qui ſub partibus continetur, & quadrato, qui a prædicta parte efficitur.

III.

S I T numerus *A B*, diuiſus in *A C*, *C B*. Dico numerum, qui ſit ex toto *A B*, in partem *A C*, æqualem eſſe & ei, qui ſub partibus *A C*, *C B*, continetur, & quadrato dictę partis *A C*.

Rr 4 Sumpto

Sumpto enim numero D , qui dicta parti AC , æqualis sit, scribitur
 ex 1. theorem. numerus factus
 $D \dots \dots$ AB ; vel (quod idem est) ex
 $A \dots \dots C \dots \dots B$ AB , in AC , æqualis numeris
 factis ex D , hoc est, ex AC , in CB , & ex D , hoc est, ex AC ,
 in AC , quadrato scilicet ipsius AG . Quod est propositum.

III. Si numerus in duas partes dividatur: Quadratus ex toto factus æqualis est quadratis, quæ a partibus efficiuntur, una cum numero plano, qui bis sub partibus continetur.

SIT numerus AB , divisus in AC, CB . Dico numerum quadratum ex AB , factum æqualem esse quadratis partium AC, CB , una cum numero, qui fit bis ex parte AC , in partem CB . Nam ex 2. theorem. numerus
 $A \dots \dots C \dots \dots B$ quadratus ipsius AB , æqualis est numeris, qui fiunt ex AB , in AC , & in CB . Est autem numerus, qui fit ex AB , in AC , per 3. theorema, æqualis numero genito ex AC , in CB , una cum quadrato ipsius AC : Item numerus, qui fit ex AB , in CB , eodem modo æqualis numero producto ex AC , in CB , una cum quadrato ipsius CB . Igitur numerus quadratus ex AB , factus æqualis est quoque numeris quadratis partium AC, CB , una cum numero bis, qui fit ex AC , in CB . Quod est propositum.

V. Si numerus secetur in duas partes æquales, & non æquales: Numerus planus sub partibus inæqualibus contentus, una cum numero quadrato numeri inter duas sectiones medij, æqualis est quadrato, qui ex dimidio numero gignitur.

NUMERVS AB , secetur in partes æquales AC, CB ; & non æquales AD, DB . Dico numerum sub partibus inæqualibus AD, DB , contentum, una cum quadrato numeri inter medij

medij C D, esse aequalem quadrato, qui ex dimidio numero C B, efficitur. Nam cum numerus quadratus ipsius C B, per 4. theorema, equalis sit quadratis partium C D, D B, una cum plano numero bis comprehenso sub C D, D B; numero vero comprehenso sub C D, D B, una cum quadrato ipsius D B, equalis sit, per 3. theorema, numerus factus ex C B, in D B; erit numerus quadratus ipsius C B, equalis etiam reliquo quadrato ipsius C D, una cum reliquo numero facto ex C D, in D B, & numero ex C B, hoc est, ex A C, in D B, producto. Atqui ex 1. theorem. numeris, qui fiunt ex C D, in D B, & ex A C, in D B, equalis est numerus, qui fit ex A D, in D B. Igitur quadratus ipsius C B, equalis erit quadrato ipsius C D, una cum numero qui fit ex A D, in D B; hoc est, numerus factus ex A D, in D B, una cum quadrato ipsius C D, equalis est quadrato ipsius C B. Quod est propositum.

Si numerus in duas partes æquales diuidatur, & illi aliquis alius numerus adijciatur: Numerus qui fit ex toto cum adiecto in adiectum, una cum quadrato dimidij numeri, æqualis est quadrato eius numeri, qui ex dimidio & adiecto componitur.

NUMERVS A B, secetur in partes æquales A C, C B, eique adijciatur numerus B D. Dico numerum factum ex toto A B, & adiecto B D, tanquam vno, in adiectum B D, una cum quadrato dimidij numeri C B, equalis esse quadrato, qui fit ex C B, dimidio & adiecto B D, tanquam vno. Cum enim quadratus ipsius C D, per 4. theorema, equalis sit quadratis partium C B, B D, una cum numero bis comprehenso sub C B, B D, hoc est, una cum numeris sub C B, B D, & sub A C, B D, comprehensis 3 numeris æquem contentis sub C B, B D, & sub A C, B D, & sub B D, B D, hoc est, quadrato ipsius B D, equalis sit, ex 1. theorem. numerus factus ex A D, in B D; erit quadratus ipsius C D, equalis reliquo quadrato ipsius C B, una cum numero facto ex A D, in B D; hoc est, numerus factus

III

VI.

III

ex

ex A D, in B D, una cum quadrato ipsius C B, æqualis est quadrato ipsius C D. Quod est propositum.

VII. Si numerus in duas partes diuidatur: Quadratus totius, una cum quadrato unius partis, æqualis est numero, qui fit bis ex toto in distam partem, una cum quadrato reliquæ partis.

D I V I D A T V R numerus A B, in partes A C, C B. Dico quadratum totius A B, una cum quadrato partis C B, æqualem esse numero bis, qui fit ex toto A B, in distam partem C B, una cum quadrato reliquæ partis A C.

Cum enim, ex 4. theorem. quadratus totius A B, æqualis sit quadratis partium A C, C B, una cum numero, qui fit bis ex A C, in C B; si quadratus ipsius C B, addatur communis; erunt quadrati numerorum A B, C B simul, æquales quadratis numerorum A C, C B, C B, una cum numero qui fit bis ex A C, in C B. At qui ei, qui fit ex A C, in C B, una cum quadrato ipsius C B, æqualis est, per 3. theorema, numerus qui fit ex A B, in C B; Ac proinde ei, qui fit bis ex A C, in C B, una cum quadrato ipsius C B, bis, æqualis est, qui fit bis ex A B in C B. Igitur quadrati numerorum A B, C B simul, æquales sunt numero, qui fit bis ex A B, in C B, una cum quadrato reliquæ partis A C. Quod est propositum.

VIII. Si numerus in duas partes diuidatur: Qui fit quater ex toto in unam partem, una cum quadrato reliquæ partis, æqualis est quadrato numeri compositi ex toto & priori parte.

S E C E T V R numerus A B, in partes A C, C B. Dico numerum, qui fit quater ex toto A B, in partem C B, una cum quadrato reliquæ partis A C, æqualem esse quadrato numeri, qui ex toto A B, & prædicta parte C B, cõponitur. Addito enim numero B D, qui æqualis fit di-

Est

Et a parti CB; cum quadratus totius AD, compositi ex AB, & BD, siue dicta parte CB, fit equalis per 4. theorema, quadratis numerorum AB, BD, una cum numero qui fit bis ex AB, in BD, hoc est, quadratis numerorum AB, CB, una cum eo, qui fit bis ex AB, in CB; Sint autem, ex 7. theorem. quadrati numerorum AB, CB, simul aequales numero bis comprehenso sub AB, CB, una cum quadrato numeri AC; Erit quadratus factus ex AD, equalis numero, qui fit quater ex AB, in CB, una cum quadrato reliquæ partis AC. Quod est propositum.

Si numerus secetur in duas partes æquales, & non æquales: Quadrati qui ab inæqualibus partibus fiunt, dupli sunt quadratorum, qui a dimidio numero, & ab intermedio efficiuntur,

IX.

DIUISVS fit numerus AB, in partes æquales AC, CB, & non æquales AD, DB. Dico quadratos partium inæqualium AD, DB, duplos esse quadratorum, qui ex AC, dimidio, & ex CD, numero intermedio efficiuntur. Cum enim $A \dots C \dots D \dots B$ quadratus numeri AD, equalis fit, ex 4. theorem. quadratis numerorum AC, CD, una cum numero bis, qui fit ex AC, in CD; Si communis apponatur quadratus partis DB; erunt quadrati partium AD, DB, æquales quadratis partium AC, CD, DB, una cum numero bis, qui fit ex AC, hoc est, ex CB, in CD. At qui quadrato ipsius DB, una cum numero bis, qui fit ex CB, in CD, æquales sunt, ex 7. theorem. quadrati, qui fiunt ex CB, hoc est, ex AC, & CD. Igitur quadrati partium AD, DB, æquales sunt quadratis partium AC, CD, bis; AC propterea quadrati partium AD, DB, dupli sunt quadratorum, qui ex partibus AC, CD, fiunt. Quod est propositum.

Si numerus in duas partes æquales diuidatur, adiciatur autem illi alius quispiam numerus: Quadratus compositi numeri ex toto & adiecto, & quadratus numeri adiecti, simul du-

X.


pli

pli sunt eius quadrati, qui ex dimidio efficitur, & eius, qui fit a numero composito ex dimidio, & adiecto.

SIT numerus AB, divisus in partes duas aequales AC, CB, eique adijciatur numerus BD. Dico quadratum numeri AD, compositi ex toto AB, & adiecto BD, & quadratis adiecti numeri BD, utrosque simul, duplos esse quadratorum, qui fiunt ex AC, dimidio, & ex A...C...B...D CD, composito ex CB, dimidio, & adiecto BD. Cum enim quadratus ipsius AD, equalis sit, ex 4 theorem. quadratis partium AC, CD, una cum numero bis, qui fit ex AC, hoc est, ex CB, in CD; si communis addatur quadratus partis BD; erunt quadrati numerorum AD, BD, aequales quadratis partium AC, CD, BD, una cum numero bis, qui fit ex CB, in CD. Sed per 7. theorema, quadrato ipsius BD, una cum numero bis, qui fit ex CB, in CD, aequales sunt quadrati numerorum CB, CD; & quadrato ipsius CB, equalis est quadratus ipsius AC. Igitur quadrati numerorum AD, BD, aequales sunt quadratis numerorum AC, CD, bis; Ac propterea quadrati numero:um AD, BD, dupli sunt quadratorum, qui ex AC, CD, efficiuntur. Quod est propositum.

IAM vero theorema 11. lib. 2. non posse numeris accommodari, hoc est, nullo modo fieri posse, ut numerus aliquis in duas partes diuidatur, ita ut numerus planus, qui ex toto in unam partium fit, equalis sit quadrato reliqua partis, ut ibi monuimus, ita demonstrabimus.

DIVIDATUR, si fieri potest, numerus AB, in C, ut ut numerus factus ex toto AB, in partem CB, equalis sit quadrato reliqua partis AC. Quia igitur numerus contentus sub extremis AB, CB, equalis est quadrato numeri medij C,




20. septimi erit ut A B, ad A C, ita AC, ad CB: Est autem AB, maior quam AC. Igitur & A C, maior est quam CB. Ab'ato ita CD, qui ipsi CB, sit equalis, erit quoque ut A B, ad AC, ita AC, ad CD. Quoniam ergo totus AB, ad totum AC, si ut A C, ex toto AB, detractus ad CD, ex toto AC, detractum; 11. septimi erit quoque ut totus AB, ad totum AC, vel ut detractus AC ad

ad detractum CD , ita $C B$, ex $A B$; residuus, hoc est, $C D$, illi aequalis, ad $A D$, ex $A C$, residuum. Qui a igitur est ut $A C$, ad $C D$, ita $C D$, ad $A D$; & est $A C$, maior quam $C D$; erit quoque $C D$, maior quam $A D$. Ablato ergo $D E$, qui ipsi $A D$, sit aequalis; erit etiam ut $A C$, ad $C D$, ita $C D$, ad $D E$. Itaque quia est, ut totus $A C$, ad totum $C D$, ita $C D$, ex toto $A C$, detractus ad $D E$, ex toto $C D$, detractum; erit quoque ut totus $A C$, ad totum $C D$, vel us detractus CD , ad detractum $D E$, ita $A D$, ex $A C$, residuus, hoc est $D E$, illi aequalis, ad $E C$, ex $C D$, residuum. Quare cum sit ut $C D$, ad $D E$, ita $D E$, ad $A C$; sit autem $C D$, maior, quam $D E$; erit etiam $D E$, maior, quam $E C$; $A C$ proinde ex $E D$, auferri poterit numerus ipsi $E C$, aequalis; & sic deinceps, nec unquam finis erit huius detraktionis. Quod est absurdum; cum numerus non possit diuidi infinite. Non ergo numerus $A B$, diuidetur ita, ut planus numerus ex toto in unam partium factus, aequalis sit quadrato reliquae partis. Quod est propositum.

II. septimi

A L I T E R. Quoniam numerus $A B$, in C , ita diuisus est, ut is qui fit ex $A B$, in $C B$, aequalis sit quadrato reliquae partis $A C$; erit numerus, qui quater fit ex $A B$, in $C B$, quadruplus quadrati ipsius $A C$; $A C$ proinde numerus, qui fit quater ex $A B$, in $C B$, una cum quadrato ipsius $A C$, quincuplus erit quadrati partis $A C$. Est autem numerus contentus quater sub $A B$, $C B$, una cum quadrato ipsius $A C$, quadratus; quippe cum aequalis sit quadrato numero, qui fit ex numero composito ex $A B$, & $C B$, per 8. theorema. Igitur duo numeri quadrati (mirum is qui quater continetur sub $A B$, $C B$, una cum quadrato ex $A C$; & quadratus ex $A C$,) proportionem habent, quae 5. ad 1. vel 25. ad 5. Quod est absurdum, ut constat ex coroll. propos. 24. lib. 8. Non ergo numerus $A B$, diuiditur ita in C , ut is qui producitur ex $A B$, in $C B$, aequalis sit quadrato ipsius $A C$. Quod est propositum.



THEOR. 15. PROPOS. 15.

16.

SI tres numeri deinceps proportionales, fuerint minimi omnium eandem cum ipsis

ipsis rationem habentium ; Duo quilibet compositi, ad reliquum primi erunt .

Si tres numeri A, B, C, minimi omnium eandem cum illis proportionem habentium : Dico quoslibet duos compositos, ad reliquum primos esse, nimirum A, B, simul

A, 9 B, 12. simul ad B. Sumptis enim duobus D, C, 16. E, in eadem cum illis proportionem nimis, ex scholio propos. 37. lib. 7. manifestum est ex demonstratione propos. 2. lib. 8. D, seipsum multiplicantem facere A ; multiplicantem vero ipsum E, facere B ; atque E, se ipsum multiplicantem facere C. Quia igitur D, E, minimi in sua

24. septimi proportionem inter se primi sunt ; erit & uterque D, E, simul ad quemlibet illorum primus . Itaque cum tam compositus ex

30. septimi D, E, quam ipse D, ad E, primus sit ; erit quoque numerus factus ex D, E, tanquam uno in D, ad eundem E, primus :

26. septimi Qui autem fit ex D, E tanquam uno in D, æqualis est per 3. theorema scholij præcedentis, & numero A, factus ex D, in se, & numero B, factus ex D, in E. Igitur & A, B, compositi

27. septimi in se, primi sunt ad E ; Ac proinde & ad C, qui factus est ex E, in se, primi sunt A, B, simul compositi.

DEINDE quia, ut prius, uterque D, E, simul primus est ad quemlibet ipsorum D, E ; efficitur (cum tam compositus ex D, E, quam ipse E, primus sit ad D.) numerum factum

26. septimi B, 2. C, 16. ex D, E, tanquam uno in E, primum esse ad D : Qui autem fit ex D, E, tanquam uno in E, æqualis

est per 3. theorema scholij antecedentis, & numero C, factus ex E, in se, & numero B, factus ex D, in E. Igitur & B, C, simul compositi, ad D, primi sunt ; atque adeo ad ipsum A, qui factus est ex D, in se, primi sunt B, & C, simul compositi.

27. septimi POSTREMO quia, ut prius, uterque D, & E, simul ad quemlibet ipsorum D, E, primus est ad compositum ex D, E ;

26. septimi erit quoque qui fit ex D, in E, ad compositum ex D, E, primus ; Ac proinde & idem qui fit ex D, in E, ad eum qui fit ex D, E,

ex D, E, tanquā uno, in se, primus erit. Qui autem fit ex D, E, tanquā uno, in se, æqualis est, per 4. theorema antecedentis scholij, eis qui fiunt ex D, & E, in se ipsos, una cum eo qui ex D, in E, bis: Item & factus ex D, in E, primus erit ad eos, qui fiunt ex D, & E, in se ipsos, & ex D, in E, bis.

A, 9. C, 16.

B, 12.

D, 3. E, 4.

Quoniam ergo duo numeri simul, nempe compositus ex ijs, qui fiunt ex D, & E, in se ipsos, & ex eo, qui fit ex D, in E, atque is qui fit ex D, in E, primi sunt ad aliquem ipsorum, ut ad eum, qui fit ex D, in E, ut ostensum est; Erunt etiam duo illi, nimirum compositus ex ijs, qui fiunt ex D, & E, in se ipsos, & ex eo, qui fit ex D, in E; atque is, qui fit ex D, in E, inter se primi. Rursus quia duo numeri simul, videlicet compositus ex ijs, qui fiunt ex D, & E, in se ipsos, atque is, qui fit ex D, in E, ad aliquem ipsorum; ut ad eum, qui fit ex D, in E, primi sunt, ut ostensum est; erunt etiam duo illi, nimirum compositus ex ijs, qui fiunt ex D, & E, in se ipsos; atque is, qui fit ex D, in E, inter se primi. Cum igitur ex D, & E, in se ipsos fiant A, & C; Item ex D, in E, fiat B; erunt A, & C, simul compositi, primi ad B. Quam ob rem, si tres numeri deinceps proportionales, &c. Quod erat ostendendum.

30. septimi

30. septimi

SCHOLIUM.

CAMPANVS hoc theorema aliter demonstrat de quocunque numeris continue proportionalibus minimis, hoc modo ipsum proponens.

Si quotcunque numeri deinceps proportionales, fuerint minimi omnium eandē cum ipsis rationem habentium: Ad quemlibet eorum reliqui omnes simul compositi, erunt primi.

SINT continue proportionales minimi quotcunque numeri A, B, C, D. Dico ad quemlibet eorum reliquos omnes simul compositos, esse primos; Videlicet A, B, C, simul ad D; & A, B, D, simul ad C; & A, C, D, simul ad B; & B, C, D, simul ad A.

ad *A*. Si enim *A*, *B*, *C*, simul non sunt primi ad *D*, erunt *A*, *B*, *C*, *fin* ul, atque *D*, compositi inter se; atque adeo eos aliquis numerus communis mensura metietur. Metietur eos numerus *E*, si fieri possit, sumanturque *E* & *G*, duo mini

mi in ratione *A*, *B*, *C*, *D*, numerorum. Quoniam ergo *A*, *B*, *C*, *D*, continue proportionales sunt, & minimi; metitur autem *E*, aliquem eorum nempe *D*; erit *E*, compositus ad alterum ipsorum *F*, *G*, ex scholio propos. 14. huius lib. Atque idcirco ipsum *E*, & alterum ipsorum *F*, *G*, aliquis numerus metietur: Metietur eos *H*. Itaque cum *H*, metietur *E*; & *E*, ponatur metiri compositum ex *A*, *B*, *C*, & ipsum *D*; metietur quoque *H*, eundem

11. pron.

11. pron.

10. pron.

12. pron.

3 octavi

quoque alterum ipsorum *F*, *G*; & tam *F*, quam *G*, medios numeros *B*, *C*, metietur ex coroll. 3. propos. 2. lib. 8. metietur quoque *H*, medios *B*, *C*; ac propterea, & compositum ex *B*, *C*. Itaque cum *H*, metietur totum compositum ex *A*, *B*, *C*, & detractum compositum ex *B*, *C*, ut demonstravimus; metietur quoque idem *H*, reliquum *A*: Metiebatur autem & ipsum *D*. Sunt ergo *A*, *D*, extremi minimorum *A*, *B*, *C*, *D*, inter se compositi. Sed & primi inter se sunt. Quod fieri non potest, Non igitur compositi inter se sunt, compositus ex *A*, *B*, *C*, & numerus *D*, ergo inter se primi.

R V R V S, si *A*, *B*, *D*, simul compositi non sunt primi ad *C*; metietur eos, ut prius, aliquis numerus. Metietur eos *E*, qui rursus ex scholio propos. 14. huius lib. compositus erit ad alterum ipsorum *F*, *G*. Metietur ergo *H*, ipsum *E*, & alterum ipsorum *F*, *G*. Itaque cum *H*, metietur *E*; & *E*, compositum ex *A*, *B*, *D*; metietur etiam *H*, eundem compositum ex

11. pron.

11. pron.

12. pron.

11. pron.

12. pron.

3 octavi

A, *B*, *D*. Quia vero *H*, metitur alterum ipsorum *F*, *G*, qui metiuntur, per coroll. 3. propos. 2. lib. 8. medios *B*, *C*; metietur quoque *H*, ipsos *B*, *C*. Itaque cum *H*, metietur totum compositum ex *A*, *B*, *D*, & detractum *B*; metietur quoque *H*, compositum ex *A*, *D*, reliquum. Et quia *H*, metitur alterum ipsorum *F*, *G*, quorum *F*, ipsum *A*, & *G*, ipsum *D*, metitur, ut constat ex demonstratione propos. 2. lib. 8. metietur etiam *H*, alterum ipsorum *A*, *D*. Igitur & reliquum. Sunt ergo *A*, *D*, extremi inter se compositi. Sed & primi inter se sunt. Quod fieri non potest. Non igitur *A*, *B*, *D*, simul compositi, ad *C*, compositi

positi sunt . ergo primi . Quod est propositum .
 NON aliter ostendemus & A, C, D, compositos, esse ad
 B, primos ; nec non, & B, C, D, simul ad A .

THEOR. 16. PROPOS. 16.

17.

SI duo numeri, primi inter se fuerint :
 Non erit ut primus ad secundum, ita secundus
 ad alium quempiam .

S I N T primi inter se A, & B. Dico non esse ut A, ad B,
 ita B, ad alium numerum . si enim fieri potest, sic ut A, ad
 B, ita B, ad alium, nempe ad C. Quo-
 niam igitur A, & B, primi sunt inter se, A
 atq; adeo in sua proportione minimi ; B
 ipsi aequae metientur numeros B, & C, C
 in eadem ratione existentes, nimirum
 A, ipsum B, & B, ipsum C. Metitur autem & A, se ipsum :
 Igitur A, metitur ipsos A, B, primos inter se existetes. Quod
 est absurdum . Non ergo est ut A, ad B, ita B, ad alium nu-
 merum C. Eademque ratione non erit, ut B, ad A, ita A, ad
 alium . Quare si duo numeri, primi inter se fuerint, &c.
 Quod demonstrandum erat .

23. septimi
 21. septimi

THEOR. 17. PROPOS. 17.

18.

SI fuerint quotcunque numeri deinceps
 proportionales, extremi autem ipsoꝝ pri-
 mi inter se sint : Non erit ut primus ad se-
 cundum, ita ultimus ad alium quempiam .

S I N T continue proportionales quotcunque numeri A,
 B, C, D, quorum extre-
 mi A, D, inter se primi A, 8. B, 12. C, 18. D, 27. E
 sint. Dico non esse, ut
 A, ad B, ita D, ad alium numerum . Si enim fieri potest, sit
 si ut

ut A, ad B, ita D, ad alium, uidelicet ad E. Erit igitur permutando ut A, ad D, ita B, ad E: Sunt autem A, D, cum sine
 23. *seprimi* inter se primi, minimi
 A, 8. B, 12. C, 18. D, 27 E ---- sua proportione. Igitur
 21. *seprimi* æque metientur ipsos B,
 & E; nempe A, ipsum B, & D, ipsum E. Atqui est ut A, ad
 B, ita B, ad C: Ergo cū A, metiatur ipsum B; & B, ipsum C,
 11. *pron.* metietur atq; ob id & A, ipsum C, metietur. Et quia est ut B,
 ad C, ita C, ad D; metitur autem B, ipsum C; metietur &
 11. *pron.* C, ipsum D. Quare A, metiens ipsum C, metietur quo-
 que ipsum D. Metitur uero & A, se ipsum. Igitur A, me-
 titur ipsos A, D, inter se primos existentes. Quod est ab-
 surdum: Non ergo est ut A, ad B, ita D, ad alium numerū
 E. Eodem quoque argumento non erit ut D, ad C, ita A,
 ad alium. Quocirca si fuerint quotcunque numeri dein-
 ceps proportionales, &c. Quod erat ostendendum.

19. PROBL. I. PROPOS. 18.

D V O B V S numeris datis, considera-
 re an possit ipsis tertius proportionalis in-
 ueniri.

D A T I duo numeri sint A, & B, oporteatque conside-
 rare, an inueniri possit tertius ipsis proportionalis, hoc est,
 an sit B, ad alium quempiam numerū, ut
 A, 4. B, 7. A, ad B. Aut igitur A, B, primi inter se
 sunt, aut non. Si sunt inter se primi;
 16. *noni* perspicuum est ex demonstratis, non posse ipsis reperiri ter-
 tium proportionalem. Si uero non sunt A, & B, inter se
 primi; multiplicans B, se ipsum faciat C. Aut igitur A, me-
 titur ipsum C, aut non. Me-
 A, 4. B, 6. D, 9. C, 36. titur primum A, ipsum C,
 per D. Dico ipsis A, B, inueni-
 ri posse tertium proportionalem, immo ipsum D, esse tertium
 proportionalem. Cum enim A, metiatur C, per D; fiet C,
 9. *pron.* ex A, in D: Fit autem ex constructione, idem C, ex B, in
 se ipsum. Igitur, qui continetur sub extremis A, D, æqua-
 lis

lis est ei, qui ex medio B, describitur; Ac proinde erit ut A, ad B, ita B, ad D. Quare D, inuentus est tertius proportionalis ipsis A, B. 20. septimi

SE D non metiatur A, ipsum C. Dico ipsis A, B, non posse reperiri tertium proportionalem. Si enim inueniri potest, inuentus sit D; ita ut sit A, ad B, quemadmodum A, 6. B, 4. D --- C, 16. B, ad D. Quoniam igitur est, ut A, ad B, ita B, ad D; erit numerus contentus sub extremis A, D, æqualis ei, qui fit ex B, medio in se ipsum, hoc est, ipsi C. Quare cum C, fiat ex A, in D; metietur A, ipsum C, per D: sed & non metiri ponitur. Quod est absurdum. Non igitur inueniri potest ipsis A, B, tertius proportionalis, quando A, primus non metitur C; productum ex B, secundo in se ipsum. Eadem uia considerabimus, an ipsis B, & A, inueniri possit alius tertius numerus, ad quem ita sit A, ut B, ad A. Duobus ergo numeris datis considerauimus, &c. Quod faciendum erat. 20. septimi
7. pron.

PROBL. 2. PROPOS. 19. 20.

TRIBVS numeris datis, considerare, an possit ipsis quartus proportionalis inueniri.

SINT dati tres numeri A, B, C, siue deinceps proportionales, siue non; oporteatque considerare, an possit reperiri quartus ipsis proportionalis, hoc est, an sit C, ad aliquem alium numerum, ut A, ad B. Multiplicans B, ipsum C, faciat D. Aut A, 8. B, 12. C, 18. E, 27. D, 216. A, 4. B, 8. C, 9. E, 18. D, 72. Igitur A, ipsum D, metitur, aut non. Metiatur primum A, ipsum D, per E. Dico ipsis A, B, C, inueniri posse quartum proportionalem, immo ipsum E, esse quartum proportionalem. Cum enim A, metiatur D, per E; fiet D, ex A, in E: Fit autem idem D, ex B, in C, per constructionem. Igitur qui sub extremis A, E, continetur, æqualis est ei, qui sub B, C, secundo, & tertio. 9. pron.

19. septimi: tio continetur; Ac propterea erit ut A, ad B, ita C, ad E. Quare inuentus est E, ipsis A, B, C, quartus proportionalis. S E D iam non metiatur A, ipsum D. Dico ipsis A, B, C, non posse inueniri quartum proportionale. Sit enim, si fieri potest, inuentus quartus pportionalis E; ita ut sit quemadmodum A, ad B, ita C, ad E. Quia ergo quatuor numeri A, B, C, E, proportionales sunt; eorum numerus contentus sub extremis A, E, æqualis ei, qui ex B, secundo fit in C, tertium, hoc est, ipsi D. Quare cum D, fiat ex A, in E; metietur A, ipsum D, per E: sed & ponitur non metiri. Quod est absurdum. Non igitur inueniri potest ipsis A, B, C, quartus proportionalis, quando A, primus non metitur D, productum ex B, secundo in C, tertium. Eadem methodo considerabimus, an ipsis C, B, A, inueniri possit aliquis quartus, ad quem ita se habeat A, ut C, ad B. Quocirca tribus numeris datis considerauimus, an possit, &c. Quod erat faciendum.

19. septimi

7. pron.

SCHOLION.

EX his facile cognoscemus, præpositis quotcunque numeris continue proportionalibus, an possit ipsis alius proportionalis adiungi. Sumptis enim tribus ultimis, si ipsis alius potest inueniri, ille idem erit omnibus illis proportionalis.

THEON, & qui illum sequuntur, quatuor membris hoc problema absolunt. Aut enim (aiunt) tres dati numeri & deinceps proportionales sunt, & eorum extremi inter se primi; Aut non deinceps quidem proportionales, sed eorum extremi primi inter se; Aut deinceps quidem proportionales, sed eorum extremi non primi inter se; Aut denique nec deinceps proportionales, nec eorum extremi inter se primi. Vbi mirari satis non possum, quo nam modo diligentissimi Euclidis interpres, & in alijs quidem demonstrationibus uigilantissimi, in secundo membro huius problematis demonstrando dormitarint, & quasi sui oblitri, ac de diligentia remittentes, in errorem, eumque non leuem, incurrerint. Dicunt enim, si tres numeri dati non sint deinceps proportionales, sed eorum extremi inter se primi,

non

non posse ipsi quartum proportionalem inueniri. Quod quidem & falsum est, & demonstratio, qua id ipsum comprobare nituntur, vitiosa. Nam falsitas huius rei perspicue in his numeris non continue proportionalibus apparet 4. 8. 9. quorum extremi 4. 9. sunt inter se primi, & nihilominus eis adiungi potest quartus proportionalis 18. Quis enim non videt, esse ut 4. ad 8. ita 9. ad 18. cum utrobique proportio sit subdupla? Idem videri potest in exemplis alijs infinitis, ut hic 2. 4. 7. 14. Item 3. 9. 4. 12. Item 2. 10. 3. 15. Item 5. 10. 6. 12. &c. In omnibus enim his numeris extremi trium sunt inter se primi, cum tamen ipsis adiungatur posterior quartus proportionalis. Falsum ergo est, illis dari non posse quartum proportionalem. Quod autem vitiosa sit eorum demonstratio, qua hoc probare contendunt, perspicuum fiet, si demonstrationem ipsam in medium proferamus. Ita igitur ratiocinantur.

SINT trium numerorum A, B, C, non deinceps proportionalium, extremi A, C, inter se primi. Dico ipsis inueniri aullo modo posse quartum proportionalem. Si enim potest inueniri, A, 3. B, 6. C, 8. D, 16. E --- fit ille D, ita ut sit quemadmodum A, ad B, ita C, ad D; & ut B, ad C, ita fiat D, ad E. Erig igitur ex æquo, ut A, ad C, ita C, ad E: sed sunt A, C, inter se primi, & ob id minimi. Igitur metuentur æque ipsos C, E, nimirum A, ipsum C, & C, ipsum E. At uero & A, se ipsum inuenitur. Ergo A, metitur duos A, C, primos inter se existentes. Quod fieri non potest. Ipsi igitur A, B, C, quartus proportionalis inueniri nequit.

23. & 12.
septimi

HÆC est eorum demonstratio, in qua assumunt esse ut B, ad C, ita D, ad alium quendam numerum, uidelicet ad E; quod quidem fieri posse nusquam demonstrarunt: Immo hoc ipsum vertitur in dubium in hoc problemate. Non enim minus hic inquiritur, an tribus numeris B, C, D, quartus proportionalis possit inueniri, quam tribus A, B, C; cum non magis hoc constet in illis, quam in his. Quapropter cum ibi id pro concesso assumant, ut hic idem fieri non posse, ostendant; liquido constat, eos petere principium (ut cum dialecticis loquamur) in demonstrando. Quin etiam, quotiescunque quatuor numeri dantur proportionales, sed non deinceps, quorum primus, & tertius, primi inter se sunt, quales ponuntur esse A, B, C, D; nulla ratione fieri potest, ut detur alius, ad quem ita se habeat quartus,

Sf 3 ficus

sicut secundus ad tertium : quod tamen ipsi tanquã concessum, atque probatum assumunt; quandoquidem sine probatione illa exigunt, ut detur illis numerus E, ad quem ita se habeat quartus D, ut B, secundus ad C, tertium. Hoc vero non posse fieri, facile demonstrabimus eodem argumento, quo ipsi utuntur.

S I N T enim quatuor numeri A, B, C, D, proportionales, nõ tamen deinceps; sicut que A, & C, primus, & tertius, inter se primi. Dico fieri non posse, ut sit D, ad alium numerum, quemadmodum B, ad C.

Sit enim, se potest fieri, ut B, ad C, ita D, ad E. Est ergo ex aequo, ut A, ad C, ita C, ad E; Atque adeo ut ipsi ostenderunt, metietur A, duos A, & C, primos inter se. Quod est absurdum.

Non ergo fieri potest, ut D, ad E, sit, quemadmodum B, ad C. Quare apertissime falsum in demonstratione secundi membri assumpserunt Theon, & alij Euclidis interpretes, qui Theonem sequuntur.

PRIMUM vero membrum perspicue & aperte ostendunt. Nam si tres numeri deinceps proportionales sunt, & eorum extremi inter se primi; manifestum est, ex demonstratione, non posse ipsis quartum proportionalem inueniri. Postrema tandem duo membra expediunt non aliter; ac nos totum problema absoluiimus.

17. noni.

21.

THEOR. 18. PROPOS. 20.

PRIMI numeri plures sunt, omni proposita multitudine primorum numerorũ.

S I N T propositi primi numeri quotcumque A, B, C. Dico ipsi A, B, C, plures esse primos numeros. Sumpto enim numero D E, minimo, quem A, B, C, metiantur; apponatur etiam vnitas E F. Aut ergo totus D F, primus est, aut non primus. Sit primum primus. Sunt ergo primi numeri A, B, C, & D F, plures proposita multitudine A, B, C.

38. septimi

A, 2. B, 3. C, 5.

D ----- E . F

S E D iam non sit primus D F. Metietur ergo eum aliquis

quis numerus primus, nempe G. Dico G, primum nulli
 ipforum A, B, C, eundem esse. Si namque G, sit idem, qui
 unus ipforum A, B, C; metian-
 tur autem A, B, C, ipsum D E; A, 3. B, 5. C, 7.
 & G, eundē D E, metietur. Qua 105
 re G, metiens totum D F, & de- D-----E. F
 tractum D E, metietur quoque 53
 E F, reliquum, numerus unitatē. G-----
 Quod est absurdum. Ergo G,
 primus non est idem, qui unus ipforum A, B, C; Ac pro-
 inde inuenti sunt primi numeri A, B, C, G, plures propo-
 sita multitudine primorum numerorum A, B, C. Eademq,
 uia plures inuenientur quam A, B, C, G, si sumatur mini-
 mus, quem ipsi metiantur, &c. Quocirca primi numeri plu-
 res sunt, &c. Quod demonstrandum erat.

SCHOLION.

POTERAT idem hoc theorema instar problematis hoc modo proponi.

PRIMIS numeris quotcunque propo-
 sitis, inuenire alium primum numerum ab il-
 lis diuersum.

NAM si primi quotcunque propo-
 sitis sint A, B, C, inuenie-
 mus eodem modo alium primum ab illis diuersum, nempe D E,
 si primus est, uel certe G. Atque eodem modo quatuor primis
 alium quintū, & quinque primis alium sextum inueniemus; &
 sic deinceps primos numeros, quotcunq; quis uolet, inueniemus.

THEOR. 19. PROPOS. 21.

22.

SI pares numeri quotcunque componā-
 tur: totus par erit.

COMPONENTUR quotcunque pares numeri A B,
 B C, C D. Dico & totum cōpositum A D, parem esse. Cū
 Si 4 enim

enim AB, BC, CD, sint pares, habebunt singuli singulas partes dimidias, ex definitione. Sit ergo E, dimidia pars ipsius

A B; & F, ipsius BC; & G, ipsius CD. Quoniam igitur est ut A, B, C, ad E, ita B, C, ad F; & C, D, ad G; (quod semper sit proportio dupla.) erit quoque ut A, B, ad E, ita A, D, ad E, F, G, simul: Est autem AB, ipse E, duplus. Igitur & totus AD, compositus ex E, F, G, duplus erit; Ac propterea AD, dimidiam partem habens numerum ex E, F, G, compositum par erit, ex definitione. Si igitur pares numeri quocunque, &c. Quod erat demonstrandum.

12. septimi

23.

THEOR. 20. PROPOS. 22.

SI impares numeri quocunque componantur, multitudo autem ipsorum sit par: Totus par erit.

COMPONENTUR quocunque numeri impares, quotum multitudo par AB, BC, CD, DE: Dico & totum compositum A E, parem esse. Cum enim A B, B C, C D, D E, sint impares;

A... B... C... D... E differet quilibet unitate a pari, ex definitione. Quare detracta ab unoquoque unitate, quilibet reliquorum par erit. Quare, & compositus ex ipsis par erit. Est autem & multitudo unitatum detractarum par: Igitur & totus A E, compositus, par erit. Si igitur impares numeri quocunque, &c. Quod erat ostendendum.

21. noni.

21. noni.

24.

THEOR. 21. PROPOS. 23.

SI impares numeri quocunque componantur, multitudo autem ipsorum sit impar: & totus impar erit.

Q V O T

QVOTCVNQVE numeri impares, quorum multitudine impar est, A B, B C, C D, componantur. Dico & totū AD, compositum, imparem esse. Cum enim impar numerus differat unitate a pari, ex definitione; $A \dots B \dots C \dots E \dots D$ ablata unitate ED, ab impari CD; erit reliquus CE, par: Est autem & AC, compositus ex imparibus A B, B C, multitudine paribus, par. Igitur & AE, compositus ex paribus AC, CE, par erit. Quare addita unitate ED, totus AD, impar erit, cum impar a pari differat unitate, ex definitione. Si igitur impares numeri quocunque, &c. Quod ostendendum erat.

22. noni.
21. noni.

THEOR. 22. PROPOS. 24.

25.

SI a pari numero par detrahatur: Et reliquus par erit.

EX pari numero AB, detrahatur par CB. Dico & reliquum AC, parem esse. Aut enim CB, par detractus dimidia pars est ipsius AB, aut maior quā dimidia pars, uel minor. $A \dots C \dots B$ Sit primum dimidia pars. Cum igitur ipsi CB, pari æqualis sit AC, reliqua pars dimidia; erit & AC, numerus par.

SEDIAM CB, par detractus maior sit, uel minor, dimidia parte ipsius AB. Quoniam igitur AB, CB, pares numeri, dimidias partes habent, ex definitione; sit DB, dimidia pars ipsius AB; & EB, dimidia ipsius CB. Itaque cum sit ut AB, ad DB, $A \dots C \dots D \dots E \dots B$ $A \dots D \dots C \dots E \dots B$ dimidium, ita CB, ad EB, dimidium; erit permutando ut AB, ad CB, ita DB, ad EB; & diuidendo ut AC, ad CB, ita DE, ad EB; Rursusque permutando, ut AC, ad DE, ita CB, ad EB. Atqui CB, ipsius EB, duplus est: Igitur & AC, ipsius DE, duplus erit; Ac propterea AC, cum bifariam diuidatur, (quod DE, sit eius pars dimidia) par erit. Si ergo a pari numero par detraha-

trahatur, &c. Quod erat ostendendum.

26. THEOR. 23. PROPOS. 25.

SI a pari numero impar detrahatur : Et reliquus impar erit.

Ex pari numero A B, impar detrahatur C B. Dico & reliquum A C, imparem esse. Detracta enim unitate C D, ex C B, reliquus fit numerus D B, par. Quia igitur & totus A B, ponitur par; erit &

24. noni. reliquus A D, par. Dempta ergo unitate C D, reliquus A C, impar erit. Si igitur a pari numero impar detrahatur, &c. Quod demonstrandum erat.

27. THEOR. 24. PROPOS. 26.

SI ab impari numero impar detrahatur : Reliquus par erit.

Ex impari numero A B, impar detrahatur C B. Dico reliquum A C, parem esse. Detracta enim D B, unitate ex imparibus A B, C B; erunt reliqui A D, C D, pares. Quia ergo ex pari A D, par auferetur C D; erit & reliquus A C, par. Quare si ab impari numero impar detrahatur, &c. Quod erat demonstrandum.

24. noni.

28. THEOR. 25. PROPOS. 27.

SI ab impari numero par detrahatur : Reliquus impar erit.

Ex impari A B, detrahatur par C B. Dico reliquum A C, imparem esse. Detracta enim A D, unitate ex imparibus A B;

A B;

A B; erit reliquus D B, par: Ex quo cum detrahatur C B,
 par; reliquus D C; par
 quoque erit; Ac proinde A . D C B
 addita unitate A D, fiet
 A C, impar. Si ergo ab impari numero par detrahatur, &c.
 Quod demonstrandum erat.

24. noni.

THEOR. 26. PROPOS. 28.

29.

SI impar numerus parem multiplicans
 fecerit aliquem: Factus par erit.

FIAT ex A, impari in B, parem numerus C. Dico C,
 parem esse. Cum enim C, fiat ex A, in B; componetur C,
 ex tot numeris ipsi B, æqualibus, quot in A, sunt unitates. Quare cum B, sit par, A . . . B . . .
 componetur C, ex tot paribus ipsi B, æqua- C
 libus, quot sunt unitates in A; Atq; adeo
 par erit. Si ergo impar numerus parem multiplicans; &c.
 Quod ostendendum erat.

27. noni.

SCHOLION.

EADDEM demonstratione ostendemus & hoc.

SI par numerus parem multiplicans fece-
 rit aliquem; Factus par erit.

NAM rursus C, compo-
 netur ex tot paribus ipsi B,
 æqualibus, quot in A, conti-
 nentur unitates, &c.

A B
 C

THEOR. 27. PROPOS. 29.

30.

SI impar numerus imparē numerū mul-
 tiplicans fecerit aliquē. Factus impar erit.

Ex

Ex impari A, in imparē B, fiat C. Dico C, imparem esse. Cum enim C, fiat ex A, in B; componetur C, ex totius metis ipsi B, æqualibus, quorū sunt unitates in A. Quare cum tam A... B..... A, quam B, sit impar; componetur C, ex imparibus ipsis B, æqualibus, quorum multitudo impar est, nempe æqualis multitudini unitatum, quæ in A, impari continentur. Igitur C, impar erit. Quocirca si impar numerus imparem numerū multiplicans, &c. Quod erat ostendendum.

23. noni.

EX CAMPANO.

31.

NUMERVS impar numerum parem metiens, per numerum parem eum metitur.

29. noni.

METIATUR impar A, parem B, per C. Dico C, parem esse. Nam si impar sit; erit B, factus ex A, impari in C, imparem impar. Quod est absurdum, cū ponatur par. Est ergo C, par.

32.

NUMERVS impar numerum imparem metiens, per numerum imparem eum metitur.

28. noni.

METIATUR impar A, imparem B, per C. Dico C, imparē esse. Si enim sit par; erit B, factus ex A, impari in C, parē par. Quod est absurdum, cum impar ponatur. Est ergo C, impar.

33.

THEOR. 28. PROPOS. 30.

SI impar numerus parem numerū metiatur; & illius dimidium metietur.

METIATUR impar A, parem B. Dico A, dimidiū quoque ipsius B, metiri. Metiatur A, ipsum B, per C. Erit ergo, ex ijs, quæ in antecedente propos. ex Campano demonstrata.

monstrauimus, numerus C, par; Atque adeo dimidiam partem habebit. Itaque cum A metiatur B, per C; metietur quoque C, ipsum B, per A; Ac proinde C, pars erit ipsius B, denominata ab A, ut ad 3. definitionem lib. 7. docuimus. Quoniam uero est ut C, ad dimidium sui, ita B, ad dimidium sui; & permutando ut C, ad B, ita dimidia pars ipsius C, ad dimidiam partem ipsius B: Est autem C, pars ipsius B, denominata ab A, ut ostensum est; erit & dimidiū ipsius C, dimidij ipsius B, pars ab eodē A, denominata; Ac propterea A, dimidium ipsius B, metietur. Si impar ergo numerus parem, numerum metiatur, &c. Quod erat ostendendum.

8. pron.
40. septimo
34.

THEOR. 29. PROPOS. 31.

SI impar numerus ad aliquem numerum primus sit: & ad illius duplum primus erit.

IMPAR numerus A, primus sit ad numerum B, cuius duplus sit C. Dico A, ad C, quoque primum esse. Si enim A, C, non sunt inter se primi, metietur eos aliquis numerus, qui sit D; qui necessario impar erit; Nam si sit par, cū A, B, metiatur imparem A; erit C, factus ex D, pari in eum numerum, per quem metitur, par. Quod est absurdum. ponitur enim A, impar. Quare D, impar est. Quia igitur D, impar parem C, metitur; (est enim C, par, cum dimidiū habeat B,) metietur quoque numerum B, eius dimidiū. Metitur autem & A: Igitur D, ipsos A, B, primos inter se existentes metitur. Quod est absurdum. Non igitur A, ad C, primus non est: Ergo primus.

28. noni.
30. noni.

Quapropter si impar numerus ad aliquē numerū primus sit, &c. Quod erat ostēdendum.

THEOR.

35.

THEOR. 30. PROPOS. 32.

NUMERORVM a binario duplorum unusquisque pariter par est tantum.

NUMERI a binario A, dupli quotecunque sint B, C, D, E. Dico B, C, D, E, esse pariter pares tantum. Quod enim sint pariter pares, perspicuum est: Nam exposita unitate,

Unitas. A, 2. B, 4. C, 8. D, 16. E, 32. cum A, sit binarius, & B, C, D, E, a binario duplijerunt A, B, C, D, E, ab unitate deinceps proportionales, ni

11. noni.

mirum in proportione dupla. Quare A, quemlibet ipsorum B, C, D, E, & quilibet minor maiorem sequentem metietur per aliquem ipsorum A, B, C, D, E; qui cum omnes sint pares, utpote dupli a binario; metietur quemlibet ipsorum B, C, D, E, par numerus per numerum parem; Ac propterea quilibet pariter par erit, ex definitione.

13. noni.

Quod autem iidem numeri sint pariter pares tantum, liquido etiam constat. Cum enim A, B, C, D, E, sint ab unitate continue proportionales, sitque A; proximus unitati numerus primus; nempe binarius; nullus alius quemlibet ipsorum metietur, præter ipsos A, B, C, D, E; qui cum sint omnes pares; metietur quemlibet ipsorum par numerus per parem numerum tantum: Ac propterea quilibet pariter par est tantum. Numerorum igitur a binario duplorum, &c. Quod demonstrandum erat.

SCHOLIUM

HINC cum Arithmericis facile colligimus artem, qua omnes numeros inueniamus, qui sint pariter pares tantum. Sint

A, 4. B, 8. C, 16. D, 32. E, 64. F, 128. n. A, B, C, D, E, F, a binario dupli, qui

ex hic demonstratis omnes sunt pariter pares tantum. Dico nullum alium esse pariter parem tantum, præter eos, qui in hoc ordine continentur;

nentur; Atque adeo si ordo numerorum a binario duplorum infinite augetur, omnes numeros pariter pares tantum inueniri, nullo relicto. Si enim fieri potest, sit alius numerus G, extra ordinem numerorum a binario duplorum, pariter par tantum, cuius pars dimidia sit H. Erit igitur H, numerus par: (Nam si est impar, cum sit ipse G, pars dimidia; metietur binarius, numerus par, ipsum G, per H, numerum imparem; Atque adeo G, pariter impar erit. Quod est absurdum: ponitur namque pariter par tantum) cuius rursus dimidia pars sit I. Erit igitur rursus I, par numerus: (Nam si est impar, cum sit ipse G, pars quarta; metietur numerus par 4. ipsum G, per I, numerum imparem; Atque ob id G, pariter impar erit; Quod est absurdum. ponitur enim pariter par tantum.) Atque ita deinceps erit semper dimidia partis dimidia pars numerus par, donec ad unitatem veniamus. Sit ergo iam ipse I, dimidia pars unitas, ita ut sit I, binarius. Igitur H, G, sunt a binario I, dupli; Ac proinde G, erit aliquis ex ordine ipsorum A, B, C, D, E, F. ponitur autem, non esse. Quod est absurdum. Nullus ergo alius pariter par est tantum, præter eos, qui a binario sunt dupli.

THEOR. 31. PROPOS. 33.

36.

SI numerus dimidium habeat imparem: Pariter impar est tantum.

HABEAT numerus A, dimidiam partem numerum imparem. Dico A, esse pariter imparem tantum. Quod enim sit pariter impar, ita perspicuum fiet. Quoniam A, dimidium habet imparem; metietur binarius, numerus par ipsum A, per illum dimidium imparem. Quare A, ex definitione, pariter impar est. Quod autem idem A, sit pariter impar tantum, hoc modo demonstrabimus. Sit B, dimidia pars ipsius A; & C, binarius. Si igitur A, non est pariter impar tantum; ipse erit quoque pariter par. Quare eum metietur aliquis par numerus per partem numerum. Metiatur eum D, par per partem

rem

9. *pron.* rem E. Igitur fit A, ex D, in E: sed idem A, fit ex C, binario in B, eius dimidium. Ergo numerus factus ex C, primo in B; quartum æqualis est ei, qui fit ex D, secundo in E, tertium, Ac propterea erit ut C, ad D, ita D ----- E ----- E, ad B. Metitur autem C, binarius parem D. Igitur & E, ipsius B, metietur, par impari. Quod est absurdum. Non est ergo A, pariter par. Ergo pariter impar tantum. Quocirca si numerus dimidium habeat impari, &c. Quod demonstrandum erat.

19. *septimi*

SCHOLIUM.

ITAQUE si omnium numerorum imparium dupli sumantur, inveniuntur omnes numeri, qui sunt pariter impares tantum. Quod enim quilibet illorum fit pariter impar tantum, constat ex hac propositione; quippe cum quilibet dimidium habeat impari. Quod autem illi soli sint pariter impares tantum, perspicuum erit ex sequenti theoremate, in quo demonstratur, omnes pares, qui nec a binario sunt dupli, neque dimidios habent impares, esse pariter pares, & pariter impares. Cum ergo nullus alius par habeat dimidium impari, præter duplos imparium numerorum; manifestum est, nullum alium, præter ipsos, esse pariter impari tantum; sed vel esse pariter parem tantum, vel certe pariter parem & pariter impari.

37.

THE OR. 32. PROPOS. 34.

SI par numerus neque a binario duplus fit, neque dimidium habeat impari: Pariter par est, & pariter impar.

PAR numerus A, neque sit à binario duplus, neque dimidium habeat impari, sed par. Dico A, & pariter parum esse, & pariter impari. Quod enim sit pariter parum, & pariter impari, cum dimidium habeat A.....

pariter parum, metietur cum binarius, par numerus, per pariter, nempe per dimidium. Igitur ex definitione, pariter par est.

Quo autem idem A, sit etiam pariter impar, ita ostendimus. Dico A, bifariam, & eius dimidio rursus bifariam, & ita deinceps; tandem incidemus in aliquem impari. Nā si in binarium incidemus, esset A, a binario duplus, ponitur autem & non duplus. Quod est absurdum. Igitur cum in impari incidamus, metietur ille impar ipsum A, per numerum pariter. Alias si per impari metiretur, cum impar impari multiplicans faciat impari; esset A, factus ex illo impari in hunc impari, impar. Quod est absurdum. ponitur enim par. Quare cum impar metiatur A, per pariter, atque adeo vicissim par per impari; erit ex definitione A, pariter impar. Fuit autem & pariter par. Igitur est & pariter par, & pariter impar. Si par ergo numerus, neque a binario duplus sit, &c. Quod ostendendum erat.

29. noni.

... ex dictis inveniemus omnes numeros, qui & pariter pares sint, & pariter impares. Relictis enim omnibus illis, quia binaria sunt dupli, & omnibus, qui dimidios habent impares; erunt ex hac propos. omnes alij pares & pariter paros, & pariter impares.

... proximiis tribus, theorematibus aperte intelliguntur ea, qua in definitionem 9. lib. 7. scripsimus.

10. 11. 12.

THEOR. 33. PROPOS. 35.

38.

SI sint quotcunque numeri deinceps proportionales, detrahantur autem a secundo,

T, do,

quus secundi ad primum, ita reliquus ultimi ad alium: Eris hic alius summa omnium numerorum proportionalium, qui ultimum antecedunt.

Si igitur adijciatur ultimus, habebitur tota

summa. Inuenietur autem quartus ille proportionalis, si primus multiplicetur in excessum ultimi, & productus diuidatur in excessum secundi. Id quod ex regula proportionum apud Arithmeticos manifestum est. Vt in exemplo apposito, si primus numerus, nimirum unitas, detrahatur ex 3. secundo, & ex 2187. ultimo; erunt reliqui excessus 2.2186. Quoniam igitur debet esse ut 2. ad 1. ita 2186. ad summam omnium, excepto ultimo; si 1. multiplicetur per 2186. fiet numerus 2186. qui si diuidatur in 2. exurget numerus 1093. Videlicet summa omnium, excluso ultimo 2187. qui si addatur summa inuenta 1093. procreabitur summa omnium 3280.

THEOR. 34. PROPOS. 36.

39.

SI ab unitate quotcunque numeri deinceps exponantur in dupla proportione, quoad totus compositus fiat primus; & totus hic in ultimum multiplicatus faciat alium: Factus erit perfectus.

SINT ab unitate quotcunque numeri A, B, C, D, dupli, quoad E, ex illis compositus sit primus; & E, multiplicans D, ultimum faciat F. Dico F, esse numerum perfectum.

Unitas . A, 2. B, 4. C, 8. D, 16.

E, 31. G, 62. H, 124. I, 248. F, 496.

K, 31. M, 31.

L, 31. N, 465.

O, P.

Quam. Quot enim sunt numeri A, B, C, D, tot sumantur ab E, dupli, nempe E, G, H, I. Quia igitur A, B, C, D, eandem

Tc 2 dem

19. septimi

7. pron.

dem rationem habent, quam E, G, H, I; erit ex æquo, ut A, ad D, ita E, ad I; Ac propterea numerus factus ex A, primo in I, quartum æqualis est facto ex D, secundo in E, tertium; Factus est autem F, ex D in E; igitur idem F, fiet ex A, in I, ideoque I, ipsum F, metietur per A, binarium; & ob hoc F,

Unitas . A, 2. B, 4. C, 8. D, 16.
E, 31. G, 62. H, 124. I, 248. F, 496
K, 31. M, 31. L, 31. N, 467.
O, P.

35. noni.

7. pron.

11. pron.

ipsum I, duplus erit. Quare E, G, H, I, F, deinceps dupli sunt: Detrahantur ex G, secundo, & ex F, ultimo numeri K, L, primo E, æquales, sintque reliqui excessus M, N. Erit igitur ut M, ad E, ita N, ad E, G, H, I, simul: Est autem M, æqualis ipsi E. (cum enim G, duplus sit ipsius E, ablatuque sit K, ipsi E, æqualis; erit & reliquus M, ipsi E, æqualis) Ergo & N, æqualis est ipsis E, G, H, I, simul. Additis igitur æqualibus, nempe numero L, (qui æqualis est ipsi E, ablatu) & numero composito ex unitate, & A, B, C, D, numeris; (qui compositus eidem E, est æqualis) erit compositus ex L, N, nimirum ipse F, æqualis unitati, & numeris A, B, C, D, E, G, H, I, simul. Quare cum unitas, & omnes numeri A, B, C, D, E, G, H, I, metiantur ipsum F; (cum enim F, factus sit ex E, in D, metietur D, ipsum F; atque adeo eundem F, metietur unitas, & numeri A, B, C, ipsum D, metientes. Rursus cum I, ipsum F, metiatur, ut ostensum est; metientur quoque eundem F, numeri E, G, H, ipsum I, propter proportionem duplam, metientes) & nullus alius numerus ipsum F, metiatur, ut mox ostendemus; Erunt unitas & numeri A, B, C, D, E, G, H, I, omnes partes, quas F, habere potest: Quibus cum æqualis ostensus sit ipse F; erit F, ex definitione, perfectus.

Q u o d autem nullus alius numerus, præter A, B, C, D, E, G, H, I, ipsum F, metiatur, ita demonstrabimus. Metiatur, si fieri potest, alius numerus O, præter illos, ipsum F, per P; atque adeo F, fiat ex O, in P: Sed & idem F, factus est ex E, in D. Idem ergo numerus sit ex E, primo in D, quartum, & ex P, secundo in O, tertium; ac propterea est

ut

ut E, ad P, ita O, ad D. Quoniam uero, cum A, B, C, D, ab unitate sint proportionales, & A, proximus unitati, primus; ultimum D, nullus alius, præter A, B, C, meretur: & O, ponitur non idem, qui aliquis ipsorum A, B, C; non meretur O, ipsum D. Ut autem O, ad D, ita erat E, ad P; Neque igitur E, ipsum P, meretur. Existente ergo E, primo, erunt E, & P, inter se primi; ideoque in sua proportionem minimi: Ac proinde æque meretur E, ipsum O, & P, ipsum D. Nullus uero alius præter A, B, C, ipsum D, meretur: Igitur P, idem erit, qui aliquis ipsorum A, B, C. Sit idem, qui B, & quot sunt B, C, D, tot ab E, sumantur dupli E, G, H. Erit igitur ex æquo, ut B, ad D, ita E, ad H; Ac proinde idem numerus fiet ex B, primo in H, quantum, qui ex D; secundo in E, tertium. Qui autem ex D, in E, æqualis fuit ei, qui ex P, in O. Idem ergo fiet ex P, in O, qui ex B, in H; atque adeo erit ut P, ad B, ita H, ad O. Erat autem P, idem qui B: Igitur & H, idem est, qui O. Quod est absurdum ponitur enim O, diuersus ab omnibus A, B, C, D, E, G, H, I. Non igitur alius numerus O, ipsum F, meretur, sed ipsum soli A, B, C, D, E, G, H, I, metiuntur. Quæ ob rem, si ab unitate quotcumque numeri deinceps exponantur in dupla proportione, &c. Quod erat demonstrandum.

SCHOLIUM.

Ex hoc theoremate elicitur modus inueniendi omnes numeros perfectos, & eorum partes aliquotas, quibus simul sumptis, iuxta definitionem numeri perfecti, ipsi æquales sunt. Si enim quotcumque numeri ab unitate dupli in unam summam colligantur, donec compositus sit numerus primus; Eris numerus factus ex illo primo in ultimum duplorum, perfectus. Quod si ab illo primo, qui ex illis duplis componitur, sumantur tot continue dupli (ipso primo etiam computato) quot sunt numeri illi dupli ab unitate; erunt hi numeri accepti, & illi ab unitate dupli, una cum ipsa unitate, omnes partes aliquota, quas perfectus numerus inuentus habere potest. Quæ omnia scripta sunt ex demonstratione theorematum, & facile ex subiectis exemplis percipi possunt. Ut quia numerus 3, compositus ex 1. 2. primus est; erit propterea numerus 6, qui fit ex 3 in 2.

ultim. 6

19. septimi
13. octauis
31. septimi
23. & 24. septimi
19. septimi
19. septimi

ultimum duplorum, perfectus, cuius partes aliquota sunt 1. 2. 3. Item, quia compositus ex his 1. 2. 4. nimirum 7. primus est: idcirco 18. factus ex 7. in 4. est perfectus habens has partes aliquotas 1. 2. 4. 7. 14. At vero quia compositus ex his 1. 2. 4. 8. hoc est, 15. non est primus; non erit 120. factus ex 15. in 8. perfectus.

DENIQUE quia compositus ex his 1. 2. 4. 8. 16. nimirum 31. primus est; erit 496. factus ex 31. in 16. numerus perfectus, cuius partes aliquota sunt 1. 2. 4. 8. 16. 31. 62. 124. 248. Eodem modo & reliquos perfectos numeros inueniemus.

FINIS ELEMENTI NONI.



ALEPH 2137207
05-14754

KAMM
X 02

FINIS ELEMENTARUM

Faint, illegible text, likely bleed-through from the reverse side of the page.

FINIS ELEMENTARUM



A-28 A-258 2T4 (2T4 blank)

A-268 299

2 vds collected & complete

Raymond 30.v.103

